

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

# 四庫全書存目叢書

集部  
第一六八冊





責任編輯：孫言誠 賀 偉

ISBN 7-5333-0615-5



2B26/06

## 四庫全書存目叢書·集部一六八

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 45.875 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

# 集部第一六八冊目次

## 集部·別集類

負芑堂詩選五卷文選四卷

〔明〕臧懋循撰  
北京大學圖書館藏明天啓元年刻本

..... 一

農丈人文集二十卷詩集八卷

〔明〕余寅撰  
首都圖書館藏明萬曆刻本

..... 一二五

楊道行集三十三卷(一)

〔明〕楊于庭撰  
原北平圖書館藏明萬曆刻本

..... 四九八



負苞堂詩選五卷文選四卷

〔明〕臧懋循撰

北京大學圖書館藏明天啓元年刻本

附《四庫全書總目·負苞堂稿  
九卷》提要

負苞堂詩選目

卷一

五古古詩

商山行

少年行簡董伯念

山行見孤桐

寄題杜弼武餐霞精舍

東征詩寄宋司馬

負苞堂詩選目

邵元讓新有所納爲賦姬人怨

七言古詩

秋風歌贈龍邑博

秋江歌再別馬仲良

短歌重別趙使君

香雨樓歌爲吳幼如使君賦

杜門行戲簡吳翁晉

禱衣篇

前題

春燕篇

夜集流波館聽楊姬歌分得眞字

寄題杜將軍經武堂

送吳允兆之燕

除夜留鄭山人賦贈

聞警

板輿歌壽游明府太夫人

負苞堂詩選 目

卷二

五言律詩

秋興

許孟中先生開府嶺南喜贈

戲贈陸成叔

送人出塞

送周士昌之雲中其人善奕

送吳駕部公擇北上

送田職方

送龍君御校士金陵

送朱太復北上

送謝在杭左遷之廣陵

送梅子馬之長沙

送宗謙南還

送戚不磷過南黃訪鄧令

送茅孝若應舉

負苞堂詩選 目

送梅泰符入楚弔丘謙之

人日送范東生入洛

再送張侍御

重送吳允兆之金陵

送劉京兆告歸光州

允兆北游不及別悵然追念情見乎辭

再別喻使君邦相

寄謝司理在杭



寄章選部元禮

寄吳允兆

得吳載伯書却寄

重答允兆

示顧仲穆

訪茅薦卿

陸伯生過訪分得遲字

周稚尊再過山居賦得甘字

負苞堂詩選

目

四

同陸伯生集雨花臺分得多字

春日集何侍御仲雅園卽席分得妨字

秋日同謝在杭諸子集希林閣分得輪字

立春日口占

金陵元夜

十五夜同吳六作

東亭晚望

過高園有感

立秋日龍君御招同袁履善徐茂吳汪仲

嘉梅泰符湖心納涼

望亭夜泊

新安道中

聞游肩生旌節過吳門遲久不至因寄之

出塞

壬辰書事

同茅孝若詠春閨

負苞堂詩選

目

五

和徐茂吳詠美人觀畫

同陸伯生陳仲醇諸友集徐賓夫宅共賦

馮昭儀當熊

送孫子長北上分得年字

送俞公臨同吳明卿叅政游漢江隨訪李

本寧太史

秋九咏

有序

秋風

秋雲

秋蟬

秋露

秋月

秋水

秋螢

秋菊

秋雁

負苞堂詩選

目

六

曹廷尉夫人輓歌二首

過美人故居

過茅長公墓二首

同吳允兆茅孝若諸子遊法華寺得歡字

瓦棺寺代王姬送別吳翁晉

贈蘊璞上人

卷三

七言律詩

秋懷

賀葉相公

賀常開府西師大捷

壽高中丞

爲謝在杭壽其尊人

謁贈王大宗伯紹傳

寄贈章元禮

贈陳季迪奏績

負苞堂詩選

目

七

送張侍御巡關中

送邵給舍還朝

送葉奕甫赴任九江

同李文仲賦贈梅戚畹

送允兆再遊京師

送梅子馬之瑕丘

送蔣明府之長洲

代送宋司馬



送朱文寧赴任南少司成

送許開府

送于納言北上

留別趙使君

贈別沈永思

李本寧招飲湖上二首

清明日同謝在杭諸子飲木末亭用明字

張康叔携伎泛舟城南分得床字

負苞堂詩選

目

八

和茅水部

和馬太守安東道中

和游肩生遊虎丘

南湖春燕同鄧戶部汝高陳季迪孝廉賦

秦淮臨汎

臺城懷古

泊射陂簡陳允升

長安元夕

清明見燕

觀妓

賦得香贈妓

咏寒食鬪雞

寄題三游洞

贈喻太守

寄題緯文館

爲范杲題鸚鵡塚

負苞堂詩選

目

九

題衰柳

關河

己亥書事

聞捷

哭王元美

哭茅薦卿

寄馮開之

卷四

五言排律

和徐茂吳艷體二首

感往篇

送謝在杭捧表北上分得諺字

游肩生入計詩以送之得二十六韻

送吳幼如備兵江右二十四韻

賦得弭棹金陵渚送徐京兆

九日同謝在杭曹能始集清涼寺時汪仲

集菴堂詩選

目

十一

嘉自新都至謝比部友可自燕至方刺史

子及還閩尹駕部子恒還蜀詩併及之共

賦五言六韻拈得圖字

九月十五日同潘景升吳允兆諸丈集湖

上分得登字

寄題杜將軍榮福堂

宿法華寺同吳允兆茅孝若賦得梁字

七言排律

寄喻邦相

出塞

卷五

五言絕句

感懷

送王曰常還豫章

清涼寺雨中送曹能始梅子馬分賦二絕

江上送曹能始別

集菴堂詩選

目

十二

賦得春鶯送客

陌上見遊者戲爲之咏

春望

寒食

題菜

題黃司馬味泉亭

七言絕句

贈熊明府子良



送吳載伯之金陵

送姚園客還蒲

送吳陽伯南遊

江上送別者

與吳翁晉別

簡葉相公

寄吳公擇

久不得允兆書却寄

負苞堂詩選

目

十三

答姚叔度

答汪仲嘉

秦淮聞吳太寧歌

溪上

華亭早發

淮陽客舍

九月十六夜集汪景純宅同吳允兆諸德

祖諸君子聽賦得四絕

負苞堂詩選卷之一

吳興臧懋循晉叔甫著

五言古詩

商山行

漢與四遺老聲名溢寰區採芝以爲食高蹈商  
山隅帝命屢不就寧復顧苞苴白鶴摩青雲網  
羅安可圖畱侯畫秘計遣使遺之書衣冠趙闕  
庭日與太子俱嫚罵誠足辱仁孝亦何須雖有  
負苞堂詩選 卷一 二

懸魚

少年行簡董伯念

少年不事事負氣藐聲利匿跡賣漿家結交鼓  
刀肆山嶽可轉移一諾成無二常爲借報讐亦  
者行市義豈伊好輕薄用寄縱橫志玉劒膝前  
鳴金杯馬上醉未知探何九且學擊豪吏

江行見孤桐

亭亭百尺桐寄植寒江岬下址激奔湍上峰刺  
曾漢危絕生歿根鬱結陰陽幹日月稀臨照風  
霜屢凋換雁至枝已空燕歸葉未散苦思積暄  
涼樵伐在昏旦阿閭少見知吹臺莫畱翫何論  
材不材甘心爲君爨

寄題杜弢武食霞精舍

粵昔江文通神授五色筆老而才旣盡懷中筆

負苞堂詩選

卷一

二

旋失之子不好武文彩縱橫出亦夢食朱霞綺  
麗更非一可知雕龍思彬彬有其質奚止策邊  
功坐令群力屈鐘鼎具盈庭賓從爭造膝手扶  
千古秘窮年耽著述末羽飲石梁猶堪見勁逸  
地畱榆溪勝天與將軍日何用希赤松清秋臥  
精室

東征詩寄宋司馬

王業本無外况屬我疆場三韓古朝鮮國初已

來格迄今祀春秋未常廢玉帛比嬰黼山寇縱

橫見侵迫羽書入告難天子怒斯赫詔遣李將  
軍張皇援其尾北騎建蜚弧南卒分犀革星馳  
取鳳城武畧何輝奕連戰會連勝獻俘復獻馘  
兵驕稍不戒傷哉碧蹄役司馬昧遠圖羣奸爲  
紆畫表請降東封士氣頓蕭索大遺廊廟憂宵  
旰幾時釋有效犁庭疏有陳閉關策不異謀道  
傍紛紜用莫適朝鮮彈丸地存亡固非惜然彼

負苞堂詩選

卷一

三

當燕京捍衛若肘腋島中諸夷種日本軍兇逆  
豈伊懾犯順實慮朝鮮隔全慶控海門水底多  
焦石夷從大洋至避此必停舶一夫或登陴百  
萬將辟易竭來遂不守坐失兩津扼長平有震  
瓦遼左無安席往者龍山倉世年富儲積如何  
焚剽之而乃棄所獲是以夷衆潰我師亦隨瘡  
側聞薩摩主切齒於關白其臣大小筑伺梟非  
朝夕別有金海酋貌親內仇隙第行捐金間何

難反弓射琉球鄭迴子殷勤感疇昔屢上烏孫  
書憑風達重譯閩浙並臨海精銳頗充斥五道  
果俱進猶堪褫夷魄不然懸孤師窮征冒險僻  
我旣乏樵蘇彼且事堅壁地脉審生死軍形辨  
主客覆軌一以蹈輿尸定誰責我謠在彭詩輒  
抱杞人感願言備末議芻蕘庶知擇

邵元讓新有所納爲賦姬人怨

聞君新有納紅粧定若新妾心非敢妒妾思轉

負苞堂詩選

卷一

四

難申羞持啼裏面相向寵邊人

負苞堂詩選卷之一

吳興臧懋循晉叔甫著

七言古詩

秋風歌贈龍邑傅

秋風起南雁翔千里薄遊思故鄉鄉思不可裁  
拂衣歸去來去來何所湖之濱藥欄漁艇家未  
貧有書且學曬腹客得酒卽覓持螯人

秋江歌再別馬仲良

負苞堂詩選

卷一

五

君方少年余已老落筆詩成君輒好予雖無詩  
不枯槁仰視長天坐碧草碧草年年江上秋年  
年秋草送行舟秋草愁人君復去明朝獨來別  
君處江中不乏雙鯉魚君去誰傳尺素書思君  
常有好顏色秋江洞底徹胸臆欲往相從無羽  
翼佳山佳水皆可息安得偕君重縮江南符使  
余日夕聽詩在君側

短歌重別趙使君



偶爲大梁遊耻稱大梁客眼底何人似信陵  
冉霜風吹鬢白義陽太守義獨高手解黃金沽  
濁醪邀余共坐清淮側沉飲不覺天雞號明朝  
金盡苦無酒俯視淮河日東走余亦從茲歸故  
山別君不言指其口歸去家仍四壁貧猶餘一  
片肝膽真雖然衰老已無用夷門曾是報恩人  
香雨樓歌爲吳幼如使君賦

靈秀元從雲杜起中有高樓淨如水縹緲之下

負苞堂詩選

卷一

六

昔芳芷瓣香日禮瞿曇氏佳山佳水入樓來端  
屬會心人主此會心說向世人難除是前人畫  
來似畫師但畫人所知誰能畫到無知時知本  
無知我無我是色是空無不可斯言聞者然不  
然試看樓成香雨邊黃金色廣日月隘五濁未  
嘗離法界香吹人人無淺深人人自發菩提心  
長者一言言卽省三界直供彈指頃鬻香長者  
佛化身儒非佞佛於佛親正從舍法悟了法佛

共授記樓中人

杜門行戲簡吳翁晉

吳郎遊興逸二京到家十日百病盈杜門高枕  
不敢出蓬蒿三徑縱橫生年饑食闕正自苦縣  
吏催科猛於虎飛雀終嬰廷尉羅遊魚幾陟萊  
蕪釜老夫婚嫁了不關一謝家人心更閒不見  
當時禽子夏曾先向長入青山

擣衣篇

負苞堂詩選

卷一

七

秋月中天飛烟光幽閨少婦擣衣裳帶露凝寒  
響還澁隨風度遠韻偏長紋砧一瑤瑤芳杵兩  
鴛鴦太白山頭絕書素流黃機上泣紅粧

前題

秋風吹霜百草腓陽鴈愁寒背塞飛是時遼西  
應見憶此夜閨中須擣衣玉腕輕縈雙素袖金  
刀巧剪流黃機凝情端步下粧閣爽砧香杵參  
差作冉冉初從月下調冷冷颯向風前落月下

風前最不禁一拊一擊倍關心摧藏似寫漁陽  
鼓淒清疑拂廣陵琴斗移河轉夜嚮旦怨妾思  
君起長歎思君窮戍苦邀勲怨妾空房積恨殷  
誰念纖腰同杵細誰憐流淚雜碁紋錦屏繡帳  
孤燈色泣坐裁縫嬾無力君身長短妾自知妾  
貌衰妍君詎識衣成無便寄遼西衣裏空畱宛  
轉啼不願麒麟上頭畫但願鸞鴦比翼棲

春燕篇

負苞堂詩選

卷一

八

羞池燕身輕尾涎涎秋至與君辭春還復來見  
坐惜故巢空猶餘故人戀春時物色未應稀穿  
花拂葉好依依幾伴流鶯百般語不共征鴻一  
處飛飛來飛去長相逐登君堂兮止君屋疎簾  
不碍歸書棟偏宜宿永託于飛賦莫唱雙離曲  
無端離唱起悲風回首關山去路窮自憐弱羽  
將何寄所願君恩那可終不見扶侶翔吳幕窺  
妝入漢宮飛名猶見妒危巖尚相蒙何如舞石

迎靈雨圓芝寫化工玉筐畱瑞質綵縷繫溪衷  
侯封已成相仙履會騰空

夜集流波館聽楊姬歌分得真字

重過舊日流波館猶見當時度曲人從來長袖  
偏能舞何處霓裳更有真娟娟彩扇迴明月冉  
冉雕梁落細塵金尊豈辭滿玉樹莫言新

寄題杜將軍經武堂

鎮西英武世絕倫迥若迅鶻搏秋旻朱甍碧瓦  
負苞堂詩選

卷一

九

開甲第蟬冕貂裘壓近臣憶昔單于犯神木連  
烽直與甘泉燭棘門諸將噤欲逃受盟豈辭城  
下辱乃公忿然髮上衝手挽烏號馳鐵驄生縛  
左賢如拉朽徐歸幕府將程功鹵獲雖多不掛  
口別有文才超八斗畫師健兒較騎射夜擁詞  
人對尊酒青藜吐煙墨花香建安開元皆擅長  
顧予一負雕蟲技老矣不及登公堂

送吳允兆之燕

常年守丘壑棲遲甘瓠落一旦遊京畿迢遞逐蓬飛春水催度馬晨霞薄征衣容顏爲客盡肝膽向人微古來豪俠多如此醉酒悲歌且燕市高蓋何矜相府前長裾不慕侯門裏腰間寶劍七星精會須萬里立功名當軒瀝血報天子莫謂漁陽果罷兵

除夜留鄭翰卿賦贈

有手勿彈齊舍劍有足勿躡趙家屨生來七尺負苞堂詩選

卷一

不識人何慮千秋乏知己憶余前歲客新都今年君亦滯三吳可憐漂泊俱除夜可憐慟哭並窮途余昔蕭然百無有君今無錢猶有酒尊中酒滿余自寬囊底無錢君勿醜與君同病本相憐共守寒燈夜不眠藜杖芒屨勞歲歲椒盤柏觥任年年來歲往何超忽坐使紅顏驚白髮身窮只合賦棲遲才大無庸學干謁不見東郊芳草春一回零落一回新君如不醉年華去明

日春風解笑人

聞警

漢主開邊氣未平江南江北詔徵兵金錢徧賜長榆塞玉節親巡細柳營昨夜軍中羽書至王師轉戰多失利鴈門太守已被圍馬邑行人莫言事

板輿歌壽游明府太夫人

吾不羨鮑氏姬筵前坐憶鹿車時五花驄馬豈負苞堂詩選

卷一

十一

不盛未聞祝者撝何辭亦不羨王家婦白髮紅顏登上壽諸子躬耕隴畝間翻媿隣人將却走無如太君今日方長年居然平地稱列仙西池阿母曾授手南嶽夫人差比肩眼光若映秋水碧容色忽暗桃花妍煙霞已合物外相姓名仍向人間傳傳向人間由詰嗣薦書幾見褒卓異皆云盛德宜食報瑤芝醴泉貴所自豈必借隱如吳門于公之門先有寄始知瀛海不須到眼

前信有千秋事佇看治行題御屏徵車召對天  
子廷問侯家何在嘉魚江上山青青問侯家何  
有高堂有母稱歲星侯亦問上何所願上不願  
如燕昭漢武求神靈但願板輿迎養入華省暇  
日趨朝來數堯階奠

負苞堂詩選

卷一

十三

負苞堂詩選卷之二

吳興臧懋循晉叔甫著

五言律詩

秋興

咄咄緣何事秋風日掩關獨謠惟皂帽緩酌有  
青山司馬遊初倦梁鴻隱不還可憐芳桂色無  
個與同攀

許孟中先生開府嶺南喜贈

負苞堂詩選

卷二

一

物論自相猜君王本愛才璽書天上下憲府日  
南開建節披新彩彈冠振故埃無因趨合浦見  
此去珠來

戲贈陸成叔

抗手謝知已出門多激昂皆言生計拙其奈壯  
心長三尺馮驩劍千金陸賈裝客游無不可何  
事老東牆

送人出塞

詔遣漁陽卒從君北擊胡城形類玄兔嶺勢似  
飛狐大漠烽塵暗窮秋水草枯當令馳騎入先  
獻浚稽圖

送周士昌之雲中其人善奕

秣馬將何適風霜右北平手談余頗重皮相俗  
休輕烽暗祈連戍笳喧驃騎營千金鐵如意持  
贈爾橫行

送吳駕部公擇北上

負苞堂詩選

卷二

二

吳郎意太豪爲吏雜風騷直欲從初服何曾負  
濁醪揚舲江月迥憑軾薊雲高若遇桓車騎無  
言是馬曹

送田職方

百萬事東征夷方久未平君王思戡武之子慎  
談兵綠樹丹陽道青雲白下城當知隆漢業根  
本在西京

送龍君御校士金陵

河梁一樽酒言爲故人携水驛錢塘北山城鐵  
甕西車將食塲馬鼓應伺潮雞去去期毋緩斯  
文待品題

送朱太復北上

之子別西津傾城出餞人誰其贈言者而我託  
交親琴尊睽清賞衣冠生遠塵離心不可盡況  
屬柳條新

送謝在杭左遷之廣陵

負苞堂詩選

卷二

三

遷客今何適言歸翻遠行孤舟辭若水十口寄  
蕪城勿歎權圖拙無如政理清東山蹇閒臥知  
爾繫蒼生

送梅子馬之長沙

東帶君趨府攜尊我送畿可堪秋浦望重與故  
人違楚國山川古江鄉魚稻肥有才無不達慎  
莫耻官微

送游宗謙南還



臨邛客本重安邑主猶賢如何軫歸思亦在秋  
風前溪足垂綸石山餘種秫田誰能抱孤劒白  
髮受人憐

送戚不磷過內黃訪鄧令

韶景漸已暮柳花吹滿空客當寄書日今有往  
朝風賦取靈光注櫂將博望通所經山水貌多  
在鹿囊中

送茅孝若應舉

負苞堂詩選

卷二

四

握手離堂夕椒盤與菜盤春風開遠道遊子入  
長安白壁裝詩軸黃金飾馬鞍桂枝行可掇計  
日爲彈冠

送梅泰符入楚弔丘謙之

男兒一片氣千里不治糧未作依劉策先投甲  
屈章廟綏堪自把絮酒爲誰將只恐茫茫水終  
令動客腸

人日送范東生入洛

客居還送客人日故愁人宮雪融高樹江風蕩  
遠津蓴鱸吳國思裘馬洛京塵心賞無由接相  
望空復頻

再送張侍御

青驄白玉珂蹀躞向交河紫氣臨關見流星伴  
使過秦都百二險蜀道五千多莫問九泥策清  
時正止戈

重送吳允兆之燕京

負苞堂詩選

卷二

五

海內日多事送君安所之野風侵管急江雨上  
桺危客有澄清志朝非痛哭時明年蒿徑裏仲  
尉待於斯

送劉京兆告歸光州

內使才猶屈明王眷舊畿方聞虛席待遽念倚  
門歸山水經淮盡風煙入蔡微汝南存月旦高  
義似君稀

允兆北遊不及別悵然追念情見乎辭

茗水望桑津愁雲入戰塵可憐延首地俱是斷  
腸人歲改思題信時危想致身無由將不拜遙  
爲寄陳遵

再別喻使君邦相

復作孔融客兼分劉寵錢勞生爲計拙薄俗受  
知偏麥仆石橋雨烏趨茅屋煙歸來且扶耒十  
畝太湖田

寄謝司李在杭

負苞堂詩選

卷一

六

七載東昌理政成園園空鄰田爭受質當道未  
知功閣影移春漏楊花遲曉風誰將魯連箭爲  
射帝城中

寄章選部元禮

同時獻賦客強半在蒿萊及爾爲銓部冀今無  
滯才官方隨地別啟事自天開慎惜嗔將笑毋  
令世上猜

寄吳允兆

少小希豪俠酬恩薄萬金宦遊長不遂貧病轉  
難任折節防時態憂生損壯心窮交滿天地幾  
贈白頭吟

得吳載伯書却寄

昔有三秋鴈曾傳萬里書開緘已落淚跪讀更  
何如白髮添愁鏡黃金罄客居不知相見日還  
隔幾年餘

重答允兆

負苞堂詩選

卷二

七

此地稱佳麗移居亦偶然將爲步兵老豈假布  
衣權高鳥青山盡孤舟白浪前故人長在憶容  
易別經年

示顧仲穆

莫理求風曲真成別鵠操蕩舟情似狎開閣意  
能豪明月疑歌扇殘雲憶剪刀如何鄭交甫愁  
殺漢江皋

訪茅薦卿

爾室青川曲輕舟好及門  
淡心貽縞帶逸興屬  
芳樽池氣蒸花潤牆陰上竹昏  
因君訪林野把臂幾人存

陸伯生過訪分得遲字

山齋畱客醉猶記秣陵時  
北隴移初勒東都去  
不遲宦情循髮見物理折肱知  
念我來同老菟裘只在茲

周稚尊再過山居賦得甘字

負苞堂詩選

卷二

八

僻地容余懶窮交獨爾甘  
追隨同鄴下蕭索共  
江南服散時相問爲農久未諳  
不知嵇叔夜臨老更何堪

同陸伯生集雨花臺分得多字

共作長干客遠迹十載過江山  
如有待朋舊已無多  
古寺花仍落新林鳥自歌  
當杯不惜醉將奈夕暉何

春日集何侍御仲雅園卽席分得妨字

何處足風光清溪御史莊  
客隨黃鳥至筵就綠  
蘿張小豎投車轄佳人勸酒觴  
城南官道直倒載也無妨

秋日同謝在杭諸子集希林閣分得輪字

置酒臨山閣山秋宜醉人  
從來多逸興況是接  
情親杯漬金英晚歌調玉樹  
新無煩假官燭畱月伴歸輪

立春日口占

負苞堂詩選

卷二

九

東陸開春日西都作客時  
萊添迎雨甲梅綴犯  
寒枝爲學初窮易耽遊不廢詩  
晚年哀樂意見輩未須知

金陵元夜

今夜好遊觀金吾禁復寬  
九微燈市匝百戲舞  
場攢明月隨軒騎香風拂綺紈  
猶言歡未足南去訪長干

十五夜同吳六作

九谷蚤春回重城鎮夜開看燈遊騎集踏月麗  
人來殘席流芳桂遺鈿伴落梅長安輕薄子愁  
殺曙雞催

東亭晚望

徙倚東亭暮山山下夕嵐重城丹嶂裏萬井碧  
林南樵徑抵窮谷漁歌隔遠潭因思故園賞花  
柳正酣酣

過高園有感

負苞堂詩選

卷二

十

每經遊賞地攬涕輒思君高樹畱疎影閒花送  
晚芬人非昔杖履林是舊煙雲泉響空山答長  
疑清嘯聞

立秋日龍君御招同表履善徐茂吳汪仲

嘉梅泰符湖心納涼

碧樹秋陰下青蘋晚吹過湖山隨地得文酒故  
人同促席歡無間調絃曲未終肯容今暝月流  
影見尊空

望亭夜泊

向暝投何所依微識望亭客舟今復至津路昔  
曾經瑟瑟風吟樹離離馬度汀翻令鄉思逼數  
起視明星

新安道中

爲客無千里風煙已兩鄉山村人逐市野路鳥  
窺裝遠水兼沙白疎林襍霧黃猿啼何不住暗  
使淚霑裳

負苞堂詩選

卷二

十一

聞遊肩生旌節過吳門遲久不至因寄之  
天終惠敝邑仍許借賢侯舞燕迎旌旆飛花逗  
客舟兒童騎竹待父老愛棠畱郭外多山水何  
嘗不勝遊

出塞

結束事征西朝昏逐馬蹄山非一樣嶺水更幾  
榆溪風撼旗竿脆沙沉鞞鼓低此身將命在何  
怕虜塵迷

壬辰書事

傳道靈州事經年未解紛尚思蕭相國空出李  
將軍原黍殘秋日關榆慘朔雲漢家陵闕近何  
不懼鳴君

同茅孝若詠春閨

朝日上粧奩鉛華懶更添自憐衣帶緩非愛舞  
腰纖睨曉鶯移樹呢喃燕入簷相思不可薦銜  
涕向新縑

負苞堂詩選

卷二

十二

和徐茂吳咏美人觀畫

絕世圖中美傾城閨裏人乍來相對面幾認是  
分身衣簪一等艷姿態兩邊新含嬌語夫豈丹  
青何似真

同陸伯生陳仲醇諸友集徐賓夫宅共賦

馮昭儀當熊

帝幸上林中千羣武騎雄虞人貪逐獸使妾坐  
當熊重氣凌儕輩輕生衛聖躬歸來宴華寢會

自不言功

送孫子長北上分得年字

爲惜故人別小堂留夜筵飛觴明月下理曲白  
雲邊簾冷溪潭色茶香石銚煙自茲三徑掩攜  
手更何年

送俞公臨同吳明卿叅政游漢江隨訪李

本寧太史

共作河梁送平生舊酒豪柳條愁處折桂樹曲

負苞堂詩選

卷二

十三

中搦波駭沉碑岸雲迷解佩皋行行訪先達迨  
遞莫辭勞

秋九咏

有序

秋日臥病山居多暇偶諷駱臨海秋九咏  
服膺慕瞻用擬觀濤第同咏淄川毛司馬  
意亦其流而唐詩失傳抑膚見未及率爾  
援筆代爲和章不揆唐突之戒安免匍匐  
之慙所謂爲之空實乎已云爾

秋風

炎燄三伏謝涼吹九關通披雲遙出岫摧葉亂  
飄空逐響高梁上縈愁團扇中願言仙客御爲  
拂大王雄

秋雲

凌空散芳勢觴石布玄陰吳會從風遠荆臺雜  
雨浹輕鱗翻夕渚疎葉繞寒林況復乘秋望彌  
傷飄蕩心

負苞堂詩選

卷二

十四

秋蟬

清心棲物表高唱託林端颺影將分髮垂綬欲  
上冠挹露綠枝易鄣風藉葉難無由寄潘掾同  
悲園柳寒

秋露

金天迴素景玉露啟陰期泫泫團荷葉冷冷響  
竹枝光因含月淨寒以變霜滋別有羈棲客應  
同警鶴悲

秋月

盧女彈弦夜班姬題扇秋凝華懸桂殿散彩映  
梅樓帶露光凝濕侵雲影欲流豈必關山道方  
知離別憂

秋水

幽岵木葉下寒浦浪花開風處縈羅去霞前散  
錦來方流依玉瀉圓影逐珠迴濯纓徒有咏乘  
槎終愧才

負苞堂詩選

卷二

十五

秋螢

虬箭經秋改螢光待暝生夕風吹不滅寒雨濯  
逾明流焰臨緇帙飄花拂綺楹娟娟洛川上莫  
是采珠行

秋菊

百卉行俱靡一叢看獨芳纖莖敷密翠細蕊圻  
輕黃瀉豔恒依水涵芬故待霜不愁逢採摘爲  
爾泛金觴



秋雁

嘹唳三秋晚飄飄萬里長  
心歸淮浦月翅染塞門霜  
本爲傳書素非關慕稻梁  
寄聲齊客道無假僞弦張

曹廷尉夫人輓歌二首

玉貌已成塵威儀空自新  
笳簫遠此地羅綺贈何人  
有戶天寧曉無花歲不春  
惟餘京兆筆愁對遠山顰

負苞堂詩選

卷一

十六

其二

有美獨無年空餘女訓傳  
芝蘭方在握松柏已開阡  
影逝盤龍裏香銷畫翟前  
猶聞門下客相和悼亡篇

過美人故居

理櫬下前津遙遙自可逢  
重來歌舞地不見綺羅人  
小徑蕪新草空梁積故塵  
但餘初月影猶似曲眉顰

過茅長公墓二首

金鞭玉具劍結客少年場  
豈謂雄心死空餘俠骨香  
阡開原涉後塚接要離傍  
愁絕西風暮蕭蕭下白楊

其二

孤兆人何在豪名世所憐  
輕肥五陵客寥落九重泉  
白日秘寒隧青松生暝煙  
弔君自有泣無假雍門絃

負苞堂詩選

卷一

十三

同吳允兆茅孝若諸子遊法華寺得歡字  
言訪法華寺青松路幾盤  
午鐘僧出定香飯客留歡  
畫壁歸雲濕經臺背日寒  
晚來延宿處更上古巖端

瓦棺寺代王姬送別吳翁晉

本爲登臨去何當遽送歸  
心從無住識泪作有情  
揮逆水侵征幘明珠繫別衣  
高丘今夕雨空向夢中飛

贈蘊璞上人

借問東林錫因誰過虎溪行邊溢秋水趺處長  
春英衣食隨緣度江山卽興題寧知禪念寂  
在獨園西

負苞堂詩選

卷二

七

負苞堂詩選卷之三

吳興臧懋循晉叔甫著

七言律詩

秋懷

憶昔辭榮賦式微南山幾見桂花飛將軍閣後  
諸姬盡廷尉門前客稀種豆落箕無那懶灌  
園鑿隧詎知非永懷修夜愁難寐何處霜風度  
擣衣

負苞堂詩選

卷三

一

賀葉相公

霄漢高懸水鏡光主恩初賜袞衣裳紫躋九命  
心仍素儀表千官髣未蒼好士果開丞相閣趨  
朝不假舍人裝絕知聞二今無似惟有夔龍在  
盛唐

賀常開府西師大捷

分麾決戰武功宣絕邁條侯翊漢年寵憶彤弓  
天子賜書疑黃石異人傳凱聲動地南還越殺

氣干雲北護燕借問緣邊諸騎曲可能乘勝取  
祈連

壽高中丞

新釀桃花酒正濃轅門春曉動歌鐘客因酌咒  
皆操賦軍爲椎牛亦解容白簡霜威知不改赤  
松天路許相從野夫私祝江城外遙指公家日  
觀峰

爲謝在杭壽其尊人

負苞堂詩選

卷三

二

蚤歲王門作傳回長沙不道賈生才更聞令子  
傳家業再捧褒書下帝臺赤玉舄從滄海寄紫  
金丹就碧壇開年年斗柄常西揭應爲仙筵送  
酒來

謁贈王大宗伯紹傳

風儀奕奕冠朝微一代寅清衆望歸南顧重臣  
還曳履中興聖主自垂衣敷求佇戢平津閣端  
揆遙超建禮闈若問史才兼相業幾人不愧漢

匡韋

寄贈章元禮

時方令蒲圻蒲圻有魏順甫者于鱗友也其人已物故惜不及下榻能修北海故事爲表其門閭乎

江漢初分百里居風塵爲吏興何如畏人未擬  
裁賓戲結主寧辭賦子虛倚棹春過彭澤柳登  
樓潮落武昌魚懸知不淺憐才意肯爲康成表  
故閭

寄贈馮開之

負苞堂詩選

卷三

又三

中山書篋爲誰開留滯徒傷太史才世路風波  
元不定故園松菊好歸來侍兒盡解靈光賦坐  
客頻傾文舉杯但使百年能保此何須重起漢  
蘭臺

同李文仲賦贈梅戚晚

濯龍門外主家親寶馬雕弧任俠人遺業韜鈴  
堪報國華堂文酒解留賓匣中劍字曾題漢臺  
上簫聲尚識秦一自鐘山開別第石城花鳥歲

長春

贈喻太守

清時冠冕自翩紛大雅何人最出羣解劔勸耕  
龔太守當杯頌德晉叅軍婆娑數俯庭中樹揮  
灑遙生海上雲見說郡城曾下鳳疑將五色照  
雄文

贈陳季迪奏績

露冕專城早策勲更從藝苑播清芬高才自昔  
負苞堂詩選

卷三

三

能爲政聖主於今實右文循吏傳成司馬氏遊  
仙詩寄武夷君憐余未及趨門下只解山中臥  
白雲

送張侍御巡關中

藉藉聲稱八使齊行邊秋色滿河西通商幾處  
開亭障防虜何年息鼓聲漢闕風流爭避馬秦  
關月落蚤鳴雞故人不作豐城令安得干將贈  
解携

送邵給舍還朝

離亭別酒意何如望極關城悵有餘殘雪全添  
江水駛春風半拂柳條舒陽在我隱吳門跡諫  
獵君題漢闕書此後相思求問訊年年鴻鴈不  
應疎

送葉奕甫赴任九江時前守以告緡被逮詩故及之

才名藉甚白雲司大府分符亦較遲四月和風  
負苞堂詩選

卷三

四

催去鷁九江秋色待褰帷不愁人吏情難厭但  
問舟車賦若爲詔使紛紜仍未已應非臥理借  
君時

送允兆再遊京師

平生不慣別離心垂老臨岐淚滿襟吳渚文魚  
乘夜去薊門戎馬向秋深時危合自防顏面道  
遠憑誰覓信音他日相逢各相勞會須携手北  
山岑

送梅子馬之瑕丘

大邑鳴琴不易過贈君治迹有東阿之官豈道  
行程遠愛客無妨酒債多心在白雲徒自戀身  
牽黃綬竟如何要知別後書能寄郭外春生濟  
水波

送蔣明府之長洲

五湖縹緲不分天津吏來迎若下船報國正從  
郎選始近鄉翻覺主恩偏城中花發潘家種堂

負苞堂詩選

卷三

五

上琴鳴宓子絃儻以舊游能見憶尺書無藉早

鴻傳

代送宋司馬

縱金伐鼓震皇威萬里關山度若飛天子預圖  
麟閣賞將軍初破鳳城圍已踰遼海何辭險未  
掃穹廬肯遽歸寄謝五原諸俠少不妨華袞緝  
戎衣

送朱文寧赴任南少司成

臨岐惜別意如何若問金陵我舊過六代豪華  
遺跡徧三吳密邇故人多蔣山春樹蒸蒼霧瓜  
步晴江偃白波冠帶橋門應久待高檐南去勿  
蹉跎

送許開府

講筵羣弟政雲從尊俎何妨與折衝帝謂獨孤  
君似鏡人言諸葛自如龍梯航白雉歸周貢冠  
冕朱鸞屬漢封有客離居悲老大十年霜色暗

負苞堂詩選

卷三

六

芙蓉

送于納言北上

供帳新亭盡漢官送君乘傳入長安葢隨津樹  
陰初合吹襍林鶯聽未闌御苑秋風嘶駉裏禁  
廷曙色簾鵲驚比聞恩許郵程緩過里無妨十  
日歡

畱別趙使君

歸客歸心似旆懸何期對酒仍畱連應悲飛

在窮路且伴梅花過舊年梁苑才非空授簡刻  
溪興盡未迴船久衰無復元龍氣猶自狂吟露  
冕前

贈別沈永思

英聲茂績久超羣止棘流言何處聞豈是公評  
無白日從來世事本浮雲故人正擬尋歸路此  
地翻成送使君寄與吳中親友道莫將蘿薜易  
玄纁

負苞堂詩選

卷三

七

李本寧招飲湖上二首

相望無地挹清芬今日真成御李君音響可知  
非絕調飛沈終豈易爲羣好懷四月多芳草往  
事孤山但白雲歎息時艱何所道過從惟有一

論文

其二

無妨車騎止林垞選勝湖頭在此亭美酒盈觴  
呼下若微鐘隔水度南屏池荷香弱休教折隄

柳風多可耐聽縱使不隨漁父去老臣那忍獨  
爲醒

清明日同謝在杭諸子飲木末亭用明字  
仙侶招携出郭行江南風景作清明參差古樹  
千山合幕屋新煙萬戶生陌上軒車劇流水花  
間歌管雜啼鶯與移觸處堪訓醉遮莫嚴更下  
鳳城

張康叔携伎泛城南分得床字

負苞堂詩選

卷三

八

城南景物待秋芳桂樹畱丹菊綻黃上客催移  
三翼舸主人雜進九霞觴山浮遠翠臨歌席岍  
轉澄波溢釣床已向碧天賒月色不辭沉醉宿  
橫塘

和茅水部

問君爲宦興何如閉戶垂帷日著書楊子江聲  
天外盡白門柳色雨中疎故人向老嗟多別愛  
弟經春病未除稍喜鄉園長在目不須回首憶

離居

和馬太守安東道中

塞帷海邑有輝光  
候吏紛迎大道傍  
未暇趨程向公府  
還能訪俗到農桑  
千村菱舍初來復  
十月河渠漸可防  
傳語流民莫惆悵  
漢家汲黯在淮陽

和游肩生游虎丘

回首吳天霸氣沉  
金閶楊柳自蕭森  
一丘聳湧

負苞堂詩選

卷三

九

應無改雙劍蒼茫不可尋  
短簿祠荒春寂寂  
生公石冷月陰陰  
孰知今古高山調  
併入風流邑宰琴

南湖春讌同鄧戶部汝高陳季迪孝廉賦

仙郎載酒出青圻  
臘雪全消春水肥  
上國衣冠芳宴接  
中流簫鼓畫船飛  
林光拂席皆成笑  
野鳥迎人亦忘機  
漸覺巖西斜影盡  
猶言豪舉不知歸

秦淮臨汎

秦淮過雨微波增  
波面雲陰寒欲凝  
鐘山遠近自可見  
酒船來往都無恒  
誰家畫閣不臨水  
何處清歌非采菱  
江南佳麗觸目是  
桃葉渡頭天下稱

臺城懷古

徙倚高臺望帝城  
依然佳麗古時名  
山中雨歇琳宮淨  
湖上風歸畫舫輕  
南國諸生聽講集  
長

負苞堂詩選

卷三

十

干少女踏歌行  
不知鼓角關何事  
怨咽於今尚未平

泊射陂簡陳允升

西風颯颯送歸舟  
况值淮陰水落秋  
雲外參差看鳥滅  
月中長短聽猿愁  
每逢行賈探鄉信  
幾向征途換客裘  
漫道相如遊已倦  
臨邛還有故人留

長安元夕



燈火連達夜色賒個中遊賞盡豪家雕鞍正勒  
千金騎翠幃香茵八寶車縈手傾城與傾國分  
頭看月復看花通宵不畏嚴關掩更引笙歌抵  
狹邪

清明見燕

常年早識主人歸何事春深見獨稀平野新煙  
初羃羃雕梁舊壘乍依依柳間飛語千般作花  
底啣泥百過飛最是秋風不相待差池莫遣負

負也堂詩選

卷三

十一

芳菲

觀妓

楚國徒營行雨觀漢家虛築避風臺豈知絕代  
東隣是何用傾城北地求蓮葉餘香隨屣度櫺  
花新艷逐裙開正歡歌舞能畱客楚囑斜光勿  
遽催

賦得香贈妓

繡閣春風發衆香鬱金蘇合與郁梁開筵轉益

清尊美拂鏡能添紅粉粧荀令三旬猶恨歇漢  
君千里詎爲芳氣氤卽是迷樓處何必畱賓在  
袖長

咏寒食鬪雞

寒食東郊散曉晴籠雞競出關縱橫飄花照日  
冠相映細草寒風翼共輕各自爭能判百戰還  
誰顧敵定先鳴歸來驗取黃金距應笑周家養  
未成

負也堂詩選

卷三

十二

寄題三遊洞洞在夷陵唐白居易嘗與客

三遊焉

不辭杖履躡崔巍千尺丹梯鳥道迴誰開地靈  
通楚塞直凌天險辨秦灰濤生江底黃牛轉樹  
掛雲端白帝開遙想昔賢遊覽處幾能無媿大  
夫才

寄題緯文館

夫君能武復能文但睹堂名自不羣人指雕弧

曾射日吾知彩筆本凌雲遺鱸舊識關西學倚  
馬新題塞上勳底用沉碑江漢水至今猶說杜  
將軍

爲范景題鸚武塚

丹嘴細翰委暮塵英魂長記玉樓春總知慧性  
終無侶不爲能言反誤身隴坵高松枝未落漢  
江芳草色猶新何時更逐楊家雀也學啣環報

主人

負苞堂詩選

卷三

十三

題衰柳

千尺垂楊百尺枝半臨官道半臨池可憐攀折  
無窮日非復嬋媛似昔時風裊殘絲縈去馬露  
將寒葉對顰眉別離最是愁人思莫向關山笛  
裏吹

關河

關河使者半垂璫歲歛金錢入尚方車馬故應  
愁蜀道兵戈猶自哭遼陽百年府藏元非乏四

海人心可重防多少廷臣上封事還誰折檻勸  
君王

已亥書事

水衡少府尚堪供真是宸居惜費重已見關河  
增權賦可能山谷借泥封輜軒使者遙相望畫  
省郎官不自容願以蒟蒻垂帝聽萬方玉帛正  
朝宗

聞捷

負苞堂詩選

卷三

十四

連年遼海事兵車一月三傳有捷書路轉扶桑  
鳴凱處筵開林杜勞還初左軍功大譏偏入北  
闕恩渙賞詎踈不佞小臣持過計內憂外懼總  
何如

哭王元美

一夕文星殞自天哭公纔是識公年拂衣歸指  
羊腸外斬板封成馬羴前妙理不留夷甫塵韶  
音猶繞伯牙絃大都往往遺書在莫向名山恨

未傳

哭茅薦卿

才是河堤出使年  
坐看京兆已開阡  
起家未至二千石  
賻死空歸百萬錢  
功在白渠應不泯  
剛成青史若爲傳  
故人自有山陽感  
回首寒冰獨泫然

負苞堂詩選

卷三

十五

負苞堂詩選卷之四

吳興臧懋循晉叔甫著

五言排律

和徐茂吳艷體二首

二八可憐人  
桃花與競春  
花穠潘子縣  
人美宋家隣  
醲取方丹臉  
粧持比絳脣  
轉添脂際色  
彌瑩粉中津  
乍對疑臨鏡  
重看似寫真  
兩邊光照灼  
一種貌精神  
映井分呈笑  
含煙並作顰  
蜂尋負苞堂詩選

卷四

二

迷彩麗馬度逐香塵初  
日高唐觀朝霞洛水濱  
送嬌嬌不盡弄態態爭  
新問字知爲葉詢居道  
避秦黃金歡勿恡來買  
艷陽春

右桃花人面

華館結重幃  
新粧定自稀  
氤氳挹香澤  
縹緲鑒容微  
合翠嬌芳細  
分紅艷舞衣  
佩連鈎玉響  
珥間箔珠輝  
寶帳龍雙隱  
雕梁燕獨歸  
半遮迷薄霧  
少出漏斜暉  
塵影流歌細  
波紋轉眄微  
花藏金谷妓  
竹倚楚江妃  
望美疎難越  
邀期近復違

似防交甫戲故忍夏侯譏羅薦何由接絃琴乍  
可揮未知心所予徒取色頻飛

右隔麻美人

感往篇

少小負驕矜文成衆誤稱千金期售駿萬里會  
騫鵬與計俄偕上承明遂僭登爭言看衛玠詎  
比策孫弘齋室逢前席朝車託後乘譽髦周代  
詠掌故漢廷徵恩重慙何報才輕憚莫勝連章  
辭法署隨牒赴江陵郢樹秋先下巫雲曉更蒸

負苞堂詩選

卷四

二

道寧黃綬屈望豈絳帷增憲府勞推薦詞場忝  
中興分曹司禮樂進秩亞疑丞折鹿名堪倚銜  
魚兆儻憑方將規少貶那復侈多能客指門如  
市人傳酒似澠篋書初入魏機杼果投曾不分  
彈珠鵲偏驚點壁蠅乞休新綬冕賜老舊溝塍  
種柳依彭澤思專逐季鷹歸來曾幾載貧病苦  
重仍坐臥拋鉛槧經營困斗升寡妻殞奄逝稚  
子學無恒歲歉常憂盜庭虛久喪朋南山歌已

厭北隴笑彌騰乍識微心許溪知有背憎死灰  
猶見忌屏肋也相凌世益工姜錦吾終抱直繩  
龍蛇甘自匿牛馬且須應往事傷回首餘生悟  
折肱明年當五十從此最淵冰

送謝在杭捧表北上分得誇字

微號崇周如覃恩溢漢家萬方俱獻壽仙使正  
乘槐鏡吹喧都邑旌麾被浦沙聯鑣朝客送供  
帳路人誇尊蟻添流泛檣烏帶雨斜蒲抽幾寸  
負苞堂詩選

卷四

三

游肩生入計詩以送之得二十六韻

三吳推吏治誰得似循良况值龔黃守來從屈  
宋鄉詩才知總擅政跡較彌彰百里勞騏驎卑  
枝借鳳凰功加天目峻澤衍雪川長乳雉馴車  
下陽矯避路傍琴臺高宓子花縣美潘郎德惠  
留輿頌聲名人薦章皆言資補衮何但擬含香

鳬舄旋應去牛刀信不遑桐鄉猶戀戀京兆本  
堂堂報主心偏赤憂民鬢欲蒼試看今歲計非  
比昔時康輸輓疲諸道徵求困萬方金繒遺絕  
塞壁馬聲宣防少府猶填壑潢池每跳梁寵惟  
私左縮筭肯紬弘羊群望寧無屬孤忠必有當  
直須忘毀譽且勿問行藏客候關門氣天迴列  
宿光銓曹虛上考黼展待匡襄振驚仙班引驪  
駒祖席張君能憐小草吾益愛甘棠燕市歌難  
負苞堂詩選 卷四 四

和延津劍儻將依然人臥雪遙指烏隨陽所藉

春暉力幽蘭也自芳

送吳幼如備兵江右二十四韻

曠代完真氣熙朝用大賢探珠惟赤水採玉必  
藍田屈宋空張楚荆高豈急燕自今能捧日疇  
昔枉談天綬向三吳擁帷曾百粵褰馮唐寧計  
秩邵晏已過年地匪輕淮海名應重潁川犢歸  
新賣劍馬飲舊沉錢雅操彌攻苦閒情肯慕羶

但期流澤在勿問薦書傳城鳳頻驚下臺烏始  
賀遷宦資將石去鄉夢與床懸廬嶽千尋上宮  
湖九派前晴光搖組練秋色引旌旆懶發陳遵  
牘終先祖迷鞭經綸餘竹素楊摧付丹鉛落羽  
猶堪振遺漉總不捐交從知己借才得故人憐  
繾綣深投轄慇懃數贈瓊嵇康疎筵甚徐孺禮  
何偏郡舍方休矣河梁遽黯然酬心指茗甯揮  
手隔風煙飛蓋驕難駐離歌杳莫宣東林儻修  
負苞堂詩選 卷四 五

社重結異時緣

賦得弭棹金陵渚送徐京兆

江渚通南紀都城控上遊林光初戢曙濤色正  
臨秋岸弭蒼鷹舳筵開白鷺洲饒申朝彥集借  
寇國人謀風雨迴饒吹魚龍避棹謳山移遠樹  
出潮退淺沙淨舊浦寧無戀嚴程詎可畱懸知  
丹禁裏入夢有商舟

九日同謝在杭曹能始集清涼寺時汪仲

嘉自新都至謝比部友可自燕至方刺史  
子及還閩尹駕部汝恒還蜀詩併及之共  
賦五言六韻拈得圖字

重陽臨素節遐眺極黃圖寶樹開千座金花薦  
百壺霜催遵渚鴈涼結吹臺烏江令歸初得桓  
公賞不孤既欣朋自遠復此餞傾都顧我慙能  
賤登高從大夫

九月十五日同潘景升吳允兆諸丈集湖

負苞堂詩選

卷四

六

上分得登字

何幸值良朋兼之酒似溫鄂舟今夕共陳轄往  
年曾野服新裁芟山尊曲製藤觀濤雖較晚乘  
興亦無恒莫遽凌風去還須待月升林寒聞葉  
下湖靜覺波澄隱隱高城柝離離遠岫燈客非  
尋北海妓本出西陵度曲當誰顧稱詩敢自矜  
兩峰秋更好期爾歷攀登

寄題杜將軍榮福堂

何事箕疇福榮名不共俱要知綿世澤端在揭  
宸謨接武人如玉敦詩將是儒簪纓誰比盛堂  
構自應殊星欲重檐墮雲將畫棟扶軸簾紅拂  
妓列戟紫髯胡海岳窺鵬擊乾坤撫駿圖猶聞  
辭起第爲未減匈奴

宿法華寺同吳允兆茅孝若賦得梁字

樹轉接幽徑雲歸講法堂高僧畱杖鉢客子問  
津梁鳴磬和仙梵然燈借佛光風泉寒拂燭霜  
負苞堂詩選

卷四

七

月淨移床久厭生涯苦從耽野趣長冥心依怖  
鴿故業感亡羊壁是何年畫琴應此日張遠公  
不禁飲來往虎溪傍

貧菴堂詩選卷之四

吳興臧懋循晉叔甫著

七言排律

寄喻邦相

使君風雅冠詞場，勛業兼畱竹帛光。  
露冕外臣資共理，垂衣聖主眷惟良。  
望傾百揆心逾赤，恩戴三朝髣髴蒼。  
翰墨當年誇武庫，經營隨地見文章。  
好賢屢解陳蕃榻，憂國能開汲黯倉。  
詎遣貧菴堂詩選卷四

八

盛名輪小草，佇看遺澤永。  
其棠座綠客集題鶚，鵲政爲人和下鳳凰。  
宦跡崢嶸新竹馬，酒容瀟灑舊胡床。  
赤城賦就神猶往，白石歌殘願果償。  
高第總推吳太守，少年爭附蔡中郎。  
龍門邂逅叨投刺，驪路逡巡對別觴。  
浪說白雲誰可獻，敢云青玉案相當。  
論持上下期千古，興阻沿洄愴一方。  
只有寸衷將尺素，雙鴻時起太湖傍。

出塞

蕭關烽火震咸京，持節登壇事北征。  
三表慨然披賈疏，一戎率爾乞終纓。  
金門驟躍飛黃出，玉塞遙占太白明。  
結陳潛軍趨馬邑，分麾列卒度龍城。  
湛盧離匣胡霜慘，繁弱張弦漢月橫。  
歛野旌旗開殺氣，聳天笳鼓亂秋聲。  
長驅直踐賢王帳，轉戰全夷雜虜營。  
勒石狼山題浩蕩，洗兵鯢海照澄清。  
宣威絕漠邊功立，獻凱還都廟畧成。  
會看封侯班定遠，莫將投筆笑書生。

貧菴堂詩選卷四

九

負苞堂詩選卷之五

吳興臧懋循晉叔甫著

五言絕句

感懷

一夜青霜降萋萋草具腓誰知巖谷裏猶有薜蘿衣

送王曰常還豫章

何事不禁愁蒼皇上別舟遙持兩行淚日對九

負苞堂詩選

卷五

十一

江流

清涼寺雨中送曹能始梅子馬分賦二絕

十年始一見愁心未能雪那堪風雨中更作東

西別

其二

越嶠朝嵐重楚江秋水淡離程不可盡况復故

人心

江上送曹能始別

相望江亭晚尊空客漸稀楊花不解別到處逐君飛

賦得春鶯送客

綠樹隱黃鶯作意向春鳴君過春山聽無非喚友聲

陌上見遊者戲爲之詠

花柳可憐人鶯嬌燕復新盈盈南陌上若個不爲春

負苞堂詩選

卷五

十二

春望

所思千里道積望傷懷抱不知春幾深綠盡長

河草

寒食

揮馬出長安前程正渺漫可憐中自熱徒有食

能寒

題菜

桃李有好色當春競藿靡菜花亦不遲開徧春



風裏

題黃司馬味泉亭

爾家綠雲芽薦以中冷水一枕北窗餘微風落  
松子

負苞堂詩選

卷五

三

負苞堂詩選卷之五

吳興臧懋循晉叔甫著

七言絕句

贈熊明府子良

顧渚山頭五色霞使君行部到山家勝遊端自  
兼公事春雨年年採貢茶

送吳載伯之金陵

青蘋綠綺俠遊裝分手江亭去路長處處鶯花

負苞堂詩選

卷五

四

畱客醉不知春色在橫塘

送姚園客還莆

寒江落日倚歸槎目盡南天不見家莫向離程

怨蕭瑟千山紅葉似春花

送吳陽伯南遊

春風啼殺白門鷓鴣綺陌麟麟衛玠車連手如花

遊女伴一時夾轂問君家

江上別送者

日日春風吹別顏故人舟楫幾人攀  
縣江東下桐廬道一片桃花送客還

與吳翁晉別

同爲異客有先還落日征轅不重攀  
離思如何寄歸鴈隨君遙度秣陵關

荷葉相公

罷官昨日今如何行馬門前換雀羅  
便道傾都供帳盛舊來東閣似還多

負苞堂詩選

卷五

五

寄吳公擇

一臥山中無歲月每對青銅傷白髮  
春來思酒不得錢閉門數日花事歇

久不得允兆書却寄

白門無事久離居淡巷垂楊臥病餘  
啼鳥欲闌春已盡故人不寄一行書

答姚叔度

放舸衝炎作遠遊故人念我特相畱  
別來東去

錢塘路幾日涼颼宛似秋

答汪仲嘉

客路經春侶伴稀故鄉回首淚霑衣  
不知若個吹長笛一夜梅花似雪飛

李大夫巡淮歌

黃河東接大淮浮千里金隄引漕舟  
瓠子宮前君試望桃花無恙漢時流

秦淮聞吳太寧歌

負苞堂詩選

卷五

六

夜深四座已頽然忽聽吳歌曲  
哀傳片片涼雲低不度一齊回首月明前

溪上

草閣柴扉面碧波芰荷香動午風多  
故人避暑杯無恙何事交遊更不過

華亭早發

風雨連江偃荻蘆眠鳬宿鴈夜相呼  
平明霽色澄如練一片高帆出太湖

淮陽客舍

茱萸灣上鴈初飛  
桐柏山前客未歸  
何處吹笳明月夜  
能令清淚滿征衣

九月十六夜集汪景純宅同吳允兆諸德祖諸君子聽妓因拈庭來聲時韻賦得四絕

洞戶層軒夜不扃  
遞將歌妓借人聽  
不知餘曲還畱幾  
但覺霜華飛滿庭

負苞堂詩選

卷五

七

其二

旋到秦家學鳳臺  
歌筵四面錦屏開  
雖然佳麗無從見  
時送香塵隔棟來

其三

傳得當年子夜新  
一聲堪動滿筵人  
曲中若到傷心處  
難道青蛾不自顰

其四

艷質偏宜最艷詞  
歡情惟有酒能知  
一傾一石

應難醉何必羅襦半解時

孤嘗於過庭時間及風雅府君以自選雜體詩百五十餘篇示孤孤請益府君不許曰若不知杜必簡氏名之藉藉而詩之寥寥乎孤請梓府君復不許曰若其待之亡何府君見背哀毀荒迷中筆研都廢獨不能不爲先人不朽計因攜其稿若干冊謁茅先生孝若詩可否先生曰子姑承遺命嗣爲續集可也

負苞堂詩選

卷五

八

乃併府君文合付剞劂文尤散逸不可稽今亦第刻其存而自選者

辛酉五月既望不孝孤爾炳百拜

負苞堂文選目

卷一

表

擬唐中書侍郎李吉甫上元日和國計簿表

擬唐門下侍郎同平章事裴度奉述憂勤機略進呈表

擬頒醒貪要錄於內外諸司謝表

負苞堂文選目

一

擬儒臣進講春秋上諭以聖賢憂世之心

因命賜講官坐及茶菓謝表

擬上御文華殿講臣進講大學衍義禮畢

賜茶謝表

擬上御文華殿少傅楊榮進講所謂平天

下章學士王直進講生財有大道章上剖

析其義諭之謝表

擬上御文華殿談典謨有感感詩示廷臣

謝表

卷二

啟

復秦王伯聞啟

復杜將軍啟

侯申相公啟

謝葉相公啟

謝劉司空啟

負苞堂文選目

二

謝陳中丞啟

謝御史薦啟

餞徐京兆啟

迎都轉運啟

賀方少宰啟

謝李司徒啟

謝孫掌院啟

謝許副院啟

謝王侍御啟

回李達亭啟

上饒方伯啟

壽徐相公啟

賀王中丞自江西入僉院事啟

壽張太夫人啟

壽申太夫人啟

卷三

負苞堂文選

目

序

代送陳駕部視學兩浙序

送洪方伯入覲序

送陳使君之思州序

贈黃別駕奏績序

送游明府入計序

壽方司徒九十府

李侍御奏議序

元史紀事本末序

賀葉少宰入相序

贈裴司空予告南還序

送按察副使劉公進山西叅政序

壽沈母姚太孺人七十序

送蕭侍御考績序

南京會試題名錄序

古詩所序

負苞堂文選

目

唐詩所序

弋說序

元曲選序

元曲選後集序

彈詞小序

送徐京兆序

壽李太公詩序

曾明府三吳輿頌序

四

引跋

冒伯麟詩引

玉茗堂傳奇引

俠遊錄小引

荆釵記引

題六臣文選跋

題武將軍華山詩畫冊後

跋文待詔西苑詩卷

負苞堂文選

目

五

澹菴錢公墓誌跋

卷四

書

與張司理書

與吳載伯書

與吳允兆書

與姚伯道書

與周穉尊書

與茅康伯書

與許孝廉書

上謝中丞書

與章元禮書

答錢司理書

上潘司馬書

與歐楨伯書

與吳公擇書

負苞堂文選

目

與吳允兆書

復姚叔度書

奉徐少師書

與鄧忠父書

復閔明府書

復余司理書

寄錢中丞書

復李孟超書

六

復陸伯生書

寄黃貞父書

復漢明府書

答曹能始書

與曹能始書

寄姚通叅書

復李中丞書

復熊子良書

負苞堂文選

目

七

復李本寧書

與錢惟疑書

與謝在杭書

記傳

重建嘉興批驗所記

三教逸史傳

頌讚

台極頌

題沈孺休小像讚

吳仲虛讚

疏

清涼山顯通寺募緣疏

重建五雲山真際寺佛殿疏

礦銘

茅大夫礦銘

祭文

負苞堂文選

目

八

祭孫少宰文

祭郭中丞文

祭申相公文

祭王孝廉文

祭姚母閔孺人文

負苞堂文選卷之一

吳興臧懋循晉叔甫著

表

擬唐中書侍郎李吉甫上元日和國計簿

表  
元和二年

大生五材本待國家緩急之用帝齊八政必拂  
食貨盈縮之權法汰爾絲慮周桑土謹借負版  
之式聊當前著之籌竊惟虞薰再鼓爲阜民財

負苞堂文選

卷一

二

禹貢一書在稽邦賦寔太平之要務匪專殖之  
私圖自井牧廢而薄斂之治衰漸典籍亡而培  
尅之謀熾禁彌山海徒云利析秋毫察及雞豚  
豈念毒遭黔首誕興唐運光集貞觀授口分世  
業之田設租庸徵調之制畜兵有府衛之定額  
故兵不乏而餉亦充建官有省寺之常員故官  
不濫而祿恒足天寶以降風教式微羽書歲警  
於邊寒亦馬時等於方鎮矧鑾輿當播遷之後

興發滋繁而閭閻值兵燹之餘生養久絀幹理  
如劉晏僅能五事成名姦罔若延齡乃致百端  
爲梗征夫寡婦將轉壑以難逃蔀屋窮簷竟叩  
關而莫遂哀鴻之中澤如此碩鼠之樂土謂何  
宜軫宸衷特迴欽恤

○○○神錫智勇聖聖聰明端拱垂衣膺日  
升月恒之祉有虔秉鉞奮風行雷厲之猷撲燎  
火之已焚拯橫流之方割華夷崩角幸覩漢儀

負苞堂文選

卷一

三

童艾開顏欣霑周德而猶憂勤不輟克責逾殷  
精誠旁燭於八紘懇惻潛孚於九廟仙厨撤味  
獸館休畋聘嵩少幽人隱淪動色贖魏徵故第  
忠鯁增榮何上理之不臻佇中興之有待顧西  
北之藩臣尚橫而東南之民力已窮鄜坊邠寧  
七十城不通文告閩浙宣歙百萬戶總斃誅求  
丁口損四分之三忍復耽於虎視兵餉增三分  
之一可更恣其漁侵兼非時之水旱爲災及巨



測之征輸曷繼斃斃赤子益無粟而桁無襦凜凜黃圖旌之聲而壘之耶竊恐度支易竭元氣難培倘鈴下有脫巾之呼誰其彈壓或野外有揭竿之衆何以掃除臣見局管窺才慙劓發祇緣中宮卹草曾微先帝之知嗣以外郡聲華遂忝史官之命誓傾心膂效涓埃爲牧廿年具悉羌徭之煩苦備員三事敢忘稼穡之艱難是用稽登耗之由著鑒觀之跡勒成十卷進獻九重

負苞堂文選

卷一

三

重雖多明危憂盛之言亦盡兵冗民貧之狀要知國胡以富于前而儉於後賦胡以輕於昔而重於今以兩戶資一兵其飛輓安得不困以一夫徵兩稅其儲侍安得不殫自非神運鬼輸何從取給空復號天搶地靡救淪胥方謂痛切伊推焉可視同越射假令文皇至今而在亦有躊躇若蒙明主按簿而觀能無頓蹙伏願防涖竭澤戒謹漏卮銷刀劍以課農耕蘇息域中之涸

鮒菟車徒以省軍實廊清鎮上之封狐則青海冰州偃牙門而納費丹崖火微窮珠穴而歸琛矣

擬唐門下侍郎同平章事裴度摹述憂勤

機略進呈表

元和十四年

伏以武振中興六合仰師貞之略文昭前誠九重增震號之懷後先之規畫具存上下之焦勞未輟謹齋心而進御冀觸目以垂箴竊惟國不

負苞堂文選

卷一

四

以歌雍舞象爲適化理全繫精神君不以戢戈包虎爲難究竟惟憑末路明良交頌猶勤韜鐸之求述作重光不廢戶楹之警雖昌猷有赫方如日之中天而軫念無窮有若朝不謀夕用能兢惕益保休明齊桓矜盛會於葵丘叛生九國晉武侈雄圖於江左爨啟五胡致鴻名之頓虧慨龜鑑之非遠蓋禍機本伏於微渺而治功最弊於因循有事則懼懼則思思卽多微桑未雨

之慮無事則盈盈則憊憊卽輕積薪厝火之防  
故聖王每履盛而虞衰在蓋臣必慎終以如始  
○○○青宮毓德紫極承休纘十葉之洪基  
奮四征之偉蹟攬乾綱而獨斷運離照以兼臨  
含齒戴髮之倫各欣寧謐航海梯山之域咸順  
指揮蠡蚺醜徒敢違文告尋干戈以窺畿甸盜  
據淮西連烽火以撼疆場陰通河北欲剪鴟張  
之勢宜申犇擊之威乃建議者以供給之不支

負苞堂文選

卷一

五

多伏蒲而請赦討叛者由節制之不一皆按甲  
而莫前詎意行恩過符神哲起臣於重傷之日  
加臣以都統之銜出祖登門詔旣排羣臣以專  
授流涕辭闕誓豈與逆賊而俱生進旅屯雲色  
動熊羆之校潛師犯雪聲囂鵝鴨之池于是九  
攻九却之計窮八戰八克之勲茂桓桓奏捷懾  
狐鼠以亡精矯矯獻囚戮鯢鯨而築觀承宗削  
封於茅土師道懸首於藁街宿忿頓平靈威大

闕此皆稟之睿筭何敢妄謂賢勞顧臣恩重才  
輕識近慮遠所戡伐者惟三鎮備嘗萬里擲風  
沐雨之艱所謀斷者在一堂久厯十年旰食宵  
衣之苦尚煙塵之充斥可堪徂彼前功曾歲月  
之幾何奚遽隳于晚節巖廊分甲乙之黨度支  
任庚癸之呼臺閣九層望瑤池而降王母塔凌  
千仞奉朽骨而讚金仙厚積美緡遠尋靈藥念  
忽差於一旦事若出於兩人濡砌之戒漸疎復

負苞堂文選

卷一

六

隍之虞恐涉臣所以載搜往跡輒瀆宸聰天命  
難諶肯厭杞人憂墜國步未靖空懷魯女悲吟  
托蘭冊之微辭用備九五燕閒之覽效涓埃之  
小助冀留萬一儆省之資伏願勤表惜陰憂深  
履薄承暉殿裏肅然宣政初辰龍首渠邊凜若  
蔡州寒夜至意旁孚於廟社凝父母天地一氣  
之祥大防永固于華戎貽子孫帝王萬世之業  
擬頌醒貪簡要錄於內外諸司謝表

洪武

二十五年

伏以王言秋肅十行垂貪黷之箴睿制春溫三復仰澄清之益琬琰遙傳於帝闕冰霜競切於臣隣擬答泰交增懷乾惕竊惟肆筆成書本出聖入神之餘事援古爲鑑乃治民理物之深資繩契已還簡冊斯備雖云憲章不乏實則教化無稽栢梁罕誠勗之辭花萼惟滛靡之什鳳閣侈哀於三教鴻都濫售於八分甚開墨勅斜封

負苞堂文選

卷一

七

敢竊寶弓大王明良道喪謨訓風微詎有光聞弘猷宣融上理剖晰乎貪廉之義提撕乎中外之司煥若天象昭回洞八表以皆燭儼如聖經對越襲六典而不刊近可作範於螭頭遠足貽謀於燕翼者也

皇帝陛下聰明克亶神勇無前黃河爲聖人清凝上祥於北極金陵有天子氣拓偉略於西京奮百戰而掃氛靈懸寓重瞻日月纂一戎而拯

饑溺黔黎共慰雲霓匡夏攘夷耻唐宗可汗之號制禮作樂陋漢儒繇最之章國寶已集乎共球宸衷彌凜於淵谷謂卹民必先計吏而繩貪卽以訓廉旣頌文告以肅官常旋編歲祿以勤民隱盤餐粒粒靡非汗土中來廩餼繫繫寧是雨珠可得循品第而程其資給文裾武弁兼陳總穀入而課其農功露宿霜食具見爾俸爾祿退食處當思沉寗晨寒民脂民膏式燕時須憶

負苞堂文選

卷一

八

窮簷暮泣指獨懲於尸素名因冠夫醒貪砥礪百僚班布六服言約而盡能移污濁爲貞意切以深可使酣迷頓覺顧韋絃而等益豈輦輓以矜工墨吏潜消由此改圖於腴削蒼生永賴從今蘇困於征求無煩饕餮之誅有甚金錢之媿幡然澡雪翕矣成風臣等鹿鹿羣趨魚魚自飭榮叨君賜清畏人知念阿堵物于我何加豈階一官爲苞苴之計讀古賢書所學奚事忍殘百

姓爲溪壑之謀敢不表節羔羊室情麋鼠納膏  
腴而不潤耿泉水以逾堅誓却楊金庶無慙於  
幽夜肯私鄭璧終受罪於匹夫伏願威輯虎包  
恩覃龍御勅幾康於一日二日基宥密於先天  
後天帑藏充盈尚靳露臺之費功旌妙選猶防  
風隧之謠養賢以綏兆民媿嘉靖殷邦車書一  
統作人而享遐壽邁縣長周曆胤祚千年

擬儒臣進講春秋上諭以聖賢憂世之心

負苞堂文選

卷一

九

因命賜講官坐及茶菓謝表

宣德三年

伏以寶帳橫經袞鉞示一王之法輔筵論道絲  
綸垂百代之箴精研尚愧於董帷優賚已重於  
戴席榮沾湛露喜溢鈞天竊惟鴻濛肇闢綴遐  
訓於墳丘勲華邁典揭辰告於謨典皆足丹青  
神化鼓吹綦隆然理亂之故莫詳而法戒之規  
不備魯爲宗國秉周禮盡在之稱聖至宣尼挺  
生民未有之望自東遷而黍離亡雅迄西狩而

麟獲成經託二百四十二年南面之權紀一百  
二十四國中衰之跡尊攘並著褒貶兼該予奪  
不借于單辭筆削尤嚴於一字防流杜漸雖荆  
吳雄長恒裁其猾夏之謀顯微闡幽若齊晉同  
盟屢責以勤王之義以天自處有罪必誅信萬  
古之法程展五經之斷案卜于夏親承聖教而  
公穀分爲兩家左丘明歷叙事源而虞鐸撤爲  
數卷競崇師說各立門牆徒益紛紜彌增誕妄  
劉子駿僭爲改竄敢恣肆以移書雋不疑何所  
發明輒牽引而折獄沒微言於滋蔓叢大道於  
多岐五始之學誰傳一統之公遂泯事如有待  
文不在茲

負苞堂文選

卷一

十

皇帝陛下御籙登樞體元握治繼二祖一宗之  
建立豐日中天廣九官列牧之咨諏泰交斯卜  
每切萬幾競業之慮不輟三雍講述之勤申命  
儒紳對揚秘閣謂帝王之治本於學而經筵爲

五學最先聖賢之情見乎詞而春秋則一辭莫  
讚敷陳古訓獻納新知在庸鄙猶滯於言筌乃  
宸聰已洞其旨與卽一事而憂深思遠總提綱  
挈領之心雖片語而義正詞嚴皆扶顛持危之  
術言言破的豈經生學士可希字字窮神非老  
師宿儒所究若太陽流照芒掩羣星譬洪鐘叩  
懸音發衆律乍疑攻木頓喜發蒙蓋天聽卑念  
臣侍久假胡床而賜坐出仙液以分珍玉案近

負苞堂文選

卷一

十二

依瑞靄接香爐共惹珠簾不隔清風隨茗椀俱  
生紫筍月團潤寒蟬之噪吻葡萄盧橘充饌鼠  
之枯腸寵絕邁於投醪感逾深於推食顧臣等  
愚幾忘馬弱不爲梟睹大義之揭天驚小智之  
窺日拂歸鞍而帶絲籠力豈勝恩候曝直而數  
花磚言難盡意終冀輸其塵露底不負乎稻粱  
伏願治戒濡柳學懲止簣勒華夷內外以嚴其  
界嚴王伯正譎以峻其防消息盈虛必謹偕行

之運禮樂征伐毋移獨斷之威則洙泗之淵源  
可紹而青史光豐鎬之曆數克踰而黃圖鞏

擬上御文華殿講臣進講大學衍義禮畢

賜茶謝表

弘治元年

寶笈雲暉紀載覃聖經之要金華日麗講求昭  
帝學之勤鉛槧之業有光堂陛之交不隔覲龍  
顏於晉接拜手揚休奉雀舌於渙頒捫心知渥  
竊惟百王莫盛於仲尼而一貫獨唯於曾子爰

負苞堂文選

卷一

十三

作大學未喪斯文本之修已而慮切銘盤推之  
治人而化弘紫輝淵源邈矣實東魯授受之微  
言綱目粲然乃南面經綸之上術慨異端之簧  
鼓致大道之泰然豈不昭揭於鴻都時亦表章  
於虎觀圖籍而修憲老錯三雍縣蕞之中重席  
而競談經在二載由臺之後嗣流傳於洛下載  
衍義於西山挾聖賢道德性命之精掇古今興  
廢安危之跡千言不厭治理洞若秋毫一覽未

終謨訓炳如白日曾頭高皇之廡壁間進列聖之經緯勿替燕謀適追鴻烈

皇帝陛下祥開河紀睿總天維禮暨樂以咸與兵與刑而不試克勤初政務澄源端本之功率由舊章參重道崇儒之典絲綸傳後殿花香繚繞朝衣虎豹啟前旌雲氣鬱葱仙仗簪裾列侍圖籍旁蒐一日萬幾兢業廣廈細旃之上四條六要敷演殘編斷簡之餘精神潛契於昔賢問

負苞堂文選

卷一

十三

難各窮其新得蓋將悉考古証今之義夫豈爲循章摘句之資惟聖心獨觀昭晰之原直已折衷於衆論故皇恩迺出尋常之格遂令普潤於羣工紫筍芬浮莫辨御爐煙烈綠華飛色徧驚上苑春饒美動七情風生兩腋顧杯漿而慙味指蘭露以侔芳伏念吳主分茶愛才思渴晉王置茗下士懷虛臣等何人被茲殊寵抱珉函而奏御志徒切於豹窺握黼幄以颺言識竟迷於

蠡測未濯金莖之秀橫霑玉井之甘敢不滌慮餘水銜榮設醴退以吐剛茹柔自戒進以獻可替否爲恭惟嘉謀嘉猷乃敢入告非曰仁曰義不取前陳伏願學懋修而乃來緝熙靡懈道若望而未見顧諟常殷任斷斷而愛惡之極端詠天天而仁讓之風洽明德新民止至善礪切磋琢磨於九重家齊國治天下平衍樂利親賢於萬禩

負苞堂文選

卷一

十四

擬上御文華殿少傅楊榮進講所謂平天下章學士王直進講生財有大道章上剖析其義諭之謝表

宣德六年

伏以聖衷勤政敝紫閣以談經帝學研幾抉玄局而啟秘言壇明晰義海淵渙開一代之太平訓嚴振鐸導羣工之蒙昧喜溢書紳竊惟大學全書爲千古傳心之要訣而治平一傳尤百王制理之芳規別賢否如鏡握天門高士下鴻冥

之弋叙本末如衡懸斗柄貪夫絕幪慕之羶秉  
能愛能惡之公豈樹私家桃李揭倖入倖出之  
戒盡芟利孔荆榛自禮記稍雜於漢儒而衍義  
始呈於宋世東魯之微言漸泯南面之涼德滋  
多以崇政講說爲虛文以承明保直爲故事賢  
關久塞弊竇旁開兩稅均輸間閭之脂膏竭矣  
四科取士草澤之神彩索然大都聚斂之謀罕  
有慎修之實倘非聖神之繼作誰闡經傳於重

負苞堂文選

卷一

十五

明

皇帝陛下道契希夷誠參化育續二祖一宗之  
緒恢三皇五帝之勲肆伐貸安南務止戈以綏  
荒服征徭停浙右防竭澤而惠黎元比從燕居  
清暇之時更修稽古崇文之典遙傳禁籞翠華  
指金殿以來臨簡命詞臣蒼佩集瑤墀而進講  
謂孔門之首義悉曾子之末章共理陳言反覆  
何辭拆角各據新得討論必欲窮神畜西山致

主之思徒披悃愬究考亭分經之指猶滯藩籬  
終慚愚慮之千莫當王心之一鉤深致遠未展  
卷而精奧潛通挈領提綱乍吐辭而條理具見  
勿容萋菲恐妨有利之臣豈在繭絲乃是生財  
之道遠小人親君子官聯庶可澄清急撫字緩  
催科民困方能蘇息重爲分割遍與叮嚀溫語  
頒來垂照儼殷庭之鑑德音徹處指迷恍軒后  
之車蓋皇上資本天聰能發前人所未發故微

負苞堂文選

卷一

十六

臣聽當風順獲聞今日所未聞臣等識陋難碑  
文疎鼠獄三朝恩遇負剛直之虛名一介遭逢  
偶雍熙之景運雖惓惓粗知報國而碌碌無可  
逾人敢不持正論以格心將共稷契臯夔贊格  
天之業本經術而弘化肯學申韓棄孔貽蠹治  
之端伏願寶善是圖發身爲憲幣勤三聘蒸蒸  
雲雨賢才弦切五揮稷稷水火菽粟則戴日戴  
斗命集有常卜世卜年德流不謬矣

擬上御文華殿談典謨有感成詩示廷臣

謝表 宣德四年

伏以明王思治資遺範於典謨盛世颺歌世元聲於風雅揆雲霞之麗藻遙映十行分琬琰之餘暉俯頒百揆開函色動捧什瑰搖竊惟結繩而降尚書闡混沌之文垂承以還二帝擅勲華之盛危微精一授受之淵源喜起明良都俞之景象虛懷諫鼓軫念薰弦甘脯腊以居勞即茅負苞堂文選 卷一 七

茨而示儉故能使比戶有可封之俗舞階無不格之苗圖書出而龍馬浮金石諧而鳳凰集此所以卓冠萬古典起百王者也慨夫秦燎原中都成灰燼漢矜馬上靡事蒐蘿殘編多錯於汲書舊簡僅存於魯壁自伏勝始以教士至梅賾乃列學官徒循掌故之蕪辭或修臨雍之故事書屏書廡何加韋布之勤作賦作圖詎比美增之切蓋樂此而不疲者有矣求稽古而能獲者

誰與

皇帝陛下欽承玄謨丕揚休命乾綱整肅每一日而惕萬幾允澤滂沱繇兩都而浹四海懷恩慕化之黨候雨占風疇德應聖之符非煙若霧固已祥鍾三春瑞輯五靈丹浦之君睠鴻圖而讓美鳩墟之后撫駿烈而慙賢過挹謙冲無忘仰止清蹕忽傳於武衛乘輿特降乎文華謂記言記事已來大法大猷安在追格天協帝之蹟負苞堂文選 卷一 十八

心遊蒲坂平陽誦元首股肱之歌神契總章衡室乃以惟幾惟康之感發爲如珪如玉之吟紉繹宸衷輝煌御札踵芳規於曠世見之古亦欲見之今漱妙旨於餘編得其詞兼以得其意聊借五言而作體不因六代以爭妍遂遣近臣遍窺雄製音塵雖隔精神本通而霽顏共觀廓如下濟之光明溫語均成藹若太和之盎溢臣等幸隨擊壤叨厠闔門春鳥秋蟲抱微音而欲吐



西崑東壁仰玄象而思瞻非訓比夔臯豈容漫  
爲拜手必道參姚姒乃敢獻以沃心如徒登常  
侍之牀曾莫諷誠懸之筆蟬蛸歲月將無遺請  
於伐檀狼狽功名抑亦懷慙於撻市伏願取人  
爲善能自得師帝驟王馳務咸五登三而立極  
聲律身度俾襲六爲七以成經舉八元八愷於  
朝端遠陋商巖周渭播九德九功於宇內長欣  
舜日堯天

負苞堂文選卷之二

吳興臧懋循晉叔甫著

啟

復秦王孫伯聞啟

漢盟白馬非劉不王者三百年周兆赤烏同姬  
而封者五十國必待維城之傑斯堪祭酒之尊  
恭惟殿下稟潤天潢承暉日觀屏膏梁之習蕭  
然若寒士風擅翰墨之工倬哉得作者體賢聲  
負苞堂文選 卷二

藉藉當在東平河間之前藻思翩翩更出大曆  
開成之右而猶過自抑損不敢驕盈設梁園之  
席而禮異人築碣石之宮以延豪客網羅四海  
揚摧千秋遂使踈迹之姓名亦叨清燕之采錄  
遠垂駿顧橫被鴻儀寵借踰涯褒揚非當柰其  
素無實學徒負虛稱占丘壑以爲雄抱煙霞而  
成病未遇鍾期之賞輒欲毀絃若見陸機之文  
自應燒研思真龍之忽下識凡鳥之先題白雪

既操庸假巴人之曲凌雲已構詎煩櫟社之材  
況乎蒲柳姿衰桑榆齒通曳裾何日置醴難期  
戴華嶽之崔巍徒慚恩重泛黃河之浩渺罔報  
知深鴈足數行魚腸徑尺託此爲謝終莫能宣

復杜將軍啟

恭惟門下道器闊遠德宇靚深方略家傳展雄  
風於馬上智謀神授決勝算於帷中蓋天子遣  
趙將軍專欲驗破羗之策而路人問霍去病已

負苞堂文選

卷二

二

能收絕漢之勳奚止萬夫敵所向無前抑亦八  
面才何施不可是以旁搜六籍則詩書禮樂事  
業尤多盡護羣師則壁壘旌旄光彩加倍然而  
絳侯以安劉績顯若考其門第何階征南以僻  
左才稱終恨其淵源莫嗣乃知後先濟美厥惟  
艱哉文武兼資又其細耳聞者屬四垂之無警  
因而得三教之旁通雖總戎機希追隱跡吞九  
溟於筆海快矣抗搖扶五岳於詞峰翛然長往

遂揮黃金以招方士更勤蒼璧而禮儒流勒作  
新篇用代麒麟之畫畱爲故事將尋鷗鷺之盟  
如僕者本是畸人有何他技久置念功名之外  
謬馳聲文字之餘直以同調而要白雪之訓豈  
日無媒而來明月之盼敢不仰承高獎曲撰蕪  
音託以自將列之如右寸丹報德指秦路而方  
窮尺素緘誠伏吳門而逾警

候申相公啟

代作

負苞堂文選

卷二

三

竊以宰相爲朝之柱石眷顧常殷老成繫國之  
典刑注望尤切厥惟同德一阿衡乃格于天如  
彼妄男百富民何補於漢赤舄之歌有屬黃麻  
之召可期恭惟閣下忠結主知道開民覺海岳  
無運動之迹人蒙潤而莫窺風露以長養爲仁  
物滋生而自遂試問昇平之化當誰輔弼之功  
何意避賢驟聞告老營綠野之別第追赤松之  
遠游七十從心心已渾忘於出處五百名世世

猶倚重於安危蓋九重本尊李泌以先生而四海胥戴子儀爲尚父况乃華年彌劬精力無衰于時親見之紆謨所與拜施今日于躬未竟之緒業豈容盡付後人某意曠才疎身勤事左自慚踣地已失扶搖萬里之圖敢學書空且共侏儒一囊之粟匪階洪造孰借枝棲顧局微官閭修芹獻是以斐裁狂簡忸布樽陶諷杜陵之詩惟思庇於廣厦爲秋梁公士應耻出於他門伏負苞堂文選

卷二

四

願永叶朱衣介憤之祥益崇黃耳王鉉之寄

謝葉相公啟

代作

伏遠墻藩亟踰年簫挹微音於揆路戀逐時移竊餘潤於輿雲感隨情至恭惟閣下氣鍾五緯文藻六經適我后垂衣端拱之辰是上相秉軸經營之日衆言方亂守之以靜而自澄庶政漸隳整之以暇而悉舉凡所紆畫具有建明而猶獨坐遐思之巖溪懷凡几高啟平津之館不悵

翹翹譬諸播大鈞者無垠故雖占小善者必錄余某學未聞道材莫猶人甫遷典客之司已虞謫滿旋正罔卿之命承玷榮除詎有清資而致然曾何素望之及此敢不勉圖驅策覲答均陶廉比公儀無改懸魚之操謹同石慶常存數馬之心庶幾却日揮戈收効在桑榆之境豈必順風擁篲銜恩歸桃李之門

謝劉司空啟

代作

苞堂文選

卷二

五

愚不通今拙惟嗜古少妄謂功名之易就長始知事業之難終故得輿之願益頹而躡席之慚轉劇凡所剔歷曾惟日計之能勉爾經營僅守年勞之次數殆盈於百謫技畢見其五窮何意翰音忽塵罔命蟠木爲萬乘之器根抵誰容祥金入大冶之鑪鑊錡非想當必有吹噓而及此夫豈誠僥倖以得之恭惟門下敏劭天材宵華地望承家則太丘兄弟並奏埴篲遇主則

虞世君臣載廣徵角山濤啟在九流僉服其品  
題吉甫詩存萬邦共憲于文武定置宰衡之右  
遄歸跬步之間而猶以廣集忠益爲心板擢幽  
沉是急加之攻教雖疲駑亦十駕之資被以收  
羅卽弱鱗皆九戩之選遂令無似猥有茲遷人  
或笑分寸之攀躋何其蹇也自不翅三千之距  
踊將圖報焉子墨虔申寅丹莫旣

謝陳中丞啟 代作

負苞堂文選

卷二

六

伏以干城帝之心腹眷注爲涖鑲道國之咽喉  
經營尤急况當河防屢決之後重以度支告匱  
之餘設非崇伯滌源詎底平成之績必若蕭侯  
轉運方紓宵旰之憂所貴文武之兼資來副兵  
民之屬望恭惟門下粹然楚寶偉矣周楨持三  
尺以聽祥刑式聞空國備九邊而引漕粟復借  
登壇雖草木盡識其威名將山川頓增於氣色  
叱咤則千屯雷動指麾則萬櫟風生雕戈淑旂

益壯金隄之勢玄冕赤舄佇還玉鉉之司某百  
拙無堪一愚自信匪直青雲顯要未嘗敢輕易  
以求通卽如平日舊遊亦每坐澗疎而獲罪豈  
期弘貸猥辱隆施殆於造我如天不知報公何  
地顧漕政之與馬政事有相關而淮陽之去滁  
陽境非爲遠更與始終覆護左右提撕庶使收  
名定價於太君子之前可免商功計利於賤丈  
夫之隴

負苞堂文選

卷二

七

謝御史薦啟 代作

漢崇八使之班式嚴風紀唐優六察之選彌峻  
霜稜秉白簡以立朝封皂囊而論事其必是非  
無爽高下叶於權衡然後舉刺不頗寵辱加於  
袞鉞恭惟臺下堪輿間氣江漢精英雅望默可  
鎮浮閣抱卓能剴劇鳴琴致理譽早達於彤墀  
攬轡澄清芳並流於汗簡出胸中朗鑑坐燭下  
吏之百奸發肘後禁方立起疲民之九頌每從

行部尤切題材詎謂庸流誤叨殊目念其寒微  
地稟獨本性成有母在堂空佩教忠之訓無資  
逢世祇貽守拙之譏况屬大邦逾媿小器徒使  
祿過千石而效乏一籌封域廣則利病未能悉  
通獄市繁則聰明有所不逮田里多呻吟憔悴  
之態郡邑少敦睦揖讓之風動感觸而爲之顰  
眉將措置而能無掣肘既恐與人枘鑿又耻隨  
人桔槔故嘗斟酌於事宜不盡拘擥於文法寧  
負苞堂文選

卷二

八

滋多口遑卹微躬所幸國是清明日月具照台  
慈覆庇山藪爲藏寬之罪盪之餘登之薦揚之  
寂彼列郡循良無數尚欲短以取長豈下走分  
量能堪直是愛而忘醜亦何異策駑成駿飾朽  
加雕縱未能陳情以乞休冒榮已甚如更遣覲  
顏而受賞速謗可知似此隆施當何報稱敢不  
勉圖樹立重自激昂惟末路之益工斯素位之  
無忝雖仰體朋亡之義若不言恩而少酬師錫

之公庶猶歸德

錢徐京兆啟

黃花映野衣冠集西侯之寮丹葉滿林樽俎啟  
北梁之席少攀騶御共展餞私恭惟門下妙技  
解牛餘威避馬榮加九命指巖石以具瞻績奏  
三年捧介珪而入覲流芳遺澤江左天南去蓋  
征軒雲端日下黃潁川之令望不次當遷劉京  
兆之微言何時重接將依勝地用儼初筵清風  
負苞堂文選

卷二

九

穆而城闕寒白露滋而山川遠潮聲暮動翻入  
離歌嵐氣晴飛來催別酒嚴程不駐願擁傳而  
無從斜景可畱請迴戈而戀賞  
迎都轉運啓

代作

恭惟門下衣鉢文章箕裘軒冕佩虎符而臨千  
里憑熊軾而撫百城計上甘泉聲望與金甌比  
重波澄漲海勲華共銅柱爭高帝心已眷其惟  
良公論且須之大拜豈謂煮海之役終歸調鼎

之臣蓋繇鹽筴疏通實係邊方儲待是以雖勤  
簡命仍煩握筭之弘羊特假漕司尚屈賜金之  
黃霸天占使入地覺錢流念其涉世至迂承家  
不競昔於江右會叨霑化雨之餘今在浙中更  
獲厠休風之末曷勝慰藉敢闕趨迎敬肅短函  
統希崇鑑

賀方少宰啟

代作

南宮疏渥左揆升華甫承恩賜之環此身本爲

負苞堂文選

卷二

十

天下重卽秉甄收之鑑其權常與宰相均赫爾  
具瞻佇茲大拜恭惟閣下天畀仙材家傳與學  
據數重坐席之上首以經橫叅萬乘屬車之間  
久於法從知荷橐論思之尚在宜藻旒眷注之  
彌深雖廟謨未正於上台而政本全歸於亞宰  
闢公門桃李之徑悉入品題撫禁林梧竹之陰  
重來潤色必將敷宣大化以培國元氣採聽清  
議以銷人倖心俾賢愚無同滯之憂期朝野有

咸和之慶某器非適用分合歸耕願託共里之  
榮與附趨風之末元禮高門在望竟阻鱗攀  
弘東閣方新敢忘燕賀搖旌所嚮涉筆難宣

謝李司徒啟

代作

伏以六卿紫橐版部爲繁三輔黃圖倉場最重  
苟非周知於戶口阨塞之要何以參酌於錢穀  
贏訕之經故王夷甫耻而弗言直是清虛之品  
若蕭鄴侯供而不竭乃稱輔相之才矧今國儲

負苞堂文選

卷二

十一

尤勤帝念積之微而耗之廣山海亦有盡藏散  
之易而斂之難杼柚已無遺力盡黎庶之剝心  
甚矣將廟堂之束手奈何恭惟門下炳靈出嵩  
嶽之名宗擢穎得平輿之妙鑒虎符玉節久鎮  
江西龍袞繡裳遄歸極北借自股肱之地委以  
喉舌之司九府佇待其規摹四海想聞其區畫  
樽節滲漏匪規規流地之錢調度通融豈盼盼  
雨天之粟蓋惟本憂國憂民之慮少爲運籌卽

能使足兵足食之功可期成效其謬叨驥附愧  
闕魚書自分迂疎合就歸耕之計雖蒙提挈忽  
徼待駕之榮公雖不居其思我固已知其自敢  
持一念不貶之學以爲異時誓報之圖歌杜陵  
詩願永係於大厦作平陽客寧復掃於他門

謝孫掌院啟 代作

竊以今之中丞古稱亞相總三臺之糾察威望  
獨隆領四方之副封彌綸益密倘乏正繩之譽

負苞堂文選

卷二

十三

何堪弄印之榮恭惟門下受天鉅材爲國元老  
用經術而飾吏治本自關西繇直道而盡危言  
彈從柱後宸庭資其補袞揆路藉以持衡凡夫  
刀筆冗瑣之流悉在簪橐甄收之數若喬嶽之  
蓄雲泄霧人蒙潤而莫知類滄海之包乾括坤  
物何歸而不得顧某兩髦頓雪百念俱水分東  
壁之末光恍驚昨夢尋南滁之舊跡深媿重來  
豈誠無羽翼以能飛當必借齒牙而爲助故茲

遷轉良已僥逾雖葉庚久役於老聃然毛遂孰  
通於趙勝功名直身外之餘事未足蒙知節誼  
乃天下之大閑持此圖報

謝許副院啟

竊聞貢禹之封章累萬言輸忠固無別指吉甫  
之薦士數十輩流澤乃在異時顧慚疎逖之蹤  
亦綴收羅之數敢忘歸德竟闕修詞恭惟門下  
養盛而材周器閎而識遠英英風采冠赤墀供

負苞堂文選

卷二

十三

奉之班凜凜霜威領白筆扞彈之責假顏路忠  
邪之靡辨將堯舜聰明其柰何矧今國是之淆  
未見臺綱之肅若浮議則鼠牙而莫能詰若弊  
政則蝟毛而不可爲欲共濟於艱難端有資於  
弼亮此九重所以虛佇四海所以具瞻秉軸持  
鈞匪明伊夕念某詩書門戶止求無忝於先人  
塵土軒裳猶復褻褻於末路湯焉未能信之仕  
兼之不足畏之年卽茲典客之銜已多超躡驟

拜奉車之命孰借吹噓直以故人憐附驥之私  
遂使拙宦被遷驚之寵敢不力鞭其後圖稱所  
蒙豈謂無言自外公門之桃李縱令不採何傷  
幽谷之芝蘭永以操修是爲報塞

謝王侍御啟 代作

繡斧時巡肅霜威於八表彤庭報命洞水鑑于  
羣工方承鼓鑄之恩更荷昇噓之力謝固不敢  
德豈能忘恭唯臺下以間氣賢爲名世輔豹文

負苞堂文選

卷二

十四

霧隱聲名蔚起於朔方鵬翮風搏墳典縱觀于  
中秘尋膺簡注超拜裏行當乾坤清謐之朝居  
山嶽動搖之地入則擁皂囊而進御出則秉白  
筆以抨彈卽今浙以東浙以西會自望塵而凜  
凜直使吏無大吏無小誰不奉法而兢兢九戩  
之魚鱗魴遄歸周室千里之馬騏驎並獻燕臺  
遂致閒曹叨題薦刻念職凡容俗狀本乏魁梧  
麻質綿才尤慚幹濟徒階門廕濫厠鹽官亦知

栖枳之流定非鸞鳳旣負求芻之責敢返牛羊  
諒多瘼曠之愆忽有特達之遇望不及此得之  
駭然誓效捐糜勉酬鈞造掃丞相府雖難掩人  
言魏勃之庸處平原囊或可脫下客毛遂之穎  
謹裁尺素私布寸丹仰冀台原俯垂慈納

回李達亭啟

夙未借交忽奉兼金之賜比欣淮記更聆如玉  
之音惠損稠繁慚終裂積恭惟門下器資端亮

負苞堂文選

卷二

十五

經術淵闊論不媿于先賢師友孔孟遠可行於  
斯世妾婦蘇章首擢桂林俯勞花縣乍試一同  
之政旋騰三異之聲士元猶耻于見才卽墨旣  
從而造毀然吏績如此公道謂何汪汪若干頃  
之波豈以撓來頓濁湛湛如七子之境偏於磨  
後增輝故使製錦之譽益彰蹟輿之望轉重寧  
迷故步載發新硯學道愛人自不妨割雞之笑  
治中別駕翻足爲展驥之圖川泳雲飛未應煖



席幕開風動佇拜溫綸蓋其必然非敢爲倭某  
伶俜寡與蹇蹇多畸逆旅養殍聊假賣文而作  
活窮年鉛槧敢希述古以成名偶藉游揚輒通  
漫刺方瞻鴻漸遙跂來儀已聽鶴鳴同縻好爵  
報瓊雖切贈紆何能詢知出梁公之門固無虛  
士倘容入言偃之室亦附高流尚冀趨承虔申  
謝悃

上饒方伯啟

代作

負苞堂文選

卷十一

十六

出漢殿而分符早膺寵數控吳都而作牧近挹  
聲光星臨牛女之在天水會江淮以宗海榮綸  
特簡末屬傾瞻恭惟臺下經術無雙治平第一  
真材命世巖巖粉署之英蒞思凌雲鬱鬱劔津  
之秀蓋素養者本孔孟聖賢之定力而駿發者  
必臯夔遠大之奇勳自柄文衡羣士悉歸模楷  
比叅方岳列城咸籍旬宣顧惟帝念厯于浙中  
實謂民賦甲于天下以有限之征輸充無窮之

支費故帑藏非粟紅貫朽之初當不時之年歲  
應無已之誅求故閭閻多疾首蹙額之狀將釐  
宿弊必仗貞臣使之蠲銖錙以厚黎元積京坻  
而豐國計五熊先駕浙東浙西之地唯所經營  
雙隼拂旛若耄若倪之人登于衽席雄藩浩穰  
會迎刃肯綮之間法禁從容卽聽履嚴凝之表  
其五花未習千石虛叨矧才識如綫之微而機  
務勞絲之委不虞煩劇以畀疎庸莫逃小吏吏  
負苞堂文選

卷二

十七

壽徐相公啟

萬世享太平仰調元之有素六符開景運識餘  
慶之無涯紫氣氤氲誕膺純嘏黃扉深遯夙切  
具瞻恭惟閣下儀表鴻達名都虎觀秉鈞衡而  
戟門畫敞垂謨訓而椽筆春廻兩詔中興快觀

正光之日月千秋顧命誰如一德之君臣丹衷  
秘委于金勝赤手胼扶乎玉座帝情優賢接還  
聞博陸辭侯國是炳離明詎擬平津開閣何嫌  
得序卽在同升豈爲流言忽甘引退朱提捧賜  
皂蓋騰馳動庸寫像于麟臺未改憂時之鬢疏  
草嬰鱗于驪海偏輕去國之身蓋龍臥幾十餘  
年茲鵬息之六越月睠惟御裕報是懸弧人文  
叶兆于河清天意呈祥于奎聚靈實借青鸞西  
簾苞堂文選 卷二 十八  
至綺席生香仙歌偕白鶴南飛金飈應律堂寧  
念相兩朝之耆舊特旨修曠百代之典章乃遣  
行人曰咨上宰渙絲綸于存問籍筐篚于褒嘉  
渥矣恩波三泖逾增浩蕩歸然壽域九峰轉覺  
嶙峋庭際芝蘭曉競抽盡擁錦衣而戲彩門前  
桃李陰初合僉投玉案以稱觴翮知綠野之優  
游允繫蒼生之屬望任懸車于華閭應易蒲輪  
仍聽履于彤墀疇扳赤舄某自慙凡鳥久辱鳳

題不分疲驚曾來駿顧居幸降于桑梓戚忝附  
于兼葭恭承嵩降佳辰欣效華封私祝顧南極  
遙臨于吳苑爭榮酌兕之班而下材叨部于荆  
藩莫赴紱麟之會聊陳頌楮借頌岡陵伏願玄  
祐彌隆真禧茂介斂箕疇之福施及雲仍賡周  
雅之篇同歸主上  
賀王中丞自江西入僉院事啟  
恭惟明公授鉞天朝登壇江右一時丰采萬里  
負苞堂文選 卷二 十九  
澄清遂使綠林解戈黔首帖席深仁淺孚彭蠡  
崇勲俯乎匡廬故近習則胥史以及輿臺遠聽  
則州郡以逮邊徼多歷則父老能評則耆紳皆  
謂明公敏作能精寬大無漏逍遙匪適綜核不  
苛誠仁義之金湯西南之保障也屬聖天子宵  
旰晷治夢寐懷賢謂須列栢重臣以糾二輔郡  
吏乃勤詔璽特走徵車秉憲外庭風裁風推于  
薇省鳴珂北闕霜威具肅于蘭臺都中行避花

聽知按章之權重鄴下才輕繡虎識抗疏之名  
高宅揆允端國鈞攸寄豈不深吾道彈冠之慶  
而邁主恩賜劔之榮哉某驚似不前樗如無用  
幸濫竽于末路遂攬轡于方城曾向龍門御李  
膺不忝青蠅之附佇看麟閣圖充國何當白璧  
之投雖拮据之勢靡遑而詣賀之心則切肅將  
筐篚私佈堦墀素乏先容更慚後至藉輸忱于  
炙獻冀微惠于麾存

負苞堂文選

卷二

二十

壽張太夫人啟

輝騰寶婺南山開壽域以嵯峨賜渥金莖東海  
引恩波而浩蕩百僚交忭三楚增榮恭惟太夫  
人昭代母儀昌時人瑞清淑抱湘江之竹幽芳  
茹漢浦之蘭產珠則照乘孚胎韞璧則連城邁  
種思文稱后稷實載育於姜源篤棣頌姬公由  
克生于文妣受憑几之命不動聲色而四表晏  
如當負晨之朝總攬紀綱而羣工允若以其身

任天下重據鹽梅舟楫之弘猷以其學爲帝者  
師庠元首股肱之逸響分投魚水會際雲龍雖  
上宰奉公重遠揆衡之地而明王錫類善推定  
省之情迎養特遣中官賚予頻頒內帑掖庭召  
見環珮聲徹彤墀邸第送歸榆翟香分紫禁金  
爲昆玉爲季懋文武而功勩彝常鳳之子麟之  
孫嗣後先而名垂汗簡鴻庥未艾燕喜奚勝遙  
瞻壽母之辰適屆恢台之候堂闢捧日雕楹繡

負苞堂文選

卷二

三

幌映輝煌觴泛流霞急管繁絃爭窈窕仙馭駘  
黃鶴藥宮樹秀三珠玄帙報青鸞蓬島桃菲千  
歲彼潘令以板輿奉御遂目殊恩而萊子以綵  
服稱歡猶標純愛未有舞袞衣于膝下羅簪笏  
于階前迺如今日之盛者也伏念職昔效掃門  
幸辱通家于北海頃緣請闕猥逢開閣于平津  
拜燕市之黃金過微前綏之惠聽郢都之白雪  
殊虛刻羽之才感切生平賀慚人後舉兕觥而

獻壽華封之祝徒殷續貂座以颺言周雅之歌  
莫罄所願俾昌而熾遠覩雲仍之茂而與國同  
休訓孝爲忠永貽宗社之安而並天罔極

壽申太夫人啟

崇封石窳光騰彤管之書介壽瓊筵喜溢班永  
之舞馳賀賓於南國錫備物于中朝樂事駢闐  
頌聲環匝恭惟老師閣下昭回降彩沆瀣融精  
伊呂伯仲之功於斯爲盛堯舜明良之眷如彼

負苞堂文選

卷二

三

其專雖遄井絡之歸猶重斗樞之贊老師母慶  
鍾動閭道嬈名家輔佐積勤袞龍作弼休祥有  
衍夢燕徵符繼思齊思媚以興歌次第七旬之  
袞宜如山如河而象服勞煌五福之時念昔王  
霸鹿門率糟糠而偕老梁鴻吳市攜荆布以齊  
眉然迹晦而名實無聞亦身窮而子姓不顯豈  
如太平相業長容綠野之間濟義家聲寧負青  
箱之秘况乃墳笈遞奏羔雁成羣擢枝禮闈幾

戀親輿畱御攻駒罔收初迴使節承歡于時律  
轉玉衡星周金度早梅競放香浮席上之青尊  
瑞雪前飛色映堂中之白髮口脂面藥九重恩  
澤方來鶴馭鸞驂三島神仙可卽人間罕儼天  
下極榮某夙忝經帷欣瞻壽域愧身羈于京兆  
莫遂鳬趨祇神泮于宮墻徒深雀躍遙獻崗陵  
之祝聊資筐篚之將伏願遐祉彌增純禧永祐  
際五百之昌運徵音共文德齊彰延八千之大

負苞堂文選

卷二

二十三

年椿樹與萱花並茂

負苞堂文選卷之三

吳興臧懋循晉叔甫著

序

代送陳駕部視學兩浙序

督學使之專設自英廟始必以官守問冢宰經術問大宗伯吏才問御史大夫僉曰可然後下璽書命之蓋其慎也萬曆丁未余浙學使闕主爵者推豫章陳大夫由南駕部往蒞之於是大負苞堂文選 卷三 一

夫行矣僚友某等謀所以供帳者而徵余詞余叨一日之長且爲兩浙士喜得師也敢不唯唯浙東西相距數千里多高山大川跋涉勞止學使非強有力者不得歲一過焉比年天子精覈吏治漸授人以官學使往往當大比歲乃始出率用類考充士如嘉湖諸郡有經十年不歲考者矣夫學使既不及歲考而所謂教官者皆已衰暮歲用苟且之意格於其間而又不得操升

黜之柄以修其上賢簡不肖之職安所造譽髦而興教化也矧浙故稱多士至於家絃誦而人縫掖尤莫如余寧紹每學使按部士之握管待試者動以萬計故學使罷精嘴目於帖括之日常什九而從容晏坐於皋比之日常什一卽歲考矣將以其暇進多士講說經義旁及古文詞而要歸於六德六行以繩束其步趨毋使漓純龐敦固之氣余且虞其不及也寧止此士所不負苞堂文選 卷三 二

齒於清議者三曰墨曰忍曰奔競而三者之弊奔競爲甚繇夫始進者輕卽終身之事業係之也頃來學使市恩滋多五尺之童曾不能抑首受經比放試已一切置博士弟子員籍遂使間巷少年未卯而求時夜及遇合而仕苟可以趁勢乘利將不惜廉耻而冒爲之譬如處子然方其待年業已不貞及字有益蕩而踰閑耳尚欲貴以共姜伯姬之節寧復得哉今觀大夫守官

如其法守法如其身居恒退然如不勝衣然任事輒精神蠡涌雖甚勞勤亡所不辨至於議論文采尤蔚然足以發之當不俟輶鐸既臨而兩浙江固已爭自澡滌以求當大夫意指無敢有干科條而微徑竇如曩時者矣考亭夫子講道在白鹿洞而余邑王文成先生鎮豫章之日又以致良知之學相與反覆而紹明之此大夫之所熟聞也詩不云乎如堦如篴如璋如珪如取負苞堂文選 卷三 三

送洪方伯入覲序

吾浙首藩也當歲戊戌閩洪公以禮曹高第來視學政蓋重浙也既而歷叅藩廉訪使爲左右轄凡十年三晉秩而不出吾浙蓋爲浙重公也今已酉公且以歲事入覲矣戒行其屬同轉運

吳君等謀所以贈公者而徵言於予予惟主爵者既重浙於浙錢穀出入何若及守令丞尉諸椽文學殿最何若非籍公一一條對誰能使功實相應者爲浙重公則必終借公以惠浙使之衮衣東土也不旋踵公當復來余有從竹馬候公於曲江之浒耳夫何言哉嘗觀班史傳循吏僅六人而以文翁爲稱首然文翁所用治蜀特以教化著聞如所謂擇郡邑開敏者十餘輩受負苞堂文選 卷三 四

學京師歲省大官錢貨刀布蜀物遺諸博士與夫建成都講堂除學官弟子徭役行縣則以明經飭行者自隨蜀由此大化文風比於鄒魯舍是無他才略可自表見者班史何以稱焉及考周制諸侯以三年述職於天子獻賢能陳詩歌而天子錫之燕享至曰爲龍爲光其德不爽若深有艷於賢能之出以光邦家者然後知吏職之所重誠在此而不在彼也我明興於方伯之

署曰承宣官曰布政比棘院而貢士曰提調此其意可概見而論者乃徒以典司財賦當之亦左矣今上卽位之二年詔太宰御史大夫差次上計吏拔其尤卓異者賜宴別殿侑以白金綵幣海內聞而侈傳之以爲成周盛事蓋又三十餘年而上稍稍勑於勤有司奉職者或多不恪倘赫然申飭舊典坐明堂延見諸上計者詢治狀孰有如公爲方伯時適東南中水患而浙九

負菴堂文選

卷三

五

司徒未幾卽爲太宰康僖陸公入爲大司寇實吾浙事方今部寺多闕天子每厯之而難其人乃一旦得公必且超拜卿貳以慶龍光之邁何論燕享金幣浙將不復能有公矣吳君躍然而起曰公出而岳牧則浙重入而端揆則朝廷重爲浙重者則惠在一方爲朝廷重者則惠在天

負菴堂文選

卷三

六

送陳使君之思州序

與哉遂操牘叙之以獻於公公廼駕

漢武帝時通西南夷地開黔中卽今之思州是也溪洞深阻遞服遞叛至明興始設守焉佐以庶官隸以土目輯以編戶而文物地望駸駸與中州齒矣然而士人未有喜得思州者也萬曆乙巳其守闕主爵者推中牟陳使君往蒞之予迫於樞府某郎者某之請縱不文亦不敢辭嘗

聞使君權賦淮陽其裁決如風操持如水淮人  
相與俎豆之非大有才具者烏能此故皇帝軫  
念遠人借使君而臥治焉不然豈其小之乎用  
使君也異時守思州者不曰是皆王人而率用  
魑魍魎之倏且爲眩倏且爲厲是以斤斤者猜  
之將遂溺之靡靡者懾之將遂次之霍霍者虐  
之將遂激之又何異駭獸而搏之其不益挺而  
走險者有幾使君往矣第奉尺一而撫循諸夷  
負苞堂文選 卷三 七

高皇帝定貴州命汝南侯梅思植平章潘原明  
鎮之復諭曰非明臣重望者未可以託蓋聖謨  
之弘遠如此今皇帝不忘遠之心同符高祖而  
使君負大才具推以建立寧謂名臣重望獨出  
汝南平章下哉諸君第遠之如仲山甫爲賦蒸  
民嵩高之詩近之如王褒之頌韓愈之歌柳宗  
元之雅以紀熙朝之盛事寵君行色母效尋常  
薄思州爲也使君聞而謝曰臣子業以身許國  
負苞堂文選 卷三 八

母寧力得之務心得之與其庶官約飭飭澡滌  
咸慎大貞母或俾諸夷竊訾我與其土目約汝  
惟稟於一王之法母或虞我我亦無有苛汝與  
其編戶約謹治爾生我其綏若不善爾生戕我  
嘉生我則有大降肯示之惻惻寬之浩蕩洞中  
廓表如日月無隱於諸夷諸夷必仰首闔閭鼓  
舞承叙以使君爲慈母爲神君廟貌血食當不  
啻如淮人之奉使君者是固使君千秋業也初

贈黃別駕奏續序



黃相君起家豫章筮仕而倅杭郡以廉善著滌  
臬大夫御史臺御史中丞莫不交疏薦之比三  
年遂得馳封兩尊人如秩於是僚友某某謀贈  
相君乃損書幣謁予林中而徵詞焉予以爲今  
之倅漢之別駕也是時太守而下止別駕一人  
故其任重而其才得自見如陳蕃題輿王祥佩  
刀皆由此選今郡國鉅細一稟於二千石而兵  
戎丞爲政訟獄理爲政倅所事事幾何而又三

負苞堂文選

卷三

九

分之曰糧儲曰水利曰織造卽相君職掌在焉  
凡上所須火龍粉藻諸章服專設中貴人董之  
而金錢悉倚辦令長倅於其間若踐更然當領  
運則從貂璫而北輪之尚方倅事畢矣餘郡國  
事曾不得問人雖有才將何以自見矧杭在都  
會之首晨起而揖拜上官不遑朝食然上官卒  
有所委任以察倅材能無論繁囂瑣屑一埤益  
我倅皆怡然任之又何勞勩也夫其無以自見

故居若職者多以閒曹爲解而其勞且勩則事  
若職者多以少有不給求備故最則五當他人  
之三殿則五當他人之七非有能其職者不得  
考滿此倅之通患也顧獨不可以此格相君姑  
述不佞所睹記者相君清修自奉常祿而外不  
妄取一介登其堂闕其室蕭如也則請效耿泉  
之咏相君嘗攝郡丞及新城錢塘兩縣令事皆  
以清靜爲務法網不及淵魚催科不及杼軸賈

負苞堂文選

卷三

十

不及市間不及門而事亦大治則請效寧一之  
歌歲大侵相君爲糴穀於傍省民賴以全活者  
萬計則請效汎舟之書相君嘗扶持太公謁選  
上都中道而坳哀毀之甚至鬚髮爲落逾年更  
生則請效枯魚之什相君伯仲七人友愛殷殷  
終身不敢言析產事他如建祠宇修家乘皆獨  
捐俸爲之則請效三荆之謠相君有五丈夫子  
秀美而文爲諸生有聲其一已舉孝廉矣則請

效白眉之目凡此豈予之私言也蓋郡之搢紳先生博士弟子鮐背黃口田畯里胥亦旣公誦之矣卽以是奏諸冢宰齋戒受焉可也

送游明府入計序

吾兩浙縣治七十有一較其良窳必首難長與蓋五十年間未有以高第徵者選人相戒願無得長與令久矣萬曆辛丑豫章熊公來視事一切用簡稽精核審聽糾察澄汰之諸弊爲洗邑負菴堂文選 卷三 十一

乃大治迨其徵也父老遽而泣曰天惠吾邑安得再如熊公者繼其後乎庚戌楚肩生游公甫下車而均田之事起衆皆洶洶莫能自保公不動聲色徐酌其貧富而調劑焉田遂均邑中安堵如故父老喜曰果天幸再得一熊公矣居久之父老益習公政則又喜曰熊公不如也予究其故曰熊公當廢弛之後爲治易公嗣循良之後爲治難熊公盡法而民不犯法易公不盡法

而民自不敢犯法難予曰如若言熊公信不如矣今天子以靜攝故久不視朝視朝則必大修計典其所爲宴享賢能吏者當首及公其所優擢臺垣法從之官以風動海內者亦當首及公卽銓曹欲申飭久任之令必不能舍公而他擢卽吾民欲長有公亦不能奪公於國門之外而借畱之也計期迫矣若將柰公何父老曰吾固知公之當上計也公上計不擢爲臺垣法從之

負菴堂文選 卷三

十一

官不足以酬公亦非臺垣法從之官不足以塞吾邑民之願周南之詩有之父母孔邇夫赤子待乳哺以生其不能遠父母也情也卽爲父母者一旦免赤子於懷寧遽慙然乎今之邑民非昔之邑民疲病極矣公在事歲幸屢稔米價不至騰涌而民又樂公之拊循緩敲朴故皆爭輸恐後課額以登然而宿逋有未能一一償者此亦魴魚頰尾時也閭井愁號怨謫之聲九閭萬

里無由達之能達之者獨臺垣耳臺垣爲浙人  
人且疑其私而不之信非浙人又遠而不能信  
其悉之而不以疑者非公而誰也公倘不忘吾  
邑能抗疏請蠲宿逋卽公去尚猶庇公宇下哉  
予曰熊公去而爲司諫距今九年曾未得入署  
垣事卽署事矣而天子未必下其疏卽下矣而  
所在有司又未必能奉行逋蠲否未可知也願  
公計畢以其間白銓曹請得舉士如曹叅者自  
負苞堂文選 卷三 十三

代則吾邑民受清淨寧一之福不尤多於蠲租  
什倍乎公聞之曰吾烏能忘爾桐鄉況有熊公  
在敢不與之共事謀所以善吾後者于是父老  
益大喜莫不舉手扶轂送公就道曰爲我語熊  
公有去思碑亭在澤堂之東巋然與浮圖並峙  
矣

壽方司徒九十序

予覽圖記言軒后訪道容成子浮丘公處在新

郡今猶稱黃山云予家長城與新都並屬郛地  
每思策杖往遊未能也比者客秦淮適有事於  
白嶽參軍吳子實從史焉于是緣蘿葛冒霧露  
披搜幽邃僅而陟其巔西眺匡廬北瞻潛霍白  
雲橫際大江若覆盂水迤邐而趨金陵群峰映  
帶俯仰爲容洵劃然大觀也旣還吳子迎謂曰  
若登黃山乎予謝曰幸賴君言游甚快雖然天  
地之氣竅於山川夫其蜿蜒鬱積之所孕注豈  
負苞堂文選 卷三 十四

徒丹砂水銀竹箭芝蘭文禽珍獸之類爲能當  
之意者有異人焉而恨未及見也吳子曰然則  
其人若何予曰山自天都南來若連若窮此乃  
益崇倒影拔勢頽厚地而翹高空登者若御冷  
風六月肅然衣則重焉是其人必奇偉豐傑爲  
物之宗修名蜚聲掩壓大邦若乃晦明變態彩  
翠相錯險平互屈吞吐陵薄恍屏障列而雲錦  
爍也是其人必含咀英華飮渥丘索抽秘逞妍

可以潤色鴻業而流芳述作若乃蟠結孤秀迥  
絕人寰一望馮虛窮乎茫乎其不可攀是其人  
必廓曠昭夷獨往獨還世方拘拘彼則閒閒視  
夫升沉是非之代曾不芥蒂而何足論訛於其  
間若乃幽崖重阻草樹蔽虧石梁雲竇紫房丹  
梯經其處者猶能絕粒茹芝通神不饑而況其  
所薦生者哉是其人必且松柏顏眉冰雪骨肌  
引歲却期與天地而相齊者也吳子曰噫若是  
負苞堂文選 卷三 十五

則我司徒方公其人矣公少有沉默之思于文  
章無所不工尤侃侃負氣節其舉進士時擬公  
名冠臚唱以語侵權貴置之及歷官亦多與當  
事遷然公所至有績嘆者卒無以中之晚乃進  
南少司徒方綰三綬日視事而間公者言公老  
聞見步履且廢公遂上疏乞休太宰濟南楊公  
固留之不可朝野嗟歎以爲兩疏而後未有也  
家居以著書自娛屏跡不入城郭惟採金中使

至始一出建議請歲輸若干緡母重煩供億以  
敝百姓江左賴焉今年公九十矣精神益矯健  
郡人士皆拭目以俟天子存問盛典語云有開  
必先嚮非山靈所鍾宜不及此予乃憮然失恍  
然憶也嘗聞之父老言公撫浙時防汛海上覆  
倭船者九以所獲首虜聞故事海戰不言級僅  
得賜金幣諸將望之公曰此疆臣職耳何論功  
爲其鎮靜率類是夫鎮靜是壽術也容成浮丘  
負苞堂文選 卷三 十六

所與軒后言存神鍊精之道寧復有加焉者乎  
頃從黃山望古洞天歷歷可數詎無遺丹委液  
以授後之代典者是在公矣會吳子締姻於嗣  
君將修萬壽之爵予則颺歌曰黃之春浩無垠  
薦公之醇要公乎上真吳子起而和曰黃之澤  
霑無極霑公之瀝從公乎壽域遂再拜稽首命  
酌者志之往以爲公祝

李侍御奏議序

余雅聞先輩言善諫者必舉賈誼陸贄爲稱首  
賈疏剴而切陸疏婉而莊匪剴而切無以洞園  
計匪婉而莊無以悟主心故也近時廷臣所條  
上封事異是或矜詡悻直希附蹇諤之義而訐  
發陰事逆揣未然以切責人主使之負慝蒙謗  
而無可容或厭勦他人唇吻而故艱深其旨險  
陂其詞卽經生猶不能解讀而務欲人主自喻  
或瑣及米鹽無當大體甚則帷房市井穢褻狎

負苞堂文選

卷三

十七

嫺之語有掩耳所不願聞者而動引陳說了無  
忌諱予竊病之內鄉李公以理官高第徵拜南  
臺諸所規畫若遊餘刃而孤忠自許尤足揭日  
月乎鬼神者受職已來凡得奏議若干首大抵  
慷慨懇到安重簡嚴務輸悃誠不蘄詭激務窮  
事變不蘄煩苛是故疏草一出中外傳誦以爲  
嗣響賈陸豈虛也哉比者行取之令不下臺端  
乏人動多兼攝公今復奉詔巡江矣大江南北

荏苒千里所轄郡邑數十其間吏有廉墨俗有  
淳龐物力有盈詘皆當綜核以聞臺端無劇此  
者記曰大言入則望大利小言入則望小利夫  
利非以便身肥家蓋有裨於社稷之謂也今上  
端拱制治疏每留中臣下莫測其萬一惟至誠  
所感金石爲開則其望於公之建白益不小矣  
公家代工文所著有六李集行於世第觀公奏  
議凜然風生不啻諫獵一篇彼文何足盡公也

負苞堂文選

卷三

十八

予齒日邁而志在山林碌碌無所短長題此增  
媿

### 元史紀事本末序

史之體有二左氏以編年而司馬氏爲紀傳世  
家編年重在事而紀傳世家重在人重在事者  
其人多濶略而無激重在人者其事常散漫而  
難究故袁氏之通鑑本末出焉其體用左馬而  
取其事之最鉅與其人之最著者各以年彙次

之不必如訓家之所爲張本爲伏爲應一舉始而終瞭然若指掌讀史者尤便之而獨惜其闕宋元也于是劉侍御陽生氏發其議陳司勳德遠氏輯其書余爲校而梓之以其板歸之國學而二十一史乃全嗟乎自正統之說行而秦晉隋元皆黜爲閏青衿而應制科者不得舉其凡而學士大夫號爲希古博洽之流往往心畏其繁而以摘其疵至左馬而下問以范曄陳壽之

負苞堂文選

卷三

十九

撰有所不能對無論元矣我明之功議者以爲不減開闢惟夫驅左衽而冠裳之也然能黜元統而不能盡廢元法如欽天推步非至元間之所授者乎鄉會三場之制非皇慶間之所定者乎經義如四書易詩之用朱註書之用蔡註春秋之用胡傳非延祐間之所表章者乎文武官級非劉秉忠許衡之所建設者乎漕渠自徐州以抵通惠直連京師非張禮孫郭守敬之所疏

鑿者乎河防如築堤治埽諸法非賈會之所經營者乎大抵開創之始所引用者皆勝國之人而所習見者皆勝國之事故一時紆畫厝注有不得不相沿襲者是以漢不廢秦唐不廢隋蓋其勢然也今之讀史者無亦考其人與事何如耳何必黜閏哉況乎歲功不得閏則不成自有天道已來閏之不可廢也久矣

賀葉少宰入相序

負苞堂文選

卷三

二十一

我朝置相未有不自翰林入者或謂當宣廟時翰林所抽秘書處在奉天門東廡而大學士爲之師間召詣閣中出百官章奏示之令議所當罷行以試其才果達於政否而又陰察其行必顯然負時望者然後得陟宮坊膺大拜蓋其慎重如是今大學士不暇爲翰林師而翰林朝夕所講習者舍詩文數篇而外幾不知政事爲何物遇相臣闕卽翰林以資進而悉置才與望勿

同矣蓋相總百揆操政本第令舍才望而惟詞藻是庸如相何故銓部大臣請擇九卿中一二賢者得與翰林並推而聽天子裁決焉然則曩時所屢以爲請而不報近雖報可而卒不行者非耶夫翰林之儲相也素矣其在經筵君德以之成在史館記載以之信在鎖院賢才以之拔在東閣機務以之理是皆才望之莫大焉者而謂翰林獨工詞藻養資俸一何謬哉今翰林葉負苞堂文選

卷三

王

見其責彌重其效彌著矣先是公再疏請告天子方倚注公優詔弗許而公亦思有所稱塞天子亦不敢以勞苦滯滯爲辭至今日乃奉白麻之拜一時士大夫無不喜公之入而猶惜其晚也國初稱名相者必曰楊文敏實爲閩人垂二百年而公繼之卽公才望日崇依然在翰林者二十五年而有今命夫天旣已開之而復若靳之必歷試之乃始畀之何也意者間氣難爲鍾負苞堂文選

卷三

王

大任不輕授歟時與公並拜者左宗伯李公亦公同鄉同舉癸未進士又先後爲南少宰則天之所以張閩者益可知矣於是諸曹郎某某等遂次不佞言以爲公賀

贈裴司空子告南還序

代作

士君子立身大節無有重於出處者孟氏稱孔子進以禮退以義又曰可以仕則仕可以止則止推爲聖之時至於稱伊尹五就湯五就桀則

偏於仕矣後之說者遂難進三讓易退一辭以  
深立躁進之防然以此而律士君子則可非所  
以論人主用人之術也使士君子而進退如是  
豈國家之福哉嗟乎此吾於大司徒裴公之行  
深贊公之出處有據而尤不能無望於國家也  
公以戊辰登第筮仕行人一年擢省中六年先  
後太僕奉常皆一年撫鄖陽三年入貳司徒一  
年少宰二年司空三年而家居半之則公豈不

負苞堂文選

卷三

二十三

難進而易退者哉夫主上固不可謂不知公也  
當公以太僕請假也此在主爵者能主之遂一  
請而聽之至於少司徒之請告則主上初再不  
允也至於三乃允之及大司空之命三辭不允  
而始之官今又以固請而予告矣溫綸鄭重暫  
許回藉小引時月卽復起家主上豈非深知公  
乎而無柰公之難進易退何也公今行矣諸曹  
郎圖所以誦公行者造不佞而請爲之詞予謂

諸曹郎灼知公心其將終於處乎抑尚不能無  
出乎比予以引年乞休私謂予曰公家文政自  
倣秀才時便以天下爲已任其後握樞秉政卓  
然稱宋名臣公獨無意天下乎予謝曰崙何敢  
望文正唯是文忠深荷憲宗之知不惜身犯矢  
石以平淮蔡誅數十年之逋兇卒扶唐室再造  
而天下繫爲安危此則公家業耳夫憲宗英主  
也知文忠固宜當其在穆敬文三朝錢徽皇甫

負苞堂文選

卷三

二十三

鑄之徒相繼阻撓其間文忠亦浮沉前却時解  
政柄時釋兵權末年遂不復有經濟意治第東  
都集賢里爲綠野堂與白香山劉中山結文酒  
社天子猶知文忠雖老神明不衰屢詔敦起赴  
闕是文忠蓋始終遇主矣公今勲階與文忠檢  
校司空時埒年方逾耆政其居東都日也武夷  
山水清佳公歸而徜徉其下豈不誠適主上思  
用舊臣一旦下尺一之詔起公於家畀以大政



公又何辭焉卽開府監司窺公強飯必且交騰薦剗而不已則公茲行亦一時之休沐耳豈得遂云懸車哉總之公於出處明矣爲仕可也爲時可也以文忠而爲伊尹孔子可也諸曹郎洒然有快予言乃書諸牘以進于公

送按察副使茂成劉公進山西叅政序

往歲己亥上谷劉公以工部郎出主吾浙南關權政關控江海襟喉是材木竹箭薪樵之所集

負苞堂文選

卷三

五

也公政跡不能悉數其大要屏駟僉息偵夫寢竿牘塞近竇與五方之商平其利以登水衡之額商以不困爭爲歌頌之載在碑記是以吾浙士民無不相顧而祝曰乃公賢使者縣官何惜一璽書不遂以公惠吾浙逾五年公拜浙按察司副使旌節且至前所相顧祝公者踵相躡而出邇者廓遠者境之上爭塞車帷視之曰果我公也是髯稍加長而神益王無不相顧向天謝

驢呼乃去公故鎮靜不喜用煩苛文法然亦未

嘗有所縱貸以滋蠹弊卒能使軍無匿丁丁無

匿餉而尺籍爲清浙當閩廣豫章孔道合繻綸

虛日公未嘗以愛憎爲加損僕傳者便焉會藩

臬多闕官御史中丞檄公攝糧儲道則布政司

叅政事也浙賦以百萬計運艘以千計移牒旁

午皆取給於一叅政當北發則身親督之渡江

達淮而止於是公俶裝行矣前所驢呼得公者

負苞堂文選

卷三

五

相顧謂曰是不三月當還無事畱公爲也俄而璽書下進公山西叅政則又相顧驚愕曰我公將不復還浙也縣官幸念浙惠之公而又奪之何也晉邊虜猶在雁門馬邑之外浙三垂沿海與島夷共有如以一驅破浪而至誰能禦之此其屏翰孰急大司農歲入晉賦一之浙賦九之此其轉餉孰多晉唐虞故都也至於今其民險而好思有桃棘樞榆之遺風焉浙民富者競侈

以而貧者挾狡詐往往打法綱弗顧此其治理  
孰難耶言誠急浙多浙而難浙奈何不遂以公  
卽真如洪公故事洪公者今左方伯也由吾浙  
學副歷叅政爲藩臬長故云如是公所屬府運  
守承而下某某輩解之曰爾浙人感恩公切故  
所知僅一公縣官視天下才皆其才天下地皆  
其地夫安得爲區區晉浙計輕重又安得爲一  
浙畱公第公且召入不遠矣誠入必在宰衡則  
負苞堂文選 卷三

三

請爲浙擇賢守令又爲浙請大司農毋格沮上  
恩澤使百姓歲歲得賜租爾浙何嘗終失公余  
方迹於寂寞之鄉聞而謝曰甚矣諸大夫之爲  
浙善頌之也詩有黍苗之篇夫旣言之矣吾浙  
人不能一日忘公公亦豈忍忘浙敢裂帛書之  
納公行李

壽沈母姚太孺人七十序

萬曆乙卯之秋某月某日沈母姚太君七十矣

太君有子孝廉張几筵設鐘鼓帥其婦若孫洗  
爵而壽太君爲之引滿其姻黨柴仲美等以次  
進拜太君堂舉壽爵太君又再引滿蓋竟日靡  
有勑容而碧瞳鬢髮望之若神仙然莫不退而  
疑曰太君豈從西王母上元夫人遊餌黃金而  
烹大丹故能壽若是余曰黃金大丹神仙家有  
是言矣然而非世所覩也不若徵之太君之德  
夫自昔賢媛其最卓犖者周伯仁母之順魯文  
負苞堂文選 卷三

三

伯母之莊韓康伯母之約孫叔敖母之慈陶士  
行母之能皆至德也而莫能兼兼之者唯太君  
太君本石門舊族其中表王隱居與沈太公善  
勸置側室太公知爲姚氏愛女意猶難之而太  
君欣然請行何其順也太君來歸時王母顧太  
孺人與陸太孺人俱在堂嫡母孫太孺人持家  
秉內外斬然太君一以早詳勤謹當之三太孺  
人終不能以苛禮加太君而太君亦不以無苛

故怠三孺人禮其歲時伏臘起居益恭已而甚相勞愛並稱母母何其莊也沈家業非乏而太君自十六歸沈迄五十餘年首不重飾身不累綺卽湖山勝地衆所艷羨者非春秋拜掃未嘗輕出郭門一遊目焉何其約也太君少信佛戒殺而太公慕冲舉之術年未艾卽屏內弗御與孫太孺人居同室食同器孫幼後始得一意奉齋每晨起誦佛號千遍跽祝曰願亡者生天存

負苞堂文選

卷三

三十九

者無疾病何其慈也太公以節俠稱喜賓客孫太孺人旦夕治中饋常恐不辦晚年孫嬰末疾一切米鹽皆屬太君而太君不憚拮据佐之至撫孝廉尤多義方之訓都人士無間識不識皆知孝廉者何其能也余讀漢武外傳見西王母偕上元夫人降栢梁殿庭告帝曰汝胎性暴胎性泆胎性奢胎性酷胎性賊暴氣奔而神攻泆精漏而魂罷奢真漓而靈穢酷仁喪而形亂賊

心聞而筋絕汝能去此五慝反諸柔善可以長生可以度世乃太君順則不暴矣莊則不泆矣約則不奢矣慈則不酷矣能則不賊矣此母德也亦壽道也且以沈家世論顧太孺人壽九十陸太孺人壽九十五卽孫太孺人稍耆猶踰古稀而上其家世壽旣如此太君之自爲壽又如彼今天子在宥壽星見牛女分吳人多得壽而太君實應之異日者孝廉舉南宮爲天子侍從

負苞堂文選

卷三

三十九

臣請具象服翟翹以獻則姻黨之進而爲太君稱千秋百歲之觴政未有艾也區區黃金大丹奚足道哉仲美瞿然曰善遂命豎子操筆載之

送蕭侍御考績序

夫人臣能舉職無負委任至意宜莫如御史何者職有不得言惟御史無所不得言職有不得行法唯御史無所不得行法故也然南北臺御史等耳北臺多得再考躋九列而南臺不滿三

歲輒外補往往以傳舍目之于是囁嚅不及發  
趑趄不及馳踵襲故常以待簡命無問職如何  
矣南固祖宗根本之地文武大僚握重兵保釐  
于其上百司庶府散布于其下而去北憂遠其  
勢不能無所彈壓故屬御史爲耳目焉假令御  
史者不舉其職安所事御史哉內江蕭公以貴  
陽理高第徵拜御史理官者爲御史採風聞而  
諷刑獄者也是以公之條議獨最工律令獨最  
負苞堂文選

卷三

三

功察南京吏績所應降黜者以聞上念臺省多  
闕有詔畱用南察竟不報公復抗疏以爲朝廷  
非乏人柰何以一二臺省壞祖宗令甲羣臣惶  
惑待罪自春徂秋人人莫自保如國是何上乃  
下其疏人皆頌公有回天之力焉余數奉公教  
今稔知公大氏修飾節約務持大體謂公溫然  
若玉於人無逆言乃蝨氣橫發侃侃陳利害至  
犯逆鱗不避謂公善察得獄情寧出母入乃介  
負苞堂文選

卷三

三

習一時風采大者臺端蓋亦有自云先後駁歷  
若巡視五城上下江鳳陽倉儲及掌河南道事  
劉直有度開佑吉人如恐不及而大創於凶慙  
諸凡吏而墨者胥而狐鼠爲奸者因而俟偷人  
者商而侵牟縣官緝者仕而失伍者盜而聚萑  
苻者無不盡法之矣是時徵召廢銓選日壅滯  
礦稅之使騷動四方公數上封事不啻痛哭流  
泣請之嘗手焚其諫草不以示人也今年春司

持不畏強禦一切擊斷而收之無少假貸時言  
則言時法則法其舉職也如是今海內氣象疲  
繭執事者委頓無精悍之色名實謬盭緩急不  
爲賴敝也久矣自公在臺而文武大僚及百司  
庶府無不人人自澡瀦靖恭乃職蓋天子所盡  
以許御史者公亦盡以報天子古稱不吐茹  
無以加公之眞御史也哉于是公滿九年考矣  
在憲則載冊而聽於朝余安得畱公行昔也待

公若調饑不可一日不得公今也奉公若典刑  
尤不可一日去公故予竊願公之蚤奏最而節  
鎮我南服也此誠衷言又不敢諛言雖然天子  
欲紓南顧之憂則必重借公余且拭目俟之矣  
南京會試題名錄序

令甲武舉而外越六歲兩京有會舉所試唯材  
官暨武學之士而州郡良家子不與焉其重幾  
與文舉等大司馬誓師諸曹郎毋徇毋佚壹如

資菴堂文選

卷三

三

鎖圍故事蓋其慎也初試之騎而射合者若而  
人再試之步而射鵠加遠而合者若而人三試  
之對策校論以文辭合者僅若而人爲錄題其  
名而予以職司當有言首簡予按吳地所稱勁  
弓毒矢介馬而馳搏秘若霆電引滿若月曾不  
能與燕齊秦晉爭雄至於釋橐鞬而奉觚篚追  
述韜鈴之要則彼燕齊秦晉且逡巡退避三舍  
此無他風氣之南北各擅其所長以相沿習故

資菴堂文選

卷三

三

也乃若忠勇所激烈以之折衝敵愾則固無南  
北一矣而獨不聞吳之先有孫武申胥所嘗以  
飲非水擊之軍覆楚棲越遂而抗行中原者乎  
又不聞赤壁淝水間周瑜謝玄所嘗簡卒伍凌  
洪濤袒跣奮擲以走百萬之師者乎我高皇帝  
提三尺劍芟刈群雄一時佐元勲而刳白馬無  
非產於江淮者今之諸材官其後也列代承平  
兵革久偃諸材官皆習爲褒衣博帶偃僂若腐  
儒以浮湛於閭里莫能樹尺寸自見然而比年  
以來疆場不無事矣西討靈夏東援朝鮮南夷  
播酋赤白囊橫奔征調絡繹我吳兵多左右翕  
張其間卒以敵凱今海內指嫖姚而力戰鬪者  
必曰吳兵是卽向之褒衣博帶而坐浮湛閭里  
者也予故曰特存乎忠勇激烈何如耳宋人言  
以弓矢得者不過市井之粗材而以策試得者  
亦區區章句無用之學予大以爲不然夫運籌

帷幄摩揣敵情何必不出策試旗鼓相當決勝  
呼吸何必不出弓矢如前所云孫中周謝輩與  
高皇帝勲臣皆由此選也藝有六而顓尚剽悍  
者常廢其四故雖負聲控縱逸之技逞逞詘於  
謀畫而顓尚儒雅者常廢其二故有身為太師  
竟不能親履戎陳唯簡弓之卒章者曰碩人俛  
俛有力如虎執轡如組斯非武與文合連然稱  
名將者哉爾多士其務舉六藝而兼攻之以自  
負苞堂文選 卷三 三

古詩所序

詩三百篇皆樂也仲尼未正樂樂先待之失所  
也甚矣自衛反魯然後樂正雅頌各得其所然  
則其再始復亂洋洋盈耳者伊誰之功也哉由  
斯以降作者無慮百千萬言而撰定之家最者  
者無如蕭德施左克明郭茂倩或摘小疵而掩

全璧或綜樂府而遺聲詩要以稱得所猶未也  
明興北海馮汝言氏竭生平之力包作者之林  
溯六代而極黃軒靡不搜括於是詩紀出焉而  
篇什浩繁諸體錯雜學者童而習之白首而莫  
得其端左司馬汪伯玉言脫非易牙為政孰辨  
淄澠良匪誣矣余不自量間取其書而宰割之  
首列樂府次彙古詩析其疑滯訂其譌舛補其  
漏佚刪其重複都為五十六卷題曰詩所庶使

負苞堂文選 卷三

三

藝林之士隨體以求詩因人而論世于以探作  
述之源流窮性術之變化第品格之優劣掇辭  
藻之菁英即不敢謂雅頌皆得望魯衛之塵竊  
于馮氏詩紀豈不薄有釐正功乎書既成客有  
問余瞿曇氏內典亦云能所其旨何若余曰此  
之謂所有方所也遊于方之內者也彼之為所  
無方所也遊于方之外者也參而論之則攬者  
不可不知其所矩作者不可不知其所規是亦

有無空相不卽不離之密因蓋詩之與禪通也  
淵矣微矣無所容吾言矣客笑而退

唐詩所序

余向輯古詩所至宮體以降輒廢卷太息蓋詩  
有陳風季札先嘗病之曰國無主其能久乎國  
非無主也其下競爲靡靡而無所憚猶無主也  
矧如叔世之君臣相率而趨靡靡不亡何待非  
藉唐風節之傾耳皆伶倫屬爾然唐實基於隨  
負菴堂文選 卷三 三十一  
隨則何時哉而其中雄什綽有典刑是殆易窮  
則變天實開之太宗以勘定之功適符其運顧  
世儒遂予其文容化下亦過矣太宗固嘗效爲  
宮體而虞永興規之其爲秦王破陳之曲庶乎  
本質創興別製徒爲貌言至于廣置昭文學士  
聲詩流濫是皆上官昭容爲政其不爲亡國之  
續也者幾希是故唐之爲唐音也非唐爲之也  
其運微矣世之求多于唐者有云唐之創爲唐

音其功甚偉後世不能變其格顧乃古爲一變  
古亡于唐矣竊謂唐之變古良有之而變獨無  
善不善乎唐之變其靡靡者而爲唐唐寧不靡  
靡若乎請視漢爲古魏有變漢漢亡于魏矣後  
乎魏者遞變之遞亡之而獨唐黜乎詩以變而  
黜風止二南已矣列國不可黜乎大抵古今作  
者各篤于時由前則爲古之漢魏由後則爲唐  
之初盛舉盛以繁衰習無相遠試以論馬者論  
負菴堂文選 卷三 三十二  
詩求其神而已余因復輯唐詩所若干卷與前  
書合各體類從仍如前例搜引釐正力倍于前  
乃敢私寓軒輊姑以初盛爲前集尋以中晚爲  
後集以中晚之可抑者爲別集抑之而不忍廢  
者尚爲後乎唐者地也書成而病我不倫實無  
所逃罪然余任在舉羸則非所事噫其孰刪之  
付諸來者

弋說序

沈幼宰爲諸生時好讀史遇有所得輒引筆爲之論積若干篇命曰弋說喜事者爭相傳矣幼宰不能秘於是以其說授梓人而屬予言序之予惟漢書初成朝士無能解者詔赴闕下從曹大家定句讀習之歲餘乃通夫以東觀盛時猶若此况范曄陳壽而下逮勝國諸史乎我明興用經術取士諸生之業大都剽竊先儒緒餘而微鉅釘組織之欲分功於史學則其業疎欲以

負菴堂文選

卷三

三

視龍門蘭臺吾不知何如要亦蘇長公范增置疾論之流亞也今年冬當計偕矣以幼宰文彩何慮不首舉南宮行將抽金匱石室之藏盡讀之其用力益專其所就業益富寧但以史學擅長已哉昔左太冲三都賦出能使紙價貴洛陽而說者歸功於玄冥先生一序余殊不以爲然弟惜余老矣猶及見幼宰全集更爲之序否

元曲選序

負菴堂文選

卷三

四

世稱宋詞元曲夫詞在唐李白陳後主皆已優爲之何必稱宋惟曲自元始有南北各十七宮調而北西廂諸雜劇亡慮數百種南則幽閨琵琶二記已耳或謂元取士有填詞科若今括帖然取給風簷寸晷之下故一時名士雖馬致遠喬孟符輩至第四折往往彊弩之末矣或又謂主司所定題目外正曲名及韻耳其賓白則演劇時伶人自爲之故多鄙俚蹈襲之語或又謂



西廂亦五雜劇皆出詞人手裁不可增減一字故爲諸曲之冠此皆予所不辨獨怪今之爲曲者南與北聲調雖異而過宮下韻一也自高則誠琵琶首爲不尋宮數調之說以掩覆其短今遂藉口謂曲嚴於北而疎於南豈不謬乎大抵元曲妙在不工而工其精者採之樂府而獮者雜以方言自鄭若庸玉玦始用類書爲之厥後張伯起之徒轉相祖述爲紅拂等記則濫觴極矣曲白不欲多唯雜劇以四折寫傳奇故事其白有累千言者觀西廂二十一折則白少可見九不欲多駢偶如琵琶黃門諸篇業且厭之而屠長卿曇花白終折無一曲梁伯龍浣沙梅禹金玉盒白終本無一散語其謬彌甚湯義仍紫釵四記中間北曲駸駸乎涉其藩矣獨音韻少諧不無鐵綽板唱大江東去之病南曲絕無才情若出兩手何也何元朗評施君美幽閨出琵琶

琵琶上而王元美目爲好奇之過夫幽閨大半已襍廣本不知元朗能辨此否元美千秋士也予嘗於酒次論及琵琶梁州序念奴嬌序二曲不類永嘉口吻當是後人竄入元美尚津津稱許不置又惡知所謂幽閨者哉予家藏雜劇多秘本頃過黃從劉延伯借得二百五十種云錄之御戲監與今坊本不同因爲校訂摘其佳者若干以甲乙釐成十集藏之名山而傳之通邑大都必有賞音如元朗氏者若曰妄加筆削自附元人功臣則吾豈敢

元曲選後集序

今南曲盛行于世無不人人自謂作者而不知元人遠也元以曲取士設十有二科而關漢卿輩爭挾長技自見至躬踐排場而傳粉墨以爲我家生活偶倡優而不辭者或西晉竹林諸賢托孟酒自放之意予不敢知所論詩變而

詞詞變而曲其源本出于一而變益下工益難何也詞本詩而亦取材于詩大都妙在奪胎而止矣曲本詞而不盡取材焉如六經語子史語二藏語稗官野乘語無所不供其採掇而要歸於斷章取義雅俗兼收申合無痕乃悅人耳此則情詞穩稱之難字內貴賤妍媸幽明離合之故奚啻千百其狀而填詞者必須人習其方言事肖其本色境無旁溢語無外假此則關目緊

負菴堂文選

卷三

樂

奏之難北曲有十七宮調而南止九宮已少其半至于一曲中有突增幾十句者一句中有襯貼數十字者九南所絕無而北多以此見才自非精審于字之陰陽韻之平仄鮮不劣調而況以吳儂強效僉父喉吻焉得不至河漢此則音律諧叶之難總之曲有名家有行家名家者出入樂府文彩爛然在淹通閑博之士皆優爲之行家者隨所粧演不無摹擬曲盡宛若身當其

處而幾忘其事之烏有能使人快者掀髯憤者扼腕悲者掩泣羨者色飛是惟優孟衣冠然後可與于此故稱曲上乘首曰當行不然元何必以十二科限天下士而天下士亦何必各占一科以應之豈非兼才之難得而行家之不易工哉予嘗見王元美藝苑卮言之論曲有曰北曲字多而聲調緩其筋在弦南曲字少而聲調繁其力在板夫北之被絃索循南之合蕭管摧藏

負菴堂文選

卷三

樂

掩抑頗足動人而音亦嫋嫋與之俱流反使歌者不能自主是曲之別調非其正也若板以節曲則南北皆有力焉如謂北筋在弦亦謂南力在管可乎惜哉元美之未知曲也由斯以評新安汪伯玉高唐洛川四南曲非不落麗矣然純作綺語其失也靡山陰徐文長禰衡玉通四北曲非不伉俠矣然雜出鄉語其失也鄙豫章湯義仍庶幾近之而識乏通方之見學罕協律之

功所下句字往往乖謬其失也踈他雖窮極才情而面目愈離按拍者既無繞梁遏雲之奇願曲者復無輟味忘倦之好此乃元人所唾棄而戾家畜之者也予故選雜劇百種以盡元曲之妙且使今之爲南者知有所取則云爾

彈詞小序

自風雅變而爲樂府爲詞爲曲無不各臻其至然其妙總在可解不可解之間而已若有彈詞

負苞堂文選

卷三

平五

多瞽者以小鼓拍板說唱於九衢三市亦有嬋女以被弦索蓋變之最下者也近得無名氏仙遊夢遊二錄皆取唐人傳奇爲之敷演深不甚文諧不甚俚能使騃兒少女無不入於耳而洞於心自是元人伎倆或云楊廉夫避亂吳中時爲之聞尚有快遊冥遊錄未可得今且刻其存者

送徐京兆序

鍾山北峙大江東流烏巷雀航猶存遺壤龍蟠虎踞鬱作神京王氣盡而花鳥悲皇風穆而市朝改昔賢樽俎登臨繫故國之思今日軒裳宿餞展新林之盼徐京兆以六經學綏三輔氓菲奕家聲顧陸華宗之右循良政術趙張青史之前雖冕旒逾厚於眷知而輦轂仍資其馮翼不煩鉤距姦無毫髮之容並沐保釐惠極羽鱗之被兩都蹟在抱案牘而趨朝三載課成整驂駢

負苞堂文選

卷三

吳六

而戒道移秋駕飾春裝背吳會於星津指燕關於日路蕭疎落葉芝蓋拂以俱飛搖裔征鴻鷁舟隨而共泛人懷歲月方新採菊之歡地隔風煙遽動驚蓬之感旣而斜曦不駐曲宴將終嵐氣沉沉結蒼雲而向晚川陰冉冉傍綠樹以凝暉睇萬里之嚴程總搖別緒罄百壺之美酒記瀉離腸僕進不適時退寧絕俗遊情疎放久混漁樵野性微馴翬依都邑幾欲迴轅於窮路屢

還解榻於高齋葉縣之入觀雙鳬處朝廷而不  
出遼海之歸來獨鶴顧城關而難留唯當江上  
紉蘭聊持佩德山中攀桂遠寄思仁擁轍伊何  
願君行之少緩濡毫于是旌予分之所投請摘  
古詩各操新咏

壽李太公詩序

蓋聞龍德之初戒潛龜書之首稱壽扶陽代相  
經術顯矣而岡陵之頌罕陳太原偕隱幽光著  
負苞堂文選 卷三 四七

矣而羔鴈之榮莫嗣詎能朝章家慶如今日兼  
而有之者乎太公出自仙李之卿居隣大椿之  
域清標奕奕濁世翩翩郭泰知名嘗充都講馬  
卿能賦肯起貲郎雖纘服於簪纓獨怡神於泉  
石太君並高眉壽翟弟乘軒大夫方滿立年隼  
旗開府王事敦而日邁親舍遠而雲飛御有板  
輿迎來薇省烏程酒熟上南山之壽杯玄鑑星  
周舉西池之高宴于時春陽乍轉淑氣初迴梅

花共舞袖交芬黃鳥逐笙歌遞響靈壽之杖遠  
鈞九重燕喜之歌爭傳百邑其弓裘靡習縫掖  
無間徒以先人託附驥之餘而賤子辱登龍之  
末得御公家元禮喜色可知顧惟我祖初成遺  
謠猶在敬從三祝爰賦十章將無見哂大方姑  
以先諸酌者

會明府三吳輿頌序

蓋聞天之間氣世之偉人是以瀛島仙桃必三  
千年而始實熙朝王佐亦五百歲而後興彼楚  
國固有太椿而梁棟之材不適漢代寧無茂宰  
而岡陵之頌未孚非夫用與時違則或壽因名  
掩孰有勲垂汗史福備洪疇如今日君侯者乎  
君侯學傳東魯文嗣南豐運演渤而上扶搖壯  
圖誰禦吞雲夢而不芥蒂雅量自如方公車屬  
待詔之初已當寧歎相見之晚謂烏程乃山長  
水遠之邑每弄印而依遲惟君侯實冰清玉潔

之操特剖符而共理割雞聊試乳雉旋馴繭絲  
 紉而壤賦登鉤距屏而庭訟息德聲洽咏仁風  
 飄十地之雄道化騰謠惠露灑九天之渥加以  
 招延蒼璧獎誘青衿訪陽晝於垂綸引王符於  
 倒屣遂使鑿坏遺叟眄隣燭以分輝栖泌寒流  
 跋江波而竊潤如僕者宦途早落藝苑久荒徒  
 以古貌古心而讀古書甘爲養拙不能圓言圓  
 行而應圓物祇坐窮愁志益摧於憂患之林齒  
 負苞堂文選 卷三 早五  
 漸逼於虺虺之境義無可往幾杜泄柳之門事  
 或在公偶造武城之室亦知民懷慈令吏畏神  
 君常恐三年之考績上聞必有一旦之徵書下  
 及正欲叩關而借寇適當瞻嶽以生申燕鶯諧  
 百里之絃歌爭自前溪刷羽桃李藹萬家之春  
 日疑從玄圃移枝種種翩翩形形色色雖則君  
 侯望重無庸藉品類以開尊然而我輩情殷不  
 免倩羣芳而作賀敢請善繪者圖爲若而幅工

詩系之如其篇並振詞鋒同濡筆海何必捧觴  
 稱壽盡霑賓客之塵庶幾舐鼎得丹永託燠霞  
 之庇

負苞堂文選卷之三

吳興臧懋循晉叔甫著

引

冒伯麟詩引

此廣陵冒伯麟詩也伯麟束髮希古卽能詩詩不盡於此要之舉一嚮而全鼎可知也予旣輯古詩所將舉全唐附之時客居秦淮伯麟每過揚摧輒移日子因謂唐時樂府雜於饒歌五言負苞堂文選卷三

五十二

窮於漢魏獨歌行近體七絕有前人所不能加蓋其格氣渾厚意象含蓄聲調和平一唱三歎深得國風微旨故也李于麟之評少陵猶以爲篇什雖富頽然自放況大曆而降元白諸人者哉夫詩之不可爲史猶史之不可爲詩世顧以此稱少陵大家此予所未解也大抵能變一代之體者必擅一代之才故陳思出而漢體亡矣平原出而魏體亡矣然而論者以冠陳思於河

間躋平原於步兵則又夫人而知其不可也少陵淹通梁選出入楚騷其志量骨力豈不凌厲千載然而唐體亦自此亡矣今之宗少陵者如射覆然高之存金存玉卑之存瓦存石甚至陰摹而陽摹之幾於生折少陵而嫻然自託以爲神奇者何其紛紛也伯麟詩於唐體無所不擬倘亦有當少陵乎慎毋若今之宗少陵者伯麟視予而笑莫逆也遂併題之集端

負苞堂文選卷三

五十二

玉茗堂傳奇引

臨川湯義仍爲牡丹亭四記論者曰此案頭之書非筵上之曲夫旣謂之曲矣而不可奏於筵上則又安取彼哉且以臨川之才何必減元人而猶有不足於曲者何也當元時所工北劇耳獨施君美幽閨高則誠琵琶二記聲調近南後人遂奉爲桀黠而不知幽閨半雜賸本已失真多矣卽天不念拜新月等曲吳人以供清唱而

調亦不純其餘曲名莫可考正故魏良輔止點琵琶板而不及幽閨有以也琵琶諸曲頗爲合調而鋪叙無當如登程折賜宴折用末淨丑諸色皆涉無謂陳畱洛陽相距不三舍而動稱萬里關山中郎寄書高堂直爲拐兒給誤何繆戾之甚也至曲每失韻白多冗詞又其細矣今臨川生不踏吳門學未窺音律艷往哲之聲名逞汗漫之詞藻局故鄉之聞見按亡節之弦歌幾負菴堂文選

卷三

五十二

俠遊錄小引

余少時見盧松菊老人云楊廉夫有仙遊夢遊俠遊冥遊錄各四種實足爲元人彈詞之祖每恨無門物色之後四十年而得仙遊夢遊二錄於里中蠶姬家校刻行世矣又十年歲壬子以採茶過壽聖寺此創自吳赤烏而重修於元之至正巨麗甲吾邑今皆爲茂林修竹獨毘陵閣猶巋然青葱峭蒨間蓋佛力也余登眺良久忽豎子墜閣下云承塵中多藏書盡爲蟲鼠齧蠹負菴堂文選

卷三

五十四

火而其出也應漢表章俠遊何物出亦有時然則古人秘書所燼滅而不傳者固已多矣太史公作史記欲藏之名山而副在京師傳之通邑大都有見哉有見哉

荆釵記引

本樂府盛行於世皆知王大都西廂高東嘉琵琶爲元曲無敢置左右祖然予觀琵琶多學究語耳瑕瑜各半于曲中三昧尚隔一頭地而得

負菴堂文選

卷三

五十五

與西廂並稱者何也往遊梁從友人王思延氏得周府所藏荆釵秘本云是丹丘生手筆構調工而穩運思婉而匝用事雅而切布格圓而整今坊本大異循環把翫幾至忘肉乃知元人所傳總一衣鉢分南北二宗世人自聞見解繆相祖述尊臨濟而薄曹溪蔽也久矣夫璧有兩色澤皆同而價懸絕特甚惟識玉者能就其側而辨之何況彼此相形低昂立判者哉尹夫人

望見邢夫人心折氣沮直欲自毀其面於乎此觀荆釵琵琶之喻也

題六臣文選跋

往予遊白下偕客過開之署中於時梧陰滿席涼颼徐引展几上文選諷誦數篇以爲適蓋開之平日所秘珍宋板書也客有舉楊用修云古書不獨無謬字兼有古香不知香從何生予曰爾不覺新書紙墨臭味乎開之爲絕倒迨庚子

負菴堂文選

卷三

五十六

秋訪開之於湖上方校刻李注文選甚工因索觀前書開之手取示余曰獨此亡恙比雖貧猶幸不爲王元美漢書也予曾見元美漢書有趙文敏跋愧同吳興人不能作文敏書以爲此文選重聊題數語識歲月云

題武將軍華山詩畫冊後

予嘗疑干將莫邪在延津上當無復合之理及觀武大將軍家所藏三道安遊華山詩畫聞先



已散逸後從長干酒肆間得之乃知神物離合  
信不誣也詩畫皆有唐人風骨而王元美諸君  
子爲之跋尤爲可寶將軍不好武足供記室清  
玩矣

跋文侍詔西苑詩卷

予嘗評文侍詔書小楷學黃庭而失在媚行草  
學聖教而失在俗去右軍之法遠矣然我朝書  
家卒無出待詔上者惟其倣古精深而諸體兼

負苞堂文選

卷三

五十七

擅故也世傳待詔名布中外有島夷入貢者賫  
百金於門乞書竟不可得何但世重待詔即待  
詔自重可知矣此卷所錄西苑詩比吳門刻本  
肥瘦迥異尤爲得意之筆第裝潢者誤去託紙  
遂使墨氣索然老可惜耳

澹菴錢公墓誌跋

在嘉靖庚子澹庵錢公與先大夫同舉於鄉洎  
予小子循與公季子惟凝復同舉南宮是爲萬

曆庚辰以世講故益厚善遂得附肝腑之戚循  
旋廢以歲時謁公於家公數以學規循顧循以  
雕蟲小技自好未能從也久之始偕許孟中先  
生游稍稍知學而公與許先生先後逝矣會惟  
凝以許先生所爲公誌及李太史本寧表索書  
因爲倣右軍筆法摹勒上石兼綴數語於末以  
志媿焉

負苞堂文選

卷三

五十八

負苞堂文選卷之四

吳興臧懋循晉叔甫著

書

與張司理書

幸緣玉倚葶忽萍散每一馳溯猶覺丰采朗然  
來照人也今天子渴賢以黃金貯臺上廉治行  
高第者賜之執事斷斷持三尺法體定國不寬  
之德而時出廣漢如神之智衆遠在庭疑謂四

負苞堂文選

卷四

二

視一具詞無不人人稱平也臺臣且以高第薦  
矣非日親承黃金旋登八座以光輔明德此社  
稷大慶豈直爲我同榜中標幟已哉僕本庸流  
行能無筭乞就茲散局不謂荆土衝甚群貴人  
冠蓋日旁午至藹然從吏胥後整折道傍殊不  
減簿書之苦矧病肺作惡輒復委頓奉職不狀  
所恃大雅廣度不遺遐邇而特貺程督之使得  
稍效短長以附清塵而聲施當世則于僕有大

造矣顙力代候起居俯之不腆統希涵貸

與吳載伯書

郡城辱從者寵送已足壯行色乃更辱豐賁感  
且不朽矣佳句出入襟袖間每一莊誦輒令人  
栩栩然欲神飛也顧此道寥寥今海內稱能綴  
韻語者率皆目不屬一經而口談千秋者也以  
足下妙才稍努力事此卽少陵所云賈傳才未  
有褚公書絕倫其何以加焉不肖入楚來悠悠

負苞堂文選

卷四

二

無足述者但一齋蕭條如枯葉蜩承之而已生  
平情氣每見長安中冠冕不啻炙手乃今今日  
事此耶顧此物不可流湏不可不染指邴曼容  
須官至六百石陶弘景須五十歲後始作拂衣  
計似猶戀戀終不若柴桑處士一決也吾黨各  
天唯尺素可以當面幸無金玉爾音而有遐心  
增我蘊結

與吳允兆書

不佞夙有山水之癖竊自負勝具勝情不減玄  
度至爲詩文則汎剽之輩惠耳顧于吳下士無  
所許可獨有慕于足下乃足下方獨往喜晚得  
稽阮亦遂欣然把臂焉吳下士咸側目我兩人  
也瀕發適足下以事羈郡城所恨腹背之毛無  
能爲力反重貽足下累比讀手書中多感激語  
恐羊舌氏高義不應如是語云見與之友幾於  
不親見與之德幾于不報足下豈未之聞耶所

負苞堂文選

卷四

三

議粟已入官未安得一豪俠爲捐百石以贖也  
公擇兄此擢足稱仙郎弟不諗能終寫賦之興  
否陶士衡在荊州孰更惜國器投其奕具江中  
乎歐楨伯晉南屯田無論有夙名大溫雅可近  
倘足下往都看兄幸通一刺毋令懷中久漫滅  
也聞郎君補弟子員甚喜弟其風氣殊未足當  
佳兒今得彬彬然從青衿後亦是進修一機括  
須乘此時嚴加程督無生其驕怠之心無長其

器薄之習卽青雲事業未可知亦當無媿門風  
足慰參軍新婦意矣傑偉兩甥猶偃蹇如昨豈  
真晚成耶偉甥更可念蔣少保於荊州惠政尚  
纒纒父老之口聞有祠在郡城外亦已蕪沒名  
宦祠我朝僅一人乃不能增一少保乎緣履任  
未越月而督學使者至遂不及舉姑以待明年  
足下近况何似知山間亦不至落莫否賣屋之  
說不佞以爲斷不可蓋足下素不諳治家產卽

負苞堂文選

卷四

四

至饑餓猶當冷然而吟金玉之音寧能作銅臭  
面目今猶幸有屋存賣後足下益饒故能亡何  
且復垂橐當何賣乎竭澤而漁豈不獲得而明  
年無漁非長術也爲足下計不若存之于一切  
漏卮日漸塞室一二年後或有爲足下致米營  
室如陶胡奴郝嘉賓者不佞官興冷于江水其  
蕭條之狀叅謁之煩前書具是矣間登庾信樓  
俯瞰江沚見芰荷芙蓉離離西風中不能不動

紉衣之想若勉強與世浮沉遲我十年亦或可  
覲二千石顧仕路刺促荆棘眼底以不佞跼蹐  
之性卽無論犧牛之畏將無慮馬則吾馬而齒  
加長哉故曰棄隸者如棄塗附則身貴于隸也  
此旨寥寥誰復能解周稱尊以新霜入楚見約  
其人重離別不能灑然足下向有泰和之盟果  
爾不佞在散局亦當休沐同出穆陵關振衣其  
巔修善權諸洞故事豈不大愉快足下圖之長  
負苞堂文選卷四

五

江浩森源沿爲難惟勉旃千秋以慰耿耿秋懷  
二首以荆賤伯之新教

與姚伯道書

嗟乎不佞何敢忘足下哉兼葭蒼蒼伊人一方  
未嘗不願溯沿從也不佞自去秋與足下出都  
門促膝論心備極綣繾然猶于平望一握手別  
獨允兆以訟事羈郡城曾不得杯酒笑語之歡  
且孤我金焦風約寸心耿耿每恨長言之不足

至稱尊則以官舍寂寞急欲彼入楚故特爲書  
招之稍有餘力顧獨遺二難書哉寄我四章粘  
之壁頭珠玉在側覺我形穢矣歐楨伯改南屯  
田足下明年往都又得一和人獨不佞寥寥郢  
中卽欲爲巴歛了無其暇勉裁五言奉答短二  
字便覺易非但局于世務亦困于才也若比來  
宦情則前書盡之矣

與周稱尊書

負苞堂文選卷四

六

別來幾年一年足下起居亡恙否向許我新霜入  
楚竟爾杳然每登樓眺吳門練影輒令目斷心  
折始知千里雞黍之約固足稱友哉歲歲倘  
足下尋南岳興不佞當命駕奉迎幸無更憚玉  
趾也終風一章足下試畱覽焉

與茅康伯書

不佞故鄣一遺狂也落拓好游不事邊幅大不  
理于世人之口獨與允兆輩友善允兆亦爲不

佞時時道康伯也顧鄙性寡交與非有介紹何以識韓荊州然其風流竊于欣賞諸編稍如見之矣乃足下不遠千里而賜不佞翰貺溢美之言盈于赤牘不已過聽允兆乎近寄友人云偶出豈緣安石望倦游寧待曼容年酒酣間一悲歌未嘗不怆慨欲下泣也嗟乎此意寥寥惡可與世人言哉允兆輩但見不佞里居時往往有豪舉事不知入官以來其卑疵纖趨胸臆約結蓋嗒焉盡喪吾故吾矣此所謂知臣少壯不知臣精已銷亡者也卽足下聞所聞而來其無乃他日見所見而去乎劉文學在逆旅所恨官舍蕭條不能頻洽盃酒之歡是媿今行矣感足下授書之誼無以報謝區區不腆亦聊附于投縞云爾幸麾置之遙望吳門不任馳溯

與許孝廉書

春初過五峯與丈分手曾日月之幾何而安寧

負苞堂文選

卷四

七

報歲除矣一水盈盈良晤希違每誦崔灝詩日暮鄉關何處是煙波江水使人愁輒欲令人泪淫淫下也比來丈豪興猶能似昔西門城樓否瞥眼春風又將組孝廉船北上澤雉五步一啄不佞入楚以來亡論蕭然首盤動資家庾卽逢迎刺探其勞苦亦甚不減傳書而鄙性迂狂不能仰人鼻息往往獲罪石交如丈者試論不佞

負苞堂文選

卷四

八

骨相豈爲宜于世哉具區之陰有菟裘在尋常效平子作一賦歸耳幸無誚曰林下何曾見一人也趨府還援筆噴噴不竟所吐

上謝中丞書

某不肖忝竊門下士嘗聞感知已而不朽者有三一曰造就若仲尼之成顏閔是也二曰推引若魏知之薦陳平是也三曰排解若孔融之救張儉是也三者均稱特達之恩况夫子于不肖

實兼有焉某世世子孫社而稷之亦何足辭報  
萬一乎夫子才望勲業推重三朝乃者聖主急  
材于巖穴士弓旌始過而顧客一蒲輪以迎元  
老斷知姬公衮衣不久淹居東之蹟矣匪佞某  
不肖乏刀錐之用懼貽瘵曠以辱宮牆綠抱病  
肺奔走頗煩復苦蓬心作人無術每一循省汗  
赧可言倘夫子垂念世誼不卽麾斥而時賜翦  
袂之俾駑肉緩筋得樹尺寸何但某有不朽之  
負苞堂文選 卷四 九

與章元禮

人亦有言閒散足以自娛詩書足以適志州郡  
之職徒勞人耳比來足下宦餘更有揮灑否前  
所示稍爲塗抹少陵謂李侯有佳句往往似陰  
鏗足下庶幾近之然黃金白雪殊自難兼若干

鱗諸君子誠不知嘔血幾許方得此聲名願益  
努力精詣勿令年少窺人也邵長史詩苟且塞  
請不佞亦別爲一律以和聞蒲邑有四山人而  
王最傑出暇中召其人目之倘不負所舉延之  
官舍與旦夕揚摧三益不淺矣明卿在興國距  
蒲數舍縱不獲擁篲而從尤宜通一刺焉其全  
集乞卽索寄我窮愁殫人音問疎濶區區楮牘  
殊不盡所欲言唯亮小詩五首博教其一顛訊  
負苞堂文選 卷四 卜

女第

答錢司理書

頃豎子自若下來已得尊公報書散秩水囊秋  
毫無以致區區是媿何敢更辱長者寄謝詢使  
知足下起居亡恙不任欣慰司理威權亞于直  
指上下每側目焉竊願足下爲龔黃不願足下  
爲趙張也走多病無能爲國家樹尺寸兼有蠹  
魚之癖聊借一齋以隱不謂跋跋劇區若在牛

馬雖逢迎少暇或可杜門爲伊吾揮灑計而始以糾紛相奪繼以懶慢相成尋且等筆研于芒刺視圖書爲烏喙矣乃今知宦路若逃雨無之而不濡顧安得棄其吟挈返其淑靜與鴟夷子皮狎稱五湖長也所論文選苦無副本此走斯須不能去身者如方命何左傳莊子楚辭唐詩選藝苑卮言敬授使者卮言是王元美緒論可謂後進橐籥足下須細閱之庶幾爲詩文不墜

負苞堂文選

卷四

十一

入彼法耳向來嘉貺則以知己之賜非所敢辭亦不敢別楮謝也故事博士不得上司理啟當如屬吏然於足下累世通好卽走俛焉爲屬吏狀他日兩面孔相向將無一失笑也醉卽騎馬歸頗遭官長罵此非鄭廣文詩乎狂奴故態類是幸高明無督過焉

上潘司馬書

往者川靈失職河流逸軌聖天子爲之厯宵旰

南顧而興嘆者數四矣明公遵神禹之故智寬瓠子之深憂而又不資壁馬之沉不需八年之久大功告成萬世永賴此其經略何但當與太史氏河渠書並傳已也聖天子念金陵爲國家王業之自特以本兵重寄委諸明公其庶幾坐而鎮之哉然鎖鑰不輕授牧頗不代逢尋且下紫泥徵還禁中矣非敢佞某不肖少失先大夫之于雅飭往往稅拘攣之文而越瑣尾之忌遂負苞堂文選

卷四

十二

爲流言所蒙一時親故靡不惑且信焉乃明公獨昭之渙濁之中出之衆多之口使讒者罔售其撓椎聽者幸免于投杼而某得強顏稱人世間卽今日竊一第皆誰賜也昔賢之義不以知己易感恩故有謂日受千金之貺不可爲知己者某何人斯有此于明公哉別來載離寒暑每一望旌旄繁戟嗟牙於三山白雲雖不勝其注仰而禮數隔絕音微曠遠不敢輕易輒通其私

顧寸鐵皎然未嘗不思爲知己歟也倘明公不察朱亥所以不謝之意而責之國士之報謂某負心則某有立稿耳敬屬豎子奉候並布區區天眷方隆惟爲道爲社稷蒼生珍重

與歐楨伯書

某竊從于鱗諸君子集得明公姓字意亦于鱗諸君子類也已又觀明公詩于國雅則風格信類于鱗諸君子而都雅過之蓋私心願爲執鞭

貞菴堂文選

卷四

十三

久矣日者以服官政隸棘寺幸瞻明公乃明公不鄙夷之而猥貺以教言縱以談笑怡然削廉破隅以與某周旋使某亦遂忘已之不肖而拜明公之鉅惠也斯稱登龍哉第于時方逐選人跋跋馬蹄間不能將束脩以上通門牆之藉以此媿苟爽耳比得友人吳公擇書悉明公起居狀白下明公舊游地也雍容畫省真不忝仙郎且六代風流遺蹟具在自公之暇策一短筇

而游覽焉指麾則紅紫成章俛仰則丘陵生韻固知明公詩興宦情翩翩並美矣某幼苦多病長復情窳于世上一切應酬不大能行時時耽讀諸老先生書然孤陋無所解也近來忽忽筆札卽寢食亦僅計畧平生片鐵業已付逝水矣昔人每揮霍尺璧而拮拾寸陰俯視髀肉能

貞菴堂文選

卷四

十四

與吳公擇書

念公擇縉雲署中日持酒盃作吳歎也真仙耶哉所恨者長于秦淮夾道柳色不復得一窺足耳周稚尊書來云公擇近頗覃精鉛槧咄咄適人輒呼仲穆起盤舞稱快事快事因念諸葛安與王夷甫語後看莊老數觴便足相抗公擇妙才第不屑爲雕虫少加研尋那愁不趁乘而



也不佞于詩質本不近而意獨有所溺每見王  
元美云三日不飲酒覺形神不相親三日不開  
卷骨孔盡窒津津哉有味乎言之也顧入郢以  
來擲身牛馬走中忽忽盡喪吾故吾矣異日卽  
獲與公擇並驅中原恐不免小巫之見大巫神  
氣俱索敢旗鼓相當哉辱損書詞旨瑰麗有晉  
人深致當是建業諸山水所助手再讀之穆若  
挹清風矣文綵佳刻惠賜種種深不意投編之  
負苞堂文選 卷四 五

與吳允兆書

不佞入郢後僅再得允兆書豈真以鱗羽之艱  
抑爲華歆終非幼安友遂作割席計也允兆落  
落莫莫有林下風詩興勝情亮當不減疇曩第  
兒女婚嫁併在旦夕恐不免賣屋之耗嗟嗟尚  
平將如五岳何不佞于文章家本情昧無所解  
而心甚篤好之每思男兒處世不縱橫萬里便  
當上下千秋以垂不朽縱塵念未能斷絕姑且  
雞肋于無競地乘其暇圖之顧自通籍以來忽  
忽三載所夙夜者率吏胥應酬事卽有小小篇  
什亦無當一斑兩斑徒爲夜郎王面目耳公孫  
伯珪有云昔謂天下事可指揮而定今日視之  
非我所決不佞固無類是乎今將擬劉伯倫之  
爲人終其身拍浮酒船中而以頌德一章傳之  
後世使不知我者目爲酒徒知我者目爲寄傲  
吾願畢矣自允兆外有幾鮑叔故聊爲一言之  
章元禮在蒲圻音訊幸不疎濶元禮政事之暇

銳意風雅亦是可兒乃以尊公之變解去大江  
茫茫不以從屈原而故從鴟夷子爭五湖長竟  
不知何人爲賦招魂什耳把酒作錄扇頭呈覽  
句雖陳然是不佞實際一笑擲之可也久別允  
兆計所結誤富矣幸悉以寄示空齋整懸無能  
致區區爲媿餘俸少許趣付酒家

復姚叔度書

僕不肖得附青雲之末竊升斗祿亦過分矣卽

負苞堂文選

卷四

七

以禦魑魅非所敢辭矧縣官廩不易食稍蒙衣  
冠頭目輒岑岑若被桎梏卸而散步庭序則精  
神栩栩王矣足下謂此人豈能工于宦術者哉  
苟不逍遙具區天目間與二三同志典籍爲娛  
翰墨爲酒以此送其天年而顧令逐逐臭腐爲  
也不然者將有去梯槌牀之歎晚矣足下天材  
不羣正宜策足康莊以步先德且古稱四十強  
仕足下方壯何遽云顛毛種種欲効僕倦游哉

恐李少卿循髮而語任生不滿有心人一粲耳  
使者遠臨但得寄數行便足慰離索而乃重以  
腆貺雖綈袍高誼固自戀戀故人柰宦橐蕭然  
安所得瓊瑤報也蓄育千緒非客卿可悉亦稍  
稍具伯兄柬中足下自愛

奉徐少師書

閣下德望才猷應期五百推重三朝蓋海內士  
紳父老爭喁喁然以出處卜世運不啻東山之

負苞堂文選

卷四

八

袞矣若乃戲彩稱觴皆明廷九列而金莖玉樹  
並秀青雲則自古相門之盛未有如閣下者也  
某不肖乖隨同之行乏長厚之名頗不爲里閭  
所齒乃閣下誤聽媒妁不卽鄙棄之使得自附  
于婚姻之末藐焉寒素厥有榮施然此其小者  
耳庚辰之冬某執子孫禮修謁私惟政府崇嚴  
恐難望履而閣下召見後堂親聆警欵享以酒  
食錫以餼牢雖彭宣所不能得于其師者而某

叨承之矣此尤其小者耳往先大人厠門下士  
不幸蒲柳先秋而萎每以不及報爲恨某兄弟  
勉襄大事又不自分介紹陸司馬以狀乞言閣  
下卒徵玉音以垂不朽吹暖死灰援肉腐骨是  
閣下始終大有造于先人也卽某兄弟世世社  
而稷之惡能仰答萬一哉道路遼隔訊候殊艱  
間一引領南睇汗輒涔涔竟趾也茲肅一介起  
居代陳愚悃不腆篚篚實亦先人所遺懇冀台  
負苞堂文選 卷四 十九

慈俯賜省納

與鄧忠父書

十載窮交久抱各天之悵不啻把臂秣陵嗚噓  
者浹月也已而別足下猶不忘我枉騎江干相  
與登清涼臺指點六代故墟歎山川如昔而風  
流安在慷慨悲歌興寄欲絕適有二客携尊而  
來不佞方攬衣自稱酒人過之回視足下則已  
翩翩然去矣清塵濁水竟不知後會何時然別

離之遠無如塞下王仲回以不拜贈孟公孟公  
大快足下將無謂薄也良田無晚歲膏澤多豐  
年足下勉矣向來所著長楊賦第以奏之臨軒  
豈無識者不佞卽曠越蠻荆有頌弁在當爲足  
下彈之七言一章錄扇奉寄亦知蒙塵叩缶取  
笑鳴玉要令足下出入懷袖間庶幾三歲不滅  
耳林開先大儒雅可知是唯敬宅相顧傾蓋不  
盡繾綣殊以爲媿燕中倘逢黎君華問及不佞  
負苞堂文選 卷四 二十

幸爲報曰此者擬草絕交書次第成矣

復閔明府書

留仙署四日日持盃酒與足下爲稷下之談而  
時時雜以恢諧卽家叔木彊亦爲絕倒因念平  
原旬日飲此何襟懷遂作千古佳話有如今日  
之歡平原且艷之矣言別重辱佳貺以逆旅得  
此大是酒須然足下過而施德干不報之地將  
無使受者汗顏乎出郭門狂風奇作勢若席捲

七澤而東擲之江者人馬俱辟易爾時楚王在  
蘭臺恐不能披襟而當之稱快哉也則心悔不  
聽故人之留署中一爐火促膝相向日儻儻援  
故人一杯酒計細君亦未大狀客而自苦乃爾  
顧業已別乃賈昇者勇奮力而前同雲霧天道  
路晦冥只尺莫可辨昇者謹呼索火炬不得則  
陵競走水雪中深沒腓脛前後輒踣若走邛邛  
九折坂無一穩步也且寒威襲人肌膚何但生  
負苞堂文選 卷四 三

粟幾盡裂矣戴貂帽坐藍輿中猶將立稿諸昇  
者亦大艱辛哉街鼓動抵舟奴輩來迎相勞苦  
復有候吏持薪米見餉益感故人高義質明雪  
小緩放舟隔江作行計遙望洞庭銀浪風湧濤  
莽無際而君山一點若橫玉几故不啻丹青畫  
出俟明年水漲時當償此勝游更冀故人無忘  
一杯耳呵凍附謝

復于司理書

職旋自北門得奉謁顏色殊切登龍之喜而台  
臺過念年誼不吝一會顧之咳唾爲恩矜昧成  
飾不佞允不知報所矣拜台翰猥以武舉錄序  
見屬自惟不工鉛槧卽欲避方命之罪又慮冒  
傷手之譏愧懼交集謹掇拾舊聞勉擬前序一  
篇呈覽若欲更措片辭則枵腹已罄竭剗之亡  
有矣且也刻畫無鹽唐突西子一已爲甚其敢  
再乎幸台慈鑒宥佳畫敬稽首登受朝夕披翫  
負苞堂文選 卷四 三

可以樂饑台臺之貺冷曹者弘矣使還率爾裁  
謝

寄錢中丞書

別來歲餘竟不及附一行問候嵇康之懶益甚  
魏之魏之秋間得郎君捷音方彈冠稱慶已而  
聞山東饑民之變則又爲丈稍攢眉焉野夫無  
從窺邸報不得其詳見北來者僮饑民唱亂而  
群盜和之多伏匿梁山泊中蓋徂於水滸傳小

說家語也近聞丈調兵撲滅之矣或又云其渠魁已跳去今復爲梗關西大都紛紜之口無可憑執弟鄙意以爲督府上疏惟取信於監司郡邑之揭報率影響彌縫之辭百無一實者也趙營平討先零還有勸令歸功廟算營平曰老臣不言誰當言者今日事亦若此矣往江續石爲太倉兵道妄希軍功縛陳眉公彭汝讓二賢將斬之大爲吾黨笑端然世路喜事之人智多出此如寧夏之哮承恩播州之楊應龍事可見也丈生平非急於功名者第奏疏中宜稍難其事且無諱卽幸平亦宜規以善後蓋事定則見功不然可分其咎芻蕘之言願採擇之何如弟自九月娶一婦一孫婦嫁兩孫女悲喜交集於懷兼之懸索無所支費勞苦萬狀昔向子長婚嫁纔畢便作五岳遊弟亦將踵其後矣明春儻幸無恙當擔一笈訪丈冀得觀日出於泰嶽望海

市於登萊大快心目而歸丈肯許我乎悠悠之衷言不能悉

復李孟超書

西湖一別契濶至今古稱良會不再得信然哉僕壬子冬携幼孫就婚汝南歸途出麻城從劉延伯錦衣家借得元人樵劇二百種展看殊快意而隨病矣幸不殞然自此不敢復親翰墨卽秣陵咫尺亦不復遊他可知也春來雨雪彌旬寒氣侵肺正苦舊病且發忽傳足下書至恍若自天而下更讀伯聞諸什不覺霍然有起色矣雖然僕本非玄宴而強責以三都之序足下愛僕肯爲藏拙乎伯聞秦賢王也足下以豪雋之才曳長裾接華宴不減鄴中勝事弟僕衰老途迷近以哭允兆意興都盡惟引領長望付之歎羨向見周憲王樂府大有元人賦致計秦王故藏必多善本幸一訪之以見寄亦病中良藥也

觀子杳未屏欵盼在何辰臨風興歌愁心如結

復陸伯生書

壬子冬一別忽復四載癸丑還自汝南是夏中暑幾不起甲寅養病於貴郡之東園者五浹月獨不得一見兄爲恨今年婚嫁累人不淺奉手札知兄兩歲俱在京兆署中無論海內知己如兄者幾人而地主又賢竟以病阻能不悵然弟久垂涎荔支今兄入閩可能爲弟作南道主得

負菴堂文選

卷四

二十五

借開府片繻縱覽武夷仙遊之勝兼了十八娘私願豈非平生快事惟兄畱意若得請幸先以一行報我黃司馬弟年家也山居詩卽不文敢辭第佳什在前奈形穢何吳允兆是月舍我輩去矣流水高山誰復有賞音者書及不覺泪下

寄黃貞父書

不佞寓昭慶凡三得丈書其最後始有一行奉復而又不得以所刻元劇爲寄媿甚惟是長于

爲六代風流之地不佞故樂游而忘老者今日就衰憊此興遞發遞阻奈何丈宦業日起兼以文酒徜徉其間勝友高徒靄然雲集而獨使不佞之跡不及追隨壇坫之下此亦太史公畱滯周南所爲仰天而長歎者也刻元劇本擬百種而尚缺其半蒐輯殊不易乃先以五十種行之且空囊無以償梓人姑藉此少資緩急茲遣奴子賁售都門亦先以一部呈覽幸爲不佞吹噓

負菴堂文選

卷四

二十五

交遊間便不減伯樂之顧可作買紙計矣倘有所須自當續致不敢以此噉丈也允兆近幸亡恙半月前已入關寫法華經附聞

復濮明府書

昔人有言去德滋遠懷德滋深其君侯之謂乎不佞固寡諧上之不能伏謁當道諸公聞所以獎薦吏治者奚若下之亦不能與縉紳先生交通觀其哆口攘臂評騭月旦者奚若然而君侯

德政其在田畯牧豎相與謳歌而不忘者猶時  
時徹於耳中及奉台翰所以勞問不佞者甚切  
則益信孔邇之懷父母赤子固若一也至讀所  
賜恩綸冊豈不爲彈冠稱慶第君侯治績旣登  
徵車且下旦晚當入皂囊青瑣之班爲天子近  
侍若欲邀惠舊德再蒞吾土則非待開府不可  
所恨不佞衰矣安能忍須臾無歟猶及與若下  
父老曳杖而趨迎也哉不佞以傷暑故久困枕  
負苞堂文選 卷四 三

答曹能始書

僕自丁未六月杪奉別返舍不浹旬而長兒夭  
折僕雖生之日猶歿之年懷抱可知也亡兒骸  
骨未寒而懿親爲累挾二千石之勢以凌轢僕  
者不遺餘力是用憤懣臥病歲餘精氣銷亡鬚

髮頓白非但翰墨都廢卽欲展卷誦讀皆不能  
矣生平知己如允兆孝若經歲不及一見尚何  
意與入白門乎然猶時時從枕蓐間思得丈音  
耗所恨山川白雲方在太息而瑤華之寄忽自  
天來喜慰發狂不覺霍然病已讀蜀草諸什及  
諸啟豪宕疎暢似得江山之助以丈好吟而所  
作止此無乃亦爲簿書期會所苦耶辱諭修蜀  
志事宦途中弁髦此久矣得丈任之誠爲千秋  
負苞堂文選 卷四 三

十矢其狼毫筆乃傲高麗爲之中無蘇可作大字鋒穎甚圓故以相寄倘可用尚當覓便續致也此來世事紛紜益令人可畏蓋其難尤有甚於蜀道者百凡珍重自愛以光吾道書不盡言言不盡意

與曹能始書

歲晚奉別忽忽不能吐一語所謂黯然魂銷者也亡何得謝在杭書知有尊人之戚南中交遊

負苞堂文選

卷四

五

無論菰菰卽言笑相洽者能復幾人而星散若此如何如何適見入計者還云長安事雖日新獨前薪一節牢不可改足下十年郎署開府無期豈主爵者竟忘之抑果詩能窮人坐爲言累耶弟入春來爲第四子娶婦空囊本不能有所營辦而婦家又不見憐往往求多幾至析骸決腦矣屢謀入都旋爲債家所束兩月間懷抱惡甚未可爲知己道也南糧解者姚氏乃故人姚

伯道子又是姪輩文采翩翩大有父風往足下游烏瞻時當會議之今來事屬貴衙門幸推分廣爲周旋使姚有二天卽弟賢十部云爾千萬留意敝邑辭茶最佳者爲廟後多姚業以此作茗枕東道主亦大不惡一笑

寄姚通叅書

憶別老年丈於京師不相聞問耄耋垂三十年矣然寸衷耿耿無時不馳門下猥辱推分小聳徐

負苞堂文選

卷四

五

賓夫曲賜慈庇不啻卵而翼之則尤老年丈無已之愛昔人所稱咳唾爲恩矧疎成飾以方斯蔑如也感刻感刻弟播棄已來值歲之不時更爲婚嫁所累先人遺產蕩不復存乃汗滂江湖傭文自活窮途灑泣誰見憐之居恒念年丈雄名清望赫赫朝端早晚秉節鉞而臨重鎮爾時當策杖修謁願備幕府清議不識能見容否弟雕蟲之嗜老而不衰以其暇輯古詩初盛唐詩



若干卷命曰詩所竊附於雅頌各得之義敬以奉覽別遣奴子賁售都門將收其值以給中晚唐詩殺青資斧幸丈畱意於長安貴人及計吏間多方借之吹噓是卽詩林大檀施不獨第一窶人懷感已也小聳在南安頗聞效職今隨二千石後入覲更祈丈始終惠顧之夫文貞相業未泯而區區一任子不得守其故步中道而出之郡丞此亦仁人長者所宜封植以無忘角弓負菴堂文選 卷四 三十一

復李中丞書

家兄爲邑無狀辱臺下眴睚以有今日又辱瑤緘賁貶儼然及僕賤兄弟何幸邀此如天之寵不知將何以報臺下抑聞之有曰受千金之賜而不可爲知己者然則古人之義右知己而左感恩明矣僕廢棄以來艱難履盡無能自存不得已而浪跡江湖賣文取給旣以天分有限兼

之塵務櫻懷文采日落固其宜也往歲奉命題扇諸作誠爲醜拙乃臺下不卽鄙夷而重命之至勤手書踰涯獎借何但賜以南金爲之潤筆且復寬假時日令得從容自盡豈非感恩知己兼而有之者哉僕又何敢慚其小技不以呈笑大方顧敝廬本自卑濕而首夏游遭洪潦遂至手足浮腫百病橫生迄今未能盥櫛當俟少間輒之然亦不敢久稽如杜陵所云能事不受相負菴堂文選 卷四 三十一

復熊子良書

僕迂拙無鄉曲之譽獨臺下數數進而教之若家人父子然此何以得於老父母哉僕故習禮其言母之於子賢則親之無能則憐之乃知臺下之待僕又因僕以及寒宗與彼賢豪有力者絕無軒輊故曰子產猶聚人之母也敝邑不造

不自老父母先亦不其後而當此凶歲動藉口  
荒政以爲獻納今魚鱉之棄餘其不轉而爲餓  
殍者有幾蓋令人興孔邇之思不獨去後已也  
每想湖上追送風雨黯然一段銷魂境界宛如  
在目老父母亦復念及此否遠辱不棄損之手  
書兼以雅贖踴誦登拜感汗交集秋首當拱候  
華旌於建業江上一訴此悠悠之懷故未敢以  
長物附謝幸惟鑒宥往者蔣侍郎山事實僕一

負荷堂文選

卷四

三

時客氣與悍者相左不意別後大肆齟齬至如  
陳公祖招中禱青衿者七人於臺下前後三招  
不及一字何也講堂宰堵無論形家所宜頗爲  
敝邑勝槩亦復耽耽殆幾不免嗚呼不知召南  
甘棠安在僕本不平人豈能當此憤懣遂大病  
自七月至十月委頓垂絕者數矣幸而不死瞻  
對有期言隨氣短

復李本寧書

曩泊石頭城下辱先生枉顧兼惠詩扇翼明卽  
解維而東不及造謝良罪良罪是夏一病幾不  
起遂作廢人足跡不能出里門外顧清風朗月  
猶然作命駕想也頃從茅孝若悉先生近況念  
先生今年七十矣兩朝舊臣不重還禁中而使  
放浪江湖狎主文酒之社世道可知也豫章諸  
王孫能詩者俱已凋謝而關中七子翩翩繼起  
正當共相推轂第有先生在寧容形穢之夫廁  
琇玉之側耶吳允兆去冬物故菰蘆中從此無  
人矣後會未期引領神往

負荷堂文選

卷四

三

與錢惟凝書

日者華旌榮發竟不及一送道左良以耿耿卽  
今九列中資望誰如丈者誠不知主爵何意煩  
此量移喬轉之期計亦非久且元禮新命未下  
猶可朝夕周還正足愉快無用書空爲也吾郡  
後進稱有道氣者蔡伯達氏丈徐晉之當謂第

言非私否丈不知弟之不肖勉以千秋大業捧讀至再不覺赧顏汗浹沾背弟曩時亦有少志謂兩漢而後已各有史獨盤古至秦史多遺佚欲彙秦漢以來諸書悉加哀集以其雅馴者編爲正史而怪誕不經者詳註其下以俟閱博大儒更爲刪定附之史乘之末惟于納言文若氏曾許以開府時當爲成此不朽旣而得關中道里遼隔未能遠尋今已化異物矣貧窶之人非

負苞堂文選

卷四

三

有大力者校之館穀佐之胥史將衣食奔走不暇安能專力於是矧在愒陰之年精已銷亡久矣恐此段意緒已委逝水奈何拜惠太渥慙感兼深倘明年車騎尚滯秣陵當圖躬謝一布契潤耳李太史墓表石刻已就并呈覽跋語殊醜拙然書法頗覺勝誌惟丈教之

寄謝在杭書

已酉夏武陵一別契濶至今兼葭之思計彼此

同之也頃見邸報知旌節借重張秋此三歲大差當晉秩叅知可免作郡矣轄當孔道過客送迎往往吐哺握髮猶苦不及然其暇日亦不妨抒詞染翰可能賜半席地容鄙人擔笈相就揚摧千古否向集中晚唐人詩已得十之八九而庚戌冬爲亡賴子盜去大半蒐羅校訂之勤一旦盡廢每顧及未嘗不怒恨幾裂腹也去冬挈幼孫就婚於汝寧守因過朗陵訪陳誨伯家遺

負苞堂文選

卷四

三

書乃知天中記及學圃葢蘇所引用書目皆非其家實有也還從麻城於綿衣劉延伯家得抄本雜劇三百餘種世所稱元人詞盡是矣其去取出湯義仍手然止二十餘種稍佳餘甚鄙俚不足觀反不如坊間諸刻皆其最工者也比來哀懶日甚戲取諸雜劇爲刪抹繁蕪其不合作者卽以已意改之自謂頗得元人三昧仙遊夢遊而外復得俠遊錄四種較前二錄稍優曩有

碁勢十冊久在記室幸便間檢擲將并付梓人以廣其傳亦千金幣帚意也千萬勿忘因孫子長北上之便率附一行訊起居侑以巨細筆十管開天容墨二函此友人潘方凱監製爲近時最上品價三倍於青麟髓足供臨池之需故以奉寄阿恭故無長物諒足下不責其褻也

負苞堂文選卷之四

吳興臧懋循晉叔甫著

記傳

重建嘉興批驗所記

在鹽政場竈煎鹽邊商報引內商貿其引以支鹽而水商運之顧夫引或詐冒鹽或闌出此批驗所之繇設也故事每歲季月商各昇鹽集所下臺使者委官驗引符輒放無畱行其後乃有負苞堂文選卷四  
抽掣之法踰額卽并引沒入之然猶須鹽運後徵納餘鹽至於刻期畢登始許發運而商遂困矣嘉興所在東郭故有堂三楹久且敗居官者視若逆旅莫適爲葺而商當積困之後又誰肯捐已資以急公家之役者然而掣之日上下若杞人然惟崩壓是思稍雨卽坐塗潦中屑越甚矣歲丁未商朱某王某等請於臺使者方公重繕之則首斥贖鍰五十金爲有衆經始于是功

必中程材必中度其廣袤必中地宜其建置必中方位其埏埴必中準繩其塗墍必中物采首門宇次階墀中堂皇左右燕寢森森井井繚以周垣瑕者易而堅朽者易而良湫隘者易而爽壇陂陀者易而廉隅蓋自戊申之丙辰迄於壬戌七浹月而事舉計費千餘緡皆諸商任之在公不以爲厲商商亦欣然受成無以爲厲已也者此何以得於商哉夫鹽筴之興昉於管子觀

東菴堂文選

卷四

三九

其至一乘者有食二乘者有芻菽三乘者有伍養抑何厚也當是時天下之商歸齊者若流水齊以富強我國初每引止輸粟二斗五升較子毋利頗倍猶有管子之遺意焉迨世廟末南海氏爲政議折粟價納銀三錢五分則利輕而鹽多壅滯之始也頃者天子誤聽言利之臣遣中使出監稅事將囊括諸商而逞志焉會宣城葉公永盛按浙以歛力爭之中使權少奪然稅額

歲增三萬有奇自此引價視昔益重矣公念商之困既久如將按額而取盈非苛其譏察不可商無規利而力竭勢必鳥獸竄故其所爲先後撫卹百端而最要者如開四運禁小票務與諸商公其利權毋墮文網雖再疏請罷增稅未報可而商固幸以漸甦宜乎商之德公而不敢愛其貲以繕茲所也公名大鎮登己丑進士安慶桐城人時鹽運分司徐君嘉興守司理令君皆

東菴堂文選

卷四

四十一

### 三教逸史傳

大逸史者非逸史也自孔子取首陽荆蠻諸賢加以逸民之目而逸始著今逸史何如人哉姓杜氏諱文煥字發武本蘇之崑山人後以武功起榆林遂家焉父曰來儀從父曰來青並至鎮西將軍位一品益通顯矣母周夫人夢白螭入懷而逸史生幼卽喜兵事潛引同學小兒刻木

爲槍緝羽爲幟部署其間往往與法合及長虬  
鬚猿臂善騎射左右命中七札俱穿蓋亦有天  
授不獨箕裘爾也年十九從來儀公征西將牙  
兵戰賀蘭山以雙戈貫虜頭於馬上磨墨盾鼻  
草露布千六百言幕府多其功進都指揮使守  
備雙山數出塞破虜尋以病予告亡何起家遊  
擊將軍歷神木鎮靜保寧三路叅軍領延綏中  
軍協守中路副總兵前後當虜王沙計猛克等

負苞堂文選

卷四

四十一

皆奏大捷進右軍都督府僉事奉制勅挂征西  
鎮西大將軍印鎮守寧夏延綏總兵官臨陣好  
著白獸錦鎧跨白馬身爲士卒先往來衝突捷  
于彪虎故虜中相戒慎毋犯彪將軍其悍服如  
此始逸史在告承歡之暇與友人評隲今古名  
將慨然有意乎杜當陽郭定襄之爲人而深以  
絳灌無文爲耻乃捐橐中金購六經歷代史及  
二氏諸書讀之歲餘涉獵始遍嘗夢朱霞乘大

如彫繪狀掇而食之自此文思日進所著有孫  
子武經左氏兵傳六朝文範初唐詩則五岳統  
志食霞秘笈等集行於世然猶以域中三大教  
不能兼而舉之非夫也于是往從御史大夫徐  
公受大學契止善修身之旨又從一烝真人受  
黃庭悟存真理命之訣從烏思大師受金剛得  
觀空證性之宗晝則研覈名理夜則寤寐三聖  
既而三聖授以真誥之文十資之事而逸史駸

負苞堂文選

卷四

四十二

駸乎函三爲一矣居恒念少時曾遇一善相人  
者識逸史於廣衆之中謂其五官美秀兩眸煒  
燁非但有文名當爲良將又謂山林骨起功成  
之後是且得道焉逸史聞而志之故其雅尚不  
在鍾鼎而在煙霞自號三教逸史有以也雖然  
逸史方提鵲印擁油幢爲天子領北門之寄惡  
得言逸卽一旦解綬去追隨黃冠衲子之流不  
復以功名爲事有如戎馬告棘羽書狎至天子

皇遽下尺一起汾陽於田間而逸史堅不奉詔  
致身之謂何故知逸史者非逸史也臧子曰而  
獨不聞張子房陸法和者乎子房謝畱侯思從  
赤松子遊辟穀已久卒爲呂后所強畫四皓羽  
翼之策而太子安法和居士也每薄帝釋梵天  
不爲而目擊時艱坐嘯萬旅以剪強寇彼皆能  
爲逸而姑不爲逸者也况逸史世受國恩豈誠  
不念同休之意而以逸自高爲子房法和所笑  
負苞堂文選 卷四 四十五  
夫亦鳴其志而已矣不然者孤竹岐周之胤子  
逸何以解

負苞堂文選卷之四

吳興臧懋循晉叔甫

頌讚

台極頌

石邑曹公以治兵建節海虞進大中丞開府先  
後幾十年士民淪浹歲澤不啻鱗介之在裨瀛  
而不佞其尤深者也頃河流決溢運道日徙天  
子勞宵旰而急宣防則又命公往治河二者非

負苞堂文選 卷四

四十五

國家最鉅任哉夫海不揚波姬公之所以致九  
譯也平治水土神禹之所以總百揆也今公鎮  
吳會宣武威則海路夷矣循淮泗障狂瀾則平  
成奏矣彤弓玄圭之賜天子豈其靳之於公行  
敬繪台極圖而系之以頌曰皇帝三十有二載  
穆清尚宸沛自首善敷德於衆兆民上公承之  
益殫乃神旣恢之以弘累復煦之以浚仁顧茲  
畊鑿之殷殷孰是孳殖而被斯德薰湯湯淮水

達於天津抑適橫流卒莫之敢湮于是傾竭帑  
藏舉錡如雲無或逡巡壁馬亦既泛而不屬於  
薪萬夫瘁勤何以告恣叩之九閭三事夙夜惟  
帝其知人明者洞源才者樹勳伊誰與論帝德  
光天其猶使我邀爾寵靈以邇於海濱我瞻北  
極輝映台垣厥曰惟上公是因夫夫也鄙肅拜  
稽首頌言孔陳

題沈孺休小像讚

負苞堂文選

卷四

四十五

是所謂雲間沈孺休者耶始吾遇孺休也見其  
文采蔚然以爲隱侯之後賢旣而相與遊遨於  
金閭秣陵之間也見其裘馬翩然以爲五陵之  
少年迨今自豫章而還也見其意氣漠然又類  
面壁之老禪卽之恬然叩之了然其爲人也屢  
遷吾且不能睹大全而貌者吾乃僅見其杜權

吳仲虛讚

是歛之淑兮顏如渥也又負此蘊蓄兮胡弗祿

也眷鶴鶴之肅肅兮一以篤也謝長駕而就蹻  
兮竟誰贖也彼苾乎其亭育兮迺爾酷也抑所  
俾戢穀兮尚有復也爰求雲杜之史錄兮謚恭  
穆也後歿者何易兮視斯躅也

堂文選

卷四

四十六



負苞堂文選卷之四

吳興臧懋循晉叔甫著

疏

清涼山顯通寺募緣疏

天下名山往往以叢林稱勝然而南莫如補陀北莫如清涼者由爲菩薩道場故也清涼亦名五臺自燕京出龍泉關越數嶺入顯通寺登東臺臺高聳無際以望扶桑曉日若赤丸可手探

負苞堂文選

卷四

四十一

也寺僧以百數皆禁戒修持爲釋氏之大宗焉折而北曰華嚴嶺有寺視東臺尤盛晨昏鐘鼓振響虛空眞所謂羽人奏樂天女焚香者諷唄之音清和婉轉雖使羸提聽之當不覺皈依信心油然而生矣又去十里許上北臺有八多羅樹寺僧數不可計十二時中薰修不輟蓋昔之祇垣今之北臺也道傍有寶浴池是菩薩浴處其石多光麗有寶色云距池不數里爲中臺登臺

而睇四維遠近諸勝悉屬目中矣殿閣雲峙僧舍星羅爲一山之冠大都勇猛禪和大根利器者居之尋山徑迤邐至西臺有七寶池八功德水古樹七重葱蒨雲表世稱小西方者也從此入秘密崖其崖顛有龍王廟龍神通有禱必應又獅子窩常現化妙若蜃氣爲樓閣空中菩薩所乘青獅蓋生於此西南入雲崖則普門精舍石佛堂在焉乃國初碧峰禪師說法地也越金

負苞堂文選

卷四

四十二

閣嶺登南臺有清涼石可廣二丈餘相傳菩薩從南海移來者昔趙簡子窺代曾以兵三千人登此石悉能容受豈非聖蹟者耶下南臺歷栖賢舍至羅喉寺西域比丘多於此披閱梵字貝葉尚方歲出金錢爲設伊蒲供焉從此越金剛窟至五郎溝卽宋楊延朗投戈受戒處山之大觀盡是矣山周五百餘里叢林相望而顯通寺最勝寺之後一山歸然以菩薩始修蓋行終爲

覺場故名菩薩頂者是也然而菩薩通定不一顯現無時或放滿月神光或示蓮花法體自非大雄寶殿祇奉金身何以光昭萬方普度四衆于是妙峰大師者發大願力剏銅瓦殿中鑄銅殿一區高二丈許方二丈五尺殿之東爲堦院業皆極麗窮工雄視震旦而猶弘願未已欲建七處九會華嚴道場及經一萬部俾緇素方等徧處恒演立會同宣以修淨業遂感今皇帝聖負苞堂文選 卷四 四十九

母捐內帑一萬三千金詣山喜捨助成功德約有八九獨華嚴經浙本未易卒致乃分命善信吳廣志等各募五百部期以三十七年共赴會所每部裝演及賁持路費計值一金夫菩薩示戒首在貪痴所以法施財施俱爲檀樾顧南海補陀一葦可達而清涼遠在朔塞非歲餘聚糧無以卽路故我吳人禮補陀者常十九而禮清涼者不能什之一今第以一函經供奉九會又

何必足躡勝境身拜蓮臺而後獲如意之珠食善見之果者乎居士晚始回向樂聞勝因遂稽首和南而題其疏端

### 重建五雲山真際寺佛殿疏

蓋聞我佛世尊修因雪嶺闡化給園無非題示慈悲廣開方便以故諸大菩薩於法華會並結喜捨之緣阿育利王歷僧祇劫尚獲聚沙之報繇白馬度經而後洎赤烏建刹已未宰堵雲審旁延東土琳宮霞合遠接西方聖教弘敷至今爲盛有五雲山真際寺者峯巒陡絕瞰錢塘帷蓋之濤礚道逶迤通天竺松蘿之徑雖云僻地實號名區在後周顯德三年志逢法師始來卓錫芟荆榛而剏紺宇鑿巖石而引清泉法像中峨端嚴妙好精藍別構窈窕幽深遂爲道俗皈依每受人王供養逮宋天禧之末益以隆興迄明正德之初漸其頽圯猶幸法堅和尚來自鹽

官用精進心殫加持力朝經暮唄爰聚資糧鉢  
索寸鳩靡私衣鉢卒能幹彌天於再造拯慧日  
於垂綸龍吐累愚復表寒陵之額螭扶鳳翥奚  
煩江令之詞第以山勢孤高風雨之侵尤甚歲  
時積久棟梁之橈固然若非檀施殆將蕪廢寺  
僧禮寶誓願營修證夙生多寶之因希長者布  
金之諾于是吳興臧子手題短疏請印醵司躬  
損薄裝勸緣部衆凡宰官凡居士念此皆爲幻  
象苞堂文選卷四 五十一

象苞堂文選

卷四

五十一

負苞堂文選卷之四

礦銘

吳興臧懋循晉叔甫著

茅大夫壙銘

茅大夫既卒之明年其孤元儀卜兆于烏程淑  
三圩僉曰吉于是葬有日矣則以所自爲述謂  
予壙銘於乎大夫先配蔡安人者予中表女弟  
也少長昵大夫故悉其質行卽不文不敢以辭

負苞堂文選

卷四

五十二

遂爲槩括題之銘曰於鑠有茅神明之枋自元  
總管徙家吾鄉世載厥德祚胤穰穰至鹿門翁  
宗乃益強駿發詰嗣獨仲也臧嗣其文采鸞鵲  
鳴鳳始雖垂翼終能奮揚旣對公車試宰于章  
倬有政蹟遺愛甘棠爰用高第召拜臺郎慨慷  
論列凜秋之霜彼中人者饒口如簧竟左遷浙  
浙亦大康始知百鍊寧折其銑豈容郎署空老  
馮唐顧君所急曰不遑將乃請使閩便道南翔

適翁大耋還稱壽觴騶從閭里纓紳溢堂膝席  
而前遞進樂方吳人艷之以爲榮光曾亡幾何  
儼然居喪君有至性鷄骨支牀旣除而弦哀殊  
未忘衆咸勸駕輒復徬徨晚廼補選畫省含香  
唯是將作而屬貂璫憚君惠文莫敢披猖已治  
河隄于濟之陽是爲夏鎮司空所荒比歲漕舟  
繇迦避黃視彼三河延表過當每以無勅緩急  
譸張上狀督府得請於王君又策迦淺而易妨  
負菴堂文選 卷四 五十二

宜濬水源導之汪洋杜其他洩亘其中防護未  
及行漕者相望時天久亢如沸湯誓以身殉  
出舍道傍牲璧靡愛惜于滄浪水急湧至孰降  
之祥無亦德馨以假彼蒼云胡二豎爲崇膏肓  
病卒不起繼我唯良非君篤行皆予所祥然諾  
丘山黃金批糠撫孤報友不易存亡斃者待槥  
餓者待糲積而能散誦義無疆謂天子善亦孔  
之彰詎獨于君則爽其常位罔才究年匪德償

意者忌盈勿使全昌然君身沒其名益芳不朽  
之業著在縹緗況丈夫子早見汗血所得孰多  
抑又奚傷日月有時君將大襄卜茲吉壤厥土  
駢剛何以樹之維松維楊何以封之若斧若坊  
于焉窀穸于焉蒸嘗其斯茅氏千古歸藏

負苞堂文選卷之四

吳興臧懋循晉叔甫著

祭文

祭孫少宰文

嗚呼哀哉某也不幸質之所聞自有中國自有  
人倫自有鼎胄自有搢紳得全全昌疇與公隣  
嗚呼哀哉冠解朝簪門懸塵駕曾是幾何遽爾  
長夜溘焉留餘以還造化音徽雖邈典刑未謝

負苞堂文選

卷四

五十五

嗚呼哀哉惟公文章本於經術射策公車哀然  
第一帝御金華爰資啟迪何必伏生殿廷重席  
惟公器宇與物無還若干頃波澄清如故凡從  
公遊孰窺喜怒何必倪寬乃稱相度惟公政績  
少試銓衡甄彼九流靡不程能藻懸其淨鏡遜  
其明何必王裴簡要通清惟公止足辭榮恐後  
優詔頻繁於公何有初服歸第上尊賜酒何必  
二疏東都白首惟公意興在泉石間觴咏多適

杖屨忘還牧豎田峻爭識公顏何必白傳結社

香山惟公福澤陰庇閭里省刑緩征邑之善事

非稟受公而寧有此何必桑庚尸祝畏壘比來

輿望端揆方屬旦晚蒲輪且迴邁軸公已不待

遺脫就木郡邑市罷戚黨巷哭嗚呼哀哉謂天

與善抑或不然既壽公名何奪之年母乃人世

電光石煙所爲不朽高山大川嗚呼哀哉紫薇

台垣折星精矣社稷梁棟拉然傾矣九重聞訃

負苞堂文選

卷四

五十六

亦震驚矣黃腸秘器下佳城矣穀蒸崇俎桂醑

徵矣敝詞酌公公如生矣嗚呼哀哉

祭郭中丞文

嗚呼惟天與人以剛大也而公獨完其浩然惟  
公得之完節也而天獨靳以永年惟公之竑議  
清範方藉以維持國是羽儀世風也胡爲乎屢  
抗疏而言旋惟公之休聲懿美寔足以興歌赤  
舄軫望蒼生也胡爲乎忽乘箕而登仙蓋斯世

之欲治將舍公而誰焉是以台庭丕薦揆路需  
壽豈白璧之遙下而舟壑之俄遷今天下所遺  
恨者直臣雖用而未究所共悼者鴻猷有待而  
未宣竟使玉樹之姿遽摧芳以着地而寶劍之  
氣徒流光以燭天然而仰公者固已如祥麟威  
鳳崇山巨川伯仲稷卨之侶指麾丙魏之先耳  
吶吶之詞及覩其慷慨任事之槩未嘗不爽焉  
而自失讀諤諤之疏徐想其懇惻愛主之意义  
負也堂文選 卷四 五十一

祭申相公文

紛末路之夸毗兮其孰樹之典刑天幸篤我夫  
子兮操獨行而爲經旣已畀之全德兮亮何靳  
於大耋晞黃髮以飾巾兮指白藏而長別相玉  
樹之嵬峩兮掩幽泉於九重豈終始之相巡兮  
將靈椿其亦有窮嗟哲人之云亡兮繫邦家之  
殄瘁僉灑泣而疇依兮躅百身而易遂憶英年  
而獻賦兮擅挾天之鉅材登赤墀兩首對兮爰  
游陟於上台當驚相之挾纓兮舉蹠蹠其莫保  
負也堂文選 卷四 五十二

寧委蛇而無事兮耻猥狙之用巧逮秉鈞以專  
國兮何機務而不宜惟帝心之簡在兮方申錫  
於玄圭廼冲懷之抑抑兮屢陳情於三已雖優  
詔以敦留兮竟拂衣而歸里託林丘以寄興兮  
誓終老於東山彼田畯與漁父兮爭識認其容  
顏凡守令之善政兮率踵門而稟受顧公孫之  
碩膚兮若歆然而弗有眷太任之嗣徽兮洵令  
德而齊年亦後先而捐舍兮曾不測夫上玄空

朝野之注望兮謂輓輪其將下胡龍蛇之爲孽  
兮溘還餘於造化嗚呼哀哉赤日沒兮陰風長  
天高高兮莫可量文螭駕兮師將藏其誰要兮  
白玉堂沴有除兮青有穰靡所救兮徒俛俛師  
經術兮閱青箱師功業兮著巖廊師憲令兮翔  
萬方師譽命兮勒宗祊師評品兮存故鄉有一  
此兮足不亡師兼備兮復奚傷某執紼兮在去  
行懷吾師兮歌輓章肆遐矚兮箕宿光敬一奠  
奠苞堂文選 卷四 五十九

兮椒之漿嗚呼哀哉

祭王孝廉文

往在甲寅徐園養疾辱子惠顧兼示所業如龍  
蟠泥如驥伏櫪方謂大才晚成斯克及探賢書  
卒棄弗收陵陽三畝嗟乎暗投矜其敝帚振彼  
貂裘無寧小就以爲予羞歲月幾何隔衣帶水  
豈鵬爲災抑豎作鬼溘焉一病遽聞不起尺素  
猶存人則已矣予也承訃臨風泫然直欲投履

走哭靈筵其柰衰頽逡巡逾年吊不及哀罪惡  
可言憶昔罷官門且羅雀旣而歲饑生事益落  
室人遍謫行填溝壑眼底窮交孰重然諾爰泛  
扁舟訪子淞江百金先饋不責其償顧惟前人  
謂門生莊子今掩泣無乃莊荒揆予無能智及  
而耄撫茲水囊將何爲報每與子接必覩其貌  
瓊瑤木桃固宜訶謂然猶記子告予以裏世家  
海上僉曰財雄薄俗忌人朝親慕戎曾不是虞  
負苞堂文選 卷四 六十一

伊誰之功予謝區區功于何有富好行德上天  
所厚厥有象賢通綸垂綬泉臺可慰千秋不朽  
嗚呼哀哉

祭姚母閔孺人文

嗚呼世稱頌德自酒漿鍼紉而外別無可著見  
而一歸於無非無儀唯遭不幸然後有聲名節  
操載在彤史煒乎昭垂苟或幸而無事非托於  
夫若子而不隨其身泯滅也者幾希是以山濤

之妻不窺稽阮陶侃之母不遇范滂雖有絕世之才識如所謂度勝及截髮剉薦誰得而知然則古今聰明賢達之婦往往其生也薨華而其歿也腐草寧不悲哉余於徵君以年家兄弟少相昵長相習也不忝把臂入林之期至夫結婚姻聯肺腑則又豈予涼德所能堪之意必有得於帷中竊窺以予之清言疊疊爲較勝也而慙慙徵君以及斯耶徵君故好客戶外之屢相錯

孫之能爲文章者業已駸駸有聲黌序間矣人皆謂龍章象服方儼然其並至也胡爲乎竟爾獲皆老而遽有此凶問之罹也耶嗚呼天地者羣生之傳舍始終者萬物之歸藏蓋聖賢所必不能免而何足庸其歔歔唯夫千百年而後墓木平矣而其超世之才識猶將傳述人口不至隨其身泯滅者此則孺人之雖歿而若生者也而吾以慰徵君之遐思



負苞堂稿九卷

浙江汪汝  
栗家藏本

明臧懋循撰懋循字晉叔長興人萬厯庚辰進士  
官國子監博士詩多綺羅脂粉語未免近靡靡之  
響懋循善顧曲元明雜劇皆所梓行故詞曲序引  
屢見集中亦其結習之所在也

農丈人文集二十卷詩集八

卷

〔明〕余寅撰

首都圖書館藏明萬曆刻本

附《四庫全書總目·農丈人文

集二十卷詩集八卷》提要

農丈人文集卷之一目錄

碑十首

慈谿縣重建縣治碑

東陽縣重建城碑

定海縣脩儒學碑

常山縣願豐隄碑

周使君德政碑

新安林塘范氏宗祠碑

鄞令翁侯去思碑

農丈人文集目錄卷之一

錫山吳氏義田碑代作

嘉興府重脩譙樓碑

重脩鄞縣儒學碑

農丈人文集目錄卷之一



農丈人文集卷之一

碑十首

古鄆余寅僧杲著

慈谿縣重建縣治碑

慈谿縣治踞浮碧山控邑之雄勝蓋唐開元間從句章之成山徙彌且千禩其遠莫能稽大抵由來據山巔矣邑故無城嘉靖乙卯嘗一中夷迺營城成而形家者盱衡而講眠繫之說一嘗再就麓已返於巔還不見德而隣或為咎至

於今紛若於是邑之父老薦紳大夫士參言巔伍言麓莫適攸宜萬曆甲午顧侯下車問邑事何巨諸大夫以告侯乃諦稱曰論茲邑之治與他邑異他邑不踞山茲邑踞山論茲邑於既城與未城異未城萬山皆拱吾皇堂皇為政是可以巍既城則山川皆領於城是故城為政吾官焉與高高與下下是不可以巍夫都邑等爾量人營國形方氏詔句必風雨合而陰陽交吉乃大叶稱其光宅何歟茲邑焉吾南望赭赤燥

以符東望常侍蒼精撫翼西望大寶吾金行也微不滿於兌不能無建除之疑今雉堞尋尺不半於主山吾官其巔匪不受園辰不迎紀上鉞下露亢而暴洩客必乘之過陽暎烈過陰菀結泰風蕩析泰雨晦塞其甚濡首或至攻中臣不佞不敢逃事竊為諸大夫父老子弟懼已吾必謂麓宜且建置疆略多不以度舊物圯墜漫為固然尤莫舛升堂視事輒不從內謁旦日抵儀門客偃僂而前百不一給而荒乃公務吾將居重而營邑屋庶不愆於棟隆之繇諸大夫謂何前是郡司理張公嘗攝篆茲邑勞來強事采聽輿誦業且以繕城之美立淵遠之圖而以秋試勿果侯遂前曰此如壘土張公藉我九仞矣厥簣不續是棄公之畫不究也吾食水而已吾敢有其操於是捐俸斥贖緩為諸大夫倡諸大夫莫不以響應者遂聞之中丞侍御三臺暨叅藩巡海郡太守三公俱氏吳胥報可迺大舉徙麓之侵廓廳事總八楹左故有帑益乃幕右故有

閣益乃歲中亭戒石翼以脩廊增儀門之楹  
賓館仍左移主祠於右增祠獄神為犴於獄之  
側為櫃室以便里輪大門甃石為臺冠以鼓樓  
鬼煥埒古之麗譙外故有尚書綽楔塞以屏閑  
其左右衢復旌善申明兩亭築大廳之東圃地  
為正衙以其趾為廨以居丞移尉廨稍東移簿  
西以丞之故趾立廨楹十倍於舊夾道稍南為  
椽舍楹視舊四倍有半凡皆緣陀殿趾城每上  
以尺計由廳事進之敞為堂更進為清清堂於

是令君由此堂也出視廳事諸衙則從角門來  
集而其出往門於兩隅之東西綱紀乃肅體乃  
尊堂不盡為石臺平廣達於巔城再上以丈計  
將亭焉以盡四封之勝工肇於是年之嘉平月  
浹歲而竣於是諸大夫三老弟子莫不偉侯之  
功圖紀諸石惟侯亦自毫於厥襟遂屬余為石  
言余惟古經制方域無間巨微必以準縣頌馨  
鼓公劉敘輯琇云勞勩然爾惟匹誠講於條秩  
裁成所宜至于伊濯欣聲丕顯以參茲役可不

謂允認焉夫天贈以奇贏地示以便壇人洽以  
諧贊歲佐以浩穰於是之時舉千年之闕遺而  
垂萬葉之熙備所謂遵宜革之革迓既王之王  
湖海來抱沃衍臯壤士保懿淳孝悌力田四民  
傳舞和美名鄉嘉哉侯其慕遠其志道其究且  
大賜於爾後之人無數是宜紀參藩公名獻台  
莆田人巡海公名鴻洙萊蕪人郡公名安國姑  
蘇人司理公名似渠巴人侯名言江陰人諸大  
夫率皆來埒者氏名列諸其陰

東陽縣重建城碑

嘉靖中島夷螫我內地自句甬逮干朱方大震  
戒於是無城者躬始庠且圯者圖永廣輪不周  
其氓又夾壕為兩城其慎固封圻若是東陽居  
婺上將天作巖險無他盜虞乃是時乙卯丙辰  
間倭從僊居闖其境境人大奔邑故有土城廢  
莫可倚丁巳戴令廷志更築僅土墉歲屢告崩  
萬曆辛卯諜報詢指果有高句麗之警於是東  
土人吏兢惕若游微晝夜無敢偷於時發司理

劉侯攝東陽事遂大發慮易斃以石永奠乃利  
則號諸其人曰費我役吾以爾寧爾無譁吾所  
不惟爾祗席使爾朝夕斯若飴者有如城於是  
損俸斥贖緩搏諸無藝之出凡若干咨訓父老  
及鄉大夫劑權酌宜令里胥於版隙無更入役  
而入其私顧直郊野倉廩不更受委積為鹿豕  
塲以鬻其居之便者入其平直寺產或浮於直  
稍棄之載入直又凡若干迺履畝稽其稅凡釜  
六區七有奇而起徒百人議既具白之藩守大  
叅徐公亟嘉之曰賢者恆念大役一不煩民吾  
固不可無少埤於是以其率至遂間之中丞直  
指三臺僉報可以歲壬辰王正六日丁卯肇作  
及首夏劉侯解其篆以畀今令黃君令君迅勸  
守成畫力雄而氣和周旋督厲壹以躬親無旁  
緣以奸無倚科罰以濟明年九月丙寅告竣事  
城袤九里有奇高二十有四尺廣二十尺而殺  
其上十二舊門四仍其東西移其北於東北隅  
而兩其南名東西峴為五門舊西水門一今增

其一於南近西峴樓櫓翬翼雉堞堅完其歸  
如也費金總三千而藩守公埤凡四十之一劉  
侯十之一其鳩工以差凡十九千有奇昔楚師  
伐莒渠丘城惡衆潰傳曰莒恃其陋而不脩城  
郭是故殃辰而楚入其三都瑕之不為賴也明  
甚劉侯委心靖穆希風於遠古是故及雨未濡  
籌福之始勉循鈎校以聽其講之自集大信布  
昭衆志胥定後者繩之無改於初繇而彌用劼  
飭嘗觀彌牟為艾獵營沂與成周其儔功蓋不  
留日矣然無甚焦苦以膺其胷不似侯之仔肩  
若初營家室然何以故彼以其全力我動稱置  
也是故侯恭其始令君篤其終要之不敢違天  
以幸其成於是鄉大夫父老謀紀諸石令君遜  
謝吾特相杵耳固有導于喁者夫閭井有吉言  
而邦有厚禱疇寔尸之於是贊侯必及令君蓋  
其法固爾古者鵠觚城既畢工而禁之有鵠升  
觚爵之上主者以為美瑞遂以名城令君儻以  
余言代觚而爵上下神祇荷寵庶無貳哉藩守

公名大任留都之宣城人侯名文卿豫章之廣  
昌人今君名季成闕之漳浦人俱名進士云

定海縣脩儒學碑

定海縣脩儒學既竣邑令丁侯肅諸博士及諸  
弟子而進之曰禮凡始立學必擇真於先聖先  
師余茲役馮隙斥羨敬庀乃司重以海憲郡牧  
兩公寔寵堦之功比於丕瓶願假蘋蘩以徵貺  
於夫子何如諸博士合辭而對曰敢不洗墨以  
從於是訊日率屬酌明水瀝芬藻馨香旁魄乎

東坡全集

卷一

七

廟廷祇告成事焉禮也侯又載肅諸博士詣講  
堂而詔之曰今日之奠獻寧與行束脩之意異  
乎哉古者崇先聖次則先師漢以周公為先聖  
孔子為先師至唐孔子稱先聖顏子稱先師吾  
謂聖稍軒而夫子東面謂師稍輕而顏則南面  
夫黨塾以上莫非師然烏可與夫子埒也夫與  
其師顏也孰與師夫子乎自韓愈氏疏別周公  
以上聖而相孔子聖而師為石論胡必來冕而  
王之迨我

東坡全集

卷一

八

世祖革不經之號還其本稱傳曰大人舉禮樂  
天地將為昭焉郁乎哉紀功泰穆而耀德乎淳  
明是立隆之極也彼先代踏駁曷以庶茲諸博  
士俯躬而對曰偉哉師說蒙所未哲也顧何以  
力諸侯遂昌言曰夫造士莫備於周矣夫子表  
章之以憲萬世粲然著在掌固氏是故大規在  
上非若則暴園大矩在下弗若則利方夫四教  
疇非吾徒律令哉吾竊慨諸青衿捐一生以殫  
於藝文豈不過悻卒未聞孝高仁稔忠淵而信  
沛世已若魯縞雖未勢安所施之濟濟逢掖徒  
手一經朝委蛇暮充賦無寧爾作邪逸書曰大  
道亶亶去身不遠願諸弟子保厥靈根無終蝕  
於愒衰世道幸甚諸博士及諸弟子悚然若深  
惟曹然若兢奮順風而稱曰敢不力諸於是諸  
博士率諸弟子再拜空首屬實記之西京獨數  
文翁力興髮雋是以迄得司馬相如鄂不韡矣  
顧譚者猶嚙焉侯所風厲不特以文宜必有敦  
允嘉栗如元凱者僕志而敬應已本典曰上樂

厥生務厥宜是故奏鼓以章樂奏舞以觀禮奏歌以獻和是惟明德之師哉於是鏡其事於石以彰侯之弘賜洋洋與東海並蓋已侯名鴻陽曲阿人壬辰進士邑博士粵鄧全性王科楚鄭崇儒於時宜黃歐陽旻來為丞豫於禮殿之會得并書

常山縣願豐隄碑

常山蓋古大末縣地太末地大而山長攷之圖經諸山雄秀特標邦域而水則借支於外封其

從湏江至者注郭之南從馬金嶺出者折而繁吾北用是結為巨浸殿我東閩自舂邑以來靈源大啟于食曼福久之波后勿靖東乃橫決墊關不踰閭井蕭然為疆吏憂嘉靖間前邑令張侯師軾一嘗脩治為官壩之役土人報釐至此多於社又久之饗利弗終而崩圯洵作湏溢失軌挾用為沴陰陽嚮背爽厥攸宜至使高閼茂等不憑顯敞潢潦不攝滔敗頃畝入方之旅恤航而嗟此豈獸馮夷或逞其違也於是吳淞唐

長公氏誠嘵斯事則諗諸父老曰方國山川若榮衛然茲邑用水亦猶岐伯氏養榮之說也吾聞水曰靜順其為紀歲而勿害治而善下是故潛為五精化為五整然後蠲澄吉朗榮乃脉發而今其如何矣往蹟大在新之勿圖吾何敢即安於是捐俸與贖鍰為義倡應者若響其趨事若子趾用巨木築用石石之厚尺有咫其累石縱而不衡廣視舊倍三之二頂於趾殺七之五凡費金八百工幾四千浹六旬而畢事不扶一

夫蓋邑人宿斯志四十餘年既畢事人人滿意歡呼號之曰願豐隄奔走乞余言紀之石夫便宜難言未有不驅除始者李冰以沫之梗開鑿離隄大江受其約德施磅礴被於蚕業之野文翁繼之廝分前波股引其口前烈斯並而雅尚過之長公氏豈若韓牧張戎好作水技執言而許河伯哉固以釋我躬之惻癘而躋之阜康無令玄冥有他譙而已且豐胡可輕覲也翕則鍾美闢則盍臆是在長吏克奠下方乃迓上貺所

謂我心爲高集人來定則豐道傳是故害未驅  
即慮百既驅即祥百農蘊若庚商歸若次相彼  
髦士亦聿奮起侯果以沃我昔者臺駘宣汾洸  
障大澤帝顓頊以能業官封之晉陽是有沈如  
薦黃之祀以光厥績韓獻子猶邈汾澮而頌之  
曰十世之利也獻子誠謂新田云爾如故絳之  
力其嘉被太原何帝百世茲豐之集於常也常  
之人誠歌舞之矣試論其饗之世焉初議上開  
府臺使者司若郡咸俞之及是彌信於都哉是

東坡先生集

卷一

十一

固所以世也夫寧可以歲月既邪

### 周使君德政碑

周使君者嶺以南潮陽人也名光鎬字國雍父  
西山先生鄉進士棄去不仕慕道甘遁里論高  
之歿而祀於鄉先生之歿也使君甫八歲棄學  
伯兄童時有大人儀矩及長學成行端里中翕  
然稱西山先生有子也隆慶辛未釋褐授寧波  
府推官推官歸法守率用武健庶幾表見風稜  
章有赫聞使君曰推官去民猶近耳奈何張之

東坡先生集

卷一

十二

使峻而不調于是事計實獄計情夷然順流與  
百姓相帖豁達平簡崇大體不苛執義不奪有  
不以禮即其在貴勢也者不特心用遠有以禮  
即其在白屋也者又輒身往下之蓋和而委至  
善指而不迂施泣郡未幾月攝奉化縣事其冬  
攝象山縣事明年攝慈谿縣事使君無違哉猶  
捧御史檄東走天台永嘉西走越州臨安且非  
一而已所攝不謂使君為嚴府公而慈母昵之  
其捧御史檄東西走不謂使君乍焉如脉沐而  
過之而渥之霖雨焉當是時萬曆改元大赦吏  
或奉揚不力使君覆覈逋繫並籍其在蠲者屬  
諸令長俾越州八縣之人食肆赦之實靖難兵  
入天台方孝孺奉化戴德彝俱獲罪死戴樞縻  
爛淺土而祠屋湫隘不稱為徙之山陽恢其宇  
置田二十畝令鬼無餒方九族殲之既又錄戍  
其支附凡三百五十餘家使君怛然悼之請除  
其伍稍補元氣之瘵御史田公韙其議遂以聞  
中津橋塩凡食浙東十縣官給據六萬行之其



後驟增至九萬據遂雍商大衰率三歲得一歲  
入猶負盈使君請裁據二萬庶無抑勒而課自  
充始稱便初禁官府供億不得騷邑鄙象山獨  
不戒使君攝然後得罷如今又以其瘠邑累中  
夷請以雜徵七百金均之五邑凡使君所政取  
於衆隸賴之必肩之衆胥戚之必更之當道行  
不行不敢知然悉厥衷矣在郡四年無一日苟  
燕衣不顧采食不顧珍室人麤糲至或不給而  
使君恬於誼烈慮不在私未嘗敢以一銖苟因

東坡全集

卷一

十一

而點焉故曰厥德馨香厥表孔揚疇不謂周使  
君旦暮在交戟之內哉已而徵數十人不及使  
君是時使君從御史萬公理塩英萬公迎而謂  
之曰吁夫天曹可謂漏一矣使君色不動治事  
如故萬公歎服謂無其雅量于今世云居頃之  
得南康戶部主事可不謂酬使君耶然非其直  
也于是使君行而余小子寅鸞言曰使君之行  
也天地山川鬼神所明知也天地爾寥山川爾  
愜安圖使君于遙於是撥其大者托諸石然則

茲石也亦天地山川鬼神所明知也余小子胡  
敢私其辭曰

皇矣南海寔昌巨倫清裔繹發篤世其申仇古  
用邁作妃前類嗣其華矣質有其內杲杲晝斯  
誰旃煜之賴我神私我土孔鑒匪後之穢沃之  
嘉沛哀彼園人小大於醉爾躬瞿瞿戶食其濡  
亦有高旌陟降下閭惟中有絕百寮孔截豈不  
爾甘志心風烈既康我民亦覃他人濊濊蒸哉  
遐不厚鈞大江旁魄畜我不卒萬室盡奔沸如

東坡全集

卷一

十四

### 新安林塘范氏宗祠碑

夫范所開肇遠矣今積閥於新安之海陽凡七  
族於中家著惟林塘林塘寔千九府君兆基之  
始而又追崇唐宣歙觀察公為七族之始而又  
邇平章履米公為有徽之始蓋七百年所矣夫  
疇非天子都環一鄣以豪而林塘者總千社而  
號嶮嶮於盛矣今觀察公寤歎本初仁誠自篤  
緬惟厥考夙勤世烈瘡焉不恤廼躬而重有構

於厥宗愾然如見乎其所謂宿昔者齋祓而將之精志而圖之景行先文正公之匡略而參伍溫國程朱氏之鴻術名之曰范氏宗規屬黃紀諸石夫敘服姓五世袒免敘嗣續百代本支昆裔誠良淑問何隕誰歟其聯延者記有之尊祖故敬宗敬宗故收族夫收豈漫爾也古者皇辟維招承以大夫師長是故國無秕鄉鄉無黷族族無慍子而厥宗為海內冠竊怪殷六氏七氏懷姓九宗玄王以數百載培植之乃分徙魯衛諸國豈歎周家過計或槎蘖訾沴其朋他何日之有厥後魯三桓侈而熾鄭七穆靡不振當是時宗法非莫脩也然後知斯禮也世盛后王主持之世下衰俗澆賢大夫勤脩之夫誠有妨於天地之間而克由繹如范氏宗者乎於是置龕三中祀平章公左觀察公暨瑤村公右千九府君具饗於庭左右稱配次之饗於堂東西成配於是脩歲謁以元日之又明日是日也首陳大訓遂讀聖諭用警於有衆毋作神羞於是脩

歲祭以清明日主堂一分獻二皆以齒是日也子姓畢集無敢不蠲恪遂以昭穆序餞事是日也敘桃遂告於桃閣是日也籍祭器與祭產獎仗義者懲其犯者有差於是脩墓祭以寒食逮其無主者戒宗人無覬福壤遺其親骸不空瘞其窶無後者於是時報祀林塘之神慶固有源合數萬指而食茲土造我范者大也遂及於社舉以春秋其埤極宗祠左有餞及於厲舉以中元日其埤在社左亦有餞嘉哉規其周也如是往余在秦嘗覽郭汾陽李西平兩家廟及感懷恪糾宗碑咸盛陳爵秩若無並乎云不念祖武何似者無幾何遽有高臺曲池之感已過宋聞曹武惠商人尚佼佼青衿間不識何以詔其枝別猶鯁鯁若是夫彛等不列陰事將失據胙饗不辨陽事將失繇神其吐我我又奚如焉是規也厥有中中論大初及大支其級九厥有左左厥有右右論分支及遷祔其級九而上治之義明析之有門寢若小宗然者室老用事闔之有

統祠若大宗然者宗七用事而下治旁治之義  
明敬冠事重昏式矜外內詔以古之人咸帥時  
其餘以膚以塾於以保固原本導迎釐祉沕濟  
曼美永綏浩昌何止七百年雖萬葉荷之靡有  
窮已楊雄氏曰孝莫大於寧親寧親莫大於寧  
神鄉察公殆范之聞孫又孝孫歟公諱淩甲戌  
進士敷歷畿服譽處貞良茲以觀察使鎮甬海  
日嚴封守島氛大靖肅恭端允有碩其膚君子  
以為於古法宜賜公玉璫得以芑蘭之堂享祀  
先公并紀之以章公丕顯之伐云

鄧令翁侯去思碑

歲己亥翁侯奉 旨詔召入行且充法從於是  
鄧邑里大讜曰我等小人習侯久謂且世有侯  
召何為者天無恤我等邪得無奪吾轉其耆宿  
謂之曰

皇帝以吾鄧久私侯今顯章庸伐登之公朝烏  
謂奪然竟不得有侯矣於是閭里益譁老人兒  
啼稚孺叫呼媼媼其相謂於井曰之間曰父

母棄我去矣無已則連袂走余齋舍問何以挽  
侯俾不得發余曰

上意也烏所容挽則又搏頰請所以頌侯者鑲  
諸石庶幾石在與在余唯唯輒差次其事侯名  
憲祥姓翁氏蘇之常熟人壬辰進士初試鄧令  
鄧地罵鹵饒魚鹽有海慮其慮不特以風濤又  
屬軍興什六恃農湏水為坊什三乃走末路耳  
士守枯管惟上之所標嚮之大抵煩則煩簡則  
簡侯曰是在我所亭平舍輯和何術矣於是首  
布條教示民向方括經賦於方冊知財所去來  
侯之身益白念古肺石所以立何問巨微蓋曰  
我之勿喟彼何從噓即微如洞火猶不敢遽而  
徐以靖志調以冲氣達以婉辭儻寔于微吾膚  
寸吾與彼均無憾也余嘗與侯譚既入其從卒  
莫可原而固乃日夜求之上帝神明必鑒其獨  
他時第祿必且遠及裔人此真侯之謂矣侯才  
鉅一當繁劇無不立斷者而淵篤審諦常為主  
歲諭於海海事舉月問水所濬洩實關加謹而

日進諸儒生於廷誨之雅修以故催科不苛勾攝不下鄉權無旁落曹史無敢黷諸儒生趨大雅如赴無復詭誕者江丞輔者廉吏硜硜介慤頗不得於上官又病目侯翼蔽之卒有瘳名復大起今為含山令其善造就僚吏不使至硜礧類若此瀕行則又曰所不釋於余秉者尚有五事因條上之其一蓋劑量於酉戌兩年戌蠲者未征酉征者無柰價踊請令蠲六之詔朋之於酉其潤濟良不細侯之補救濶略又如此夫士

東坡先生集

卷一

十九

何賴以積閥彼上命之弗共而徒便其私何取焉若侯敦敏肅給灌輸封內而百姓之爽精毗倚灼爍無有貳雖謂古之循吏並轂而驅何讓邪天老論鳳德大備獨不及衷臆安見順仁智信咸應其度而中復有他者侯其止於帝之阿閣以儀方夏何況海壖若吾鄞者且吾鄞既蚤私之矣易之用六曰利永貞蓋頌石哉

錫山吳氏義田碑代作

義田古無聞蓋昉諸周禮保息所謂振恤兩者

當是時井田之制大脩百姓世世蒙業稱樂匪矣先王又為之慮無遷有上以詔遺人備諸委積而下之責比閭族黨州鄉以相為也則人知勤恤矣安有專義名者哉迺其制大都為鄉不為族則以宗法行其所屬灌輸要其素然且比以上固國族之聚也先王蓋曰吾誠博勸德爾自井田壞人無恒業於是私營其身富者擁資自肥而貧者至無天可控即在其宗猶塗人視之卒莫相扶揀况其鄉人而克委及之是古

東坡先生集

卷一

二十

者田官其義亦益官後世田隱其義亦益隱夫後世之人何浸浸也吾師澤峰先生錫山大姓族無慮數千指至有以藉厄困莫圖者邑故多區賦率名召富人役役輒路顧獨嚴貴官人不名一役貴官人一不諱輒名召其子若弟役役輒路其偷如是先生歎曰是胡不及其身捐之前釋乃憂於是券田上福新安兩鄉凡一十八頃有奇自邑入優佃者外歲餘粟石千以其七充本區役率十之二名曰助役著令歲歲無

關以其三調族之人窶率二贅率三婚嫁喪葬  
不克舉者資之有率子弟不能就塾者及庠與  
成均入者由資興上春官試者資之有率力不  
能贍成者有貸券地三畝有奇為廬若干楹以  
居歲儲以麥三百石儆古所謂委積之遺以待  
凶札蓋以粟經以麥緯必取登焉無乏歲事夫  
人視其身近也視其子若孫近也有視其族人  
近者希矣更進之有視其鄉人近者乎先生固  
蘇廣厚鏡觀福始斥土之羨沛為嘉衍彼長區  
賦者方存有大懼而先生廓以寬宇席以豫貲  
且曰吾子孫不貧柰何獨苦里父老役吾子孫  
貧不敢以貧為解也必贊里父老役故曰計族  
計及其鄉人尤公也先生為鄉不為族  
公之大者也為鄉故族舉不為族故鄉舉親  
錫山凡若干區凡區得一倡義如先生者彼役  
者家室胥有帡幪以不沾於顛越今茲土者因  
是得覆露名錫之賦政倘有瘳乎於是先生自  
之得命某記之古者三公上弼皇政中

參六官之事外綱紀六鄉是故比閭諸人之以  
相翼祚也二聽於公號曰鄉老誠謂要束之耳  
非急病出分帖人於夷易若先生者也謂鄉老  
不名先生其誰耶夫叔事者在益薦其致久而  
勿渝夫是以昌明丕峻即閎開之業與天壤俱  
敝某先生門下士無能佐先生釜鍾敬告夫繼  
先生之志者尚未永懋承之無數是為記

嘉興府重脩譙樓碑

豫章黃公既蒞治嘉興未幾月堂布蘇慶宣敘  
式瀟灑樹之風猷以與邦人士詔始所以覆露  
其封內則既有顯象矣則顧茲譙樓而喟曰是  
亟勤我工人矣不然者且無以送歲月庸已諸  
夫茲樓麗郡治為門焉所以觀也於是屬諸邑  
令長白請矣七大夫我不敢有其歲惟七大夫  
輸之羨鑑以圖所以觀者庶以永殿此邦厥亦  
神爽與魏哉於是諸令長委聽公公為經計程  
量授之有司始九月某日竣十二月某日遂以  
壹新如其初初之者漏器及司夜具如郡乘云

蓋嘗讀月令曰凡舉大事毋違大數其戒何如  
焉也至其申固完繕警備周輯又數數許之并  
闔扇於春宮室垣墻城郭隄防實審固倉於秋  
門閤鍵閉關梁要塞於冬豈以曾眇或漫試為  
之固有揆焉爾也夫政不在貌然誠不能廢貌  
事若冠然組纓誠設統絃縱縱誠具苟不時飭  
貫攝緇縵一旦弛絕其何以章元首而肅都人  
士抑瞻邪嘉固吳越與交湖海繡錯之是羸稻  
梁絲帛魚鹽果窳之利江以南外府視之稱雄  
郡焉所為暢通天明開白地察贊達人彛物曲  
精靈殷氤無無湮鬱沉伏瘥札天關于類和氣  
以游於熙恬靜謐未貺其畎隸必茲樓馬祚之  
其為貌也大矣故曰所以觀也云則豈其細哉  
夫龍尾在會故得時鳩倂在同故得類月令許  
之何達之有循以動而墮百姓於法為削於政  
為龐即集焉猶疚也而况乎以觀以故民不見  
有役役不見有捐而告迄功夫有鏡於我嘉之  
瘵瘠也思置之必奠之思酌之必提之古之政

者發慮定裁一日而徧海內乃其謨謀之以率  
導諸其忱恂馮諸其綱紀用祇祇將當日軌則  
後來揆之義大矣公孟不務華事務其亟者與  
公名希憲初為南御史擢叅閩藩不遂決起重  
位而以惠我嘉之人余不佞不能書其閎者碩  
者董董記茲樓揚其一舉云詩曰不解其位民  
之攸暨嘉之人實微所不造焉于時貳守某君  
某別駕某君某司理某君某威襄厥成而邑令  
某嘉興某某秀水某某海鹽某某平湖某某嘉  
善某某崇德某某桐鄉某胥祇載下風得脩書  
重脩鄞縣儒學碑  
維鄞負滄海之沃若真名山之崔歸爰翬爰顯  
是稱阜蕃博碩亮烈彥豪之幾胥豐年儲之煌  
煌乎泰曦哉物久則毀泮宮云圯緊殿及閣無  
論廡舍與俱傾靡彼芹盈其泚聲香不起赫赫  
聖師懼不歆祀如林多士奔走喟語於時海虞  
翁令君揆斯事大有舉莫先庀良斥美圖惟厚  
全環睨二三僚曰唯江丞是肩承亦若砥惟令

君之使惟夙夜是矢庸媚於夫子鞠既躬只  
靈亦庇只適奏成事鳩始於柔兆渚灘俾於明  
年之作噩於是三博士稽首若搏指石而請曰  
庶以托乎寅跼躅謝不敢聞曰夫子在何妄  
之云則不可拜手申其大謏今夫士過夫子之  
廟門未有不張拱走趨者也至於訓言周旋之  
弗如是棄儒也夫少者諷壯者論老者憲是無  
不依於孝悌本天情以為域而遵人綱以為衛  
是故可以履后土對上帝號其人曰獻以參海  
嶠不亦大乎是諸士所自幟也是役也巡海來  
蕪公首許之凡計銖三千八百郡將闔閭公附  
以什之一遂以集三博士徐公軌自姑蔑周士  
榮自粵余朝選自太末江丞名輔廣之長寧人  
去而宰含山令君名憲祥德久彌光行且在交  
戟之班天雖高儻賜我環乎於是又明年之上  
元日邑人余寅譔記樹之邑之賢關

農丈人文集卷之二目錄

頌三首

海路清夷頌贈巡海使者丁公有序

廉吏頌贈明郡守張公考最有序

開府劉公新置寧波府暨五縣儒學學田

頌有序

紀事一首

之桐紀事

記四首

農丈人文集目錄卷之二

游九華山記

重脩提督操江都察院記

大雅山居記

日省軒記

續刺記二首

重脩董孝子祠并祀其父母及置田記

海陽三先生祠堂記

農丈人文集目錄卷之二



農丈人文集卷之二

古鄆余寅僧果著

頌三首

海路清夷頌贈巡海使者丁公有序

夫海浩極天宇斥諸遠夷貊使鄙於有截寔真我皇夏萬葉不翅已過

今天子在御之十有九載孽夷方白古登挺及越送蹀血諸島橋憑凶鯨漬涎於朝鮮之圍其

王奔跣哀額

農丈人文集卷之二

皇帝赫怒命大帥剿平之事且旦夕效而之孽淫凶蕩滿耳將沛其腥穢以禍我兩浙嘉靖間浙中夷特甚自我於越以及三吳七閩被重孽歷八載乃靖於是夏年秋

上君曰吁是其喙不祥既有徵於樂浪其以丁某往備兵東徼稱巡海使者使者至晝夜竭作十憲餉五慮兵浚湟蓋汝械大造蒙衝比於橫海下瀨安慮數十百翼曰汎至宜職之外洋於是成者托陳錄其次華臨馬蹟大衛實祖達

渤諸要害無敢易地於是巡海使者大燾燦日

巨艦蔽壑水軍綰轂角以外而陸若櫛比以無

萬一於虞也猶以不翁何綜不淵何洪是故恭

躬而穆思睹隱而聽卑體對非之雅心余駿骨

之往事建見方罟之膺士財擇扼腕之忌諱若

夫技擊矯捷機關積習奇思出尋常繕三甲七

札之利者無勿羅之戲下其大蓋自天恢之於

是今年六月汛解諸將士歌舞歸其守次寧人

士沛然大歡使者果靖吾土矣或曰抑云爾焉

農丈人文集卷之二

不頌夫海功豈必使波朱殷使嶼紛燐使舩艘

與敗鱗披逐乃為快邪羊牂子睨赤烏何難一

搏及武庫繼之告江漢寧而已日邏者報警使

者按劍而詫吾軍若虎落布藩間奚隙之乘是

誰使闌入邏可斬也已而果大謬今西北邊款

事竣大張樂稱慶謂今年百不憂其費不貲以

為常若獨吝一欄幘不紀厥成何居於是前一

月之晦使者誕辰郡黃公某施張兩別駕某某

張司理某屬某贊觴夫贊必海事焉遂作頌曰



春彼維苗在堯舜之朝鼓其彭蠡晏然放驕匪  
繫荒之微亦有萊首來爭營丘仇師尚父又值  
盛周嘻歎夫孽鴟張螳垣穢亂國常敢行草竊  
禍首玄菟震驚天關乃羣獨獫狁及東粵

皇帝相視豪雄疇為我作墉以屬我公大勩於  
東府庠若峙元伍悅喜軍其阨塞大信不徒畫  
講戶牖夜不敢嬉始時怯商吳駟絕維已又怯  
漁東網委礪公悉蠲只畏鬼何為萬人祝海為  
公福池赫赫慮無威在其壘迄無獷暴彌數千

唐文八文集

卷二

三

里既禱其神亦肅其耳公之未視師命懸其天  
公既視師其藉百全貽我綱紀何殫歲年嗟此  
民愚請天無罪曾未幾時公還交戟何日幸對

廉吏頌贈明郡守張公考索 有序

嘗觀唐虞之世嶽牧濟濟元愷布列祗以惠采  
艱乂取於熙載未聞以廉名者夫其后辟勸率  
豈不云厲而卒不及於緇涅當是時太陽在御  
暉光貫於紫庭百執事交抒精白媚茲一人焉  
有暗於大貞而喜於微薄若涇角者之為邪桀

唐文八文集

卷二

四

何周公作謚而始號於天下曰節廉其惟自克  
夫震耀一世之事難而當身之事易人莫不曰  
言幹言濯吾自躬耳夷考其素絲去之何啻千  
里夫帷房何必不帛廐何必不粟園何必不葵  
朝何必弊車羸馬第宅何必秋隘世固有用物  
弘而取精多者我何獨不爾然乃爾爾豈其性  
之抑或其志力之所自勝也故廉可能也克為  
難夫克固所以為廉也若吾張郡公其產固無  
諸國人而抑其所矯厲豈獨標表於無諸抑或  
海內難兩乎夫古人所克畏不在大不在白晝  
不在明廷廣衆一冠幘之微布被瓦器之陋斬  
芻執爨之賤即或選受一錢與一番牋心常自  
靖意常自究是公之日迹也夫邑有近錦綺琛  
琲者矣有近文犀大貝南金者矣土也鄙然何  
擇於吾土與不吾土哉百里隨腴千里麗密何  
嘗不繼屬而至彌近之而彌遠之是公之強執  
也夫饔餐誠帝世也苞苴亦三王時也此亦不  
諱之朝之所恒有也戴勝既集其冀既孰誰不

出沉入海。滿心為快。公初令吳興。已倖楚。又倖越。已守婺。今再守吾明。蓋二十餘年所矣。彼夫席與褥。不過幾塵。寒暑輒又失其故吾。公不敢改為也。由是言之。獨晏平仲之裘。可以壽公。故曰。厭浥行露。豈不夙夜。謂行多露。此又公之自盟無他。以也。於是娶女與老尉之政。總之三載。稱家美諸屬邑。翁令憲祥。顧令言。樊令穀。倪令肅。英聞余言而躋之。曰。懿綽乎語盛矣。顧烏可無頌。寅乃拜手稽首為之頌。曰。我峨百城。誰濯

東坡先生文集

卷二

五

厥靈。殷薦之上帝。不振德聲。維漳南土。泰英之府。作牧於明。寔廓我宇。我宇伊何博大。不苛厥守。伊何與王。并瑤世人。謂細我獨不翳。白日行天。徹於四裔。謠誦在吳。景光又楚。越之東西。我什得五音。

皇帝下問。察在九陞。九陞曰。嗟。且爾吉。悌政有首德。香美歸其族。夫祐海民。繫鑒斯獨。乃知國寶。廉儉為尊。凡百有位。敬聽頌言。

開府劉公新置寧波府暨五縣儒學學田

頌有序

古者無學田。蓋田皆井授。是故即閭而塾存。族黨而庠序存。所謂鄉三物業。業乎盛哉。固不出耒耨間。非群郊野之子弟。而別養之也。迨漢興而士農判矣。忙者至黽頃陌多。蓋藏而士糴不能給。朝夕乃或傭賃。不憚執爨烹之役。瓶之罄矣。維壘之耻。抑亦有司者為之計未周也。

國家造士。酌用古括王之制。貢之有數。餼之有數。不餼即不為數。他日食祿。即不數。而今日寔

東坡先生文集

卷二

六

即不可勝數。是以觀風者。廓然。稽歎大嘉。資於黌宮。於是御史中丞任丘劉公。開府浙上六年矣。思所為策。勸掖俾之。壹志懋力。克底於大成。而輝光皇路。爰斥少府。贏美令郡及五邑。置田有差。漢人嘗誦吾夫子布衣養徒三千夫。簞瓢屢空。決踵露肘。如鶉棲結。自高第弟子。率不免焉。胡云能養也。蓋戰國游士。借之以是耀王公大人之前。陰圖滿意。至鄒子與軻侈然。自命曰輔世長民。莫誰若也。從其徒數百人。車數十

垂游行王侯間子輿有英略能傾動一世之人  
是故齊王使人謂子輿吾欲中吾國而授室養  
其弟子萬鍾由是言之養士宜如何云者漢而  
後世主苟不鹵莽厥政率亦有新樵心其非恒  
制或賜錢萬或錢千其若不得已而設處或以  
牧場或浮圖絕產或以戶絕田及餘糧獸山堂  
纂謂宋寶元間詔許明州立學給田五頃漢武  
帝銳情勸教詔所在立學獨吾郡至宋始名鄉  
校邪惟給田若博士弟子人人有世業歲歲逢

東坡全集

卷上

七

年迄今山寺猶存郡庠糧額豈遺澤猶未泯邪  
故茲典一見於寶元詔書再見於今開府公下  
牒於是郡丞黃君某司庾丞君某某司理何君  
某某以為盛烈不可無頌屬賁記其事亦反以  
縉計郡庠縉百購田如干畝郵慈谿縉壹視郡  
購田如干畝奉化定海象山縉視郡什之六購  
田如干畝具有籍迪矣六校之士其尚祇承德  
意厚自矜奮毋恤於匪彛為芹藻羞頌曰  
皇帝二十有九載穆精尚宸沛自首善敷德於

衆兆民上公承之益殫乃神軍厥萬倫既恢之  
以籌略又緯之使網煜顧是美祿土之藏寶號  
曰上珍孰是孳孳而食斯茲分浙亦大矣既膺  
且繁矣抑適遭惟有百其艱遼左以徵我黔蜀  
以敦我於是時披厥腎腸無敢不苦辛綏我海  
嶠無敢逡巡秣戈禍蠱輔征不庭無敢不徇夫  
遠者具瘁不及過於勤力非不足而儉於冠紳  
何以告忘信之九閩故曰誰發瑞光於彼高岡  
誰揚鼙采於彼璇淵政寔有大經智者鏡機仁

東坡全集

卷上

八

者創功

帝德光天被我海濱寔惟馮藉上公之寵靈彼  
氓也鄙庸拜稽首望茲德聲

紀事一首

之桐紀事

余既畢使事之日為歲甲申三月丙申即取道  
長興為桐城之役桐城者座主吳荊菴先生所  
產邑先生守杭郡之年為隆慶丁卯錄余棘闈  
中余時操技不習諧儻大不謂然猶岬然自

喜負固不肯下是日先生手余文而喜以謂直  
指使者蒲坂王公為前置余第一遂獲廁賢書  
夫以余之祿職不能通曉世事獨行一意以與  
日構以為我蓋不負初盟而不知世之騰譙固  
已滿腑溢頰何恆乎甘心焉乃猶執護不悛詩  
有之風雨如晦鷄鳴不已則其為文大都可想  
見已而先生固亟錄之果若乃者是引一盤人  
為國家隱疹也方且以為白日何速青天何  
遲兩人相視不覺微笑若先生可不謂知己哉

東坡先生集卷二

已先生由郡守備兵江右已參粵藩為觀察長  
未幾改汴轄先生固前病抵家病遂不起時丙  
子冬余以試事上公車前桐城令侍御李君子  
靜言之亟欲走哭而窮羈我迨庚辰幸竊一第  
為都水郎而官羈我昨歲奉

上命有事吳興乃得以其暇從舟行四十里丁  
酉至四安鎮唁武進令孫應章外艱訪孝廉許  
國華俱同年明日迤西陸行五十里至廣德州  
州守同年陸元白偕其判吾鄧聞某州掌固同

黃文煥俱來顧已就元白夕明日某某  
祠山祠山祀張真君嘗扈我

高皇帝天兵過之留題焉伏讀之有高臺近斗  
當空出老樹如龍挾雨還之句因與二君竊歎  
草昧初萬務勦勦格律乃爾雄綴非聖性者胡  
能是乃恭和之就輿去七十里宿其郵為建平  
之十字舖是郵東距州西距宣城城南距建平道  
里均建平自度遠不能應過客請以其需各半  
之歲輸州若縣令候者勤往者毋勤來者當路  
隲其議行之明日九十里至宣城余茲行脩余  
之私志止假輿從行無敢溷諸君故詔使所得  
徵餐者悉寢不用而宣城陳令君以余假宿  
睢陽祠中輒以庖從又筵之悉謝去而獨吾鄉  
徐君別駕呂君司理不聽謝以明日之卯就馬  
無何真州李孝廉季宣刺至即擬候之卒三爵  
而起則季宣已他之遂唁詹客部外艱客部嘗  
為奉化令余之先故其邑子吊沈君典太史太  
史豪舉即不識面生平周竊嚮之九十里至

東坡先生集卷二

陸凡三涉江甯後名青弋江皆通大江自頃三百里登垣山阪多墳墓水泉民間鑿田為汪以備穡事陂陀至南陵始以有江江砂礫善走尤於勞也宜水大來時高可三四丈恃圩為障往者圩盡壞無以禁水田悉汙萊災民相剽為盜同年沈執甫來為令首興築親行勞來自青弋五十餘里百姓無不鼓舞趨役者垂成語田畯可稼矣稼畢水大至圩之不沒者七寸令君惶急靡神不禱卒無恙迄今四稔化灌莽為沃壤易赭衣為良農事固在為之耳是日稍疲遂少憩乙巳發南陵迤西南行二十里過峨嶺不勝靈靈下人盡沾濕逾午益大又四十里宿陵陽明年於十里至青陽又明日四月朔行二十里雨霽不止又二十里至五溪而甚避之玄夷堂登望華亭陰雲翳密不見九華作何狀稍晴又四十里未至池問齊山登焉而魯令君強余入乃舍近郭民家太守廬陵劉公來顧令君與郡掌固余同年蔡以立來顧遂偕太守樓船

渡江明日偶觀中丞柯公綽楔公故守吾寧嘗賓吾祖木堂府君鄉飲酒因訪其家見其季子與三孫遂簇舟四十里抵江北其地曰樅陽樅陽距桐一百二十里猶賒是夕憶故令李君作詩二章悼之明日適北行問先生墓先生歿之歲既寔矣已而其兆多沙水法曰非宜又移其櫬南灣猶停淺土於是詣墓行過午雨宿楊灣明日又雨過孔城宿福興寺又明日辛亥雨抵墓哭之哀先生五子長應宿孝廉次應宸應寰應賓俱博士弟子孫恭人出家少應宁才九歲令恭人陳出俱候余墓次明日霽治奠事又明日奠并祭孫恭人初余別南陵問余何時還余曰墓下七日南陵笑曰此不亦於鬼情邇於人情乎哉余不荅而行及墓欲自炊諸公子不能許也即茲三日固已騎行膳矣先生為人簡澹古朴不喜紛靡余寔似之余遂不能安又念宜去櫬陳恭人不乃微闕於是辭墓入城是晚陳恭人餉我而赴章令君寔先明日午四公子餉

我遂行少予送我十五里坊余下手其手戒以勤學必若我先生之為貴官人也喜唯唯而別晚宿楊灣孝廉諸君俱至明日猶依依不忍別余固辭之乃別明日遲樓船柁陽又明日渡江歸夫蹈義古則何人不曰過者信表需者事賊迺余一淹至此且亦胡便之俟又姑以解於縣道諸君之續爾煩也斯塊於徐孺子之風遠矣余嘗自名臃腫寡所當於曹偶時時用自誚斯役也益信茲名果不爾爽矣

記四首

游九華山記

歲甲申四月余既走桐城畢吊事即以浴佛日甲寅族桐城又三日渡江明日戊午由池陽指九華行往余入桐輒以九華為左次曰必憩此於是池州寺廬陵劉公謂余若必登九華者必先登五溪亭即一覽可盡及是六十里至五溪登亭望馬時風日清夷景色益妍真若青蓮燿燿飄動雖去之三十餘里猶不禁飛舞來就吾

襟裾也遂取道六泉口凡五里峭壁迤吾左肘浮沙滿壑水迂曲走吾右足兩崖前束若行峽中既出峽平疇繁廬多著姓居者白堊相望林麓間自此至九華廟九華諸峰盡羅立道周若迓余與與之偕惟恐稍旋折失之已至老田十五里暝矣遂假吳奉常書舍止焉明日奉常二弟太學餉我乃行十里渡伏龍橋易輿上至半霄亭寺僧候道左而令二童提香燭六七童奏雲璈前導觀之則皆髫年祝髮者也里許道忽中狹曰小僊橋半里許為碧霄亭道又忽中狹而稍長曰大僊橋已至望江亭北顧大江造嵐氣濛之東顧則天柱雲門二神五老諸峰莫不傍輿而驅已由玄覽亭南下四山圓環中莫一禪林為化城寺寺僧幾四百人田不盈千畝然僧寮弘敞飛甍相屬僧亦自稱也曰池瘠郡何為埤益我者新都人耳似然遂東謁李謫仙祠猶獲棲神焉西謁陽明先生祠以近毀海內書院是祠遂嚮之民間改先生像設為如來供池

川守劉公議且還其舊云已由王香諸亭登地  
藏塔殿地藏姓金氏名喬覺新羅國人事具誌  
中而獨乞地事不載初地藏脩習東巘久土人  
閑欲齋之地藏謝不願齋願得一袈裟地耳閑  
曰和尚發願何者不可明日以袈裟冒之幾四  
十里盡閑之地閑慨然付之地藏謂為善士不  
可無報舉家悉成證覺去今寺即其故址祀閑  
檀越主云地藏既涅槃歲歲於其誕日前後發  
五色光山上曰神光嶺僧前指曰此其是問五  
釵松曰無矣即旁蘂一枝亦無復存者乃誌猶  
云爾者何已風大作還宿西方丈明日上晏坐  
巘即東巘路過側不似昨路猶稍夷凡十五折  
而南至巘蓋地藏脩行所後而屋懸崖上若槽  
巢然大風至鍊瓦為飛崖前絕壑為舍身巘稍  
東為閑茶園已行巘間讀陽明先生所書周金  
和尚偈問白塔穴僧指曰此問龍女泉曰於誌  
在塔殿後余謂誌非是地藏苦遠汲迺猶汲十  
里外安賴龍女乎必在東巘無疑也登其巔指

點諸峰問僧此五溪亭所見者邪僧曰非也問  
天台峰形由曰尚遠指前山旁鉢于孟峰而立者  
石和尚邪從此至天台不遠矣蓋余所攀躋皆  
內山諸峯勝者皆外山即諸峰亦不正值頃之  
下北行過插霄峰路陡峻足不得憑呼健夫兩  
人掖之行且行且顧顧自則失足顧足則失目  
是時諸峰若紫繚諸壑若翠濤直欲乘風凌之  
而諸童猶用梵曲下上我下我蕭鼓若韻吾趾  
上我蕭鼓若霄半真忘其足之疲也已過摩空  
嶺巨石如象前其石新舂摘星亭一僧邀余西  
下入其菴曰水月菴更北上至一中亭亭盡圯  
正值天柱雲門二神五老諸峰下視龍池凡五  
指虎洞往嘗有僧居之虎避去僧西域人無姓  
字不通語言絕黃如淡赤體披一混元衣時時  
用香爐拭體曰浴矣夏尤愛火赤足不攝履即  
行棘刺間甚捷目敵太陽不瞬發起注視至日  
西傾乃罷有餉之則羖羖管吹吹有聲以為佛  
許我也就食之否則去之有衆之輒知其人好



惡好則用大指卷之否則以小指近郡好事者  
日就問義諦不勝煩聒遂宵遁此豈所謂未脫  
煩惱障者邪然亦令人愕眙矣徘徊久之乃下  
再北始覩五溪諸峰不覺失喜何相見晚也又  
下至甘泉書院遂還寺初余發池陽柯中丞諸  
子孫送我齊山謂余齊山可登不足玩九華山  
可玩不必登余領之及是果然故行而與之遭  
盡五溪諸峯登而與之遭盡天柱諸峰然五溪  
所見止雙峰獨峰與四峰耳上下蓮花及九子

卷之十

十一

又不在行於是明日下山循望江亭而北則五  
溪諸峰又若追隨我已抵老田就吳太學餉已  
過石龍口渡西洪嶺半途覩上下蓮花峴間過  
嶺見九子嶺盡又見五溪諸峰迺五溪亭以面  
眺西洪嶺忽以背眺標緊固不同入青陽坐御  
史府中猶顧我府中明日發青陽二里許猶顧  
我道上夫培塿猶足寄興况茲秀特然直外景  
勝耳顧所謂幽邃或不在此何者以地蔵故而  
福田集以孔道故而騶唱集即欲避人其將能

乎按誌諸峰無慮百數諸蘭若無慮十數今余  
所窺歷止化城一區安知不有勝此者昔李謫  
仙乍慕之不能久與虞陽明先生歷覽至一月  
餘然亦不能處也其費拾遺乎世有其骨領枯  
其炎燭在曲突間煬煬不休者吾固謂幽邃乃  
始死斯曹也若夫所謂外景勝者庶足盡茲山  
矣

### 重脩提督操江都察院記

提督操江舊無公署

卷之十

十一

高皇帝時賜副僉兩都御史第宅於是兩都御  
史即廳事治事維時國家威稜震耀萬里若  
無事勅重臣提督江防者提督江防自既都  
北平始是時糾虔務簡而供衛慮深於是座  
副書屬副僉院一人專督操江無巡江事則  
操江者即賜第視事迨且一百八十餘年矣嘉  
靖丁未山陰周公始市地太平門之東勅操江  
院署居焉歲甲寅皇夷煽颶闌入畿輔諸郡或  
受大創於是開州史公又前市地為營以栖簡



習諸甲士。桐城盛公繼之。顏其營曰太平。自周公建盛公。公不居其署。即視事。於是虎賜第。勿居。凡十有二年。而為歲戌午。洪都魏公復居賜第。而虛太平。署勿居者。凡二十有一年。而為萬曆戊寅秋。宜城胡公謀於蒲圻汪公。請美鑑。葺新之。成可半。有強繼以今年秋始畢。工規制一因山陰公之舊。而益恢其衷。中公署則公署。益凡若干楹。左私第。則私第。益凡若干楹。前營則營。再市地居。列校之供事者。益又若干楹。則既拓輪觀。真敞於舊觀。於是胡公擬徙居之。而屬余記。夫留都。曷重哉。重脩也。脩有三。一勲舊鎮守。二本兵容。贊機務。三都御史提督操江。俱稱重臣。顧鎮守。恭贊之為脩也。博而周。操江之為脩也。專而著。其道均貴之乎。豫而操江之續用。更適迅矣。自古大江截限南北。然或猝駛飛渡。技不及施。卒以中敵。英雄藉江為國。則藉江為守。其形勢固爾。况留都根本重地。陵廟在焉。吾觀近輯江防書。所稱要衝。東南圖北。三江口。

次京口瓜洲。又次儀真。天寧洲上。漸于鄱陽。下放于海。又南至于朱方。于毗陵。于吳淞。北至于淮。于徐衛。縮無慮一千五百里。募府坐而臨鎮之。無論天錢所歷。所不及歷。其於防厝。意甚警矣。留都吳越楚蜀梁齊。所走集其奸民。或用崔葦。假息滿池。則防或用。離從群不逞。白晝橫行。則防比歲。島夷乘海波。四躡遂薄都城。若無人乎。內地則防。是故操江都御史者。其守在江。以內而其威。稜在萬里。書曰。申畫郊圻。慎固封守。以康四海。是故軍事有必督。有必實。茲役也。蓋曰為之聲。以懾蠻貊。於無為之實。以障障。請於有作衛。社稷永熙我天子之邦。若胡公再輯材成署。再拓地成營。其總於斯。自深乎。夫拘擥不宰。議吟域不輻。功謂賜第必於一不遷。謂新署必於遷。皆非洞事之精。而觀於其主。顧夫蒐舉壯略。孔壘皇靈。於太平營有極。惟焉於營也。宜則於署也。宜是故山陰公能肇事。而胡公能遂事。

高皇帝赫赫行天若曰二臣能恪於防道矣余身親公勤成斯事樂為記之使考憲職者知公是舉蓋皇略之勝圖云

### 大雅山居記

涪谿呂先生既解泰興令歸而更其別墅所謂有待軒者而名之曰大雅山居前是余嘗存先生是軒喜此久遠惡乎勞是軒也待先生哉及是余又過而存先生嘻果矣軒之意甚盛矣主人歸矣雖然吾聞之行斷於家尊言斷於家安

東坡先生集

卷二

十一

茲之名曷所選焉而舉之先生曰吾何義之能裁哉聊以吾造也夫人觸之而暫為寄據之而長為守均適也顧有雅不雅耳夫吾於世安所取澆澆為而世於吾安所取猴虞為故吾野之偶然而視之若無石也委累爾非其培塿之謂也水也委潤爾非其汪漭之謂也亭也榭也樓也委休爾非其磨廡之謂也人有言絕跡易無行地難吾豈能厝足於虛空而與太清謀哉外象交作而神與乎同是故吾耳因是吾目因是

吾歲月因是而以送吾之餘齒而已余曰義此而盡乎先生望然而吁然則先生固多不畢之旨矣諸遂言之先生曰吾且言今人乎多刺譏言古人多泥疑余曰儻得以吾之喙而代先生之吻乎今天下胡喻者爾也仁滿於睚眦義激於肝膽禮周於股腳信載於頤頰以為其誼至高顧夫周心不宰平志不緣其本既撥而何枝繁之又云故曰君子不自大其事不自尚其功以求處情過行勿率以求處厚是故入寧出寧

東坡先生集

卷二

十一

恬淪篤穆以一為室而以生成為迹覽絃絃無乃其鴻濛主也微微叔無乃其希夷歲也測經入無乃其混沌聖也此之謂道藩故曰激之不濁清之不濁其在清濁之間者邪勿察察而明勿切切而晦其在明晦之間者邪未嘗以甘道臨之而之乎涵未嘗以苦道臨之而之乎利未嘗以饒道臨之而之乎詡未嘗以饒道臨之而之乎強望益曰吾惡取乎多涅爾吾其與時屈伸而守吾之大中此其為稍稍異俗者邪此其為

稍稍無異俗者邪嘻風也邈矣吾安得古之如所謂元生十人者而與之遊厥初乃未幾其人如春矣又不幾其人如正月矣正月已孽也春猶蠢也如三年將無母也不可幾得也何者吾誠不名一斯而何斯之可方彼夏之日誠不得班於冬之日然已有方矣故斯道良千載不近也乃所庶幾則萬石君而吉丞相疏卓兩太傅魯陶徒諸君或自必質之或自以識之或自以量之故曰大制不割大音不奏大樸不斲大美不和今之人醜而已安取明水先生曰有是哉茲名之待吾子而覺也久矣吾子記之余曰唯唯呂先生名炯字心文泊味而約脩棘徐在秩寬然自命似前諸君所謂質之者今泰興三月棄之去余嘗詠歌其事比之陶靖節先生夫靖節先生非大雅人乎道有良千載不近而事有千載良近不當引竝伊人邪因併記之

日省軒記

上蔡四洲劉先生築軒於其居之後凡四楹既

成顏之曰日省軒蓋歲丁丑冬某月也越十有三年己丑春正月先生屬寅記之寅於魯論見曾子與氏嘗日省也吾道大矣子與氏唯日省故得聖人之精與仲尼嗣興永輝斯道古之人有言惟道集虛惟省乃虛惟日省然後集於虛請問先生惡乎省哉先生曰某寡殖之人也無素於積而垢是繁是故任口而出之及其悔之矢已脫於繁矣馮臆而加之及其悔之簧已發於匏矣世之高明之士以蟻鼻之缺而捐無價之純鈎分寸之瑕而棄盈尺之夜光豈少乎哉況余之不勝日也而詬彌章詩云相在爾室尚不愧於屋漏余將以求釋吾愧也其何道之繇矣蓋余從庚辰釋褐觀臺政其時先生為臺吏端製簡重不以稜厲拒人而以平直率人吾見先生有翕日無張日也及茲再來關中則益務孜孜居之以靖懇穆然如有所珍不欲自襮又見先生之有恬日無患日也豈其省焉而得之夫目短於自見故藉於見見心短於自防故藉

於防防金匱論黃帝余在民上搖搖恐夕不逮  
朝夫神聖且猶然矣何者一日之間物之求我  
者何限稍不檢押將有濶誕自恣而不可止輯  
者是故纖滓不蠲則貞白不脩精瑩不積則芳  
烈不宣故庸學者辨口而取給髓學者潛神而  
務完由是言之先生所省可知已昔者漆雕開  
未信不欲仕聖人亟與之程正叔問顯道奚事  
曰吾去矜也夫聖人之赴道也如嚮甘馨不食  
其旨不已其去非道也如不共仇讎不勝其敵  
不已是故知省然後知所去知所去然後知信  
知信而後廢幾於道無少類也漆雕謝二氏皆  
蔡人其所脩習與先生名軒之意合謹繹之以  
終其義云

續刺記二首

重脩董孝子祠并祀其父母及置由記

漢董孝子名黯字叔達江都相仲舒六世孫古  
明之句章人也孝子質行具郡乘中唐大曆間  
刺史崔殷即其故居立祠作銘與吳縝翻之贊

稱竝雋迨宋建炎初邑令林叔豹載戰之慶元  
二年令朱堂始倡為祀我明洪武初敕封  
董孝子之神著令以神之誕辰六月六日命郡  
太守率其屬脩祀事焉當是時孝子祠在郡治  
南而母像在郡郭南睽離非孝子意也於是宋  
節度使錢億迎其像處之西偏萬曆甲午司理  
張公似渠顧瞻神宇謂孝子當尊而母偏隅殆  
於非所於是諭諸當事者設兩特座正其父母  
南面之官於時祀禮猶闕未講歲庚子今司理  
毗陵何公莅任即肩其事往公戊戌上春官夢  
老嫗翩然來下若將報謝者殊不識所以及為  
理隨太守瞻拜母儼然夢中嫗也喟曰吾職在  
風厲一方而乏神匿祀其何以率導邦人士耶  
且吾能知孝子之微國家許以不死至足矣安  
敢望徵又安敢望祀况乃者又忍獨饗耶孝子  
之志明於日星而其隱衷去之千數百載猶若  
悽焉謂何者蓋祀有專秩有追遡若孝子兩尊  
人大宜遡也於是謀之其屬裁省浮費得二十

九銖不及一銖之半而牲醴具遂白之當路請於正祀之日先命校官薦獻後祠以附於古者雖齊聖不先嘗食之義歲用爲常前是廟模頗巨歲久損舊於觀張公營未畢公以俸先不給繼以贖又許決者以力抵凡費十錢有奇而告竣事公又謂此僅卒初圖耳宜爲祠計其遠非積儲不可於是召賈鄉民田二十畝有奇租每畝二石爲率廩之祠爲歲供置籍屬之鄞稽其出納其值公斥贖銀一鎰有奇埤助則鄞邑二

東坡先生集

卷二

十一

大得式禮而教之孝觀聰聿興謂公以吉德行美政非耶公名士晉戊戌進士啜東海之水蓋已五年所祠事凡三大舉胥請之當路具報曰允蓋當路綦重公久矣

東坡先生集

卷二

十一

農丈人文集卷之三目錄

序十二首

孔門傳道錄序

太常典錄序

劉子威先生文集序

群書歸正集序

督漕大司空潘公奏疏序

留餘堂集序

寶鷄牘序

田賦永清錄序

博興縣志序

海虞錢氏世譜序

豫章李氏家乘序

穆考功集序

農丈人文集目錄卷之三

農丈人文集卷之三

古邨余寅僧果著

序十二首

孔門傳道錄序

自西京學士大夫迄輓近無不頌述孔子者其成書具在大都揚扈暉象邇厥系本篤厲誦法者諸後進而已未有錄傳道者錄傳道則自淮海張公蓋緣祀而起考秉立辯終之以改祀罷祀其意明於日月而其彙列疏若嶽瀆寅讀之

太息嚴哉錄矣夫孔子之道何道也孔子蓋嘗

贊易矣曰大哉乾乎剛健中正純粹精也是孔

子之道也而孔子精言之則莫過魯論其他若

孔鮒孔猛及大小戴所纂集吾猶懼其瑣而稍

類也是烏容無擇焉當是時譚太陽不譚罔兩

譚景不譚般散譚康達不譚陵夷吾道微在中

天何恙乎然而異端之戒已前慮之矣已而苦

縣氏借猶龍之語以抗我漆園氏者操無忌憚

之說以譙訶我楊氏似義墨氏似仁子莫氏似

中書平直朕視之冒言弗排之不少假當是時  
我道自若也歌奈何震且之教驅一世之人而  
簧鼓之淪入肺腸不可濕淪大抵心性之論與  
我彌近而其旨彌清達人知微不俟終日惜者  
溺焉之死未轉蓋一見於陸子靜再見於王伯  
安陳公甫或曰子靜其天近公甫不克研幾伯  
安有意為營窟甘竄入之而其徒之剽掠者至  
於今猶蔓延莫剪夫棟在宮牆之外吾何病諸  
猶之玄符握固何慮乎蚩尤黃精啟運何虞乎  
銅馬青犢今登諸堂列諸俎豆矣何表不赴何  
嚮不應朱虛耕田之詠漫而巳乎茲錄之所為  
輯也嗟夫祀蓋從來猥矣公伯寮以愬子路見  
黜而冉求儼然殿后聖門乃有聚斂之雷夫夫  
聖門所少者非藝也周公才美猶備責之乃歌  
雍舞佾旅泰山伐顓臾無王若此何論莽大夫  
然則聖門亦貴藉邪其又詰訓一經以上不必  
生平粹白與否亦且分曄一屬特其過端白著  
不難按刺非若宗禪者其以之以釐毫而相越

如蒼素謂前者支離汗漫而別求簡易乃其後  
曹又以空虛濶略而繩之當其天際翔乎豈不  
廓然謂世莫予若而卒之蕩而罔歸固莫若還  
吾考亭之廬之利永貞也夫申韓慘礪歸其獄  
於黃老王何浮誕甚之乎桀紂今天下故依釋  
氏其靡不億不為之距而為之輔釋氏幾強孔  
氏幾弱誰生厲階况幟招之邇者用文事藻繪  
太平亦重藉藉云藉云無乃為國青黷夫罷祀  
無論改化有二心之于其鄉大之配饗帝廷均  
之報旌要於其當而已則周公其前事也夫帝  
廷豈必讓文廟哉張公名朝瑞察知浙藩敦允  
而執方所謂庶幾夙夜以永終譽者是故以其  
嚴嘉之茲錄云

太常典錄序

太常典簿臣屠奉峻輯太常典錄成屬臣寅序  
之寅伏讀歎曰諸執事豈常以容容苟歲月履  
其官不譴殿司一舉而顛再舉而倉皇目不識  
天地四方蹈大不敬罪者何坐惜不習也若臣

毀可謂肅共聰明無隕於戲豫者矣往臣寅待  
罪水曹日從右掖趨 內府造錦綺衣犒款貢  
諸夷間脩 郊廟陵寢諸祀器竊欲著水曹志  
顧紛猥衆之不得日已待罪膳曹得日美又欲  
著靡錄迺侵尋屏病又不果漢太常屬有太宰  
都水官是故寅職司多聯太常臣寅一嘗陪祀  
南東西郊五入 太廟見琴瑟絃脫撫之不成  
聲竊言之祠曹臣盧洪春胡不牒太常改張之  
此非祠官所忍已洪春言事受杖褫職去由此  
言臣眎臣峻不特讓能又讓恭焉序可已諸序  
曰禮祀為大祀天尤大尚書秩宗論夙夜周官  
大宗伯禋禘論駿奔走經制嚴遠堯明大報洸  
洸乎規示千載美秦咆哮立國勤時不勤天漢  
兩郊肇作地遙費鉅金石關縣議者以為無當  
上帝心旋更旋羅禮運為厄唐罷隋開寶嚴開  
元諫者俚陋亡稽粗者潦略固造厥秉惟我  
盛明準古立隆是日也  
皇帝祗慄百辟祓除供事

上帝歆悅錫福無疆是故蒙號提獎冒四海外  
踰二百幾十年如旭日初登天路未云艾也則  
以至誠巍而得天也邇者再脩會典既竣寵賚  
館閣諸臣特盛要之多官集芳為之積歲始就  
猶漢儀唐曲臺宋義舉暴政和三編無終五禮彙  
稱浩褰無獨紀郊祀大典者峻一小臣齋心注  
精踏地敷紙不識  
皇穹高邈輒用泚筆貌其君蒿與  
主上明德馨香昭洽辟彼小星竊効耿耿是故  
告衆告時告備一票於周官與夫考營域疏位  
置介驛總慎靈廟實燭祖靈律篇始告辯平告  
成大祀於是乎一終臣寅邇閱往代似茲編者  
絕少歟唐王涇郊祀錄宋文彥博大饗明堂記  
暨今典錄千年間才三見耳是故臣寅伏讀而  
誠遜謝不如也嗟夫峻軀幹才及晏嬰而貞志  
介潔獨行一意外若悠然狎之匪石不轉其直  
清何讓伯夷 國家以其任子棄之監官峻不  
以目墨操愈厲其守禮若是古謂太常為王者



旌旗盡日月焉有如臣峻茲編雖曰日月而行可矣

劉子威先生文集序

蓋昔者嘗竊疑之我國家之隆繼業磐石以浩昌殷綸綽起視漢西京不啻伯什過之皇皇哉其精神發於天地貴於川嶽房典於方域而泄越於吾黨謂宜其人上追先民一當作者乃今不過三四公耳漢西京未百年而太史公司馬長卿已雄大若此我國家二百餘年如兩公

卷三

下

者幾人其他若晁賈鄒枚諸公亦各以其巨奮興而吾黨輒卑之無論夷考之今復幾人似諸公者蓋吾黨以劉先生之為烈然先生能以其西京勝而又不特以其西京勝上之左右氏三閭大夫南華老人韓之孽公子舉今人所不能詣絕者先生率該之而彬錯出之西京而下又先生取勝之餘事邪夫人世諸聞記不足屬先生目也使夫上有錄若霞霞宮丹甲諸詩先生盡耿諸其曾矣使地下有藏若汲冢覆金諸等先

生又盡耿諸其曾矣先生奈何不歎軼千載也夫文亦大難言矣其肇也因體其放也繇充其究也緣化夫文未有不由初授者也必有碑礪之魄焉必有誕曼之氣焉必有鴻亢之觀焉必有陵瀄之紀焉必有疏越之步焉必有紆譎之注焉然而得之則其赴之疾也然乃不得之則率以舒也然而至之則其忘也然乃未或至之則無猶有圖也劉先生岍然矯矯冥心健志厥力孔肆機倪厚忘壹乎其未之張也總萬於翁也微至乎其意忽而電流也鏗錯而白日寒也其芒驤奪人而不缺齧也神鼎鑄而奸怪畢鱗也鱗常飛不可紐也味以劑之故可酌於皇庖輻擊御也又可以款草澤之癯使獵獵不止也聲以永之巨不為覆細不為淹立均而出度也既其既矣猶若未杪也頃刻而盈焉意率歸於無也吾觀古人善諠而之於詭而輒而無復之善佚蕩遂之於佚蕩而輒而無復之善托諷遂衍而托於風而輒而無復之無復之是以至

之至之平以一品聖此無他古之人得全於不好無今之人失全於好無故今文可鏡也論創始則強論極勢則弱論窮變則強論精理則弱論峭拔則強論玄化則弱論纖裁則強論洪鼓則弱劉先生之為烈然也者豈非以前三者備茲四者克宅邪吾又竊疑之今天下率尚其曹好曹嘈也嘈然唱以其響使天下亦嘈然奔以其響不顧其秦侵而夷於乎劉先生若罔聞斯輩也脩之墨墨寶之仇仇無所緣而為聞於世

東坡先生文集卷三

人

乃其間遠矣或曰名惡乎薄諸今之為標後之為楷也恐不在劉先生是惡觀吾劉先生夫使千載往者與其千載來者論子以為何居當子雲時疇識其大者乃今桓桓之言信不信故吾謂劉先生千載人不直論我明氏者非苟為誦而已也夫吾與子之骨惡能待諸

群書歸正集序

鄧及漢西京猶名鄧不識大禹會計群后時有稱赤堇君執玉帛而忤舞苗山之下者否

吾鄧距會稽才二百里遙耳奈何聖神至止萬國告同而龍子猶藉瀕洞窟宅於吾土也蓋二千餘年而後入漢塊莽始開無論諸先達論隱者則大里黃公是肇稱隱君子其墓距大隱五里至以公之姓姓其山今商州有四皓冢巋然祠後曰是寔有黃公焉則吾誠不辯所以或曰子姑無曼衍請論林先生夫吾猶及林先生之世也顧不得與先生游彷彿其人衣大布而委蛇道上端平易直不作凌厲之態將無是乎今

東坡先生文集卷三

九

世崇獎青衿至矣然大都汨沒是中此無他所居甕牖繩樞所窺蚊睫而所嚙齟齬之醯鷄也嗟夫國家以古學風厲諸生瞿甚矣諸生曰吾自有當是故直棄去勿講得之又別有營不得之直老且死終莫聞林先生何與世人異超也彼其所操業寧與諸生殊乃硤硤窮年率在此不在彼當先生時諸顯貴叱咤閭里使人不敢仰視誠何有於先生以今而觀其人若朝菌不能以夕而先生之素業爛焉天壤奚翅千載

先生曰吾何知哉吾敬共先聖人其所嘗口之  
吾口之所嘗步趨之吾步趨之如斯止耳故  
集無詖無誕無驚空與虛若九奏然惟嶰竹之  
所諧叶淫哇不使參焉於是先生之從孫侍御  
君道卿又約裁之割其什之三梓之河東署中  
夫吾鄭故多隱者若任奕杜醇迨諸樓諸袁諸  
王嶽嶽乎畏壘哉是不獨以其文傳其以文傳  
迄今不滅蓋有翼之者吾獨慨王深寧先生所  
編纂真於牛汗其孫遂初老人托於木以傳顧

東坡先生文集

卷五

十一

余家幾種在也樓氏惟文訣猶流布人間而  
素載韻類其卷滿百其名空韻禮統曰顯揚先  
祖所以崇孝也身比馬順也明示後世教也侍  
御君蘭先生之自母過佚厥光寧私其先人先  
生名昂學者稱方塘先生序之曰為二月乙未  
遠在左馮翊距華山七十里蓋歸自青柯坪之  
又明日

### 替漕大司空潘公奏疏序

替漕大司空潘公疏草凡二十四卷總三百五

十幾首蓋自按部及開府參留樞長法曹晉御  
史大夫陪貳青宮凡四十年而其間建節作鎮  
四稱行河使者故河疏殆居三之二焉公初治  
河以公副萬安朱公無敢不共恪再治河以婺  
源江公副公又無敢不勤咨既乃起公毀棄之  
後愈益矢奮孤子罪臣有不以億軀殉此土者  
天吳九首寧厭臣腥臊哉又無敢不盡瘁已於  
是以全河還之

主上 主上亦復以全軀還公公喜不自勝曰

東坡先生文集

卷五

十一

吾今可以死矣無何雪上遽以薨聞令甲大臣  
去位存有問歿有極矧公勞臣祀典能禦大灾  
捍大患以勞定國則錫之異數公薨禮官若不  
聞也

主上聖明寧斬公於是公之冢嗣旌元氏輯公  
遺草以屬寅曰先大夫而浙人也吾子無庸私  
其鄉先大夫嘗慎固東南圍保完神京六軍萬  
民之命脉極身竭慮刺畫歲月以役社稷猶為  
浙之人邪顧吾子亟圖之寅敬諾而旌元氏固

以公之行述來曰奈何乎不孝孤世之丐言者  
期信之地下而孤顧欲顯暴之地上嗟嗟何其  
悲也於是實既幸業謹序之夫國家之治河  
與前代異前代不賴漕今賴漕至潘公之治河  
又與百年前異百年前止用山東諸泉以濟運  
不用河迨正統弘治中導河入徐呂始用河至  
於潘公而用河又與諸公異當諸公鑿孫家渡  
開趙皮寨潘曹魯河俱令之走淮已萬安朱公  
開夏鎮以避沛之侵嚙又益走淮是者無不北  
顧漕不煩東顧

祖陵也至於今日諸臣以祖陵之故褫職去  
而在事者日夜皇皇待罪忝揭間室識公是時  
業已質確豫為祖陵地邪當是時大侯未布  
百喙至與烏用是隄為者不知黃之流利在迅  
而淮之力利在全匪隄誰攝是頃濁也者令之  
歸故道而會於淮以超清口若是崔鎮烏得無  
塞而高堰烏得無脩焉故曰誰測善敗壹令行  
數公度量廣遠智數沉密故運肘得尋丈萬

在蹴縮間其奏駿功奚惑也趙壯侯一當開單  
之問遽曰無踰老臣者矣及抵金城上方略不  
請戰而請屯廷臣初是什三既什五已乃歛衽  
孔下逮其振旅光愜完涌滿未央宮闕淮蔡久  
逋天誅暗刃竊發奄奄九關虎豹奪魄裴中令  
灑泣陞前檐不並履后土假令一二臣外渠馘  
此大醜者以今觀公何讓兩公而詎知高堰之  
些議猶賢矣歎嗟夫公薨四年矣河事又大起  
諸臣拜河不服豈不能創建一策而區區唯周  
家橋之是淪是故公遺草中語所嘗奉  
天子嘉名者遠猷辰告前後臣一心大可見已  
獨謂高堰為懷且舛是公獨不念祖陵邪嗟  
吁乎公目何時瞑矣

### 留餘堂集序

余既為吳雲潘司空公序其疏草大半多督漕  
事至其按粵督學燕畿撫洪都管留樞長中執  
法諸疏於朝家大有關不暇縷數竊竊焉不勝  
其慨羨之私已讀公留餘告集乃復理前語公

所陳白河防一覽及全河圖說固在集中粵部輯有永平錄漕河凡費金錢數百萬宜有行移離使者則不見集中因備論之蓋嘗歎公勞勩四十年聰靈燭照事幾而徹其底沉毅固護不中奪不未勢隨有經猷之略有體國之亮有周身之防具三善焉何者公巡嶺以南禡墨吏勦黠寇視民之瘼若疚厥躬定經賦均厨傳興禮校別奸良儲荒札紀諸方冊以模久長名之曰永平錄南海侍御龐公按浙壹循公矩畫施之

卷三

十四

浙中浙之尸祝南海公甚盛吾土實被公明賜哉公初於潯陽既江以西俱以徐編重困立法蘊之遂頒之諸郡國遵行焉此謂赤子在其衷隱惻有抵而後酌於民同諸白曰經天其為猷略一何歸然壯也公不特逮暨良又重惜國體甲申感時事上書大觸忌諱今人以招相戒曰微反唇死矣况不係司寇正得暗聾時乃昌言排之蓋簾陛有體我大臣也不可不爭往加河之役江陵屬公役竣者即正司空席美公極一

無以加為也其事有三難後且二悔役卒不音江陵之時可知也公不難執辦江陵不甚愠至甲申卒削籍以去故加之爭國是也甲申之爭國體也此大臣之亮節也人臣受任疆域冀効尺寸以見其生平乃文墨之吏引繩而糾其卻吾敢謂諸臣盡跬而不伯夷得無幾微邪則奚怪批根者之過也河王費鉅何異沃焦金錢得請即委之離使者即煩報銷公不一過手焉露章凡可詬詆不遺餘力矣朱嘗謂公緇染嗟夫公之待世人何薄而自視何特重也非周防過人遠焉能是大抵公志慮忠純本以宛委將以嘉粟初睨之甚敕甚暇徐察之若宿若信天為社稷界斯惇敏博碩弘濟之上臣哉乃茲集詠歎夷豫敘述備審公志在匡時不以一枝名故偶涉是亦不留是公之冢嗣旌元氏敬梓之問余題其端而余所頌乃在彼旌元氏方紹明公志當以余能識公之大也

寶鷄牘序

傳書友陳甫甫臨歿戒其子穉登我死必知我者傳我庶幾不朽我穉登遂以傳屬余既掇拾貞甫治行為傳以塞穉登而貞甫令寶鷄時刻其所酬應諸札名曰寶鷄牘皮之衙齋余按行寶鷄問博士弟子索是書則板已脫落不完於是穉登刻之家而又以序屬余方愧傳文無以盡貞甫固願更端揚扆之夫仕者固有臨我我臨隣我我隣與夫追舊故念睽隔豈獨貞甫能逃世哉然推誼為經情為緯經故不得假緯故

卷三

十六

不得偷蓋其嚴若此余既交貞甫因得交原荆益鄉余每過原荆輒問承父多不值余蓋慕承父甚而今年始得承父數字從慈谿令顧公所來為穉登促序茲牘猶未若吾郡公吳文仲先生之促我迫也而余固謂貞甫之與三君者交直稱古意氣交美穉登狀其尊人曾為閩人治萬里裝者茲事貞甫寔對余言之而意頗詳嗟若漣乃今觀茲牘所謂登徒之劍云者殊怪貞甫亦嘗以其人語余余入關問聚人殊不然貞

甫嚴乎哉歲丁丑余從公車還謂原荆天部郎謝貞甫幸北來吾還渠故物原荆瞑目而詫故物何必還貞甫再出者吾持一鑑照若若應自醜矣其年貞甫竟出而令寶鷄以貞甫才在縣澤縣在州澤州此猶承鯛何弗辦者假令畏客死者彼萬室誰非兒女子手牽挽訣別視馬革累尸孰快牘中乃笑班仲升生入玉關之請男子應作是語矣貞甫歿而承父操文哭之亦咄咄及再出事余謂承父應不死假令死松陵孰

卷五

十七

與死西華蓮花峰頂與希夷蛻骨並藏乎初原荆為御史言事得罪削籍去誰不煦嫗相勞苦貞甫不然私竊謂余語甚厲遺之書原荆當頻頻謝聞教晚其書似在脩寧牘中今不可考意穉登削去之兩君交相嚴如此余舉是語似文仲笑曰君敘寶鷄牘已耳何又敘脩寧牘邪余亦笑余又聞益鄉之官原荆送之金山益卿相抱大哭乃別原荆歿益卿恆其胤子隆其在時此可令到澆媿死謂石交非邪文仲曰君祇論

交和請敘牘余謂富哉牘美其大者具之傳中  
不更敘若夫辨三良則義者剖心歎雉則介潔  
長有輝舉馬鹿則資匪肝列錄華山游記則舊  
志可盡廢頌酒德無鄰隴與衆落何矣熊舐人  
獨角獸搏食虎猱啖猿猱蜂國古樹空中巨蟒  
噓氣作雲人觸輒僵鸛鷀有能誦千字文終篇  
者余過寶鷄凡三不暇詢土人博士弟子無及  
怪奇事者寶鷄舊無志余將采之入編則茲牘  
可與西京雜記並行矣

田賦永清錄序

萬曆初度田之議起於是吾鄆所不滿舊率凡  
四百六十頃有奇於是度鄆田夫土固萬世無  
恙也乃司筭者能進退之既成而登諸記又司  
書者能消息之於是說故百端利缺錯出是二  
豎者安得貫弓傳矢而盡之乃濡須君喟然歎  
曰是唯不講於縱橫之法也唯是蚩蚩者其何  
能曉是於是作為計畝前定一書濡須君者姓  
朱氏名纓嘗官無為州幕遂號為濡須君云是

時余與嶺南周國雍氏厚善國雍氏推吾郡力  
足以行是書遂言之國雍氏國雍氏大然之亟  
欲見之行而當事者唯意之師而意多舛唯上  
人之聽而上人多愆德濡須君之書遂不用居  
數歲詔天下大度田於是再度鄆田濡須君  
奮曰久矣朱生之喋也請為諸君一鼓吻可乎  
今海內允度田耳其何術以祝二豎者令之無  
蹢躅龍陷問夫下何所無鼠窟而吾少瞬而抵  
其卻則其技大窮於是又撰一書曰田賦永清

錄夫田賦之弊至不可勝原而其大端有二曰

飛灑謂析為畸零伯什爰虞人供其課而我享  
其入然其田猶在官也曰虛懸謂有出無歸多  
其展轉終莫主名遂成脫漏是其田既不在民  
又不在官也是二者唯不得要肯以室其孔遂  
使二豎狡焉用其溝壑之心周禮聽閭里以版  
圖夫版者今曰黃冊圖者今曰魚鱗冊斯二冊  
者即周公經理人寰靜安元元固不能廢也顧  
所謂二冊者既成而名諸也若其關繫固在諸



弓已譜弓故畝正畝正故雖有大得莫能罔人也雖有至愚莫罔於人也他日曰傳相懷焉以質其嚴如券官司以印識之名之曰印票夫魚鱗冊者民間之私籍也以參伍印票萬不奸一黃冊者官司之公籍也以印票參伍亦萬不奸一是二冊相輔以繳於宇內而印票寔為之綱紀是故田即百祀可檢括也賦即百祀可勾稽也蓋群不逞斂手束於吾法而黷賂之計遂殫屈無施此所謂事之至數也當濡須君在幕時

濡須大渚漫無津誌重以水沴圩堤盡破頻年不登公私莫償民卒流亡濡須君病焉適入計且疏將聞之當宁不果上退而以其所謂前定冊陳之御史中丞御史中丞下之州又不果用濡須君嘗嘆吾是書則書也吾所寤寐而以歲求似有嘗者寃乎實是沒矣及是益抒其激憤不平為司土者計久遠得一精悍吏行之宜大效雖然古者以鈔定弓吾鄧猶是也乃執事者必務取贏以迎悅當路遂縮其弓故吾鄧不特

博興縣志序

博興青州屬邑蓋殷薄姑氏之墟周成王滅薄姑以其地封齊太公望十三州記云昌水其勢平博故漢縣其地曰博昌其政昌為興也則以五代唐避李國昌諱始晏平仲侍景公揚言臺上云爽鳩居此其後季前逢伯陵因之薄姑



氏又因之而後太公因之蓋一地而四國仍之也齊乘則謂薄姑與四國作亂成王滅之益封太公遂有全齊是一地而四國析居之也周制封太公餘以百里太公既封營丘矣又益之四國之地何居管夷吾多言賜履蓋斧鉞所得至非幅員以也書序成王踐奄遷奄於薄姑周公命召公作將薄姑薄姑既附太公矣安所置奄奄今在魯或曰薄姑奄君名通典姑幕故城在莒之東北即古薄姑之國不應是諄或者其支

東坡先生集卷三  
三

分乎夫上也屬我我得據為故以我屬我不得據為故世家太公築營丘五世徙都薄姑又一世徙治臨淄遂借齊以終是故營丘若博之薄姑若哉之臨淄若犬牙入之是博興之故也所謂屬我者也我得詳之其以博興入千乘入樂安入北海若所稱岱瑯琊濶敘之非博興之故也所謂以我屬者也我不得援焉然則太公之風猷桓公之聲烈管夷吾晏平仲前後樹之伐洋洋乎與博興俱遠偉乎哉此霸者宸勝之

略也蓋嘗讀齊詩竊怪彼者丹書寧讓周公而公乃重垂鷄鳴一篇比於二南何等猥還盧令誦之使人不憚豈所謂作以尚功卒乃染於利其甚而篡殺流遂不可枚舉太公立九府圉法管夷吾祖之而官山海榮衛矯悍友邦奔命不遑為五霸稱首博興罕名山少冶鑄而水之匯獨盛渾從申門并於而經其南淄從萊蕪之原經其東濰從利縣故城經其西總號清濟寔與太皞並祀無不北入海是惟廣饒濶沃兩城之行墳埴貺靈其民多蓋威夷吾又衡其輕重佐以蒲魚鹽務極采賸至冠帶衣履海內渙其無用而宿其富重於青社等埒關中稱東秦焉參錯以觀博興用水什五六顧無籍記之者今君陸履長氏與其薦紳大夫士綴成之問敘於余夫志之所觀也宰舊霸之都而不祖龍名蹟則何以質僊壤事稱良人牧履長氏意遠矣志凡表三志十有七傳七皆土故也土故之謂土宜土宜之謂土景有職庶以觀焉其裨不細履長

東坡先生集卷三  
三

氏吾同年名南至從鄭遷為錢唐人前令棲霞  
以憂去去而值歉歲用麋餉其口其治狀大者  
可槩見云

### 海虞錢氏世譜序

夫故國有世表故家有世譜其為率埤一也夫  
今代族譜寂寥矣彼夫高閭巨室頽然標表於  
當年莫不上溯軒轅氏二十五宗為族所伊始  
然直姓源云爾至其委輸之次大抵忽荒宵遯  
莫可窮詰蓋不以介特絕則以遷徙泯誰其苞

海虞錢氏世譜序

王

者號為本誰其襲者號為支故譜可為也世為  
難稽少孫盛推蜀王杜宇霍大將軍子孟皆黃  
帝之遠裔其崇貴至與稷契並此無端語不得  
稱譜况稱世太史公作三代及十二國表復敘  
泰伯及周召諸公世家遠者

循

幹而疏之累若貫珠族譜不當如是邪夫  
以遵其所可知者爾其所不可知吾不敢以誣  
吾祖謾吾子孫也唐臣論神堯之興不必宗涼  
嵩且謂魏不祖曹平陽典午不祖司馬邛齊梁

海虞錢氏世譜序

王

不祖蕭文終固謂闕漏莫可緒即不得妄相罷  
爾若海虞錢氏譜抑何嘉令也錢蓋肇自少典  
已在軒轅氏之前矣而至於左協開而藏吏出  
而至於烏程長而至於富春侯始渡江而至於  
尚父父武肅承之據有吳越又挈吳越而歸之  
大朝闕宋歷元而至於我 明侍御公嗣興載  
作乘言何翅數千百年而君子曰信則何者前  
是武肅固有大宗譜貽之也吾試臆之唐初路  
敬淳京明姓學聞緯古來世系無爽或其後蕭  
柳諸君撰述述出當其時具以為確而武肅從  
昭信問仗劍起必有為之追考世烈者獨自孚  
至端四十七世似鮮微吾又臆之路史後敬淳  
殆三四百年其楊權開闢帝者氏名若身瞻聆  
之不敢謂其盡謬獨奈何不信蕭柳諸輩洞精  
系牒者而遽疑吳越家狀邪侍御公以渥注之  
種揚赤野之末光篤古恢達敦親睦之上誼真  
力茲譜十有四年於茲矣而志乃大畢於是朱  
其直承者而墨其旁引者自藏吏以下像或間

出或聯肖燁燁古冠服纓綬統絃瑰煌巨麗拜之神悚其言曰吾非創作之者上世故有憑庶幾所謂繩武莫敢怠忘蓋開祖之懿燦者商孫之勤渠交相力而成茲不刊之冊據譜錢氏子姓環在大江東西若虎林若雪若嘉禾若會稽若四明若嚴陵若宛若鄣有譜與否不可知乃侍御公穆穆雅厚意遠矣余不佞敬題曰海虞錢氏世譜爰為其序如此侍御公名岱於邑之祿園一派取著云昔者武肅奮興以萬弩射潮著

績乎幢浦其矢至今存及其末孫以鐵券來獻協贊

高皇帝之勲章用光帶礪之盟夫錢唐之遺鑑也天台之券模也海虞之信譜也殆所謂三太物足敝天壤靡窮矣

豫章李氏家乘序

都護豫章李公輯家乘既成以序來屬曰吾系出自唐西平忠武王顯曠邈無從衍信先生上知千歲願進言之余謂西平十五子何論雲仍

頗似百足蛺蝶宜不驟泯柳州自以得姓亦二千五百年代為冢嗣向蕭儉言之何其語的也今距西平不羸八百年夫以力恢唐社稷鐘簋再完而不令遺一綫萌隸間天固不應若是忽即余宗自會昌間從桐湖徙白杜其從白杜徙鄭也才二百餘年亦若都護公之自涿徙豫章也其從桐湖徙白杜七百年較之西平前後武爾乃余宗突烟滿山歲時纍纍奔走祠墓下厥初生民不過好行德於村垌無得罪於四鄉土地而天假之若是穀梁赤云著以傳著疑以傳疑於是都護公遽闕之不強溯以是知公之無侈心余又攷誌略京兆蓋有西平王先廟碑馮翊有墓乃及去葬臨洮者夫西平身請買萬年憲宗又詔附屬籍西平墓必在關輔其謂洮豈繫先代或後胤歟乃茲垂拓祔立拓北寔之遂其兆終南寔之豫章其兆分其幹若植為之布憲其枝左右行若晦若昧為之發聞夫孝子優歎之不足必愾念之而罔不力維之是故茲

乘蓋致情焉公之有周心蓋若此夫艷溢不  
作謔恂是將是惟良史何庸上引千歲以前耀  
人耳目為夫西平從武奮者也公之先自羽林  
公亦用武興豈氣類或然抑天之稱塞西平猶  
未撫將存寵都護公益光顯之古謂一姓不再  
大殆不然乎今丹服鴟張遼海若沸吾浙往嘗  
中夷至竭東南之力歷年僅乃殲之公茲作鎮  
恭順綱紀守約而靜天吳歟首與足不敢喙息  
波宮蓋五年於茲矣邇者當路昵粵人太恩奪  
廣文人文集卷五 二十八

穆考功集序

初余以隆慶戊辰待對公車其時考功穆公初  
拜起曹遷棄其紱從石黃門公同逝還其里海  
內人士莫不兩高之已余從關西赴調濟南與  
今侍御崔君言別侍御魏人事考功為先輩其

時侍御猶未離渭南稱屬吏余問考功近狀云  
何者侍御君曰穆先生健飯如昨近弇山先生  
殂竊自言東南諸碑版盡走吾里矣余曰幸甚  
何時得考功諸大篇一讀之無幾何考功殂侍  
御按河南遂以考功集來曰行且授梓人願為  
引其端余既盡讀之而又得讀黃門公所為考  
功尊人墓銘乃知當日之事盡其尊人從吏之  
而考功始乃蹶起奉嚴考之命屏息草間不覺  
低回矐恍襟吟而不得語曰豈其然既而息  
廣文人文集卷五 二十九

門公出歷官至大司馬至以尸歸兩公豈左伯  
桃羊角哀之儔邪古今論交必曰管鮑彼其所  
稱知己豈直在分金坪上邪厥後鮑叔薦夷吾  
至上卿夷吾卒不薦鮑叔叔也死舉上衽而哭  
之淚如雨如斯止耳若斯者豈其無以而然古  
者大臣斷定國是察之毫芒審之紛沓嘉采番  
番而斥遠諾諾萬里如在几席千人卒以廢墮  
豈不以豫哉故黃門公獨諫蹕存而考功有集  
行於代余得而序之序曰考功之嚮弇山司寇

東坡先生文集卷三

三十一

至矣司寇公握節天雄特為行部倚麾幢於兩  
公之里門結驪而去有古者虛左之風不聞其  
薦考功何也考功已謝簪組不願仕顧其文何  
讓詞林諸公哉漢平望侯劉毅嘗製漢德論其  
時馬融鄧魴尹光共上書頌其美司寇公不一  
揚之朝使

天子知洹水上有文人如西京楊得意言豈不  
快邪嗟夫弇山集出而考功朝夕以為炙考功  
集出而弇山不得嘗其一齧乃令不肖如余者

借之一語顧余何足以重公竟又委之司寇公  
之溘先朝露以為恨由是言之穆叔所謂立言  
云者穆之裔孫為不朽矣考功有子曰光胤好  
古善書今為中翰供事蘭臺石室間所謂匪今  
斯今者其為我問石氏孤安在極力所底振之  
無忘先子舊故俾魏土諸父老雷然誦之曰穆  
氏誼宗高迄於今三世矣其於祚益震以是復  
侍御君必乃大當者邪

東坡先生文集卷三

三十一

東坡先生文集卷之三

書記同

農丈人文集卷之四目錄

序十二首

侍御四洲劉公考家序

贈郡理秦使君滿考序

賀大方嶽又軒姚公以從二品考績榮膺

恩典序

浙上開府中丞劉公奏家序

開府中丞劉公再奏家序

贈浙藩左叅伯吳公考家序

農丈人文集目錄卷四

贈寧郡理張使君滿考序

贈郡司理張元訂考家拜恩序

贈郡侯吳公滿考序

贈別駕施公滿考序

贈鄞邑翁侯考家序

贈烏傷張侯考家序

農丈人文集目錄卷之四

農丈人文集卷之四

吾鄞余寅僧果著

序十二首

侍御四洲劉公考家序

今仕得舉其職無負簡命至意者蓋無過御史矣何者職有不得言御史無所不得言職有不得行法御史無所不得行法故御史職內則職言職外則職法然而舉職難矣何者人臣非有天植則必有人畏夫烏能觸雷霆之顯不測而

農丈人文集卷四

甘以其身當暴者非中是故嚼嚙不猛發踰躡不疾驅闢然自廢無淹益肥安問職何如矣吾於汝南劉公蓋夤然異之方公初拜御史其年大亢旱楚剝諸役繁興公上疏請罷工作勞耗無紀祇益災不可徵福

上大怒都給事賈公疏救奪公俸一年公是時號能議論風采大著臺端云是時初用御史替漕漕政故壞而臺臣初出替權輕諸司多不用命公劾罷將漕家後至者一人餘具論如法迄

今漕事災集多公所條振也已按關中劉直有  
度抗法於凶慙而開右吉人如恐不及奴而怙  
主威者因而操術久者東而墨者商而奸縣官  
縉者社而講張作逆者盡法之曰律如是延綏  
邊嚴屋瓦偶脫落有親跡中丞某輒嚴訊主者  
以盜狀上而藏金復不縮曰鼠輩次第漁軍餉  
盈之耳於是有一自凡逮部郎一人府通判二  
人典碑十有六人戍幾三十人公一鞠知其枉  
釋之或疑於一自得無曰左公不為動曰律如  
是是時邊郡瘠邑二歲輸積不入邑重困班軍  
入衛者嘗以次防剿兵重困公上其事裁邑入  
什二三而以漸撤去其軍於是秦中兵若民視  
公若真育不勝德余在臺中奉公教令久諦觀  
公大抵脩厲介特謹禮自飭謂公不妄笑多  
循默乃逢氣橫發至摘質宮闈夫奉不贊之軀  
不憚靡折此且幾幸萬一耳然乃為之謂公彊  
執一切不肯寬假乃又善籌得情周爰而恕  
之夫非入人之非出出之誰歟法者濫意用之

一旦忤貴勢人猜禍亦輒一旦起公豈不自人  
然乃為之具舉職也如是今海內氣象疲繭百  
執事委頓無精悍之色則以不脩守節約黨剛  
植審固之心故名實繆諄外內肆易緩急不為  
賴習所從來矣公任其危而後者有仇節任其  
倡而後者有緒圖任其鉅而後者有強力  
天子所盡以許御史公盡以報  
天子無回無伏古所稱不二心之臣於公見之  
公直社稷之衛哉公既三年滿考臺中例有言  
贈故述公之大如此廟堂知公方需用公更且  
多殊絕績尚嗣頌公焉  
贈郡理秦使君滿考序  
今世所稱居官有威稜用能操取一切立名赫  
然豈非郡司理哉董安于曰吾乃今知峭濶之  
可以為治也使吾法之無測猶濶之無敢入也  
吾治辦矣雖然國家懸三尺以防民豈以角民  
哉龍少卿治渤海請於宣皇帝曰固安之却勝  
之邪夫雖理官亦佐其以郡牧者耳非有二辭

也是故覆之諸君其溫若萬何之而非是其或  
不得也威烈如馬捷刀不留行則亦其刺道宜  
爾故曰推忠以及衆曠自錫不然者幾不倚法  
而行夫山駭捷走水駭橫逸倚法而行則其耳  
自在眩而其手足在輟何特駭而已是直用澗  
道勝之也吾同年素使君之推吾寧也大異是  
使君踈眉廣額喜氣常滿大宅其迎款人殷云  
萬密若素肥者盡長者也周書蓋云誠智必有  
難盡之色誠潔必有難汗之色誠勇必有難犯

東坡先生文集卷之四

中

之色以彼其吉良何東不閑故法如海常使沿  
洄出之法如山常使陂陀去之吾鄭父老每為  
余言使君為理則良司理嘗兩擢吾鄭則良令  
為理斷而不苛為攝整而不擾蓋父老以其行  
事頌之吾嘗究觀其所以使君所職在刑所計  
慮在刑以前刑可鑄也亦可銷也圖在夙昔則  
賭聽可馴教在渺微則徑實可杜比其溺而後  
苴茹焚而後曲突其抹幾何于是使君條上八  
事又條上十事當道亟然之失群不逞其始亦

未嘗肆然敢扞吾網也自隄防太壞潢潦盛溢  
於是在公奸公在私奸私安所不恣睢者使君  
條議行於是狐不馮其里鼠不喋其庾虎不咆  
其鄉吾左左無敢移而右吾右右無敢移而左  
所謂百廢舉還其真萬瑕舉歸其堅奸人賴而  
善人安夫及吾堂皇而曲直之何難者顧訊之  
於已業者遽而殺人禁之於未發者豫而活人  
故置桁楊桎梏不用棄緩不贖直其細者也即  
記所謂意論悉聰明致忠愛猶在乃事時以若

東坡先生文集卷之四

中

所條上其為聰明何慧而其為忠愛何遠也是  
故法益尊事益繁百姓並信于是使君推吾寧  
滿三歲矣今甲滿考則載冊而聽於 朝於是  
太府溫陵蔡公與其僚朱方陳公新都徐公副  
門楊公屬余贈言夫使君盛有仁若玉其孚尹  
既達於海隅輝我東南充乎天地誠 宗社所  
急吾寧安得久有使君顧吾願使君復來若郭  
并州之露冕撫羣兒而還歸其郡也此誠秉言  
特不敢言近 詔召拜臺諫歲有行不識今茲



或當來茲又不敗諛言然固前贊之曰以彼甘  
吉良夫吉良固

主上信珪也發聞自海隅即大廷諸君子疇  
不歸大美焉爾吾言僅是請以質吾府公何而

賀大方嶽又軒姚公以從二品考績榮膺

恩典序

襄城姚公為陝之左嶽伯之又明年蓋歷楚右  
伯以從二品滿三載既上京主者以例請得  
以其典贈其祖若父俱從二品於都哉斯生

襄城姚公為陝之左嶽伯之又明年蓋歷楚右

伯以從二品滿三載既上京主者以例請得

世之極諧而顯榮之上酬也夫外臣得封三代  
即藩叅或難之矧嶽伯邪何者嶽伯者外臣之  
峻秩也是故以卿寺以副臺以貳部胥嶽伯乎  
籍之嶽伯所之直傳遽人耳即欲少須寵榮若  
我襄城公可得邪然襄城公之終三年淹也蓋  
我

主上留之以惠全陝何者邇少司徒閣主者請  
以其中丞充

上曰其中丞資未及其多以充自今巡撫必

年乃遷其著為令於是諸巡撫率久次而諸嶽  
伯亦率久次襄城公即欲無淹關中能邪故曰

主上私關中故淹公余仕也晚不習襄城公既  
入關中隨襄城公之後請事於今中丞太康王

公凡十六日而余以校事別去公內整外和規

恢大而理密與吾儕訢迎無迂及入而請事指

堅瑕條良窾計圖所便不便眉輒揚氣輒上語

盡而不留纖暖肺腑間開管片美鏹以急公

上蓋其守官又若是大抵公為人寬博有度不

屑用苛事必依於簡語必依於厚是故與之處

不覺鄙薄為消余旬日間得公堂堂如此庶民

之二章曰仲山甫之德柔嘉維則公其柔嘉者

與其三章曰賦政於外四方爰發蓋公今日事

其六章曰褒職有闕維仲山甫補之公將是矣

前是公之先君子初官廷評諫

武廟南巡受杖闕下嘉靖初官兵曹議大

禮不合又受杖闕下嗟乎使今日有是不藉

為清漢之翼負風彌大依日月彌近哉乃廷評

公一再量移僅少藩已爾一國家持左券以所  
責有立思得奏蓋不二心之臣與之共易海內  
乃今視廷評公直遺跡置之何也意者其在公  
乎余觀古茂明之士致專懋布大愿罷著蔡而  
盟神明豈嘗僥幸萬或一然迺上帝固已鑒在  
之矣少藩公歸二年而公生生二十年而少藩  
公捐背又十二年公起家進士累今官洞酌之  
篇挹彼注茲可以饒饒天之說明甚蓋公今日  
奉精精饗宗祊始食其實彼煒乎烈哉公為小  
狀狀其先終之曰吾先子之貽也夫姚之德美  
時龐洪遠矣

浙上開府中丞劉公奏家序

今天下節鎮林立矣乃其藉力家鉅而績用洸  
洸乎大也孰以之蓋吾浙以之吾浙開府劉公  
獨多之今人謂節鎮所為章徹遠聞大抵在聲  
容間夫人臣固將秉貞而盟諸天者也夫豈曰  
朝發一虎符焉暮馳一羽檄焉即聲幾賦矣壁  
鼎乎鼓之旌幟電乎舞之即容幾肅矣蓋

然其諸肫信恭懋爰篤為之經而勤有攸濟猶  
不得已而暴其志於百姓又不得已而獻其誠  
於山川鬼神又不得已而敷其腎腸於狂狡之  
童嗟夫人臣何敢言匪躬然躬不匪烏可語於  
事夫明也吾浙蓋熙然泰爾無九塞番戎恐動  
我無百粵之徭若獯與夫峒黎汧獮竊騷我特  
不幸與高句驪共海遂同其棘高句驪不靖諸  
節鎮高枕已耳夢不在鴨綠以東而浙獨奔命  
不得休暇高句驪既靖諸節鎮空首北向而賀

農丈人集卷四

九

主上自今不煩盱食矣開府公獨曰沮其寧甬  
適震也牖戶之慮猶昨夫浙非歟力餘也間者  
精卒往其縉隨與俱即余皇諸械無不畢給於  
何取之夫浙非歟得歲也其帑歲非歟充又非  
歟免於杆軸不為尚方急袍紵又非獨免於採  
運不佐川雲董督之役屬國之孽同之本疆非  
時之供同之軍興水衡少府之錢展轉相假同  
之額輸浙之共  
上命若是不知開府公固調劑其間蓋若權然

五爵爵處六燕燕處衡乃適平詩所謂畜租將  
荼不辭拮据而至於瘠我非羸也那復藉酤豈  
知人臣有極皇天無已海氛方滌土事又大起  
古之善療者急劑劑本緩劑劑標彼汾沮洳驅  
馬乎虺隤其象在前其應恐不在後詩又太息  
曰予羽譙譙予尾脩脩予維音嘒嘒寅丘壑中  
人猶若痼吾躬開府公之劬瘁又何可勝也夫  
荼特攬取之以護吾巢既迺嚼之毀之比於薺  
不敢不甘事固有是非此盡無是也即欲參伍

卷四

十一

贊其武終今年

而綜其平彼爵與燕飛而易所宰割疆事者安  
所坦然舒其四體然非公其誰籌燮勉應所可  
祛所不可帖我於寧宇趙翁孫有言動善於外  
斯福生於內於是公開府五年矣高句驪之事  
贊其武終今年

於公之奏家也端拜偕吾世講兄若弟榮敘之  
使顯揭于我東土之采逖云

開府中丞劉公再奏家序

涿郡劉公由奉常秩御史中丞開府浙上蓋自  
開逢敦牂之歲逮於今總凡六年矣不佞寅竊  
憶 近旨撫臣必滿考乃遷公今滿再考矣頃  
者廷尉司農闕天曹以公名凡幾上迄不下

主上沛德於萬方所以第祿吾浙意甚盛顧獨  
久淹公於是都護李公聞余言乃大詫余先生

卷四

十一

必非浙人也胡獨忍開府公去浙也夫浙之建  
牙才四十餘年論往者倖馘功無過胡少保至  
逾二萬有奇當是時鯨鯢盡而東南之財力亦  
竭其後諸公不過申厲要束慎固封守告畢事  
而止故諸島橫其巫在外禦諸島戰其務在內  
緩今諸藩具稱吾浙力頗美故能無不知開府  
公累歲勤恤殫瘁乎其間故繙至與之汲之釜  
鐘至與之槩之我不至損人遂以為果足沽也  
曩者公初蒞浙東甌達報俘公策之闕箇方請

封寧遽自敗廉之果琉球貢艘也海上大驚  
真神人哉於是䟽請護之歸所全活數十人今  
年番舶漂入回浦諸余皇奉公令無敢陵害得  
生還余翼然肅之曰斯漁藏其貽及鼯鼯島以  
外者邪顧聞其巨都護公曰詔所知者兵耳自  
兵以外烏能測之雖然某執鞭弭走趨下風亦  
既有月日矣請以臆論夫諸藩謂我足沽者誠  
謂公東顧頻也夫

上命不可違也是故南原平壤登萊旅順諸所

東坡先生集卷中

十一

何之非吾浙葉之然未嘗虛吾內而應之乃又  
以漕折及歲織而北顧遂為北圖以採木而西  
南顧遂為西南圖總之疆事而敢作內外觀夫  
海之費大抵可知自將卒舟楫經費已數十萬  
可堪溢額公於是裁去凡十萬五千其為澍頽  
沃若余先生奈何濂濂視之邇者兩瑞之遣非  
恒所親聞衆庶惶惑莫必旦暮公抑心而與語  
拊襟而與謀若身履蔀屋之下親聞嗷咻面相  
勞苦以為官家下令如流水不可如何人人感

公溫款甚於再生載記蓋贊姬公人臣捐其身  
有益於君則為之而況迂其身以為其君夫堂  
堂執法刺斷在手而今之迂而從事故公之威  
名桓桓黃鉞震疊方夏至其獨坐鈴閣虛徐切  
愷寧一息不借赤子周旋邪不佞又起而再肅  
曰固謂公恭愷今而又得其艱貞若是夫以例  
公再奏考即勲部宜論勲封部宜論封蓋功令  
如此昔者宣夏之役武昌常中丞公以助勲捷  
聞蒙嘉賓今東征勞勲殆居五六樞密方程功  
宜有特典恐不止如常公都護公曰人臣力曰  
鞠躬心曰奏蓋余先生徒較玄菟外事不為吳  
山漸水一表公此心邪余又三肅曰皇天孔明  
及爾出往

主上睿聖日監在茲行且召開府公還臺顯章  
厥代是可券已於是都護公再拜頌公遂以余  
言為之介云

贈浙藩左叅伯吳公考家序

考績昉自有虞氏遂以憲迨周稱計典蓋祖虞

帝之撫故曰京不京殿不殿雖堯舜不能化天下顧其時所謂二十功者堯固已蚤悉之何俟攝公然必攝焉乃克弁舉豈其時課猶未立邪謂且行音不如執方邪漢屬大創之後網漏吞舟然不至如黃熊貴於羽淵之久也唐制京近古其考節度使上銷兵者而下邊功者考察使刑省則中稅辦則下大抵綏靖元元之意在職以外故西京得唐虞之簡而貞觀得其要課法莫良焉若吾浙左叅伯吳公盖有虞十六族中一人也前是公以副臬按浙左總今六年而寔以左叅伯三品告滿余寅曰國初嘗久任云今銓曹注擬多不下轉過則經涂關天際寥廓即有翔心其如何矣往時叅伯多不滿遷去今往往告滿倘以陝蜀例處公即加公臬使令之久吾土手於是明郡吳太守安國曰若是下吏幸甚盖公之尊人教授台公是生於台其後公以副臬來巡察台余時寔稱驪吏或曰台於近則避我明今茲越於近則又避我明河誠潤思

勢不並福也余謂不然公處慮平漠然靜儼於事無不矜重焉者於法尤兢兢若懸物無附着以聽嘉石之自出入也端若飛表而暉曜自發用恭恭身用約約下所至儉率壹似儒先生庶幾羔羊之節克用自律而風行乎百城吾屬負繩而趨無敢忒冒盖嚴若昇又計以今海內彫瘵小民莫必其朝夕病在上之人輕言便宜而啟諸不逞心故諸言利弊者一切謝去公所為固蘇元神保定地蔵杜絕涯端孽不得作某寔深心欽之故公南在台北顧我明西在越東顧我明誰謂公遐寔晉我宇下而漬殖之今者某亦遂告滿矣若不佞將無藉公為閭邪余寅曰固也夫察察者缺汶汶者沒吾敢謂公有赫赫名哉公且溫寬栗剴陰量陽無令過洩太上醞釀奉順大當是以下鮮坻鬱無及於菑沴所謂月計不足歲計有餘者鴻寶言之類善物以混厚民人者必有章譽蕃育之祚不識十六族厥究何若乃帝旌功施慶宜有攸底故茲頌吾浙

人之大願與天之大信也夫吾兩人胡敢以多  
口事公邪

贈寧郡理張使君滿考序

蜀渝張使君司理寧郡既三年直指使者署上  
考貤諸理官稱寔不翅吾浙矣於是四邑之令  
長若慈谿黃君元勳奉化朱君萬齡定海時君  
偕行象山朱君自新謂寅是惟吾儕微天之東  
以獲過走於使君之末鑣朝夕矚我而使君既  
滿考矣顧其駢烈榮若繁星不一揚圻之行且

東坡先生文集

卷四

十六

內名置矧於尚方使君之幸吾儕何幾也敢以  
煩墨曹往讀孟侯誥罰與德並衡而稱庸庸祇  
祇威威參兩無頗何以謂也諸見擊擊塵涌慮  
不克勝黔首曰於理也宜又見疏款誦覆不憚  
委悉至於流涕曰於理也或非宜夫於理宜之  
庶見威於理或勿宜之而究厥宜之庶見德兩  
者是刑說也使君英顏業業聰明不借而原本  
信厚益乎以溢不可但已乃有風霆一縷可念  
隨之雨露不厭於吾郡又奉檄走他郡不厭於

吾鄆及四邑若還陳朝鳳田穡姜松奸冒釋  
壘所誣計二十餘人至他邑若壽昌絞罪囚鞠  
如律近又平亭吳興諸逢掖事無激詭蓋為中  
丞驟與直指使者馳是効與宣乎抑其細者寅  
囑棲久不習府庭諸大政而竊觀使君丰神大  
良夫玉壘而獻采是故邇有暉遠有象大河喬  
嶽合而敷潤烏乎焉恩之道固然也夫為中丞  
馳與夫直指驟也者豈其漫然不究攸抵是故  
代治粟亦刑粟而德粟代治兵亦刑兵而德兵  
語曰斷指以存脛以免於身者全夫不廢拊勒  
謫隱扶微納諸刑鼎將吾志寄焉是故宛曲濡  
忍若亟若徐若慘若舒敢曰之其兩淫威而倚  
法以削詩人所以式歌且舞將無在使君邪寅  
蓋嘗從諸大夫之後竊聽使君語其攝郡時十  
三月用贖鍰儲穀幾五千銖矣又斥以課賢士  
給需其日為之雌黃付之剗剗以為永式近者  
捐俸梓某生詩籍且又幾數百銖使君之操聚  
無緇於其躬而有逮於吾郡之士若氓美哉使

東坡先生文集

卷四

十七

君用吉德以持憲又砥其廉貞以植砥瑩彼璋輝我甬上吾固謂使君果然大良也諸大夫謂何於是四邑之令長偃僕而稱曰俞乎是吾儕所謂雉也不日者使君即內召而獲固若繳日庶幾奉以周旋無敢陷越微墨卿之鏗鎗之也幾無以望九臯之問矣

贈郡司理張元訂考官拜恩序

郡司理張元訂氏既宦三年考牘上考功以移司封得贈其尊君文林郎府推官母沈氏封孺

東坡先生集

卷四

十八

入夫我國家錫命內外臣亦大侈重矣錄其身又推及其所自身周官三載大獎羣吏之治而殲賞之鄭康成曰凡大負不特廢大勲不特置謂賞更溢也豈所謂寵及其所生者邪令甲諸郡邑滿考再列薦剡輒得封其父若母其得之其墨唇祝腸而低回歲月者邪其矯厲奮作嘗不在後輸者邪吾皆勿敢知顧李官之得之常伴九而令長什四五諸有司胡得輕斟天家勅也夫人臣蹇蹇自竭若嚮主上售之自是

東坡先生集

卷四

十九

不售亦自是我躬之不恤而心則耿已柰何辟疆王之艱然怒其臣過之對也吾謂元訂氏茲日蓋悲喜泮焉張自曾大父至於尊君世業儒尊君先生抱志澡潔砥廉務施產落不問侮奪不校有儒行母夫人佐以簡畷居常布素無華蓋至於元訂而後收儒效吾以曾子與南游楚轉窮百乘之日思之元訂宜不勝悲母夫人戴翟冠披霞鵲帔念兩白髮不並輝此堂也又如何為情矣獨計悠悠昊天卒酬先志光昭義訓此元訂之私悼吾輩俱應有之顧何以謝主上假令母夫人指命服問元訂吾聞冠有用翟五今胡二也即金不至奢安用抹爾謂吾家素儉邪帔有用翟何鵲為不知元訂安所屑答矣往元訂奏余贈言董董非有鉅今者謠之典記乃知元訂嘗平反七重辟掩骼至七百櫬償郵鋪戶逋金無慮千勾稽象山田籍無坐累者五百家表著風烈其始若露津條而後乃滅然大沛未特吾寧又漸羨浙東西是故譽者願



墳園土願棄其頂踵報塞再造恩厚願大出而與官市余因之竊歎賢者臨政自有真此尊君先生之志母夫人問言蓋誨之周旋無隕初

紳契蓋云士之孝曰究卿大夫之孝曰

身以久治行布滿聲稱決乎遐邇則其親安故曰譽士始登朝審資歷考鞠躬明庭則其親安故曰究元訂氏究乎譽美慎斯繇也以保貞固豈惟石窳之紹抑又寢立之爰始乎

贈郡侯吳公滿考序

東坡先生文集卷四

二十一

昔者顧孫師問所以官仲尼曰安身取譽為難師更請之曰已有善勿專教不能勿怠一有忌勿遂行事勿留人有過勿發失言勿倚務此入官則身安譽至而政從矣夫至德不問毀譽聖者何較譽也豈有槩於廢褒郵戾之謠而發斯語乎他日告魯公曰在位不獲上民不可得治也則信乎譽之難也於是郡大夫吳公守郡滿三年美課家美假令臺察十按部當十薦今僅巖院一疏上聞當路遲惜之譽不翅顯矣於是

郡丞馬君復淳別駕施君朝恩歐陽君燦謀贈言於余余辭不獲則拜手請借前志揚譽命焉夫人性行犁然互殊之其任寄恣情所如故或宜剛而柔或宜弛而張或宜繁而簡或宜速而遲猶求解微繆而務焚之其何膠之可理烏乎睢盱萬人之上而號為安吳太公曰固也吾敢謂二千石果貴倨所為蒞官行法一切擊斷而收馮胞臆而肆將之其見效寧疾於他人乎故遇事無敢以捷聞之無敢以躁嚮之無敢以亢

東坡先生文集卷四

二十一

爽暴利干之其於人偶有聞若無聞也一時為之蓋終身為之德若采若屬咸沃之德至於兩造在廷既出之猶若入之既入之猶圖出之曰赤子何知吾今分背而去耳太公曰固也民吾子吾治也文武吏吾百執事吾治也乃悍兵羸卒無不仰活我內不逞囂吾吠厖外不逞駕鯨波而舞乃至溜流不遠燕齊秦晉數千里而蠹我商舶自危海而東吾要束也又自甌海而東吾要束也又自閩海而南吾不識衢道所經



我屬禁一至此是故其自律以儀我否臧以誰  
訶我此仲尼之所謂難也吾姑拊之使不競漠  
之使不辟廓弘幬幕歸其區域卒衍以喜無失  
厥所凡此不敢謂善而頗遵循勉焉彊教無執  
固陋鬱湮歲月故夫勿倚兩者大都以示厚勿  
留之四者以處恭故曰其誰勿敏貴在勿苛其  
誰勿明貴在勿察其誰勿寬貴在勿縱有之以  
為主本無之以為輔行公之所以淋問旁魄當  
途口信他日者毋惜高秩以寵大良緊茲不卜

東坡先生集

卷四

五

乎於是三君俯然端拱曰唯子之言不野矣顧  
何以砥吾等庶幾無羞我太公余又拜手蓋仲  
尼嘗稱顓孫氏自吾得師也前有光後有輝敢  
問諸大夫何以後先我太公諸大夫政平光且  
萬里輝當千仞詩曰在彼無惡在此無射庶幾  
夙夜以永終譽太公寔嘉賴之三君又俯然避  
席曰敢不拜教遂為贈

### 贈別駕施公滿考序

夫政之有茂建也蓋在所勝之美或問長人

按事而傳理課於古之名德以為之型鑒而附  
義以勸後勿獲矣而烏云其勝之蓋鄭僑有言  
維農有律政寔如之如吠之有畔思其始而圖  
其終此勝之說也是故所胥乎稜厲習伏則遂  
以稜厲勝矣所胥乎寬慈則遂以寬慈勝  
矣顧夫一者之執而兩者之莫劑是故不傷之  
缺折而弱之蕭弱萎弛而不振於是勝起亦  
以勝靡術固不可不謹也別駕施公之所勝之  
安在哉我聞曰書契章而信立權衡出而均立  
法制禮度陳而準立此民人之戴而共社稷之  
器也漢永平詔書不云乎吏不廉平則治道衰  
是故視齊民與鄉士大夫等然後平視鰥寡戚  
施顛連無告與鍾鳴鼎食者等然後平視謗訾  
我者與譽我者等然後平中無慈惠外亦無湯  
濡以輒於無何有之官斯足慕也別駕公於己  
處性於人處情謂公威稜不可犯乎十不得一  
然公卒難犯謂公守慈煦人以和一數之可至  
八九然欲遂以名公又似不盡蓋公有周心者

得之自是不得亦自是吾接公第踈而觀公  
公氣仁其示人溫以暇與之語與其顏貌稱也  
退而察其行事又與其語稱故謂公不欺居常  
無私腕以喟無擊節以賞外若無不可可而中  
寔有礙及貴勢臨之不為動故謂公不惕要之  
於平殆循循乎爾公別駕吾寧滿三年未嘗得  
罪於大家與百姓古之仕得大家難今之仕得  
百姓難公不緩催科不廢簞楚而所在稱理臆  
無誹吻亦無疵此豈倖然得之公嘗署慈邑慈  
人宜之矣署奉邑奉人又宜之章丑邑奉人難  
治余之來奉人也慈人宜公多大家大家曰公  
善用簡矣奉之宜公多百姓百姓曰公善用靜  
矣書曰人情大可見民可近不可下唯平者能  
近之公近民者也故於公之滿考也請以平頌  
焉於是公之屬鄧令翁君憲祥徵言為賀遂書  
此以貽之若頌所不盡願吾令君更僕盡之何  
如

贈鄧邑翁侯考索序

懿懋古賢哲之標表人國也夫今代胡猷  
寥寥聞是故其上者陽奇淵靜光輔三五之畧  
下猶不失為良令長何者其所握要也夫王人  
即敘莫非秩矣朝受詔以往夕惕而揆之莫非  
績矣顧夫斤斤蒼蠅之間是尋是尺忻用以為  
章代漫不識康遠為何術則瑣之乎夫也其無  
乃未睹於天行地寧出雲表之思乎是以聖人  
箴警兢兢焉曰行必慮正無懷微倖刃利皚皚  
無為汝開事莫不有大者是執洞精是而迪則  
是吾以為翁侯其幾也往吾初見侯首舉海內  
某某問侯侯不應吾恍然自失是時已謂侯嚴  
已而聞侯敷政疏釋百姓之細過而糾正不赦  
與示懼逞禁示懼淹藉一邑之庸調戶告之曹  
史無敢欺立心不欺作事有條次照人不特見  
鬚眉校藝文若烟鑑物色雅流不難折節不惕  
勅禦於介特察隱吏事可謂孔脩夫此直眾人  
觀侯耳吾得侯廣送稠列又於其獨不徒論議  
又於其躬侯蓋鉅人也吾嘗舉是語面贊侯不

一俯躬謝豈謂余言非佞邪夫刈麥小者也亦  
子賤懼民有禍心至使季孫惶恐思穴地以免  
此謂體也去一老僮丞小者也黃次公迄以無  
傷優容之此謂體也與兒期小者也郭喬卿以  
刺史之尊須期乃入此謂體也故得其要則順  
風而呼聽益遠聲高而指眸益長不得其要即  
潤之勤濫載不見德難之盡瘁羸不見威故曰  
惜子龍虛指夫蹠實一既宰而萬自隨之道也  
吾觀侯無需以召孽無夫以起羞無渙以携群  
無盡以留隱以濶略用智以調劑用勇之日也  
侯自張而自弛之緊誰知故曰鉅肆維時海既  
安瀾矣又輸我三熟野既銷壘矣又奏我九登  
失萬室烏能畢給諸冠纓烏能盡武於彬彬禹  
去堯舜時猶尺咫猶塵嗟息曰我實驅之吾儕  
小入脊有寧宇以無咨於寒暑之愆水火之不  
時其誰怙之然後知雉馴於園田虎渡九江去  
鳳凰偏集於穎川以此相較彼徒聲我食其實  
也收責孰多夫斯執政之樞也今執政有途

儕不敢聞即不敢顏侯其可券也酌天上施甘  
瑣聞之鍊臣乎其焉往於是侯考三年寅矣爰  
敘其說而歸之

### 贈烏傷張侯考寅序

今之課吏治者豈不以績効茂即隨而旌幟之  
哉余以為得百績効不若得一標槩夫盡瘁職  
下俛焉若追無情於夙夜上以遵奉令甲日務  
惠利百姓夫非顓治之主所庶幾一見者哉然  
可謂率厲苦身自竭不識厥衷何若凡人始登  
途未嘗不迅邁而後乃少弛習見白日以為故  
常不復矚然自砥又不識厥終何若湜湜厥汙  
不尋其源徒循其委君子不能無餘嘆焉若夫  
本之天情敷以愷悌為龍為光為世綱紀稍盱  
未嘗不在吾君而非以或矯稍俯未嘗不在吾  
民而非以或沽視囂如寐視失如得而不以政  
其故吾若爾人可以登赤墀亦可以嘯長林與  
灌莽為伍何者官非我所愛也課吏不當若此  
邪若烏傷侯其庶邪烏傷古綢封其地多嶺嶠

蓋越微以西其人樸重負義健決有其君子之  
風侯為令先澡身而後議政其為政先本教而  
後末業於士先講而後肄峻為之防而宛為之  
導於民先訓告而後刑罰苟可以衛腹心驅災  
害雖土毛不忍捐也雖乞靈於山川鬼神不敢  
憚也居嘗好古誼事豈世下衰遂無顏烏龍丘  
蓑其人歟於是聞某孝亟禮之問之某清脩亟  
身請見之傲文翁講堂故事日集諸弟子其中  
儻所謂仁山白雲兩先生再興起者節約自警  
遇事有操執論獄惟所安不外撓尤不輕役作  
某所湏隄閘某所湏梁某所湏宰阜良不可已  
必助若因順流與之更始僉曰不擾太史公傳  
循吏詎無赫赫可紀者乃董董於亢法握固特  
嗟美焉由此言之上臣自有標槩非庸衆所知  
至孟堅氏傳漢諸吏固多醇嫻足師法然不能  
無揉雜吾以是慨世風焉堯舜之廷能譽器訟  
為啟明象恭為鳩倂而終不能毀邁種之英輕  
加點蔑奈何 聖明在御諸部奉四聰以聽於

方國而謂侯有他是謂庚辰擅縱巫支祈而隋  
數籍金匱竊寶符而逃也於是邑中父老子弟  
無慮千數百人相率控於當路之前無不號籲  
稱冤者當路知侯審對之動容故曰無謂天高  
首不及搔無謂日遠腫不及轉誠其明信乎決  
哲良白著有攸爾也於是侯滿三年考矣邑博  
士維洪氏世禎氏兆文氏戒幣屬諸生李洵璫  
請文為頌余烏能文抑聞之孔明先生有言萬  
里之行始於足下侯且乘扶搖起遂登琅霄如  
其平生所志寥廓無際子環足下勉旃益務端  
恪以克當上心哉侯姓張氏籍閩之溫陵戊辰  
南宮第八人子環其字名在南宮錄中

農丈人文集卷之五目錄

序十三首

贈憲使李公入覲序

贈明郡伯張公入覲序

送左叅伯謝公入賀 萬壽序

送南大司空楊公序 代作

贈少司空陳公擢南大司寇序

贈寧夏巡撫僉都御史梁公還院政左序

贈巡海使者葉公移鎮北平序

農丈人文集

目錄卷五

送都水大夫陸君督學山右序 代作

贈分陝使者原公晉山西副臬備兵昌正

序

贈左轄姚公晉副都御史巡撫寧夏序

贈陝臬長艾公晉右方伯序

贈陝右轄艾公改山右左轄序

贈浙藩左方伯史公進 詔推恩三代俱

二品序

農丈人文集目錄卷之五

農丈人文集卷之五

序十三首

古鄆余寅僧果著

贈憲使李公入覲序

農丈人文集

卷五

十一

令甲行部大僚凡三載必入覲於是雲杜李公以總浙臬祗述其所封守凡兩歲恪循厥職以共常事禮也於是或謂寅也雲杜公不瞻聞廷二十幾年矣夫其爲藻環麗照爛天漢間猷慮沉遠大抵酌土所宜規世所希有宣炳半寓內無不樹章畫以貽其後人以今方國無敢稱顏行焉濟濟內僚且推而讓登即秩宗端揆不虛矣寅應之曰固也顧此非可以聞之公也公蓋有大志嘗監於宇宙盈虛之運皇王后辟升降淋瀝之林以顯固博碩之脉而聖厚散越之歲所謂貌亦益玄駭曾亦益白首方且厭實之殷矚而何遑乎名之顯融故斯語非可聞之公也或又詰寅也然則何以贈公夫臬猶司疆者也吾將與公談疆事疆事不專倚公公仇執有輔

我以園通博擊有贊我以縱捨不虞遭遽初亦  
紛駭迺今聞聞號為寧輯無或驚突至於莫可  
控公斯恩斯威斷斯謚斯大都以他郡國見公  
功又率有相粹者吾敢譽公未至於不敢譽公  
而吾與公兩人之戚彌甚夫寅東海疾憊人也  
吾欲與公論於方之內而性慘方又不習忽自  
記於誕曼或者公日夜撫心者乎或問曰霄與  
霧有辨乎余曰無辨也問者曰蓋聞之天閭而  
地不逞雲應之地關而夫不決霧應之厥象犁  
然安謂無分邪余曰吾固哂吾慘也然則蒼莽  
蓋亦有烟燭時邪古有言形莫若就氣莫若和  
以今而觀混若無復倪可謂和之靡若無復骨  
可謂就之然而細苛不蠲曠蕩不流天多寬言  
地多噫氣則諸公不善承德意之過也昔我  
高皇帝燕坐便殿忽聞履聲問知危太樸也怒  
逐之守皖祠太樸履何遽不及鄭尚書公約飾  
誠華猶與苴蒯等無從窺紫垣即拾級而登至  
闕則止安得使此聲徹於

主上之聽異哉頃者漁陽傳太常不頓首且蒲  
上而跪顙午門雖褫爵幸行其言都人士無  
不頌

主上聖者夫諸公言盡矣力猶似未盡也易期  
卷遇嘉牘納此迂者常談要之權略終不外是  
公茲行意者咫尺為回萬方重有造儻可幾千  
夫魯陽揮戈日為之返三舍謂之神勇夸父逐  
日莫揀道暘卒棄其杖為鄒林謂之愚勇公負  
大志襄之以大力其濟蒼生之福也赫赫

九廟寔靈承之不濟則鄧林在焉所謂其愚不  
可及也以是贈公曰誕曼曰匪誕曼公其自擇  
焉夫寅也胡敢知

### 贈明郡伯張公入覲序

今天下郡邑長吏任職久大都踰五年少亦不  
下四年始擢去爰是吾郡長洲張公再入覲云  
始公之覲也余在秦間公以上京註考夫何翼  
而蜚數千里外充於吾耳蓋聲與其實偕如此  
是時公蒞吾郡才滿歲耳今既滿考又踰一歲

矣績用大奏並章徹於四遐不識天曹何以稱  
塞公往也幸獲從公之後周旋玄雲署中事無  
巨無迫無疑無大璫無魁胥宿猾咄咄辦矣當  
是時余操寸管彊為不急之語酬應一切或笑  
曰豈儒無用而公敏給詳委幹略鮮與埒嗟乎  
天曹豈應置公窮海瀉瀟之區乎公來而吾郡  
遼游侵粟石至錢二十萬口靡控乃或望門橫  
逞公煦以隱惻亟為糜濟之而厲禁無群置里  
巷塞戶掠奪人請便宜假巡海使者符轉粟東

東坡先生文集

卷五

四

嘉海以林道殫而以其贏舉百廢以故郡迄無  
轉徙而諸庾豐物如舊識者謂公慮遠發策長  
也公嘗慨然而歎古牧伯綱紀其封內徒恃三  
尺耳吾儕何術以信於諸友寮於郡之父老諸  
弟子直操此惴惴不敢有他是故引繩摘劾無  
左右顧而民見直強擊自遂終不輟其始而民  
見介以比周進般散退非復曩者焉然廳事前  
也而民見嚴當公沉默鄭然如石既揚眉朗燦  
腹可披而視也是故神采霍如堂皇有截卒無

伎懽不肅迺令者雖吾郡易為理非公疑不及  
此於是邑大夫華君其黃君其崔君其罄然向  
余謝余語庶幾似公然特三歲前頌語請進之  
吾所窺公其大者止此吾何以進公無已其漢  
之故乎昔者袁汝南祭遼左俱以勞勩拜錢帛  
之賜我國家於計臣業行之公前所寵被視  
兩公更有加其國家之故乎正統間不靳三  
品祿特賜姑蘇吉安兩郡公近歲間一詔之行  
且見公乎然烏可幾吾固云公且擢去不再來  
倘以邑大夫之靈天不遽棄我郡人得視况陳  
兩公乎郡人幸甚邑大夫聳然而俯曰豈其然  
遂書以贈

送左叅伯謝公入賀 萬壽序

令甲每歲

上誕辰行省外臺暨都閫三執事者奉表入賀  
萬壽於是今年己亥當塗謝公敬共厥事以往  
禮也夫浙首藩也以次公宜首外班唐家朝會  
於元正長至禮較脩顧獨以古人臣無賀其君

生日者於是韋綬之議空廢不行夫唐虞遠矣稽顙歌喜起何云乎夫壽亦大昕堯之一事也江漢之篇曰虎拜稽首天子萬年夫忠臣祝君何必不於生日漢家未央宮成高帝奉玉卮上太上皇壽殿上皆呼萬歲至唐文皇命簪未央宮置酒奉神堯皇帝極夜乃罷臣子等爾安知非生日事邪國家於是日不做前代設壽樽者如設壽樽許外臣以次進公固宜後上公首奉觴已迺茲日紫禁在天赤墀在地萬靈雲集

集於莽蒼

皇帝秉圭合契休息乎無為蓋中不必稱嚴外不必告辦為閒已甚公俯躬端笏獨無深惟焉不佞寅竊有請於公也今海內皇皇萬人所亟繫其何屬古者上公及諸侯卿大夫覲君必載贄故五玉已於事而返之示天下以潔清故三帛已於事而不返之示天下以恭慤公今之侯服之首臣也宜何贄或曰國家不設樽即不煩贄雖然茲行乎獨搥一赫幘即可語成事

而退邪臣請陳其槩昔者黃帝鑄鼎故採於首山以臣固陋心不鑄鼎何損於明德黃帝無乃過歟至禹湯實鼓鑄莊歷二山以救幣而振人之無饘鬻妻孥者非若後世勤而邸號私藏也聖度廣遠眇末烏能測知迺堯又捐金於淵舜抵璧於谷蓋曰長物何足珍陛下將法堯舜邪廉儉彰矣法禹湯邪慈惠博矣萬無法黃帝作無益事也公旬宣東越無徒以赤堇竭若邪涸私丐於

上止二郡請命也即抗聲而切近事庸非蓋夫採山無宜侵五嶽五嶽帝輔即風雨時福祚長權水無宜冒四瀆四瀆百谷王即寶藏繁興滋息孔厚由斯以談其收孰多願鑒於古之盛帝以道德為富無過自封且陛下何不令百執事若臣者一覲威顏謹効之在前公服官嚴所部為肅茲往宜有以靖獻贄孰是大於是前署鄧今署慈谿某別駕某奉化某令某定海某令某署象山教諭某今署鄧訓導某閩某是語謂



公必有當於

上心渙然下詔與天下更始

皇帝千萬歲臣拜執金吾真其日矣夫五王三  
帛寧云寶乎遂登之文錦侈之祖道之左

送南大司空楊公序 代作

向吳楊公為少司空三年滿考無幾何擢南大  
司空是時不佞寔長冬官而公與越州金公左  
右貳會官府役興隨以畿壤溝封周城傳燎費  
無慮數十萬不佞日按行道上董終諸役寔賴

東坡先生文集卷五

九

二公輔不佞不逮二公日亦訪茲在事且 璽

書固專勅公公獨置之南去人臣不言勞然固  
南也即事事定不得視 輦轂下奈何獨優

公當

世廟末年公為都水郎盧施楊公為屯田郎而  
余為營繕郎才十許年耳盧施楊公大司馬余  
也顧獨假公南去固謂公敬歷久嘗保釐江以  
西尹南京兆屢年大有勞勩宜稍令息肩庶幾

徐雷靈爽永係海內之望夫膚施楊公獨非蒙  
賈沙磧必計萬全以龍臺尊虜人俾之永永不患  
我疆場其功不在公下然顧獨假公昔者成周  
蓋未嘗都洛然必使召公營洛既營洛又必使  
周公治洛留都固周之洛邑也洛不脩官留都  
脩官其事不專倚公

文皇帝既都行在二百餘年無更詔營留都者  
比歲旋算旋止無都下諸大工役即或有一亦  
不過從六卿後呼諸曹受記已爾二公居洛安

東坡先生文集卷五

九

得如公逸大臣於天下事無所不得任當其猛  
厲決起即星辰避行江河讓駢矛戟頓鐔鬼神  
匿響顧風烈無取太洩越此如繁弱忘歸世莫  
不稱良然過用則勾撥棄之故無若姑改之而  
姑俟之公英敏捷給視天下事無不如其意所  
出而又踐履中外幾三十年夫理解輒用芒刃  
龍驤輒用斧斤公無不勝之者然懼其為之質  
者鮮也語曰張而不弛文武不能也弛而不  
張文武不為也一張一弛文武之道也故嘗謂

此都諸臣似大軌南都諸臣似大矩軌圍而動  
矩方而靜

主上優假公意在茲乎通者

主上聞凌公勞於百粵久詔凌公以大司馬居  
留都意在息凌公而又聞潘公勞於江淮久則  
詔潘公以大司馬居留都而令凌公總督江淮  
意又在息潘公夫非獨為二公地也國家所恃  
命饒與戎兩事而已潘公習漕使益習兵故饒  
事無猝虞凌公習兵使益習漕故戎事有代謀

東坡先生集卷五

十一

兩公迭作力又迭息之以厚完其鋒銳使不沾  
於缺折用太臣有機權貴在翕張之其道蓋是  
主上視公與兩公等故優假公至意於兩公益  
微之夫召公居洛其後成王召召公入而命周  
公居洛頃之

主上且召楊公入誰當南不佞何敢視古人乃  
獨希厚幸庶幾優假不佞南意寔津津願之矣  
贈少司空陳公擢南大司寇序

南大司寇閣朝議以溫陵陳公擢南大司寇是

公為少司空凡兩年是時寶城役竣有關於

上心詔晉公秩二等有關輒畀公於是公遂南  
夫仕安問南哉夫誠藉龐厚以訓正人族而嘗  
為德者惜南誠藉智諳以懋建功庸而嘗為才  
者惜南夫南何不可哉乃茲於陳公益數數有  
溢意焉今

天子仁聖壹瀚峭刻之習沛發德音既蠲既賑  
令無決今年係囚提福寓內可謂優鉅乃所析  
楊重者踰十鈞遠者匝一時皆骸無不縻鑠者

東坡先生集卷五

十一

今或兇殘洊加天倫至得偷飴歲月於都官之  
從即斯一類固足以干陰陽而召災疹已漢人  
蓋云前王所是著為律後王所是疏為令三尺  
安從當時而是耳今律之抵人也若逃令之逮  
人也若迫似非古者祥刑之旨臣安敢及是語  
正謂公夷坦率直絕無局閉居官好誦翊人不  
翹其口操苦無所紛華論議慈無所徇假夫特  
無敦士有斯必斯慙矣特無貞士有斯必斯諱  
矣蓋冀公且北而為斯人請命也南得無不盡

公邪吾不暇遠引即南大司寇自國初迄今  
慮八十許人其勲茂光伐載在彛鼎自耿清惠  
何文肅戴恭簡聞莊簡屠簡肅及陳新淦諸公  
不盈十人如公直躍武追之何難者顧諸公所  
以規摹一世震曜方來大抵翔翥在北公之宦  
蹟率在南及秉鉞而出又大江之介曩者雄風  
獨駕今者白日滿於除君子謂

主上無寧錄公而遠繇公也昔者召公營洛則  
周公留而輔豐周公治洛則召公歸而輔豐二

東坡全集卷五

五

公所為稱萬世碩輔不以洛然固居洛也則無  
問乎公之南矣公誠長者吾聞長者抱醇度挾  
許謨不以旦夕程功廼率莫在其右者故公躡  
武從諸公起直下之今茲耳公平生不喜謾余  
亦不習為諛請以誌之他日皆質語也云

贈寧夏巡撫俞都御史梁公還院改左序

南陽公不以右俞都御史開府朔方三年威信  
於著虜酋懷服黃河若斬賀蘭山若局不犯於  
封守

天子曰此社稷之衛也不宜久淹荒徼於是  
公還院改左則古所謂大司憲也曩者公以都  
給事中參藩政於是公去

天子左右十幾年矣茲召還固且以積瘁姑逸  
之邪抑重有注也公視今日時事何似八九年  
前公壯志不獲大展於司諫時夫司諫得言不  
必得行司憲不但得言又無不得行故曰

天子重注意公八九年前當國者尚諱操下切  
百執事皆尚默今尚寬博人執其是而主者擇

東坡全集卷五

五

焉皆尚盡言生晚無素於閭達之觀而祇以其  
臆念也黷焉若翳其目莫攸適從竊願請於公  
也聞之一心可以事百君百心不可以事一君  
是故介者務止其守官也不踰垠域陷者務溢  
其守官也嘗多畔援此百執事之槩也今天下  
京大不過五六事大都嗟吁而不敢及躊躇四  
顧而不敢發然皆有象可指非若遁天倍情入  
於支離之舍而出於倏忽之鄉以妄為常非物  
司方斯甚也夫白日經天何所不朗徹大河行

地何所不磅礴而直為此回通一人導之舉世靡焉數年來此風亦頗熾息諺曰士也固極二三其德顧不足甚慮邪夫邊不戢圻父以告水不靖宏父以告鎮不給司農以告律不舉司冠以告宥不詰司隸以告皆有尋丈以詔於

天子公猷何討焉實不能遠事猶憶近者歲甲申召山東丘公及大名石公入院二公上疏糾切官邪甚且當讀之大怒著於厥躬是時姚江鮑公總院事今天台吳公代其位不知嘗

卷之八

卷之八

十四

具疏然二公丰采峻整朝端肅清古所謂邦之司直奚讓焉又其後洪都魏公閣詹公迭入院又皆有疏

上又亟行之曰是不淺昆輔我公茲行必備言今日所急安在者公潤達其真鑑照其精所行事壹如所自明無敢臆疑干其間者夫獎貞白斥比周綱紀在前雖約居後無俾榮惑盡我皇路即

主上加尊朝廷加重真公今日之事矣寅書生

語迂不足當公於是藩臬諸大夫及二三諸閫謀所以贈公者輒用斯語佐觴竊願請於公儻不謂迂也否

贈巡海使者葉公移鎮北平序

巡海使者葉公視師浙以東之又明年詔以本秩備兵北平夫公駐節海上才兩閱孟陬耳遽移之北

上豈不念東人顧吾以陛下為神聖矣往互市議起在廷諸臣無不人人稱便者獨巡海公

止書爭之曰左執政弗善也於是左遷公今互市十餘年迄無恙督撫諸公無不嬉愉誇負功

能取太賞以去安見其左且也廟堂又復略其往也之類而收之吾聞之卓詭無垠沉深有倫是故君子揆策人國有衆人不悟一人乃悟之有當日不効千日乃効之今乘塞者恨莫能一當虜若遠左既得當虜矣薄創之報鹵獲厚創之報倖識乃議者又引繩而搏之然則必務撫之無取創之若今茲斯快邪是故忠賢之佐必

察於戎機何若於國體何若於物力何若然後  
有弗罷何弗吾憚焉有弗鞠何弗吾庇焉今三  
者竟何若矣夫十年何足見巡海公使行之百  
年無恙巡海公之言益信耳甲令三年必令憲  
臣巡察微上諸所堅瑕以聞嘗取諸憲臣報疏  
讀之於前三者或微及之或弗及之然則在廷  
諸臣何但曉寔斯故而巳故曰惡姑馳之必或  
張之惡姑伏之必或奮之公茲北意者

主上萬一振諸邊乎故吾以陛下真神聖矣

東坡全集卷五

七

已持是語語吾郡太守蔡公曰此謂諸邊耳公  
之絲在北平請言北平吾觀公北平不足為也  
公魄盛英傑滿於海上竄注意兵餉無關月校  
習精賞罰信一時耳目為新諸伍嘗以艤艦貸  
官為之負帛金至萬三千積不能問公責之償  
其頤如響又注意民訟牒不以情百訊不止公  
志亮潔皦日在夫與之談風在几席間所勝畫  
一準於正經既定屹然不可動搖適又以捕海  
者率中興用什伍法聯之官與之械使漁自為

防諸兵不得詰問惜公去不獲平功夫以吾海  
視遼海以吾海上諸險視榆關諸隘於公何有  
案前歲吾友顧益卿駐杭已駐劄或謂是主善  
釀意茲益卿又善投壺祇用大斗佐多馬已耳  
此特慨時語人臣朝夕顧謨簡書宜如何盡瘁  
詩曰予手拮据予所將荼予所畜租予口卒瘁  
元是說即萬無抵禦亦固業業不呈暇暇向尊  
壘取耽面哉復以語蔡守公曰然請更進之夫  
塞事即塞堡器具糗糧諸等悞者所玩視老成  
人率置力焉無庸談無已其虞學士所謂水田  
手虞所議勝國忽之後稍一行焉輒效西北邊  
無不可行者愚獨謂宜自公公一代雄傑氣銳  
有心計忠慤自其性然夫天下事以虛鼓馬者  
未有能得實應者也無論文墨之吏議我短長  
且先自謾矣烏乎與成大事往者鳳陽之事可  
鑒已太守求所以贈公意甚盛寅也鄙無能闕  
其大者僅持是說進夫國家萬世治安必此焉  
繫真第一籌也姑無論假我便宜借我歲月公

東坡全集卷五

七

且往而試其可乎夫曼然而以煩事必去之門  
然而以安功必集之若公萬無所謂不可者嗟  
乎又況乎

主上神聖在也

送都水大夫陸君督學山右序代作

上之八年余從御史大夫來長冬官是時高堰  
役竣論諸執事功於是首推都水大夫陸君得  
食俸正四品明年六月大夫凡歷俸七年有奇  
以資擢山西副臬即視學當

卷之八

卷五

十九

穆廟時余亦繇繕部郎視學關中蓋莫不謂華  
迺殊不識吾兩人在事固大艱難也夫高堰猶  
謂坐籌耳人臣研精洞曷與議廟堂之末竟效  
萬里

主上蓋曰若以尺寸效我我必以尋丈報若故  
眉信臆張計無不可不關決者陸大夫也且也  
微獨斯堰今廟堂所崇在節約所貴在實大都  
使

主上質有令名用還海內醇厚抑絕諸請借以

杜僥倖之源而已屬者詔續諸黼衮稍踰常額  
余執不下大夫具疏請曰吳浙游灾杼軸大困  
不勝愈益繁靡如必不得已者請以南水衡錢  
即領於縣官為之便余為聞不獲命余且疏  
且請願捐其半亦竟不獲命也初大夫以都  
水郎出視夏鎮凡三年而入為屯田郎又由屯  
田再為都水故諸郎老於部事無若大夫大夫  
真稱部掌固矣部掌固於於於錯無不辦也又大  
督微暖即勾稽諸籍必謹以付歲筭鑰善緣法

卷之八

卷五

十九

不遠為膠莫即中貴人以私謁必謝曰有主者  
嘗曰吾屬孰非嚴事大司空者烏取徇謁者溷  
諸君為故無苦諸賈因與諸賈市無拂諸貴人  
因與諸貴人市無害諸計吏因與諸計吏市大  
夫誠母之前是郡國有賦其土入者援故事願  
得改折贏其直上之大夫不可此天府旦暮  
所湏而曲為奸者主通議終大夫去幾報寢夫  
是蓋徃余所不得堪寧與大夫有二也大夫一  
日而謝抱牘旁午縱橫握筭之徒而與章甫

掖雖容而質雅義又往余所不得當乃今於大夫行私心翼翼艷之誠有概於大夫蓋博取量而厚引規乎夫善閱必不得加之辟輝善銷必不得施之桂馥 國家用大夫蓋用大夫之著者久顧大夫平日所為守 國家財如其法守法如其官守官如其身良足述也方念夫以尋丈報大夫伊茲始耳故謂茲擢華余往者誠不敢謂華謂且無華則大夫既食其實矣大夫益崇茂之庶幾其永有聞哉

卷之八

序

贈分陝使者原公晉山西副臬脩兵昌平

序

分陝使者原公以部使者來鎮潼關是時關中洊饑民不堪命公宣

上德意壹志拊循關以內無不恃公朝夕者既三年聲迹蔚然有憐於河華之間甚著於是晉公叅藩稱分陝使者又一年又晉公副臬部署昌平蓋秩諸山右而屬之神京以北事於是公又稱脩兵使者余不佞嘗廁賈曹郎凡覩 駕

夫壽山者一陪春秋祀二隨大司空之後相擇壽宮二蓋五過昌平矣當是時不見脩兵使者而見兵則嗶嗶洸洸白虹繞其組練而赤雷燦其戈鋌前茅騰只火烈轟只左肅翁只金聲鎔只嘻哉乎宜

主上之內愉也抑貌爾不佞書生烏知兵其以貌有任之者其不以貌有任之者固不獨在使者顧今日飽飫諸士伍者誰也昌平大抵多客戶鮮土第永樂初嘗擬天下富民實燕京昌平去燕京七十里而遙勢不得籍昌平故督然寄寓率以流與戍至頃之肆青即四方散矣又或治方中則商至役止又四方散矣其受恩長子孫者凡幾戶矣且 長陵三駕 景陵三巡近郊 康陵四度居庸關故綏輯昌平當後繹騷昌平嘗先假令綏州符者侮矜寡畏強禦忍之為魚肉助之為刀俎是脩兵使者憑無已時也然則昌平可知已邑居何幾視如墟井生齒何幾視如浮鴈錢刀何幾視如飛藿此長者之所

卷之八

序

甚念也人亦有言顛沛之揭枝葉未有害本實  
先撥公其以吉心平集之而已今方中之作且  
竣駕且臨視徵發且考午以二十率則司農  
供七冬官供六京兆供五其二以擬昌平耳往  
者諸貴人遇大興作目輒眈眈視不饜不止諸  
將作無如何今聞董者頗戒食甚此於昌平亦  
二十之一二澆也

天子恭默端居法宮雨濡霜浥至情悽惻然後  
一行旋即還軫不浹旬日不敢假於

祖宗銘清流徽密道彌陽和此真

聖主也使者何幸遭之夫以關中災沴萬人洩  
洩莫必旦夕使者悉意鞠摩之率令左輔赤子  
不沾於危亡况在輦下後除有徵寬綽有象  
主上加意元元沛發德音所以噓植良至當事  
者一有滋則百稱篤焉視左輔更易為惠公其  
以吉心從諸父老殷勤撫問即喙息蠕動亦有  
靈也公無忽諸不佞贈公止此若戎事其問諸  
紫荆白羊之戍

贈左轄姚公晉副都御史巡撫寧夏序

寧夏蓋古朔方地云自漢攘斥羌戎河外唐築  
受降城驅蕃落蓋北於是朔方屏蔽關右稱雄  
鎮焉自赫連築統萬以居無何歲耳厥後拓跋  
據之幾與宋相終始別史記元昊世桀驁患苦  
宋宋終不能得其要領迨靈州永樂之役創彌  
甚如夏人殆非粵尉佗闕無諸渚莊躋諸小醜  
易與也雖其人之多技哉亦其地足用也今襄  
城姚公用其地矣敢問公烏乎用朔方夫朔方  
所恃者非黃河與賀蘭山哉恃河而不脩則套  
虜乘我恃山而不脩則住牧之虜乘我夫河山  
障也非所以脩也元昊一么麼子耳乃岍然負  
固與中國抗衡當是時幅幘萬里控弦之士八  
十萬於何取給焉即中國許通市歲賜不闕其  
濟幾何要之用朔方者厚也攷寧夏圖記取於  
兵以保砦取於屯丁以充伍取於無聽山右之  
徵調以恤軍其詳於兵也如是顧獨不及餉寧  
夏初行開中其後不以醴輓而以銀糴於是商



不勝救而責之民餉事蓋大無策矣通聞開  
三年美銀一萬有奇粟二萬七千有奇人臣唯  
不役志於驪事耳稍勉之輒大效使當事者仍  
之歲歲富彊可立致秦諸鎮不患無田而患無  
水環慶間有鑿地三百尺不得泉者寧夏多漢  
唐故渠益支引大河如以膏沐訖鍾當陪他所  
他所給於粟或不給於驪何天之錫寧夏兩物  
俱畀之其侈溢若是往議扶風一郡改食池鹽  
主者恐不給為常課憂夫謂鹽重池耳池以外  
是上皆是物何患詘邪此兩者皆朔方所盛有  
當路乃曰乏人為之夫鑿鑿非機穢歟輶輶非  
桔槔歟諸軍防河在冬冬農隙也春夏得從主  
人課農兼課驪防山不過諸隘其不當諸隘得  
解嚴而從農又從驪意當時元昊崛強靈武不  
出此故曰朔方良足用也或曰古節制朔方如  
張仁愿禦却虜如韓范二公肅服虜厥聲大美  
不以為姚公願迺嘖嘖元昊不置意者眇小非  
倫乎夫數公信有聲然皆為朔方用非用朔方

者公端亮其行事操平致慎開布恩信收恤其  
下他日當不讓數公吾直論事之大較若此夫  
用河山之險為扞衛又因緣其利為精神吾知  
公必有以辨此矣

贈陝臬長艾公晉右方伯序

吳淞艾公總秦之臬事既二年天曹敘公勞勩  
先後秦凡六年矣於是晉公右方伯云余考秦  
記牒若東鹿王公垣曲趙公萊陽曲公燕山翟  
公鈞州任公皆由秦臬長拜御史中丞煌煌乎  
烈矣公治勩不下五公胡不遂稱開府秉旄握  
節大庇西土之人哉夫此祖宗往事也  
肅皇帝時猶能決涂批隘不以差次待一時之  
豪有聲者故矯健者速得志而佻達者亦生其  
心今當國者斤斤守法力行公道惟恐一日不  
白於天下即有至昵不敢決隙而借之公亦不  
願入其械中也非特此  
主上厚有昵於今之開府曰不滿考不遽遷故  
今之開府屏息而俟

主上庶幾俞我也不翅擊匹滿於浦澈後集者  
安所錯趾若是安得訟然而稱之曰前何淹今  
後之也秦地大其人不特猛起又曠嘗伏猶嘗  
竊發是有三邊四鎮八郡之重繫臬是賴顧所  
恃惟歲耳歲一不登奚獨龐也吠將神泉陸海  
無救立枯竊怪唐署考觀察使豐稔為上省刑  
次之辨稅又次之豈所謂恃歲之說邪意是時  
節度使統兵觀察使無理餉邪乃所謂省刑則  
我國家提刑之旨矣公簡靜務潔廉大較用

東坡先生集卷之六

李六

寬博略苛細慮囚大者安比小者平舍未嘗科  
罰志所析楊屬歲屢侵公約戒明閭里用輯以  
故細曠無敢淫逞者公坐堂皇堂皇肅出門而  
四馳騁駢無譁此真具主哉是歲也果豐稔刑  
果省唐之所謂上察臣其公邪或曰唐之故歟  
奈何以況今之在位者公其或者不敢拜吾子  
之明賜也是何然夫觀察古之連帥連帥外監  
諸郡國入則佐一人正與今之內臺埒唐觀察  
吾不能悉舉獨李泌轉饒三門衛次公鄺橫錢

二百萬崔成裁割若神皆著聲陝虢間儻似公  
乎夫古今人豈遂相遠哉行且是矣則前五公  
者誠不獨烈矣

贈陳右轄文公改山右左轄序

今方伯蓋即古岳牧云舜十有二牧分冀州為  
幽并并當全晉敵今山以西強半矣當是時稱  
并州牧者誰哉當是時堯雖用機乎然潁洞未  
就夷龍門砥柱之工方興九州之屬不啻萬國  
各以時觀并州牧於何取辨也禹貢於冀止敘

東坡先生集卷之六

李六

田賦不及貢篚產三金不以治饑不權天府易  
充而難詘如此及周之末全晉裂為三山以西  
或屬趙或韓而北狄遂居雲中於是山以西不  
幸邊虜迄於今岌岌如哺驕子恐一旦孽作而  
供億遂益繁余嘗觀七國時軍其地即食其地  
若李牧居鴈門租入盡歸幕府饗士漢魏尚之  
守雲中也亦然唐李抱真練卒訓農屹然為澤  
潞雄鎮蓋兵與餉猶總於一也至我國家始  
專以餉事責之藩之長於是方伯持籌而校出

人不遑矣郡邑少愆期又走檄督責不遑矣  
財無足而能至者以有導之使灌輸耳今開中  
廢而飛輓無助於我錢旋行旋罷而鼓鑄無助  
於我郡邑帑藏索然如罄設不意旱潦頻仍登  
賤並作即桑孔復生亦且踟躕四顧莫可如何  
已雖然所患餉獨兵耳往山以西嘗怯虜故往  
往尤望餉者今虜弭其尾而乞我雲中悍卒嘗  
挾虜而誑既數創之亦既俯首聽我若然直一  
記曹之任耳夫當事者不惟程効難抑兼才難

東坡先生集

卷五

五

也以公之精審而猶媿媿於夙夜一餉寧足勤  
公頃之公且開府文武大吏為公主餉為公主  
兵公寬厚昌博帥象大常而經垂特遠惟所  
之矣一餉果足勤公邪雖然今天下所患豈特  
郡邑如罄即齊民何所不若廷然夫蓋藏多則  
好義亦益多積聚寡則重生亦益寡是故不難  
以不逞名也而恣為之此非海內之隱疹也夫  
不諗於天下之大較而亟所宜先不可以明風  
昔稱盛美公茲往特餉事而已乎語未已忽自

晒曰余過矣余過矣頃謂公誠計其大且遠矣  
於是說何有矣

贈浙藩左方伯史公遵 詔推恩三代俱

從二品序

蓋頃者臣寅伏讀 東朝暨 太母兩恩詔竊  
私忭舞雩手烈哉適寧 九廟之靈而閭閻萬  
國之歡心永殿我不丕基薄海內外其誰弗踊  
躍謳歌者於是浙藩左使史公遵詔得推恩三  
代云前是公嘗握憲江以西以臬使京已拜三

東坡先生集

卷五

五

代恩蓋三品茲再沐寵命則從二品云於是公  
友僚右使范公圖所以頌公者遣使者謂余我  
等一十有二人誼寔同無敢不恭恪子部民也  
顧獨無憂憂之衷以對揚我

天子休顯大命邪記曰有大福必脩禮以樂之  
禮寔在子其無靳一言之辱余遂不能辭余惟  
尚書四嶽尊矣即禪讓大事不以咨百揆獨咨  
嶽契黻座前無先四嶽者既分州十二置十二  
牧蓋即今之十三部雖廣輪奐不牟固猶唐虞

之故也大抵內統外則周召分陝稱二伯周宣  
所謂方伯也外系內則漢稱尹稱司隸與諸侯  
王等唐稱節度未大而為藩鎮無論宰天下全  
與居天下半諸若疆土疆列命令浚宣固均之  
巨重已柰何恩數不隆異也史之先多聞人自  
廣武公肇作偕其弟南給諫公並聲而驅里人  
莫不指目之曰是篤天賜者迨鴻臚公嗣起游  
退齋甘泉兩先生之門守道之澹節約自維於  
時萬宗伯公與慶嘗歎以為吾黨師也其鍾也

東坡先生文集

卷五

五十一

如此宜必有受之者吾觀公初稱諫議作朕耳  
目既乃宣力奔奏作朕股肱方行天下殆半往  
之無不著績者公器度敦潛弘雅寬博高亮未  
嘗以聲色厲人亦不以假人暨於吾浙默而佐  
百需靖而救萬姓盛德在事山恃以寧謐海助  
以津潤夫四方大矣戴聖氏曰大臣慮四方則  
謂夫內之部之者也其誥多士曰俊民甸四方  
則謂夫部而外行之者也若公可謂能甸矣  
主上藉此詔報公可謂不負公夫恩數胡可易

言也是故祿有及祖今爵及之矣父或不及祿  
今及爵矣母或不及例今例及之矣凡皆天宇  
方曠非唯雨之又大沛之昔者先王承天道以  
治人情是故天有定命而人有防赫赫彞憲  
人臣不敢意焉及其發揚調萬物蕩曼雲行時  
溢於其域萬國式食斯之為盛然故曰禮時為  
大順次之諸公所謂脩禮以迓福倘謂是邪夫  
此天施不可易微也在昔五長弼成九牧壤設  
無不垂紳端笏羽儀天路光輔上京嘗聞富沙

東坡先生文集

卷五

五十一

李公以方伯召為司成未幾即為太宰此吾浙  
事若康僖陸公由方伯入為大司冠則吾鄞事  
祖宗朝盛事多有蓋唯才是陟何嘗內外視今  
之由左右使改御史中丞開府作鎮常調也夫  
有非常之抱必有非常之遇公益思所以導揚  
仁風厚迎釐祉 帝鑒日在茲必且大錄公以  
風四方公其永勸相無忽焉

東坡先生文集卷之五

書記周禮寫

農丈人文集卷之六目錄

序十二首

送大司馬王公致政序

贈王太常序代作

送同年史君授南駕部郎序

贈寧海令曹公 內召序

贈鄧令翁侯應 召北上序

贈王方伯拜順天府尹序

贈顧令公擢南北部主政序

農丈人文集目錄卷六

送歐楨伯任南屯田主政序

贈憲伯范公擢右方伯序

贈婁東沈都閫擢廣東叅府序

送鄭龍岡先生之任永寧州守序

贈虞曹從事邵以載序

農丈人文集目錄卷之六

農丈人文集卷之六

古鄆余寅僧果著

序十二首

送大司馬王公致政序

今年乙酉三月兵部尚書閣 廷議推霸州王

公報可頃之七閱月公請謝事遂賜公乘傳歸

今北虜貢市十數年不絕稱有羈縻恩西南夷

亦稍芟薙稱有威伐寓內熙靖似無煩過慮而

識者乃私竊計他日壹是巨有憂者於是公從

農丈人文集目錄卷六

大司徒改大司馬豈謂姑試公哉公性精敏健

決敢任事戶部時謂百姓皆瘼不務本業希望

浩蕩吏不急公上市閭閻沾沾細名即 國家

一旦緩急當何告倚於是定經制慎管鑰嚴鈞

稽裁僥倖日用斤斤以儉覈為法守夫人臣論

事何難任事難耳是故上無避忌下無觀望前

無掣曳後無批挽任此何難唯夫尊或冒乘輿

微或涉城社重或忤廟堂隱或許僚友我謂朴

忠人或曰過激我謂狂直人或曰太褊如此而

任事是任怨也衆所共是五亦同聲衆所共趨  
吾亦接踵若此者何難任也唯夫未病而驚走  
非痛而嗟嘆安辨泰山欲以毛毳敵之安睹洪  
河欲以葦苔障之安見利百而以睫論安知害  
十而以臆斷未收諤諤之譽而已屬容容之駭  
此而任之是任禍也故曰難公之為戶部嘗率  
是及其改兵部猶不忘戶部謂某事宜與某事  
宜罷至騰諸論說以為人臣為縣官盡力如斯  
止爾且夫臣曰祗若而天子曰庸若亦視職所  
當也其以响嚮董董取辦已名則得矣謂國計  
何故觸事多感慙孤立行一意未嘗左右顧其  
視與波沿洄外稱愿謹內寔有隱伏心其徑萬  
里若公於今世亦號為寡儔矣洪武中凡更本  
兵二十三人大抵再歲或不滿一歲而更乃如  
少保在部凡九年又蹶久嘉靖中凡更二十六  
人大抵不滿三歲或一歲乃楊少傳十年又獨  
久白靖難迄正德一百二十年而更四十四人  
其最久者方臨安白南宮馬鈞陽或十年或十

三年今九年間殆七更本兵謂才者必久公獨  
非才邪謂才者不必久乃數公又太章較如是  
或曰如公再出再入楊公再謝再起公他日幾  
似之或曰世率不觀於瑜也而務求多人鈞陽  
公家在事久即欲謫數鈞陽公者改北嶽增錡  
吳淞兩事具在試問今後坐於鈞陽何如也吾  
於公厚此兩語庶近情雖然吾終不敢知吾竊  
聞之功名非我有許遂之則遂之富貴非我有  
許就之則就之骸骨非我有許全之則全之人  
臣律令蓋如何論久近夫略於帷廬者無畔  
濶於尺幅者無涯無程而進何日斯既所謂靡  
革誠大裂亦隨之故茲歸是止道也  
主上許之矣然則何必借不可必知之說為公  
解也

贈王太常序代作

往代諫官取於補主之闕遺如周禮保氏惟曰  
以匡主而已非必與參廟議使執政拱手相讓  
以為莫及也自唐令諫官隨中書門下入閣議

事不可則執簡而擬其後是諫官上箴主下肅  
百寮中叅輔宰臣偉乎艱哉 國家昉唐之貽  
置科臣一準六曹以司封駁蓋曰即不立中書  
省者六卿固與中書省等而六科又與叅輔中  
書省等故余長冬曹官而適與今奉常王公相  
邁密者凡餘一歲所王公飭厲端謹洞矚於當  
世之重大務明白開說慮存大體不喜過為訐  
激以虧渾雅之度余誠不能窺其大獨於昨歲  
恩澤疏竊歛衽服公疏曰 皇極門朝宇慶所

東坡先生集

卷六

四

倖之萌

誠尊嚴諸臣脩治誠勞然止易一棟耳而中貴  
人盛為陳乞何其亡等也請裁抑一切以杜僥  
倖之萌  
上以屬臣某臣伏自惟所不敢輕冒諸臣者諸  
臣分也所不可終沒諸臣者諸臣擢居居多  
上雖臣議於是卒用王公言匪須有差羅諸胥  
吏不敘夫功不見圖勞者何勸乃上以不訾示  
特假則下必以無涯恣非望古之賞者及胥徒  
則名濫及嫺昵則名冒及縉流則益謹群不逞

非所以昭典制之大示至公於四海用以風勵  
無競也公蓋鏡此至哲故默發是昌言禮曰事  
君大言入者受大利小言入者受小利公茲擢  
太常其以大受大

主上又因是識公余於是益感古者醇酎之喻  
誠有所謂更為陰陽迭作日月其誰卒澤於斯  
味也凡今在事諸將作稟有終始以往無敢舛  
違他端以蹈於辜咎蓋皆舉億萬年所厝注謹  
攝齊之即

東坡先生集

卷六

五

祖宗在天必盡臣等許也夫嚴常溺故任其敝  
陋略不為念循守歲月充大位而已臣等固能  
之語曰桃李不言下自成蹊王公前疏蓋以不  
言言且也安敢謂王公同夫王公亦猶佐雖慎  
執調而使人甚宜其劑哉故謂王公達於國  
家之大致已

### 送同年史君授南駕部郎序

暨陽史元熙氏既拜留都駕部郎瀕行余生偕  
侯元甫氏合尊祖之酒未半元熙氏執爵而請

曰載南矣往余生嘗許我之南也必有以贈我  
茲其日矣余生曰試言駕部乎何主元熙氏曰  
駕部主輦衛直廐牧傳郵諸事而已輦輦我  
知之衛直我知之是有差簿在廐牧則印俵抵  
欺色蓋洧謾我不能悉知然不敢不知若夫郵  
傳非南駕部主也主諸薦獻所謂黃快船而已  
我愈不能知矣夫天下事稍一凌厲輒遽湧而  
起無難為者獨夫權有中制柄有旁落則跋扈  
之為阻而掣曳之為億其不躋章亥之步而窮  
容成之筭幾希生豈有他端可以開牖我乎余  
生曰何謂也元熙氏曰生不嘗持白下乎夫朽  
樁敗鱗鱗次關外若浮漚然頃之灰滅矣猶給  
守者主名具廩於公何其糜也然此直其細者  
吾能請於大司馬而更張之其以薦獻往來潞  
河其糜特甚夫所任載不能一二鈞不能一二  
十本而主者莫為詰大抵費在縣官而利在中  
貴人中貴人翹首而望奇貨之入已不勝臆志  
大騷諸遽以厭溝壑何日之有往吾邑嘗有

之獻應是役者必罄乃家南太宰會稽趙公  
請於朝歲止供二十之一附漕舟以北大哉  
趙公深衷隱惻培厚萬人是一元廟之靈哉吾  
欲請於大司馬不能止舳舻不北亦不敢裁  
太廟品食一切會計斤石稍與艘稱庶幾趙公  
遺意可乎余生曰姑無驟也夫趙公得請其事  
在一令君今所請得無不相似然夫剏駭俗之  
論者有握而釐積習之弊者有機如元熙氏所  
指非以朝夕曷以至焉非以城社曷以至焉宗  
之何驟也余生竊濫水曹其事幸不與中貴人  
連夫與中貴人連烏見不可不與中貴人連烏  
見可天下事陵夷於畏事之臣亦或決裂於喜  
事之臣書曰慮善以動動惟厥時元熙氏其往  
而叅觀焉元熙氏與余讀律御史大夫府中凡  
五月與元甫氏凡九月元甫氏嘗與余言每見  
元熙氏輒謂廣美視曩時彌進矣夫操淵沉之  
慮度萬不可僥倖之幾諦前真後必究勝圖為  
時名臣吾知元熙氏必有概乎爾也元熙氏謝



白載不敏敬以余生言從事駕部明日遂次其語登之楮素納諸其行李中

贈寧海令曹公 內召序

昨歲余還甬上輒聞台人士頌寧海曹令公治行蓋夷然異之大抵公性度醇謹博大而寬平艱巨卒然當其前委蛇應之窳繁自中以故有請於上上勿謂違以之其下百姓莫不拜其賜詩所謂不解於位民之攸堅庶幾哉可以語公矣於是考家之明年芝產於亭之左廡其又明年芝又產於右廡邑人士交頌之曰是有靈司之公之內命且至芝告之矣無何 內召之命果至於是邑人士謀所以贈公者余謂公茲行必直司諫或司憲此兩官者審邇

主上稱耳目之臣視曩時州邑何翅霄壤哉顧吾以為仕道無二絲撫百姓勤厚斯事天子必不欺東京密中牟兩公其始一令耳其後平章軍國為帝師傅聲烈至於今不墮寧有他端積謫恂之極是故下習而上安之堯舜之世日月

東坡先生集

卷六

上

東坡先生集

卷六

光

光華星陳爛然猶聖譏說珍行曰庶其不震我師此豈直龍事蓋公今日之事矣余涉世亦淺當在其途亦竊惜往嘗見諸公若麟鳳瑞一世竊忻慕効之至願為之執鞭已而不必然或見諸持議微激至令相君待罪甚者遠及乘輿幾蹈不測以為貞物金石不謝也已又不然嗟乎臣人啜明水而已何煩五味錯出既厭其意猶稱嚙邪公亦篤厥素絲乎余又聞之天事遠人事邇以為恒理不爽乃固有田易時是故發

慎斯道也在主上左右何者不可萬或問井一心而朝寧又一心若農之無畔貿貿何獲吾是以極歎夫堯舜之世而繼之又懼夫格天易格人難公能其遠者又何難其邇焉不然芝何為哉芝何為哉

贈鄧令翁侯應 召北上序

國家推擇郡邑吏若理若令必以間歲或歲以充諫垣及御史臺之闕邇者

主上湛精政理不以樞要輕畀外吏之有聲績者所司據故事以請輒寢不報蓋六七年於茲矣乃昨臘忽發德音登視故事以名上於是前後牘俱下而吾邑翁侯與焉蓋自隆慶甲戌迄於今二十幾年外吏任稍久然未有若今日頗稱淹者語曰君主園臣執方園故常行意方故常陳力 陛下聖明意可揣而知大都抒忠奏亦俾海內又安社稷永有歆以增益

皇康之光而已今天下所可虞不在表商而在襟腹是故事有既然人多相視而歎夫相視而歎非忠也人情有將然又或不必然以為將然又若無倪以為不必然又若有倪夫從其有倪或從其無倪非許則謾是故摠忠難也則吾翁侯之日之事也無不綽然緒者矣夫侯之為政既效矣以其表覘其衷以其往覘其後是故其

志悠以遠者其綜度也必豫其慮績以庶者其衡校也必審其體諒以達者其操端也必平其氣雅以醇者其吐布也必婉夫天下事未有鹵莽獲者也又非可旦夕遇以侯之視士民恬蘊煦育若與之胞類若與之肺附有垢可匿匿之有癥可滅滅之推其至豈直父嗟伊子母嗟伊季無若離衷乍與判息者哉絲斯擊也以周旋於交戟之內其適當

上心或可得八九夫言出而日月光六合泰寧使主上耳加聰目加明人臣之至願也顧其盟之幽獨酌之深微察之轉會滌腸而出之鞠躬而將之所謂遵循循之理而竭髦翬之忱非吾侯素淵且懿其誰能之諸君試觀

主上意念與其行事殊無他端誠如漢臣所謂爽靈威武所鼓舞變化也則真聖主也此豈庸攀檻碎玉階引落御裾始乃感動乎他時哉冠紳帶歲綈綬頓首青瑣門外

天顏悅喜俞哉朕茲試矣必吾翁侯可賀也方

德音未下時或傳靈臺言今年蟄者天關宜動  
獻歲蒼精在次天門當大開宜有奇令未幾推  
擇之 詔果下意左右角間及尉郎位宜輝曜  
異常日夫登延鴻碩非細故也是宜有徵於天  
垣宜在侯侯行矣尚慎旃哉

贈王方伯拜順天府尹序

國家設順天府尹如漢京兆尹顧府尹之治畿  
內也與漢異漢之為京兆負赫赫名者可指數  
大抵用威嚴搏擊豪健無悍宗無憊側內豎無

農夫个文集

卷十

十一

武斷閭里大猾使其四境之內斬然若一而已  
匪是則為不稱厥官此無異故漢用霸道興人  
主如武宣者大有雄心故其臣率以猛濟之於  
是聲名遠起前後相跡效如一轍固有以也  
高皇帝承勝國弛蕩之餘截然更始綱紀區寓  
甚密蓋其時使然顧所忌在螻鷃之吏而所計  
喜在齊民之隱可謂至仁歷 數聖祖用為治  
是故膏澤自首善而流被萬國當是時豈無若  
漢臣才者然卒不敢倖導揚之自以傷聖化已

烏疑其所以異乎於是王公由左方伯拜順天  
府尹將軌則漢臣邪抑奉揚

高皇帝仁風為元元延命也今畿內所禁奸詰  
懲備旦暮非常則厥衛五城寔司之假令虎而  
冠者為司隸為城門大誰陰擎酷烈見謂功能  
十室而九糜折美公復以郅都甯成諸中尉所  
操術馭之子遺幾何更堪此掊擊為吾知公不  
能也且亦非公所忍未樂初詔徙富民實北平  
府當時號為殷盛爾來二百幾十年矣四方轉

農夫个文集

卷十

十一

徙更相凋謝土著鮮少其嘗策一蹇蹶躡九達  
中獨勲戚貴人甲第翬魚翼如也其子弟驕奢  
鮮永怒馬日夜輻輳不惟本業而圖不逞小民  
戴命獲與廝役以為有福不然者樓櫓惜面枵  
腹而立盱眙詩稱商邑四方之極誰斯及慮者公  
馴穆周謹其為方伯不煩替責而事畢辦京尹  
自洛共歲事三四大禮外何事可辦夫辦非可  
以語公何者捕逮以詔東而厥番直巡鑿以詔  
錦衣偵邏以詔五城其事雖不盡效然奸宄不

甚橫庶幾補塞一二公復何煩公直坐堂皇心  
惟而躬徇之以拊循

祖宗之赤子而已夫皇莊逾制而小民病皇店  
肆張而賈病部役重而商病其大者不止此三  
事也三者率倚中貴人為之市惟其縱橫不一  
救則法病一語甫及其事竟牢不可奪則法益  
病公其柰何今或忽銖兩必期均石忽尺寸必  
期尋丈其志非不遠而其施不究欲百姓稍淺  
澍吾德意無辭也公視力所至所在在俯俯之  
農丈人丈集卷之十四

所在在下下之所謂小救小益大救大益期於  
培護元氣以鞏固國脉名之曰社稷之衛豈  
不快哉夫人臣不務德不務威當其時則致力  
焉况公篤慎人也儻有當於吾言乎

贈顧令公擢南北部主政序

江陰顧中瑜氏令慈谿凡五年擢南京刑部主  
事余乍聞之大詫以公之治行章章可紀乃者  
胡以酬塞公勸天下之良有司邪或曰君胡作  
此嚆語也前歲大槩外吏公幾不免茲者

主上明聖天老率其屬敬共將事不入齟齬之  
口語而公乃得南也公真微厚幸已胡詫也余  
聞之益又慙夫令猶雨也沛之滂沱沫之無載  
雖細民無勿响濡者非怨物也雨之於沙也飲  
其於石也拒公之雨豈投諸石非投諸沙邪胡  
不見德也非不佞所能解也國家以諫垣臺

察懸之法象而使人射所謂金注也

主上珍重此班不輕畀諸君初謂公不探囊耳  
假令舍趙克誰當畀斯印者寧知其不然然則

農丈人丈集卷之十五

公所斷得之直帶鉤耳雖然

主上猶不以康瓠視公公真大幸邪公貞良簡  
脩英乂而伉執氣常光澤景常開霽較諸曲心  
詭應毀方破道之流何翅百舍初下車輒改建  
縣治興大工役余初亦以為驟乃今而誦烈也  
且又以夙夜見劬捐俸與贖鍰見蓋又繕治學  
宮諸青衿色為起今人一入宦輒有炎心不勝  
炎即不勝巧人語我默人踈我密世所以多容  
容之態而鮮蹇蹇之躬國家事柰何望理公萬

慮在前斷以一決所謂必成然後作必久然後處是人吏之至周也其於訟來無置去無枉即上官屬之略不意移催徵有科率不苛而集轉輸惟所宜委諸胥不得旁緣為奸又公之餘事大抵公奉身約有所營建不給即問俸尚餘幾雖有束矢不亟其入故廩是公上一取若夫才謂恢廓計數精敏出之以直義此心如皦日人覩見恐今日海內公殆上一選余林居甚靜關人甚審與公文歲不過一二接顧吾所耳目農丈人文集卷六

甚罕也正恐吾評太迂苟吾評不迂即南何不十一可者嗟夫今人薄南不顧得至或以避忌閉其影以游賞情其肢以涵汰鑠其精此不肖人所為公必不然吾聞公蓋吾同年顧叔時門下高第弟子也而又交於王承父叔時剛果不能利方是以屢踏夫師不揚弟子何必揚不觀浮丘伯之有申公王翁思之有褚少孫邪承父耿特士其所劇切公何若更叔時平生之所規約之者必可以窮而終老一丘可以達而輝扶九鼎

公其奉斯語南乎公進而侍吾友司寇趙公公邕聞而稟能令吾膽益決退而復習師若友之故訓能令吾齒益堅今國家事不為少矣責任將至艱巨不易勝陶征西有言過爾優逸恐不堪事

主上行且大錄公公其繹思吾言則茲南寔厚藉公不淺矣

### 送歐楨伯任南屯田主政序

初余與楨伯交蓋在廣陵時是時江以北無能詩者獨太原陸弼崛強諸生中誰能詩廣陵人莫之信也楨伯一見奇之輒呼為老友不與諸弟子儕等於是廣陵人翕然稱陸生曰豈其不然而偶獲重於歐先生蓋楨伯雅善詩其為文人又若是於是四方士謂楨伯矜習雅道凡好事靡不走集楨伯之廬者當是時吳元美子與齊于鱗楚明卿用燿煜勝於伯無天人人與交而吳又有子威用闇湯自勝楨伯又輒與交諸子紛紛顧與楨伯交者又不可殫數於是楨伯

農丈人文集卷六

名若注射往往滿鼓而宦亦稍通楨伯初起家  
邑博士已又移州博士已又移國子博士已又  
移廷尉平四遷而得南屯田郎人或謂楨伯可  
矣茲之擢也夫賈董鄒枚豈不燁然稱有令才  
然或一再見天子卒乃湛身左官或從左官見  
天子天子略不異也意當是時無不惋惜諸君  
考迄今去之數千載猶然楨伯特不為左官耳  
其距幾何奈何獨可楨伯云也今世詩人好自  
晃炫唯恐觀者不暴已而嚴已足故片言則輒

東坡先生文集

卷六

十一

盈片言則輒嘖此何為者余嘗與子威論詩子  
威謂我之自効也與効人其明無兩楨伯不務  
苛人務尚諸有名人故元美子與諸公率推許  
楨伯又務尚古人大曆而下不顧迹其故軌也  
蓋楨伯於斯技盛氣以須而性又淵塞是故於  
所博瀚無不詮貫於所徽懿無不淪巽故詩至  
楨伯可謂有其難矣傳曰富如布帛之有幅焉  
天之幅楨伯甚矣獨於詩名不幅吾楨伯雖彌  
六合垂百禩亦若聽之故論楨伯者在詩道通

不在宦道通也天生楨伯授以菁華服在人采  
纈可謂不負楨伯楨伯實有完佩無斂於人斯  
可謂不負天 國家祿楨伯即無所崇別者固  
不以為具寮數可謂不負楨伯楨伯陂陀養厥  
素絲垂二十年技乃益適翼焉雲興景與鞭行  
大雅光明示彼術康可謂不負 國家以此可  
楨伯則是蔽楨伯平生非向所謂可楨伯者也  
往者楨伯嘗譚羅浮幽絕意若靡靡向之顧視  
南中鍾阜諸勝何若二屯田郎誠不足羈楨伯  
楨伯烏得薄屯田郎乎暫一盤桓也楨伯南必  
且過廣陵試問陸生所謂鍾阜羅浮之勝生必  
有槩乎爾也則楨伯雖稱吏隱可矣

東坡先生文集

卷六

十一

贈憲伯范公擢右方作序

憲伯海陽范公原易握符佩劍揚采畿服蓋三  
十年所矣所至率稱理乃所為經紀庶政訓正  
民俗大抵尊孔氏家言今世尊孔氏家言者謂  
之講學夫洙泗之濱水畢朝蒙繹之區山盡拱  
振鐸所由來矣顧夫冕鼎魯以為真齊以為贗

於是孔子通前括而歎江河之下趨是有為已  
爲人之戒後世述其語而反之曰古之仕也爲  
人今之仕也爲己黜者公然竊寶玉大弓軒然  
自翦以舞於交達此其資絕人世何可多得則  
靡靡者不足倚太事亦庶無罪悔吾所不忍言  
直外無改錯而內寔浮囂蓋亦式玉蓋亦式金  
而不勝其醉飽之心故今之講學豈直自履又  
將繫人御史大夫姚江孫公嘗言吾年友原易  
高閭家有品以今觀公生平視道如尺奉尺而  
與旋不枉跬步若書嘗言某也可吾友之遂令  
吾子師之嘗顧某子甲而言某法終吾任不敢  
易也某事利百姓恐他日遺之以不便竟不上  
聞公百福主其自盟於神明若此茲來吾土稱  
巡海使者適海不波溢無所試其技略時一按  
校戒鼓之閩抵令鯨鯢駭而遁耳無復島氛動  
我黃鉞者即昨年異艘一事謀慮遠符開府公  
蓋風誤之而風還之無足紀乃公所萃萃固不  
離本絲初下車輒以晉江蔡先生密箴論諸責

矜紉艱之繼文以朱陸二先生鷺湖之辯白黑  
隄之乃卒無應者公一嘵矣金水門之役諸臣  
赴義者館吾郡蓋五人焉郡乘止錄戴公而遺  
四梁公此何以維天柱而為委贄者勸也公又  
一嘵矣夫孔氏之教多術而約之在嚴公之嚴  
自身始是故布之條方以崇雅示之簡牘以尚  
儉必吾士者毋誕業必吾民者毋幻集行之甫  
二年遽擢右方伯去當公在事日常賜天宇爽  
徹歲常稔土脉豐涌饒熟物產殷殖孰天無  
明孰地無察古德之士左右宜上下際此豈偶  
然事邪於是郡人熙熙意相假曰公胡不遂  
淹吾土乎夫道之云巨非仁不凝道之云遠非  
勇不達是故君子虛衷以受之重趺以赴之皇  
皇戰戰恐夕不至朝公施之豫章頗久茲施之  
吾浙也三人情不厭望久公無寧謂我知之復  
知之莫誰者者規之復規之又伊誰夫君子有  
其旌之胡不堅之公所自嚴者炳如星鎮永寶  
之彌懋明之抑庶乎可矣於是署郡事司水魚



樸氏司度巫南金氏司李何士晉氏聞之以為饗上賓以太牢寧踰斯語者遂侈之為贈章云

贈婁東沈都閫擢廣東參府序

余始睹都閫沈君於其班其幹不滿六尺其貌豐澤其容止循謹一似儒者已諦眎之則又警敏恢達與之語有遠致粹焉問之以其故能章章道也其年才踰四十耳其穎初見其至烏能概之夫我國家之維海內也密大抵若疾疾然大慮大維小慮小維九塞無論已蓋浙閩既

東坡先生文集卷六

二十二

寧而粵事興粵今者稍平則滇蜀之事興其始一二不逞假息潢池耳既以戡定即稍用煦嫗以與未殄之游魂少舒其旦夕此上帝之心也奈何取怨於虔劉無復遺育人情不甚相遠吾愛張弧彼亦念其顧奈何掠人之膏血三疊三浴之以自薦於郊廟而速得志也故嘗謂諸寒吃吾人以媚夷人若粵者湯夷人而并殺吾人蓋火烈氣甚於應潮之間自羅旁之役數年不見有報捷者于是時吉日初升福地乍啓其人

式歌且舞若慶其鱣之再徙也而沈君適至夫沈君者所謂迎穀于天沙雨下土者也吾聞之祥人在事祓除妖氛而導迎和厚以布閭澤於其鎮豈唯其人之良亦其土之遭也不祥人在事恣睢作戾而亢怒用違以降淫威於其鎮豈唯其人之無良則亦其土之遭也如謂為將者膳必人之肝餒必人之髓然後快於韋韎者之志則是國家樹鉅而傳之蛇矛也此邦之人奚罪焉沈君要來依於整而其宰造依於忠嘗

東坡先生文集卷六

二十三

稱其先子好行德竟其身不衰歿而猶詔之天理使周旋奉之余諱其行事似其秉其所遵循似其先人吾固以為粵且有遭焉君嘗備淮以南淮之萑葦無警又為障障渦之水不使震於皇陵大抵任威什三任德什五况粵土清夷何威可施曩者猥掄自嚙其人匪惟不宜復之即獲之吾知沈君固且不能君盍職思乃居苟伍服習械率利精給足俾夫如猺如獯如倭如浪如蛋分背而去無扞吾網可矣無從大人為噪



憤禍吾人也羊叔子身不被甲時出游收待備  
鈴閣不過數十人其坦腹示人如是迺其為督  
一切綏懷開布恩信吳人降者聽之去俘者縱  
之歸寇者宥之往刈穀必償獲禽必還其待敵  
如此粵何離於我而掠之以為高官大爵之資  
也故茲往亦君輕裘緩帶之日已君由武科起  
家康辰第三人已入賀大司馬有校稱第一  
人然則君何以報國則吾前所陳所謂無作  
不祥無灾吾寧庶幾無墜爾先子末命則誠可  
以報國矣沈君勉矣

東坡先生文集卷六

二十四

送鄭龍岡先生之任永寧州守序

隆慶庚午古田平朝廷重古田不可卒化丁  
是改縣為州為今名置守尊與之守闕于是以  
龍岡先生往先生倅吾寧其聽決如電其操潔  
如水世之所謂有才具吏也其可以字先生所  
何限而竟得是官于是不肖寅誥而謁吾郡公  
郡公曰何詫也曩古田未平難在平既平難在  
守耳古田者兩江之巢窟而廣右之奧區也

東坡先生文集卷六

二十五

田輯諸郡舉輯古田騷諸郡舉騷廟堂藉一州  
守庶幾慎固一省意可知乎顧若不顧往于是  
寅又詫而謁吾郡理公曰先生之不往也何郡  
理公曰以太夫人為解先生之以太夫人為解  
也得非恐貽太夫人一旦之憂邪雖然吾必以  
為無庸當黃門公抗疏至再三廷杖亦至再三  
雷霆摧擊無不糜滅太夫人且甘而不為一旦  
憂庸知茲往遂有一旦之事而必貽太夫人憂  
邪丈夫一身耳業已許國豈能復念其私太夫  
人苟願先生之念之也先生官吾寧頗號樂土  
不願就先生養而甘與其婦若孫于于而寧處  
若忘先生不謂偶然得遠惡地而曰以太夫人  
為解也且先生倅吾寧幾三年無一點于官箴  
此特仕者之常耳未足以列于不朽之林也微  
倅往而附循諸夷諸夷回面內向遂成寧宇大  
則廟食報稱固極小則鐫石傳于世世凡今之  
人誰能免于一旦如是而一旦固先生之千秋  
也假也黃門公而在有以此州當黃門公黃門

公必毅然往如寅所謂千秋拍假也有以  
語語太夫人太夫人必慨然泣下矍然起立大  
賞寅所謂千秋拍故太夫人無庸解也郡理公  
曰然則其往之也宜柰何寅又應之曰諸夷亦  
人耳顧諸君不解人之說也率用奇鬼相視條  
而為眩厥狀無筭條而為祟厥狀無筭是以斤  
斤者處之故遂猜之靡靡者處之故遂懾之霍  
霍者處之故遂激之此何異駭獸而搏之先是  
縣治寄郡城去其民一百五十里而遙是棄其

東坡先生集

卷六

十一

民于諸夷也平日閭閻不習其民民想望上官  
如想望天帝不可都見遂使諸夷敢干魚肉吾  
民謂其守不必知知不必恤也而其禍遂蔓引  
至今吾顓先生單車往止攜蒼頭一二人往而  
普州治還歸本疆釋銜轡決藩籬竭其情而與  
諸夷與其大吏約毋文法苛我毋用常課短長  
我與其同官約劾飭深滌咸慎大貞毋或俾諸  
夷竊笑我與其土目約謹治爾生我則生生不  
善爾生戕我嘉生我則有大降青示以悃悃

以浩蕩洞中廓表如日月無隱于諸夷諸夷  
不人人仰首聞堽鼓舞永敘幾可必集古治夷  
多能臣或力得之或撫得之其軌非一今國  
家威力既芟雉之矣則其急宜莫有加于真信  
雖神乎猶聽于誠雖騾牝乎猶聽于塞淵如是  
五年七年諸夷有不以先生為慈父母為神明  
主寅誠誕人不敢復稱弟子永辱門下此之為  
替先生千秋之業也抑何如郡理公大然之遂  
次其語贈先生往而以質于郡公郡公曰果然

東坡先生集

卷六

十一

廟堂藉重鄭先生不虛矣

### 贈虞曹從事邵以載序

今六曹郎之屬得稱從事邵以載既授敝大  
屬在虞曹因號邵從事云邵初受事繕曹頗久  
已又受事銓曹銓曹大夫曰是家有勩於我我  
且還若玄武署為筦庫何如從事曰是所謂水  
衡錢者府也待次者莫不斯艷且何必歲徒鑰  
華春短揭哉銓曹大夫嘉之適注厥大使厥與  
庫不得並日語一恒子辨之矣此可以觀從事

也往余在水曹邵已之銓曹及余徙膳曹嘗  
邵譚玄雲司事何其變然至或救日即小臣微  
有耿特小星耳其與幾何邵從事曰雖然往余  
職主諸酋袍服大抵歲用紵二千有奇其後以  
俺酋款塞歲增一千五百有奇歲苟不乏犒即  
不問內帑索取徒腐之藏中又取藏中所餘初  
就紵之俱成賞餘繒充繒餘纁充纁非直一而  
已如是三年凡縮紵三千有奇余敢口諸惟小  
臣一日之私志爾也從事曰固然往將作大匠  
謬相愛重屢令執筆不執筆是獲無絀於吏議  
不然者姑無論君等即諸貴人諸史諸隸寔有  
禍心如祚於叢戟之上而固為安希不飲刃矣  
此為諸曹即言之君等且朶渠何從事遽然大  
恐伏首在地曰正恃長者為大規也願極言之  
蓋呂覽號之三群之孽固由緣習亦或在招是  
故以其身脂而後臊從以其身膏而後膾從夫  
招何忍也昔者繕曹之大夫嘗向余問從事無  
安在若繫其念思者大較謂從事輸心計事無

謬悠不貫與下人比私營宵窺是故銓曹大夫  
之委信之也亦維是故移之說非所慮於從事  
從事於稠衆中稱獨賢者其責乎乃何憂厥  
大使也昔神禹既擒三苗以屬其臣康辰治  
之水怪隨而號跳者數千康辰不經見即班孟  
堅敘古今人表亦不列其氏名豈垂益等邪垂  
作共工又讓於殳斯伯與益作虞又讓於朱虎  
熊羆虞者官山澤康辰或益之佐乎乃古人不  
虛讓即不遂讓彌見其技果不我弱此即繕曹  
大夫問邵從事意也周禮六工今虞曹轄其三  
從事所業正與殳斯等於戎器函與矢為多古  
者能其官即以官為氏能殳名殳能斯名斯至  
使垂頌言聖主之前不敢當右今厥率三歲一  
更官豈皆精其藝者歟要之不闕歲供即號曰  
能故不確不難不涅難也試使鑿鑿足衛鉅鍛  
足扞弓不下繫弱矢不下鏃姑而或以涅而以  
語人是者咸中程也即無論曲張遠望諸神誦  
我詰者且至何計可逭余於從事忽躋之古人

忽懼之以今之人蓋所効於從事至忠矣從言  
念旃

農丈人文集卷之六

序十首

農丈人文集卷之六

農丈人文集卷之七目錄

序十首

賀封都水大夫陸太公七十壽序

賀趙母封太夫人魯氏七十序代作

游壽篇贈翁太媼薛氏九旬暨媼勅封

孺人王氏六旬

贈少傅松谷陳公七十壽序代作

吳一塘慶士偕其配金孺人七十壽序

封左都御史梁太公八十壽序代作

農丈人文集卷之七目錄

楊泰媼王氏九旬壽序

賀趙母七十序

贈吳原禮先生七旬壽序

再贈吳原禮壽序

農丈人文集目錄卷之七

農丈人文集卷之七

古鄆余寅僧果著

序十首

賀封都水大夫陸太公七十壽序

歲辛巳吾師陸先生由都水大夫副晉臬奉

璽書稱督學使者是時法操內外吏頗急一切

不得為道里借先生慨然曰我寧棄官耳安有

去離膝下七年而不得一侍朝夕膳胡名為人

也於是寅等諸門下士請於先生曰何以亦達

農丈人文集

卷七

十一

太公至而娛之先生曰若爾者其懸在吾封大

夫矣有如萬分一不吾許者我其維谷之人邪

且封大夫明年七旬老矣諸君請為我視日景

於是先生不避焦暑無程走吳既謁封大夫迺

走晉則報寅諸君幾誤我果然不許我者達也

若其為我圖明年觴事矣蓋先生錄寅等於南

宮凡十有八人寅長寅襁褓不習通負健自

喜每上輒報躍微先生幾灰槁巖間既寅受曹

事又得朝夕馮習以無慙於作使故氣密又黃

若寅於是寅時時問太公狀先生曰封大夫故

無滯情往先太安人在者一不煩封大夫今不

能即不能也封大夫固不幅裂妄矜域侵營身

自歲計而外營蒙自當我兒曹而外無敢關意

焉平生所意注厚問之拳拳師長者彌懷有禮

即不見答無慙貶卑者少者秘然循故坦而相

語即弗率懷篤不為止所謂取於輕安無取他

端取於室周無取過格取於儕同舉數太庵封

大夫有焉前歲者奉恩綸再晉之夫是僅僅

農丈人文集

卷七

十二

何當封大夫吾子其念之寅謝不敏以讓諸門

下士不獲則以爲居世而多災心其於人也過

而於天也遠故羸於機則必是於機也於機則

必羸於機此壽說也吾不及面太公究觀其意

所繇顧頃者語固是寡母之夫也吾又聞先生

嘗秋試不得而隣子得隣方張甚不勝咫尺太

公夷然若不聞也者曰吾子之口固在是烏

庸此又頃者語微也夫黑衣之請雖有為然然

而人情大抵固爾是故愛婿可從官何惜鼓吻

愛子可乞官。何惜轉眄且也。無論饕餮人。即太原王儒仲。非世所指名高節士乎。子之乘來何遽。若友人之子之車騎雍容以輝也。而遂用沮。故曰人不婚宦。情欲失半。人不衣食。君臣道息。蓋世無絕人人。無絕跡其勝固在。安恬耳。是故神室正明。百關朗清。游於德園。延我白首。所謂善即次者邪。其或張脉債興。外疆中軋。厚燁之薪。滑其天淳。無乃其左次者邪。即次即年。左次左年。公茲老庸。知非是他日者。益強益進。又

東坡先生集卷七

三

庸知非是。公大者吾不能知。又無能效。哆口皇歸。厥辭謹就。先生所以命寅者。推說之。要諸門下。其籍之不映之幣。以報先生敬上太公壽太公。其無謂寅果然如駁馬辱吾子之謬錄女也。胡無以華長者若是。東幸甚。諸門下士幸甚。

賀趙母封太夫人魯氏七十序

代作

御史大夫趙公母魯太君者。秣陵人也。來繼諸夫人。事吾姚之海濱先生。當太君來繼諸夫人時。先生已為南部郎。未幾南部郎左遷。已又稍

敘至潘臬之末僚。大抵不出百粵。是時分宜仙國專恣多不法。公方為御史上疏言狀。詔逮自滇杖之。先生曰。可以歸矣。遂謝其事。歸其時太君無恙。偕者蓋太君事先生垂三十年。今年丙戌。太君年七十。御史大夫迫於計事。不獲身執觴而屬某一言。庶幾將萬里之思。前是嘗聞太君且來。御史大夫曰。吾嘗嘗命我矣。吾後人而事人。又先人而稱未亡人。吾何自之。愉吾聞古有臚仕。臚仕必大夫父子當之。今大夫父子

東坡先生集卷七

四

何如也。往吾從大夫父而粵也。是從濤也。從巖也。抑從瘴也。至今夢猶遽然。今人謂大夫尊顯。在天上。吾不敢謂信。有如大夫不改其強直之絲。一旦觸冒不測。如往日滇中事者。是吾從大夫又從隕越也。吾辰而課吾子婦。酉而以嬉。吾子婦辰而課其子婦。酉而視我以嬉。吾居姚差樂。頗不減天上。大夫其安。大夫不安。其割俸以羞我。於是御史大夫月割俸往。夫載記以後母聞者何限。獨公孫翟兩丞相及胡太傅家著。

顧又不著其母氏云何者詩言九十其儀乃斯  
千卒章又貴曰無夫不足先生所者即見太君  
不足御史大夫所者亦即見太君有如先生執  
心貞愷禪於人牧憲於友邦婦復與之並烈有  
如御史大夫陳白大義不恤其身之糜折以安  
宗社而母復與之並烈意者非勢所冀乎仲尼  
曰星之昭昭不若月之黼黻若太君者所謂難  
為星者也御史大夫曰儀則有之不肖兄弟四  
人女兄弟三人兩弟兩女弟皆我魯之自出後

東坡先生文集卷七

五十一

前之際殆有未易言者而我魯慶之曲盡夫曲  
之難言也陰摯如炎期於必燔剛僂如沉期於  
益深其然者庶以見太君是在公之先趨姬以  
盾為才而使其三子下之以盾之母叔隗為內  
子而已下之今太君賢御史大夫則令其兩子  
兩女子下之使諸夫人而在不知太君繫何欲  
舉閭御史大夫輒私念止止固圖歡也姑無及  
其創令之肝肝勤中且頌諸夫人固有日遂次  
其語止此以復御史大夫太君悅辰在二月九

日而余語在元日之又明日

游壽篇贈翁泰媪薛氏九旬暨媪 勅封

孺人王氏六旬

古之頌禔饗者蓋莫尚乎壽矣夫天之照臨下  
土審矣豈獨丕錫之自其祖初宗公顯考爰啟  
裔宇顯被於明明哉固亦有媪承之蓋曰若家  
者乾曆盛乾曆盛吾斯以縱軋之所乘之若家  
坤曆盛坤曆盛吾斯以縱坤之所乘之當其縱  
軋遂以擅軋當其縱坤遂以擅坤夫坤何可擅

東坡先生文集卷七

下

也易曰地道无成而代有終也夫有其作之何  
惡成之有其始之何惡終之道之所誅壽祿畢  
萃焉然而為希矣鄙也幸蓋於翁之姑嬭賄  
之夫媪從其夫子與其子見者是故慶全論  
全慶半論半輝則與輝永則與永此全論也不  
以其夫子子輝而以其輝不以其夫子子永而  
以其永此半論也斯茲嘉祉以待其人逡巡環  
顧忍勿能予即獨身不得輕覲也况延之世乎  
鮑太夫人三世司隸貴顯矣猶不忘掩鹿車時

對其孫是誦之吾不識少君與薛太媼年誰下又不識是時其媼又何若虞之定夫人董之北平郡君章之宣文君齊以彊明聰博忠斷導訓其子旋拜封勅不識其年與王媼何若又不識是時得起居堂上姑如玉媼朝夕太媼否夫地不並天常作鎮月不並日常及盈造物之號豐隆固以不輒其聲有如太媼襄介石先生學於成又督成贈君學媼佐楊弘劬祇贊益力遂成吾邑令君與其季孝廉籍奏太常於都我恭勤之績爛在門閥矣令君五昆弟蓋有賜者傑詰謀淵降福於我東人頌聲騰作三事之器實乎斯在於是奏宸得贈封如制而遠太媼媼壽辰喜謂僕余不圖徵此榮也吾有辭於先子及媼矣顧無以藉手慰我太媼願謬予一言之辱夫三成乃薦薦乃龐龐乃蕃膳物誠禁太甚況濯濯令禧用以敦篤上善咸集一宮覲齒在宸白髮在侍濟濟孫子逸其膝間靈降殷胄黃氣騰溢簪珥如有護飲食衍曼媼供服脩侯寒

燠不以老情輟太媼喜若崔鄭兩姑氏稱揚不啻自其中惻曰乃今知盧新婦心願諸孫婦盡孝如我崔新婦旦旦乳我也此感上帝迎貺鑠微涌發於閭允稱大備故曰游故曰大莫大成教德長莫長被無極不佞三復斯章頗於令君私志較駢毫令君拜手曰豈唯光菲薄寔惠我兩尊人甚寵已

贈少傅松谷陳公七十壽序代作

今上之元年余奉命撫蜀則少傅陳公謝政歸已四年是時陳公壽甫踰六十時時諗起居狀矯健猶昔余嘗喟歎以為舜七友如雒陶石戶之農東不些諸公文王四友如散宜生南宮适諸公脫貴少能少陳公貴老能無老陳公主上雖神聖固宜藉師保抑畏助成叡德胡不脩陳公而七又胡不脩陳公而四即公志堅不欲涉事者謂歲月何益前是公疏乞歸莊皇帝以講幄舊臣勉留公固即臣所以竊惜公意而章之



莊皇帝不欲奪公志公遂老廼公蓋未老也歸  
十餘年為今年庚辰而公壽七十始稱老大臣  
之道其以身屬天下若扁鵲莫不制命其謝天  
下去若脫牧矚無却顧乘權而行時往時來若  
殼弩中可竒得以不為為以不言言若銷鏑縱  
送不輒鳴是故不有雄奮則日月何施雨雲誰  
主雖有上天安稱復旦不有嘉遯則深谷洞地  
孰綆之涯洪河稽空孰植之障世莫云返塵是  
實滿是以君子警亢極戒冥升厥有旨也顧公

東坡先生集

卷十

九

非好遯者公事

莊皇帝潛邸久所陳說古經義及皇王大要必  
覺通剴切冀於發悟靈心既登阼疏上十事已  
又疏上四事已又疏上六事大都追廟主德  
延接耆彥飭吏治恤民隱品用臻昌博熙平之  
效雖伯益襄謨仲虺矢謠奚讓焉當是時  
莊皇帝更新化理委政二三元老恭默日遠不  
輕號令而海內寧壹黠虜納款駟駟諸越無作  
不靖是時公子編脩君又稱鴻碩大當之選於

是公委然自惟曰可以老矣夫朝有純德之臣  
鄉有不二之老而後成盛世致之尚書古者大  
臣有復政無謝政即黃髮鯢齒猶輝光廟朝獨  
黃帝師封鉅額項師綠圖免師尹壽師之則不  
必臣之師之則始或臣之終不臣之意者如公  
乎此所以見帝者之大也公懿心恬志篤中而  
朴外上次下漢無不殫極是故時為為之矣時  
言言之矣分舉與于是鑒盈虛之序明止足之  
節引身而還抑固其所故曰事有所竟物有所

東坡先生集

十

靜惟賢者實明本初懋完重正公居家寔鍵其  
門罔緣於外事有以自樂充如也蓋上之羽儀  
霄漢使百屬有程下之激汰類靡世風益起即  
乘氏論朝也純鄉也不二非公其曠有斯干  
是編脩君願聞上幾得觴公膝下

主上念公宿德賜精銳以傳傳編脩君  
歸觴公又特以臣存問公三者皆殊典  
主上不為斬如公固不宜斬也往余撫蜀之年  
奉行天伐蕩平山都諸蠻公為立石頌其事

至熙之方叔召虎公蓋幸進我我內迄忸編脩  
君不日報 命試問公何以謝

主上老臣識微見遠必有許猷至計少裨贊  
宗社萬年之畫者謹遡聽下風焉

吳一塘慶士偕其配金孺人七十壽序

往余嘗讀書阿育王寺寺去郡城四十里而遙  
去吳慶士一塘先生所居十里而近時時與其  
里人較說諸隱厚篤躬長者必曰吳慶士云於  
是每過慶士之間巍然若遭遇奇礪不常充然

慶士人未集

卷十

有槩也已乃擊榜去之卒莫覩見慶士歲已卯  
十二月十有九日慶士壽七旬是時慶士仲子  
會之甫膺薦迫試事北上不得稱觴膝下今年  
庚辰四月會之釋褐成進士六月十日則慶士  
配金孺人壽七旬而會之留京師又不得稱觴  
膝下於是會之謂余夫人子誠有私而不得遂  
也况其距違且也數千里謂余小子何余小子  
謹令下走將事願藉寵一言其可古者右河左  
海夫河何得礙海也然而遡祖初者必先焉爾

慶士人未集

卷十

也後世明水不足繼以五齊轉涕不備不必不  
為醕其者耐而謫奪人語曰人惟求舊器惟求  
新乃君子猶黎博帶決巨決削去雕鏤文繡畫  
是其貴之也夫論德不當如是邪慶士冲粹夷  
靜真然於脂膩之場挾信挾枉不踰衡尺跡其  
行操履若函意自享無關一世者嘗自稱既已  
誦法聖者寧多其口之吉也要在躬之爾矣故  
其大者無忤其親無睽其二弟二弟新居久猶  
白首昵耳當慶士為諸生輒不問家計見謂慶  
士之為諸生也專已慶士棄去諸生作里人游  
又輒不問家計又見謂慶士之作里人游也專  
故曰陽綢而無頰陰因而有儀引躬并邁維家  
之基則金孺人寔負重而詔日夜一切侍尊章  
與且婦如戚獲無過苦具入其率提訓二子伯  
仲彬彬循紀而起今仲且縣起余不及覩見慶  
士觀見仲哲白多仁氣而中寔了了可與語善  
道意所雅化應若此昔人謂隱厚厥生必於窮  
鄉窮鄉多不見靡曼其地足完其天又不必盡

讀書書言禮坊禁人言機事又借人處士雖鄉  
之人哉然鱗比而居若闐闐而又雜然與青衿  
處比其謝去蝕精頗久矣則胡以厚全若是管  
夷吾蓋云始其少也眴眴乎其孺子也至其壯  
嚴嚴乎何其士也及其成也由由乎茲憐君子  
哉君子哉夫天地渾渾唯所受之舒者受之其  
較遲迫者受之其較促兼者受之其較綽彈者  
受之其較防是何疑於君子與君子配之壽也  
書此答會之令之將事處士家多善文若伯子  
諸生敬之蓋其一後起無慮十許曹又多善詠  
歌儻以余言未盡敢不避席雖然以余大較所  
陳或無能出前指矣

封左都御史梁太公八十壽序代作

蓋余曩嘗聞今大司馬尊人梁太公亢爽不羈  
不憑其廼躬奮而甘隱耀閭里稱布衣豪者篇  
異之已微簡命得從大司馬日受事又聞太  
公明年八旬猶尚矯健驟馬羣諸少年聯鑣而  
驅莫辨為老人更益竊異之而屬少司馬王公

謀所以壽太公者以屬余余謝不敏王公曰  
與君特兩軀耳鳥所不并心者而膠於我先余  
因問王公曰吾聞昨歲太公嘗登太山矣是時  
太白髮滿顛安知非向者所見白光數尺人  
邪以頌何如王公曰固知太公之有勝具也雖  
然謂太公嘗探策邪是帝者事太公不敢聞謂  
太公撫五大夫與婆婆安邪太公身有封爵永開  
其後人賞延世世弗美也且固秦以後屢大夫  
也太公胡美也指點三觀問太公將無然太公  
曰吾瞳子如秋水焉太公幾哂我兩人矣然則  
何如請繪彭祖觀井圖貽太公可乎王公曰是  
大司馬意也雖然太公不顧我兩人乎夫彭祖  
八百歲人宜其愚也若是我視錢氏子之年僅  
什之一耳而二君欲我效愚老人之為無乃已  
甚夫壽尚常泰山亦壽其絲也以鎮定黃河亦  
壽其絲也以激蕩古謂涓三光三光豈緩筋弛  
肉坐而增紀筭者邪故是圖禍之乎視太公者  
也顧吾聞諸大司馬其謂太公身草野而天下

志故喜談軍國大計得卽報未嘗不窮思焉今  
世路清肅邊陲晏然可謂無事大司馬累功伐  
而筦樞機往者輯寧邊域規畫方略計百世之  
安其收譽甚都意其所得於太公之拍授非偶  
然也且吾聞太公嘗還人亡金其事具張某所  
為記中是太公之義甚高又嘗識少師高公今  
太宰王公於未第時是太公之鑒別又甚卓也  
夫燕趙龐龐爾有烈者受之是故其長材曠度  
懿節獨行緩急轡而不泛左右畫而不竅若是  
者於吾兩人今日甚賴胡不走一介之使迂太  
公來闢館而事之太公必幸振吾兩人也因問  
余曰若憶爾祖納履事乎對曰憶之憶爾祖結  
襪事乎對曰憶之夫吾兩人不敢聞

主上請安車蒲輪迎申生故事而一令九花虬  
凌風而到太公吾兩人力能也因效曹相國舍  
蓋公正堂問國事所先命履則履命繫則繫又  
非吾兩人莫能也夫稱壽者為壽而已如余所  
稱是為壽而還自壽也則胡弗以邁也余大

之曰非公言幾不及此於是次前語再拜授使  
者為致太公太公幸來吾兩人謹執觴從大司  
馬後布席拂几而聽長者辟明詔之矣惟太公  
許諾

楊泰媼王氏九旬壽序

泰媼王者少參伯楊公之配也少參伯既辭世  
五十餘年而楊猶新集梓材而輯之為大官者  
輩煥無替焉則寔惟泰媼之以始余與楊公比  
隣聞公之恪乃官篤扶大禮之議不意受杖又  
不意受謫兢兢職下是用沚歷大藩章有聲績  
當是時不聞泰媼所以埤贊之者何若然微媼  
公未必愉髦平遠克樹當年之闕而卒不廢其  
家私以澤於豐稔公蓋陽見功而泰媼寔陰見  
德既與公之子太倉君姻從其蘿蔓而窺之至  
於其所苞茂舒炕即一婆娑間而五十年間事  
司更僕盡之何者泰媼之來寔劉是承居無何  
又某是之貳人情大抵可知也既已代之惟又  
誰令別幕一惟邪泰媼曰是嘗當吾慶者吾不

敢不恭吾將閱覆之是不得當吾處者吾不敢  
妄自薄是故劉迄以懷我而某迄不能加我是  
以泰媼之視鴻臚君壹之於太倉君無兩也夫  
少叅伯造楊者也其前迹是難為楊者也長君  
既成替已成仕獨不及立養堂以成其願是又  
難為楊者也其感迫撫恒總之足傷折肱胡以  
及是況也歲時斑斕舞雩影不滿於堂獻履與  
襪歎亦叅之頭角擬擬速其膝前舉手撫摩或  
過其右當是時泰媼之情又可知也胡及是吾

東坡先生集卷七

十七

觀少叅伯疆有執者及其施之家無不衍宴以  
喜泰媼婉游善事病瘴至用罕藉其大遺媼是  
時頗貴重甘之若是上帝蓋曰世有不穢視其  
尊章而寧復靳其計秩者今大聖介之僊僊乎  
尚有其耳目居起無虞意者勤祐之伊是之始  
邪嗟嗟今人莫不有姑何莫效吾大家永有號  
於提扶吾又盡之泰媼穆穆委運亭育柔良抔  
挹生其人之馴心而消其惱志無問於我取不  
可堪顧獨重遲若聽若遺勿用亟揭是故少叅

伯允嗣篤鑠行之兄若弟媼性之為孝若而刑  
之為友若太倉君益諧乃聲無敢傷其和以其  
常厥身強劬厥庖鞏吉厥宗右良一或未然其  
集於媼躬又焉可量邪語既具以示泰媼之外  
孫全平允君曰得無不備中允君曰是所願也  
太夫人又不愧大頌者太夫人八旬時我作內  
言諸姻作外言茲是之揚扈也具吾將恭鞫鞠  
臆從我封大夫暨諸戚屬之後頓首上觴其輝  
借我楊及我内外氏也曷既

東坡先生集卷七

十八

### 賀趙母七十序

今名御史曰趙君者母曰李太孺人太孺人年  
十八而歸封御史公歸十有二年而封御史見  
背背而遺其子御史腹中是時太孺人年十二  
十有九凡稱未亡人者四十年宜有旌令甲凡  
貞釐已得封則不得更請旌於是趙母並並獲  
今封而會明年壽七旬御史既抱有小同之戚  
居常創特甚而又無柰簡書何往者甘肅之役  
凡違去膝下三年清不及溫而大梁之命旋下

王事在程安得循田過所稱而少緩須臾征也於是廷尉邵公謀先一歲及御史於家而觴太孺人雖然廷尉言良是吾聞孝子不得語而憑若不得情而鬱若凡以思也太孺人自髮以往皆覆翼御史埤沃之之年自拜貶典以往則又御史所跼躅無以旦夕於太孺人之年也當御史令諸城奉太孺人以居入而謹為咨出而謹為復婆娑黃童白叟之上而安今為御史曾不得如諸城時諸城即訊必戒毋輕扶百姓其事

子者一日而不償安知有他是故扶持姑嫜痺至涉溺必親承誠似崔姬恤視元子箴子無異已子誠似趙姬教子觀所與游時捐簪珥給使遜業誠似陶媼夫母亦篤自然之性而從容運遇志與寧寐跡彌強忍夫指此心而為日也邵廷尉嘗言御史出按部母孺人必下牀關不得輒啓即某請以通家子願得間見者輒謝去其嚴如是夫不薄町畦報之以未提不厭藜藿報之以白粲御史君不及之於封御史天也不及之於封御史猶及母孺人天也及母孺人及今上所在軍而為榮及所在春而為愉快亦天也天之靈賜豈可欺哉御史往矣太孺人造趙氏厚趙氏之宗祏所以報太孺人必綿邈不可計量御史母悵悵自沮齒今年觴太孺人御史前我等為後明年是日我等前御史後矣御史其勤宣德意益榮名與太孺人之朗節並曜宇宙則不翅千歲之觴庸論後之哉

贈吳原禮先生七旬壽序

吳蓋多隱君子云夫隱者不名一德乃其高也  
亮烈簡泊偃伉所繇或非恒所圖殊不可以貞  
廼世率貴艷之何以故唐虞盛際天清地寧禮  
樂昭燁煌煌哉熙事脩成豈獨皇奠稷禹之勲  
抑或參以巢許然後天宇加廓日月彌明焉吾  
歎怪皇甫士安輯諸逸士於是時若被衣闔缺  
子州支父累累幾十人何夥邪克誠茂重器何  
至逢人便讓大抵南華寓言以堯逍遙宗指胡  
煩廣攬取為其價邪達哉夏仲御道隆則與元  
康丈人文集卷七  
凱共升汚則與屈平共沒所姑安者沮溺吾師  
乎嗟乎微斯人將恐精華既竭塞裳去之可不  
貴哉吾觀吳原禮先生所謂善自晦坦特不佞  
俗殆於世罕儔焉先生之長公文仲守余郡有  
令問時時向余言吾將去歸吾羈甬上四年而  
不能致一日養吾誠何安明年吾尊人七十稱  
老矣倘微寵於執事者藉手一言庶以逭彌天  
之譴吾聞先生冲慎者自郡公綰符二十許年  
不肯一之官舍而數貽書作十箴三戒以規切

郡公是公之沛澤於吾甬盡先生錫之也古之  
善頌者先河而後海微公言猶將邇德先生而  
况明賜被在千里余烏得無言吾聞先生嚴始  
諸衾綢以逮於家邦無怍影其孝沒齒孺慕施  
及於孤嫠其廉推伯兄華敬自甘湫隘其信不  
欺亡友以女字其孤有延陵絳劍風於是里中  
遂以先生匹衡山文先生云吾聞先生負異姿  
善博士家言是胡不騰舉乃先生竟不拜慎陽  
封其後一嘗受馳典迄不御冠服笑指角巾曰  
吾以此終夫世人多淺流失何底無論叩角疾  
歌擁蒯緱而竊嘻彼夫在前上慶亦聊自負耳  
乃多其如虎而願効於顯盛之朝先生貞不絕  
俗得無猶有斯念乎傳巖之事偶一有之不知  
風后力墨兆已見前先生湛湛馨香載於幽遐  
即紹響發聞以勤上帝不過三之豈多偉乎哉  
而先生又世德茂也先生祖曰官保文端公父  
曰少叅公世貴顯今又不能禁吾郡公以紫誥  
進矣袁司徒之孫閣散綬自錮土室邵甫耻門



第過盛不應徵辟陶長沙之孫澹不婚宦大似  
激詭非先生埒其靖節乎司馬蕭廳僅餘五柳  
率真自如萬物何有夫至人瑞世其道任遇大  
路固然寔惟上善先生孤引人貌而天行冠冕  
賴之綱維正閭里儀之風波平語曰得全全昌  
蓋素之道勝也年烏可量哉遂以復郡公郡公  
罄然俯躬曰言質矣止矣吾尊人頗知言當為  
不佞再舉觴已

再贈吳原禮壽序

東坡先生集卷七

壬子

余既以邦伯吳公之請稍貌其尊君德園先生  
之質行為之佐觴而公之友僚鄭歐陽公閩王  
公遼劉公又屬余祝觴夫今之觴語我盡知之  
乃者既不以進今茲更操何語邪顧余素日不  
得睹見先生而能識先生此中定不似世人  
國家取人以徑士名能一經即栩栩志得耳先  
生悉取十三經二十一史諸子百家書研極之  
此何異負五石欲補蒼蒼何所將無所謂拙  
於用捷者邪功令惟藝是等不復程其行果非

茂裂之乃士不務走康莊而纖是趨邇者益復  
陰陽語言熒惑視聽其究不可底先生世忠孝  
家子性執方德音乃發聲吉地乃蹈肫厚溫篤  
融浹天倫間沛然骨肉懿事可象可紀人生何  
幾直礪碑之光耳既不克遵儀矩肖天地之靈  
又借之為幻於有道者之前此有北不受寧當  
與同土凡今之人具曰郭林宗何時得值當其  
時太學三萬人師表林宗無何而窮於萊蕪君  
竊鄙之未幾又窮於勾漏君昌言詆排之許子  
將譚道謂峻者少通廣者難周如以林宗相校  
得無更廣士或濶達而不可尺幅或甚葺而守  
尋常徐穉子今安在邪以吾邇者所睹記大抵  
通在朝宁而峻在草茅先生將何從揚太尉陳  
司徒常歎太丘大位未登媿於先之先生不公  
耳何慙卿不卿耳何慙長吳閭間公卿林其  
誰媿先生而發歎於朝堂故先生所得私歎壽  
耳夫通者壽林宗不得之通者未或壽太丘得  
之許子將立於非通非峻之間而亦不得之故

東坡先生集卷七

壬子



曰多技則亦多歧無奇則亦無忌道至於無忌  
是故情數抑絕災機寢藏有軀七尺何弗昂昂  
而苦為樊感遇聚散其誰說我與較鉢兩嗟夫  
多見其不廣矣然而寡取之世而多取之天必  
斯之繇也故曰峻者得之則先生其人邪三公  
者以茲語侑觴雖巖巖節彼哉將無嗒然內喜  
拜余言之辱

農丈人文集卷之八目錄

序九首

贈毗陵唐公六旬又四壽序

朱太母八旬壽序

封大中丞魯少參先生七十壽序代作

封少司馬魯翁七十壽序

賀梅母封太淑人八十壽序代作

漢陰丈人述為周令君燕川先生壽

徐封君暨配某氏人偕壽八十序代作

農丈人文集目錄卷八

壽毛舅母某氏八十序

高慶士志齋先生壽序

農丈人文集卷之六

古鄆余寅僧杲著

序九首

贈毗陵唐公六旬又四壽序

今海內稱才傑繁何孰氏哉吾以為必無過毗陵唐公我國家熙洽久矣迺三二十年來物過盛而妖興地廣大則防略頃者圍卒獮悍不順命糜刃其主君島不束於法蹂躪我恭順之域無論虜也播輒放兵大軋三省之民又無問

農丈人文集

卷八

一

猥瑣驕閹者當是時廟堂諸公皇皇焉踰蹕朝夕不暫寧曰安得人焉爾也及其得一人焉又若不得已而昇之曰無人焉爾也當是時公安在乎歲庚寅虞寒盟戕我副將湟陘間是有莽刺聶噴之變余遙巡校北地上郡諸弟子居延人曰諸臺省以堪障虜若而人

上聞矣義渠種人曰留都又采諸能者若而人具請矣當是時余謂諸疏有不首贊公者則非蓋臣矣已而得讀之迄無公名廟堂諸公豈

真不若鼎鑪邪公器度沈雄而力擊流觀若洞火沛決若水數募古之俠節事率以意經以義緯是故信載州里而其誼映於皎日公尊人應德先生博物蓋代而施不竟公蓋質有其文武焉往嘗與公談塞事因舉譚襄敏公欲置一大帥握重兵十萬為九寨應援者公吁而詫曰國力何堪乎無已姑三之一九寨誠得人是瘳也九寨不得人是驅喝者而路也故公過五十年前之才臣遠也公故不憚于虜款謂無端令小

農丈人文集

卷八

二

醜侮我脅我遼左無是也近乃戲處之於東事楊摩審於播事大有根本憂國家居恒常患弛一旦有事又過張古謀臣快于一決往往癰疽既潰大命亦傾故公過今日之才臣遠也於是歲丙申公壽登六旬厥姻董應芳氏請所為祝觴者余謂

主上且寄公躔事何暇觴居無何御史大夫姚江孫公歸自薊丘留滯毗陵幾月兩公舊相得其私涕喟吾不聞猷聞兩公校讎今代諸名

家藝文放蕭統故事名曰今文選余極歎國家  
不令兩公輝重明堂而令之效儒先生矻矻匱  
精於無用不成竟寶瓊島神鼎而徒繡轡忱何  
為者蓋公遜伏荒野十幾年矣今年六旬又四  
余始講觴語夫公聰強英勁多銳執存位太常  
意在樹芬烈居則浩星賜法孝直出則辛慶忌  
杜武庫韋南康之倫才如是可矣世何庸求多  
公乃其年今已踰馬伏波乃邊圉猶苦如徵側  
等事少年多擲榆老成人以今觀先零功果無  
辦于趙壯侯矣是時壯侯未請老羗豪相賦曰  
漢將軍八九十歲人矣善用兵公何難其年顧  
獸恨無其功即百有四歲如張計相得天可謂  
大全公固宜之假令不得全公固任之公豈向  
媪乳間求活者邪公頃報我曰吾已携家入桃  
溪風氣頗勝蓋去吾晉陵二百里而踰吾茲老  
馬矣延陵退而耕于野是故萬乘可讓千金之  
劍可棄而率用耒耜終人生貴明志然則公之  
志可知已

朱太母八旬壽序  
古有言天難諶斯夫天不可任當安任哉姑  
論古邈自我明以撫德開右其商人率可俾  
指數肆於今第頌我邑氏朱蓋唯太母馮實靈  
承其嘉祉盛乎哉今夫福之流行若泉然其故  
濫之云涌沃之云縣沈之云穴比於禋饗猶之  
龐叟之一物也豈若汚彼湯湯朝宗惟海其蒙  
被何既焉我聞曰世有嫗媛蓋云性之不必其  
體勤之即體勤之不必迪則先君子敬式旋之  
太母質具自然靡容晏溫內外宗親覩之莫不  
曰是朱之上祥也乃口修職供身自監潔自晨  
至於日中晏堂上不及飾者即不敢嘗食滯暴  
公不得意於官生計蕭屑頗悒悒不自怡而獨  
好客不難脫簪珥佐之歡使過公若忘不自意  
愉快所從曰大可繼也是時食伯繁驟乏絕百  
責不可休解太母良劬則又時時戒諸子吾自  
為爾家嬪即知爾大父急義若饑渴焉同產子  
周恤踈族不翅在其躬視錢刀若土直以貸人

若棄而獨賓禮文學士恐勿及可謂克恭天  
吾忖度之是在爾父矣爾父坦蕩有陽柳無陰  
詖鄉里人莫不稱長者天之錄爾未艾也小  
子懋哉昔鮑少君稱先姑不忘挽鹿車桓釐稱  
先君五更思無慙帝師太母稱先德令諸子佩  
服以馨香聞今伯子好古益蓄圖史李善殖仲  
食三釜行且藉奏太常叔成進士官中翰旦暮  
捧馳典龍光懿慈而太母今年八旬體彊聰明  
不渝而饗餽有加口誦釋迦名號撫孫曾而嬉  
空首梵生前天果錫我踰我涯分矣今諸孫又  
振振嗣且颺起夫中間重矣繫其尋仍題寧可  
以葉計邪是故其始初之即有與初之力固均  
之其既翼之即有與翼之固均之若太母取  
諸其先世之儲而翁諸躬蓋以海為之汪樛木  
之章曰葛藟藟之福履綏之夫昌漬長即明暉  
遠物有不可方思者胡庸為之期於是邑子百  
餘輩旆然肅拜太母堂下三祝觴而退

封大中丞曾少叅先生七十壽序代作

少叅曾陽白先生者今大司空確菴公之尊公  
也司空公已釋褐為司空郎而先生始成進士  
為司寇郎司寇郎凡幾年出叅陝藩叅陝藩未  
幾月遽謝政歸明年卒已先生壽七十始稱老  
余矍然異之今仕若揚颿然益進益快誰其舍  
旃而甘寂寞先生是年才六十有一未應懸車  
之義乃遽蹕歸夫人度量超越寧有涯哉余也  
寘微有天幸獲與太原王公其左右司空公是  
有通家之誼謀所以頌先生司空公間之謝莫  
當人子莫能揚其親而使人揚諸且吾違去大  
人有月日安得一申萬里之懷效古者入子舍  
竊問侍奴親澣洒中帟廁牑少快於吾私固且  
無重吾罪也余謂以先生之高平固何能窺其  
藩苟以司空公之私非吾黨誰當頌先生者蓋  
我國家侍外臣與前代異前代外臣休居旋  
復召用若張敞貢禹須以建白大廷錚平劇郡  
一日不可闕今時外臣豈無庶幾如兩君者於  
其請直置之耳豈唯外臣即待老臣亦與前代

異前代於老臣無論使卿相又置三老五更  
桓榮李更夫子親袒割執爵而獻拜拜乞言焉  
今其典久不講董董存問時一行之今年

主上以蜀少傅陳公七十特申是命論蓋明年  
宜及先生夫國家錄召外臣貞白無瑕撻者

莫先先生則司空公之私得美萬一講老更之  
典亦莫先先生則司空公之私又得矣雖然先  
生固碩休人也且兩事不可幾有吾聞先生氣  
勁有斷壹觀義所撻然彼凡九上公車內氏

康東人集卷八

卷八

為先生計者姑試可耳先生慨然豪者安能  
跼蹐人下邪其年果成進士先生每上公車必  
抱持其王母慟不忍去離膝下及不售而後喜  
可知也為司寇郎猷鞠平叅陝藩禽獮巨盜有  
功人謂先生於重位拾級登耳乃力請以去當  
是時先生志在必退且謂司空公在又可以退  
人臣顯名章伐不必自其身誠出而為

天子布宣德旨震濯威靈救寧方國入而亮工  
熙載順陰陽奠水土貽百世之安何異我為之

由此言又不必不自其身也先生志進必進志  
退必退而司空公又足成先生之志達人之道  
與時龍蛇先生不願霄漢舉而願委蛇而徒是  
故不輕軒冕不稱廊略不眇鍾鼎不名廣綽不  
競全璫不號澹漠不忘曆筭不目恬澤先生所  
以壽意者在茲司空公歸然端衽曰以明家大  
人之志可矣安所及不肖雖然吾私也家大人  
竊樂聞之於是偕太原公拜手稽首授使者敬  
上先生倘有當於先生乎先生許可

康東人集卷八

卷八

封少司馬曾翁七十壽序

郢封少司馬曾翁陽白先生由射策高等游歷  
郎署晉擢叅藩維時朝廷元氣方屬天球宇  
宙芳名共瞻露冕而騰身警爾歸志浩然年甫  
六旬身返三逕湛淙白賁之場收念黃埃之表  
斯鴻達之上儀鶴霄之遐躅也明年辛巳二月  
四日翁初度之辰始稱老而傳焉翁子今大司  
空確菴公體廣淵之冲度具篤毅之遠裁標表  
公孤端平天地山都之役評者假之馬端肅余

蘭敏劉忠宣三先達曰社稷臣公殆其匹焉  
公開蜀府之歲而翁還初服公貳樞筦之歲而  
翁拜貤典公賜飛魚之又再歲而翁始稱希年  
公陟何峻翁來何蚤公母太淑人嫜儀並茂修  
年與翁所謂厥鍾龐洪厥祚駿適濟美必世良  
賈其然實昧品寡徒貌身冗職敢有附攀幾無  
訶讓徒以廷平歐君楨伯張主若曹綱提斯義  
謂寅大司空遣麟子而代斑欄吾等命墨卿而  
贊雲壘不可但已寅輒無度竭鄙乃思具寫其

東坡先生文集卷八

九

偶所以欲塗敘曰世迷之驅人尚矣夫無杜肝  
豫溢艷雲遙莫戒冥升銳馳風駛是以高春景  
疾何悟崦嵫畏壘勢張靡圖堙壅以翁并鑒何  
其廓絕哉夫懼而思引者以先髯不鉗歎而思  
解者以尊黃不屈翁通籍熙淋之朝列曹允平  
之署精神鳩而服官丰采熊而按部其遭也如  
此長厚培其孚理威明輔其穀祥肺石則照膽  
無害枹鼓則折首有嘉其具也如彼何懼而若  
浼何歎而若追乎夫神靈御寓洪纖提餐至乃

東坡先生文集卷八

十

洗耳而旅拒厲齒而沉痾若巢許下務履何君  
之士食何代之毛輒生偃蹇有同簡斥天語不  
存半辭治朝不立一日是逃而已矣至若疏廣  
既去疏受亦行代興可當暄曝象賢何翅美芹  
惟高惟深以似以續斯蓋臣之至心抑嚴親之  
大義胡乃盡室懷寶沒世迷邦廢孝與忠使驕  
且吝是忍而已矣翁九對公車四銓官守夙夜  
在公始終壹節於方是時有如我公衡文文起  
布武武張劈積疑豁駘久信信殲程校疆事  
赫矣西南公方勤施翁乃倦歸有陟則阿衡復  
辟有則營丘就封無論已甚且又何名為忍  
索翁茲道焜煌粹潔有龍蛇後無日月先可  
謂矩矱一時明信百代者矣昨歲之秋公與留  
都諸大夫燕集中庭有兩僊子冉冉凌空欲下  
被服飄灑儀觀修偉類世所謂鍾權呂巖者公  
且拜且斟持大觥酌之是時雲氣煜馥堂皇絢  
霽眩睹闐駢健賞曩美諸大夫賀公此翁之壽  
徵也夫達士不學一曲而聖人必存六合具茨

七聖榮洛五老祗何以異寅不佞無能壽公請  
即用祝焉夫仙者無所不在則無所不可感於  
是為律令三章詔兩仙子曰爾來前楚有大賢  
以不仕全塵情烟絕孤貞石堅有偉蓬矢有輝  
宿躔我無青鳥莫我或宣爾其執爵傲爾蹠  
爾來前維大司空功上薄玄澤下漏淵

帝篤其眷敢私內便春鳥倉嬰春草綠芊有肉  
如衡山有酒如湘川身不侍綺筵爾其執爵傲  
傲爾蹠爾來前陸亦有仙唯翁若母何福不聚

農丈人文集

卷八

十一

何筭不綿爾嘗侍木公木公嚳嚳叶爾嘗侍金  
母金母閒閒叶胡今不然爾其執爵傲爾蹠  
祝也旋綴其語復楨伯適弗云謬而以為宜遂  
授盛山人往將其事云

賀梅母封太淑人八十壽序代作

頃晉少司馬梅公母曰某太夫人者今年八旬  
壽高矣夫壽者福之首慶也八旬又壽之希等  
也古風人善頌至於如日如月如岡陵可謂極  
侈顧獨未有頌母氏者望董於閼宮一舉壽母

夫人臣辭其親數千里而膺疆域之重寄此其  
心能一日而無娛膝下哉故色有常滿有作成  
不滿所謂至情也今太夫人年歲高又強健如  
盛時上郡之人曰天之壽太夫人是壽吾人也  
上郡幸甚

天子曰太夫人長在者不煩我西顧矣司馬公  
以此為日其愉快宜如何邪或曰何當祝太夫  
人觴者請言近事近事以公考家得貤封於是  
封太夫人如制又得延賞於是錄其子亦如制

農丈人文集

卷八

十二

是時公又適舉一子也此三者人生之大慶也  
以是祝太夫人儻一引觴乎夫商瞿之事蓋仁  
者餘荒天方開公後葉未艾耳頃者督府開廷  
議推公遂晉公少司馬總三邊之事公繫重西  
陲大勲且別敘太夫人一歲當改幾綸翟翁子  
當幾人綰銀黃也近事寧足涯邪吾願太夫人  
旦暮輜輶而歷臨夏諸區司馬公佩水蒼玉珍  
然御而入孫子迎門而笑是日也吾知太夫人  
不覺霍然加食且非特此公拊循上郡幾年

甫川以西石澇以北疇非公之勞動邪是故綠  
山為堡因河為壑永保吾人沒齒不識狼烽之  
警彼夫荷戈之徒誰不舉手加額願太夫人千  
歲者公勤求溉事善用奢延乞莫之水化瘠為  
肥昨歲大登今又浩穰矣太夫人視諸壤土如  
繡錯也者誰令有此彼夫負耒耜者又誰不舉手  
加額願太夫人千歲也當是時太夫人且以詔  
公且以指赤幘絳衣呵護不祥控弦鳴鏑戒備  
不測古所謂信臣精卒如熊如羆無不後先夾  
轂而趨公所以雄上郡者行且虎視靈武於是  
太夫人不勝喜曰如是報國家不啻是矣太  
夫人何直加食將神益王貌益肥烏得以尋常  
尺幅相闊度邪太夫人無終薄新秦不一命輜  
輶也或曰公且東矣又西遣觴余與司馬公分  
闡而處何異友邦昔周公瑾於孫伯符魯子敬  
於呂子明其分義豈特骨肉之間哉然皆升堂  
拜母有大事相與決策母前然則余雖東乎猶  
再拜遣觴固古之誼事良不可闕邪

漢陰丈人述為周令君燕川先生壽  
漢陰丈人者古有漢陰丈人而湘潭周君來令  
漢陰因以號周君也其稱丈人何在昔漢陰丈  
人屏黜健羨退循靖漠所與端木氏相詰數語  
允矣天之君子游於羲皇之代熙熙古氓木石  
不知誰牒鹿豕不知誰靈者矣而今君似之又  
進乎年吾是以號之令君仲子交司理為狀稍  
貌令君大都曰家大人今年六旬有七矣其年  
將無與其質行並茂邪周之先君子從明經起  
令君昆弟六人伯仲季俱從甲乙科楊鑣中外  
門閥驟振其先君子大懼一旦隆赫為世所指  
名不復課令君讀課耕乃令君不顧耕顧讀率  
用誦通再從明經起於是促令君仕令君又不  
顧仕曰世豈有閭庖盡從王事而置菽水不顧  
者乎諸昆其媚  
天子吾顧家於歡於是令君仕獨後後而得鹽  
官承古者聖彥大抵奮自田間逮漢猶重孝弟  
力田令君何薄菑畬不甘也至我國家迥為



岐嶺者膏舉耕者蕪沒令君奈何無軒輊心  
淚藪藪被面不向其大父披露衷語哉夫讀者  
非他將以求吾之志也榮榮白華條而朱萼條  
而玄趾何為哉令君愛日不及其母猶及其翁  
柰何云仕故令君之志異乎今時之讀者矣竊  
怪司理君貌監官丞徒以一廉盡之至漢陰亦  
既幾年矣不贊一字何居吾嘗督陝學巡校至  
漢陰嘗聞與人之誦若所謂巷謠者曰赤欄干  
外走長河照日圓沙的皪多沙上鳬閒眠白石  
沙中魚小戲青莎爽然異之豈其餐醇飲和有  
浹乎茲土厚醢之堂皇而洩之臯落之口邪嘉  
哉唱也豈其續脛頰尾之日而矯誣白晝者邪  
非德人疑不及此是時無足當是謠者豈所謂  
青特未動紫系先浮意者其令君邪語既具以  
屬吾徒郝京兆道行為上觴京兆曰謠胡足觴  
也顧進之余應曰此之謂歌風祝其上之大人  
舍土言莫可者頃聞直指使者薦司理君於朝  
曰萬言燭鉢可就是今世善操音者莫如司理

君矣吾且刻燭司理君受急牘吾且擊鉢司理  
君受窮律是時吾再賡以進所謂唱余和汝者  
司理君謂何雖然物有初有壯有究周之嗣曆  
千頃有福凡幾世矣其載顯開樹英烈又不知  
幾人以其閑固通德之里韋杜之二曲也若令  
君所謂壯於大輿之輓非邪宮成無寧視隅袍  
成無寧視衽天道若此人固應爾夫然後純白  
脩而恬穆勝加於人數等此真丈人已令君有  
弟曰鴻區氏嘗令吾鄭仁明有執二十年往矣  
厥聲猶載乎海隅試謂茲頌果無乏有道者歟  
鏢否

徐封君暨配某宜人偕壽八十序代作

豫章徐公參浙藩之明年遂長其臬為萬曆屬  
維卑閑之次而公之尊人間谷先生與其配某  
宜人偕八十夫六十已得稱壽矧八十固上壽  
也或曰八十未為上壽至一百二十始號上壽  
夫以世之希觀而觀矣或不可必遂於並偕並  
偕矣其誰勿曰上壽也何者慶意溢也以徐公

之為子而不勝其愿於兩大人與吾曹之為徐公而不勝其願於徐公之兩大人也則壽域方始耳何遽名上壽也何者祝意溢也夫先生雖號稱高年人乎然其保抱泰上而篤敷之如一日也故曰耳之純也繁音淆之目之純也采色眩之心之純也智計蝕之蓋囂紛之習易於沿化而貞白之體難為厚存也先生不嘗用其子之貴襃然冠服而許其鄉黨人乎先生曰冠服非我有也是符我者也是故我先而符後之符先而我後之均於不惡而我奚以堪為故守忠信若重寶秉禮若負繩介然執分義若別白黑族里而窶者棘困者若恫厥躬慨然思所以振出之子弟小有過若父兄之貽之也必反覆規切須其改悔乃已曰吾烏能以姑息敗乃終乎與人交謹擇可者率謂先生落落寡諧合矣不知先生性固然於是郡邑之大夫舉鄉飲酒之禮曰微盛德莫可使賓者遂以大賓藉重先生先生退然避席曰不幾辱諸大夫哉辭不可曰

吾無以謝諸大夫吾益用自靖耳蓋自是足履城市未嘗操半刺及郡邑諸公門也以故終諸公在任莫由一識先生面者古者大夫老於鄉號曰父師士而老於鄉號曰少師夫鄉論齒德而已兩者俱特則直呼父師耳胡又以少師下其稱邪得無以處士故卑之邪然則先生宜何稱雖然總之可師於其鄉矣且也先生樸人乃宜入佐之以勤約以故先生甚宜入門以內稱治門以外疇弗迪則先生者夫為德而使入可涯涘者其為畛域可揣而徑也乃先生皎不傷察方嚴不辟孿秉下不飾虛奮飭不沽美忘其子臬長公之貴而甘處安焉曰我且習靜我且習恬曾不知人世之有他是曼引之道也即或者所稱百二十何難際焉吾聞豫章之故有孔丘明賂法通者脩真玉笥久之俱仙去獨一入仙而行游地上得非先生邪彼百二十又安足云也然則吾無以限先生與宜人年矣臬長公嘗兩參浙藩一副臬有德於浙人久而余

以同年之雅達來。不知所以祝先生。固內溢也。且以勉塞諸寮友之命云。

壽毛舅母某氏八十序

萬曆甲午十月二十日甲子。是為吾舅母毛太孺人悅辰諸姻友圖。所以壽母者。中表武英謝不敢當。諸姻友僉曰。母有甥焉。宜任之矣。余聞竊伏蒸蒸不勝遐思。馬從者贈水部公年甫三十。余不肖乃生。外主母謂水部公必子之。其後水部公偕先安人卒。承外王母之命而子寅。余

農夫人志集

卷八

十一

之得為毛氏甥。寔母之結詔之也。乃外王母得壽九十。以往稱無憾。今舅母亦且八十。往矣。而歎先安人輩踰六十已耳。故吾滋用愴。於先安人之子寅也。外王父母暨兩舅氏兩母氏俱無恙。今獨母在耳。去日大忽來。日入難胡不貴者。老焉。且某今茲謝朝綬而避荒野。直一氓耳。顧先水部及安人。獲觀某今茲。而母適得以觀。齒役某故。某目以愴。目以愉。往兩舅氏若培塿。用兢為爽。峙於閭閻。今左若殷雷而右。如

燬其有右之封吟者。又皆母之子孫也。故外王父之業其始一之。迨母什之伯之。右支不延。外王父以為憂。迨母而孫六曾孫七。蕃引未有艾。然則母所提饗。不特過我先安人。又起其姑已。嗟夫。其第之間。婦德存焉。俗流潰決。不可戶說。盖有與公併侶。與姑勃礪。非長者所忍言。吾登堂而拜母。不聞母聲。益進而入廬。而揖母。不見母有疾遽不飭之度。諸母不漱裳而母漱裳。自如也。絢緘補綴。和灰浣濯。膏等於下媢。今老猶爾。吾在仕十許年。間益踈疏。歸而食貧。無所將以奉母。益簡。不見訶屈。恒道糲布素。不識何物珍粲為足艷也。若自其性之者。吾以是知地示卑。楊明下瓦式。紅棣榛訓。東栗戒虔服脩教。潔礪鰾緩。亟繫素朝。魯不越柔。和慈儉寬。靜舒婉必範。止無敢先。母為庶幾焉。有微衷必有晚容。其面不黎髮。不皓落。豈曰偶然。母盖有長嗣。今次屬武英長嗣之家。曰對其介。曰某出後叔。抵英之視對。若左右手。不可一日離對事。英若

農夫人志集

卷八

十一

父曰吾家之宰秉誠均効日以熾豐諸舍二百餘指誰非食母之餘者毛自公安以草昧功封千夫長世昭勇將軍兩徙而籍於鄧迄今祿在而實不酬以吾所睹聞六七十年間無論本支即繼嗣繼別何聊蕭莫能以日若衆子孫於庭府財於廬號昌殖於閭里寔南有毛故頌吾母氏不特操家人語又采之閭黨氏之評

高慶士志齋先生壽序

昔者蓋聞高慶士嘗鳴其志於沈山人云自年十五蓋好讀史至漢朱邑歿而戒其子必葬我桐鄉其子尊之而桐鄉之尸而祝之者世世無有轍夫匹夫而血食一方於人畢矣夫人邪獨非朱公哉吾因而號志齋蓋見時事蓋老而不知其不可卒償也念之肝肝更動中山人其為我揚扆之當是時山人首肯其後未果就而余與慶士從弟某子某交驩則時時道慶士質行是在吾子矣今年壬申慶士年七十余遂具而論之夫侈謂者口張誕曼則足高故愿不可繼

而靡述于後也惟本躬而收之勤思閭沔而力乎天情其有所穆乎深美慶士之見于朱公奚處焉桐鄉下邑蕭夫小吏苟以誇躐而已西京之載其可張可皇則具籍如堵矣童而懷之白首屬屬其壯矣與歲俱遠慶士之見於朱公者內也其後慶士蓋讀古經傳業文日益有聲聞於邑大夫邑大夫自以得交慶士已復聞於郡大夫郡大夫屬慶士理郡乘焉蓋兩大夫者之知慶士不特以其文而其以文知慶士又不特以今之博士家語慶士少孤依伯氏伯氏有內惑別籍慶士慶士奉伯氏彌謹伯氏侵牟抵法慶士罄其貲償之諸鄉大夫及郡邑諸大夫聞之曰誼人乎舍高君不交誰可者慶士少孤歲時奉嘗輒涕泗不任曰其誰有在者乎余惟蚤背我也而哀弗及也其誰有在而得視其子者乎余惟早背我也而弗及于成也於是又教其子某試進士舉顧性嚴少所昵合舍則軒軒軒衡中若有快也不者掉臂而去之其後慶

士工古文辭益進若石鄉炎丘兩侯傳軌則可  
誦而博士家語益不利于有司于是慶士又歎  
曰吾事烏乎卒哉夫誠足以寄吾之萬分乎吾  
又安辭于是取靈樞經故訓之積十載成一種  
言遂以醫名尤精痘疹率用活其里中兒餘不  
問矣嗟乎慶士視軒轅岐伯長桑秦越人諸公  
猶朱公也乎榮啟期有言吾樂得為人吾樂人  
而得為男吾樂男而得為老年人老年人何限  
顧其不成之為男也慶士放道而居其身其言  
農丈人文集卷八

農丈人文集卷之八

書記周禮寫

錚錚取於擊陋夫而華良人率自其中出故有  
願必行之有弗願必不行之蓋自其兒時得之  
彌時積月百累遷化而爽然如一日之事假令  
慶士用博士語起家即得矣而無貴為世資何  
益以今為慶士不得用博士顯試使高明商之  
寧損故余論著慶士緣本其初何則人生七十  
年固可較竟也若其所既壽若其所未既壽惡  
用余言哉

農丈人文集卷之九目錄

一序十首

癸未科會試錄序

浙江丙子科鄉試錄序

浙江壬午科鄉試錄序

江西鄉試錄後序

陝西鄉試錄後序

陝西武舉鄉試錄後序

陝西戊子科齒錄序

農丈人文集目錄卷九

刺向懷葛先生詩經義序

吳郡公刺諸生制義序

瓦注篇序

農丈人文集目錄卷之九

農丈人文集卷之九

古鄆余寅僧杲著

序十首

癸未科會試錄序

皇上御曆之十有一年癸未復當登進天下士於是禮部尚書臣某侍郎臣某疏請衡文者主名詔臣某暨臣某往即其役臣聞命不勝兢惕頃者庚辰之歲臣嘗承乏副主者將事然猶副也庶幾因緣以圖稱塞迺昨歲臣竊不自意謬

農丈人文集

卷九

一

膺特簡俾從輔臣之後襄贊密勿臣誠謏劣如蚊負山日夜懼不克勝今茲又令臣評校部所貢士臣愈益懼不勝顧臣所以勉竭駑鈍効其一日之勞瘁以報陛下非是役也莫克藉手於是矢諸供事稱天稱白日必無負陛下以示之信士凡若干人三試之遵宸斷取若干人錄其文以獻夫臣之所藉手以報

主上寔賴爾諸士也爾諸士總總云夥矣語曰傾蓋如故白頭如新此謂一人之身其不可馮

若是今諸士所可知者文耳乃其心臣安能知之此臣之所謂兢惕大懼於不勝者也臣請諭於諸士遂言曰諸士來前國家不惜厚餼如古所謂縣次續食汝頃之

主上不惜臨軒策汝又頃之不惜官班充汝又頃之即高爵豐祿不惜暨汝謂何者謂足猷賴邪抑姑以養庸回而與為孽邪諸士試觀今日所蒙患安在蓋士風極靡耳夫士不過兩等正與邪而已昔者堯舜之世其風大醇其治大定諸執事胡不盡皐夔稷契而比周猶爾參意者其志慮炎邪

農丈人文集

卷九

二

今天子神聖廣通言路錄任直臣一遇星祲風霾輒整懼思闕議蠲議賑歲勤月亟罷海內所不便嘉與更始繩諸一切不軌法不留行此於世道豈不廓然開朗爾諸士遭

主若此忍負之臣聞靜人之來也若遲日躁人之往也若迅颶爾諸士誠志青雲耳今者一旦脫足下里登為

天子命吏緣何階也蔡澤有言富貴吾所自有  
天事較遠何言有無請論人義之大者蓋孔子  
論儒難得亦難畜也適弗逢世上不援下不推  
其行本方立義同而進不同而退嗚呼何其嚴  
也若而人者得一猶足光九廟况茲多乎哉脫  
或舉趾太高盱眉太揚不勝其沸心而益之以  
勞新精神意氣遂往之手彼此泄治之所謂靡  
人也風東與東維西亦然厚顏忍醜朋家作仇  
面相然諾陰相誣蒙爾諸士寧有斯夫堯舜之

東坡先生集

卷九

三

大也豈特曰天地哉卒之頌頌固而行者不逸  
於網故觀正人其香頌廉其羽頌儀一不類則  
發聞也腥啟途也冥此其人不可以俟詰朝爾  
諸士不見三尺法與我

王上雄斷乎然則黨附何利焉臣故願諸士慎  
自立也臣業已錄諸士諸士不惟慎者臣言晚  
誠慎臣言猶蚤爾諸士尚敬戒之哉故事同考  
館凡十一人某官臣某科三人某官臣某部三  
人某官臣某監試御史兩人後復益兩人臣某

臣某蓋皆勉力竣飭斯役云

### 浙江丙子科鄉試錄序

吾聞古碩大偉人闢隆藝極綏靖品倫表樹當  
年不泯世世大抵曰岳瀆乎受之矣迺執此以  
論浙始有不然者何者浙無當於岳瀆者也  
以故中州人指岳瀆為其家物曰固然指碩大  
偉人亦其家物曰固然信斯言非中州人莫賴  
天下矣迺至我明草昧初辟畫帷中百發不  
謬取群雄掌股間則有若劉文成公基已已之  
變海宇遑遑卒還我左肅天日再光則有若于  
肅愍公謙宸濠不軌竊窺神器一秉義旗殲之  
江介則有若王文成公守仁蓋盡浙產也當是  
時微三公天下誠不知計所出幸而

東坡先生集

卷九

四

天惠我社稷三公者出而集定之國家唯磐  
石耳稍一參靡即浙人當之所謂王功九之國  
功十之日月行夫江河帶地萬世不可磨也彼  
諸公安從受之岳瀆哉諸士試思之將其遇之  
然抑或矯脩至此然則人物由山川重山川由

人物重兩者之說何居夫諸士即有高世之行絕群之才如風后力牧傳說固不能使

主上夢我也即如太公望不能使

主上卜得我而載我即如甯戚又不能使

主上聽我歌而召見我固必由茲途進也明甚於是時不畢力誇脩以稱塞如遇者將山川之

靈交醜之也夫會稽雖不當岳固四鎮之一也

且區雖不當瀆固九藪之一也大禹蒞玉帛焉

泰伯仲雍經紀要束其人以漸絕遠龍子至種

東坡先生文集

卷九

五十一

蠡鍾泄於斯亭育則霸氣生之矣大山數十小

山數百湖渠內府大海外府兩乳焉舞至於錢

唐則王氣乘之矣留都廣輪不承漢氏三輔之

七以望神烈之巍巍如在輦下又無異股肱

屬之美由斯以談浙何讓中州哉語有之千里

而有一賢猶比隣也百世而有一聖猶比肩也

我明二百餘年而得三公則誠項背相望當

今之時又誰接武三公者爾諸士謂我之不為

山川受也者則非諸士是故上之正章宛之中

隆如堂之密如防之盛濫泉正出正出以大瀾

沃泉縣出縣出以下潤汎泉穴出穴出以側注

此謂誰似之詩曰維嶽降神生甫及申維申及

甫為周之輔此謂爾諸士惟其有之者也不然

則所謂龍罔象變罔良云者無之而非是爾諸

士奚擇焉

浙江壬午科鄉試錄序

萬曆壬午浙江當大比士維時巡按御史某寔

監臨之既入院簡諸執事充其班提調委諸藩

東坡先生文集

卷九

六

使其某監試委諸臬使其某分司校事以十校

官而以其某署其裁焉於是合替學憲臣某所

選士凡若干人三試之得九十人以獻有司者

按故事宴而成之於是某拜手稽首賜言曰某

重哉爾諸士乎爾諸士今者之遭固即古所謂

賓興者也古者賓興一物不脩則不得爾諸士

操寸管而得之何異拾芥我聞曰以此思易則

難者至以此思難則易者至爾諸士姑毋自榮

侈有執鞭誨而策爾者至焉已何者士平居博



衣切冠哆口而談當世之務具曰能矣及一旦  
猝及之或艱投之吾不知整暇得似平日否也  
不幸一不當事機呼吸之間存亡互異股且立  
弁即屬者士譁於伍隨之以羣不逞孽然橫作  
有司者旋報龍定 國家承平二百餘年安於  
覆盂意外之虞萬萬無之然是時亦可謂猝矣  
爾諸士曷以應斯夫浙固龍子之所宮也自神  
禹告功萬玉帛不戒自集汪罔氏殲焉何其震  
也厥後句踐有君子六千人君子云者即吳所  
名賢良齊所名節制士盍姑蔑以東禦兒以南  
產也今尺籍隸者何獨非其人然考當時句踐  
所以視斯曹差不近情夫既血之江而棲遯於  
會稽創殘未起愁歎之聲未息又令歲致載山  
之葛於吳致芋羅之粢於吳致姑胥之材於吳  
又令其大夫女女其大夫士女女其士斯豈盡  
越人之志乎乃無分老幼咸願畢力以致義烈  
於其主蓋至於雄霸之日而後知六千人者真  
君子哉何其摧之不少畏止撫之而甚恩也爾

東坡先生集

卷九

七

七

諸士知千歲以前事耳安究其來今夫龍門嶽  
比翼難太行截服箱難及夫陂陀跋羊登焉勢  
南威不能令鳥不飛雖有聖哲不能使人窮不  
攬法收不裂爾諸士所陳說若數一二別白黑  
可謂較甚然吾不敢謂準何者懸斷易嘗試難  
諸士固未嘗身際斯景而欲以揣摩之見當叢  
省之衝執胞臆之私而定勛勦之變也其何實  
之可効若是則爾諸士所陳說直無當之厄耳  
主上圖新化理日警於有位非篤誠不二心之  
臣不以登非憊惓之論不以見於行古之君子  
居安類不忘危今地誠大人誠衆物力誠誠  
俗誠誼具鏡於吾前有象爾諸士處不諱之朝  
宜如何奮夫智者燭萌萌者難奉務竭所款款  
以結於主心爾諸士其庸弗懋諸先是三月屬  
某所前指士者諱  
上命少司馬張某以都御史撫定之大江以南  
武底靜謐維時御史孫某風猷肅穆佐都御史

東坡先生集

卷九

八

御史若輔車然於是言官謂浙事重宜更置大僚於是藩臣某某臬臣某某適來代之誠重之也若戶部主事某以漕至戶部主事某工部主事某以權至總兵某亦以代至而都司某某胥有職於棘院得附書

江西鄉試錄後序

萬曆乙酉當大比天下士

上采科臣言命臣某暨臣某典江西校文之役既竣事臣某弁其端臣宜殿諸末簡夫宣

豫章人支集

卷九

九

上特指導 祖宗舊章謹矜將事以訓飭諸士臣某既脩舉之矣臣復何言顧臣與臣某事事猶之勸力然曼聲而呼于亦呼喁疾聲而呼于亦呼喁何者事固有相為也乃諸士蓋有自為者臣雖謗劣庸無勸諸臣嘗攷圖志江西舊名豫章蓋謂漢時豫章嘗生其廷也夫簞簞不聞名庖屈軼不聞名廷莫莢不聞名堦而豫章獨以名郡固謂其事誠創見大抵如金城酒泉緣於其產夫比事者烏得無感於斯焉淮南子曰

豫章生七年乃可知是故當其難知則謂其似梗矣則謂其似榆矣則謂其似六駁矣夫梗與榆之似也猶近六駁之似也彌遠齊諺曰入山斫檀椽楹先婢蓋甚惡夫似也然則豫章至七年固犁然可珍矣乃今之人有一見輒得其裏底者有浸齒莫揣其端倪者何則彼固以其似者相矜炫也爾諸士所可知者特文耳自文以往其蹊徑頗別其歲月頗長吾何術以信諸士人有言人難知於天天道是然大當何難知者乃亦或嘗之曰維南有箕載翁其舌維北有斗西柄之揭若為不可知也者而憾之而况一人而函一心也吾安敢謂其委折不如輟轅渺迷不如灑瀨哉夫江以西固文獻之數也靈淵薄發括彥代有吾終不能舍前輩而詔來者爾諸士有如徐孺子陶淵明者則誠石隱也有如陳重雷義則誠篤誼人也有如趙汝愚則誠社稷之衛也有如周訪彭汝礪胡銓則誠法度士也有如歐陽永叔曾子固則誠詞匠也有如文丞

豫章人支集

卷九

十

相謝信州則誠蹇蹇匪躬也有如洪皓則誠不  
二心之臣也之數公得一焉已足以光 九廟  
表萬方矧九十五人者滋多乎哉脫或滑中而  
韜表質豐而貌澤之公而給私面誓而背駟聽  
其論議豈不條粲而仇急津途倏忽旦暮是故  
夸毗少骨譁張寡情此其為梗人輪人乎抑亦  
六駸人乎且姑無論若爾人也即以陶長沙之  
殊勲而不能無疑於天門之夢以王介甫之高  
標而不能無疑於熙寧之法以陸子靜之精詣

農家文集

卷九

十一

而不能無疑於頹悟之旨猶不敢為諸士願之  
也況乎曩者所謂不可知者也夫由前所稱舉  
所謂取周庭之梅植之 兩關間盡貞木也何  
負豫章由後所稱舉所謂枝葉未有曷本實先  
撥其辱豫章也明甚諸士奚擇焉臣初以所舊  
聞謂江以西盛有豫章已考圖經獨星渚有壽  
樟宋高宗皇帝嘗問李左司樟公安否夫國有  
黃者居然典刑即九重穆如烏得無眷然者否  
者非其有平生誰能忍之豈必其甚者以實商

士夫樞翳灌桷叢木耳即聖王無能曲庇之也  
爾諸士其慎所自將臣則竊有厚徼哉

陝西鄉試錄後序

今歲戊子八月陝西鄉書成行且獻臣某既敘  
諸表之端臣某宜敘諸末簡先是臣在曹受事  
一切功令所申核文軌必范於大雅日業業從  
大宗伯勤布海內不煩臣今茲更贅也既臣全  
臣某入秦遵故事舉士舉士率以臣之臆耳即  
文無鑿焉知其必良然秦之地之雄且大也若

農家文集

卷九

十一

是宜必良則臣某言之又秦之往哲之碩且偉  
也若是必又良則臣某又言之臣又何贅焉雖  
然禮有三加臣請繼臣某申祝於爾諸士夫我  
國家大比士必用八月者何八月壯月也於卦  
為觀觀者何壯則可以觀也夫諸士者今茲則  
誠號為天府人矣夫豈以驟謝蓬藿繼縷之為  
足其生平哉觀之彖曰盛而不薦有孚顒若今  
日寧猶以不薦為諸士諱也不薦所以薦也夫  
澡厥靈淵底於廣澤以完維皇之昭曠秉也則

我者盟矣言不必響聞行不必表暴上錄於上帝中呵護於群神下不敢嘯呼於百鬼則我者盟矣勿以善小姑勿為之勿以惡小姑為之持是盟也之其所章章章刺芒之其所冥冥冥冥達莊則我者盟矣勿以巧而眩人勿以猛而乘人勿以奮張遂張人勿以坻伏遂伏人則我者盟矣觀者所為觀者也故曰觀國之光利用賓於王賓之也者賓之也士之常也烏所云利也則臣請再加之再加之則既之三之繇矣其辭曰觀我生進退夫物至於八月則可以觀矣士至於八月則胡為其不可觀也月令先八月農乃登穀夫子嘗新薦寢廟後八月命家宰歲帝籍之收於神倉其尊嘉種也如是是故十母維康辛十二子維酉康萬物康庚有實也辛萬物辛生也酉則萬物熟也爾諸士其何實以副

天子顯融之令典抑爾所少而庠序脩者盡如前所云大都之四者舉皆其身之備物乎則

國家所攬取盡壯無童盡老無蒙六十五人者而僉以同也豈惟無曠厥工而已所謂合伊人之智智於樗里合伊人之武武於彭祖則豈不為社稷賴不然者國家將類蔑之覆棄之不暇而惡乎終祿為故諸士之今日誠進也然進以文耳假令所刺諸經騰諸論說與所籌今昔之故一人也他日者之所提身經政以稱塞上下又一人也是士也華所謂載澤惡而行於白日誰使臣如師子野稱瞑臣也者而負斯愆於國家故罔然不惜哆口與諸士講於盟之道也觀之比林曰麟趾龍身日馭三千言歸輦下與福為婚其坎林曰黍稷醇醲敬奉山宗神嗜飲食甘雨嘉降嗚呼是所謂利用賓也利在社稷非利在爾諸士也爾諸士其奉盟以進庶有闔於山川之爽靈抑古者諸彥焜耀於後先寧微乎哉諸士勗諸

陝西武舉鄉試錄後序

九月之朔無似某既以文舉與宴鹿鳴不五句

又以武舉與鷹揚之宴既成上其錄於司馬甘  
宜結言其後竊念秦固多才兩月間舉文武士  
凡一百二十五人可不謂盛哉入雍周自太公  
以下秦自王翦以下漢自李廣以下唐自李藥  
師以下宋自种世衡以下二千餘年代不能數  
屈敢謂三年而一收者皆雋乎哉嗟夫縣官誠  
儲若輩耳吾聞之計一年者儲穀計十年者儲  
木計百年者儲才儲固不害廣也簡兮之二章  
曰碩人俟侯公庭萬舞有力如虎執轡如組若  
平日得無撫弓而竊自詫若斯人乎縣官誠懼  
有此故急收若若來前吾告若模古不若模今  
今替撫諸公樹猷肅紀所謂申書部圻慎固封  
守以康四海非若之師歟古之宗恩谷授黃石  
纓赫赫名為一世資若未嘗不絕艷之也豈如  
今日身親際之直指使者矢於百執事不憚夙  
夜謹矜將事以期無憾於若輩射皮鵠不射人  
鵠此特有胃而無心者耳若來前吾又告若武  
何止一器古人雜收之以各致其精也若今所

挾僅弓馬初試六尺橐耳相距又三十五步馬  
猶辟易不前一旦遇虜虜其橐之人也再試八  
尺之侯相距八十步虜疾於風矢未及出房塵  
已眯吾目矣三試坐而伸紙幾於爛然虜出我  
不意是時乾唇焦吻理前人何語應之嗟夫語  
及此此如韓盧之轡而蒙之以皐皮執事者又  
懼若之負縣官也故曰民之靡盬誰風知而莫  
成若既以是技進其尚壹乃神志以圖厚樹於  
公家無徒以古人藉口某也射不穿扎某也不  
讀兵書遂忘所事事以為執事者僂哉若勉矣  
陝西戊子科齒錄序  
萬曆戊子陝以西既大比八郡士得六十五人  
籍以獻舊事得籍者又籍其年曰齒錄稟言於  
督學使者燕而成之稱世講焉余時督學秦中  
於是六十五人者拜手稽首尊其故以請余曰  
於余惟為爾諸士祭酒以答當事者之貺而厚  
為天地祖宗之祐命私鼓舞焉則能言焉  
則何能六十五人拜手稽首固以請余問曰部

使者賓興爾諸士之日歌鹿鳴若今茲宜何歌也六十五人合辭而對曰維夫子追琢余小子壹度專程以共

天子成命而式合裁之余小子無敢逸於型范以冒於非幾辟之漑焉今而食其餘委也而敢勿知是宜歌鳴鳩余曰唯唯否否今茲爾諸士事也庸濫諸以余所臆聞其伐木乎古所以洽親昵有以好始焉無以慝終之之詩也諸士謂今茲誠遂乎繹其刺草之野賤習而行有重荷乎抑籍在榮稱而甘腴是每以為其媮便圖也我於諸士稱一日之長豈不慶爾諸士顧誠竊竊念交也寢難夫交非睢睢盱盱崇示揖讓綠飾殷氲為歡而已也古之優狎者莫過華弱樂繼矣其隱密莫過張耳陳餘矣竟何如是皆不講於伐木之義也此無異故逐於冥室不當其廣廷嚮於豐府不及其禍衢故其為交不可以夕我聞之人祥則祥入否則否其內載爽明而外職夷曠不制喜怒不規得喪近之卒若未

近也遠之卒若未嘗遠也其恬固莫或刀鋸之冲粹莫或尋尺之諸士謂斯何其或陰陽莫必表裏若半陵谷莫狀其阻漠渤莫測其底苟以肥遂管蒯人苟以張遂奔獲人故曰伐木伐木母伐我櫟械械救厥橐千束若是諸士又謂何夫忠惡取碎首然乃為之孝惡取刳股然乃為之交惡取刳頸然乃為之有托而為名是哀末世之蹈也敢以顧爾諸士然吾見爾諸士之面矣今有人一旦操超軼不群之行上以斷定國是下厲威嚴挾討官邪力用大義振人響動四方則必聳然駭異之曰是是年舉者與舉者若挹馨香而注之其肺腑惟恐不向邇也是入祥也不幸不蚤敬戒惕淫回適即追於天網固已八伯並號四凶再世與舉者輒掩鼻去之不顧聞其姓氏遂陷而為否人爾諸士安擇焉楊子雲曰友而不心面友也朋而不心面朋也故宜歌伐木以滌爾諸士之不競心而澤之於無妄之區六十五人拜手稽首曰謹受命於是歌

之爾諸士神聰爾矣盍懋諸於是又歌之爾諸士毋自納咎人實咎女於是卒歌之爾諸士兄弟爾矣是世講之誼也於是六十五人趨而進拜稽首曰是日也實維夫子寵靈之敢不夙夜茂膺夫子之大章訓祇承世世於是次其語書諸其藉之端

荆向懷葛先生詩經義序

往余習制義嘗縱觀海內諸名家而及於吾郡之慈谿以為唯秦懷庭方伯其寔矣其後與余

農丈人文集

卷九

七九

同年向紹明氏談制義因舉其義中某語詰之何其偉也此語離奇輪囷今人比之狂劑不得漫嘗又何其敢也紹明氏曰吾先子之文也吾先子於文善操縱縱之至於寔長而宜操之至於寔短又宜輒出其詩義兩種跡余此短篇吳淞陳庵海氏所敘而梓之子其敘其長者余受而讀之先生殆能者歟何諸什完善若此秦方伯不靳用古語偶嚴之穰穰滿矣先生為諸生久尋繹三百篇頗近淫宜其春駭曠達不靳用

古語而盡輟輟古語中也以故方伯布武稍騁輒見瑰奇追琢未閒畢露鋒穎先生猶然肉好勻膚合密觀者以為平平無復逾人而遠見其神不恃假貌不存應其體自然未易闕也今世非無善短者勉而為長支蔓纍纍淮南子嘗辟之擴革者大則大矣裂之道也叅伍言之於長篇尤見先生乎迺方伯為人似其文平生用廉隅自衛有刺厲名一子天無後先生清約篤厚長者有子即紹明氏能世其業由進士起家儀部郎無論海內即慈谿人亦不知方伯有刺稿而紹明氏方為先生謀不朽何論大者即斯物暴興滅亦有幸不幸哉書此復紹明氏且以寄慨焉非於兩公輒有軒輊之論也

吳郡公刺諸生制義序

往吾郡吳太公與余譚制義輒叱喟吾不省諸青衿操何語矣余笑越之龔唇也於吳之龔鰲也句其初不能以寸恐昏闇間亦尺咫爾太公曰否否吾闇間人不至是余待詔公車凡幾每

農丈人文集

卷九

二十

上報報罷益厭薄是技不習迨歸田而按押諸  
弟子負不勝駭異如吾郡太公矣大抵是習在  
大江以左而吾鄞特甚於是公操衡低昂之而  
梓其雅純不大斂者少境其奇衰誕曼余觀唐  
宋制義嘉好者迄傳至今不廢我明科制一  
代大典宜必傳則王文恪公唐應德先生及諸  
名家十許公乎十許公者無論別部吳則瞿薛  
錢邵諸公越東西則諸張胡諸公唐先生高第  
弟子凡幾人吾獲與交好方是時兼玄酒之冲  
夷而端施五齊據陰交陽法度即序用能格於  
上帝永綏元祉此謂先達先生示我聖矩即或  
相遜亦不失為賢範奈何今日不恭膺上尊而  
淫用匪彝哉夫演繹聖真而援非聖之書是反  
醇為醜也不特強入諸子又剽掠芻蕘語傳合  
之是狂獷也棄去本註而就別疏是逐主帥而  
狎老兵與相涵也嗟吁乎是何不令人怵舞萬  
年之觴而悵悵短氣懼為九廟神靈之虞哉  
諸生勉矣吾太公至心殷殷明示諸生以金莖

玉璫之式庶幾受天美祿俾罄香芳魄於明  
廷豈不洋洋盛哉錄成公不自謂可既與司理  
蜀張公酌定之已又與海虞翁令君評鴈之前  
是張公刺有浣塵錄而今君亦且梓其試課之  
優者如吾太公微指主司者風厲諸生意其懇  
諸生勉矣

瓦注篇序

吾鄞陳日躋氏刻其制義既成號之曰瓦注篇  
夫瓦注者巧南華老人達生篇語也老人之旨  
在絕聖棄智使其心若不然之灰形若楸株拘  
以完其唯肝而歸之手鴻蒙豈嘗貴巧哉而獨  
羨夫眇末爾也嗟夫此逍遙生之所謂巧也蓋  
若郭舍人東方先生之射然兩曹擊刺一以帛  
為注惟恐其不撈一以撈為注惟恐不賜帛是  
皆有勝心非所謂巧也渭濱餌香平封營丘嚴  
瀨餌不必香卒老死富春渚彼其視世若孟家  
敗醜略不搜吾中歎怪夫賭墅者有意無意可  
知不可知當是時以九族注可也以吾君一宗



社注身首且立碎烏瓦之可全此巧說也夫士  
也被褐懷玉行且執蒲穀以周旋於鎮圭之前  
以吾闕日躋蓋不翅挾十龍珍焉而烏乎瓦為  
則日躋遜稱之也吾且與日躋論瓦蕭文終一  
功曹耳其構造未央至與太白爭雄題拱與玉  
女盆相輝映固在瓦耳微瓦是帝者不冕旒而  
戴簪冠安稱壯麗哉日躋謝曰若是吾技與金  
壁並埒矣吾所謬假直廬肆間土苴物耳雖然  
日躋豈操砂礫以與公車市者吾高言之曾靈

農丈人文集

卷九

二十一

光魏景福何藉而名瓌璨漳河銅雀雖磨猶重  
卑言之台婁缶盞皆瓦也夫以靈柱之亢當周  
魏之撫其形肖其質全以江淮之岳當關以西  
河汾之垂其形肖其質全以齊海岱之簷當宋  
楚之翬其形肖其質全洋洋乎國家同文之  
盛猶此矣顧凡物莫不有精理有虞氏上陶能  
使河濱之器不苦窳聖者埏埴俗乃畫一日躋  
無薄土型是器曾登郊廟和大羹玄酒以饗百  
神後之人黼黻青黃隳然章施計其庶幾夫若

者澁迫窳者淫濫兩者均非正則而窳為甚今  
之制義不患苦而患窳是故宮瓦莫不屑金乃  
金之善躍者善敗莫不宿水乃水之善嚙者善  
敗莫不齧火乃火之善飛者善敗皆不守中之  
過也故不中膊不中懸髻墜薛暴不中市是棄  
也猶為萬室之國病以成信之言繫在社稷苟  
放意而為之違去先正之舊盟直無當之厄耳  
識微者能無隱憂焉是故大之國器載天子之  
屬車細之老瓦盆長子孫所謂立我蒸民莫匪  
爾極微歟瓦而已日躋曰然則我於兩疚者安  
居日躋博淹泰荒參摹萬類展矣國工是故為  
古土鼓與埴簋迭明棗薌合為我其用商彝周  
鼎為我其體有激而擊缶壯國之爽靈聲烈大  
壺一不效賁在康瓠終不緣飾以希合當世吾  
於篇義卜之日躋勉焉日躋不勉焉瓦論在也  
烏寧乎使吾言不讎

農丈人文集卷之九

書記周禮寫

農丈人文集卷之十目錄

傳六首

南大司馬張公傳

傅少姬傳

吳山人傳

陳貞甫傳

陸丞傳

祝比部公傳

農丈人文集 目錄卷十

農丈人文集卷之十

古鄆余寅僧果著

傳六首

南大司馬張公傳

司馬公者鄆槎湖里人姓張氏名時徽字惟靜  
張氏業農幾十世而暴興兩大司馬前後官南  
都前司馬文定公於司馬公子行而司馬公師  
事前司馬公名具純茂蓋耦德亞云司馬公王  
父夢龍棄於危是生公公為人端重驟見嚴難  
近少選坦俞款款洽也厚而隱中其慙惻人尤  
至遇事敏而密於理用健決為快無少偷惰狀  
所居曹畫吏事而更畢驚增稚老不休初舉進  
士主事南京膳部更武部儀部郎南曹務簡以  
故益探摹古則日與諸名士呂公榘鄒公守益  
顧公夢圭王公積石公簡相劇毀必毋墮于大  
康如是者凡八年而改督學副使江西公督學  
角取才者汰諸不肖除其籍當請者大不便會  
官廟災遂論罷公一時莫不詫異之

天子所以勅百寮意云何而借外官塞青借外官塞青又借公未幾起臨清兵備副使兵備靡絕不豔賈人聚獵取遺過客為私面懽過客亦卒無望公者約其地毋情巡毋諛劑毋與市伯招而胥魁舞具有憲于是其境內駢行者不以兵過客更贊公矣轉福建叅政福建郵更無準豪者虎而噉其鄉為度些筆古徭作定費出一登諸籍按行之歲視此汀民胡賤仔孩而孤其宗人利其貲厚誣賤仔尺籍子也賄主者名攝賤仔賤仔積不白公偵賤仔有母詰之母初恚其主母奪嫁已匿不吐覆用左語旋折之迺吐實叅政四年不調調乃得雲南按察使時文定公為少宰故遲惡之雲南舊遣囚會臬論論不決還其囚囚率餽夷人道掠竄論決留其囚囚得自火而食不戒率燎竄法及主者纍纍美公請囚不決即臬繫不得還而立主炊食囚囚不得身炊為故事囚得前至公者立決白之指揮范俊暮而婢舉一子俊弟傑計敘其子爵嬉而

東坡全集卷十

二十一

刺其腫子而聲諸官曰非俊子蓋官司右傑者數矣公盡詰其人叅面之卒罪傑爵俊子李知縣女與匠者私知縣子忿毆匠者匠者死覺家衆盡逸獨其長子出承之於是當長子首殺餘子從殺捕益急公曰是義憤也罪不中死律而當之死律於是請于御史坐其徃死一人不逮其家衆其家衆乃盡出曰張公生我為尸祝公遷右布政山東外艱服闋補湖廣時岳州上計而誤昂其數監守坐至六百人白盡罷遣之徙河南左公為右時時振淹閣補左之所不舉為左則益董飭用時給周府祿而明其條志為教主者受者不得次第下如舊時內外餼蓋歲用金二十二萬有奇舊倍什二三更浮而逋更屬及公并皆逋往無毛髮侵者則人大喜過望若歲恒歛一旦而遭大有年也今諸府人多不離主計者卒無以應大抵謂物力詘矣語曰不習為吏視已成事無寧視張公哉已擢四川巡撫都御史又人人賤挽公車至枳不得進而未

東坡全集卷十

二十一

至四川而白草蕃茂陷關堡國提督官及其妻子棘美公曰必勦之諸大夫議多梗公曰是胡然夫其地誠險其人誠驚朝廷示浩蕩羈縻勿較其事舊而諸大夫不遂念其新何居余

天子之曾臣也實惟西土之管不難將遂尋斧柯為諸大夫羞當是時而食余肉晚矣乃獨居重而委方略都督僉事何卿會陰霧籠其險據之賊盡銳奔我師我師殲之凡數十戰擒其酋長五克寨五十有奇毀碉房四千八百有奇斬首一千有奇俘獲五百有奇約東降者稍出賦視內地放歸內地鹵掠如干人

上嘉其功陞兵部右侍郎已又馬裸番叛檄副使朱簾討平之有金綺之賜而忌者媒孽公解任歸是時四川荒較地賦用三等發廢居轉注借官充緩民吏更精幹吏為期日報卒恃以大憊公於四川官是重有造者猶不免居二年用公撫江西又一年晉南京刑部侍郎改徵兵部時侯鸞新得寵恣甚公稍持不下輒謀阱公

請得從公按虜邊而都御史商公大節者蓋嘗梧鸞而鸞迷之詔獄坐殊死公悼之念疏爭俱死無益已而鸞疽死

肅皇帝得其狀剖棺戮屍籍其家棄妻子市而公遂上疏理商都御史其略曰大節治民兵一年所士有奮心而奸臣妬害其能不究其用今民兵合詞愿得大節主團練事臣謹昧死聞誠釋大節大節必能効職庶鼓舞士氣壯國威德折逆虜萌唯明主哀憐幸許疏奏

上大怒內批生殺之柄豈容小人作弄張某輒自題覆可謂無朕是時公席藁候誅死闕下諸閣臣惶恐疏寬公

上意解乃奪俸二級而公尋以內艱去位矣明年島夷犯東南南京兵部尚書關太宰李公默特疏用公詔以尚書起復公往居無何寇突郭夕公命將禦之不克當是時公履任才一月而治一切幕府事章凡十上具得 俞自行不得視玩弛明矣乃嚴氏父子披之公遂老當是時

公茂齒強事縱不得使過使年可矣而竟置去  
略無顧惜謂才者何然公自乞身至于今優游  
泉石已二十年謂貽公者弗厚耶公奉親謹撫  
二弟周至視猶子猶子資群從昆弟無已時無  
田與田力不能田又問公給作無廬廬之廬敗  
又問公苴蓍一應之無倦施及母氏孫內氏陳  
咸使有植其他窶無識不識往往待之生死歲  
時享祀必親一鑄其陋習而秩于禮自初祖下  
均益置祀田曰後世有紹吾志即為昌子孫矣  
農丈人文集卷十  
既授老日取娛賓至拳拳接引其後進生其後  
進生竟曰侍而直容莊語足師也以故後進生  
稱東沙先生云性穎異為文博贈爾雅詩色澤  
腴格力美典所著芝園集外集別集行世銓定  
本朝文若干卷為皇明文範又輯寧波府志定  
海縣志四子仁伊侗岱仁更踔絕得任子而讓  
其弟伊人以為難余寅曰司馬公爵什九矣而  
其施不能什五六要緊伐而至之非有知之者  
也知難言哉其所行事大者庶幾古人其小者

猶非今之苟且以襲歲月無尺寸見者也故  
宦道用堅不可則用瑕堅以善力瑕以善息公  
委之久矣公居常引體峻蓋尊者之曠節世率  
以是求多公公固未嘗少也求多公胡遽不為  
淺眇哉

### 傳少姬傳

傳少姬者御史傳君應禎之側室也姓浦氏行  
曰三姑御史年既強無子不以其室人從之京  
師於是其尊人屬御史為嗣子計曰必湫媛其  
可於是御史聞浦三姑少而安祥也以謂其父  
母其父母雅難其女字而謂御史長厚無險德  
遂許以事御史事御史七十日而御史欲有所  
論列章既具成少姬無恐吾誠不忍替積逋益  
腹元元意在蘊之少姬為決贊章遂上明曰下  
御史錦衣獄受杖又三日繫法曹少姬哭幾絕  
不食六日其父母固勉姬無過苦御史脫不幸  
烏無家而患為少姬曰我所以不即斃者冀傳  
君萬一生耳假令傳君死敢獸生耶當是時御

史既幽於理莫必其旦夕而又念棄其尊人壹執強志莫為顧誠不孝謹令其室人百歲侍於是械一楮謝尊人死罪且曰必遣姬姬年殊少能終作傳氏鬼耶姬聞之歎曰吾事傳君日淺何怪為此言輒欲自盡以示其志無他已御史成定海其父母謂三姑且留毋南去少姬毅然戒行一不作別離態既抵戍所思其父母無已時往往夢中作喚咻聲傳君呵之曰汝不記汝父母送汝都門時耶淚如雨汝對之兩目炯炯

農丈人文集

卷十

八

塵起矣少姬曰嗟乎妾父母所深愛女也豈謂以萬里之途封其腎腸哉當是時父母悲妾亦悲是愈傷其心而今至不可知也我故重自忍以絕繫於父母耳傳君大然之無何君配彭夫人從廬陵來視君海上少姬奉之有禮請攝一切端慎不苟夫人喜謂傳君曰嘉哉媵是足釋於余懷余歸養爾翁矣于是彭夫人歸廬陵少姬居戍所一歲乃姪及月而作楚擁衾逮旦目不交睫如是六晝夜既產不自意女也頃之而

大崩死矣年僅十有七歲農丈人曰傳少姬何早慧也少姬京師人京師詔曰莫娶婦得拋虎狡者張其吻以伺四方人寔有飽心四方人多甘之後竟抱空質歸無敢誰何少姬不聞於故又無漸焉何其天之篤也當少姬及笄時自度儵甚語傳君而泣且悔曰死產何似當時死京師得烈名乎惜也泯泯矣所謂皦然不欺其初者與

吳山人傳

農丈人文集

卷十

九

古者以巖穴聞率自其性安焉不見異物而興美心偶遺跡於人世世絕艷之如與神明等號矣末路充斥親奉尚風殊遠濶希絕無復萬一可紀余見吳山人則謂庶幾似而傳之

吳山人者婺之蘭谿人名孺子字少君幼從父某歲貢上京師父病憊遂扶侍歸大父某由省薦俱不及授官卒山人嘗故薄更凶閔相屬習嬾不問家人生業盡鬻其田廬生子不育妻妾俱夭歿山人遂以無家徒恃游山人雅閒靜墨

墨自秘外若不激亢中實堅卒不肯纖趨迎人之意顧又無所挾以傾動當世以故游道不振少時多猛氣或欺之不勝忿又不勝忍柰何用卒暴加人輒以指錐握中不覺忽然仆地此之謂填膺無所從洩故也少君曰余率用此二十年抹殺其不平夫橫厲人時有之不力矯抑安所底止乎故山人稱馴謹不較至今有毀之若為不聞也者而去之山人善畫尤工鷄鷺長洲黃醇父見之業已當山人曰頗得觀山人詩吾

農夫文集卷十

十一

何論古巖穴流也夫握疑向人不憚僕僕以與當世市其孔出多端然大都強於取人而躁攝已弱於取人而蕭攝已不離斯二者而強者號為能矣山人固曰奚鼠斥鷃吾黨也凡吾分有疆且也以奉天之訖我而敢有他覬望邪故所至率寓蕭寺不領止貴富家即終日不再炊累歲不更製意廊如也平生唯華亭何元朗嘉禾戚布仲海虞趙汝師雅愛山人異諸人禮客之夫山人非視息白日乎乃其志已槁死在人間

農夫文集卷十

十一

久矣使今世之士時而抗引時而冥滅固且以儻蕩之間見其奇表何不可哉何不可哉

### 陳貞甫傳

陳貞甫名以忠其先家蘓之嘉定高祖公寔與僧道衍游作詩諷之隱已衍佐靖難兵起貴倨甚與衍絕遂徙錫山宅仁里故今為無錫人曾祖呈餼於庠當貢以同學生寔親老讓之貢旋亦貢兩為令一為州倅有政聲祖周介性絕干請官戶曹時諸璫相戒無輕溷白馬郎也郎

乘白馬云出為河南叅政行部得窖金以償  
汝之歲逋汝人德之為逮却金亭藩府以侵小  
民田戶復之其王大嗔恨卒無柰公何公鳳生  
貞甫靈悟異常兒年十七補邑弟子貞甫雖  
魚魚從逢掖趨而志固魁岬自負偶不利輒自  
詫男子胡必刺促蠹魚間假而都顯重明得意  
大抵爾爾者彼馬伏波將軍定遠班侯何人哉  
於是益讀穰苴司馬法力能開一石弓日講於  
擊劍習騎射曰丈夫一取鞭韉死亦得耳父覺  
之怒孺子不率厥祖而以不逞從驅武人蔑吾  
類矣貞甫唯唯則頰首脩故業試益不利於是  
圖北游以訾入成均稱國子是時次相素文榮  
公奇貞甫文屬致之貞甫謝不往則從祭酒南  
克陳公所乞貞甫且以幣先貞甫乃往報素公  
性褊好嫚罵客而獨客貞甫無失於是太倉王  
相國者素公門下士時為編脩官逾知貞甫於  
素公坐上與貞甫交而貞甫又於太倉公坐上  
得松陵王山人承父遂與承父交也明年乙丑

新進士多聯騎跡貞甫者貞甫匿不見而獨顏  
少司馬益卿胡御史原荆與貞甫交有終始云  
貞甫慨然而歎吾即不得雋者得交數君子不  
負吾茲游矣蓋隆慶改元而貞甫甫得舉也即  
又兩不錄於南宮遂謁選得寧鄉令寧鄉豪擁  
田或不稅貧下稅或無田貞甫躬履畝乘以縱  
廣準為科凡鐫浮糧數百千石為江患涉當其  
橫四方車馬至蹟不得錯貞甫以其倖勸輸不  
數月而梁成名之曰王帶橋歐賢變者筦區賦  
管其弟逋弟迫手刃妻而嫁之變獄成四十年  
矣貞甫廉得釋之而獄其弟一縣以為神湖北  
使者胥來檄取盜橫索錢良民恐貞甫拒之使  
者移怒獄吏貞甫投劾去直指舒公慰留貞甫  
曰明公即不罷某者頗法諸黠胥謝百姓某乃  
得効死賊下耳直指縛諸胥致之法貞甫乃出  
視事當是時令精悍刺決不留行凜凜匪躬屹  
然為全楚寂無不人人假塞貞甫宜如何者卒  
得寧州去寧州在萬山中號盜數豫章之靖安



五縣楚之興國瀏陽七州縣悉鬼走集嘍村落之肝腦以充脩稍譙薄立支解至或無炊種如是幾五十年 朝議無如何特敕憲臣稱脩兵使者開府其地督把總官日練兵十二州縣具入轄先是州無城議築十又四年矣卒無視植者貞甫至不數月城成於是告戒諸山峒州太守不忍盜視吾民斷自今悔滌者即吾良民矣於是禽雉諸殺人有狀者盡寘諸法睹聽為聳而獨廬源盜多盧姓獷悍猶昨於是令非盜者說盜令盜縛盜自贖凡縛盜七矣則又密遣兵搗其巢諸酋方醉寢裸而聞火發矢着額不能抗遂就擒獨一酋跳卒不出伏中所斬獲凡三十餘人軍門得捷喜曰陳州守真是脩兵當一面矣廼直指以不先白不能無纖介當是時諸魍多耳目上官者稍不密輒如風不可跡胡得云擅哉而會平江兵逐盜盜二十二人展轉五邑夜避直指駭州欺我胡蔓延若是謂盜且千計遽上聞而貞甫方捕平江別酋又獲十二人

獨逸一驍者計可必得頃之疏下以貶秩行矣貞甫之為州如為其家無不人人恃閔憐者計前後所捕盜凡一百四十幾人州以大寧所為駭直指他邑竄命耳非州寔驅之毒痛其隣也而州人乍聞太守不功而譴莫不人人呼天號籲者然卒莫控矣居二年補寶鷄令適歲旱禱於時立得澍雨解俗善訟為款語壁曉之率悔服去廳事竟日為清丞鄒負氣不俯百夫長楊者署驛事以介倨並得誣貞甫力為白之卒無恙女魁凡殺五十餘人邑洎懼投牒城隍神崇遂減令寧鄉時亦嘗寢妖火赫哉明神謹敬戒矣明年徙知光州至之日吏目列座公堂命撤其座前是縣令鳴金於州門外學官騶唱門內悉禁之州乃尊州稅故多勒羨滯不入命以錢代金如市直輸者填委稅不替而辦著為令胥魁楊父子刺人陰事州邑人其弄驚甚按得成諸邊子戡戍論上蔡牛女王氏之兄弟而嘯之訟謀兩殘之夜殺其日弟之門因自創以

示及弟不得白上官委貞甫謝得其本謀牛伏  
罪死踰年貞甫病遂棄官歸無何歿矣貞甫稟  
亢直慕節使畏壘自雄論人必以品有標槩輒  
傾身下之否則唾去之遇事膽烈而機圓其照  
灼如電其發如霆迅無不立竟見借令得當即  
趙克國寇恂張仁愿寧足多讓哉布衣時試之  
營殖效仕而少試其械於一彈丸之州數賊之  
頭顱直其末穎穿魯縞耳猶為貞甫羞譚之也  
乃貞甫遭是蹶意頗自傷爰著客憤列寧州之

懷文人文集

卷十

十六

事頗悉嗟夫貞甫盡觀海內之人矣誰者天人  
邪於塞事又數數爾古人可作安知不在股掌  
間談笑拾之向有者乃不肖以霄漢又第其月  
日卒令低眉以死謂命非邪貞甫五子長爾耕  
甚賢而文

天隱生曰余嘗督關中學云凡三年俎豆名宦  
者獨貞甫一人耳豈不稱罕哉已讀蜀志諸葛  
孔明有孫曰京為郢令郢之祀名宦不及京余  
檄郢令祠京如制余游秦得此兩人頗自快往

余識貞甫在淮濟間挹之丰采奕奕意為  
光州劉玄子標論高意不可一世士是貞甫輒  
心折貞甫病歸玄子送之六百里外固其以乎  
蒼廡自吾黨事僅從魏觀者較言之乃有其名  
此不足頌貞甫蓋貞甫固有大者

### 陸永傳

吾鄧陸氏環月湖之西澈而施行馬如林立蓋  
敬輿氏之遠裔無慮三徙二十許傳而為大司  
冠康僖公瑜其弟理贈兵部員外郎丞高祖也

懷文人文集

卷十

十七

丞名激字和叔父銑福州府經歷母錢氏生母  
周丞五歲而孤弱冠游南雍稱太學生與伯兄  
冲慶試留都冲得雋丞乃踰晚而思効官下得  
青州樂安縣丞是時丞年紀艾以往疲滿不良  
於驅走而中有愷心時時見敏姚某官被盜既  
有繫丞疑非是已捕得掠商者訊之即姚盜置  
之法而脫誣者絞罪囚母老病頗得一省視即  
死不恨丞遽縱之獄曹大違駭囚果信宿來就  
械邑故多惡少年勢橫積不得丞譬曉懇則令

自新無終迷虎弄作無賴鬼諸不逞感悟自糾  
顛伏法當是時丞假令僅數月當道諸公尤嗟  
異斯事丞白哲居常軒渠而懿性細縕不難以  
其意委輸之歡厚蒸蒸滿於庭間嘗恨力不能  
恆贍子姓其大者斥上腴佐祖祠其下至焚券  
屢屢矣族兄鯁無子寔承哀之請與同居恆視  
勤至一日不見必問乃安在者或晏起必褰帷  
撫摩起之卒殯以送其死白杜里人曰此與今  
寡誼人何翅霄壤大抵職吏稍有聞率自其稟  
慶文人文集 卷十 十八

祝比部公傳

比部公名以庭字聞微姓祝氏先世由括蒼徙  
居海昌袁花里公高祖淇有文行門人私謚為

文直先生曾祖萃由甲第官參政祖繼皋甲第  
官兵部主事父世德以公貴贈文林郎公聰穎  
特絕七歲就塾見凡上有古戰場文讀一過輒  
成誦塾師大奇之十七補弟子貢試輒高等文  
林公固挾弟子業有聲不獲售而時時摩公頂  
自喜曰駒兒是且充天閑吾息吾跼矣丙子登  
鄉書已丑成進士授祁門令公仁情天篤觸事  
礪發入境適患寇徒步跽禱赤日中父老叩頭  
請止不聽止雨大降公謂旱澇非他蓋不講於  
壩之說也邑壤高中半以往脩古鴈流法以時  
醵歲歲以有秋祁人德之祠諸壩上焉公奉身  
約百需不歛煩百姓衙齋供具舊取辦里甲一  
切屏絕祁人大呼曰公真父母哉安有請天天  
回規地地殖恤人人懷若我公也者郭訟數鬼  
賦如織一獄可費紙百番公不但生恃洒尤死  
恃甦有些饒而不幸矇諸惡少徧訐之旁郡計  
且斃之途而憐之公迄為護持不中釐寔人  
子為仇家所誣以盜逮江右必死之公大詫彼

仇安得甘心爾爾命在我爾第往仇魄奪卒以  
直還偶樵者於陋谷中見一垂盡者石室其口  
哀酷不可勝舉二指示樵遂絕樵為之理公密  
偵之屢市獲行第二者鞠得狀遂以抵或醉而  
失贖產金謂贖者酌我而攫之構不休公命邏  
者屬之城隍神夜果有携牲酒至者喃喃皆求  
解語縛致之金始白公嘗請於直指平反重囚  
五惜按傳不得詳其細累累猶無不擊首顙為  
祝明府死者至巨慙白晝殮人借權貴為捍拒  
賈文公文集卷十 二十一  
略不少假公豈不知勢人且齟齬我彼夫隱惻  
非強力烏能終閔且覆者乎然竟坐是得南遷  
矣公雅意作人所為葺繕鼓掖尤脩以故賓興  
士加於往額學官貧困至自縊為厝且祠之曰  
鬼於我乎歸也良禾峒賊竊出攻剽自祁建於  
江右皆其朝夕脯矣當事者首鼠不專決公毅  
然主勦潜布方略難之無遺突自是萑葦無警  
不獨祁已丙申遷南京刑部主事尋轉正郎南  
曹簡公獨兢兢於園牆加警擒積盜一事尤快

祁七年而南南三年秦軍而北豈謂龍蛇猗那  
其綱尚章困池寔罹長嗟竟殂於都下年五十  
歲公肫坦自率白日在其懷與人腹腸可洞德  
有百瑩而怨無一溢其容人非常所意莫不稱  
為長者四子箴範策策箴寔為狀甚文翠碣館  
人曰吾人貌於天地必有與肖者矣公初上公  
車文林公歿於家公毀瘁恨獨生太孺人邵畏  
跋涉不肯之官舍公撫板輿魂搖搖不自寧令  
太孺人固無恙也公應恨獨死斯其淵鍾懿翁  
有懷鬱悵其視民固應若翁媪面詔之何不盡  
焉祁固天子都分邑也有吏若此不當錄在霞  
笈中哉胡甫艾遽謝人間世也

農丈人文集卷之十一目錄

行狀四首



明故奉 詔致仕前通議大夫兵部右侍

郎兼都察院右僉都御史竹墟屠公行

狀

明故光祿大夫柱國少傅兼太子太傅工

部尚書雷公行狀代作

誥封通議大夫太子賓客吏部左侍郎兼

翰林院侍讀學士沈翁慕閒先生行狀

農丈人文集

目錄卷之十一

十一

贈資政大夫南京刑部尚書趙翁目峰先

生暨配贈夫人孫氏繼配朱氏行狀

農丈人文集目錄卷之十一

農丈人文集卷之十一

古鄧余寅僧杲著



行狀四首

明故奉 詔致仕前通議大夫兵部右侍

郎兼都察院右僉都御史竹墟屠公行狀

嗚呼吾鄉若屠公竹墟先生真嶽嶽大老表於

東海之上凡我後輩莫不俯躬委志願趨下

風而黷爾天地竟不憖遺日月其愾金石為防

謀所以不朽公則先達先生在余小子胡敢侵

農丈人文集

卷之十一

十一

諸而公之子本峻顧以狀屬小子余小子竊念

公槩甚高夙昔甚縉即無委余小子余小子猶

將請之則胡敢不侵諸於是按峻所為公年譜

次為狀

狀曰公諱大山字國望其先大梁人宋時避金

狄之難遷無錫至諱季者徙鄧凡幾傳逮公高

祖子真曾祖瑜瑜子瀟渭瀟累官太子太傅吏

部尚書卒而謚襄惠於是公高曾祖得贈封如

襄惠公官而渭則公祖祖妣楊生慕菴公僻

於王俱得推贈如公終替時慕菴公以弘治  
申五月一日舉公於乾谿之里而適襄惠公以  
泰山磨厓碑與慕菴公因以今名命公公生而  
有異質襄惠公每顧之曰是兒必繼我興幸未  
母王歿明年慕菴公更娶陳又明年慕菴公歿  
是時公年才十四執喪如成人於是公之仲父  
佳念公孤撫公如己出而慕菴公所更娶陳甫  
八月而寡寡時年二十二斷指誓必死于屠親  
操轂不給簪珥佐之以督公之日於學也公故

東坡先生文集

卷十一

二

聰穎于書無所不流覽覽輒不忘而又得如所  
親怙恃于家大人以故學彌進辛已充郡庠弟  
子貞明年舉于鄉又明年成進士當是時公從  
父少保簡肅公僑監察御史僉吏部考功主事  
而公又與其從父倬一支家樵李康僖公勲之  
子應坤一支由閩右戍桂林者其裔皆俱同年  
進士屠於海內蓋達姓云當是時公銓次當諸  
曹而選部郎以公卿相屬日豪酒譱不見敬衛  
之出公合州守守至諸父老持酒脯入賀公

與大嚼盡懽人人以守厚已盡予守情告守因  
得勞來興罷之州人以為神州當瞿唐衝春漲  
乘之多不救于墊為出橐裝桀隄數十丈州人  
賴之號曰屠公隄妖道士李挾其術譸張一州  
公掠治數百膚如故完公曰吾意動妖輒搗得  
而與吾抗吾固關而可明日竟殺之簠下陞南  
京刑部員外郎署郎中事滿三載補吉安知府  
知府介特丰度豁如其治一取綏百姓安福王  
尚書者子橫甚公盡法其蒼頭奴子更折節為

東坡先生文集

卷十一

三

儒生王尚書德公曰使我家為良巨室者太守  
也至今安福人稱太守不難正執尚書不難義  
服兩賢之擢山東按察副使備兵徐州時流賊  
殘破城邑千里為墟公治兵嚴聲豫實屹然淮  
以北重鎮云尚書甘故屬公里人子里人子賄  
敗恨公不為地而會盜剽上供金甘遂傳致兵  
備盜不得輒不得量移以故公在徐凡八年而  
轉叅政明年陞廣東按察使尋轉山東右轄又  
明年左轄閩是時甌寧李公默右轄浙以其里

人輸金事于公公不報已李為司成嘗有讒於  
將樂令屬公必斥令公又不報顧反薦令賢也  
以勸他令越三年庾戌陞右副都御史巡撫湖  
廣是時簡肅公為左都御史已酉陽吳黑苗龍  
許保反會川貴兵討平之 賜金綺督入湖廣  
歲逋萬計幾減全楚賦什之二 蠲書褒焉是時  
分宜父子相國諷公賂入者即何所不可公固  
拒不為入方銜公而司成公為太宰素器重公  
詎公淹楚中胡久也 晉公工部右侍郎命既下  
農丈人文集 卷十一 四

車傳邦珍等六囚至七盤三兒從守者乞水又  
從水中遯湖北道縛以獻於是誅六囚漢東平  
是時御史胡公宗憲按楚具據 聞公力辭罷  
之明年陞兵部右侍郎兼右僉都御史總督湖  
廣川貴軍務苗龍阿仔為梗公命叅將孫賢進  
軍勦而令其黨譚細奴誘擒之是役也盡龍類  
龍亦盡譚衆苗乃靖奏立譚氏世百戶故事土  
官龍官一聽督府於是辰州冉世蕃行萬金抵  
公家幸得父官家故奉公約束謹麾之去公聞  
杖世蕃軍門終公在楚不敢奸父官於是太宰  
李公復晉公南京兵部右侍郎分宜父子愈益  
不平是夫無我者憚胡推為仍以原官巡撫南  
畿蓋分宜側目公久不得之苗必得之倭且也  
即不錄公伐惡有總督而復下為巡撫者大非  
國家所以敘遷而是時倭寇熾甚至欲窺留都  
天子赫怒文武大吏惴不知所出張尚書經督  
戰大陂度不測輒駕公是時公病賀給事論公  
不宜以辱軀當孔棘之日得 旨歸而分宜父

子不甘心公不止令言官劾公逮公錦衣獄時上方師事陶仲文問曰屠大山在楚亦有功是嘗修潛邸及太和宮朕嘗勞之者其人否仲文對曰然於是內批寬公罰遂得釋為編氓端斬尚書經西市明年正月木米太史奏大臣災簡肅公卒京師公偉幹修髯類其父沈毅健決外隋內詳委應猝起無故定若宿圖瀆輸山靖即訟然居挹終用永貞所謂不可招來不可戲去有古大臣風所至廉潔精法比然持平不以人堅不以徇人吉安時以獄上部使者不可却還公公執如初部使者不悅曰是謂御史惜不識三尺法邪公條上甚具始乃大然公首薦公於朝公襟懷濶達如揭日月行人有致不難身下之孟公淮者故寡諧獨諧公公開府楚中孟為賓宴置孟公上座孟公竟坐上座及孟公臬長入浙訪公田間信宿去而後知兩公之身有致也公之在田間益鍵閣謝絕一切僅僅取足先人產又鬱攸攻之公略不為營也嘗慨

然引滿謂其所親故某三吳之役有天幸得小還假令當時賜我屬鏤之劍者即欲一當諸君殷勤懼可得哉以故日栩栩觴酒酣以往輒援筆而為曼歌一不問人間事至國恤虜警深念動容晝日夜不釋范少司馬公欽謂公此侃然社稷之誼蓋大臣律令乎隆慶改元還公冠服明年陳太淵人卒凡執志五十有四年而卒死于屠羔其完云  
今上即位又詔公致仕是時谷中丞公中虛撫浙疏公可大用公若不聞也公在楚嘗從授異人秘術以故老而壯容謂百歲不啻過之乃壽歲六日忽嘔逆旋已復作卒不救蓋己卯二月二日也享年八十歲疾既革呼本畹小子古者嚴死吾死慎無乞祭葬恩祀鄉賢作佛事受諸賻奠書其旌曰前進士通議大夫兵部右侍郎兼都察院右僉都御史兩奉恩詔致仕某公柩小子識之嗚呼公志念誠遠矣本畹既恭命以今年四月十四日葬公甬江北原上奉公



配陸淑人合馬臨窆有鳥數百繞而飛鳴者久之淑人司寇康僖公瑜從女孫巧慧絕倫事太淑人孝不以世祿傲其夫子歸八年而為嘉靖乙酉六月一日卒合州距其生弘治己未某月日僅年二十七歲生女二一適別駕毛思聰一適貳守包公梧次子諸生仲岳繼章淋人定海之瀟洲人虔共克戒大有壺則一子即本峻任子官刑部檢校娶僉事黃公綬長子審理伯康次女二女一適太宰聞莊簡公淵少子太學生思治一適邑博士金君章長子太學生鳳翔其一適范少司馬公欽長子太學生大冲則側室陳出孫男一維霖娶聞尚寶思學少子監事繼美長女孫女三一許聘少宗伯余公有丁未子廷梓一許聘方伯柴公淦次子以鼎其一尚穉著有詩文若干卷余小子誠不能厚揚公姑以塞本峻請本峻恂恂鞠躬篤行屠之鎮公子也諸所為重公於幽寔藉手余小子惟當世作者財擇焉庶永永

明故光祿大夫柱國少傅兼太子太傅工部尚書雷公行狀代作  
公諱禮字必進姓雷氏豫章之豐城人上世居鄱陽小雷港遠祖煥精象緯嘗覘得寶劍豐城獄中事在晉史子華州從事孫鐔卜居邑之南原豐城之雷自鐔始歷唐萬頃刺史宜中禮部尚書死朱籙入我明諱誠者永樂中官延平太守公高太父也曾大父啓陽大父遂冲父邦鑑俱以公貴贈光祿大夫柱國少傅兼太子太傅工部尚書母鄭氏一品夫人夫人姪公時夢天門開使者從鼓樂導一紫衣兒昇夫人云賜汝振汝宗翌日而公生時弘治乙丑歲也生四歲而溺死更甦公父故業儒嘗就試巴陵行次湘陰夢夏忠請公謂之若之無往舟中人盡血人也宜歸教爾子以成若志爾子他日似我矣明日盜至盡刃舟中公父以早戒得逃死于足歸而督公讀也公體孱類延者然志強機悟適敏鄭夫人時時禁公讀公請益讀讀輒不忘

為文警邁臻於理與公父嘗携公讀書相鄉相鄉巨商欲壻公竟謝歸終未籍邑庠鄉舉戊子邑成進士壬辰居無何禮部簡庶吉士首公名而會忌者泄公卷中語頗聞

上言官更連類及之於是禮部請覆試公竟不覆試逾年授興化府推官推官故耳目部使者公尤善撻發誣隱所至稱霹靂部使者益倚重公諸所勾稽必陽參陰校以伍相物既廉得輒與以寬律無窮其數故公之於法察而能平丙

東來本末集

卷十一

十一

申居鄭夫人憂既闋屬臺省乏人時貴溪當國謂公嘗簿館不為今茲得慶所矣及試給事公固不往試給事已又試御史公又不往試御史而謂其同年文選郎若愛我而令我速化邪蓋文選郎欲以公補禮曹也太宰許公聞之曰卓哉是子當卒成之遂補推官寧國府時

慈孝皇太后梓宮還奕鄧龍江關迎之不得策府尹以下俱獲罪公獨用舟挽所以諸應甚具及渡衆石聞若無人諸路奉公法迄無譁於是

留都撫臣重公於部使者部使者亦益倚重公

屬公讞公讞出寃者而入其橫無禮者公讞不

用挺而服部使者以質公公曰無庸挺也如以

挺即誣推官為盜敢不承乎部使者大然之是

冬公父歿壬寅服闋時吏部驗封關主事太宰

許公聞公至喜曰非是子莫當是選遂假公明

年改考功已改文選未幾署考功貢外郎事乙

巳改文選明年署稽勲郎中事已改驗封又明

年改考功公悉屏外交日以咨才賢為事而尤

東來本末集

卷十一

十一

執法必行其志前是大計方面官一切視撫按

南科道勅章部不能自主公是時署考功密差

次諸不職者籍而歲之太宰所請諸曹郎亦籍

以至其日參相覆也於是部所斥謫者半而留

南科道所劾者三之一已大計京朝官亦如之

故事部院叶主大計及公私籍行院孤而不及

聞於是黜勢家所庇凡十有四人車駕郎與焉

則掌院姻也掌院色動公慰曰明公望重願割

臚以示公掌院竟無如公何而是時分宜當國

固已銜公專會文選郎關公是時署其事以考功郎敘遷有旨別假公曰此必欲用其所私耳又以刑部郎名上大拂分宜指罰公俸半年卒用其所私者居頃之唐公為太宰念公與其所私者若水火不分必及於是改公稽勲郎中未幾所私者竟得罪戍去而移公考功又有

旨別假是時貴溪再起當國欲還其姻邳州守官邳州守大計所褫公執不可邳州守私謂貴溪以雷之挽而又為考功我終不得官矣故是

震東人志

卷十一

十一

旨蓋為邳州守地云於是遲公考功又一年時聞公為太宰詔且選臺省公曰如其某五人者皆相君私人宜先以他官處之毋令得志鴟張也聞公為改其一人官一人者泣而訴之貴溪貴溪怒盡置其四人於省中其後四人卒構成大司徒王公果逮大中丞何公鰲錦衣獄而後聞公始悔不用公言貴溪既恃

上恩驕甚而又恣其妾父蘓江也者外内市自大僚遷轉率以市成而公固力抑之張同知者

墨賄求知府公不許而屬部使者勘白聶公豹前事蓋權措以供募兵非有染兩少宰為請於貴溪貴溪唯唯公謂貴溪無他端遂覆上已

有旨逮問舉朝大駭於是或謂貴溪蒼頭奴雷郎中膽落矣及是時與談張同知者能無從蒼頭奴亟令人持刺謁公公怒曰吏部郎奴等邪刺而干我杖其人於是貴溪積不能平而會佐院闕行且召應公大猷而貴溪固欲甘心應公久嗾其私人論公前撫滇有舉無勅非憲體

震東人志

卷十一

十三

吏科不駁奏者何科臣恐遂論公且請自今舉必及勅著為令公歎曰是所謂錮人聖世也夫憲臣職在討官邪烏有縱勿擊者若必令有勅臣恐名目定必苛及苛及必且使中材無以自立非所以廣

主上惜才至意故事大計逾半年始舉勅大猷發疏時甫三月於例得無勅即是時姜巡撫亦爾烏得獨罪應巡撫也於是遂以斯語上而貴溪恚甚遂削大猷籍貶公官一等外遷大名府

通判公在部凡六年於掾察核猾胥不敢為奸  
官任子必差其父官願官遠惡地毋聽以巧遷  
病告滿三歲毋絕官官制誥兩房毋得以虛俸  
陞實級諸法皆定自公而是時方士陶仲文幸  
上頗怙寵恐喝諸司諷部為毛都御史乞任子  
毛為南太僕未三年及為都御史四月罷無當  
於廢敘部不能却遷延至公拒不從仲文挾

上要公不為動貽書曉之仲文媿沮更謂公語  
信不似前曹郎詐我也於是仲文稱少師九年

卷十一

十一

十一

矣當部考公曰異流何考之有夫考必引奏是  
天曹為異流乞恩也辱吾典司矣吾且給之會  
仲文年七十謂曰少師老宜自陳不宜考蓋大  
臣自重其道固爾仲文又謂公語信於是疏仲  
文效勞久適當引年去留宰

上裁竟罷考不為奏也公持正婉而不阿又如  
此明年戊申貴溪逮下獄公從大名改南膳部  
郎已又改浙江按察副使督學督學嚴而公浙  
人至今頌之庚戌擢南太僕少卿條上馬政六

事行之壬子改北太僕已又改太常提督四庫  
館明年陞順天府尹府尹雖尊官平顧勢多跋  
躐不能舉其職公一裁以法絕諸請借而又厝  
意根本為之計便利祛所患苦初陳八事繼又  
請他所贖鍰三千為薪者輸無騷我疲民請罷  
諸閹隘近運無騷我大車請以懷來之輓歸之  
司農無騷我小車皆嘉納馬甲寅晉工部右侍  
郎奉 璽書督天壽山工興凡兩年既竣改左  
論功加二品服俸又奉 璽書督盧溝工興未

卷十一

十一

十一

竣而為丁巳四月雷震

奉天謹身華蓋三殿及奉天門午門俱災既竣  
論功加都察院右都御史仍以左侍郎督

三殿工方是時大工猝起縣官物力詘冬官之  
歲僅三十萬無以諸營建並興既莫倚辦而當  
國者更猜忍莫可與布腹心又中貴人往往非  
法相干稍拂意輒不可測公苦身焦神蚤夜圖  
所以報

主知其大要在節財不憚業怨以率大事大率

二三萬金而致一大楠木大木不中圍議湊令  
不中長議引楹為長於是罷採木毋徒取不中  
程者五六萬金而致一大石以充陛角大石至  
而窮於入議改舊為於是罷大石不採其更鬚  
眉座尤簡力鑿其垣以次納之全城卒不動也  
輪城聖諸需至則置長安門更輪日用七千人  
議得以輪蹄直達毋半置輪殿材十人以上用  
人百人千人以上議用二尺輪初議召用近畿  
軍夫凡十萬其後止用營軍三萬已又罷營軍  
不用專倚顧慕及輪蹄議起遂罷畿內河南山  
東西不復繇司窰張其瓦至七百萬廼計實與  
陶計成與值既畢甍止三之一於是輒填盡委  
兩窰罷毋苦沿河諸郡故甫及五年大工盡畢  
而海內不見征役之擾前是天壽山擬用一百  
二十萬其後卒工僅什之一盧溝擬五十萬其  
後僅七萬已又替修都城擬二十萬其後亦僅  
什一是時

肅皇帝已知公乃茲大工稍如曩時一令中貴

人竇入者詎曰鼠耗已已甚者持陽九之說以  
罔上聽請如未樂殿工須之至正統六年始  
竣速就無為也此說行正如精衛堙海憂且在  
社稷公沉幾極慮詰事率杜樊孔誠便即非  
祖宗之遺可誠不便即不守原題可蓋所省不  
啻數百萬矣至是

肅皇帝益深心信公乃分宜勿善也分宜故縱  
其子無忌輒抑公功不錄於是公為侍郎五年  
矣凡三奏大功戊午始擬公尚書是時歐陽公  
在部未名真再逾年歐陽公改左院猶次且其  
印不肯與

上怒亟命取印畀公辛酉始稱真於是 萬壽  
宮又灾明年西工興

上念宮工亟於 三殿倚公尤甚公益用度恪  
甫三月畢工

肅皇帝大喜是時華亭為次擢前後二十餘札  
諭華亭不以及分宜分宜不能堪而會

上問華亭孰可協助宮工者華亭舉其子某許

焉分宜亦舉其子世蕃

上不許於是面質公不用吾子用吾孫用吾孫  
邏而已若何驕為者兩人關於工所聞

上大不直分宜於是論宮功分宜覲查前例

上怒我家灾宮凡幾何例可查一特批加太子

太保錄一子太學未幾論三殿功加太子太

傅再錄一子太學越四年丙寅加少保已改建

紫宸宮成加少傅公在工以其身為出納之牡

諸璫不得一染指目固已眈眈視公凡可窺公

震文人文集

卷十一

十八

長

輒不難共手推之如大朝門時則束其萬春宮

時則樊英榮現至是紫宸宮則王錫周景及隆

慶初滕祥陳洪益驚矣乃公略不顧慮自掌部

事至致政以去所上凡八十餘疏皆得請所禁

切諸璫俾不得侵蝕蓋什之四五然卒賴

聖明旋發其覆令之咋舌而退不然所謂捋虎

鬚幾不免虎口及乎殆矣是冬

肅皇帝晏駕

穆宗即位明年正月大計京朝官言者因而譴

公上曰我素知雷尚書功今論者何語輔臣

還我雷尚書于是公兩疏求去不許然諸璫不

似前時稍戢矣所傳造諸器用率指名尚方不

顧與改元詔書相矛盾於是內降紛紛禁者

更弛弛者更科脅所司必從而公持之堅彼巨

璫視冬官歲與諸產所其壑也公至是立孤積

忤無能如何而公固平生事事伸眉稍掣曳輒

不能忍於是求去益力疏凡十上遽許歸或言

非上意蓋堅祥寔傳語非有旨也於是臺

震文人文集

卷十一

十九

省皆具疏乞留公蓋偉哉宏父何日復來舉朝

莫不惜公焉公歸杜門却絕外事搜取當代之

故輯皇明大政記內閣行實列卿年表江西

歷科進士表鐔墟摘稿俱梓行存笥者尚夥公

歸以戊辰凡更一紀有以自怡神益王識者謂

是時太宰楊公再起公胡不然乃公竟不然辛

巳七月忽嬰疾謂涂夫人頃夏忠靖公邀我游

南岳期以霜降共窮日觀之勝吾殆不起矣命

昇至正寢因歎曰泉阿逝乎羅阜頽乎遂瞑蓋

月之晦日享年七十有幾公為人簡易直諒其口可覆其中洞如也有不可訕然相揅戒可則毅然必行然於慮也大

肅皇帝嘗欲賜公圖書密故事公不可曰非所以保全微臣也西工擬三百萬其後止用十七萬華亭謂公亦使

上知之公又不可曰他日輕視海內財數動工誰為罪首哉自西工既竣諸工相隨屬公誠謂上意堅以身劇之無益也且我在者以省費為費與無費同我去我主能知之公用意良苦乃竟為言者所指夫公嘗乞罷金海殿亭數十所及萬歲山後池紫宸山前齋宮無修南宮無更建興都行殿此不足以觀公邪

上嘗諭華亭餘木有如殿材者否公對曰無故曰公之慮大也夫公之篤慎木石知之瘁勤霜霰知之其心計即班倕不過也若是臣可矣彼諸璫無怪爾也乃士人亦為是言邪吁可詫也已凡遣公祈報告謝諸大祀五十餘次賜麟

龍麒麟斗牛仙鶴飛魚等服四十一襲綵段表裏五百五十有六白金四千七百有奇寶鏤二萬七千六百貫鉸他物不可名計及是賜祭葬初娶李瑒再娶張俱贈一品夫人三娶涂累封一品夫人子男四長瀚中順天鄉試卒娶某次澄光祿署丞娶某次瀛工部虞衡司員外郎娶某次弘娶某俱任子女三長適庠生黃聰次適少司寇孫公之孫貫次適庠生萬綱孫男四梯恩生瀚出餘庠生樂條俱幼澄出女六一適李都諫子廉生右諫一適楊憲副子仕謀餘俱幼曾孫男三文炯文昭文光榮等將圖公幽事以垂不朽遂以狀屬余余嘗以冬官郎事公辱公推許相過其分已為膳部長蓋越七人資界之公誠謬知我廼公慎守節踈為身拙於保名位而厚遺百姓所謂盡公不顧私極身而無貳慮有古大臣風非余莫能悉公遂為狀之如此庶當世立言君子或有采焉

誥封通議大夫太子賓客吏部左侍郎兼

翰林院侍讀學士沈翁慕閒先生行狀

萬曆辛卯十月十有六日戊申誥封通議大夫  
太子賓客吏部左侍郎兼翰林院侍讀學士沈  
翁慕閒先生卒於正寢壽愷奄謝闔塗若摧追  
龐洪而喟私臆者匪特吾曹也諸孤一初等以  
寅辱在通家知翁頗悉於是少宰一貫校派詮  
翁賢行頻賴請為狀寅不能辭謹按行略及寅  
素所聞於翁者稍貌其似焉翁諱仁信字允成  
別號慕閒先世多從明經起蓋自宋太學博士  
俊俊生禮部郎悅悅生知泰州豐豐生清及寧  
陽薄澄清凡三傳而入我明又四傳而靜菴  
翁諱元瑞翁父也為人醇篤平生絕無負氣憤  
張者鄉里號佛子娶朱氏是生翁翁柔靜恂恂  
訥者至其酬接或可不可毅然主於不欺未嘗  
誇詡習為囂紛之態翁年十一母朱見背繼母  
袁既長娶於洪而翁男女兄弟凡六人翁念家  
故貧食指日繁易乖別是在所操之胡可不自  
嚴初娶洪太淑人即書柳仲塗家誠揭之座隅

無今異姓傷我同氣丈夫乃克閑有家如此洪  
太淑人來則盡出嫁時裝効之舅姑前躬卒瘞  
而家人食其羹寅頗能道之茲不具而沈自是  
有起色凡共養靜菴翁袁母不失歡喪塋不虧  
其具已婚二弟嫁一女弟無失所太淑人良翼  
之固翁寔嚴持之力也靜菴翁且塋地形家  
私謂翁云何者翁正色拒之青天在上吾敢有  
他第願我兄弟平耳地形家烏乎憑顧斯一語  
所以遺後葉豈不遠邪族弟為毛吏自營官以  
其賄逸吏目索之急其父母惶恐皆維經官捕  
吏目當以死法翁歎曰固也我家無賴子以貪  
殞其親大不孝罪當死死吏目何居於是吏目  
得釋而郡邑諸公胥稱翁長者翁少業儒已棄  
去然喜讀書卒令諸子就之隆慶戊辰少宰成  
進士曰吾志也明年就養京邸邸中無所為嘗  
焚香獨坐動舉清白古忠孝事為訓或時誦老  
氏書手抄白太傅詩及成玄英南華經疏取諷  
之寅時待對公車寓少宰邸中未起翁已肅沐



誦金剛經日昧爽一過為常翁所自娛送白日  
止此矣萬曆改元封文林郎翰林院檢討是時  
翁年逾七十猶強不劣遽念歸曰久客何為吾  
正丘首矣其年歸歸而仍布素鮮嗜好戒舍人  
無干請居嘗不廢酒客至與洽客不至陶然自  
命務端恤其宗親多賴焉嘗一賓郡鄉飲已謝  
不再往明年洪太淑人卒十年翁年八十加封  
承德郎左春坊左中允兼翰林院編脩是時少  
宰念翁若愁饑圖歸為壽翁以大義阻止而會  
農丈人文集卷十一  
十四年重脩會典成宜有貤恩明年少宰遂  
疏請歸省

上許焉於是加封翁如少宰追贈靜菴翁如翁  
母朱如太淑人翁大歡吾不期此日榮及吾親  
也吾目瞑矣自是少宰安翁而翁亦安少宰之  
歸也告滿再疏再歸己丑有內命又疏辭不  
復出而少宰亦誠不以尊官易一日之養每月  
旦集里黨高年有行誼者為會誦佛經奏梵唄  
以娛而少宰侍從此長齋不復茹葷少宰跪准

甘鮮強之不能得如是四歲所而忽今年九月  
病滯下瘳而不能起至十月朔俄獨語而輩來  
何暮也月暗不可行其須光溺果以望之明日  
歿距生弘治十六年三月初五日享年八十有  
九翁慈心儉體善下為德天質自任暗與道模  
少無恣壯無鬱老無溢言饗必及分言遇必及  
命恬於止足絕無營戀其類有攸聞也若是其  
於天倫所尤性之每值翁媼諱日哀慕如初喪  
雖老不禁涕洟淫淫下也斯豈非天情篤至迎

農丈人文集卷十一

二十五

帝之綢繆提社方來者邪嗟乎翁直古德於鄉  
邦為範於族為鎮已生五男子長一初郡庠生  
為儒官配夏氏次一經配朱氏繼王氏又次即  
少宰配張氏封淑人又次一言蚤卒配嚴氏又  
次一本配陳氏二女壽遠儀封尉聞友直寧遠  
邑庠生章烜孫男泰始太學生娶張氏初出泰  
濤未聘經出泰鴻郡庠生娶少司馬范公欽孫  
女泰淵聘少司馬屠公大山孫女泰証未聘俱  
少宰出泰濬泰潤泰瀛俱未聘本出女昭英許

冢宰聞公淵孫繼顓經出慶英許冢宰公曾孫  
庠生世慶蚤卒璆英許方伯柴公涑季子庠生  
以觀蕙英許侍御林公祖述子德岳俱少宰出  
舜英嫁典簿陳君元喬子希孝言出文英許庠  
生蔡君溥子玄鶴瑤英望英未字俱本出曾孫  
男延年娶包氏延齡聘太學生周君仕女俱泰  
始出延賞延禧未聘女延璋未字俱泰鴻出翁  
仲弟封工部屯田司主事仁侑生子一中今官  
禮部儀制司郎中次一德季弟仁倫生子一夔  
少宰哀籲 闕詔例賜祭葬於是諸孤將以今  
年十一月二十二日甲申奉翁櫬合太淑人窆  
於芝溪墓山而幽石未脩非所以章潛伏寄創  
痛實也鄙無能識翁之大莖括舉其槩如此直  
似之云爾若昭發光偉永垂來禋寔惟立言君  
子庶鑒裁焉謹狀

贈資政大夫南京刑部尚書趙翁目峰先

生暨配贈夫人孫氏繼配朱氏行狀

贈翁目峰先生殂既葬且久而石言

昭緒生平表示後世子孫於是先生之胤子司  
寇公敘其略屬寅為狀頃賴請曰異日者所不  
朽吾先子寔藉吾子一言之辱寅兒時先水部  
公膝而祝之曰願兒為趙夫子矣趙夫子謂先  
生動容一似聖者故願之既脩負諸生先生猶  
困逢掖時從未行聽長者餘論意為竦後而司  
寇公為同卿余為郎京邸頻相過從不言而遜  
於兩人心宜公之以狀屬也寅烏得辭諸狀曰  
先生諱龍字雲從姓趙氏吾明趙氏多系宋南  
渡諸帝之裔浙東忠翊郎士佺者寔先生始祖  
弘治間諸祐燬莫存於是祐所宜廟者自高祖  
玄同府君生曾祖鑑鑑生祖雲木府君公英娶  
劉氏公英生今贈南京刑部尚書瑞則先生父  
也娶張氏先生初名君用惡元末倡亂者氏名  
同遂改今諱趙自高曾逮雲木府君世長厚有  
隱德居貧自堅不屑逐纖趨規取什一而雲木  
府君有雅尚喜接儒書生議姻必以世閥否者  
即高貲輒閉自謝去先生甫四歲父客死淮海

間府君痛之甚曰趙氏祇一孱孤耳日所為但持訓厲篤至而母張以笮發蚤夜操女紅給數口之舖良瘡年十二雲木府君暨配劉相繼歿先生雖穉已克從苴墨之數矣先生少端重識者已知為遐器又祖祖妣與妣乎翼之靈悟大啟益力學年十六遂抗願為人師先生學匪特攻文藝務以忠慤提其躬不識儼狡為何等折旋達路必依於矩不以捷急改常闇里咸呼趙夫子云初走趙夫子函丈下髻髻耳已乃倍年

農丈人丈集

卷十一

二十人

以長者亦莫不北面稱弟子自是里塾必延趙夫子無虛歲矣前是雲木府君臨歿屬先生吾無以遺若若誠歸我於土者我瞑夫先生泣識之及是脩脯稍贏遂營兆域而陰陽家以時日禍福祝之先生毅然曰吾知報吾祖地下耳遑恤其他遂操文告山靈禍福云何寧當禍孝子哉我請以身當時大雪夜半親荷鋤斬草諸傭莫敢前已而天大霽若開右之者衆始集力成丘阜卒窆祖先生是時才弱冠其強志若是矣

既壯以易補邑庠生受額餼顧無柰數奇何也是時郡太守雲間沈公督學青孔公直指閩舒公校藝無逾先生者冠多士凡三總之戰棘闈凡五竟不售中更母張喪毀瘁殆不勝前鬱攸時并灾贈尚書樞先生慟曰天平烏乎用吾情也及是為靈石納之壙中以寄其痛久之以貢授懷寧縣儒學訓導至則以身範諸生輔以規條士為起卒未司寇公成進士讀書中秘已拜戶科給事中

農丈人丈集

卷十一

二十九

今上登極恩封先生如公官如改元詔書配孫氏贈孺人先生喜遽拜勅服命服謝懷寧諸生去灑然登舟諸生綠江極目至有泣下者夷猶田間凡七年而司寇公督閩學忽得先生手書若且捐世云者公心動遂引疾棄官歸則先生已為贈孺人卜宅兆公遂肩其役穿治三藏甫畢而先生病病固不甚一夕哦其所著詩聲猶不爾迨鷄鳴微聞鼻息已逝矣蓋萬曆庚辰八月二十八日也贈孺人者父曰孫翁母應氏

孫翁善相遇先生於途奇之遂以女配焉既歸  
事姑張謹一日偶乏供潛髡其頂鬻隣嫗以充  
秘莫聞先生微得之大歎重焉操作過額瘵不  
療以嘉靖癸卯四月十四日歿繼者朱撫之若  
不知匪離裏者其劬在趙氏矣先生與甚諧其  
年後先生三月歿先生方嚴義其跼蹈禮不失  
尺寸即之冲粹夷宛和煦滿於顏面頃消鄙者  
心或給之受不發若恐傷之者嘗讀書海會寺  
同業疑有祟率病去先生獨處危坐嘗至夜分  
不為懾時姚江講良知之學先生曰此猶禪家  
頓教矣絕欲往叩真旨而以母單不果踈族母  
范窶奉之三十餘年至九十九歲而歿於我殯  
頗善酒酒酣愈飭既歿老呼其儕倂真率為會  
取適壺觴間不至荒嘗一賓郡鄉飲不再赴先  
生學成行尊德美耀乎淳明名蓋其鄉而無宅  
於崇官謂何耳辛卯司寇公滿三品考贈先生  
通議大夫都察院右副都御史贈先生父如先  
生孫贈淋人贈先生母張如孫又三年甲午公

由少宰晉南京刑部尚書疏歸得展墓又三年  
戊戌公滿二品考加贈先生資政大夫南京刑  
部尚書孫加贈夫人先生父若母並加贈如制  
夫仁者胡不戢穀矣距先生生正德初元三月  
十五日享年七十五歲孫夫人距生正德六年  
二月某日僅三十三歲朱距生正德十三年十  
一月某日得年六十二歲以萬曆癸未閏二月  
即祖壠黃泥山之原合葬焉子男一即司寇公  
參魯娶徐君某女累封夫人女二長適儒生陳  
鳳岐次適巡檢周煬孫男一體仁郡庠生今為  
官生娶郡庠廩生袁君慶霖女女三長適州守  
柴公應賓子國子生體光次適國子生李君德  
繼子庠生杜次適余文敏公子中書舍人廷楨  
曾孫男二長夢琦聘官允全公天敘女次夢奎  
女三長許字國子學正孫公軾子鳳雛次許字  
張文學應觀子上賞次許字徐文學陽肇子明  
法所著有吟稿文稿五經撮要圖學心法易集  
旨諸帙藏於家夫雲木府君與有鼎者也先生

也其膏迨公乃食其基崇故其漸昌博乃蓋乃  
翼敬共皇秩操其衡尺以贊熙穆故觀公益知  
先生試以諗於當世論篤君子儻不為芳言乎  
否

農丈人文集卷之十二目錄

行狀二首

贈文林郎漳州府推官丁先生行狀

明故文林郎南京江西道監察御史林公

行狀

行述一首

遼左處士劉先生暨配康媪行述

墓表三首

誥贈太中大夫光祿寺卿王太公墓表

誥贈太淑人李母汪氏墓表

文學張君暨室人合葬墓表

農丈人文集卷之十二

古鄧余寅僧杲著

行狀二首

贈文林郎漳州府推官丁先生行狀

余與丁使君右武交蓋在萬曆壬午既余歸里右武以副臬備兵甬海未幾擢叅楚藩瀕行右武驪余廬匍伏頓顙淚簌簌數行下請曰呂先子背養忽已二十三年惟是幽德未章呂死無日敢以狀辱吾子余舊於右武於陝為僚今為

農丈人文集

卷之十二

一

部民非余其誰宜狀者狀曰丁少溪先生諱運字易昇少司馬南溪公之伯子也丁氏系出齊侯丁公伋世家濟南五代時諱映者為馬氏廐將避地豫章家焉其遷五溪也自其四世孫迪功郎仕楫之子文質始五溪今籍新建質生鉞鉞銳欽宗伊洛之傳三舉禮部學者稱甕天先生語在國史中凡十九傳而為司馬公配余氏以正德戊寅七夕之明日舉先生孩提凝厚異凡兒不習頑弄初龀日誦千百言髫而改制義

農丈人文集

卷之十二

二

試之多篇立辦弱冠補邑弟子負雋聲大起督學濮司馬蘇公溫陵司徒蔡公尤賞異置高等於是先生例得餼於庠矣同儕欲先焉先生欣然遽讓之夫齋齋者烏足羈先生乃先生意念遠矣辛酉秋試監臨使者業已殷先生上第乃脩卻者居之卒棄不錄於是先生七蹟省闈矣喟然太息豈有物厄我邪何其婁也夫士者豈必皓首一經日搖三寸枯管微章一嘖而已假令我斬得之而祇為閭里兒豎子誇也孰與明吾志哉於是謝諸生去而會明年壬戌司馬公解留樞歸先生喜吾不獲侍兩大人宦所得待田間幸甚謹視杖屨屢居起無惰容間出無敢遠稍遠即通夕不能寐也以其餘治方家言以佐寒暄之或失平司馬公常病劇先生篤憂親嘗藥導進糜飲不解帶者一月親為痺既復常乃復常司馬公歷宦先生秉家稱督司馬公老艱拜起先生虔諸祀事稱攝與仲遜處離容和而能勗訓正子弟課甚力防有禮不以臆奪族

夥無慮數千指用恩植之糾以分義卒良者奮  
暴戾稱敦率抑又宗磐也先生多豪傑應卒若  
閒權數若預設嘗遭盜對之談笑罄惻諭語至  
有感泣者卒不敢橫去再遭之不用先生命窮  
搜無所得不勝憤懣其廬去即貌諸不逞凡數  
十人跡捕之無脫者及置對或展辯呵曰爾某  
姓某名爾時作某狀非爾邪竟咋舌甘就死諸  
不逞有恨於均州大賈構入捕中大賈行千金  
乞命先生拒不許已卒直之均州人至今額手

東坡先生集

卷十二

五

道其事當是時島夷毒痛內地新安胡少保開  
府東南聞先生名聘為軍諮祭酒先生謝不往  
居嘗慨慕諸葛武侯范文正公曰使吾當兩公  
時一見其奇豈不快哉以今觀先生俠烈其自  
喜有以夫是時王文成公操良知之說倡道江  
以西先生宗其學直神潛之儼體具之如面者  
日富於杯俎不湛不止久之有悟曰合即本體  
做即工夫又曰無事不令空有事不令亂既老  
厭自云與矣晚尤喜薛文清公讀書錄曰醇哉

吾師乎吾仲丘高遠游行九天而卒不離斯世  
今之人奈何乎驚虛以故先生執執能圓誕節  
能密無矯宮庭無媚衽席行誼皦白日雖孱稚  
子傭人販工靡然嚮服戴為長者即魁魁亦攝  
歛無敢作孽噫嘻吾道蓋是哉先生豐軀廣臂  
重頤大耳偉然山立望之知為有福人音吐洪  
亮一簇充堂稠人廣座一時俱下故常少疾病  
迺迫寒邪侵尋積歲轉盛先生撫膺歎曰數殆  
止此乎吾年已踰父兄曹號成人復何恨所不

東坡先生集

卷十二

四

瞑獨棄我老親耳言已涕泗汎瀾不禁病危猶  
強櫛沐日省視兩大人不廢臨訣捧太夫人手  
泣曰兒不孝遽至此遂逝蓋辛未八月三十日  
也距其生年僅五十有四先生志經世魄壯神  
識摯發於微暖若燭何巨不勝者卒坎壈不少  
試孝義自其稟懋明之以學植其始若負氣者  
卒得養以成故其為人益粹右武又謂余先子  
燕居嘗忽忽私語若自訟者呂固以請先子稍  
及之大抵人情矜孔昭而湯不顧纖隙道猶

也純白不備其類不細吾寧無懼諸復之初  
不遠復無祇悔元吉殆於良知也庶手斯先生  
所謂明志也已司馬公先生父諱以忠累官通  
議大夫南京兵部右侍郎母余累封淑人王父  
諱大章配程曾王父諱儀配熊俱以司馬公貴  
贈如司馬公如淑人先生配同邑鄒君廷器女  
子男二長此周以司馬公任稱胄子舉憲副奉  
新廖公天明女後先生二十年卒次此呂右武  
其字聘方伯南昌朱公奎女殤娶同邑丘君偉  
女女一適太宰熊恭肅公孫維煥孫男八立本  
邑諸生娶豐城諸生李慈女立命邑諸生娶侍  
御全邑萬公國欽女立人邑廩生聘豐城胡以  
繩女殤娶南昌劉某女立會娶同邑金吳女此  
周出立正聘少宰同邑鄧公以讚女立聘聘主  
事進賢饒公仲女殤聘侍御上高聶公應科女  
立參聘方伯南昌姜公忻女立悟幼此呂出女  
亦美貞適全邑進士金君吳子其愛貞適南昌  
太學生朱試子朝枕周出球貞適編脩南昌

公曰寧子一琦僊貞適大同空進賢李公輔子  
某除貞越貞俱幼呂出曾孫男三某立本出某  
立命出某立人出女一某立本出俱幼先生歿  
之明年壬申八月初四日二孤奉先生柩遷於  
豐城宣風鄉勺口城之原又明年萬曆癸酉司  
馬公殂又八年卒已余女歿人殂二孤追憶先  
生臨訣語幾慟絕先生歿之前一年庚午右武  
舉於鄉歿之七年丁丑右武成進士授漳州府  
推官又三年肅宗贈先生如其官鄒母封孺人  
及其配丘又十年壬辰督學使者來公評祀先  
生鄉賢列其主司馬公之左是年冬右武奉太  
孺人來甬上太孺人慈明有雋嫗之風右武晨  
謁畢出視堂皇無敢不共寅竊聞之固太孺人  
以也微先生疇聞之者右武幼時先生嚴飭之  
嘗舉魯論躬自厚薄責人一章由呂伯恭佩此  
成名儒聖賢克己又貴克念小子念旃右武恢  
達蒞政滋蒞寬和寔敬旋烟戒皆狀所宜及顧  
余筆疲蕭無能藻繪德偉負右武之請惟當世



作者崇述之用藉無窮之聞焉

明故文林郎南京江西道監察御史林公

行狀

萬曆辛卯余拂衣謝三齊之役歸抵錢唐間侍御林公計自留都回惶駭惑猝遽不得狀豈其有之夫甫踰父耳謂強力筭之幹夫固右穀臣殆不然乎蓋是年八月初九日也往余弱冠時與侍御公父懷雲先生為文會是時侍御才髦年先生故與余從父有嫌又慙于余未嘗不恭重先生以故時時得昧侍御課業私竊賞異之而後侍御迺與余同年舉進士意彌洽於是公之子復言等匍匐稽顙請為狀嗟乎余誠知侍御顧胡忍遽狀侍御乎狀曰林之先系殷比干之子堅避難長林山因氏林其後有名玉者相趙生九子姪相躅號十德之門迨宋天聖間真以賢良從青州官明州錄事叅軍遂籍鄞之桃源鄉家焉真再傳孫保進士顯於朝自是纓綬如織據郡垂終宋百六十餘年登甲第者十有

八人而入我明則惟侍御公侍御諱可成字

志甫曾祖諱必華祖諱俊懷雲先生諱應春自

直至於侍御公凡十五傳矣先生郡博士弟子

積脩不耀歲教授里中侍御公敦茂神炯爍先

生以為是不泛銜勒者遂身督課之公年十八

以易充邑弟子貞竟業不更師先生孝義兄秉

管第執宮功先生以其挺脯佐其家不私庀閭

人一簪兩大悅氣象昌明余嘗謂先生天道

不憚是在其嗣人戊午公年二十一遂舉於鄉

虞文公文集

卷十二

八

吾鄞親迎禮久廢明年公歸自南宮先生慕古

講其儀令執鴈迓御史方公誌曾孫女三周輪

而旋鄉人躋之康辰成進士其年八月授河南

太康縣知縣太康豪悍奸有窟公與諸掾約若

罪如白日宜早自悛否者吾法亦如白日於是

諸役惴不敢詭觝歲饑賑至數萬人或請差人

公曰靈靈耳不足潤其釜忍與校邪卒槩給之

老稚為甦而收其丁壯日給錢與繕城不數月

城再完於是民不知饑城不知役康之人以公

恢恢有權略也斥美晉冀官恤諸生竄者策甘  
尤異出所制義為幟為塔於震隅曰吾以相諸  
生使競爽於是登賢書者翩躚盛矣邑子歲苦  
倉庫役至破產為徵銀募平之戍丁絕久勾猶  
倩行凡十九家里為騷卒請除其籍博徒李者  
掠李貨殺之尸橫道不收公廉得其血刃乃就  
死婦許迷失道諸惡少羣麀之已不聽嚮殛諸  
河公廉得許椒籃在也諸惡少就死公折獄如  
列缺無點大崩諸有冤不得公一鞠目不瞑扶  
農丈人文集卷十二 九

其骨三邪詰其長孫女爾妹必爾祖自殺之曰  
誠然何所曰牀以何物殺之曰桑棍遂詰進科  
面赭舌橋不下伏地請死論如律康人頌公豈  
特令吾人不冤又令我隣之赤子不冤矣康固  
剽走集捕輒風雨散莫可跡迺召諸快手設方  
略命尉以時肄習久之成精卒諸剽無敢闖其  
封夫是豈直彌盜假令百城率厲即曩時師尚  
詔烏得蹂躪中土若虛無人今汝南又囂動矣  
諸有司棄之泛役不令格虎令捕雖豈初制意  
邪公為令凡六年酌平不苛靖迎福慎祛疾是  
以覃被而豪用戢嘗購壯丹一本娛退  
食益植致諸迂遽揮出之其謹嫵微如此丙戌  
召拜南京江西道監察御史時南北告饑公請  
急發賑徐議蠲江南諸大郡賦數宜視河南山  
西陝西壹行賑前陝西賑銀十六萬恩侈矣顧  
赤地如洗無從搜糴空銀不可食宜發臨德二  
倉從水入輓以棹子遺又請三關歲課及撫按  
贖緩賑下江一路灾俱下司農議可五城御史

檢勘率移兵馬兵馬猥劣多不肖心法不信兵馬正宜無不統乃與其副及吏目分地受事非體公請凡重獄尸傷諸等先兵馬更京倖或京令覆核庶無抑濫且會典固以許司敗得委倖若令乃行部不及院均執法也宜並命併正司城統紀諸務一歸正指揮部請下留院如公語又疏時事漸不可長者四宗室越關宜嚴禁亂軍陵師宜重誅奸民枉奏妄揭宜加罰得俞旨遂及巨璫某宜遠屏不宜昵近議者謂公

農丈人文集

卷十二

十一

能危言孔廡既晉胡居仁陳憲章王守仁從祀猶遺蔡清章懋公謂二臣學行無媿三人宜並祀未報而公殂公為令滿三年考得封先生如令母唐贈孺人配方封孺人先生一嘗與公繼母張就養太康却未幾歸公念先生日思省於是為御史又滿三年考美公喜歸省有日不意殂公幼孝母唐稍不泰輒不離帷戶侍調遣母暴死於唐終身悲不解繼母張生二弟可望可喬俱邑弟子伯父無嗣以可望嗣季父貧公時

恆之有子可用邑弟子公卒而季父哭之慟曰吾窮殆不起乎蓋公祖父父母伯父母母唐兆域俱未營公所謂日念歸良苦今茲誰撫公雙眸不令猶視邪四子長復言郡弟子負娶太宰聞莊簡公玄孫女次律言國子生娶雷州太守楊公承閔孫女次德言聘廣東叅政徐公應奎女次行言聘彰德府同知陸公衆女女一適尚寶少卿聞公思學孫國子生世道復言一男養心聘貴州叅議董公樾孫女二女長許字南京刑部郎中邵公城孫洛次許太保余文敏公曾孫元籌律言生簡心聘運使盧公漸孫女俱孫公為令時嘗為余言若無輕百里余書生殊不勝畏余謂克畏蔑弗濟耳留臺當不至瘁胡遽也公初視東南北三城若憐焉已按吳淞及姑孰諸郡風行大江之介以故子卯簾內外再偕公及卒太康人不信義民張其徒步來睹櫬乃大號又徒步歸率某某如千人來號吊隨旌至龍江開固謝之痛別去自是吊者踵接於途若諸

農丈人文集

卷十二

十二

伏虎

薦紳更有辭哀焉柰何不令究厥施委轡半道  
哉書曰立事立功可以永年祗虛語耳距生嘉  
靖戊戌十月十四日得年僅五十四諸孤卜以  
今年某月某日葬城西仇家漕之匯公所念母  
唐以上五喪先一年俱窆公固可無憾已公之  
先有族譜其隱德余頗詳張克讓事公自紀諸  
石御史日太康許孝廉言詩傳其為令時事略  
具諸疏有遺草復言克家紹先志撫次之余掇  
為狀如此若夫倬敷休懿與雲漢並垂則惟鉅

工榮施乎云

行述一首

遼左慶士劉先生暨配康媼行述

遼左慶士劉先生者寧郡推府劉公之父也公  
以乙未成進士授寧波府推官臨發欲奉先生  
與俱東先生不許曰吾蹀躞烏能踴躍萬里外  
哉推府公則伏地泣曰不幸天奪吾慈又不朝  
夕我大人者忍獨持帚粒私向其妻孥嚙也而  
甘之邪何不子也先生曰兒勉之矣是且有諸

胤足遺耳夫使我腹及之無寧耳馥之之於禁  
不訾也於是公不得已獨身發而廼心繫慶士  
居恒悵悵不能歡越兩年計果至公大慟曰微  
官縛人果奪吾慈則頃首余山齋涕縻屬哽不  
得語曰先生其為我次第我倉卒言將請銘於  
大司寇趙公圖不朽夫公之痛私志也公操律  
平讞鞠務寬恤從直指於他郡千里歸仁豈其  
奉長者緒訓邪廼一旦銜恤以去郡人且雨泣  
余烏能不為公敷所怛邪於是謹為次之先

慶士公文集

卷十三

十一

生諱夢元字子登復州衛儒學弟子自其先吉  
之泰和人七世祖德禾以尺籍補衛伍遂為遼  
左人德禾嘗畜鴛鴨數十販者山西人盡逐之  
去室人請追之德禾曰已入其群山西人既欺  
得之何從辯其行善大類佛子云先生父曰承  
德母郭生二子長即先生幼穎異不凡長而好  
脩用古道自砥尤矜於獨同儕有構之者不與  
較非意啗之不為動平生喜讀書課藝勤興寄  
道逸不廢酒亦不廢吟咏顧無柰數奇每舉輒

格慨然太息曰吾所謂違校氏也夫遂掖自有  
重章必涖璫之陋而霄漢翔者是邪因謝博士  
先生去昔學使者遽與之牒號之曰儒官先生  
自是閉戶以所業業其子配康氏有婦德上堂  
克恭下堂克睦以儀於娣姒而相處士於成其  
訢娶康繼娶曹先歿次國縉即推府公娶王次  
國紳娶林次國緯娶揭俱青衿子女一遠費生  
孫男幾人某某縉出某縉出某紳出女幾人某  
許聘王某縉出某許聘某紳出內外姻多從締  
中表者蓋若朱陳以世盟不謂蓋年猶見此古  
事先生生於嘉靖己丑十月二十五日卒於萬  
曆己亥二月初三日享年七十一歲康父翁老  
博士弟子母樊以嘉靖戊子正月十二日舉康  
媼隆慶壬申五月念七日殂僅四十六歲葬於  
州學古之南原先生鯁處久而始娶於費夫姓  
之興未有不自其先德茂者也七世祖之事微  
矣然可以觀大慶士邁自躬佐以翁合馨香旁

魄上帝總聞是故壽考一之錫胤二之弗祿三  
之晝接四之中焉五之夫勃鮮豈不浩歎醫經  
閭北僻而作鎮式穀若閭其茲若携亦固其所  
是為劉先生小述以俟綴鴻篇者徵焉  
墓表三首

誥贈太中大夫光祿寺卿王太公墓表  
自頃歲

皇儲丕遵溥大慶於萬方而吾榜之位九列者  
凡若而人得以其爵追爵其大王父如 詔旨

則溥水王太公蓋首被屬王太公者吾同年光  
祿寺卿王公之大王父也太公諱像其先徙自  
太師其營居石梁里則自遠祖安旺公始更卜  
葬傳而太公之曾大父雙五公有隱德於年垂  
百歲里人曰是家宜壽與何特長壽已而太公  
生安挺岸然性恢達即之襟際蕭豁若樓壩翳  
而瞻霽朗果有以異而無柰蚤孤也太公父曰  
綾段而號四府君母氏某是時新喪府君伯兄  
某柄家嚴太公感愴不勝喪進而怡其母退而

稟伯兄之旨惟所警歎其氣志磅礴發壹似逢拙  
子廼卒以幹燕無違經生之業而改其繇于計  
研平生蹤跡大抵在朱桁白壘之間馭黠者作  
使壯有力者敬長者而扶翼寡不前者卒不與  
齷齪等亦靡妖冶淫哇是湛以敗廼公事居嘗  
詫歎吾面孔大不似儒矣吾將還吾舊觀以故  
燕閒未嘗不披覽記籍與諸聞望者游意罄如  
也衣紹祖武思所為蹶起是故於收族不特勤  
恤又督勉擇秀穎者為之置塾師曰非攻苦庸

農丈人文集

卷十二

十一

王汝者諸子弟往往奉教謹多藉以成立焉若  
太公天特其稟人特其行用篤為經用殖為衛  
孝友培其本根而詩書禮樂津其条枚所謂無  
千里之將而感際集無三屋之鏹而譽聲集無  
半通之銅而冠蓋集殆若天淵池然汪濊盛故  
湧涵長大海浩瀾瀨寔滙之以鍾光祿公豈偶  
然哉太公以弘治某甲子生嘉靖某甲子歿偕  
其配李孀于某隰之阡遭值盛際亭育吉歲逶  
迤百十許年禔沃休顯越其頰茲壤土所謂黃

玉韞別紫泥自出寅不佞謹題曰有

明贈光祿寺卿王太公之墓光祿公名守素父  
雙塘公名鼎母趙有二子長守業次即光祿公  
雙塘公克恭乃考替母李以規芳衍而厲趙以  
共勸光祿公初推杭郡以考覈封父若母今再  
獲贈典如太公大母母並贈太淑人光祿公配  
武封淑人王氏奕世載德公益懋忠懋以勲襄  
熙造丕振九鼎之烈

農丈人文集

卷十二

十一

奏假伊始爰并書之以章巨祔之闕

誥贈太淑人李母匡氏墓表

往余督學關中雲杜李本寧太史以狀來乞表  
其所生母氏墓是時太史叅知汴藩且三年矣  
而母猶仍孺人封余舍之曰稍需之是且有後  
命以弁曜于爾阡已叅知以上考獲贈所生母  
淑人已東宮覃恩又加贈太淑人而前是一  
年叅知已擢長浙臬余適里居則又貽書責往  
者逋余不勝悚仄豈不知不律之不謹遂至斯

邪按母姓匡氏父鎔母魯氏以嘉靖改元上元  
前一日舉母於郢之新市城南里維時李稱邑  
巨姓方伯五華公既登賢書兩大人老王夫人  
不善乳乳輒病莫可慰藉兩大人者於是謀置  
俚置俚乃得母蓋靚然荏弱女嬰也而聰慧精  
敏若諸男子事無問習不習必揆所宜所接無  
問敵上下必以禮自旋是時太媼頗卞急作苦  
太翁爽豁多豪長者游方伯公脩業南雍弟子  
授經益衆而王夫人嘗不離牀第母太息曰吾  
俚也與哉吾無敢上堂而自鷄鳴以往所謂翁  
翁媼媼何敢不虔吾無敢當席而自佐饗以來  
一稱假再稱攝凡俚吾主公在遠若侍吾主母  
在羸若矯頗亦惟乃之瘁吾俚也與哉已方伯  
公歲進士拜起部郎自僉憲歷右轄凡二紀翁  
媼從于宦則奉之于邁不從於宦則代方伯公  
居子舍方伯公是以有宦績無缺私王夫人病  
歿倘有幾微即以芟薦何者不可乃固為宗祧  
請遂再事陳夫人是以兩夫人有邕於閭而不

農夫文集

卷十二

十九

顯於庖方是時閭有鎮庖有守而又晉梁姬古  
趙姬身下叔隗斯風再覩已已竊傷其外家絕  
無嗣屬臬長公為主祀之別室以附于泰厲之  
義而私幸梁翁媼耄猶康迎而娛侍之無不脩  
翁媼喜語梁吾增一女女乃得女兄梁姬固病  
病為起若母用薦為綱用弘為度揔之代為孝  
以畢一生於主公德詡物大博何疑焉蓋與更  
三年喪者三及方伯公之歿而不獲與訣慟幾  
絕李卑傳至母得三男子長維楨即臬長公以  
甲第稱吉士為史官拔藻為經發慮為憲負海  
內重名次維極維柱俱鄉進士某官梁姬生二  
男維標進士某官維楫成均生方伯公命之主  
庶祖母祧事一女適魏實秀姬屬吉士族孫男  
女如干人皆具狀中樞李臬長公曰彌大  
母卒于萬曆丙戌重陽前一日年六十五適  
與方伯公同以丁亥年正月一日葬於游山之  
原余不敏謹為采其遺事以告世庶幾宗祧  
伯公墓三里而近者亦得余言而

農夫文集

卷十二

二十

樹之松邪橫邪抑燁其泰章者邪

文學張君暨室人合墓表

嗚呼是惟有明彥士張汝上偕配徐媼之墓汝上髻髻而頽夙鬢序而雋聲在劇能劇在醜能讓皆人世所時觀獨其貸金一事生前不使人知及沒後好友來償能使世人賞歎道鮮貞孤誼事湮滅趙嬰吳札千載響絕兩心皓白再世再出汝上早年僅三十四歲吾謂斯事在即肺腑與日月同光今有百數十歲人空靡蠹一世無寸善可紀孰脩然稱烈哉汝上棄其兩白髮與二孤是有不瞑之恨徐媼承之鷄鳴而起灑淚而笄縫而上堂肅容而進滯澹兩大人悅也退而灑淚而撫二雛曰所不琢女於成者吾何顏以報下壤矣於是替文燿文頽彌力頽今為錢唐諸生號超等張之系自洛顯於浙從冢宰公差之登三事者若而人籍奏太常者若而人皆如汝上敏有斐而顯汝上挺蔚邁其族屬而不得顯且以天終廼維媼之稱未亡人者

農丈人文集

卷十二

十一

十年周旋以無咎而後瞑可知也汝上名梯少諱洲孝廉屢躋公車母氏吳墓在虎林大慈山之麓有人如玉其合如璧行道過之視此貞石

農丈人文集

卷十二

十一



農丈人文集卷之十三目錄

墓碑三首

明故汀州府清流縣主簿封福建道監察

御史顧公墓碑

明故山西按察司副使進階中議大夫蘇

山陳公墓碑

明故廣西按察司按察使進階正議大夫

張公鄭西先生墓碑

墓誌銘六首

農丈人文集目錄卷之十三

明故太子少保兵部尚書加贈太子太保

謚襄敏譚公墓誌銘代作

萬峰程公暨配凌孺人墓誌銘

明故福建都轉運使周公暨配封恭入金

氏合葬墓誌銘

虞衡郎中劉君墓誌銘

金吾李參軍墓誌銘

梁母郎宜人墓誌銘代作

農丈人文集目錄卷之十三

農丈人文集卷之十三

古鄞余寅僧果著

墓碑三首

明故汀州府清流縣主簿封福建道監察

御史顧公墓碑

萬曆己卯封御史顧公春秋八十有二號大耋

矣其年七月三日考終正寢明年某月某日仲

子御史君鈴偕其弟祁問尉錚兄貢士銘之子

某奉公葬龍山之原則既托名碩贊諸幽而又

農丈人文集卷之十三

圖諸陽立碑墓道屬不佞實為之辭碑曰公諱

郈字希曾世籍平湖其徙仁和則自公曾大父

某始公生而脩挺軀滿七尺面如紫玉美鬚髯

望之岿然偉男子也為人恢達明於大較不肖

夸護以苟一旦少時受博士家言以病目不獲

緒業去為掾率用矜閔輔爰書而行積資當為

尉得龍溪龍溪大姓慄黠法吏莫敢誰何部使

者以屬尉寤陰行千金營解卒莫敢抵尉竟尉

得部使者亟才尉輒舉風他縣曰尉固不當如

是邪已憂去既免喪得觀城觀城多盜賊多奸  
欺尉一切斤斤以守望責諸保以勾稽責諸里  
縣道幾清是時巨寇師尚詔轉掠山東他邑多  
殘破獨觀城不中寇則尉誠豫之也尉蓋有全  
城功以格不得薦莖莖敘遷為清流簿是時閩  
徵粵兵勦山寇兵所過騷動與寇等簿謂兵亦  
人耳在置之何若於是量廬舍戒先炊使望門  
得止望屋得食而盛供帳以優其土目揭大禁  
於通衢使望郊關如斧鉞在其頸是日也若未  
農丈人文集 卷十三 上

粵以西余時對公車讀御史諸大章疏輒詫歎  
何謝燃犀矣斯是臣使我

主上耳目加聖意必有受之者則寔公篤鍾之  
公配周封孺人公未老思退孺人居常訓飭婦  
子未盈思損稱並賢其辭曰有挺夫特頌而王  
植愷樂並臻懋遵其質以彼蹕屬于何弗揚誰  
者劍之使就槩量人皆務虛莫究其底孰是用  
狗裨厥半七達人躬之默默自珍敢避越俎曰  
均是臣伐蠹驅鱗萬姓作衛抃舞軒軒祚我愉

農丈人文集

卷十三

三

泰具云莫都曾莫為圖授我以石報之以銖上  
旻式叙廼昌諸甫顯允惟仲按轡如虎抗章白  
請以討實虹遂令指后萬里加聰爾宣是力

帝聞亦式鷹冠峨峨以引爾日上德若遜其答  
若償歲之方至何詎斯央天讖以膺地告其吉  
洫血何窮而為哀率維是完石宿人於久匪我  
私存日月來守

明故山西按察司副使進階中議大夫蘇

山陳公墓碑

公諱栢字憲卿楚之沔陽人也父承德公泮切  
吳太安人以正德丙寅六月十三日舉公公生  
而朗拔聰穎讀書過目輒成誦六歲時從家長  
老見徐太守咸屬對如響太守大奇公已從試  
督學張公邦奇張公奇公以屬李太守濂覆試  
公太守益奇之曰是子與童士疇雙璧也是時  
公年十二名已譁播紳間又十一年為嘉靖戊  
子而公舉於鄉先是承德公女弟曰陳太淑人  
歸傅通議公昇是生司徒公願太淑人視公無  
異司徒公故公與司徒公劇切益厲已童太史  
司徒公先後第而公願久不第又二十二年為  
嘉靖庚戌始成進士時虜大入京師戒嚴公以  
進士受事戎間督造諸戰具立辦當事者推轂  
公公故急欲歸省承德公值以役事得上壽甫  
數日遽奉承德公訣咸謂公夙孝有徵云甲寅  
授兵部職方主事是時永豐縣公在本兵甚倚  
公戊午收武庫郎中會蒲坂楊公復起本兵又  
甚倚公請還公職方從之是時分宜父子舞權

恣睢即本兵有所制置必先造請不者立見視  
於是海賊王直葉宗滿俘入厚賂分宜冀得逋  
天誅公竟論磔於市分宜銜之未幾羅給事嘉  
賓龐御史尚鵬按東南軍興狀還極論胡司馬  
宗憲奏寇要功大咈分宜指分宜以謂公公曰  
胡誠係重東南但老師贖財上幕事匿實多端  
誠有可言官言者分宜益銜之 詔下其事本  
兵公奮筆以前議上  
上竟直言官言而令胡司馬勉卒海上功夫司  
馬功在東南誠不可泯顧歲久經費不能無失  
當所瑕瑜何嘗不信哉公持若是意在申言官  
則國體也其後少司馬張公佳胤敘公疏草謂  
楚有兩職方沔陽其匹敵華容者邪展也知言  
哉迺分宜竟坐是絀公外補山西副臬備兵井  
陘數月以太安人憂去辛亥大計京朝官公職  
方時嘗忤江司馬司馬恨甚竟中公左遷頃之  
蒲坂楊公為太宰移書強起公而公已絕意仕  
進建見江南閣日以讀書為娛謝客不為通牒

司徒公時時談觴馬隆慶戊辰以仲子廷評考  
家 詔公以原官致仕萬曆元年祭酉 詔進  
一階庚辰三月念四日卒無疾逝享年七十五  
歲公性篤厚二兄客死備盡其私一庶弟視猶  
同乳配任恭人賢呼為益東先公卒二子伯文  
燮光祿監事先公卒仲文燭嘗督學蜀中過家  
壽公已督漕歸自蜀壽公又歸自淮又壽公獨  
不得奉公訣如公奉承德公訣也爰碑而屬余  
著公之大以昭其貞志夫分宜某家重乃竟  
不能擯落公而一選懦之江司馬粹而權之即  
甚任公者亦無能如何也豈非命邪公凡四十  
餘年而第第四年而官官不顯於朝而長為望  
於楚望楚又二十餘年而歿中間官止七八年  
耳顧公盤薄郎署已稍稱中省矣夫仕中眉耳  
顯不顯安問也以今年壬午四月十日葬蘇阡  
著有蘇山集銘曰  
有敦嘉士不群厥履曷運不揚淹其歲畧時方  
大來坎亦與偕寔繁左徒莫右我開誰奸皇度

削法以賂終伏天誅母他遷顧法匪寬存功勛  
與論彼師之詆日月泰尊附言如黷倡言則醢  
斷以單辭國體斯在誰令爾衡肝而獨鳴人實  
出爾猶借專城彼善斯射卒以禍嫁曾不及施  
俄聞報罷古者陳狗作帝寶隣大不可信置若  
莽蕪脩塗安卜逝不更躅豈不兢惶意至則默  
千秋在前及與屯遭大命忽乘忻忻就旃不暴  
爾直爾嗣是陟勉晉厥恭無表不特汚亦林斯  
究在有辭惟彼丕辭石以識之

明故廣西按察司按察使進階正議大夫

張公鄧西先生墓碑

憲使張公鄧西先生既塋黃公山之麓其孤應  
升等謹矜幽事具無憾顧又以不標諸隧路即  
閔黨過之孰知斯歲為今之陳太丘邪四方有  
蹠吾土者問萬代一魄若釋之廷尉黃次公冠  
河內者其何寔當吾之指固無論孝子殊痛而  
頽燂不揚與凡鬼等滅彼後死者能無惋惜焉  
於是又樹石於墓門而屬余紀其大者公諱

字子受張之系邈其近者從吳徙鄧從鄧徙慈谿贈刑部公配劉宜人以正德辛未歲得公公不忘績世烈因自號鄧西公幼有至性讀書五行俱下年十二刑部公歿毀瘠杖乃起十四補

員弟子負辛卯登賢書明年成進士授刑部山西司主事公端鎮彊執以其精志輔爰書而行絕不旁阿是時建昌侯張延齡以

慈壽皇太后弟驕橫不法正德中為怨家所訐逮其奴

詔獄會訐者悔自殺獄不竟嘉靖初

武定侯郭鄖方有寵欲為

上脩卻坐延齡逆謀以動搖慈壽嗾上變告

下之部是時公從謁陵還同官戒勿入公固

入而同曹郎營自脫遷去故事郎迭治獄公已

前治一獄例不當復勘事同曹郎固屬公謝公

不辭方是時

上密移中寵人領東廠詞建昌侯陰事及獄吏

云何者中寵人私遣人謂公韋實力廷尉開丞

必無他之矣公不稍順潘訊掠變告者不得狀

若既抵郡其夕天大雨遂為之計蠲恤而向所扶携走者卒免為塗殣郡府饑公賑有法不譁而徧至內黃見百姓食草子至泣下為之代夏輸民有與河間卒兌銀者發其半法宜永成公力請於直指罪誠在守不蚤戒顧奸民驚死有年願聽其歸帑許以更新直指罷勿治者五十餘家樹風逆作蘓娥既伏法緹騎走長垣收係族屬譁暑震天公謂事猝起中執法未必批根乃謬為恭下有以中之歡卒檻其同產行釋去

凡七十家濬人盧柟者雋士坐不辜公力為開

解不得為別柟洗沐所飭其內入侍病至從衙

齋徹飲膳餉柟公笑我差勝臨邛今不至詭為

相如哉其後太宰平湖陸公為令以公按為左

卒出柟公篤仁自以於百姓不翅若離裏所為

解蕩蕩蠹滋植蕉萃即夢寐亦不去諸懷以故

公私勞費過省村閭優贍禮教興舉聲烈章聞

無他異陟者僅副閩臬而已去之日百姓擁道

號呼無已為寄像設以祠公無恨於郡獨部徵

養馬餘地銀十餘萬急不能豁以為媿自後三  
十年蒲坂楊大司馬以公疏入始罷征公聞而  
擊額指天謝矣副閩臬五年迺參藩粵西於閩  
有勦海寇功僅賜金幣其年再蒙考索恩於  
粵西有湯平七山功尤奇未策勲而當路脩宿  
憾止假總粵憲勒致仕嗟乎公赤衷皓表何所  
不顯暴者乃忤懷之夫得護鱗之迅霆列缺不  
少縻折優游康達一旦失蹶豈非命邪公歸不  
絕世亦不世涸邑利弊大者出與其長白陰之

農丈人文集

卷十三

十一

躬率孝悌以訓正宗序業無無日之鏹困無辛  
歲之儲而勤施不怠振孤寡收介特雖踈迹乎  
猶得比於宗戚公有睿質蓋遜學皆致良知之  
旨彌厲視道如尺奉為畛域屋漏自嚴無數大  
耄小宛之辛章庶足狀公云萬曆改元已進階  
壬午

皇長子生再進階正議大夫公入仕僅二十年  
歸隱四十三年壽八十五歲歿而從祀楊慈湖  
先生之祠公娶陳宜人無子側室劉氏朱氏各

舉一子長應升次應文今名賁負高志項從訓  
通起家行且翺清漢彼蒼者酬公所未展意或  
在茲乎其辭曰濯濯於昭士安所稱惟丕大海  
混以滂浩靈一何歸彼美誠瓊伏維翹號宗彞  
貞剛秉初植執憲誠孤危淫威豈不厲天綱賴  
楮持

九廟儻無震臣死甘如飴精熾表白日絕彼徒  
夸毗入為秦社鎮出為大府規謹視萬室黔  
噓枯奏鴻釐彼狂者呼晷覆之以肩仔微薄苟

農丈人文集

卷十三

十二

有申皇天鑒其私厚慈集乃大聊為干戚施訐  
謨匪有局大儒無不宜篤集曹以殷流言忽云  
緇哲人占夙吉卷之失何疑權輿嗟莫揆荒播  
野何其無但迪吉則涉聖濡其涯奉終以嚴克  
抑戒不吾欺導循大隱岡後者崇姱儀百世有  
高頌風烈良在茲

### 墓誌銘六首

明故太子少保兵部尚書加贈太子太保  
謚襄敏譚公墓誌銘代作

萬曆丁丑四月三日大司馬二華譚公卒余嘗以左僚侍公凡一年竊觀公志慮忠勁即圍微靖謚常若大敵肘足發極計所以慎固維之畫猝有警輒欲奮蹕為士伍先不敢晏處以憂遺璧壘以斯精悍當百筭不翅而遽一夕無疾逝國家失一老成却顧不避事之臣斯不亦社稷之悼邪於是公葬有日而公之弟綵持張太史位所為狀屬余銘其墓往九絲蠻之役公嘗厯注方略余迄蕩平廟論歸功本兵是公益波

農丈人文集

卷十三

十三

募壯士逐之兵氣為起於是當路指目公知兵而台之僊居黃巖新中夷郡兵幾萬人皆懼懦莫能一創賊是年丙辰補公台州守守至簡習精卒千人破賊柵浦又破之北嶺又破之揚沙溪公雖瘁行間手意極整暇日拊循百姓無閤郡事益進諸生與談藝不輟庶幾古所稱折衝樽俎者戊午就拜浙之副臬稱巡海使者悉散諸徵調一意練士著用軍興法厲威信必誅賞於是公部士皆爭命願死敵而會督府劉王直黨於舟山直黨故剽桀阻巖險我兵相距十月莫敢動公伺賊登馬岡急擊潰之明日攻何家礮又大潰之於是賊無留黨者未幾犯桃渚公急走桃渚賊遁已又殺海門陴者登城美公急率衛卒搏賊賊又遁又扼賊海門之南北路遇之於新河賊欲遁不得追至南灣礮馬浙中平明年陞叅政仍轄海事又明年居外艱廣賊流劫江西起復公擊平之賜金幣改叅閩藩乞終制癸亥島夷陷興化又起復公以僉都御史

農丈人文集

卷十三

十四

撫全閩公期諸大將特賊渚林一鼓盡禽之俘斬二千二百有奇獲被囚三千餘人衛所印一十五章蓋倭奴酷痛東南惟於興化也甚故是伐稱宸鉅云捷聞晉副都御史 賜金幣復擒滅神前澳玻璃嶼諸孽及龍巖楊一蘇阿普藍松山等閩中平條行閩所宜事凡十有八已得請補制乙丑起公撫陝西未至而蜀妖人蔡伯貫倡亂明年春改撫四川至則寇已平為度川湖介壤移衛設縣遏蠻所出沒蜀甚賴焉又討除逆賊鳳繼祖 賜金幣隆慶改元陞兵部右侍郎總督兩廣尋召還明年以左侍郎總督薊遼公謂鞏護京師宜莫謹備薊備薊無如注精戰具于是修壕塹創敵臺造戰車烏銃佛郎機等甚設公在南甯從俞總兵大猷戚容將繼光戎間尤多戚將軍公既甚任浙兵有不之必帥與俱往賊望見浙兵旌幟無不膝而受刃者及是益思用南人請得與北兵無訓練奏立三大屯營管鑰竟委戚將軍薊自是稱雄鎮虜

相戒不敢犯庚午陞右都御史兼兵部右侍郎理戎政明年以尚書理戎政是冬予告又明年起公兵部尚書掌部事公益思拔竭裁絕一切僥濫諸所陳議皆足裨贊長利圖安永永往辛未之警直請以身當黃花鎮為 京陵杆殺烈乎哉方是時三鎮貢市竣北虜三貢禮成粵東羅旁平九絲余寔受事遼左征逆酋王杲及平虜堡捷凡皆推首功 三賜金幣兩廕子一益俸一加太子少保錫麒麟衣各一服 國家方恃公磐石公忽奄化嗚呼何遽也公忼慨自奇節 朝廷始終置公兵間公亦始終以兵事自表豎夫安所授韜鈴乎乃劈書運量若玩弄諸酋掌股之上初不經揣逆而卒無出殼中將所謂天畀之無寧臆而得邪公嘗言 國家欲破虜者必得人為總鎮將兵十萬無畫地自摩虜至東西往來擊之或時出塞以擣其虛乎又欲圖復大寧安薊遼西稍移鎮偏關特角宣大庶幾銷虜無大漸此皆公鴻計何時質斯議



於成邪公距生正德庚辰七月二十一日年俗  
五十有八贈太子太保謚襄敏追敘羅旁功世  
一子錦衣百戶 國家所以報公可謂有加典  
矣大父父俱累贈資政大夫兵部尚書大母余  
前母黃生兄經武定推官俱贈夫人母羅生公  
封夫人初娶饒贈夫人繼娶劉封夫人子男二  
長河圖聘劉貳守應明女次洛書聘劉太學談  
次女女二一適洱海陽守脩早饒出一尚幼與  
二男皆側室楊出公平生用義樂自藩嘗紀六  
農丈人文集卷十三 十七

文右理參相輔鷹鳶所指氣無俯仰綸百萬悉  
糜腐東南天地顏色昂晝不罷朱夜不戶初從  
赤霞載纛羽南蠻北狄盡彈撫  
天子曰都汝圻父屏我萬年作召虎虎拜稽首  
臣敢竊所不陳恂贊鴻訃  
九廟監臣明若午矢謨不畢什四五蚤時端笏  
二祖東旰西華龍入部豫章之名此其侯視此  
幽石錫終古  
農丈人文集卷十三 十八

萬峰程公暨配凌孺人墓誌銘

程之籍新安之潜川里自晉元譚太守始至二  
十五世名建者遂定家焉至萬峰公之大父積  
興父泰生而微至公更微顧程世敦隱里中號  
為善門公固強志機警高視其里中謂貧直男  
子須更事耳於是不能操末業稍稍取贏給而  
又佐以凌孺人公諱廷壽弟仲曰田壽公既娶  
凌孺人有室而仲尚未偶公謀於孺人孺人慨  
然出嫁時齋送為立其妣於是公母吳太孺人

大喜新婦賢使我無仲憂未幾仲求分異公  
不可久之曲聽仲又時時緩急仲是時公父寤  
疾母故盲屬歲大侵食指頗繁而公又客吳越  
間孺人自顧寡眇勢且不可以夕乃身織作率  
併日趨工精而能兼晝則令子樵蘇釀黍出沽  
而茹其滓太孺人雖盲手猶相從夜繡太孺人  
經孺人綸徹旦不休而家人始以有明日及公  
父歿事太孺人二十年彌謹時繕部君甫七歲  
太孺人指繕部君泣謂孺人曰女善事我是兒

農人集

卷十三

十九

他日必善事女矣公為人恢達每用慷慨折服  
里中里有構出一語平之莫不解而去一時  
莫不嚴公嘗營葬大父母父母隣塚以為不利  
欲禁之諸無賴謀且甘心公莫不人人為公危  
公曰果若人言者得從大父母父母茲土顧何  
憾哉卒葬之諸皆不得逞則以公平日多義力  
也公終始恃孺人蓋婦而當戶無弗急公者即  
嚙逆又務循默感悟公可謂良毗輔已公生正  
德癸酉十一月六日歿隆慶辛未正月二十五

日得年五十九孺人生正德甲戌五月十八日  
歿萬曆丁丑七月二十三日得年六十五子  
長輅娶鮑次輔娶宋次奎即繕部君以甲第官  
主事娶朱女一適楊充孫男八女二姻屬具如  
狀繕部君嘗言公之望不肖甚即貧而恭塾師  
富者不逮也茲不肖微有微祿而兩尊人不少  
待念之莫可釋於剖若其銘乎敢以煩吾子余  
與君同官冬曹不得辭葬公孺人豐丘之陽以  
今年辛巳七夕之明日銘曰

農人集

卷十三

二十一

筑莫圖安名丈夫誰甘爾荼有來厥家伯什蹇  
劬壹不報紆終有宸書以格黃墟維是穀孤  
明故福建都轉運使周公暨配封恭人金  
氏合葬墓誌銘

萬曆甲午臘之前二日都運公歿余聞而切悼  
之語曰無以麻枲棄管輅與蒯今世儼校橫厲君  
子之德衰不啻蒯公者罕矣庸詎知善人天地  
之命萬人滔一人砥豈繫輅焉不賴為軌公寔  
天敦德而崇何奪之遽也明年乙未臘之廿四

日公配金恭人又歿於是葬有日矣二孤大年  
大廈以公之從子官廉應寶所為狀來請銘余  
以隆慶改元丁卯偕公同舉於鄉請婚不我拒  
已復與公之再從子憲副應泊同進士與官庶  
公及公後先官京師凡幾年世誼殷洽非余其  
誰銘公者按狀公諱保字子翼姓周氏世居郡  
西壘湖南之新庄代有隱德父益屢封刑部主  
事贈延平府知府母王氏屢贈恭人俱以公貴  
公童時慧重不隨群戲狎年十四克邑弟子貢  
農丈人文集卷十三 二十二

陞負外郎郎中一嘗奉 詔諭八閩以 皇長  
子生甲申陞南雄府知府丁亥居外艱康寅補  
延平府公絕無世心不識郡將為錢穀亦不識  
上豪郵客為怨罔日惟其地之隱疹是究是祛  
在雄多勤濟城與梁無圯憂醴還四郡之故岑  
寇以豫戒不震於我疆於延禁盜鑄擒妖僧皆  
其著者既滿考壬辰陞福建都轉運鹽使然公  
以積瘁病矣遂乞骸骨歸逾年竟不起盡哉公  
出穀水趙太史門下已太史得罪竄南中門下  
農丈人文集卷十三 二十二

長猶專志儒業自課誦外未嘗游目非聖之書  
聞身非禮之場其古朴殆其性議論依於厚而  
質慤自嚴侃然無互以今觀公豈不展側宦海  
邪然卒不緇即土風靡之不移也公蚤喪母事  
贈父篤至怡婉衍適滿於晨昏七豆間可謂克  
孝幸未成進士以次當得郡理官謝不就補贛  
州府學教授癸酉聘主貴州秋試事是年擢國  
子監博士丁丑冒監丞稱師儒五年匪特條法  
舉蓋多躬導焉已卯改刑部福建司主事滿考

恭人距生嘉靖甲午十月二十三日得年六十  
有二以今年己亥十二月戊寅合葬於光同鄉  
之原諸姻屬具如狀列諸銘之左趾銘曰  
報也曷陶之匏灌也曷茅之苞安取棄藉而結  
是韜帝有大憮爰降櫟祖作是儀矩黜雕黜繕  
游神汾古真人假止巧者不敢戶誰斯允斯殉  
之以淑輔有萬斯邁景茲冢土

虞衡郎中劉君墓志銘

歲庚辰秋杪余拜官水曹時從覲劉君巡班  
敘中攝意甚靜語甚委竊異之未幾稱病謂猶  
之病云爾迺竟不起劉之先雍之乾州人洪武  
中諱未通者成普定遂籍普定普定古羅甸國  
其俗夷漢別而劉表於其漢人自未通六傳至  
封學正應辟太孺人李氏而生君君名秉商字  
維質兒時輒向數封學正督之嚴君亦自嚴也  
益疏勤大義晰其窾旨諸青衿往往從帷下受  
式焉隆慶改元絲貴州薦上南宮明年不果錄  
君太息曰何必南官氏之邁也而後與世市乎

且吾親老古有以三釜見志者默何人邪遂乞  
祿教諭和順縣縣故推魯不習文君力為風起  
旌孝子悌弟恤寡弟子使率就於藝彬如也庚  
午南畿徵校士陞國子學正國子謁用贊悉謝  
不入尋轉戶部司務滿考改工部營繕司員外  
郎踰年遷虞衡郎中不三月逝矣君為人端慤  
有沉思貌閒然略靡崛異而中抑畏不敢違忽  
以是眾謂莫前及奏工卒莫能後君者當繕部  
時商夜橐金四百餉君君怒我平生無點而覈  
於鼠輩乎遽白其事於朝有旨吏部紀用  
初郎有積勞濟上者不幸歿大司空曾公為聞  
上得贈太僕少卿於是愍劉君者援前  
旨庶得比濟上郎夫廉臣子之分耳古人廉畏  
人知又烏容使

上知 國家旌勞不旌廉當國者無如何思以  
風在位乃始旌廉且  
上既知劉君廉即死不恨又何庸假濟上郎後  
乃快也於是司空公悼之甚賻贈之殊厚蓋

主上知君於生而司空公知君於死即無遂厥志奚憾焉君生嘉靖丁酉三月二十二日卒萬曆辛巳四月二十三日年僅四十五歲娶周氏繼娶鄧氏生子二長三傑太學生娶李氏次四保尚幼三傑扶櫬歸計且窆君某所遂具狀蒲伏請余銘曰天乎不能使吾父不死萬里而能使不朽萬禩寔唯吾執父無念諸余怛然傷之乃為銘銘曰

孰丈夫寶貞吉尊無夜燄何必有如是臣能令

帝珍莫令帝申鬼國何垠歸爾蓋人銘與嶙峋

金吾李參軍墓誌銘

余與參軍憲平生驩昨歲庚辰遷之鳳陽節推李公所一見若舊知者參軍鳳陽之壽州人是時壽州守關余需次銓曹參軍則數數謂余若無意壽之人乎為論壽所以自撫狀曰守可得也余笑唯唯壽既補有守召守飲則召余佐守飲是時余既不獲請壽守如參軍指而參軍顧殊殷切自以冀能一當余則又從請余又幾可

得旦暮意自意嗟嗟參軍何嚮余甚乎是時尚未臘頃之獻歲參軍死矣參軍以己卯冬謁選明年春授金吾左衛經歷又明年春病歿參軍官纔一年不及携其家止一側室與居少宗伯何公絕憐之為經紀其殮事得無憾所謂沒齒營之猶及收之庶或幸參軍乎爾於是參軍之子用和匍匐奔計手其鄉胡孝廉所為狀請余銘其墓余即發爰者固無宗伯公之私乎哉參軍其先勝國時家燕之宛平國初諱三保者來

農人文集卷十三

年六十一

游壽因家壽之肥陰三保生林又徙家壽之東正陽鎮林生實實生參軍之父曰岳唐府引禮生賓鄉飲酒者再子三人其仲為參軍參軍諱沔字憲清姓李氏幼警捷不伍父器之今從賈起參軍智計故絕人殫則用豫棘則用棄遂以貲慰其鎮人嘉靖辛酉鎮饑為糜給之所急凡數十百人丙寅鎮大水貧民瀕水者自分葬魚腹中死矣參軍買舟送置岡阜間所急又數十百人楚俗鬼以故壽多祠宇又走集淮汝衝多

杜梁參軍不吝施也時時輔葺之性好客客至必設酒與人談家欸暱有犯不較然當機則又若怒視脫兔一不濡阻參軍兄某既授鴻臚弟某游成均而參軍始繇掾入已用例參金吾事上官以為能註考皆宜語參軍生嘉靖甲午二月一日卒萬曆辛巳正月十四日年僅四十有八室某氏生子男一即用和太學生娶某氏女二俱幼未字用和以今年六月初四日寔參軍於鎮東三里許祖塋之次銘曰曷規乎蓼蓼亦冠只曷返乎蓼蓼亦安只相彼壙只上世宮只日月封只

梁母郎宜人墓誌銘代作

余同年成都太守梁君策之疏養其兩尊人而歸鄢陵也私心竊異之今人一繫組若窮禪不可解疇能以親故拂衣者太守從九折歸結懽於兩尊人願終侍膝下遂不復還成都王陽以往寧復多讓邪蓋歸養凡十一年而母宜人不及耄一年而歿余私心竊謂寡所憾廼太守稱

賢腸暴割不欲生亟圖所以為寔窆計者以狀來屬余銘其墓余覽而難之夫孝子固惻惻無已時誌曰梁宜人者姓郎氏父茂邳州倅母曹以正德元年正月四日舉宜人於彭祖岡之里宜人蚤慧邳州公授諸兒子誦諸兒子方強伊吾宜人已吟吟成讀矣年十六歸梁封君某梁故貧又數失歲封君父早歿母單大母瞽封君有幼弟四人食指夥百需稱詘而封君嘗外營於是宜人佐母肩內事母勤其家亦勤其家母勤其大母亦勤其大母大母以有母惟母安母以有宜人能佐其惟母安卒之大母九十三歲以高年終而忘其瞽則唯有絲娛之者宜人以不獲長侍封君之父而得侍其母幸也以故事母謹即母八十往宜人亦六十往幡然老媪矣猶自侍旁不命之坐不敢坐所食飲必手調以劑母於適也母少子為其仇所搆獄且不測母大戚至涕泣不食飲宜人從吏封君代為理不斬資之簪珥卒出之異日者優諸叔推產與之

無間言諧諸妯娌壹唯平下之不至有許言所謂急病讓夷非可望之恒婦人宜人真冢婦也已宜人恭抑自然事封君壹遵於聽從封君性頗嚴輒或訶所意不當宜人承之無迕容而至或揮擢外嬖其意所當宜人若罔聞曰丈夫時儻蕩耳迄用雍睦以白髮終擇師教太守學時警其情逸即太守獨子甚憐之終不少假太守學成登進士而宦宦成歸養得宜人之指疑於多宜人前是以 覃恩封已又以 恩晉今封

農夫文集

卷十三

二十九

朱

華顯美猶莖莖故素不好腆鮮所親有請服制服以重賓筵者命侍人携之往竟忘御至其所收恤宗黨姻親若遺嫁從祖遺女給地與室姨之子所飲賜者鋪餒者贖終歲繫者及之自命不及以命太守謂太守爾不聞乎苟為善神寔聽之故晨昏必肅盟伏地叩首百大母疾既革執母手曰媳婦孝孫媳婦又孝孫媳婦蓋指宜人梁微者也其誰篤造之至於熾昌如此太守棄其官而養莫不曰孝非宜人烏遂斯志故

謂梁以孝亢其門宜人一子即太守策一女適庠生孫以旌天太守娶常氏兩受封如宜人三子長可養國子生娶扶溝國子生劉繩武女次可勉庠生娶庠生陳燮女卒次可繼庠生亦娶于扶溝監察御史杜君某女二女長適國子生常希尚次適太康庠生郭圖興亦天孫女四幼宜人歿於萬曆十二年八月八日距其生享年七十有九以明年三月十三日葬於邑西龍形岡之兆銘曰女而男子讀邪婦而長子督邪

農夫文集

卷十三

三十一

母而胤子穀邪如彼幃兮上舒之壹為冒兮下襲之壹為突兮是名有梁氏之造兮

農丈人文集卷之十四目錄

墓誌銘一十一首



明故中順大夫贛州府知府顧公墓誌銘

少保沈公元配贈一品夫人張氏墓誌銘

封大理寺左評事鍾公暨配封孺人顏氏

合葬墓誌銘代作

明故勅封文林郎寧波府推官張君墓誌

銘

明故勅封孺人張母沈氏墓誌銘

農丈人文集卷之十四

勅封孺人華母張氏墓誌銘

明登仕郎工部司務馮公墓誌銘

方伯鄒公元配封宜人陳氏墓誌銘

門人郝京兆母贈孺人張氏墓誌銘

門人郝京兆配贈孺人高氏墓誌銘

翁泰媼薛氏墓誌銘

墓碣一首

鄞邑庠訓導吳君墓碣

農丈人文集目錄卷之十四

農丈人文集卷之十四

古鄞余寅僧果著



墓誌銘一十一首

明故中順大夫贛州府知府顧公墓誌銘

余獲交武林顧青嶼先生蓋得之姜隱君貞云

隱君貞者伉爽操其孤特以衡一世絕不輕許

可顧獨許顧先生時時道其行事揚邇至不容

口已或怒張隨之猝烏嗟駭至欲泣下余每聽

之未嘗不搔挐相與怪歎也昨昨報我曰顧先

農丈人文集卷之十四

生不幸溘焉逝矣天生顧先生有盛德而不竟

施卒令阨塞以死貞獨身無能贖顧先生者獨

念墓石追寫平生雄烈垂之百代不朽其孤必

且旦暮匍匐門下若貞者顧先生之死友也敢

私布之已孤自潰直斬伏地持其所為狀以請

余哀而許之顧先生名鈴字朝肅其先嘉禾人

曾大父越徙仁和今為仁和人父郝清源縣主

簿以先生考績封文林郎覃恩改監察御史母

周氏封孺人耦德並邁具余所為墓碑中先生



有大志性高朗持已嚴重遇事篤誠而行之無  
漫語無詭貌為博士弟子辛酉餼遂舉於鄉辛  
未署學正通州日唯躬課率諸生志悉無敢偷  
越繩約更作不軌者壬申改贛榆令贛榆瀕海  
地確澗其民皆窳歲淳苗先生太息曰甚矣  
抑何劑起之乃悉意撫摩為斥滯膚呼之集給  
之牛種為辦杭稷所以異募南人之良於耕者  
導之力穡旦晚巡行龍畝間隨而聽斷焉如是  
五年元氣復還百姓嬉嬉以為樂土凡男婦來

農丈人文集

卷十四

二

歸者三千六百餘戶墾田九百餘頃是時淮海  
備兵使者桂林舒公號知人遂深心委信列其  
狀天曹政府取閱之大詫兵使者乃能知賢令  
使諸監司甄別下屬每若此何憂海內不治哉  
乃特授福建道監察御史蓋是歲丁丑又明年  
出按粵西粵西八寨故挾六十三山為梗率三  
歲一勦十年則粵東西合勦謂之大征御史謂  
其開府公八寨固禍首八寨靖諸魑胡敢索死  
草間且無弗畏死者既窳矣乃虔劉吾赤子以

農丈人文集

卷十四

三

充倖賊若而臣固漏誅人耳吾何忍為於是披  
腹示土司無不向我願為我奔奏者已而八寨  
果肆螫因命為鄉導我兵隨而殲之不兩月八  
寨平卒罷大征凡省軍興萬計活民命亦萬計  
顧無柰諸漏誅者恚何也是歲大比士畢忽以  
憂行已又罹內艱甲申服闋補江西道臺長姚  
江趙公采望實遂用按三楚甫出都門銓曹中  
讒者言移贛州守贛固多谿洞竊出殺掠人屬  
岑岡諸巢叛敗南雄兵劫龍南定南二縣郡中  
震恐是時中丞某者選悞不入境守巡俱闕太  
守毅然決計禽獮乃大發官兵當賊衝而陰用  
土兵擣其虛遂擒渠盜王清等李沛迫乃降中  
丞某聞已得賊乃前失帥官兵者欲張其功又  
係疊老弱及近境居民五百人以啗中丞某太  
守曰是何辜盡釋遣之止錄前所獲三十幾人  
以正法中丞某忿甚而部使者又欲縱李沛太  
守謂沛降在敗後安可縱竟梟沛首於市中丞  
某積不能平遂肆其妬媚妄作飛語而太守無

堪辭齧至此遂棄官歸先生在不計私在事  
不顧前或掣我後者掎我唯知如是為恙廼衷  
慙廼職即奉以周旋已爾遑恤其他何論彼人  
斯乃天家竟亦置之不再敘何邪先生事親孝  
嘗用迎承為愉適事兄貢士銘迨弟公安丞鐔  
姊若妹嫠者兩大功兄筑者老彌篤平生急義  
若渴其應人若響無問戚屬及所嘗知識聲索  
周之不以貧為解不絕俗亦不緇俗稚孺滿其  
膝前婚嫁未畢徒用清白遺之死無他恨盖古

東坡先生文集卷十四

四

人賢腸宛然先正儀矩殆山川間氣鍾而有斯  
人邪辛丑三月二十三日以痰疾不掙距生嘉  
靖庚寅六月十六日享年七十有二配陳氏贈  
孺人武林萬戶郕孫女繼命氏大司空琳孫女  
載繼鄭氏封孺人孝廉怡女子男六自汀陳出  
娶鄒郡諸生國禎女自瀆邑庠生娶凌給事中  
登瀛女自冲娶郭貴州憲長孝女自淇娶鄒太  
學生鼎元女自潢聘盤石叅戎吳允中女自津  
未聘俱鄭出女四長適余同年餘杭徐別駕桐

次適孝豐吳應時俱陳出次適海寧唐哲俞出  
次許字錢兆行鄭出孫男六有楠娶張中丞濂  
孫女有梅娶吳時女桂彬柯斐俱未聘女三長  
適沈徽州知府文長孫郡庠生士份餘未字先  
生歿三月而杭父老子弟走籲所司願躋之賢  
祠光我俎豆允行焉諸孤卜以今年十二月某  
日奉安某山遂系之銘銘曰

東坡先生文集卷十四

五

緊古德與帝對布明愷敦以至黔首逋鋪用饒  
不戢火將焉堅利執言以狂狷匪其朋忍獵恣  
嗟頂趾伊汝賜福曼羨仁哉沛歌而舞誰慎忮  
綠盤綬白無類臣不佞敢自忭生莫徒義為類  
天乳長海來會哲人歸來不媿

少保沈公元配贈一品夫人張氏墓誌銘

自昔上公躬山玄之秉朝夕薦所馨香於斧辰  
若夏靡殷甘傳周關與諸先正勲名耀天壤而  
慶祚流胤裔豈偶然值之蓋必有佐其以一德  
興者夫閭則大矣用能端宅繩準以大埤於有  
政而其君子優游委珮而不以家私損其奏簞

之忱若今張夫人之事少保公則真良內贊  
萬曆甲午少保公赴東閣之命其時夫人病未  
從明年乃北又壬午丁亥正月三日竟殂於京  
邸公於夫人豈直靡靡于慶嬉而即都云哉乍  
遭之大不勝楚於是為狀走使者謂余吾內子  
真三益之友君所悉也平日以伯兄事君今其  
一旦無憐諸其為我銘其墓余於少保公誼若  
昆季宜有均悼遂摭所悽惻勉為銘按狀夫人  
姓張氏隸系唐刺史張次宗有孫曰仁皓兵馬  
農丈人丈集卷十四 女 一  
鈴轄當黃巢亂後撫集流移士人德之為廟祀  
今茅山蓋有冢云至於夫人之父雲而式微母  
柯舉夫人於鄭之採蓮里夫人慈淑自其性紅  
顏目貽而就恬於靖謗言笑不苟父母絕愛之  
不輕字已大母夢龍天嬌爛然金光麗於楣語  
張公此何祥也語未畢而媒者以沈郎入告公  
慨然俞之吾茲若華止珍謹付沈氏倩矣歲已  
未乃婚婚七日而少保遷之學舍夫人安焉且  
勸之卒業也少保大賢之當是時少保貧自尊

璋暨於伯叔氏罔不圖所以日夫人以穉齒操  
作常不後於二妣以是大得太夫人歡謂張新  
婦宜我既少保領鄉薦氣稍蘇猶不憚作苦二  
女皆自乳暨登第以往祿入漸充終守儉勤不  
少侈放居嘗念太夫人蚤逝不共享大官法饌  
即從少保而夙夜於贈少保無闕雖在遠意尤  
縈蒸殷至待諸姑伯叔有禮事少保終老無褻  
貌無矯意無匿有語必確有謀必折其衷以聽  
少保蓋以身儀者夫人以誠輸恢恢匡郭導迎  
農丈人丈集卷十四 七 一  
不為阿諛諦不為迂浸假歲月而愷厚之象益  
溢庭幃間所尤特拔者年未四十輒謀置其貳  
同邑王已復進兩張氏皆濁世皎皎獨行足為  
內者表是時夫人止一子泰鴻泰鴻未及鬢即  
背之巖傍晚者亦以為不堪也乃卒成溫文雅  
器已少保應 內命則又謂泰鴻兒信才他日  
誰明其不然者近事殊駭人其無赴省試為汝  
父累泰鴻敬諾遂不赴省試丈夫哉灑然高世  
俗之見邪嘗慨然念其父家裏門也而鍾我有

如我也而終鮮聰強兄弟然迄無私庇田廬  
予多少保公為之經紀夫人豈知天道哉不強  
為億者圖盈也乃夫攝東下人截以齊恩威錯  
出惟所宜覆我不卒空悲思允哉房中之哀此  
已至其不惑於福田之說輒有妄施卒令魁者  
不敢矚其室此又內者之極操也少保凡十男  
六女夫人生長男即泰鴻廩郡庠茲以 東宮  
恩授尚寶司司丞娶范氏少司馬欽之子光祿  
署丞大冲女泰泳泰藩則再次側室張出俱未  
喪丈人文集卷十四 八

贈一品夫人許聞

上閔之遣中使廬受致賻精鏐寶鈔皓紵白紵  
踞麻各如干賜祭加一壇宗伯移浙江叅政吳  
公鴻洙行禮命有司營塋域於某山之陽司空  
奏遣行人姚君孟煜董厥事恩禮備至焉卜以  
某年月日終窆事銘曰

泰階肇指運曆萌起篤良軌兮靈源迪衽鄂不  
端委抱重珥兮有紛芳芷滿其絢履衣玉榮兮  
小星在族納彼裨海德彌美兮無巨不阜無細  
喪丈人文集卷十四 九

不守式禮圓兮閭闔惟耳從君子揆勤 天璽  
兮云何靜顛不共提祉忽摧圯兮 帝聞若咫  
頻繁自陞載命簞兮詔作丘峙其築如時歸爾  
寶兮巘嶸環負以昌萬似白若砥兮

封大理寺左評事鍾公暨配封孺人顏氏

合葬墓誌銘代作

歲壬午封大理寺左評事鍾公卒前是戊午公  
配封孺人顏氏卒蓋先公二十年逝已余故與  
公之子潤州太守庚陽同年又俱出某公門

謹取密於是其明年余應召北上道秀水吊公  
是時太守纍然苦塊中輒以墓石見命曰所不  
恨吾兩尊人厚宥者惟太史矣今年乙酉某月  
某日將合窆於某圩之阡遂以行略至余讀之  
怛然恫於余衷即不文烏能不為太守一識其  
私臆垂之永永按略鍾世為禦兒人自公曾大  
父濟贅秀水之永樂鄉因家於秀水濟生完無  
子以其兄之季子璧後之璧娶於趙生公公諱  
某字士英幼穎敏端重儼焉有巨人之志年十  
八以尚書通補邑弟子員未幾用高等餽于庠  
公雖名經生然丰度恢連用經略自廣甲寅乙  
卯間島夷毒痛內地東南為震嘉禾守劉公圖  
所為防禦者大抵多公計畫郡迄以有預戒公  
忼慨喜談事至邑里隱痛尤無顧諱諸當路信  
重公無不采行其議者往寧庶人稱亂諸部刺  
編氓為勤王兵公諸父匿不肯行公父奮曰璧  
在也而使賤隸追呼我老親璧安用生為遂荷  
戈往是時公父尚未冠里人莫不誦其義高

居常冲退漠無勝心至其觸事翔發思一申其  
計說以使斯人或有瘳輒殺不可奪大槩類其  
父云公初受業於顏學博學博奇之遂以其季  
女配公則封孺人也孺人執勤有禮公嘗游行  
授徒兩尊人以無兒乎其側也頗不樂孺人曲  
意聚之未嘗失歡叔氏無子所子弗能子公奉  
而衣食之幾四十年歿又於公殯也族有宴昆  
弟既時調之又酹而逞公勿為怒絕調如初率  
皆孺人從惠成之凡孺人先公能為代後公能  
為贊蓋與更三年喪者二孺人故病腕歲或再  
作楚卒以是不栉而公凡十試十不售氣猶猛  
顛哭泣之餘雙瞳稍枯會督學且齟齬老生遂  
投牒謝去此何謂憐才矣公卒是年之九月八  
日距生正德丁丑四月十三日年六十有六孺  
人卒是年之八月十二日距生正德癸酉四月  
五日年四十有六孺人舉一男即康陽太守娶  
工部郎孫詔仲女二女長室陝州判屠鉞之子  
汝河次室刑部郎王愛之子汝聽俱庠生孺人

歿再娶徐舉一女室太學生屠仲行之子臨訃  
太學生孫男一殤女一許字太學生項元汴之  
子德達太守自勝冠以往輒有孺人悲既通籍  
愈益悲通籍以往數迎養公不時至至或不踰  
時則又悲時所湏正如公乃竟坎壈終晚僅拜  
一府封勅酬公何等也詩亦太息昊天罔極宜  
太守之不能為日也銘曰

豈不誠誦空雄里閭豈不誠勅不登皇除胡耦  
而耕不耦而償生不並償歿乃偕藏中有銘石

玄光歟質庶幾昌籍以永無泐

明故勅封文林郎寧波府推官張君墓誌

銘

寧郡理張公在事六年伉爽有執為東南諸法  
曹冠行且內陟矣遽以母艱去則走余山齋空  
首請曰渠不孝摧慘極痛靡雨逃貫敢藉手儀  
部屠君狀賜之銘庶光我兩人於幽余與郡  
理公哀習不能辭贈君諱廷言字國聰六世祖  
賢一者從楚之麻城徙蜀籍於巴為初祖曾大

父本厭世貴濁軍營入山作苦行頭陀大  
父伯紀甫髫髻年行求積藏獲之產屋間奉以歸  
築禪舍廟壩令中供事不忍辭奉夫婦俱九十  
歲伯紀夫婦俱八十三乃終豈其始得之戒攝  
繼得之婉順邪此可以觀胡考之道也父鵬母  
郭氏生贈君為諸生能文至秋卷輒黜錄娶  
沈氏初舉三女子俱遭衣冠士族後舉五男子  
俱夭父母及某內子欲為置副室贈君毅然謝  
不可明年得司理公及此課督過苦不以難子

稍寬之嘗謂贈君是達若塞忠定公勉使勦焉以

故公少歲若風植然者贈君故病胃既良已已

進士官署寧三年考家 諡贈如公官沈封孺

人君生某年月日卒某年月日得年某十某歲

塋某鄉某原一子即司理公名似渠娶余貢生

寵之長女再娶劉贈封如例孫男二慶南夢南

女一姻族具狀中贈君亢直能斷無已於阿無

人於貴勢鄉隣宗重之視其齒頰為三尺枉不

平則以質之多辭去遺業故薄至贈君益落不以其故替孝敬父母喜曰爾善事我他日必有顯子孫今果然銘曰

大道多蹇視其所踐其峙若嶽而胡報之不聞上帝有錫賢問玆邪發揚清明照江隅邪維石之永曜黃墟邪

明故勅封孺人張母沈氏墓誌銘

余既為寧郡理張公銘其尊人贈君先生墓石

又為其妣封孺人沈氏墓銘封孺人父淵鄉貢

農丈人文集

卷十四

十四

士署慈利縣教諭卒官偕其母羅扶襯歸年十

九儋贈君數業無靡曼劬不辭瘁喜迎承舅姑

無迕產三女俱笄五男俱知折太息曰德美我

請休願以嗣事委進少姬贈君辭不可明年果

得司理公已卯司理公登鄉書已不逮贈君封

孺人慟曰嗟乎吾耦耕者忍獨視穫入邪及公

成進士理吾郡課家奉 賜典以進封孺人又

慟曰嗟乎等塵耳今未亡人獨嚙香餽者吾即

噴庸得甘乎前是封孺人不欲東強乃東既三

年文無害英聲振作調輯廬戶如更甦惠流於

枯骼封孺人喜曰兒不負先子之志矣我其西

留之強不可則命其內子及子奉之西誰謂茲

西也雖戈揮之不返乎封孺人生某年月日卒

萬曆乙未十二月十七日享年七十有九子一

即司理公名似渠婦余繼劉孫男二賡南夢南

女一其詳在屠儀部狀中今年某月某日寔某

鄉某原銘曰

太君來翩從何旆鳳文瑤華界靈瑞洞光電采

農丈人文集

卷十四

十五

婉其粹載厥必芬鵲嘉妃五宗百陌俱歎貴薄

飭且爾鬼難媚女何盡珈男盡瘞此時束身甘

自避願進妹麗延氣類良人執義威感喟有如

此言天不祐帝聰果然端不赦執法星精爾作

嗣外勅科條內規誨家篤益溫伊之賜 詔遡

其勤龍駢賁大歸有期不得諱微懿在躬鐫在

石上者守之歲莫既

勅封孺人華母張氏墓誌銘

封孺人張氏者毓於江陰之珣黃村而歸無錫



今贈文林郎鄧縣知縣華慶士坊為元室張江陰著姓其居與錫之九里橋址相錯而封孺人之父太學生某又與贈君之大王父叅政蹇齋先生厚善因以其女配贈君封孺人端慧父口授孝經小學能誦而惟之精於女紅間試以家政又便便若素習父及母王氏絕憐愛之曰惜乎不男也男胡不亢吾宗年十八來歸是時姑鄒逝事舅與繼姑楊及送之往成秩有禮贈君以封孺人能其家得安肆儒業而贈君之伯兄

卷十四

卷十四

卷十四

孝廉某歿家日多故歲洊侵同產乘其落陵侮之贈君無如何棄其業以從於農而內事不勝迫外事不勝開封孺人與相楮柱日夜從吏贈君引義自裁無終怨於脩自是盡用起德厚聞宗黨間無不誦封孺人賢者贈君又納俱室曰李媼憚憚晏溫善下封孺人肺親之以達於贈君於是封孺人年三十六矣連舉五女李媼先五月而舉一男士標即吾鄧令君後而封孺人舉一男士楨封孺人鞠之無彼我觀封孺人務

行約獨豐饒其塾師與贈君嚴脩之以督二子於學也萬曆癸酉二子俱籍諸生丙子令君登賢書其年冬贈君卒己丑令君成進士釋褐來令吾鄧癸巳三年考官例得恩封璽書在途而封孺人以七月廿四日疾終距生正德丁丑後十二月初二日享年七十有七子二長即令君娶倪氏某女次即士楨國子生娶張氏某女卒繼尤氏邑庠生某女女六長遣馮墳次適安希顯次適鄒游之次適浦志學次適黃建任李媼

卷十四

卷十四

卷十四

出者遣蔡四陽孫男八象觀象謙象升俱士標出象晉象鼎象震象蒙象恒士楨出孫女六士標出者二其出士楨四曾孫女一象觀出令君英特斤斤奉職思一榮其親乃俱不獲身拜勅去之日銜哀稽首請墓銘已馳狀來告今年癸巳十二月十二日奉權與贈君合葬唐阡願終惠前諾余惟封孺人德美略具矣至其距一切懺悞不妄隨俗希艷福田尤閨閭所難固宜銘銘曰



詎鮮當戶孰殿爾廡詎鮮當席孰光爾祐祁祁  
郁芬莫不孔並邇迺明閔錫茲 天爾懿其閭  
宗作配永尊山冢崇隆以我銘存

明登仕郎工部司務馮公墓誌銘

歲丁亥四月二十八日余友僚馮公棄諸孤諸  
孤業營葬事顧幽石未脩於是冢嗣比部君蒲  
服頻賴問石言於余余以萬曆庚辰授水部郎  
其時公已綜將作廳事兩年矣頃之以憂南服  
闕再補冬官又獲與公從事玄雲署中僚誼頗

東坡先生集

卷十四

十九

不薄而比部君又以其婦翁顧君狀來按狀公  
名季兆字汝行邑博七弟子甲子登賢書四上  
春官不第遂署鎮平縣儒學教諭擢國子學錄  
改工部司務馮之先系唐開元中諱叔和者為  
禮部尚書遷江左逮南唐名延已者昆弟俱登  
八座始遷明州之慈谿世宦族曾祖昕祖禾父  
燮封中順大夫池州府知府母錢贈太恭人俱  
以公之伯兄方伯公叔吉貴公之為鎮平嚴有  
體銅陵令者嘗齟齬方伯公時議以為不直調

之鎮平公以禮自將卒不能有加於公論者  
之丙子同江西秋試拔士十三人稱得雋冬曹  
涇藪進與其中貴人昵退則比大賈其不為所  
涇墮溝壑中或百之一二乎公從部尚書綱紀  
諸胥無敢橫大抵謗從諸營建起即無身茲役  
者何從污穢我公竟以得全公生平質恪無矯  
炫不妄言笑而和氣盡於其顏挹之其情默足  
師也性孝友往息夷殘燬邑社公跋涉幾千里  
得侍兩大人無恙歡為甚太恭人疾以身禱奔  
封大夫喪幾覆舟實應湖中皆可紀公生嘉靖  
丁酉九月十六日得年僅五十一配錢氏子男  
二長若愚即比部君乙未進士娶顧君琨女次  
若業庠生娶餘姚都御史孫公應奎孫女女一  
適漳州武寧姚君應龍子庠生宗禹孫男二女  
四以其年月日葬於某山之麓銘曰  
豈不亦錄邪胡然無履輻也豈不亦錄邪胡然  
楹版服也注之以若谷乎而償之以若陸乎而  
帝寔不啻庶其爰篤乎而

方伯鄒公元配封宜人陳氏墓誌銘

萬曆丁酉方伯鄒公元配陳宜人病歿方伯公  
餘姚人山東左布政使則走吾鄧謂余往丁卯  
徵幸與余先生同舉是時先生齒家長固應弟  
我弟我即弟婦吾婦矣茲不幸吾婦歿敢以墓  
銘辱余敬諾則取御史大夫孫公所為狀讀之  
其佐冢婦供芼飴瀟滑上以衍大人而退以燕  
夫子若尋常事然者至其視側室白姬煦然溫  
澤務覆匿其纖芥無厲聲色遽加之已病瘵猶

懷夫人文集

卷十四

二十

抱哺其子濱於殆不捨匪特姚之人難之狀媿  
媿頌不休若甚忻慕焉者宜人姓陳氏古虞著  
姓父某母黃氏以嘉靖丙午生宜人年二十始  
嬪方伯公又明年方伯公舉於鄉明年成進士  
授溧陽令入為儀曹郎再覃恩初封安人已封  
宜人鄰固貧世治博士家言不效而驟發於方  
伯公是時方伯公父母大父母俱無恙方伯公  
十一遷而至令官宜人從入燕三入汴入楚已  
入粵入齊是日也萬里千邁豈嘗照耀金紫弛

然饗君夫人之樂也彌昏與晚所為勉効舅

前者三十年如一日蓋與方伯公更期年喪者  
再更三年喪者又再乃至以髮終也宜人主二  
子長光緒次光緯三女白姬一女姻屬俱列狀  
中宜人歿而宜人所抱哺白姬子亦殤世之聰  
強婦人豈少哉乃者苛不百不止極而反禍不  
百不止白乎無輕蔑衾綯太息不猶也抑吾有  
慨焉始乎姣卒乎專宵始乎嬖卒乎極席寔自  
蹈焉使人悅瘁倘非方伯公有以斯之疑不至  
此宜人年僅五十二歲某年月日葬某山銘曰  
體自然者淋邪與性諧與土風乖者歟邪克篤  
徽音以恭乃公苟以恭公何必自躬誰題隧宮  
式茲婦宗

懷夫人文集

卷十四

二十一

門人郝京兆母贈孺人張氏墓誌銘

余以歲乙丑館於江都封比部郝翁之壻翁之  
家孫今京兆李官曰道行者寔稟業焉其時京  
兆尊人宜齋君母張氏俱蚤謝京兆孤有遐表  
日兢兢帥余所課肄退而循習封比部及王母

封安人訓言為粹砥於時鋒穎峻發諸姻黨  
不嘖嘖稱京兆為偉器焉萬曆壬午京兆由  
雍稱選士丙申拜單父令三年政聲起海岱間  
奏蒙贈其尊君如單父母贈孺人庚子擢京兆  
司李明年走書謂余惟吾師習於郝之故矣夫  
郝有闕而不揚非吾師所忍先單父幽石頗具  
獨無辭以華母氏之隧不肖烏用生為者惟吾  
師幸許余遽諾張之先臨汾社東里人也世用  
鹽筴起弘治中由河東占籍維揚父鳳母鄭氏  
農丈人文集 卷十四 二十二

之至苦身為調而還自憊於是兩人病遂卒而  
贈孺人先逝僅年三十有七距四十八日贈單  
父亦逝贈孺人生二子長即京兆吾徒道行娶  
高氏具以單父家贈孺人次時習太學生娶某  
氏無子以京兆之胤文龍為嗣諸孫男五人女  
八人及諸姻屬具贈單父誌中嘉靖己未臘之  
二十四日即金匱山合窆焉凡余誌及銘盡京  
兆灑泣中語銘曰

楊之汭姝來下璧耦俱光未午吁披離上雙巨

農丈人文集 卷十四

二十三

天贊戶紐迺緒等琨瑜百輝起詔何其帝大俯  
載嵯嶸耀厥祖福流行永蕃聚譽安歸于石虔  
襲瑤琨以億壽

門人郝京兆配贈孺人高氏墓志銘

門人郝謙伯既拜單父令之明年丁酉厥配贈  
孺人高氏歸歿於江都將謀窆事問銘焉余惟  
古諛聞之事尚矣受者病瘵施者病阿誠懼其  
浮也假令彭大司空戴少府一旦慄戚而請言  
於張丞相不識張丞相應之否京兆曰曰天鍾

之烏能効拊盆而不念舞鏡者願辱吾師一言  
室氏死且不朽余遂不能辭贈孺人高姓父格  
光祿署丞母盛氏大父遷明州府推官余因憶  
初館於江都光祿君邀我郊園其時芍藥盛開  
其日大往矣其濟如新京兆泫然曰芍藥固名  
將離也吾師得無傷離邪於是為之哀將離將  
離將離婀娜其枝汎光晨熙歛其颺吹悅於何  
施杳不知伊人之所之其時光祿君謂我吾先  
府君携我入明州我於衙齋木盞滿水而弄海  
農丈人文集卷十四 二十四

錯若一沙彌頭顱者余應之曰此蘇子瞻所謂  
章舉先生者也子瞻嘗作江瑤生傳指以相匹  
京兆曰事舊矣願吾師稍稱誄余謂姑無庸他  
日誄光祿君爾京兆固以請余乃為之誄將離  
宛若都天孫徒聲提扶太息流蘇柰何手集枯  
是時京兆父及母世父少叅公及諸父俱蚤世  
獨大父封比部公把握門戶四方宦轍多出其  
孔途酬應一切顧已耄於時外恃一孤孫內恃  
一孤孫婦而郝蓋岌岌是故贈孺人竊自傷也

不獲承顏舅姑而得嚴事大舅姑大舅姑一日  
在者即郝之百年敢不虔焉相夫子課藝經術  
腴飽遂發解北平汙於今宦成名立京兆駸駸  
萬里途而孺人則已矣已亥單父奏家 勅贈  
孺人孺人無子止一女適邑子宗日新孺人度  
寡育則進宜子者數人京兆遂多子男五人長  
雲龍聘喬太學進德女次從龍聘吾同年司徒  
郎閻公士選女次承龍聘中丞李公植女次文  
龍出為京兆弟時習後次廷龍女自宗氏女外  
農丈人文集卷十四 二十五

又七人次適郡庠生王日章次適喬可弘次適  
光祿署丞王應穀次適卞元化次適喬可奇次  
適杜某次未字皆側室出封比部自燕來百十  
年矣獨遺京兆一身乃今繁衍若此非贈孺人  
之有容德烏以及茲余故極歎美之焉贈孺人  
生嘉靖某年月日卒萬曆某年月日得年若干  
歲下某年月日葬某山銘曰

安所藉夫子九芳簾安所光夫子七紫泥安所  
報夫子五熊羆安所乞夫子崑崙軸帶六尺土

千齡不朽若華辭

翁泰媼薛氏墓誌銘

翁泰媼者承重孫邑博士弟子惠祥之王母也泰媼一子名拱極贈禮科給事中先媼歿婦王封孺人五孫長即惠祥次懋祥郡弟子自次憲祥禮科給事中次應祥舉人次愈祥會稽令往給事令吾鄆造泰媼壽九旬封孺人六旬余寔為鄆人士祝觴蓋曰海邦長荷我仁君者寔惟兩慈母寵靈之已給事應召北上會稽南來

虞丈人文集

卷十四

二十六

其時泰媼尚無恙居頃之遽棄諸孫逝矣諸孫號踊無如何則為之訃窆石曰鄆固有善頌者其語也信於是給事為狀偕其昆季拜使者於庭屬黃誌其墓按狀泰媼姓薛氏父某母張氏以正德戊辰十月十一日舉媼於海虞之前洲里薛德明媼懿淑是鍾蚤慧知檢攝不妄言笑七歲喪母有孝性諸儀不保姆而克閑女紅不師而習舅氏方為介石公擇配曰宜莫如薛賢遂嬪介石先生是時舅氏嚴周氏姑之亦家也

整然獨宜薛新婦媼温粹油油與娣姒偕絕無雌異而上堂祇視舅姑無關姑歿又視其繼姑楊下堂相夫子勸之學蓋躬恭夙給而成秩於禮焉先生穎篤學成充邑庠增廣負乃竟數奇不售又危禍意外侵之是時先生以學業傳之贈公稱邑弟子負而封孺人來則既颺裏內政於是贈公日夜呼暴寃狀媼屏營焦顙率其婦子拮据以亟所需誣卒白產亦不挫於是宗黨謂媼有完戶才久之介石公歿則督注其子贈

虞丈人文集

卷十四

二十七

公贈公又歿於是又誨育諸孫給事狀曰諸孤不夫大母寔代吾父父我而又無母我嗟夫此媼之實錄也以故卒見給事與會稽俱成進士後而稱賓興者又登康子錄媼真大造翁氏者媼居常有主持大抵用儉為模而至所緩急輒籌活之無恡有姑嫁而夫婦俱夭為養其孤女長而厚遣之女至今感涕語輒歎邑不止羣從中疾有癘喪有穢視其力勉焉至烟或恃之然後突如是七十餘年萬曆己亥十一月初九日

奄歿享年九十有二一女嫁庠生王曰然亦祿封孺人贈中憲大夫石村公之女媼嘗慮贈公單子織學兩世而名聲不揚封孺人來胤遂蕃其大者若鸞鸞鸞騰九霄其次猶斑豹澤霧中媼誠樁柱封孺人棖之臬之而後奧窔立成茲大宮豈易乎哉及病革注視封孺人沈瀾久之誠眷眷不能一旦捨去者所謂是婦是姑有始卒者歟承重孫娶大治陳令公孫女郡弟子負娶譚又娶江山時令公孫女給事娶庠生張女封孺人舉人娶楊女會稽令娶無錫朱女出後乃叔女一遠錢時濟曾孫男五承重孫出者暨郡弟子各二給事一曾孫女十一人玄孫男一其姻屬皆士族具狀中卜以某年月日葬於關龍橋祖塋之次與介石公合銘曰

方渙渙誰揭之旦方濯濯誰錫之瓚維帝顯庚降英媛也翼其渠樨抵艱杆也我不敢愛吾劬肅以盟也一葵百殿大無畔也追日琢景翰也貞茲土方頽星漢也

墓碣一首

鄧邑庠訓導吳君墓碣

嗚呼是惟錫山故司訓吳君之墓君諱應兆字昌伯方在姪時大父音叅軍永寧夢食桃馳書謂其子汝愈君父也得男必名桃已遜於嬖去木以兆行髫年即解屬文諸父太史澤峰公異之曰兒大不凡既壯以毛詩籍諸生尋食廩是時督學耿公講道江以左士率風靡獵聲華即名高弟子而君獨介然絕去誇誕務本於根公

農丈人文集卷十四 二十九

大喜之子能躬吾言矣君弟凡四人俱邑弟子負稱儒藪而君久困諸生凡八躋於鄉已哭其母陸已又喪父哀苦幾至毀滅丙戌歲薦上春官試戊子授鄧訓導自守廩用靖鎮其隄口有典紀而身宅於端孤非如也往往忘其匱而急諸生窶鄧人士無不嚴重吳先生者君雅自負既失遭遘晚得一官不為賴娶於王河南武涉令堯卿女謹矜有禮忽病死君時謁選不及訣弔影自傷強而之官悒鬱不自聊遂及於病

歿之日為萬曆辛卯十月十七日得年六十  
孺人蚤謝不及君八年一子會有志能文將以  
某年某月某日奉王孺人合葬其阡而乞碣言  
余嘗督學秦中從諸校官巡行郡國咄夫死而  
可碣者誰夫如吳君之為鄞師無可訾焉是以  
著之碣焉若其他誼事會自有狀茲不著

農丈人文集卷之十五目錄

祭文二十八首

祭座師吳菲菴先生

偕同年祭魏茂權吏部

全友人寄奠方伯柴公

祭三邊督府邵公代作

祭李子靜侍御

祭楊會稽母夫人

祭黃封君年伯

祭茶院陳公母

祭顧益卿母單太淑人

祭丁右武母夫人

祭戴仲德仲德雉經而死

祭王相國父封君

祭封孺人李侍御母

祭潘中丞夫人

祭寧夏撫臺姚公母

部堂率司屬祭少傅雷公

祭徐東山先生

祭劉封君

祭李五華方伯

祭李隱君 即本寧憲使大父

祭梁太守母代作

祭方伯張公纓泉先生

祭周年伯

偕同榜祭王年伯母

祭楊太僕

祭萬郎中母

祭朱室人

九卿祭王太宰乃兄

豐丈人文集目錄卷之十五

農丈人文集卷之十五

古鄆余寅僧果著

祭文二十八首

祭座師吳非菴先生

嗚呼天篤世經巨類是承我願受之何實不康  
潔明正率舉完孚質入則韜華出則陳吉攬  
藝林刺義孔深緯之文繹若品在燭用能揚起  
冠於多士物愷人儀作

帝寶使駢駢以騫垂二十年夷敗方成名迹爛

農丈人文集卷之十五

然州符在首都符在後司臬司藩司空前守提  
集迺躬芳香之宮漂厥伊以無戰厥終勸進功  
力誅去蠹騰歲計云遠百城之特胡哉蹇罹淹  
其粵西命來無次披我宗彞嗚呼哀哉豈其云  
蛇含沙即之豈其云病此嵐冒之何艾甫踰而  
率背祖安名壽者以謂德逢嗚呼哀哉眇余小  
子漢落無擬進醜其老還慚其靡微斯崑崙閭  
然來援安用七尺以謝乾坤嗚呼哀哉言奔言  
閔烏能濡忍坎壈臨之吁嗟九稔祇 命南



卒共其餘茫茫厚土惜極而痛嗚呼哀哉往  
如電不睇作眩百也中勞一何能處我生無待  
我疾寔多我傷我辰我辰則那嗚呼哀哉大江  
東折其漸孔出其人若醒其心若結載遵其涓  
載采其離陰風其徐靈或鑒微嗚呼哀哉尚饗  
偕同年祭魏茂權吏部

悲夫靈期之乍屬兮玄與黃其來章俄大運之  
告泮兮杳不識乎天之行繫介蹶以自喜兮被  
美服之潔清守白日之斤斤兮指明信以為正

東坡先生集

卷十五

十一

意不可乎一世兮孰開襟而嚮之喟古人之不  
作兮儻揚眉而抗之耿幽憂之粥粥兮固怛怛  
而莫與語庶幾六合之清明兮莽忽忽而延佇  
薄層雲而上之兮澤完白而自治思提扶而引  
吭兮侯盛德乎聖者火崇墉以為塹兮吾知非  
乃之願也苟積致之浩瀚兮寧願死靡有萬也  
洵末勢之果銳兮何必誇者之勸也方流歎夫  
絕緒兮胡退尺而進寸也御赫曦之方中兮遠  
嶺嶷猶萬里展蘊隆之在邁兮豈息駕之恒

顧影而哀景炎兮灑血而怨無委譁黔羸而訊  
之兮疇謂上帝而可恃何陰隲之憤憤兮憤不  
知其所抵休烈不以充紉兮妖蠱不以旋禡吾  
何暇斥摘夫橫途兮為斯人而聊吟亂曰  
凡今之人務纖苛兮崢嶸嵯峨較獨多兮高議  
蠟廊郁烈都兮白日太速空蹉跎兮人命流轉  
汨若波兮竭獨平分動而叱兮涕淚何從紛滂  
沱兮煩冤結懣永不磨兮

全友人寄奠方伯柴公

東坡先生集

卷十五

十一

嗚呼方伯公之殂謝以今年三月吾等又四月  
聞之莫不閤慘中結歷秋徂冬有不相對耳一  
語及公輒拂抑而氣上達神魂湜湜不知所之  
嗚呼是曷故乃爾公嘗嘖感吾鄉不欲居吾鄉  
曰我且居京師耳雖然吾鄉或一二人或四三  
人庶幾足當公公猶憤激如是斯足以繫公之  
簡亢空一世而莫與徒乎丙子之冬公從江右  
入覲吾等亦待詔公車每相過從輒不分丙夜  
稱宸懼崇之何竟不終好公有山右之命吾三

人亦各晨星散今吾三人居京師時時道前日  
事一得追權公公獨何往乎今年春李山人書  
來謂公上元之夕與三四狂生坐浮橋之上把  
酒而酹大江曰我為波臣矣嗚呼波臣之云得  
非往者不欲居吾鄉之謂邪公豁達開爽而才  
又揮擯不可羈縛以故望在諸寮友之上然竟  
坐是蹶凡人得志如望空颺舉其颺彌高其志  
彌快不知所翩翩上者空耳翩翩上不虞稅足  
無所不足異一蹶而墜於地而已矣固是稅足

東坡先生集

卷十五

四

之所也不足異公凡翱翔中外二十五年時方  
以卿佐期公乃一蹶不復起其說蓋是獨公之  
情事有沉鬱九原不可但已者則吾少宰公與  
肩吾太史必能肩之不然安貴二公為又不然  
安貴吾三人為則先公之櫪可旦暮至而與太  
夫人合窶此所謂吾鄉可居庶或勝於他方公  
信我乎幾可瞑目哉尚饗

祭三邊督府邵公代作

嗚呼歲初聞公薄恙耳頃之又聞公三月十日

大朝麾下士麾下士望公大素如平時喜不勝  
矣奈何猝有此訃嗚呼邊事難言公業業兢  
兢彌恭彌慎日不遑暇何者前人以遺我而一  
不如成約則懼 廟堂以責備我而稍與其指  
授背則益懼受事諸臣通代不常類或不迎機  
迂或不識變公又懼是故語不空設策不虛發  
偵虜情討軍實譬若追然惟恐或却蓋七年於  
茲矣以公七尺之軀能蹴縮祁連山堙塞瀚海  
不稱僉邦嗚呼若公可謂竭節之臣矣昨歲惶

東坡先生集

卷十五

五

中之役偏裨不戒大用憊心公蒙冒霜露跋履  
沙漠問罪諸虜須其輸服乃罷還鎮公於諸虜  
遠不令微卻如是然公亦坐是病矣議者謂款  
黃以來邊氓二十年不罹兵革之惜以保壠畝  
長子孫此方所貽豈盡蒲坂公始畫之究哉某  
承聽下風凡公所為四鎮計者無小大具聞之  
而公亦視我如左右手凡吾庶幾朝夕得免於  
罪悔者誰寔賜之嗚呼公未嘗一日去疆事干  
懷也寧當去余哉聞訃之夕天地黯黯陰風大

來拂拂襲人不知其悲之何從也蓋其太無終  
者在秦而并有憂者在余寡末臣也於是酌卮  
酒西向而酹之其詞曰西與邁兮何處簡篇遠  
兮應土猶黃檣兮以軒恢招矩兮金之宇沈沈  
兮紫英桓桓兮赤羽嘻萬族兮雲同願歸命兮  
天斧帝褒兮孔勤曰青宮兮裨輔緊皇高  
兮汝苞薏何啻乎泰臚胡不借兮須臾隆乘颺  
兮遐舉萬落兮狂號紛泣兮如雨一不恤兮虫  
出天之高兮何許崆峒兮大摧朝郡兮空渚蘊  
農丈人未集卷十五

隆考予秉恒吾冤兮孤腑厄懣兮靡窮氣結兮  
不可語

祭李子靜侍御

嗚呼我聞脩途達者攸都翩其僂爾扶老而驅  
獨胡侍御罹其蹇數棄而遐我恒焉驚懣豈其  
淑馴反以裁身空有鬼神不祚德鄰嗚呼哀哉  
當其為邑煦嫗有執無論齊民大豪屏輯初筮  
固終三載于桐杲杲出日萬戶孔融龍光上簡  
深心質侃世方滔陸臣則何敢直指遼陽嬰穽

作狂片言朝入魑魅宵藏有臣若此實張驪  
漠漠九廟不賴綱紀嗚呼哀哉蚤暮所跼唯母  
及子云如何里督焉不視痛矣其悲莫惜紛披  
斤斤遺令吟嘆何為嗚呼哀哉往歲不戒幾食  
湍瀨誰者出之又誰卒逮泰之方鴻大江可馮  
苟不其夕安所處躬念茲糾慝不可容息不可  
容息涕下如織嗚呼哀哉

祭楊會稽母夫人

萬曆三年乙亥冬至後五日庚戌楊母太夫人  
棄世已八更月矣賤子四明余寅始克戒蒼頭  
簪香帛敬上太夫人靈几而告之以文嗚呼太  
夫人胡遽爾邪會稽人望令子明府君之終其  
惠政而祝太夫人壽家亟矣太夫人竟棄明府  
君去謂會稽人何賤子聞太夫人計時蓋在五  
月而我周使君言之是時周使君遷轉且行與  
賤子敘別相對悽惋又屬賤子病齒不出戶者  
三月強起對使君忽忽不快於是時又堪聞太  
夫人訃邪於是時天久不雨大火燒空黃埃滿

路景光如覩肝腸與俱蓋日望其身之強一哭  
靈凡庶見平生孰意賤子罪過多有不可輒遣  
旋遭喪子之戚病未瘳而哀又及之慙負此心  
迄於今日嗚呼若賤子安有貫過之期哉賤子  
辱明府君不鄙過而與賤子定交明府君果非  
尋常人也周使君又嘗與賤子論兩浙吏治以  
為如明府君者直循良之上選觀苞毛知丹穴  
觀血汗得赤房即會稽人一日之坐孰非太夫  
人之所貽之況茲三年然則太夫人之賢無庸  
論已嗚呼太夫人賢而賤子不能一拜膝下而  
又死而不能一哭靈几之下又烏以云哉雖然  
不及木猶及墓乎憂憂此中盡以許蒼頭往矣  
惟太夫人鑒之尚饗

祭黃封君年伯

旭川古泓亭育泰清是有隱微扶祥決否以光  
蹈履歸於完軌厥德孔溫如彼初暾萬釐來奔  
緊何朗淑不賁皇國沛茲嘉福廼肇宗彞為  
山為義為廟大祺飛而夾力應龍斯翼在其天

域有傲者秦遺之其人何弗殷淪滅澤不究  
使績繡儼然在疚吁嗟乎天胡不少延為秦百  
全豈之美祿美祿不續裁其尺幅豈乏寵章寵  
章煌煌不復再光太平乍厄玄雲與宅喟茲永  
夕煩冤如茨匪特也私為西人悲皓靈若弭望  
空而是鑒我明水

祭茶院陳公母

緊寶婺之必清懷璇房而穆慶抱嫺淑之宵德  
抗吉夫而燕胥慨受命之不猶獨眇躬乎薄扈  
奉君子之靡終側壹志而疇語撫英運之熾興  
寔斗杓之恭輔仗天鉞以西來睹明威於盛午  
激清渭以靖流規泰華而奠宇意家慈之久長  
厚開之以福所詎茲土之遭如倏斯愴之莫鉅  
曾大斧之幾何而素靈之告阻嗟數澤之多庾  
抑公私乎誠痛何迎禧之有初遘凶來之無拒  
彼悵鬱之朋興喟百城其焉主宜萬人之灑泣  
向青天以紛雨忽溫風之乍凌况也瀟乎潯暑  
控何詞而執言莽不知夫哀緒

祭顧益卿母單太淑人

嗟呼太淑人之歿兩宿草矣兩宿草而哭太淑人其情邪往太淑人七十歲時陳思進為文祝觴不肖寅是時業已許太淑人八十歲而效斯役也乃太淑人既八十歲而寅有闕中之役嗟呼寅憊人也而又執是役日夜不遑息取畢廼公事止矣烏副廼期孰知太淑人竟不待寅邪既寅以昨歲之夏五出關酷暑遠道一病中車再病杞三病真州而念不可已丹楓白鴈日促我東嗟呼寅是時寧當遽渡錢唐邪寅與令子司馬公交二十年顧念以為如太淑人者足頌也不操一章以明千秋之誼謂交道何而孰意又荏苒至今故嘗以為世有必舉之禮而或有不償之願又重之以不給之尤與夫不逮之時豈其有之柰何以寅之平生而須此自解邪杖槩初起勉問好時從風與西如尺董咫其詞曰於鑠兮皇苞從以嫺兮宮之標爰有廓兮江濤式篤之兮淵叡

帝逝兮令徽嘉服降兮煌有輝遵循兮康域禋穀兮靡屬大期至兮乍歸娶之次兮云暉啜何泣兮伊類羌均悲兮靡際窺景崦兮大昊眇愁予兮西極不可幾兮須臾寧當負兮使心渝甬有海兮海有沚塞吾袂兮挹其泚儻不謾兮孔謏如可懇兮何任

祭丁右武母夫人

嗚呼霜露無正零亂隰原浙浙颺焚啜其煩冤煩冤伊何喪我慈媼驚驚驚不終厭造嗚呼哀哉大家初將隼與翔詔其胤子用仁為慶高塏胤子嚴恭惟旨不敢淫怒固或私喜海有大斥斤彼卉酋遂使吾人釋其瘼憂式是勤祿曲用其糗公私且警通不再宿有樂湛如北堂其聲溘焉漸減悲不可楮嗚呼哀哉母東初來教愷與忠彼蠹者氓攀號去幢母西載東謹呼溢郭彼蠹無辰降茲厚雪嗚呼哀哉令子善譽謬舉於前母氏嘉悅汝得人焉不謂退食僕及藐寡舉體撲地血血謂我嗚呼哀哉向餘荒忽

積霰如嶠不能扶母遠送于穴不係其他乃在其謀乃在其謀江水可斟嗚呼哀哉

祭戴仲德仲德雖絳而死

嗟嗟仲德死矣仲德何快於死且何快於若是死也仲德有詩才疊疊數百言援筆立就率又不說涂轍膏號於其里中曰吾邑之間氣鍾而有我嗟嗟今此安歸乎仲德又自負能酒往嘗游於張司馬司馬蓋不獨以酒故愛仲德時時呼仲德醉之酒仲德每每休暢仲德名從此聞

農家小集

卷十五

十一

郡中司馬死仲德亦死死而從司馬作地下游可也若有他死吾安敢知之嗚呼語至此不能用大白浮仲德矣吾且使公衆不仁為觴政陳孟公為佐史輔以蓋次公陶劉阮光畢胡母輩奔走稱觥錄事伯仲季三雅在序梓澤蘭亭科爵在詔客轄不出主賓莫竄或三日酒或旬日裸或六十日不醒若是死死酒耳安不可者何則彼諸公誠有所托而逃吾安敢謂諸公終不死哉仲德安逃若仲德可謂能逃生矣仲

德曉相術率用推步談命所至多中自謂我知折人也然則仲德之有今日或命使然歟嗟嗟以仲德之敏使天祐之一聽於法士潛神古則豈不亮乎賢者稱納言公有子矣而顧若是死吾是以再三哀仲德焉尚饗

祭王相國父封君

維晉之墟神明所都碩人造之德游古初家在在范國在在模是生天老登我黃虞於惟天老夾日維寶雍容蠟廊晚而作葆壹洗多瘡遺跡如掃遂還大當永輝玉藻甫也彌年其告在蹕誰令大陸少微忽焉洪河在後太行在前柰何長夏積陰不宣

天子曰恫遠我上公豈惟朕躬、聖母我同何以贈往無愛我豐庶幾勸孝抑亦誨忠凡百有位莫不歎憤赫赫明堂萬世等賴白日無端喟茲迅邁我勸我嬰維以告酢

祭封孺人李侍御母

嗟夫古昔之頌壽母止其躬蓋曰是賴有家哲

非賴於有家者也若封孺人所謂造李於悠  
非邪當侍御君未生李蓋岌岌乎難為綴矣贈  
縣公曰吾何以置妾為哉吾為吾弟娶婦者他  
日有子即吾子矣未幾封孺人寔姪侍御君無  
非姪者乃所姪為李綴者也其後侍御君兩為  
令有聲梁楚間一按遼擊去大憝威稜有截邦  
之穀壁不永為瑞而以其孤遺封孺人當是時  
李又岌岌乎不識所稅駕矣封孺人抱四歲孤  
孫為宗祊主內輔外教咸歸於紀筋力所逮大  
農丈人文集卷十五十四

封孺人安眉輒揚曰不安輒迫於衷腸安忍封  
孺人之有今日而又不敵沒孺人之今日是侍  
御君冥漠中情事語也是故逝而誦之封孺人  
儻有靈焉尚饗

祭清中丞夫人

於峯夫樹有鍾自召體和蹈素賡彼嫵條繫誰  
作輔寔嬪宏父摹乾飭宮叶震規戶維德有坊  
其勤是將及爾祇載蚤夕尊璋外內恭服暨於  
滅獲亶也泝人在其畛域迺襄迺君為世望勲  
毗予其腹如朱孔殷施於胤子用貞為砥彼珣  
玕琪香就季理有偉綠義驤首紫達天之方啓  
徵乃惟不履躬既備宜宗斯瑞胡不太來受福  
如髮玄冥告窮霜霰散大封何悟萬里有哀不通  
憶初在汶如農思峻寔惟宏父詒我明訓自此  
于繩稍附而登寔惟成我我則何能載經淮服  
載安二瀆海路孔夷而邁內酷慘慘浥襟知不  
可任北風其揭附之夢音

祭寧夏撫臺姚公母

嘻玄冬之慘冽何驚賊之乍罹將卒悻之覆語  
恍千里而惘疑邇太氏之肇今稟幼清之嫺姿  
既執巾而當席亦宜尊而習卑比冰紉之皜潔  
齊穀璧之純熙妃君公以靜穆洵嘉哉其少嫺  
繫元臣之聿發恢洪源而受之維攸鍾之龐邈  
酬讜直乎在茲嗣英問之煥赫增前徽之陸離  
皇游篤以孔馥曰華翟其被斯諗鯢齒之載績  
大耋旦而暮隨何筍輿之甫邁而靈翼之倏馳  
睽厥初乎講卷向翔漢以調鼎既六甲之再曜  
農丈人文集卷十五 十六

部堂率司屬祭少傅雷公

嗚呼天贊皇宸則有蓋臣篤致堅忘爰吐大赤  
微無策卻以決衡尺周達諸寮執志三標羽儀  
大朝佐郡郡教柄銓銓敘罔牧牧起厥凡規隨

祇其附枝匪所顯丕維歲之棘祝駭駕愿鬱  
是力瞻爾卿孤誰寔殿予退而長吁紛彼群賢  
中整外瘼宵人朋蠱果是并有人却我前臣恃  
在天初計若海後而釋贖番乃百倍初計無年  
後而告竣暑不再延凡此宮功匪臣獨攻維  
帝念忠烏號忽墮積不能左覆脫右軻北山有  
靈遂踰一星終保吉寧碩大元老是遵何道無  
慙彼異鳴呼哀哉夙昔此心肉骨匪深夢寐至  
今如林嘉服敢不共肅以覬高躅莫揅狂走孰  
農丈人文集卷十五 十七

祭徐東山先生

萬曆丁丑三月四明晚學余寅父從公車上書  
罷歸抵淮上或傳我公東山先生不可諱則錯  
愕倉惶然而必諸私即彼蒼多木直胡寧無馮  
於其隲命而以促諸幽哉既抵家諭諸傳侍御  
公公報曰信於是寅盡怛不可任則以七月望  
日撤辭函香帛西望拜使者往奠之嗟乎天果



無照於我公而卒成悠謬不可竟詰事邪昨者  
今子黃門君內召過而與余別余曰勉之事我  
英少主矣黃門君指心而念我公曰曷須更已  
我公固不許也仕者殉國一其猷念耳寧令冒  
於不恪載兩心而紛自岐乎我之論孝也則異  
是未幾黃門君以誼誤落職黃門君寔甘之而  
公亦無幾微見顏面斯兩賢乎已黃門君書來  
吾逐臣無敢偷情重得譴而誠不能一日去吾  
大人安計而可寅直今黃門君棄官耳嗟乎寅  
亦安敢言至此徒以公父子兩人俱大賢而寅  
之受令子之知也深屬者寅抵淮上聞黃門君  
既棄官受役書得歸省夫誠急我公也急我公  
卒不諱及之傷哉乎孝子之心也夫孝子昭炳  
肺腸悲獻

天子以畢其志即有不遭蓋不忍言也黃門君  
出而視白曰吾知不勝霍霍而難為中入而視  
我公則萬淚消乃今令孝子安所視哉嗟乎公  
古人也直躬不頗不肖以訾笑遷人喜怒所居

官輒聲績大起而在句容尤著至今父老於公  
生日不遠千百里扶携而往祝拜之歲歲不絕  
此開闢以來僅一見事也寅不佞誠願執不律  
之役問古之良吏孰與公烈而茲不敢漫及也  
彼夫戚而不解者即寅亦莫知其然惟黃門君  
知寅寅知黃門君以為儻然於庶幾則天事不  
似人事遠矣顧獨奈何嗟乎公其冥人安  
知寅之悲乃至是哉

祭劉封君

有偉篤莫兮降德孔丕胡不夷猶兮躋彼期頤  
玄陰條薄兮靡獨慙斯伊者狂走兮惴惴以疑  
抑監臬之初懷兮願乞身而祝嘯也沆私語之  
壹嚴兮猶遲徊而不發也目懸懸而東睇兮心  
默默而西弔也安得傳鳥雲問兮奮飛而還相  
夕也彼蒼蒼者天曷不念痛豈其旦馳暮而果然  
美濟水之濛紆翕貝立而爰撫既塞淵以開泓  
亦分漣而恢渚兮天球之鎮器齊清廟乎大呂  
矧孫枝之朗拔真瑞世之神虞鄉閭歸其長耆

天府報之簪組榮光燭以委蛇蓋月愉而歲相  
馬鼓缶之非辰終大耋之巖阻忽悼心之叵測  
率不禁乎涕雨亂曰雪急兮風長天高兮難量  
誰要兮白雲鄉寧穀兮鮮祥雍人兮寡所慶但  
可知兮吾行冷有除兮青有襮靡所林兮若俟  
遠望兮星光聊以薦兮椒漿

祭李五華方伯

嗚呼惟我雲杜帝之寶區從漢以起賢亦附驅  
穀之種斯疇食其實世有規矩至公湛質古璜  
農丈人文集卷十五  
所瑩煥以元燭中恭外輯盛有茂標騰翮來前  
表茲郎署布武于疆屏我皇路執意何肥遜厥  
明時退焉稱老為閭里師具曰予式日月並尊  
遂有大期嘻其木樛嗚呼哀哉惟彪也官甲而  
多雄輒彼天祿作寓內宗大人有造綿以遐問  
竟陵何墟孰於方物長江不泮喬木在前煮眇  
世講敢無布虔嗚呼哀哉

祭李隱君即本寧憲使大父

繫湛玄兮憲閑迅嬉發兮以軒翥不我躬兮我

商浚彼都兮接世信美吾郢兮爰有鍾穆吉兮  
攸宮古德太兮上龐星宿初沔兮未瀧濟之兮  
岳伯皇邇之兮烏奕湔出兮安窮霸百谷兮巨  
銍膏之榮兮不再迂日命來兮永謝校大終兮  
何迫羗後生兮焉籍靡愴况兮余釋貊萬里兮  
鵠帛

祭梁太守母代作

嗟夫吾以令子同年辱世講知母既母歿而令  
子以窆石見屬益知母大抵為人婦而得於姑  
農丈人文集卷十五  
難得太姑尤難况也姑薨太姑瞽稍失當飄邁  
然愠張何論勃磳母婉而先後之以意祇而夙  
夜之以躬彼太姑臨歿執姑手而語姑不敢當  
太姑語而歸其語於母斯豈可漫然有之故若  
母者婦鵠也當是時封君之弟多則以同產  
而求多於母稚娣多則以比肩而求多於母令  
子既貴稍有祿入則又以祿入而求多於母母  
推肥瘠瘠讓直虔曲由封君之志念推之何事  
不贊何積不施此母所繇得於姑者今人不易

言之蓋母享年七十有九而婦於梁者六十餘年中間食貧不憚瘠瘁以初有家殆四十年既兩拜封章晉號宜人自其離裏以至衢路率聲滿焉凡皆不見為倨而見為德又幾二十年故誠若母者婦鵠也嗟夫吾去今子不十數年不謂令子已白髮也故母在居常三白髮也今母逝去一白髮矣有時令子縞衣素冠而侍或緋衣而侍或五色斑斕而舞棹猶歸然無恙母獨安往乎吾知令子問寢必蹢躅不成走進滌髓

農夫文集

卷十五

二十三

必涕洟不可禁也抑痛矣嗟夫母歿於甲申空於乙酉而吾莫以丙戌行及臘矣無乃太不近情獨所以圖幽石竊謂頗不誣母也則吾亦薄乎有解矣

祭方伯張公纓泉先生

嗚呼歲辛巳重九日之又明日壬申我鄉先生方伯纓泉張公奄棄吾世蓋已踰年矣即不稱木拱者幾已兩宿草矣嗟嗟謂平生何而余小子寅猶藉口萬里不亟將此特悰也嗟嗟小子

農夫文集

卷十五

二十三

寅屏在草茅三十餘年進之不足騰致風雲推轂之顯效退之不能周浹情懷無墮越鄉曲之問所不坳坳就盡者七尺軀耳公安所憑都而察之稠衆之中優之以殊禮加之以今譽即語涉肺肝勿我秘也即與處終日不忍泮我而去士嘗患無許可者若公既已謂小子寅可矣寅生也晚不及公居官而及公居鄉公性朗達持議平居嘗見不如法事惟恐一涇已屠田叔論今世長者必第一公小子寅不能詳公之素至謂長者殆庶幾可以貌公夫公貧而死始白也公平日不肯粥粥為子孫作牛馬而死始難之也公有屹然之度足儀吾人而死始諸君寤而曉也故曰公真長者矣或者謂前公數月有仲子之戚無寧坐是憊公要是吾鄉無幸耳何與仲子乃小子寅所以悼公不直以吾鄉又以吾私嗟嗟吾私也猶執天涯之屏說而遲是一介公平日而猛可小子寅也宜不如是辦香繒帛曾是區區者嗚呼公竟謂我何哉尚饗

祭周年伯

嗚呼不佞寅與令子邈然四海人耳自南宮通籍始一聞姓字又幾閱月始一覲面令子即不以衆人視我而嚴持我寅也伺安知有他暇日在天夫胡敢不信邪乃令子猶是僂僂者今人濡首穢塗略不相警悟至身為泗人益從吏之與鬼蜮齊嘗歎以為彼且五色無主奄奄就盡緊誰攻而起之然後知令子之誼高於秋旻于是令子之令閨中別去數月遽聞我翁之訃又

東坡先生集卷十五

二十四

踰年為萬曆壬午四月辛卯始克慊辭一脩萬里之關夫厚慈數防殫愛多否是故有趨而訓賢有撻而成聖吾以令子知我伯氏必爾非凡丈夫也不然古所謂是父是子者誕語耳詩不云乎生芻一束其人如玉嗚呼吾何日以報令子亦聊使伯氏知之尚饗

偕同榜祭王年伯母

緊玄璇之韞處借靈淵而萃旃標芳香於中閨託光體於名賢維耦俱之嫺若洵櫛篲而佩荃

烟波瑞之昭假鵲充聞其墳駢遯巨偉之由宗羌自昔以稱續初扶將以就祿景曠曠其日莘迨齊閔之特家輝馳服之具鮮既交戟之上入抑風訓之辱全諒立身之不媿報白簡於當年胡曠暉之臣待霽終風於國阡抑曠曠乎匪迫闕望舒於正圓忍烏號於乍旦矧丹旌之載遷屬世盟之在締念何詞以告虔惟中私之慙蒞藉紕薄以或宣

祭楊太僕

東坡先生集卷十五

二十五

嗚呼廟朝曷頃寔惟膚碩剝斷爰祭受有弘籍維公既升則巨於承頤事攸底慨焉風生于時執憲燭熠震電厥有籌之必機之殿關中乏食萬人孔棘如我躬荼請天甚力豈緊職司胡忍睨之不靳上帑胡緩之私倉卒壹救起色千里有臣若此乞哉絕軌章徹自同希弗朗融誰者構之卒潰以訐以彼其略何施不若職內內敘職外外灼小服大推庶尹畢來拱手要求聽於下裁錄太則落非細所托轉而自投何意不博

故多快致行以必志誠有其中無不出示截彼  
稜采矗為畏壘莫予克堪云胡不乃嗚呼哀哉  
厥初微寵附而舉叢不謂茲來見公大終嗚呼  
哀哉一瞬詢之雪涕去之薄閱我思庶幾御之  
嗚呼哀哉

祭萬郎中母

嗚呼亦越權奇歸之房紀亦越歸昌苞毛有始  
寧謂雋良無垓嘉履我觀諸曹誰稱畏壘望實  
具宣寔惟令子川有泓渟山有宛委爰遡景微  
庶幾倫似維鼎有膏維帔有縈維日倭遲胡不  
燕喜鍾之厚矣猶靳其齒大河洋洋素旄靡靡  
往之皓繒其明如水

祭朱室人

惟郢多聚厥鍾孔嫿寔都昌孺如煒皇瑛九十  
其盈來昨於祔亦越君子外恭內揆矚雄以喜  
函蒙有先胡不沃馬與福俱翩我聞尊章在遠  
所祥熊羆是將繫亦吾戚何念不怒風其以鵠  
鳥觀乃真百六邁迤終作窆人長漠者質永追

惟匹況也含恤陰雲不揚彷徨惟墻維以告傷  
九卿祭王太宰乃兄

嗚呼家之邳隆厥有宿龐因壘為墳益望而崇  
亦越輓近將無在公闕躬弗耀保獨以終維是  
太宰巖巖九變其階八座其饗萬鍾亦沾錫命  
輦帶是蒙此麓既瞰彼墳亦融純禧嘉祉駢附  
迺宮胡弗上躋靈椿與同惜茲朔漠不虞大塗  
悲風歟來如丁我躬凡茲九列義均乃東鬱金  
在地如斯薄悰

農丈人文集卷之十六目錄

祭文二十九首

同沈肩吾祭座師余夫人

祭余相國夫人

祭沈太史肩吾母洪太夫人

工部祭張相國

祭少司徒溫公母

同同年祭同年南雍博士葉本公

祭陝直指沈公

載祭沈直指

祭柴方伯母太安人

祭葉封君

同府祭葉封君

祭梁中丞母

祭沈嘉則

偕同年祭楊母

祭黃憲長

祭毛親母

祭屠親母封孺人黃氏

祭林封君

祭郝太宜人

祭封安人方母

同越州諸公祭李憲副

同郡祭馮封君

祭劉年伯

祭傅長孺吏部

祭馮比部

同社祭會友張教諭

祭大兄

祭元二嫂陳氏

祭羅妹夫

哀辭一首

李侍御母封孺人哀辭

農丈人文集目錄卷之十六

農丈人文集卷之十六

古鄧余寅僧杲著

祭文二十九首

同沈肩吾祭座師水夫人

夫何皇隲之孔明兮時錯戾而迄施疇若淋斯  
多罹兮不良白而分之胡大命之奄忽兮喟聖  
善其焉追惟英賢之宛夷兮直都梁之與纈也  
彼中貯之瑩的兮何異夫遺篋也條五族胥斃  
之兮各用叶於維宅也載尚德而好齊兮亦古

農丈人文集卷十六

者之摯匹也念莫者在其大人兮吾何愛乎以  
力飴又在昌其胤人兮吾歸之以百熊羅繫萬  
馥之如樹兮壹正刑乎夫君伊其張而相之兮  
等焜耀乎上勲誠不以幅兮安尋尺之謂勤謝  
豐至之兩集兮垂千秋之氤氲中黯黯而不可  
釋兮托枿漿以遠聞重曰陰陽遷化卒以厲兮  
胡疹斯乘在婉孌兮豈伊方中溘永稅兮維山  
崔嵬水澎湃兮不朋以嬉在日際兮嗒其摧傷  
視上帝兮無幽叩聞詔菌桂兮

祭余相國夫人

彼鄧者內靈源篤脩華華懿安聿來作妃姁脩  
婉攝具體自然如彼望舒視曦與旋含微內瑩  
宣慈外令姆有初言曰維無兢奉襄夫子男事  
在雄俾也往邁無終食軫肝愉尊璋忘其戾日  
克舉孝心以迓萬吉於時奮庸慶至若襲猶追  
窮約在舊之執深惟長如逮及諸兒小大宗親  
誰斯恩斯自昔大老偶必以類允對上公曹茲  
德配上公入輔

農丈人文集卷十六

九廟悅喜彌聞光贊裨其綱紀云胡陽九不良  
其行積蹠攻中遽淪紫冥嗚呼哀哉天事有常  
爾乃盤聞疇是孔遠半道以分凰之于劇不耀  
其首誰令璿房太息良友白日其明素帷孔明  
何況吾鄉無勤旨馨嗚呼哀哉

祭沈太史肩吾母洪太夫人

厥有開右壘極而黃鄂鄂于誕籍之庶門寔璫  
斯脩臭容以睟有委髻紉何貌不治則友媽來  
嘉詡雙哉如彼紉編設以五緦維時寡哀莫震

其命暨言填之夙夜干兢佇佇信据卒紅作痛  
曾是壹息而安慶腴於純纁緝神具歆足吉光  
泰朗七子厚贖夫君沕茂游天之倪泄泄日景  
準平土圭言篤之侑言穫之奏墨食實者弗何  
究究洵燬百鍾唐唐巨猷 帝載貶賞冠帔爾  
恭肅邕燕慶遐不邈止躔宿告凶莫回人事嗚  
呼哀哉 皇于敬德詔其土臣萬里來奔折俎  
孔殷詎翅人綱亦首天錄紛綸煇蕭徬徨墻屋  
嗚呼哀哉無壽不豈代之信璽胡若命司相其  
誰之萑瀾嗚呼哀哉

工部祭張相國

嗚呼惟漢及衡受有鉅鍾爰生偉碩登為上公  
上公初起作 帝家時夙夜無遑伏思憑几憑  
几維何 冲聖是荷式盡進弼保完大家有猷  
必力有法必飭計安元元以靖方域日之始曠

畢身赴之萬機在躬敢偷而嬉歲月積華精神  
代潰辰次告凶卒與厄會嗚呼哀哉上公有文  
爛為卿雲敷奏以剏於我 君實錄既輯寶  
訓既集凡大典制皇威用耀上公有勲遐邇畢  
臣芬芳德譽施於不賓載觀外庋以及內府治  
之緒餘何弗充聚惟是尋尺以規百辟柰何弗  
終永即厚夕嗚呼哀哉大河瀾瀾曷其池矣大  
風哆哆曷其駛矣大旒靡靡曷其藟矣嗚呼哀  
哉

祭少司徒溫公母

於惟姁質翔洽華池作嬪者士稊有光曠如桓  
提汲如孟齊眉章施宗閭九十其儀迓天之穀  
期慰我孺閭杆嘗拮戶屢空炊乃鍾獨美乃集  
厚禧乃發司徒碩大且頤厥始司徒嚴恭是師  
塞誠亮節毋教勿欺暨於出撫入柄度支惟平  
惟允母教帥時載其驚睦迎 帝之鑒儀云嘉  
淑游是寵綏盱徐大老白髮雙垂介爾景福孔  
來如茨如何並德不並期頤驚飈泰揭溘焉告



哀告哀云何徹於 皇扉乃蒐故典各庀爾司  
乃命邇人無滯靈輻凡此希特寔眷母慈生有  
隆第歿有憫私如母何憾孝子傷悲空原遷迤  
朔雪皚皚噫嘻何從在天之涯在天之涯視我  
酌辭

同同年祭同年南雍博士葉本公

嗟夫今年吾榜何厄甚邪無論待詔公車者三  
十許人而無一人之入殼也即吳朝光蹂而死  
周明卿拜校官而死壹是閔凶至於斯極何更

農夫文集

卷十六

五

益之以吾本公邪本公恢達洞爽荷重之器又  
良於其所職舉聲騰起璽書豈一旦誤邪矯矯  
天路寧須重繭而不一邪獨奈何噎而死邪嗟夫  
朝光之危禍希觀之事也推類言之命也本公  
在宦十餘年作士無慮數百人視明卿纔且呈  
身不能出都城門一步食官一日有間矣顧獨  
非黔羸者裁其尺幅不令稍展其夙昔邪故陽  
九之說三君之遭也迺又有兩賢相阨者至今  
海內淺之捧腹甚之脅息又甚者怒髮矗冠矣

彼其死者無可如何夫何生者卒亦不可究計  
信乎吾榜之厄甚也夫命有必至獨念大義不  
可或傷吾儕哀本公之意儻在斯乎儻在斯乎

祭陝直指沈公

嗚呼公潔精明徹光於天室卿其曹豈非所謂  
吉人鮮有右於今茲者哉胡不為秦人福而遽  
以悲也公之按部遶當溽暑無幾何受事文闈  
其勞五之既而受事武闈其勞三之當文闈之  
既撤而武闈之未屆也即稍借須臾之間何不  
可者迺不敢一息偷假猶作同商之行聞在兩  
州車不可馬以代之貽不足燭以繼之獄獄無  
慮百數十率取畢一日他務稱是蓋其勞十之  
又居常自念某冢鉅當先某冢棘當先譬之夸  
父逐日無裨道暍卒於棄杖儻所謂盡公不顧  
私竭身而無貳慮者邪嗚呼大監在勤帝眷惟  
媚是何明神而不少護持徃歲乙酉大梁沈公  
先此遭罹不謂公之姓同月同又皆武闈既竣  
之日公厥疾謂言臺中諸公多不願入秦

獨不畏秦卒果然又願吾等而詫曰大數其  
乎嗚呼其然豈其然邪公五昆弟三人以科名  
顯獨公成進士讀書中秘出為臺吏為臺史有  
聲江淮間至於秦藉甚物不並大美不獨鍾斯  
固鬼神所指目也獨奈何天高難問地厚難窮  
彼華與渭不能二百里而亦不屬公之頂踵使  
夫賢者拊心志士奪氣公之所謂數或者在斯  
歟不然如公而有今日吾烏能知之吾烏能知  
之尚饗

東坡先生集卷十六 七

載祭沈直指

嗚呼人之大願在親善人親之如何與相遵循  
願之如何逢彼昌辰長有德友永作國珍孰天  
無繫至公而嘵遭之云慘失我嘉配自我在事  
有繁其輩豈不愛之或不敢賴惟公厚良聰穎  
異常人澈其衷事燭其情其所其大者游仁之鄉  
清為之幹輔以委諄負茲大斧何止觸暑夜不  
知而不知午蹈華跨渭亦越深阻不敢斯須  
偷而寧慶與公躊躇僅四月餘諸所賞識皆公

本初果有以異異彼魁齋來乎何晚去不須臾  
嗚呼哀哉惟之不競視秦為穽公獨毅然我生  
有命豈帝之聰不聞斯令不為秦人植其恭敬  
嗚呼哀哉公之遺言一字不欺公之心事道路  
所悲凡我百司莫不念私莫不念私我哀不支  
嗚呼哀哉

祭柴方伯母太安人

嗚呼率彼秦冒瑤淥具况也積祐作輔春融  
維嘉維齊稱於德雙協帝迎祉受有駿龐厥駿  
伊何邁而駢力厥龐伊何蓋臣是式桓桓風猷  
截行方國皇於寵加爾崇是勅嗚呼謂天壹  
量而翁不延謂且莫量毋無百年孰佐之靡助  
祝之穰穰懋懋結均施獨饗既成釐之又或披  
之陰陽纏糾牢人亟思寧造嚙指選惟頽尾萬  
里來歸母遂不起嗚呼哀哉彼斑者欄涕淚蒙  
漫孰是魂斯去絕無端緬惟孔夙以景微穆怛  
其何從薦此芳茵

祭葉封君

嗚呼公以昨歲之夏抵京師而以秋還是時乍見公拜起甚便竊喜以謂黃門公是時黃門公方抱東門吳之感恐憂其大人日夜棘心而乍見公動履矯健無改平日不勝喜以謂寅也柰何不半歲遽有斯事邪今歲之元夕公書來訊我訊我已侈矣又輒稱不腆嗟夫此豈賤子所敢當哉當黃門公在郡時公春秋七十高矣郡太守公嘗命寅為語祝觴寅為舉里中謠曰黃河易得清鷄犬難得寧君不見葉家翁前柱縣

東坡先生集

卷十一

九

使夫悵悵終莫是將天涯游子空相抱為泣也嗚呼哀哉

同府祭葉封君

亦越義傳篤老不休雖貴無華質惟與速嶽之白若善人來宅其才不逾其德則百嚴而無臆自其蚤年大信有穰無蕘不蠲以斯皎勵維衡上帝誠不以訾錫之顯第郡有直司庇我萌私作朕耳目普天在提呈嘉有子褒來如壘赫赫寵光迎其壽始天錄孔殷當戶告氣誰泮大千

東坡先生集

卷十六

十

祭梁中丞文

嗚呼母來奚邪母來造梁邪母去奚邪母造梁不遂造我 天家邪頃者主上念中丞公勞苦塞上久召之還豈將媮暇公哉經紀方域董訓倫類其大者重有藉焉而卒以母去聞是時公才抵長安三日耳主上順神穆清不及召見公三事大夫倉皇不

識從何所邂逅公後生之望景光而趨者若觀  
喬雲旦暮失之嗟乎母棄去何遽也母之賢不  
能知吾觀中丞公博大而有沉思瘁勤荒微以  
貽今日之安則母之所遺之遠矣不然朔方亦  
孔棘矣山固多彫黃河不乏魍魎卒竄伏不敢  
逞其誰賜有此特不識是時從觀賀蘭山否邪  
公茲還頓首堂下謝不時起居者母大歡兒斑  
斕無改往昔乃其色更鮮好矣又不識是日也  
從渡滹沱否邪是皆公之巨愴無時消解某等

東坡先生集

卷十六

十一

受事秦中有夙昔之誼於是遡而哀之其辭曰  
白藏兮變衰厄之來兮誰蔡洵有姤兮孔秩第  
且祿兮以祁玄陰兮暴殫翳重幽兮何期恢爽  
明兮愷烈抑游篤兮謏斯神不汙兮開右卒罔  
奏兮默持隧之隆兮永漢空號兮勁颺誰者兮  
顯假鬼不靈兮遠帝思雲踟躕兮若睨風肅  
肅兮裳衣倘忽荒兮無閤想遐止兮在茲

祭沈嘉則

夫何黔羸之不可馮兮儵兮踴而暴割黯不識

皇矣之繇篤兮指蒼天而問曷情耦俱之恂  
兮滄涕雨而汜紛懟余辭之假假兮熅余衷之  
不焚迺夫英產之特兮山與川寔胚之矯雲  
霓而直上兮孰躡景而追之蓋亦頽首而受程  
書兮睨削方而耻為諧盲衣辨閭姬之與宮娃  
兮日御前而彌乖彼周盧亦何足陸兮誰禁草  
澤之自蒙苟余命信以錮兮吾將逃之乎苑之  
騷曰開宗厥惟正始兮胡支裔之孔出也寧少  
樸槩以為檀兮將無蕭艾而盤是匹也日轂迴

東坡先生集

卷十六

十二

而冉中兮是何經軌郁以郢也國風洋洋而滿  
意兮獨異人而高為烈叶力也劭鈞天之希奏  
兮總百代而壹至肆氣類之殷叶力也鈞天之希奏  
樹之植胡大運之中否兮垂赫曦以陰霾埤堈  
堇之旦暮兮喪岌岌之丘崖哀哉大雅之不振  
兮抑盡極其焉排亂曰士有百恫何細之論系  
麗漢兮雖有至人豈不亦隕大雅云崩叶悲切兮  
肆好維風泱泱泰邕遂錫黃鍾兮誰不扱衽誰  
非業施方夏詎同兮瞻茲朝露隱軫仍互蓋偶

之逢兮其來何從其去何憑安知斯之慟紅叶徒切

偕同年祭楊母

嗚呼昨歲于邁邁彼東土厥祉靡量如日方午  
於頃少選歛歆為悲救帝有嗣其歸素輻嗚呼  
哀哉母亦念出出迺遭饑匍匐拯之臣心若疾  
臣涕亦涕臣嘻亦嘻憫茲赤子無言不慈今歲  
之春百穀具籽母意霍然為加一匕柰何明神  
報仁以讎痛之云鉅甫麥之秋嗚呼哀哉於惟  
農丈人文集卷十六 十三

名姝來嬪冠族精采肅盥載其嘉馥中更摧蹇  
為暘為發赤燦相之鬱攸于惟維石有靈洵美  
是錫博碩爽塏續戎祖歷亦視仲植亦李聯蹀  
畢事夫子慰彼下泉下泉之思以勗胤子果食  
其實華冠佩縈奏福便便孝子來前遂躋七袞  
且嗟且筵維茲舞筵七夕再旦誰謂大期凄其  
永判嗚呼哀哉匪直也迺厚傷吾倫豈繁尋尺  
况迺世固不禁素商日夕惜別無將斯將寄之  
糲設嗚呼哀哉

祭黃憲長

嗚呼公以八月之朔抵秦而以十月之望去秦  
中間在事才七十五日耳當是時大中丞直指  
使者與夫藩臬諸寮襟吟不吐目眙不決手其  
疏不遽聞豈徒以貌事公哉誠不忍其素也夫  
公從已未進者也既辛未一星甫終耳遽退而  
歸養也既癸未一星又終矣兩大人已不可追  
矣是時故人多列孤卿者公稍從郎署起是時  
論恬退曰杞有人焉論遺榮而亟其私曰杞有  
人焉論羈而不即驟曰杞有人焉故五年之間  
洊歷三品以是為酬公也嗟夫豈知公遽厭棄  
人間世邪公去秦之日吾等叩分陝使者范介  
儒黃公望重是且翩翩霄漢間恙其柰公何介  
儒慨然曰固也獨洎懷明年馬日耳果然公以  
是日再厄於二堅竟不起然則祿命信有憑邪  
嗟夫公曩者從浙已從郢或決歲或不決歲當  
是時風簿具區而雲行乎漳之渚其志念寧有  
涯哉迺不能百一而從秦從秦不什一又捐之

去其大者不令見端其餘者又靳不肯予天之  
於公亦稍愆其常矣是故吾等反袂掩面稱白  
日之窮壹宣其意上之靈凡詩有之生芻一束  
其人如玉嗟夫公之無點於白日也是公之素  
也他復何論哉

祭毛親母

藐西垞之珎滴鍾嘉鼎之幼清體馨致之靜閔  
宛秦穆之粹晶系世閔之亭育號禮宗平舊閔  
郁嬪宮之敷馥發鐙鳴於瑞珎克茂膺之應稟

讀史人集

卷十六

十五

導古淋之上蹤躬婉婉以旋屬前愉抑平尊璋  
難貴驕之根莽變孔膠於君卿既狗恭而篤娣  
亦推恂而逮臧繫孫蒞之曄禎殆紛裸而繁旌  
暉昌陽於宗祏惠佳胤之曾嶸提元祉之櫛比  
永有曜以脩征詎寶婺之歛彩墮爽靈於忽荒  
歎譏頽之阻怒誰侍鞞平齊鄉顧衿輦其何恙  
繁萬折而封腸式吉纓之初諾咨孟陬而告將  
胡陰氛之纏遘彫貞實於薺英嘻運途之屯舛  
踞短日而難平想望舒之載魄更何幾而重光

宦昏姬之盡怛何結懽之能央藉蕪辭以申  
倘彷彿乎雲軒

祭屠親母封孺人黃氏

嗚呼是惟離大夫屠田叔先生之元配封孺人  
黃氏歿既踰年而今年乙未夏五已丑田叔友  
人余寅治草具操文而奠之其辭曰維封孺人  
如璫如璫黃之諸姬寔惟首珍而適我離大夫  
生男稱替生女稱姝以克靈承於屠厥惟都哉  
離大夫在公無歲不同忽爾誕蒙亦遽大終嗚

讀史人集

卷十六

十六

呼宦有薄從璧景之必躬吾謂封孺人百不  
從宦有薄違璧彼翔肉不並翺飛吾謂封孺人  
百不冝不歸胡云其瘡揚之水遭迨越而顛豈  
數則然惟離大夫揮涕謂我吾曾公有相相在鴛  
瓦宦游二十年如遁荒野敢私閭閻輒相侈假  
亦樵七箸微聞喟聲子寔有命何乏何贏享子  
官祿免子耦耕如子所處用物已弘壹是泊志  
襄我於成我聞斯語一歎百楚徒有嘉緒吾不  
忍口舉鏤我心膺有氣密雲狂飈判之爛彼鵲

諱勿其永衍之誰俾冥漠一朝旦之我不知吾  
年寧我裸之尚饗

祭林封君

嗟呼公以恬夷坦白潭綜大業頡然抗引於博  
士弟子之林當是時摩厲以須寧有解日乎而  
卒不售夫公之業蓋傳之先伯子淹抑久宜徵  
耀於公又公之先子操岐黃之術沛德於吾土  
不責報吾土頌其明施迄於今如一日又宜公  
之襲發芬采永函被之然不售嗟呼此以公之

廣大人文集

卷十六

十一

業論也若夫端凝靜漠其表雅飭其衷虛徐得  
之恬安不得之亦恬安行之身衆以為吉其儕  
之見且聞之謂為祥吾以為世必無僂道如有  
僂道不過如公其人世必無梵王道如有梵王  
道不過如公其人而公之壽竟何如也聞公一  
二年間偶所酬對嬉譁頗不覺不忌不諱語令  
人咄咄怪詫公豈厭世邪豈嘗洞晰化運若晦  
明晝夜此其殂翕大還之日邪以為偶也是窺  
公淺也以為誠識大還若期會莫可遁逃也天

胡以爾也嗟呼公之閔舊矣天不注之公而注  
之侍御公與其仲行且以文學顯及諸孫盡雋  
子弟也淵凱忠靖烈烈濟濟大集明德之門凡  
世所榮艷每撫若上帝環而顧之遂挈而私之  
又胡以不靳若是則篤公劉之什可繹也然則  
公可瞑矣嗟呼公逝以六月吾真以十一月得  
無太迂顧夫愴痒惻臆曾不後諸儕公能翩然  
彷彿來聽吾言言否邪嗟呼公不能翩然忽下  
來聽吾言也公果逝矣可勝怛悼哉

廣大人文集

卷十六

十一

祭郝太宜人

嗚呼太宜人既窆之明日為歲癸未九月辛卯  
越人余某奉 上命有事吳土始至於廣陵越  
二日癸巳封牲治楮陳之墓道酌太宜人而并  
以告我 封比部寅樓公夫人世之事有萬總  
之遂志為難是故其始思給足既給足思顯榮  
既顯榮思久長所謂久長匪直其身之享大年  
又以詒其孫子使世有之故一之者萬而慶一  
二之者億而慶一三之者兆而慶一所謂均於

白日而獨昇舉者非邪嗚呼何可易言也乃比部公不階寸資由布衣稱素封未幾以少叅君之貴獲有誥封比部公享年八十有四太宜人八十有五當是時無論淮揚即大江以南如公崛起者蓋亦一二氏然或可與埒富未可與埒貴可與埒貴未可與埒年即不幸少叅君侍公無終而吾謙伯又巋然登名天府巽伯亦號能其家詩所謂勿替引之斯之久長可謂人世多有之哉徃公嘗以謙伯屬我師之故公平

東坡先生文集

十九

生所羨慕與其議論皆得具聞太宜人併精駢  
力佐公以興忍創撫遺報公以完卒之舉公所  
未畢之志身督之而身收之是故公歿於十年  
之前太宜人歿於去年皆可以含笑名之曰仙  
者遊乎寅北來拜公隧門宰木大拱太宜人亦  
既圯土感人世所遭值歎具夷其在茲故茲奠  
若與公說所風昔儼然如或見之也尚饗

祭封安人方母

大庾宛延中有璇淵扶輿完泚是鍾慈媛待

有軌來配君子肅靡其儀望於嘉履雙德維禎  
帝鑒孔申神羊六秬作瑞郊麟駢駢駢駢駢駢發宸在  
上列皇於寵嘉鳳冠斯業母於斯時亦既徵  
只如彼杼襄無弗登只母於斯時亦既諧只如  
彼熙明無弗佳只大運有邇樂以哀遷胡百其  
受不百其年驚飈厲大厲炎海若沸何堪萬里永  
言捐背不徒我懷亦暨同儕青女之候歛翳且  
靈路之瀾瀾爰馳爰駛有纍些辭其明如水

同越州諸公祭李憲副

農丈人文集

三

嗚呼世籍才諳亦欽德度胥輔而行張我國步  
抑唯天申假以修數乃克揚邁厥有鴻樹惟公  
長者寔來東顧漸江以左億有攸聚越希得歲  
幾與福晤帝以賜我及履共渡居有專城出有  
跼注奉宣多狀湛以時澍誰謂金函倖與閔遇  
萬方來同莫親臚句既奪諸浙俾黔是赴又奪  
之黔歸之大暮前是匝月降割在軀神魂播墮  
焉無及仆靡不邁凶酷至如雨賁此大旋何天  
可訴誰能釋哀矧茲薄酤



同郡祭馮封君

嗚呼先民有程得時則駕否者蛇龍托之玄化  
彼驕者子視為偶然剋極而樸卒歸乃賢乃賢  
維何洵真是篤其被繫褐其懷維玉名都之號  
迄無必償卷焉自怡以退為翔厥滅斯猗龍有  
雙琥騰是用特為瑞下土我峨方嶽提封靖熙  
季也抑畏何荷不宜誰之嘉穀庸式以喜寧乏  
我躬而羸吾似有煒黻裳帶索輦之有鑿精粲  
斷苓代之乃來司寇狎盟平泉墳予麓汝八十  
農丈人文集 卷十六 二十一

祭劉年伯

嗚呼莫不有鍾壹者之宗後有萬從况也經筵  
紛綸不啻因墨為幟廼英者儔帝命來游于東  
冶丘平受漳海以浴靈宰何施不彩乃馮輿區  
鬱為人殊其藝孔都天華其句不華其遇封而  
寘樹孰緒斯端毫所伏蟠俾也嶺岼爰發昌邳

彬文與質如其家率維督迨季督為計吏季猶  
需次昨歲南宮謬名誦通寘籍季中遂及季黨  
諧心以往無不兩賞日月幾何訃來則那以泣  
繼歌司祿安在無壽不愷古亦予詒褰旒中流  
抱我好仇涕不可收

祭傅長孺吏部

嗟夫吾初不識君顏狀已解逅君於吾邑令君  
所而後知此為傅長孺矣已君北邁吾持一樽  
與君言別蓋曰吾徒聞長孺有矯矯名吾試叩

農丈人文集 卷十六 二十二

其抵裏何若蓋至於是日而又知長孺言論半  
采又若此矣當是時君從羈旅入朝耳不聞  
建一訐謨用一瓊異之士而首以鄙薄起之巖  
穴之下而委以藩服之重何汲汲也已屠田叔  
歸對我言之乃憮然自傷以余之臃腫不得當  
一世而君獨毅然推引長孺豈真知我邪然吾  
退謝之心已匪石不轉輒屬田叔為我謝長孺  
吾無以報長孺者吾將以不出報之今吾已大  
遂厥初而君獨柰何乎奄然物化不共嘉獎代

高蹈事也嗟夫世事何極天道難論君潔廉太  
苦至非情所貞即古烈丈夫寧帝過之疾大病  
憤憤語皆 天家大事一不及其私既屬續猶  
視聞太宰孫公撫而瞑之若君志大中堅極身  
無悔他日者於 天家事何所不可為而遽至  
斯是不足為 天家大慟邪君今已歸淺土吾  
當蒐輯高行誌君之墓視吾力所及問君之孥  
當不使有朝夕之慮吾豈以一主組感君世固  
有不質券而信不緘膝而固者君真古人我敢  
沒沒流俗不自効於皦日哉因酌之卮酒而告  
之以衷語尚饗

祭馮比部

嗚呼君舉三年而第第而分符百粵之巖邑邑  
凡幾年而入為部部又幾年而出稱部使者治  
吳會獄人生患不得展布耳即今政在嶺表法  
行江介關白如志擊斷在手斯豈非庶幾豪者  
一二事使假之時月遽會運期興濟事功獲所  
滿意直坐有之耳胡不湏臾而遽一旦輒轍而

旋嗚呼凡吾所稱謂所可知者至乎白髮彌垂  
烏私蔑爾青閨莫續熊兆邈然兩者皆造化之  
所不可知世固有遭之不意咄嗟乃在今日夫  
數者莫識所來安知所往是故曠達之士一笑  
置之君又安能如之何哉吾是以悲君輒又釋  
君君聞得無遽曰然

同社祭會友張教諭

嗟呼亦有含毫腐厥乃心孰是焚膏有如沃燭  
豈其受辛沒齒於蓼往之脩途壹睨宵渺嗟呼  
君真其人號時之雄豈不曰售初登釜鐘既其  
誦通太常藉奏有鱣顧之載馳載驟嗟呼命亦  
何常要於厥終誰龍誰蛇總之是達儻所意願  
伊於胡底以今併觀良亦慰只嗟呼當時組績  
詎不如雲幾人遭遽於時氣氣况矣晨星落落  
幾輩又喪我友使我歎喟嗟呼云何旅旌歲晏  
來歸有淒霰雪紛其以飛曷用將之托衷茲誌  
庶幾肫恂以贊明水

祭大兄

嗚呼我之自徙寔惟白杜踰十七紀苑其成聚  
我祖古真我父德鄰我兄盈缶亦越忱恂日之  
瞳矐甫當泰會未熾而圯亦孔之沴祚未云殄  
恃天為延辟彼射鮒何掾也遭素心如水以惟  
中否得不誇詡失亦自喜帝卒鑒只薄集眇躬  
敢攘龐雋據為顯庸柰何厚鍾承以綿植掛冠  
來歸斥晏斯息人有厓域所貴遵循寧遜威鳳  
千仞嶙峋炎中難撲比於烈燠宜其惋我至過  
其半我謂我兄宜不其然非吟非嚙時亦及旃  
農丈人集卷十六 二十五

祭元二嫂陳氏

於惟嫂氏允克稱母又允稱大母遂有曾孫

曾大母厥初作輔中歲作字是有譽處以無隕  
於厥祖嗟夫閭儀盛有九十在柔世之回辟乃  
百斯耽惟質任者若希若夷無側以頗成柔是  
為嘗事繼姑別無他端而嘖有譙言亦嘗為姑  
其舍寔繁篤以暝暝色不至片語不至吟遜不  
外假戾不中赦接遇無譖倉猝無乍諸舍之中  
誰其稚化我化我安否亦用寬如謂迂緩古亦  
大難踰八十年曾不半闌其年可及其德不刊  
嗚呼休哉天祚諸孤嫂寔來模天不祚諸孤嫂  
農丈人集卷十六 二十六

祭羅妹夫

嗟乎君何若爾遽也聞君且逝輒瞪目而詫乃  
我寧有遽至斯者起起其以劑來劑來強作吞  
飲頃之陪矣然則君固不識斯瘍能陪人而君  
又搖杙膏十趺頤柔不一奏負其羸削以與日  
構抑又能陪君也嗟乎吾就榻者數竊怪君無

一語相屬遺以為神識少儻豈謂猶作壯年人  
想也宜君臨諱不肯吐一衷語也嗟夫君氣仁  
膺腸厚細人欺之益假以仁然其胃際炯若平  
亦不可盡平而口訥或者相提論說即在介未  
益又訥量校歲穰土殖山君海王與其時節若  
造化有為僕之者是以豐溢終至而小心畏忌  
不作禍始人亦莫能禍之邑里翕然傾嚮曰閭  
右有斯人乎嗟乎以此迎禧何福不注已壽矣  
無鄰兀兀若羈旅大似無年坦而括髮一何累  
農丈人集卷十六 二十二  
累獨為一女不瞑人謂君之取於彼蒼者何殷  
而君曰否夫年何必如君如君者何必盡有女  
注者天道挹亦天道其注之若濫其勿注若吝  
苟以為無作乎天之降此軀也斯瞑而已矣所  
恨吾與君三十年姻交我之腑着君與君之不  
疑我俱非流俗所成庶幾方期白髮尚羊以老  
而不謂君之遽棄我去也嗟乎世無百歲之人  
而有千歲之誼以誼上帝應錄君晉授仙階以  
歲也天何時再旦也况也黔羸失職稱塞稍憊

恒悼不可勝聊作家人語寄之樽俎倘一歆就  
之尚饗

哀辭一首

李侍御母封孺人哀辭

天道究何詰陽訛旋陰騰敦尹謚迺明信如  
左質僊李詎不遐宛委懼中阨夫子崢嶸人佐  
者抱芬郁嘉粟兩缶盈馨香薦彼瑟上帝寔臨  
女錫之賢閭王清廟藉光輝照耀黼與黻邇言  
茁所氣封章下皇闕榮華不畢輪樵悴忽以聿  
農丈人集卷十六 二十八  
恫彼神靈慈閔爾多扶恤是時錦作襴且懷且  
以膝辛苦朝暮舖阿孤保終吉阿孤有父風電  
勉理前躅阿孤有祖風規恢總嶰嶰劬祖母  
劉翬翬李令伯依倚云夫何崇來闔其室遂令  
小弱孤五內鉞紛滑問之滿闥闥誼在身莫百  
一語寫十哀煌煌誦希烈楫桂列在陳明繒皓  
如潔

農丈人文集卷之十六

書記周禮寫

東坡先生文集卷之十七目錄

書二十八首

長牋上邵侍御乞祀雲間朱察卿鄉賢

又書與邵侍御

與同年侍御邵公

答 襄王書

答周象賢

奉寄東沙先生

答蔡定宇方伯

與侍御錢公

復勞方伯座師

與南戶曹周國雍

與朱邦憲

寄座主吳非菴先生

寄鄭龍岡先生

答少司馬范公

再答少司馬范公

答劉子威

答劉子威

答屠長卿

答屠長卿

答陸無從

答華仲達

答呂心文

與楊明府克一

答徐伯繼

寄徐伯繼

報徐伯繼

與李本寧

再與本寧

東坡先生文集目錄卷之十七

農丈人文集卷之十七

古鄞余寅僧果著

書二十八首

長牋上邵侍御乞祀雲間朱察卿鄉賢

寅聞賢者天地之精神生人之綱紀故生則寵之爵秩以匡贊皇猷歿則署之俎豆以掖扶世道蓋執誼勞苦履志悠邈保完情性發越芳香永世立號終矢靡他遂使標表高張風聲遐訖徃徃所如關其鉅重是故司化念世之士三致意焉生而得官之則官之生而不得官之死而猶敘之意何勤厚也賢者行事揭諸日月賢者既往日月猶來吾與其日月謀也是以不遺幽

默不羞卑賤幸然僻壤地有之猶名鑛也千百年有之猶踵樓也輝之無閼篤以不淤壹范世經歸我王路然後吾與賢者兩無憾也竊見雲間朱察卿天與高放志彌曠遠尊序正經潔身若雪九歲喪其父福州太守母蔡性嚴待察卿有苛察卿備極孝敬母稍愠輒率其子婦跪庭

下既解乃解不解終不敢與察卿愛客放意酣舩酒豪自命毋歿絕不御梧杓者三年友愛兄弟和而能規警產故薄而性又好施勤恤急難自其兄始及乎賓朋州里不問常識不識輒向察卿告語所須察卿慷慨揮應無有已時如與韓山人俞臣璠具韓進士謙貞葬地不可縷數察卿赴義甚於饑渴委財侈於溝壑能使鄉里之人得其片言丘山等重得其一顧白肉再思意氣殷洽傾動遐邇以故郡守史直臣折節下

交縣令黃文煒日造請其廬郡倖陳懋觀欲為置買田宅察卿謝不敢當後黃與陳偕卒官俱察卿經紀其喪趙尚書文華視師海上殺生在手文武大吏惴不自保以嘗德福州殷勤邀察卿歆以官爵啗以金錢察卿不為動部下梁將軍暮夜橐金一得開說察卿正色拒之其後趙敗諸馮藉尚書者莫不匿口察卿語及未嘗不酸鼻太息人以其益多察卿初察卿為諸生游太學累舉不第遂棄其業攻古文辭畢力抗引

成一家言才名蔚然充乎海內海內知名之士  
爭願結內近者命駕遠者命赤牘可謂不出戶  
而收名里中不出其鄉而收名天下若察卿者  
質有其宅輔以文章方其歛采不展送巡退讓  
一書生耳及遇事風生迅邁有截皦皦強節作  
之不止殆萬夫之特矯然塵表者乎雲間聞人  
自漢以前莫得而詳至續續以孝行著機雲以  
詞章顯暨乎斯今益隆嚮述以觀察卿寔協彬  
彬世有續續察卿且顏行矣世有機雲察卿且  
東坡全集卷十七

又書與邵侍御

小奚還知有微恙旋聞康勝幸甚三吳豪傑想  
望風采久矣何時按部不佞與雲間朱察卿厚  
善高懷至行明白淳脩風流儒雅海內少雙而  
位不及躬年不酬德天上一失少微吳中遂無

處士較功程行無忝鄉賢伏乞躋之祀典以光  
世道謹撰長牋一通用脩財擇并察卿傳四首  
呈上具見平生沈明臣王穉登布衣錚錚太倉  
王元美宸慎許可華亭陸宗伯恬退孤往不屑  
卿相之位其不以甘言語媚一鄉黨後生明甚  
同邑潘司冠雅重察卿誌察卿墓不自立一語  
而舉諸傳中語固謂傳中語的也察卿歲收不  
滿九百石而公租私給別無取辦兄弟宗親視  
為寄囊庫常滿戶酒常滿尊問遺四方不絕於  
東坡全集卷十七

道於是察卿遂貧而察卿漫不省察卿九子一  
太學生三縣學生綽有父風此皆箋奏所不及  
詳者夫褒表善良扶植風義示以向方歸之長  
厚蓋有司鈞責而在執事風紀尤先倘蒙鑒念  
一發寤歎決以風霆猶懼未迅夫所謂按部者  
非謂衣繡持斧赫于觀聽又非特循習故常不  
為世教裨益萬分已也此非察卿之幸也不佞  
又何敢知焉不宣脩

與同年侍御邵公

近傳明公從便道歸觀正假肅候英旄願聞行  
部治狀為吳人士稽首稱謝忽辱觀風錄惠寄  
即展讀再三如韓太史周戶曹所敘述不獨振  
起人文抑諸治績槩可觀見嘗從吳中人咨譚  
風裁大較多行寬大尊尚便宜務安元元我  
國家立隆西北而精神命脉盡根東南東南財  
力又率仰吳中四大郡即他劇郡亦不得視四  
大郡近四大郡凋瘵若尪然非洵厚敦慤惻心  
恬氣之夫與之除煩剔蠱煦倫而底休之地方  
安所嘉賴此永永百世之澤也夫極身詔旨釋  
主上東勤之念則上臣也可以進而報天子又  
可以退而報膝下足下茲還直無忝所生哉賤  
子賦命不猶肯灾沴作諸可以遣獨無可兒種  
痘敗於貪醫則不化之冤爾嗟嗟事固未易卒  
言也賤子愚白日而遇饒鬼猶信以為仁神而  
授命焉及其不可如何五內但有崩爾即厭其  
肉已無救於吾子之敗矣人心固爾彼天道不  
亦稍遠邪夫有痛而噫不向其知者而噫噫又

何所足下將亦謂賤子過其情也與哉令兄來  
傳足下所獎借賤子諸語皆賤子所無有賤子  
所有則人世不可堪之事也俟他日面而盡之  
茲未悉

答 襄王書

不佞寅 天子之東下吏也行能無所短長徒  
以奉行諸曹案牘可幸無謬於是處之末曹曹  
中寂無一事空然苟歲月而糜廩餼大懼於譴  
罰初無善狀可以發聞海內足當殿下之聰聰  
者也况諸曹封號爵秩討論在大宗伯斷在  
主上即諸曹不敢言勞而東下吏猥冒而自功  
之寅也烏乎敢紀善周紹稷交於不佞寅殆二  
十年生平道誼雅相慕重輒用私臆稱舉過情  
至誤令殿下曲加采納譽所無有夫古文詞寅  
所日夜腐心求之即不能庶幾札中語顧以為  
盛明希寶千載一旦何敢不勉若乃人臣分義  
凜若秋霜不佞寅聞之先正非一朝夕誠不敢  
拜命謹以元鑒還授使者伏冀仁明廓然照察



儻在真假不佞寅何勝厚微哉臨楮悚惕不  
宣

答周象賢

襄王書來云從足下得不佞是足下固嘗舉  
不佞於王前也今諸藩擁挾高倍聽嘗不遠  
視嘗不下庸知降意接辭用布殷勤延問踈  
而襄王寔先之海內稱襄藩世有賢王今

王愈益賢不佞無徵徵於謬焉而與不佞良信  
顧理絀而精終實是無至云為其女郡君稱謝

襄王夫人書集卷十七

七

不佞懷然隱之古稱秩宗維清今不華諸胥交  
互膠結一遇諸藩糾請輒指為奇貨悲其溪壑  
之心及於重貴而恩澤究非賄不以也主者既  
苦脊批根而外間紛紛更多次骨之論不佞竊  
耻之又敢以身為招甘自墮於臆者流邪且始  
事在儀部而膳部卒成之不佞職司奉行案牘  
而已何敢與聞而居其勞也固知王之嘉問  
徒借此為稱頌不佞夙昔頗知分辨誠不自安  
竊比於素絲之風退守小臣之分謹以原械

使使者惟足下察其愚心書陳於王無以  
競竟成詆苛不佞蘊戢何涯之有

奉寄東沙先生

寅伺頑寡末無關世資偶以伎倆不我鄙夷遂  
使前履有連隨之歡右座發慙愧之歎非望所  
徵何日能忘夫纖塵集轍涓潦匯海豈伊藐下  
而忻自多貴以長者有造襟際自別如納無次  
廣大稱量故夫聖者有操矇夫為牖寅所以庶  
幾他日無辱今雖將不在斯哉然而道不謀俗

襄王夫人書集卷十七

八

學匪通方未若不終竟報聞罷乃知弋獲可暫  
九技太薄果不可以微華得也竊自忖量誠不  
為恨而一二知己如游手不為愧惜館中諸  
君夙諳其聲未窺其底群相謂屈寅也茲行得  
彼夫之口矣肩吾不諒遽相勸留用觀德務勗  
所未私豈非大恩而福情嵯峨不任塵囂蓋漢  
無紕政而賈傳過慙唐有嗣興而劉生瑣言即  
冠蓋如赴名聲若流不以易我麋群改其荔服  
楚楚此中將盟故山之靈矣顧所耿切空復平

生不信委力殊無萬一今歲之春顧見白髮命  
來無期哀至有的誠不知如何也裁書敘濶語  
大無倫高山非遙肅肅若對寅再頓首

答柴定宇方伯

昨歲晏得關外書情至縻屬別去未十日已曠  
然懷感矣是足下之厚也入春又辱遠教無一  
字非警備語僕始讀如晤而傾注撫襟自愉至  
終篇殷氲惜激意彌拳至不覺簪然起立蓋失  
其舊所緣習而願湏命於長者之下風也已復

康先生文集

卷十

九

仰天灑泣而長吁曰嗟乎余小子獲聞斯教恨  
晚矣夫不謂其技薄不足備犬馬不謂其齒長  
不可以受維約也迺忘忘莘莘勤而念我非甚  
盛德胡以有此雖然足下謂僕以文太奇得棄  
置僕文烏能奇夫所謂奇者必可使古人知不  
可使今人知而後謂之奇也而後宜棄置若僕  
文則盡今人所通曉者以示博雅者賞之棄置  
矣彼下里賞之亦棄置難其艱棘一就夷撫亦  
棄置不識何也有司者校士如入香冥探寶藏

豈無白日與發麗輝稍露端倪即已變絕乃至  
襍然列鄂鄂乎尹彼磻寔多由此言之僕文  
烏能奇數則奇矣今海內知余生時時譙訶生  
策生使前則嶺南周國雍信州徐伯繼毗陵陳  
貞父胡原荆京口楊克一廬陵傅思善臨安金  
原功海陵顧益卿姚江邵世忠邵志道孫文融  
嘉禾黃懋中袁儀卿之十數公其指豈與足下  
殊哉幸哉乎彼石也頑猶有攻之者也夫言有  
倣則思懼中則思繆足下誠顧閔跼伏吐納忠  
諒擴所極悟化以上術僕敢執其陋心而抗明  
教此之為誼比於宮吳蓋聞古者有九頓首乃  
私心寧直如是而已不宣

與侍御錢公

僕漢落人耳於事無當於世無適入猶操其編  
心以與俗角入吾衡尺輒謂減出吾衡尺輒謂  
否此絕通棄諧之道祇自危耳明公不謂不然  
命駕而臨貺其人豈謂其人或可與語哉無乃  
我侍御李公之言久固聰聰而明公遽以長者

之心信之不虞其諄也士處世嘗患無知己嚴  
仲子知聶政以力楊得意知司馬相如桓譚知  
楊雄皆以文獨管仲所謂知不云三賢三浴薦  
廟霸國而猥及分金末等其美仲之陋也士誠  
有大者我不言懼沒我侍御公之明也我言之  
是揚已也若明公知我之知己者也諛諂誰謂  
自美乎不佑吾黨而遽使侍御公至於斯今太夫  
人尚強飯兒子無恙諸所需具給無庸厚憂獨  
以為日月之不可留者魄耳其光宜屬今其誰

東坡全集卷十七

十一

屬侍御公使長在宇宙間也念欲為侍御公作  
一狀然後乞門下銘其墓顧生平大槩僕能識  
之至其令確山三大事侍御公嘗自賞以為希  
有僕不能憶之矣侍御公與明公宸密必為明  
公道之願錄示當侍御公為確山時郭龍渠公  
為遂平相得驩甚龍渠公必審知其事今之為  
確山者天台王君士性其人奇古願馳一介請  
之郭公不得則遺書王令詢之邑中父老可盡  
得也古者嬰杵則相為要哀桃則相為死故前

死者不朽後死者不媿以示其素所約契無或  
貳之也有如侍御公治行章徹若是而不藉墨  
卿社以行遠則安貴吾黨為況其事甚易辦非  
若古之相質責以鉅重事也願明公加之意焉  
不宣備

復勞方伯座師

不肖寅從歲丁卯獲廁薦書一朝號與庸衆人  
別蓋盡門下型範之自門下之去吾浙而南北  
其轅者十年寅私心隨而竊景企之何能一日

東坡全集卷十七

十二

鮮也諸賢歸門下者往往儲館閣列臺省其次  
亦專城而居從方岳之後矣此皆不可量而寅  
獨沾沾自喜竄伏海隅不亦極負門下罪其尤  
較選者邪鍾離春印鼻深日皮膚若漆孟德曜  
肥累力舉石而斷亦天下之至醜形也又且無  
媒而通獻言一以行當則齊王以為後宮之師  
國以大治梁且用布衣遊逃人間高表名蹟焉  
寅雖惻頑靡所比屬然其醜不應如二媛也公  
車間又詔寅其悉獻所懷無隱我且成子之信

然四上而四不售非其醜有加於二媛不至是  
矣乃猶曰即不敢當王世豈有伯鸞吾其適歸  
誠厚自校而特不顧人嗤過者不悟政操與俗  
乖好長從詩魔史癖游處無度極知非嫁道儻  
以為不朽盛業庶幾在是即當寅之世苟有見  
於寅亦主上所必採安得笑為驢盤而必令  
改為此沉積十年苑不得鳴以門下之有賜於  
寅也輒此將吐惟門下斥裁之不宣

與南戶曹周國雍

東坡先生集

卷十七

十一

車廄分別見足下淚承睚而不果殞也足下念  
僕深矣以僕與足下厚善閩郡莫不聞知然內  
用衷赤外用規誨終始四年有如一日至於既  
別而竊喜其無負足下也僕所以報足下亦不  
淺矣別後時刻在念即擬緘題悃欵俾我遐心  
長如晤對柰何幼兒種痘不幸為庸醫所敗別  
足下才十日耳遭此凶愍我之自誤直有萬醫  
之誤我直有萬鴆毒當前以為美炙安然不戒  
嚼而甘之及於此日而後刀割之刺我腸也每

一念至直欲狂走將僕素無良而得之若曰  
之云乎則鬼神不應責我至此也往歲乙丑大  
兒不祿其時僕客淮揚家人倉皇委之庸手至  
今不識何病天乎於僕之骨肉千割之猶不足  
邪足下未別時僕內氏夢足下加吾子於膝而  
與之戲子一大包戲者痘也足下吉人僕聞之  
喜與足下處幾年未嘗及大兒大兒歿時其文  
已大有可觀使其在足下定別目視之今兩兒  
都成異物使慧者為不祥之招寃者為不化之  
恨即足下忍聞斯語邪前得曹娥江上書正以  
斯故未遑還答并所諸諾愁病纏人如受微縲  
面腫更浮諸藥無効不從酒而嗜則從博奕而  
廢羅剎昏昏向枕若飴日復相仍展轉沉痾豈  
其畏病之去而愛年之不長歟胡以堪此足下  
稍一念我無寧謂此書猶太早也不盡不盡

與朱邦憲

去年燕都還空踉蹌一歲歸而讀來教望之殷  
盛寧知僕山林錮骨邪更得淳化帖卧起與

矣之古圖史婆娑盤薄其間諸可盡廢邦憲謂  
今世宜何好何從邦僕於物態頗解猶奔走南  
北漫浪月日謂無不可耳顧神為懸惊形為真  
際或翕或泮汨焉無主是兩者背而馳也無乃  
非本初乎無不可為解有不可不妨為解邦憲  
謂僕何僕慕邦憲甚矣邦憲不出門名聲載天  
下惟言子耳誰不愿交邦憲者嘉則箕仲都得  
握手平生盡布衣之雅惟僕亦自不淺僕將買  
田海上乘耒其中得無憂饘粥庶以詠歌皇風

虞夫人文集

卷十七

十五

寄座主吳非菴先生

癸酉冬得南都賢書長君與薦中歡忭無量已  
而接長君京邸及敝交李明府益稔吾師近履  
寢燈光大既長君還不能以隻字附訊與居其  
時情悰吾師能亮之也吾師功伐如薦剡所列  
真繫重一時胡不遂事東南千里之寄猶與尋

常岑伍而居此不肖寅所不能解若吾師又烏  
能解寅事哉當寅報罷時吾師當食定為輟食  
當榻定為廢寢平居忽忽色不滿容臨事咨嗟  
不覺滿口所以者非為寅也蓋寅之違去門下  
六年其不相聞問者三年矣茲永寧知州鄭應  
齡寅之舊庠師也倅敝郡未三年而得今官今  
官今時人所恐懼以為朝廷棄我鬼域之區矣  
寅獨謂鄭倅精幹吏決不憚徃徃必且有聲其  
語具所贈敘中敘中兩語是蓋其居官之槩今  
人莫不稱才然恃才以濟其不必廉莫不稱廉  
然借廉以掩其不必才蓋兼之者寡也鄭倅遇  
事不留明若觀火片言折獄不讓古人名儲積  
猾交互盤據一經究詰宿弊盡祛吏胥上下欲  
賄無繇欲詭無術輸者如期得者如額沿海諸  
軍歡欣鼓舞今而後得一飽也倉儲瀕海主者  
不臨其地遂使狡獪恣行侵蔽鄭倅周行海窖  
枯魚脫粟謹以自隨敕其從人毋得獵取餘粒  
以干法典其下肅然不敢輕犯既又督造漕艘

虞夫人文集

卷十七

十六

羨金至四千一百有奇盡歸公帑自其初來至  
於離任終始一操皎如白日緣其尊人黃門先  
生抗直不回三被詔杖落籍編氓窮困沒齒殊  
不為悔鄭倅強志驅策永言嘉服所謂能貽為  
父无咎為子古之烈也吾師扶植倫紀愿聞其  
人伏惟鑒觀孤特左右厥成俾義類昌聲益多  
榮衛永寧民夷幸甚

寄鄭龍岡先生

吾師在杭殊能存憶謂吾師來且得種種矣柰  
何乎吾師來而屬寅之在恙也即晝見不能終  
日即宵見不能終夕至於分別極欲借遠地伸  
鄙情又護疾太殷執願太柔古人重別若寅可  
謂能輕別矣顧事人以心不以貌非不貴貌貴  
有其質也寅茲所引以為罪者貌而已吾師綱  
紀海邦約已檢下剪釐宿蠹法行不反奸止惠  
流地方蒙福即都里賤夫戎伍羸卒莫不鼓舞  
踊躍以為一旦所有百年所希何幸邁之既去  
而聲跡愈皎烈矣此之表樹吾師果不去不肖

寅更果不離吾師也烏論分携須臾事哉王程  
日夜碧於春草何時遄發見菲菴先生為言不  
肖不敢負吳老師如不負吾師也臨楮神馳不  
任如瘡

答少司馬范公

別去門下十更翔矣往嘗十更翔則復還侍門  
下不虞今茲羈而不獲如往者期也則其稿有  
憾焉爾明公恢達計安一世益講於國家之  
故惟寅寡昧亦得聽在下風不啻所謂虛往實  
歸者當是時即萬失意且以為不恒有之遭也  
何者萬物孳於虛庚於實誠貴食實耳故桃李  
得食又得休息荆棘不得食又不得休息寅今  
者可謂置身荆棘之場矣與寅對者不敢信口  
亦不敢信其耳即欲拱而侍門下據經按史斟  
酌典章擬於會通之觀將能乎廼明公以為閭  
諸其志私用忻喜無亦求援既援求繫既繫牢  
舌大夫殆極嫺笑而借以媿誨小子歟札又舉  
息機舊語夫靜躁在衷不在其地釋氏謂慾心

海又曰苦海蓋解脫難故又懸切利諸說以必  
進之寧謂夫市朝不有謚機也者山林不有炎  
機也者必滔世而必為胡廣馮道必不滔世而  
必為鮑焦顏闔均乎曲士已寅奉教君子何止  
今茲乃約身恬節無負教旨無自以身為荆棘  
所在謹訶請自今茲始謹再拜向使者空首謝  
匪直其儀之千里遙也不宣悉

再答少司馬范公

賤子侍左側久不知翁嘗官繕部又不知以抗  
東坡先生文集卷十七 十九  
法之故迄罹構逮日者令姪鴻臚君以告賤子  
賤子愕然則前書所謂權倖恣睢艱於舉職者  
信矣是時寔武定恃寵敢爾今時置勲戚不用  
專用中貴人有興作必倚為腹心委之監督吾  
儕即萬不肖恐不至如此曹之甚也是作何任  
使邪雖然誠謂非我族類耳乃吾儕亦往往相  
左此矛盾不奉公法務逞其私賤子嘗兩署  
水曹見謂過執群相詬病雖大司空深心信重  
而諸君已眴然側目矣嗟嗟彼婦之口可以出

走其如公法何哉此固吾儕也柰何責鬼域如  
武定者邪翁是時猶有南坦公相與協恭懋弘  
厥績今時誰相矜重者故仕宦無論險而至於  
構危而及於逮即如諸君之側目寅已甚矣賤  
子今者務益竭款款効之公上誠其光明在躬  
而已庸恤其他前書勉寅當當皦皦夫是說之  
究得失半之苟非遺榮之士身其餘幾矣惟翁  
以所宜始卒者少裨寅之恪守焉不宣

答劉子或

東坡先生文集卷十七 二十  
得手教讀至終簡不覺惶悚却避不敢當古君  
子進人多不以量以量若扼之也不以量若浮  
之也足下何居乎乃若用情亦猶行古之道哉  
今海內所推讓何若海內人如買人惟其有而  
向之故一聞其響輒北面焉惟僕亦不殊海內  
人直視足下以為千百世以上人難可庶幾若  
終簡談何容易哉獨夫附景炎而起若執鞭門  
下遂以前軀或得後拒何者附足而奔至亦均  
之然終無改為本物也是故君子志志焉無以

有解願足下終教之幸甚魏季朗近作何狀董附訊

答劉子威

僕之渴足下也甚昨歲北上期迫寐而渡吳昌僕以為入吳昌不登虎丘不訊子威先生猶偃張胡益於走乃今還而艤棹遂兩有之猶恨晚耳札來不規誨所未有直用相顧盼為奇重且也僕之得奇重于劉先生若斯已乎若斯已乎他日者又當寐而渡吳昌矣

答屠長卿

往僕抱默自遠誠不過意足下慰勞勤至無以嘉什高論斐然照映海內歛我一篇莫酬一字僕則何恃而今達者不諒愚心果然見望以為直其微耳無庸置辯迺者手教惻然閱其蒙憤戒以匪石莫令回轉初一捧讀懷然起立自踵以上驚汗如失雖然人之相知貴相知心足下亦責吾面耳恐未既吾心當僕與足下盤桓江瀨僕無所假於是下足下亦無所假於僕也是

時僕之行事有不然者邪自分山林枯骨終無他至今影在麋鹿間即山魃群嘯水蜮共射令滿意而去寧有撫已暮之哀年憐復燃之餘焰而伊優向人他日之敗率可素占厚貌之徒終難久宿僕之膺臂有何潛伏及其一旦乃至若斯夫激憤每失所平斌媚必爾無魄以僕事人終非其性必至相怒無相賞者足下殆不明本末之論邪使僕已濡溺足下乃負繩而趣援我已晚矣使猶斲然不下不敢草草以罔白日則足下斯語似猶蚤耳嗟嗟好仇滿目平居誓心而直諒之朋乃在萬里之外安得縮地來前稱惶恐死罪一謝足下秋霜之誼也恨之恨之

答屠長卿

相潤何翅邈然乃過辱勤問必足下先斯又足詫已太夫人馳典自是熙代以旌能子僕秋毫不得與焉何敢輒有居言足下邇來聲望燁然乃與者半不與者半即與者亦抑者半揚者半豈嘗有嘖於諸君邪足下高朗用直道相向無



問升沉如何顧吾耳及之烏得不為足下一明其不然邪前歲晤顧益卿與共道足下即今年穡事不為河伯所侵沒大抵堤力為多誰謂長卿非策實者亦頗知足下矣足下無他蓋意氣過盛彼益卿標格亦覺峻整乃以曠日視其身而以荆棘視斯人故嘗不受汚亦不受役然是時亦幾不免是途真可畏哉足下勉旃亦聽之而已安問他云

答陸無從

東坡全集卷十七

二十三

方舍親至得奉教言與丈睽濶久矣驟而沃之甘露之漿不特沉痾頓起更顏色滋鮮好也又其餘閒湯寄慶編真楮葉之勝技桃根之上韻遐壽斯徵彌可賀已特謂汝馬淹速千古自定僕不識何解僕偶執役大都至而應之亦復有濡滯時誠不欲以所意率然耳何敢與伊人並轂而驅邪他時度長挈大自有具眼付之後死者耳即足下甚愛僕不能以私臆獨令僕長而伊人短嗟夫天之生人等其身而萬骸顧其所

承之何若奇何必不重瞳子怪何必不削爪此輩頗多耳食論者何苛焉足下近况何似救土歲事委之女魃無可如何貴邑何似前札謂子山萬問而萬諾厥詎比高清真茲以數語謝之倘藉足下之靈無渝成言者僕將僦僧寮於中冷之側替完拙集盡子山賜之矣願足下從臾成之余生必不負人也如何如何

答華仲達

東坡全集卷十七

二十四

讀詩選知足下骨清神靜是玄者上資以茲登騷壇似與風人稍別僕前贈章所謂宛以勁廉以完寫影頗肖頃手札太息諸君才多而忽精鍊蓋今人通病淮陰侯惟益辨是以貴多如殷浩房琯祇使士伍填坑塹耳然更有可慨者三百篇果情性之為也乃今離其衷懷而索之形似援所外來寡所內溢若是彌不貴多矣內鄉李岩峇把盞三酌便大詬歷下歷下何可大詬顧往往不大憚人云何以此知詩彌不貴多也雖然白雲黃竹詎非真人語以錯之風騷中誰

非卿雲之儔僕意真人語竟亦不必稍差別也  
武林虞長孺為詩襍玄與梵與吾騷並出此非  
能擇者乃其演陰符則瑩液真誥以下萬卷而  
渾貫之此真白玉樓中人曇陽寔勞來之近乃  
疵其所居官足下能擇又力於邁不但賦咏間  
也手札又恨期限未至何若是決絕乎乃知足  
下直有道者僕前止美足下好音今寔睹足下  
心山甫冥鴻而為故吳縣所得無薄故吳縣今  
更有一吳縣否洛迦人索報急不及訊山甫與  
農丈人丈集卷十七  
今兄孟達幸寄聲

答呂心文

僕竊慕心文舊美直不渡橋李耳渡橋李而不  
願見心文則大非情耳去年南還得因史生脩  
聞起居其時僕處舟中已七十餘日望家如歲  
恨不能一旦舍筏而即寧於家則羈愁奪之也  
今年史生還手札勤奉諭以中懷翔翔策策以  
不得一觀遇為憾意何庄也鄙人蠢伏寡諧輒  
以其傲岸之軀北走不可又走而南其走而北

不成之為往走而南不成之為歸費景光而靡  
真魄祇足供高明一笑耳足下異然稱舉以為  
在丈夫之數何者可當一字而無覲于面目邪  
足下矯脩上節棄外時榮蓋古人自命古人好  
作用用者可量獨不用者不可量也用之功烈  
至乎臯夔稷契止矣不用則身完而神藏游乎  
太虛食乎太清胡可底竟是故君子寶之無數  
僕所以端拜下風未為齷齪嚇者多也寔用以  
嚴重後生作時規矩詩曰高山仰止景行行止  
農丈人丈集卷十七  
倘執事意然聽之不備

與楊明府克一

五月間從周戶曹所聞太夫人訃驚悼不任即  
欲走哭以賤疾輟行嗣後僕又不幸失一幼兒  
青天太高白日如黯蓋不死于庸醫而死于貪  
醫庸醫誤殺貪醫故殺明公當斯獄也何法而  
可嗟夫一穉子耳痛猶若斯不審明公抑何以  
堪太夫人何病病亦稍淹否卒在官舍否今已  
歸土否此天壤極痛而僕不能一走唁諸情具

蕉文中語曰欲知其子視其所友明公胡為方此獨薄之夫哉日月可待憂疾相尋誠不能一息置生易于懷敬肅一个將我中私交交之帛殊不其恭惟明公知我或在原宥爾臨楮惶恐無狀

答徐伯繼

去年正月曾附啟之燕敬問足下不數日讀邸報則是下離燕久矣嗟夫復何言哉大木仰雲塞日軍時所須迺清廟不干棟明堂不索榱誰

東坡全集

卷十七

二十七

則睨之有靈者寄而為神業負所不平數數稱舉中寔不僞言奈何乎甚焉黨壤加之主人者怒而并奪其業彼大木空一老幹耳何言哉自是茫然不知其憶足下之牢之何從也三月訊傳侍御成所作長歌贈之因及足下譚良苦四月沈太史東還知足下歸省五月北行過丹徒吊楊明府知足下入冬乃抵姑孰六月入南雍訪周戶曹聞傳夫人亦抵戍所七月得足下來箋辭自殷切且奉僕於行者過腆固知足下憶僕

之牢如僕之憶足下之牢也八月發舊都十月抵燕李侍御談前事令人幾愾歲既晏趙黃門來而知足下之果及冬而抵姑孰也所極喜者尊公猶強飯足下之懸尊公於裏至篤也往者官數千里外奉八十餘歲老人就祿寔大不安乃今携家直一舟子事耳僕謂孝子處今日極不為恨足下治行冠絕海內大官小官舉無不亘無煩僕云云乃扶持老親即秋隘固有良歡當與僕私指不謬來箋屬僕籌之夫孝子有

東坡全集

卷十七

二十八

棄官無業親足下重僕固謂僕能狂若茲語僕知非狂矣以僕與足下即連床日夜猶未得悉區區一赫蹏其詳幾何足下勉之矣為足下前日何難難在今日耳願足下俯循厥職毋有其前日而更覲其後日所為足下籌不極於此矣當塗王令僕同年因其還謹此附布蓋斬斬百之一也

寄徐伯繼

昨歲趙黃門入計首論尊公無恙極為大喜

虞遠有此痛至今  
信乎聞史時公務歸省親視會殮此於萬里秘哀稍稍慰矣如風木之恨何兩太夫人近何似無傷心否擬何時當歸須得名筆藉吾親於不韌庸才為鉅重事乎母草草為也僕宜走吊茲歸倦矣又我座主吳荊菴先生下世尚不及是哭且薄將又不能專力雖終有俟耳如僕者即所司鳴鐘鼓而聲諸九衢曰吾將冠余生於多士此為私我乎哉我當之定不忤也

僕在都下若蔑有逐逐風塵中面目無觀此耻當不在我矣丈讀禮之暇苟一置念宜無先僕者是也輒暇及之寧中不泰誠為國家烈烈動風也不宣

報徐伯繼

與丈尺尺尚不知僕病邪再三四日註籍遂滿一月然則一月不見丈矣私念丈亦應註籍不謂強健如昨置酒徧召客召至病夫令人竊怪之丈私念此召必緣吉安守遂夢與吉安守

酌問吉安守揚帆大江二十日可抵吉安不覺曰然又私念他日游匡廬當訪吉安守欲舉問吉安守竟囁嚅不吐既覺而自哂也古之學道者卜諸夢寐僕夢中猶不肯謝紅塵而棲白雲也夙昔安在雖然此以見僕於夢中猶不敢謾吉安守如是足下將安計焉僕謂邀吉安守於長安邸中不若於匡廬秋風將發是足下明志之日也如何如何

與李本寧

秋間聞明公秉憲浙臬其喜又甚懼甚喜者太乙星精久不焜煌天祿茲從尺木起當不崇朝而棟明堂嗟夫國事大難言矣非忠勇不二心之臣其誰刺決糾紛而定國是故才彥驟舉誠足賀也甚懼者前者諾青何敢不勤宵夜顧以衰疲加之惰嫚空多警惕力不追前人孰無心而信為長物足下所不能知吾獨耿耿竊自哂也請俟之獻歲何如僕雖然老強悻直自遂忽不覺年歲迫逼至此去年作詩八首既以謝觴

者復以自說迄不敢大布故敬呈刑如不至平  
職敢以剖劄煩記曹更借璣琲引其咄不得過  
百字此瑣瑣者未敢遽稱謝

再與本寧

足下英卓起銳篤自帝殖蓋敷歷三十餘年  
半騫半伏聲馳騫十五方國而多信少不信吾  
道非邪彼其揶揄我者盡冢之人邪蓋視我所  
以旌一世者建之為左叢紛紛賀名墨墨提實  
而者必有分焉以此答皇天謝白日而已於  
意謂何吾臬何嘗虛無人彼其皆四封之人非  
千載之人也僕是以重有蹈忤焉非誣語也  
爰者非可充筐惟嘉允納之不宜備

農丈人文集卷之十八目錄

書三十二首

東顧益卿憲副

與顧益卿中丞

答顧益卿中丞

答顧益卿督府

答大司空曾公

答周元孚戶部

與葉龍潭永平兵憲

與彭魯軒侍御

與丁右武

答傅長孺

寄陳思進節推

答陳思進督府

寄劉長欽

答萬伯脩

與劉子玄

與姜松槃

與虞長孺

答趙石梁侍御

答姬仲安參軍

答曾恒遜同年

報陳心穀中丞

與臧都護 又答臧都護

答方景武

答王百穀

與遂昌令湯義

農丈人文集目錄卷十八

二

答唐長公

與王翰編

與陳醫士

與鄭戶曹

答于子充州守 與于子充

答聘書一首

答張叔子聘書 代家大兄 集詩經句

農丈人文集目錄卷之十八

農丈人文集卷之十八

古鄆余寅僧果著

書三十二首

東顧並卿憲副

異哉昨歲之逢不及一語而別至今思之不覺  
愕眙足下豪敢抱茲朗拔佐以詳毅諦觀海內  
未見倫並而當路率莫有知者前者既投之瀾  
江洱海之滴稍一量移又架阻大樺小枯叢險  
如戟天既生足下不宜使足下泯泯靡所表樹

農丈人文集卷十八

使足下泯泯終已莫由因緣以表於世則天不  
宜付足下如是之才也昨歲稍詢滇中近事若  
棄唾於地視為固然恬不為省必非踐吾君之  
土舊所不稟正朔然後可耳不然足下烏得不  
咄嗟怪之解此而東益隣甌駱其華風不足儼  
浙上諸郡什四五足下安施焉夫南中去長安  
萬里懼聲不上聞浙中頗可而僻在田浦又懼  
不足展布四體然則何地見足下乎此皆昨歲  
所不及詰問敬訊足下足下必啞然失笑烏睹

碩人懷際而振啟滕賸豁焉悉之宜是幸賤子  
再頓首

與顧益卿中丞

天曹日有遷轉非無可為世道慶者然大較爾  
爾獨足下有擢輒不勝喜往由滇入吾浙之括  
蒼又由括蒼駐虎林猶曰以吾土私既收薊門  
今又鎮遼陽不審鼓躍何從斯盛足下雄才益  
北益宜而僕於足下益北益喜乃來札有更遠  
之恨此謂面友之游辭非王臣之奏論也今諸  
邊務和陽遼陽戰且毋歲報捷乃多口呶呶  
不靖然則戰亦非與舊聞遼陽威信頗立獨物  
力詘耳近部使者至欲盡驅戍者實廣寧諸屯  
衛然則往者有城無民之云良不虛矣古之重  
臣必長慮却顧究本實所在蚤夜為計不以聲  
容蒙主之聽而固九廟之靈足下重臣也  
三陟之畫夙在注措彼杞人者徒有口又況以  
耳極知無常猶操此以請於足下顧更以報

答顧益卿中丞

聞前是已具疏遼事即足下亦業謂行且見之  
卿報卒不果者何也或謂前疏似過激不惟無  
益迺事而祇為遼人懼茲疏直指形勢披竭悃  
誠讀之使人慷慨流涕嘗謂遼人有十危而無  
一安有十亡而無一存然歲歲果創決命爭首  
虜而無悔志豈嘗命一偏裨提師與為聲援豈  
嘗令度支發所在金粟濟其乏絕則大將軍身  
自為戰而不顧萬死之明效也前一人漫不省  
恤以遺後一人後一人又漫不省恤以遺又一  
人至於今日盡委之足下固宜足下之廢寢食  
而計也增餉開海禁蓋今日必然之畫廟堂且  
深心納之國家冗費歲不知凡幾具如疏指亦  
犂牛之一毛耳聞七月間霜大降登萊兩郡禾  
稼大殺海之至者知復凡幾甚矣天之必困遼  
人也茲疏行天固無柰足下何自今遼土盡毛  
桑柘滿於白日遼之士伍忽有起色其大將軍  
不覺奮起大呼顧為開府死以固完國家左臂  
此語非為足下諛功知足下此日果能極慮報

王上而已嗟夫使兩鎮三關諸公一如足下滯事何至廩廩大恐安知夫驕中不喚我中國無人也故頌足下大非謬也

答顧益卿督府

乍捧翰札甚駭豈益卿寐中偶作呬呼及其素所忽湯之人邪白日憶君房或其然夢而憶君房何可幾得僕拂衣以來嘗恨猶瀾市間未便避逃巘谷徒以伯兄哀耄仲叔二昆無力歸上少女未出閣向平何人遂稱絕跡今秋伯兄

震上人文集卷十八

四

奄逝僕竭貲實地奉叔遺謁累累諸骨合窆斯土特仲未有兆所或可委其似續女姝及笄歸諸其室布裙操作當是之時或不知僕所終矣平生無淚至於今斯形神大憊肺漠背若敢向故人猶云雪涕邪僕識益卿二十年以為海內或兩之未必參也爾來譽都望峻胡不令盡展之而四體猶兩痺然益卿不念我亦已耳何疏語萬里外飾所不得已也往者拜惠腆數寔思圖報不識何端成茲大闕重自惟省敢不悚懼

但今僕之胃臆長有益卿足矣何用此物填襟際間作棘楚也敬謝使者還歸鈴閣

答大司空曾公

寅顯下不衡於諸務授之事若設夢杳不知何從又時多婢急不能緣俗諧合贅物無當人用廼明公拔之儔衆之中所不易許人語輒許寅所不可輒當之事屬寅當之如來札所謂天下士云者寅何有也寅聞古之大臣既以其身許其君又以其人似其身者効之君誠忠結其心

震上人文集卷十八

五

無須更或釋耳顧寅何人而明公借之以行其忠昨出都門猶以置寅非其所嗟乎寅何以得此於明公也寅伏鄉井之日久矣大都為人無以異於今日里人無不竊呵之者獨大司馬張公以為可與語進而期之百世之事蓋平生號稱知己祇獨兩公耳夫兩公安可具眷遇之哉寅此途大抵可知平日踈嬾不任羈束又無能輒引而去思稍自表見又不乘遽會忽一念至直默默自哂耳非知已前安敢發此狂言明公



未應懸車遽焉解組顧今上娛兩大人下則勸成後人未為無幸天下事未可知願言自愛夫自愛所以愛吾君也古大臣風義蓋爾

答周元字戶部

足下昨行意烏猝嗟忽忽不自禁豈預億有徵象乎何其爾也人生所遭邁必冥冥司之足下高朗何俟僕言讀諸詠乃率多怒張得無消懣乎劉國徵謂足下在事僅三月釐革諸弊孔使宿猾不能染指則百年来所無也此可以表白

東坡全集

卷十八

六

一

日矣唐儀部亦受此名號以出無他語對僕但云此日此心不能便與世決絕可謂肝鬲相示彼其拳拳至意終不敢忘主上耳足下獨無意乎乃欲付壯志於酒杯夫何灰滅脩途而又何忍絕以世見無需忍之度也足下姑退焉益明習當世之故而後進而與海內茂異之朋度長累大是時誰復適足下者則僕之所謂懃懃鄙哉語也不然幾無以逃於向者僕之所指名非豪敢士所願望於足下矣

與葉龍潭永平兵憲

不相聞問忽忽又且浹歲念空儲荒郊朝野圖恃明公經略便稱長城免

聖主東顧之憂不勝私心竊用忤舞顧中丞建此奇績非復曩日虛張捷級以罔上聽想門下亦大為賞歎中丞再擢再易地必明公為之代足稱塞上兩雄此百年之伐邊氓何幸聞寧遠病廟堂欲再用戚都護都護何如寧遠往寧遠務戰都護務輯睦其地固爾非二帥有能不

東坡全集

卷十八

七

能也都護再來撫寧遠之死衆遵用其計策若曹相國之代鄧侯人臣問國事所宜而已何較彼我若稍動於意氣以私志行之即遼事不可知然非謂必務戰也使都護在遼一意輯睦如在薊時尤今日所難耳書生妄有臆言非明公之前安敢操是語僕近亦多恙意嘗默然自得明年計後遂東矣亦僅為明公泄之

與曾軒侍御

往嘗讀古語云天下事乃有大謬不然者謂昔

人一時偶觸不自意猝嗟耳庸詎知聞其語又  
賭其事也僕不識端所由起獨吾郡司理公具  
言之則是烏程之款愿心為細人楊湯而不為  
問右去新當是時直指方按古婺何嘗受雪上  
一詞哉乃其談已不可撲矣然後知監司按部  
果賴賢有司相與調成之也海內嗷嗷不可戶  
說太宰獨露章明其不然漢武皇所謂高廟神  
靈使公教我於國體完於九廟加尊於千官  
生色壯哉言也 主上輒俞之可不謂明聖哉  
東坡先生集卷十人

不肖竊伏忖近以譴去者百數十人惟辛卯某  
給事最不堪此猶批鱗者也彼婦之口可以出  
走蓋至於吾丈無復甚此者矣頃之論定且召  
還嗟嗟不肖敢以斯語獻諛蓋慰足下什一而  
詫什九足下勉旃自愛無奄奄脂韋向人作撓  
挫狀吾黨幸甚

與丁右武

林芝人還得答書有懷惋惻不以小祥輒自徂  
末又陳所為報我過腆嗟夫此足下家恆

有萬願親罕百齡即太夫人素稱聖善能道於  
大期乎獨奈何遽令足下孝而毀折又令忠  
而得棄捐也夫忠豈蒙謾白日永錮身世之物  
也足下往者一疏氣稜滌盡天路為清於楚於  
秦於閩我不能知固能知足下於我東越也覆  
露黔首懷而慕思涕彼三江其明如水不審何  
端錮足下至此二三兄弟聞之大為扼腕緯真  
憤詩至不可讀昨與叔向共飯齋中不覺舉酒  
西向酹足下終食悒悒不知神識何所適往雖  
然畔牢愁僅可百代一見之終願足下安之無  
過苦也如何如何

答傅長孺

新正得語溪札灑灑數百言論士次骨而憂國  
事何棘心也夫士與其庸也寧高自品乎夫好  
名然後標品高矣足下無謂好名無當於國事  
也顧其所以名何若夫國事當言職又在言乃  
囊結不言我乃言之此謂義憤本之惻怛宣以  
至誠是故朝署以輝九鼎增重非好名之謂也

而名卒歸之茲風既遠駁鑿朋興險側亦言輕脫亦言陰護而陽驚巧探而詭擊不惜殘骸為之而寔乃每撫厚焉此謂如鬼如蜮則不可極是矣止無當於國事而已乎傳曰見無禮於其君者誅之若鷹鷂之逐鳥雀也乃銓曹既謂能言即不敢忤視遂令何人斯揚揚意得據當途高以終殿身前者呼邪後謗附之足下視今之人臣何等乎僕竊以為百執事恣睢其原在執政執政不自澡其躬而空藉寵靈輻之成

東坡先生集卷十八

十一

厥用在無今之執政安知無善則自功曰調停過則歸之 主上曰獨斷獨斷何與吾事調停即吾責塞矣是故忠邪並升刑賞寡合苟遣目前莫慮永久誰生厲階羸憂以佯使

高皇帝彷徨九京不下與諸公言不亦大可悲邪足下今日猶可談曰末僚頃之當遂柄事僕竊以為既事而圖之晏不給也其醇白如先民其為妖白日而滔吾平陸要在蚤別之他時斥陟一舉手耳即此即名恪職即足報

主上舍此恐浪蕩失據非貞夫所忍蹈僕往得足下以耳邇兩觀面始知古行在吾閭里忽不意端憂滿紙為社稷過計輒布悞憶不遑避忌儻不我鄙夷更有私懷竊附埤益之義不審足下能采聽否

寄陳思進節推

昨歲聞足下得內召不勝喜以為天朝得一剛介豪邁之臣即九廟生色諸正人倚以為力何虞遽聞一至斯極太君遐棄猶得傳田叔伯翼之後而稍將事顧鄙衷猶莫將也比寅聞知又屬內子不祿鬼伯施青無幾太酷已遭益卿燕邱云足下相視止有墨面酸鼻意不可須臾孤心孺慕何有窮已比又聞已終大事獨內子尚未歸土豈不卜他生猶觀所非望乎足下手一厄頗不顧余生在側今讀禮誰奏莊語如余生者亦思余生否余生號不能豪顧時時頗觀足下豪乃今日稱舉足下豪安見余生莊雖然思足下情甚美足下幸自愛余生之先蓋奉

東坡先生集卷十八

十一

邑子於三尹姚君有鯁謹再拜附訊言

答陳思進督府

與足下睽濶十年矣秦中獲奉兩札其一從三原高令來高令抵任才八日而僕按行三原見其人誠賢者僕既去三原不數日遂去秦不知三原令何以竟沉淪也惋惜至今而又至今不報兩札恐不宜以山澤之癯簡略故誼顧無索懶何耳粵荒微萬里由重瞳視之猶嬰孺狎睨裳裾間自異類為梗恣用矛鋌不問凶良駢首入鑊是誰肝腦供吾封拜寧獨上帝忍心炎海繫吾友僚伯含氏暨吾思進綏靖裔土前後十年而此方之氓始知夫於我親日於我長顧妻孥而狂若不識伊誰賜之然後知止戈之義著在離瘼况祥盛之旦烏用暴為則兩公之造百粵大也夫五嶺遠矣無不操謏語頌足下者其於不殺為武以無用為用遂以沛弘澤其誰究言之若僕百自揣也衰且憊矣百自避也百自宜也足下何復云云

寄劉長欽

僕往者特以耳稔足下非能有所窺於足下之浮際也乃昨者一面輒發狂談假其時有屬垣者能無駭詫可謂侍於君子蹈其一愆矣自後稍一見末銳遽以止今仕者類於塵盆中漫漈歲月蓋秦賊之日什三而報謝之日什五此於我何裨也及聞獻歲始南邁則益恨其因緣之寡幸矣顧足下於是日若唯若否若默若不默無論乍聽者不能平即面對猶在未同之列乎驟不可信幸甚幸甚

答葛伯脩

不佞臃腫人耳即足下亦意其無當世資果然莽莽不肖所圖迺札來不直規所闕遺而稱舉所未有讀之汗沾沾踴躍耳彼夫軒然侈號一時進與百代敵而退為千人模此豪者事不佞非其人何敢當後雖然讀來札非直汗又以喟又以絕域故人一似不盈尺有咫而喜又以過

紙咄咄直視青天不得所解而憑今才者何必  
自見何必不自見自見遭也不自見亦遭也大  
抵上求之下不必應之應之為外上不求之下  
不必不應之不應之亦為外此以便優游之輩  
而不可以御亢激之夫夫士也用義為幹與俠  
為徒大破拘攣馳議域外安能俯首羈縻坐送  
白日而已國家環塞而謹持之與前代異今時  
惴惴毋動為大又與先朝異夫陳湯甘延壽傳  
介子之烈今人咋舌不敢談為張仁愿乎稱時  
詘不能藏為主詔乎又稱時駟不得擾國家  
望足下為韓范稍驚動之為好聲耳不願足下  
知前數公也夫大威不淫大信不轉也田使精  
固練兵使神揚彼夫班定遠趙壯侯率是而止  
耳固已動耀一時聲施百代矣足下居何籌也  
而不得於當事者至噪吾耳杆陳頗不乏人柰  
何煩足下而又不欲展拓足下此所謂憑也嗟  
嗟伯脩彊哉勉旃初服不華頗無出口

與劉子玄

是年足下決驟而南僕亦奉命東邁不謂荏苒  
三觀清霜音問杳絕有如異域安在心知而無  
介於區區邪吾兄提饗厚自高吳下視鄙生無  
幾相萬頃乍晤南陽郡博始聞卜夏之感慙然  
大痛此豈有物尸之顧何宜及豪長者足下恢  
達定無埃磨磨小語後而相解南陽君又言足  
下誠不虞此而又不虞足下踔厲多其少時日  
課文一首不勝蓬氣翔踊盡付之剗剗此稍用  
華陰士拭之耳當遂使鷦鷯凌勁直犯天狼何  
怪者往時諸君子在似易得足下今年僕來則  
文辭寔憂夢白在告其稍可供咄咄者又或逃  
仕籍或入鬼錄或投散秩或富遠方笑貌寔繁  
風雅不兢可向誰何一鼓斯吻微足下則黍谷  
泣沉燕臺蕪沒其誰掾百一而僕昨歲倅亦不  
虞幸二豎不力卑軀僅存微足下來而振我我  
之愴恍如天益遠如海益深足下其遽聽之無  
久滯家園也南陽君有酒志僅得一當僕已踉  
蹌走矣是為足與言麴蘖事哉聊與足下一

腹馬不宣

與姜松槃

毗陵一別條忽兩年除是冗不逢山石人耳一  
當清晏或遇雲中人輒注意足下不能去於懷  
足下今何事能埋頭案間不作咄咄聲傾耳與  
小民語若老嫗溫顏煦辭各付以所宜不至煩  
懣否大抵為僕難為足下易為足下前日難為  
足下今日易僕方浮游垢病中莫知所裁足下  
直兢兢保終譽已爾足下今日宜若謫戍然前  
有榮不敢知後有辱不敢避沒齒商土而已詩  
云敬天之威無敢驅馳敬天之怒無敢戲豫無  
更效少年率然自恣又索南行也今上官無不  
別目而視足下欲厚足下無他端徒有不令視  
事與縱之南還耳是二者皆非愛足下足下宜  
日孜孜盡力官下即一尉亦頗難塞南還得侍  
菽水豈非至願顧驂屑公家又率有私面歡均  
非志士所甘以足下今日何樂而為此宜一切  
謝絕以俟皇天之定鄙意如此足下其謂之何

遙劉郡公之雲中輒附斯札并荒儀勒在別狀  
伏惟采納不宣

與虞長孺

睽濶以來殆將一紀人生幾何堪此離索聞結  
精廬棲止淨土弟妹同脩諦義玄勝匪直遠紛  
遂且證果嗟夫虞生日與偏袒伍寧以隻履終  
乎今時事孔棘萬方叩心近臣喑而不良於圖  
遠臣吟而不濟於事空有鬚眉號名男子不及  
漆室處女向人浩歎足下攝身西梵乃心東夏  
懸解圓照無讓古應化諸君將無以智慧力運  
悲惻心援拯衆迷歸之覺路以迎義福其何術  
而可今老宿有平日聲亦爾憤憤踵相訛誕曷  
不製金欄袈裟的依大德座下言之足可拊膺  
慟絕嗟夫虞生道者自珍之器亦護持八極之  
劑無枯槁豎拂空用語言驚詫俗子而已僕與  
足下長羈海濱食此溪毛難同彼人季之衢陌  
如何如何

答趙石梁侍御

往聞盛名未能望見顏色也昨於虎林始獲瞻  
觀並與聯榻非一而足私竊歎慕以為此真恂  
恂鞠躬篤行君子哉已而入都門又嘗奉教左  
右則不啻進人太昭矣今直指使者率恃大斧  
睨視如無使人不敢嚮邇此用威稜為理可以  
施之縱弛之時反側之地若遼左聲容雖勁真  
神已羸靡或可延石益滋毒廼

主上以明公往真憫東人而賜之以仁君東人

何幸夫門下氣平意婉而當孔棘之區吾知必

東人全書

卷十

十一

為膏粱而必不為厲石為腹心慮而不為鹵莽

圖用以綏定士民固護元氣則寔門下能事札

來云云彌見虛懷即消塵不置已僕與中丞顧

公友善不作尋常訊問近亦以斯意告之門下

與之共事如輔車定知協力殫猷免

主上東顧之憂僕所以為遼人賀也使旋肅此

伏惟留神采納不宣

答姬仲安參軍

古誼漸歇非一朝夕稍有願望庶幾率亦陽洋

慕之間居諷議非不爽然可聽及乎景與事併  
精神意氣往之乎彼矣是談者一人行者又一  
人也其于謾世無已太甚執事操約蹈高自盟  
于性達世所共立于孤特僕以得山川之沉斂  
氣也以有斯人夫貌而已者其改易在旦暮之  
間執事任天之隆而持已以獨即僕甚不聰能  
保執事無他矣

答曹恒遠南寧

往者為我鄉曲懷鄉耳初無所布其肺附邇來

東人全書

卷十

十一

札一字一衷高美若解本無所觀於世而偶在

世本無所觀於事而偶在事唯是帝觀如鑑臣

心若水以是謝白目云爾他安可知故足下之

言上善之理也吾儕三百人可與語此寡少曩

於足下亦遙從眾中指目之耳不識足下作何

狀古亦云然昔見子之面而已今吾識其心矣

抑何得足下晚也則又以走之外慵而中鈍也

外慵即不習諧中鈍即不察是故往往失之

當年軍不幸白首不相及萬一遇之即在僊

猶稱傾蓋耳。蓋自今又得一恒遜喜而後可知也。青雲不足美，白日不可漱，敬告足下相與勉旃。

報陳心穀中丞

不佞邇來於曹務若溺，誠不能姑舍之。他鴛既入，朱夏猶不識青草，何若是日薄問郊，垌稍憩蕭寺，誠藉前茅耳。不謂晡而得聞也。雖然臨岐數語，具見微指，所為揭粹白之訓，養和平之福，消朋比之孽，難講張之萌於斯焉。在惜乎諸君。

東坡全集卷十八

卷十八

三十一

無講於是者，復何言哉？復何言哉？明公以此斷國，即以此造世耳。札來猶下詢，所謂弭苗沛德於茲一方何退而遜於不伐之林也。不佞何足以辱明問？雖然不佞以為必無出於擇守令今閭閻愁歎不止，上干陰陽，土崩瓦解之象已在目前。所急在慈嫗用不擾為本，今之長吏率仇視百姓其賢者直為譽博美官耳。不佞嘗讀邸報一歲中，憲臣報命無慮數部，交章薦引監司守令一部不下三十許人，是每歲可得良吏幾

一百許人。頃之報號又踵接率又前所騰之薦刺者，嗟夫！今之憲臣直為貌耳，上為貌下為譽，上下交相欺，吾民何繇少甦？近者謫罰賊吏，頗嚴特舉主連坐之法，不聞必行廟堂孜孜求理而不慮此。明公亦察實無采聲而已，使連坐之法行，明公益得矣。狂生烏覩大者，倘謂保完此一方元氣者，恐不能棄斯語不圖也。如何如何。

與戚都護

前讀侍御公疏，可謂恆念邊氓而不暇顧邊寄。

東坡全集卷十八

卷十八

三十一

且昔曹瞞取漢中，蜀人驚擾至一日，斬訛傳者十數輩，不能定況東虜大集部落，原非往年止作鼠竊計。小民蚩蚩莫必，一旦群相逃死，此事勢之常何庸深怪？然侍御固毛舉疆場細事，以為素稱雄傑者，宜計萬全耳，非有他端也。乃是下近疏不職之罷夫，以身為金湯保固千里使無虞，永無肩膊之慮，蓋鑒在聖聰久矣。足下而不職，誰其職者？僕近濫水曹，乃所受盡鳩勞諸夷之事，大則僉答遠則朝鮮，玃玃諸夷近則



采顏諸衛不靳金綺袍履竭內帑應之客部  
來多長昂名目乃前偵報入寇諸酋率又長昂  
為鄉導此何說也三衛蒙被國家寵私二百餘  
年而狡心不輒點氣轉加足下何以策之力扼  
其命而使之不敢橫也僕書生職在用恩宣德  
意已爾足下則轉盼風霆轟發反掌山岳震湯  
滅此而後朝食此謂除膏肓之痼而垂巍赫之  
圖照耀當世功無與而不亦偉乎快哉斯語誠  
往率顧於鏡時衡務頗臻厥理無以壽足下少  
陳獻紕物又贊以斯畫唯足下俯然裁省幸甚  
又答戚都護

曩歲麾下被命解北塞之巨防改南粵之輕寄  
殊非處雄傑慎邊徼之至慮輒私喟歎無乃廟  
堂失也乃今并粵事釋之許其謝事縱之歸田  
則廟堂愈失矣且麾下爵登三孤權使萬衆義  
在狗國不有其軀而况年未六旬非懸車之日  
趙壯侯馬伏波將軍何人哉麾下自為計誠得  
乃至忘我主上乎自麾下南而代者竟為直

指露章摘發其隱以敗使麾下而在當不至  
故曰廟堂失也今劇事日益艱困以此見是時  
同事者不唯共公難而共私亦亦艱麾下無謂  
書生狂狂生日在曹窳無一事無以報

主上偷祿苟日直誅首耳何足厯遠問至托名  
神與也雖然亦幸不值狂生耳使生得面何勝  
指數麾下無謂高枕足娛季龍雖死晉憂方大  
今俺酋斃黃酋老病拙力良驚悍不減其祖少  
時九陲所急正須頗牧耳狂生之言固是異日  
者之左券也麾下無終謂書生狂

答方景武

曩者晤足下都門時不記僕顛毛種種邪札來  
諸炬燿語盡豪少者事僕精已銷蝕過半謂幸  
而謝幸螫可耳安知是外尚有愉快物哉誰謂  
養苦其甘如齋足下得無揶揄我邪是年得讀  
足下詩未有以復足下而此日更與朱綃煖然  
眠之再發我覆矣足下羈孤戎壘羽檄錯紛即  
才者猶感溺馬鮮有遐志而足下情思恬漠

尚舒宛此幽人之致非躁夫之騖也蓋聞大將軍甚任足下意若不勝而足下用潔蠲自遠跡若躡合心若出離足下蓋得之斯哉夫五色不可勝窮而古之善觀以觀旺極者五聲不可勝窮而古之善觀以觀寧極者若是編非避世塞垣間人安由得之故無論僕事而顧論足下詩雖然朱綃百不若贈詩一足下倘有意鄙人乎誠日冀希之也不宣

答王百穀

札來頗謂僕不好游而又自稱衰憊不能侍客游足下去年六十歲已稱憊僕犬馬齒更長獨不憊猶堪遠作客邪小女既出閣正得採藥名山一往不必再返然固須資彼盜取聖不必多女然後不過其門今者盜亦哂我不顧以何責而游足下謂游直容易邪生壙志亦語游今之游者如蝸耳旋緣僅尺有咫槁矣其幸者如結誰為負之而庶其食之其獲幾何足下丘垤吾二雷五井而葬蒼天池石湖虎丘抑何以別故

生而磨麕猿鶴任之死而烏鳶螻蟻亦任之見善游者也夫哉壙銘矣齒髮有盡而休明無盡吾不信其所未盡者而俟其有盡者吾謂足下殆天游者也是故人萃億萬而達者不可一二數讀生壙志而得游說敬以復足下

與遂昌令湯義

義令足下僕嘗問足下於右武稱義令無恙僕問固義也云令何右武曰前尉則義尉今令則義令也僕笑義聲視十年前踔然騰起而居官若散世豈乏脩綆乃甫縞旋羸之今復居井之眉乎義令幸甚右武笑君房於吾義若惜若噉無乃過蓋僕去足下十年矣僕嘗側身岐豐而聽巖廊之喈喈必足下矣乃足下不作提扶即都之響而効爽鳩乘冷風而擊清漢腹毳滿把從空零落當是之時洪鍾靈鼓轟然發光足下自視寧於清廟獨多乎抑嗒然靡不克勝也今足下縮尺組鼠於樺栝之間天翳之以峭壁地限之以惡溪而厥聲猶震寰宇足下自多其

前遂名能不朽乎行且圖明堂大烈事也抑赤  
子在懷聊血食一方已邪古之君子思厚自樹  
亦多歧矣使不佞此中遂有足下無損於夙昔  
之誼亦庶其幾無遂以余生果然蘇張縱橫如  
右武之誚我不佞幸甚

答唐長公

僕臃腫寡諧無當一世居嘗喑烏仰天而痛自  
嗟也彼蠕蠕何知猶負其血屬詎申自如柰何含  
靈萬族之表而獨閼遏以沒厥齒僕今者曾用

東坡先生集

卷十八

二十六

世何物而取何數執事衡一尺簞便可以槩又  
柰何哆辭而加諸非其人僕不佞蓋嘗呈身徒  
糜囊粟已而隱鱗初無采也何用晦為故亦勸  
學已當日入之光顧名能文章已鉅諸其天何  
憊驚焉祇益啖耳夫好以其聲歸人者則其自  
為貴也若罷足下不畏高眇而垂意介特之弊  
民奉順綱紀而都好聲以吾耳所聞恐於海內  
無兩已夫無而我據之竊也而以我頌誣也僕  
不必誣足下即僕果不必竊也或者其然乎

與王翰編

足下行時僕殊病憤憤不可支既於南發輒大  
愈豈不顧衿袂浸假玉堂學士之香塵乎丈夫  
一當誦通輒繫籍禁密密假於旦夕入參大朝所  
至傾動河山為閭里光寵此亦儒者大得之秋  
也札來何所猶需而操玩漱之說借未必然之  
辭罔萬里之聽或者其情乎聞茲告蓋以尊公  
襄事為亟僕亦念安人妣暴露淺土堪輿家謂  
利在今秋八月必以夏五旋歸畢斯情事於是  
時親覽丰采側聽教音有如暘夫沃以所過望  
不勝幸甚長安疏遯自其勢然有如閑閼偏側  
而睽濶如昨即不得解矣書此報足下并俚言  
一章知足下憤張未已耶復解頤爾

與陳醫士

昨歲抱疴侵尋轉劇非寔調劑投所必全副其  
明信幾成廢人完復以來僥在人羣視息白日  
誰賜有此故頂踵不足喻其愧恚陵阜不足譬  
其驚切青天在上豈中懷不如所宣吐邪貨

非之無端執辭踈誕為節倘緣請解此語由來  
明明如旦足下固亮之於往日今其原之於萬  
里外邪茲曹真稱吏隱尤宜病夫入署先行枕  
簾無携藝文手是一編嘗至薄暮卧則于于起  
則徐徐長官不令啓事下吏不報押名苟靡廩  
餼長此傲情耳所念浮生無幾虛名謂何資不  
逢世人猶藉沽應之不可不應不能伎倆故在  
時有癢時及於悔悟鑠蝕滋多矣至其嬉放或  
恣頓忘檢括快意當前手談不輟又長恨夏之  
無夜冬之無日也此豈脩固年齒之術而狎用  
為度邪今所荷 清朝所喜閒局所不廢藥餌  
所不減粥食恃此逶迤庶幾遭遇不負 國家  
其席在斯書此報足下一當謝言一當訊言

與鄭戶曹

昨晤小霞先生然後知足下有繕性功攝受內  
典薄滋味絕房室已十有六年幾於得之足下  
殆有道人也余生平日頗志乎斯特逐逐塵中  
未加脩習每遇其人未嘗不偏袒右膝着地顙

稱弟子足下不視為法器而指為穢業徒用  
膿沃其靈府一何忍也僕遂懷寶安敢分珍如  
憫念迷途願垂覺路則津梁慶所雲霧窮冥此  
足下發至心開群伺之日也何以教我謹洗心  
竢之

答于子克州守

僕茲來益寡與海內諸少視君房腹囊等耳足  
下眸睫中猷有斯人將僕之謬足下歟足下之  
謬僕也雖然足下則誠長者故僕茲第不敢稱  
幸幸竊交足下耳足下惇允貞夷國之元氣遂  
同天賦並列清廟誰曰不宜顧今世循資不采  
望即豐之巋猶將試之欲畢見其所長非苟外  
而已安得卑州守且謂不足當君房乎龐士元  
誠不及諸葛公然視符公琰輩竊謂過之乃治  
中別駕兩官便是展布士元矣兩官即優游尚  
不能無掣首尾州守繁斷一方何跋扈之有而  
今人固易之足下又謂文人不解作吏以固勉  
僕僕烏能文哉楊子雲設說繡輦此誠無當十

用然方其遠觀五內為毫僕不分縷絨不審縹  
緯世指以為紕物耳文誠有衡縮此之若盲固  
知經緯蔑從生也托於何途而庶幾足下之後  
塵乎伏惟憬然趨發寤所未聞不勝幸甚

與于子充

古稱神交謂不及遭邂逅絕異壤希闊曠代乃  
有斯恨非謂身當之者僕與夢白相聞有年一  
旦遷轉地官郎猶爾相左僅僅於班行中一識  
面風塵羈紲滋多慷慨今者於足下猶能命毛  
穎時相往復布其腹心不日者驟為都官其地  
彌密其跡彌疎又且如夢白故事以是論交泛  
泛波上見耳安所堅凝哉前書問足下政績所  
以異是當州人廟祀世世報賽無盡其效安在  
不嫌明白陳之如椽之筆如斗之字太行王屋  
巋然在前山魃水魃不敢瑕指乃見于大夫若  
然者即與澤之社稷神靈周旋至老遂百歲後  
廟食其土此謂三公不與易也願足下不惜披  
露毋謂余生迂而無當哉

答聘書一首

答張叔子聘書代家大兄作 集詩經句

家弟寅有少女曰瑞蓋

今皇帝大婚之歲女瑞以生而會典告成之  
歲許字大司馬張公之叔子孺愿先生之胤子  
朋一諾如金明於日月叔子執德泰恭申騰篤  
備豐儀縉品爛焉盈庭家弟烏乎當之家弟侍  
司馬公稱門下士於叔子兄弟也即令弱息充  
箕箒猶不勝寵而猶須繁渥示其悃臆其誰者  
非鄭人氏之仍邪禮成宜有報簡用布其私於  
執事者徃家弟侍司馬公稱詩壹或契焉於是  
寅拜手稽首追夙昔之殷緼若在右座時其詩  
曰祈父允文允武碩人俱俱顯顯印昭茲來  
許俾緝熙於純嘏祈父克廣德心於我乎下上  
其音惠而好我大賂南金誰昔然矣匪今斯今  
寅又拜手頌叔子其維哲人好是正直以引以  
翼昭哉嗣服德音孔膠與子同袍云如之何焉  
與女蘿如堦如麓與子宜之無數於人斯宸問

曰無稱展我甥邪寅又誦詩曰彼姝者子鄂不  
讙讙獻爾發功終善且有子之昌兮旭日始旦  
洲慎其身瑟彼玉瓚無不爾或承殷其盈矣敬  
之敬之鳳凰鳴矣誦既竟輒登之憫幌拜手稽  
首敬授來俘庶以報龍光云爾

農丈人文集卷之十九目錄  
叙四首

瀛海長春圖叙

蜀都賦叙

駢枝集叙

倪光祿詩稿叙

引二首

病免草引

梅克生感懷詩小引

東坡全集卷之十九目錄

一題辭六首

題丘壑中人卷

題孫氏家藏禮緯合文嘉

題刺五國故事

題錢園山叢談

題湯義興行五篇

題五子篇詠

一跋二首

跋四明山游籍

跋許山人詩什

贊二十五首

四明八像贊有序

董宗望二親贊有序

必司馬屠公及其子部君像贊

楊林向像贊

黃生像贊

再贊沈嘉則

程節頤項氏贊有序

楊黃門汝容贊有序

吳郡公文仲贊

許封君像贊有序

葉尚賢贊有序

題茅平仲手執如意贊有序

朱邦憲四子像贊

高子登則府像贊

農丈人文集目錄卷之十九

農丈人文集卷之十九

古鄆余寅僧杲著

敘四首

瀛海長春圖敘

余世講伯氏劉翁柱峰先生古質泰朗高閱世而蚤引身蓋先正之勝耦而後生之上準也歲在重光赤奮若暨吾世母氏偕躋八袞維時長公以少宰羽儀東朝次公以御史中丞開府浙上躍然大歡願得一詣膝前上千百歲觴而

農丈人文集

卷之十九

廼身若繫廼中若焚雖有垂天之翼無能奮飛則托之繪事以將布其私志名曰瀛海長春圖夫瀛洲在東海中提封誠與會稽相值會稽固開府公所命令其中神芝誠醴泉誠肯顧距吾伯氏齋舍不知幾千萬里得無迂此殆未然夫伯氏任中郎邑人也其地九河緯之無論陂淀需漚都匯衆乾以歸於渤海蓋魏隋間已稱瀛海所從來矣是僊者之窟宅也兩公安得不借此一遂其蒸蒸日上願焉吾觀古孝子所為所

怡諧洽錫所媚茲莫不洞精於天地而取償於  
靈類是故其始無弗篤致也者其既無弗昭假  
也者百昌革止神祇為動是以禋福大蒙彌溢  
庭戶聲光徹於四遐豈偶然之故哉夫吾伯氏  
挾渠碩之志而負翹濯之才通顯在前何難至  
之一旦高謝人間僊僊乎游於恬約之藩而熙  
於靖貊之圃靈根植矣景雲在躬融風大鬯其  
何日之非春邪假今朝賜一璽書焉精鏐吉貝  
養牛止尊不惜王府珍麗以寵賚之暮賜一璽

東坡全集卷十九

上

書焉山河帶礪煌煌天冊傳之百代無窮此人  
生之極榮兩公寧獨與人殊不以易今茲之一  
日蓋驚駭不可測而良旭難持故謹將護之俾  
長有此暉象何敢勿兢兢焉夫壽豈必如僊者  
食氣然後百洗髓然後千易毳然後萬益曰元  
炁有宮太真有宅誰其湛神又誰栖息是故一  
櫛緹而不敢忘燠寒一匕箸而不敢忘茗醅何  
所有祝餘畢蘇願進之俾膚革長充不乏何所  
有聞遐當危願進之使聰明長不失以故兩尊

人耄及之而神識獨完際大耋而鼓缶以歌大  
期至而願備陶陶盎盎與春俱王娛侍若此可  
以語孝矣抑此圖作於兩尊人七旬時開府公  
携之入浙屬寅敘之寅敬諾既而讀姑妣之詩  
不勝嗟賞以為開府公之志千載符同已又聞  
少宰公得歸養又絕歎彼罔之陟開府公不獲  
遂其私皇皇焉乃至疏十三上不為允所謂思  
蹇產而不可釋者公宜如何為情焉卷阿之五  
章頌豈弟君子孝德具美為則於四方開府公  
肅迎誘薦永消於庭幃而又推所煦愉皞洽包  
我海隅蒼生如亭育蓋焦瘁於吾土九年矣狂  
波不興土寧而人喜何之非春之所春容之傳  
有之孝子百世之宗仁人天下之命吾於斯圖  
有遐劭之思焉請以是終其義

東坡全集卷十九

三

### 蜀都賦敘

古之賦蜀都者二蓋自騷興四百年而揚子雲  
始賦蜀都又三百年而左太冲再為賦又千二  
百年而范仲子又製斯賦於是西南疆事始告



偏矣夫子雲家松參伐之墟不出里塾而作煨  
燼語若舉其平日父師之所宿詔之者誅歎伊  
始太冲意在張皇典午故借蜀以頌吳而頌魏  
志所陂陀勢緣而轉此一隅也安得標而獨騁  
邪或曰蓋聞之賓廷舉竿而已必筌與簞而奏  
之聰乃盈邪御廬舉纓而已必秉與圭而導之  
輝乃辨邪宮袍舉綬而已必緝與紕與纓而紀  
之然後曰襃積齊而紅集邪當物定名法程具  
在何仲子之好熾訓也此殆未然然蘇叢立國其

來四萬八千歲其事茫昧二公信才安得詳自  
漢魏迄今千二百年其事章章可縷指而數仲  
子安得不詳何者賦至相如可謂傑人之制命  
令百代矣然觀其與盛群牘書必以包宇宙總  
人物為訓焉夫胡不貴博也是故無取絢焉終  
歸之質無取率焉終歸之遠無取剽恣滔獵若  
玉樹盧橘之云者以欺所未覩而罔後世蓋觀  
之傳者舊者循名績而忽產殖志華陽者褒幅  
域而略戎僚蓋曰彼亦一覆載此亦一玄黃彼

之覆載也何洪何纖此之玄黃也伊瓘伊璣是  
故邇以荒邈廓以皇伐叅以怪靈駢以猥錯蓋  
水經所不得收為之綴方言所不得假為之綜  
故曰脩昔王右軍蓋有汶嶺之志曰嗟乎是崐  
侖之伯仲也及得周益州別疏絕歎茲地山川  
雄特猶恨子雲太冲之賦之未悉也絕欲一登  
陟至以日為歲然竟不克諧仲子微值尊人原  
易先生叅知是藩以其溫清之暇考鏡圖牒撰  
茲閎偉之章且濡之雖彌年成之纔逾月又何

捷給也假令右軍涉斯域也未必周覽周覽之  
未必繁稱若是夫仲子豈直釋于右軍之憾已  
邪仲子名櫛新都林塘里人賦凡一萬二千六  
十三言并引註又溢其數余讀之彌三晝一百  
七十七刺乃竟

駢枝集敘

沈嘉則詩刺凡五種茲復拾其羨稿若干章題  
曰駢枝集嘉則誠自謂云爾若夫覩嘉則惡得  
遂駢枝之哉嘉則往與武昌吳明卿吳興徐子

與太倉王元美兄弟新都汪伯玉雲間朱邦憲  
諸君交驩即諸君無不人人當嘉則詩嘉則  
盛決決發鉅大較諸刺其雄者倒凌迅奪無古  
於前無來於後其逸者曲呈互變綴引人於思  
而機滅無迹其悲者腸不得回石不得轉九天  
未遙十日非烈矣緣物而游應心無心比于乙  
乙僅乃坯塿耳何天與下壤之云哉王元美傑  
視嘉則猶謂布衣然吾不知之如嘉則豈不難  
乎罕邪嘉則曰昔人譜年茲快取識歲時爾子  
言之太過嘉則寡諧合意不可諸齷齪至人墨  
墨無醜其同無穆其異莫若嘉則嘉則有重於  
伯玉將之楚余茲敘適當其日嘉則行矣守一  
而終之無迎無距而卒宅於故吾是駢枝之說  
也

倪光祿詩稿敘

往余與鵲菴倪君交蓋在歲庚午蓋余以隆慶  
丁卯舉於浙而鵲菴君亦以是年舉於燕都既  
三載邇后公車府中辱君謬知遂附於年雅蓋

是例多有之非從余兩人始也中更二十幾年  
香齋相聞問余既解組歸隱於城東之別業而  
君從旁來泰東改令象山象山距郡城一百六  
十里而近過從多暇舊誼宛然一旦以其尊人  
光祿公詩草屬余敘之夫公以樸林別駕終者  
也桂株之日淺其題詠宜少而天庖之日長其  
篇什宜富以今觀之經秦之始安嶺而不訾歎  
也渡湘離不問歸鱗紅鬣竟安在也過鉤鈿潭  
不弔柳柳州也蒼梧雲影石燕拂之翠羽旂之  
忽忽去之豈所謂簿書期會以為大故而清慮  
不動於耳目耶若夫宣徽廣院紫微憲通黃道  
回環六尚麟轄四輔挹蘇窮日之力恐亦無遑  
且公之勿給於此乎余嘗讀蕭田鄭黃門公疏  
當是時政府之所主持宗伯之所斟酌蓋自秦  
虎銅標鮑熊饒象以及奇翎猛距大費公廚匪  
鍾鼎金當是時鷹架之力士豹房之奚奴宜有  
先我謳且謠者公豈不然邪然此四十年前中  
公備司大庖也今

天子仁孝節儉日進金錢以代物命宜有頌常  
朝既不御常賜亦不傳所省又且不費又宜頌  
臣更蓋嘗頌之其辭曰尾無間沃無焦一日之  
積萬世之饒大公臬府差可做仲父海王安得  
驕此 聖明事惜不令公見之然則茲集云何  
曰公意念不淺者也蓋公嘗操精藝而不得揚  
九試不一効其素所鬱積非朝夕之故矣夫大  
塊噫咈其孔萬出或以充谷或以走隧庸知夫  
籟所從起機有不得不爾者邪書曰詩言志夫

東坡全集

卷十九

人

公亦以鳴其當前之偶快者而已矣  
引二首

病免草引

夫孝子叩心其感屬殷矣是故壹昔號呼而川  
祗響答歷歲晚循而卉木靈臻斯豈矯俗而云  
之蓋天情之篤應也竊嘗怪譙玄以弟服謝太  
常陳重以姊憂解會稽快士每有曠懷賢者遂  
至越制本記但標其事不著厥絲意者當時禁  
網濶寥惟風尚之獸珍抑任寄之可略非若人

時縻身絕域則尺寸難踰屏息外寮則跼蹐莫  
展至痛攻中其明如水誰脫其械縱之便還此  
丁右武病免草所為披具悃誠輒成斯帙者也  
末路陵夷本實顛蹶不聞廢孝猶能竭忠是故  
田過之對齊宣似激邠原之答魏丕似愴固世  
道之大關生人之命脉吾人所以視息天地徒  
此之由善乎狀中語臣身惟母臣母惟兄兄存  
母恃兄亡母悴母嬰閔凶莫必蚤暮臣非石人  
何心能忍奄奄病身抑情在列既忝其臣又虧

其子國有明憲且將棄臣何其恫切也况乎是

日虜講而東兵解而西事異援枹業且緩帶大  
較章明無隱可鑄矣吾觀右武奉母謹承志意  
不徒貌間政務減否退必以請一日早朝母察  
右武得微有嚙右武長跽曰不敢右武果且命  
伍伯笞隸人之不恪者遽命罷之乃知右武繫  
心母氏匪強以作匪繫朝夕匪今世所恒觀乎  
梅克生感懷詩小引

余偶訪董山人不值顧其座隅詩一通則克生

感懷之作也凡十首蓋克生不得意於南宮而  
泄越之顧不以眎余眎山人克生悶不屑眎吾  
等乃山人亦莫為一傳語吾等何余亟呼山人  
家僮濡筆淋漓不覺滿紙明日以語汝修汝修  
請梓之余惟詩之謂謂有夫性情也者顧今人  
遠矣謂四韻具矣可矣乃詩之謂吾弗知之矣  
又况夫怫鬱臨之不涕泗人而叱咤人吾目凡  
幾克生楚人寓燕邸四年一旦不售即何以謝  
室人克生略無喟悔余嘗諦視之其人果有以

異載讀其詩微致而婉切而不迫惜往日與來  
者悽惋而得度其幾乎其幾乎余凡五上南宮  
今年幸得之當余不得亦嘗寄之篇詠然何能  
似克生故謂克生幾也者不特以他人觀又以  
余觀無亦無使世人無知克生焉汝修曰信如  
言長安紙價一日高矣遂梓之以貽諸同志云

題辭六首

題丘壑中人卷

昔謝幼與自謂端委巖廊使百僚儀準不如吏

元規若縱心丘壑則誠過之於是顧長康為幼  
與寫影置之巖石中海虞錢汝瞻太息曰此真  
謂我矣吾壯歲登朝甫一星終而釋負擔以  
去而林居又旋一星矣世忘我我亦忘世矣吾  
共貉丘中歲舟乎大壑何虞夜半之剽吾有也  
於是屬善藝者貌之敷為十景所至無不有汝  
瞻而署其卷端曰丘壑中人汝瞻吾布衣交為  
文蔚有藻長吏事由李官推擇為侍御史奉命  
按齊楚神彩颺迅所注厝無不如意吾鄴李侍

御子靜嘗與言余生云云者汝瞻輒相慕重余  
屢上公車屢罷去汝瞻為北道主人意甚勤汝  
瞻遭憂余唁謝不報既余歸田而汝瞻殷云猶  
昨李侍御歿二十年所其子喑汝瞻憐之歲不  
廢問遺聞者以為難汝瞻嘗自名曰樵夫推者  
烏能是邪夫男子忼慨何處不爾及流浪乖合  
不能無怏怏懣懣若公子半托跡江湖而心懸  
魏闕抑者執無所逃之說邪幼與不必名亦不  
必宦達意思簡遠優游卒歲大抵執手版之日

多而棲遯之日少何得長有丘壑而傲睨君父  
之前邪汝瞻棄去簪紱十幾年其中無復繚隆  
已久而始托之毫素以明志曰吾視世羈縻差  
勝彼吾知汝瞻不能灰槁若枯道人必且有所  
寄寓以消永日何慘何搢令百夢齊放憂擊何  
釵令諸靈羽馴舞宇下談名理執何麈尾與誰  
偕與誰把觴頌頌固夜何石以醒諸酒豈復効  
幼輿所謂八達者在邪楊衛尉曰人生行樂耳  
須富貴何時願歌是章令左右者侑進大白無  
筭汝瞻謂何

東坡先生集

卷十九

十一

題孫氏家藏禮緯含文嘉

余絕慕緯書靡不向咨者毗陵徐士彰云我有  
含文嘉一種歲之家已不幸士彰歿詢之長洲  
劉子威語與士彰合然不肯出眎戊戌夏五余  
過姚江訪孫文融偶及之文融出此秩授余覽  
內分天鏡地鏡人鏡三經總六十篇皆災祥占  
驗之語因取劉子威識緯及樸俎中所摘含文  
嘉數段證之並不讎以質文融報曰吾先子得

此書白門甚珍異之應不謬余益不能解識緯  
蓋兩種書緯者滑列典章法式識者參稽風雲  
旅陳約錯今此書悉假兵家事大抵是識非緯  
夫緯書出於漢世白水再熾符命盛行故宋均  
鄭玄之注遂傳於代乃此書多敘魏晉及桓溫  
李雄以迄於宋開寶間必宋人依放為之而托  
於此名以誑海內馬端臨謂與他書所旁見者  
乖迤不合遂移此帙於五行不禱之緯中其語  
寔分曉當據為準因稍糾正闕誤錄存一本爰  
加題別歸之文融是歲八月秋望白午谿隱余  
寅識

東坡先生集

卷十九

十一

題刻五國故事

五國故事一編不知輯者誰氏鄭迪功通志嘗  
列之霸史吾鄞少司馬范公建天一閣多藏書  
此蓋瑣品之一目云五國者楊行密稱吳李昇  
稱南唐王建孟知祥俱有蜀總為一國劉巖稱  
南漢王審知稱閩茲五氏皆驍鷟猛厲見一時  
鳴張諸孽滿於海內無不有黃屋之心遂挾風

雲竊名號專制一方此桓文之所必誅者惜皇  
綱失馭虎突其宮若留從効輩如虺蜴紛起  
寓縣大裂其時蓋且十餘姓矣迺獨輯五國間  
嘗稍一繙閱其大者已采入正史其細者無足  
為史氏有無且更多參錯四國不敘姓閭獨敘  
姓四國俱加一偽字於蜀獨否漢氏劉未嘗氏  
彭城乃舉其郡封而氏之從効氏留乃氏婁固  
壹叶也終宜有別龔字誠不典何遂不書龔嘗  
別製字妄自導何嘗雅馴而至今存大抵此編  
除也五國之事邈矣其時  
湯悅江南錄徐鉉吳錄信都鎬肥上英雄錄邦  
溝要略王顏烈祖開基錄李昊前後蜀實錄曹  
衍湖湘故事蔣文懌閩中實錄俱不傳此編猶  
在白日荒荒見此熾火又諸君亦號名英雄多  
可怪愕事范司馬喜刻古書此編已入丹格未  
及梓而歿余遂序而存之

題錢園山叢談

錢園山叢談凡六卷宋蔡條著條京之季子

事王安石壞之使元祐諸賢得究厥施猶可挽  
抹或不蠹弊惟邪黨根磐如京與下奸憚恣  
作事顛圯迄至宗社淪喪離恥莫刷於是論者  
遂以安石為禍首觀條此書亦似有人心者親  
覩其父欺肆誤國略不匡諫方恃權舞智兄弟  
共相構陷攸既天誅條亦嶮殞死白州此書  
竄後所著猶云其父悔恨或時揮涕嗟夫晚矣  
攸凶橫不足罪罪條以有此書慧黠而生孽門  
小人之不幸此書蓋抄本每卷首有高唐王府  
圖書六字臨胸馮用韞有之以借吾鄧揚叔向  
余因假之命姪孫鏌手抄余附私評四支分三  
十一改正一百二十六字萬曆乙未長至日白  
午谿隱余寅記

題湯義舉行五篇

夫男子生而祝盟四方何論蓬累而行乎即播  
在遐僻而銛神皦魄猶堪百折不布為微猷輒  
形諸指語不憚勤敷訓定斯土此無他吾目未  
瞑志烈安有已時臨川湯義上書得罪謫尉雷

之徐聞著粵行五篇洪都下右武刺之巡海署  
中大抵闡繹與約衣紹聖者標表懿人警悟謠  
俗在阨猶鳴不甘湮鬱樹正的而靖風靡寔焉  
斯賴嘗讀潛夫論篇目頗夥范蔚宗氏采其五  
章載之漢紀良足述也湯義著書牒牛可汗茲  
僅錄其在粵者夫復初明之謂貴生貴生之謂  
克孝克孝而嫖節立父兄以敬誨子弟以恪循  
庶哉諸有司式好無尤是故湯義之於粵也事  
寄雖微其錫穀遠矣

廣東人志集卷十九

十六

題五子篇詠

鍾仲偉氏衡詩云嘉會托以敘惟離群藉而諷  
然故佻夫蔑棄好仇而誼士變彼夙雅自顏延  
年發誅五君厥後代有嗣響昭明太子謂典午  
寔繁有雋假益其二慨往怫今自風人篤致有  
攬十而猶慊或劬一而已專豈必七子而後成  
其為建安邪鮑明遠嘗頌蜀四賢浩矣沃野天  
之桀府四而謂盡或不敢聞吾邦伯文仲玄理  
淵覃靈心綺煥政理之暇綽有端思驂駟輿霜

露並淒屏篁共蕪葭齊宛遂賦三體寫茲陶悵  
前匠結志於千秋迺茲敷襟於萬里均之郁斐  
壹其撰焉僕已世外安識殼中亦則猥斯大都  
偶爾

跋二首

跋四明山游籍

四明山不難游難在從大雷入沈嘉則之與其  
徒長文者之游四明山也從大雷入矣往王新  
建游四明從餘姚入從奉化入稍夷從上虞入

廣東人志集卷十九

十七

更夷從餘姚與上虞等而大雷取不夷莫從大  
雷莫親大雷錯愕諸勝天以險故勝人以險故  
得盡勝其新謂和嘉則為余言未至四明四十  
里從版障望大雷諸勝四明大觀了了矣顧莫  
得所謂四窓者即王新建亦莫克睹也而嘉則  
與其徒披莽莽抉路取于必得快意當前篇題頗  
恣詭陵汎邁礪硯厭辭然止矣觀四窓耳四窓  
而上峰頗不相直而斗絕豈緊絕巔哉嘉則迫  
日暮不得上他日者扶筇獨往其觀益奇當為

嘉則補記

跋許山人詩什

余嘗謂七雄時士錯趾關塞何啻萬許人彼皆有所挾以自見故鉞動而調隨筑舉而律應其事特百一耳乃將相迴眸王侯擊節豈悠悠無分焉夫以世之夢糾川途膠阻情形詭迂吾遭焉而且萬岐而子驤烏得無詩子驤游大抵在幽薊間或間走涿鹿摩笄問古大漠當不異今日英雄可泣廢興可以嬉而子驤詩烏得無良

卷十九

卷十九

十八

子驤別余兩年歸而把詩相視而余謂子驤詩每見益上宛約諧遠得之游為多夫詩豈為游邪然而於斯見子驤焉吾友萬伯脩氏虎踞崇尤宮鎖鑰北門如獨座尊方操雅什以風世試謂吾評何如也

贊二十五首

四明八像贊有序

吳人周時臣善寫影入四明圖南禹豐先生而下總八人而屬余為贊以時臣

携之歸吳故贊語多用吳事八人名氏列諸贊首其一為余則貂之續也不佞誠媿甚矣

吏部考功郎豐公坊 號南禹贊曰

文待詔先生謂我南禹當今論書子馳我驅子在窮海我居通都脫若易地我焉子如凡今之人驚崇厭虛小子敬聽敢告在符

南大司馬張公時徹 贊曰

公名蹟徧他部而獨闕於姑蘓部有尸祝蘓則

是圖蒙叟蓋云周旋成規矩從容若龍虎嗚呼

十九

是惟圻父

少司馬唐公大山 贊曰

桓桓天鉞實戎南土吳人額手曰我舊開府

少司馬范公欽 贊曰

吾明間而值諸希女吳乍而獲諸潘洞精駢力帝特斯稟辨古與今聽者如飲故曰影之守人也審

山人沈明臣 贊曰



今皇帝五祀辰協光紀山人戴芻冠被朱衣駕巨舶擁少姬游行吳閭嘯呼若狂視閭里豪有如祥羊陂陀道旁當是之時實驚吳兒

張長公邦仁 贊曰

長公客吳門左挾姝右擁殊前奏趨後呼歛若無吳門也者及其訪要離吊車諸顧瞻霸氣太息閭閻雲湧風駛滴瀉具區差可觀吾長公乎

屠比部本峻 贊曰

語不充諸輔衣不任諸躬職德自春置也仲雍

農文公集 卷十九

二十

孝廉余寅自贊曰

異哉斯形似醒非醒似清非清負其臃腫而作噢聲雖有大海不可平平緊誰知若臯梁兩生

董宗望二親贊 有序

語曰人未有自致者也必也親喪乎夫昊天泰憮不遑懃遺惡乎而極吾情則為之竭誠盡慎無悔厥追斯有所乎致之也若宗望氏之父靜之甫者勤海族而水死百不得及安所乎致之宗望嘗

語余則涕泗縻屬結懃沉懃神內崩而不可語也曰天之雷余小子非人世所曾觀也其時余小子孫耳長而不肖無能詰陽侯使白日再完又無能殉滄波檐與共滅也倘然微惠一言而行吾父於遠乎余小子幸甚夫孝子壹思以成信有存著之理焉宗望誠欲有所致之

云爾贊曰

倅烏陽侯雷用女濤 叶 憫不軫於吉儔百我駭

農文公集 卷十九

二十一

倅烏陽侯我寧不命女梧乾女於立惟帝愍練有貞家逮附以兩駒 叶 夙夜思女劉積與山各倅烏陽侯

右董考

靜之甫既不戒於遭厥配張孺人年二十七歲其時姑老子二長八歲次即宗望尚在襁褓而孺人叩心重淵失命讟日之死匪石危生極荼卒之事姑能脩教子長者使督次者使宦才謂慧給也

稱上官意指則寔孺人至底於斯果不  
作鬼羞哉今春秋六旬有五鄉邦誦烈  
有司言之中丞谷公命表其閭歲給粟  
帛大家不云乎得意一人是謂永訖失  
意一人是謂永畢載明信而事人耦俱  
而還之惡乎貳諸也乎固不在厥子以  
固不似余以宗望為能成其親矣贊曰  
嗟鷦鷯時勿貳於得爾獨壹於卒用率大律以  
莫不估嗟鷦鷯時爾目嗟鷦鷯時爾翼載傳之

農人文集

卷十九

二十一

述昌庶與於泯所其收之直什邪

右董母

少司馬屠公及其子比部君像贊

前而蛇蛇者天子者邪睢鳩氏者司邪後而疑  
疑者公子頤邪爽鳩氏者支邪於都哉天地無  
黨海嶽來象穆穆邦章維清泰上斯百夫之仰  
永有號于世賞

楊叔向像贊

此吾同年叔向氏邪是文懿公鏡川先生之

孫邪先生佐泰階文章崑侖 帝師道尊  
今天子再聖龍光后昆敦敏恢達其儀孔軒於  
時譽慶太微左垣故曰先生難為祖叔向氏難  
為孫

貢生像贊

襄馬誰家良賈虎誰家怒纓弁盍而簪角羽藉  
為鼓魏魏壁水宮升堂布其武偉彼清廟姿英  
英玉與汝

再贊沈嘉則

農人文集

卷十九

二十一

嘉則嘗讀盧次樞集高自誇訓楠賦西北翼龍  
我詩東南岵虎三百道絕厥途錄午誰登將壇  
奪盤弧而舞觀茲景之翹翹寡旅也所以克追  
雅始稱眾父父

程節嬭項氏贊 有序

蓋聞之櫛不真厥幹苔亦不常厥華鳥  
以壹宿名乎堅別名摯兩者相越則誠  
無筭矣廼君子何旌焉余讀諸君所論  
著程節嬭項者無翅七八舉獨錢塘田

博士闕婦者之繇植歸之自票蓋曰脂  
膺之家多渝志姑息之下多敗孤勢所  
漸靡矣而項獨否是故完其軀訓正其  
子如是六十六年還報夫子地下程媼  
之為風教大由植自天也夫閨行雖幽  
卒而培塿讓高星辰讓曜亦誠其繫之  
云爾贊曰

妃匹之際其明如旦彼蚩實虹謂天可謾世之  
不綱滔滔何畔迺殊無辰而獨甚珍匪直也身  
勸其嗣人愷心喈喈用泣為甄母嚴是勅子興  
亦力無縱挑脫用長怡德豈繫之慈良人在憶  
視天既邈視日既窮未言貞冽還歸故雄展矣  
白璧卒厚大終

楊黃門汝容贊 有序

黃門文貞公四世孫其嗣人別駕與余  
善因以其遺像視余而余為贊

公車八年黃門四月何照乘之徐而及泉之  
雖則八年厥也碑旣雖則四月厥也歆辭詩曰

無念爾祖聿脩厥德云胡不食維胤之特爾憑  
是式

吳郡公文仲贊

古侯五馬簪篁阿那少卿勞來次公長者訟衰  
盜息鳳凰來下參觀吳公人極人憐東矢趨庭  
百情無冒辟彼若木厥光四照勤敷霖霖彊吟  
沃若亦外析楊使民大覺無有苞苴點其闢鑰  
海嶠峨峨海水不波公來婆婆萬姓其僭我頌  
不磨我髮既皓

許封君像贊 有序

余讀許封君述異之封君黔人居長寧  
里里人宜之弱冠遊奇墅奇墅之人又  
宜之已又之浙之齊乃齊浙之人又無  
不宜之君子曰天道遠人道邇吾覽觀  
所攸宜將徵遠事焉夫兩校官之所開  
諸其後者遠矣使僅僅承之無他殊異  
則安所藉都運君也乃今觀封君坦直  
夷朗恬於節畝至所施斥不靳重貲蓋

平生所與交無不見德者斯殆世之極  
誼人也即布衣拜賜典並秩大夫作賓  
鄉飲酒寧曰莫由召之故邇論者有極  
思焉贊曰

我黔之淋兮孰是之篤也其容有穆兮大藏樸  
也效爾以第祿兮旋相族也彼亨者育兮聽如  
燭也後生何勗兮視斯躅也

其尚賢贊有序

茶陵某君操姑布子卿之術談人祿命

東坡先生文集

卷十九

無不畢驗京師貴官人無不嘖嘖稱有  
顯鑑者維余亦在指數因綴數語於其  
像端庶幾章徹其事云

是嘗多閱人而奇中人者邪蓋上有千金為柳  
片語為申况幅憶之展轉當汚淖之沉淪神龍  
伊城良玉斯砥萬有目憫一無口珍其有忽時  
乍駭薦歲積真左手合券右手執繆且獲者之  
滿意而譚者之稱神於都君卿穀胡以有後  
胡以無親詈辱胡貴鼓鑄胡貧途何絲而接

川何次而取津汶濱長社寔曹與隣

題茅平仲手執如意贊有序

平仲湖海士末復用祝語蓋其自喜如  
此庶幾肖之耳

意得軒渠意不得亦軒渠蓋無不可乎一世而  
豪舉以為徒故曰如意如驥惟爾所地如意如  
璣惟爾所瑞如意如意永無歎喟

朱邦憲四子像贊

豐爾容薦爾表相在爾宮瞿瞿鏐鏐穠藝其龍

東坡先生文集

卷十九

二十七

無遜於朗鴻為朱次公

右仲敬

匠子於樸乎而莫不爾穀也服子於輻乎而莫  
不爾畜也委蛇委蛇周而足毗誰馮誰儀

右井獻

藍作爾父玄作祖今之雄者紛如雨升爾鼎中  
神不吐

右季則

貌子青年黜爾幼志景必先爾家先子曾授爾

鞭命執誰前

右釋合

高子登明府像贊

此古之吉德人邪帝錫之恬漠聖約之敦循阨  
窮久而無悶橫達至而無嗔我求懿質世者何  
倫嗟夫九計偕而錚錚不折誰辨其珍十七年  
宦游而踽踽不殖誰似其貧與我儕而動稱我  
師匪朝伊夕庶尋與尺吾寔慚其後塵其殆  
子登氏之真邪

文集卷十九

二十八

農丈人文集卷之十九

書說周

農丈人文集卷之二十目錄

乞言一首

乞撰 勅小狀

告文八首

蒙 恩勅贈考妣告祖文

奉差南還告祖文

焚黃告祖墓文代大凡作

謁白杜初祖祠告文

葬封安人先妣毛氏并告封水部府君可  
泉先生文

起參閻藩疏辭蒙 旨加官仍准致祖仕告  
文

七旬初度無歸家兒立嗣告廟文

遷葬十伯一房畢事告祖文

說一首

改字僧果說

疏二首

改調山東乞休疏

起參閻藩辭免疏

農丈人文集目錄卷之二十

農丈人文集卷之二十

古鄆余寅僧杲著

乞言一首

乞撰 勅小狀

寅不肖無能蚤自樹立以及父母之存而謹  
饒之乃今竊叨一第濫在水曹適遭

皇子誕生

上心闡懽大沛恩數於是寅所後父母獲有贈  
典且曰有領移封移贈者聽於是寅本生父

農丈人文集卷之二十

母又獲有贈典然皆莫逮矣獨念立言君子  
莫代穆清綜綸綍誠賜之一言以光泉壤則  
門下鴻製與 天璽並重矣寅無任悵悵激  
切之至謹具狀如左

寅本生父曰深為人質直性穎敏讀書善記憶  
乃至讀官府教令久之能向里中父老琅琅誦  
也然畏官府法終身無犯焉先世業商亦業商  
及寅知讀書嘗自歎使我竟讀者何至以商終  
祖母劉嘗得危疾輒禱於北辰願得身代之凡

四十九夕疾良已本生母曰楊氏柔靜甚慈談  
人之閑意極慘戚若身邁之者善病病七年而  
脫於蓐脫於蓐而後蓐寅也與病共老髮竟不  
白先世無業儒者業儒自所後父曰湍始說經  
中肯綮為文典雅充郡庠弟子負連不得志於  
鄉闈其誠朴即黌中人鮮有及者無子意且子  
寅寅嘗侍所後父所後父且引湍且命讀必謂  
所後母毛氏曰是兒也他日可所後母善計家  
即甚寒暑不辭劬瘁蓄而行之有體家用饒盡  
所後母力也於是所後父卒三日而所後母遂  
子寅所後父不及子寅所生父不及見子寅所  
生母不得寅一日之養即寅養所後母十二年  
而不及見今日不肖寅祇有蹣跚而慟耳嗚呼  
痛哉謹狀

告文八首

蒙 恩勅贈考妣告祖文

維萬曆十一年歲次癸未正月乙卯朔越三  
日丁巳玄孫寅既叨有 恩詔亟函致嫡

兄宸謹誦今日之吉昭告于

高祖考問學慶士高祖妣李氏

曾祖考思熙慶士曾祖妣葛氏

祖考木堂郡賓七府君祖妣劉氏

勅贈承德郎工部都水清吏司主事本生考七

府君

勅贈安人本生妣楊氏

伯考十慶士伯妣周氏

勅贈承德郎工部都水清吏司主事先考十六

府君

府君

勅贈安人先妣毛氏曰昨歲壬午八月丙寅

今上誕生 元嗣覃恩海內伏讀 詔書文官

官京師者得以其官官其父母于是不孝寅

得追贈我先考妣如不孝寅官有願移封移

贈者聽於是不孝寅又得追贈我本生考妣

如不孝寅官嗚呼我先考妣本生考妣所為

替誨寅者冀有今日也乃今日矣而我兩考

妣安在邪本生考妣在者尚不滿百歲先考

妣在尚不滿九旬世豈無稱大耋與期頤者

而我獨不得木欲靜風不寧子欲養親不待

太息茲日與天俱終嗚呼我祖宗從白杜來

遷迨於今二百年而有寅寅敢忘自兩考妣

生我育我顧且策我惟恐一旦不厚於成也

寅又敢忘自惟是今日捧有 恩綸不勝喜

且泣者是我

皇上賜之一世臃腫不諧為人兩年鰥曠不習

為臣遠違在宥偷竊寵榮寅敢忘兢業以故

四兄大法十三兄大賢故室莊氏故男試可

無可祔食尚饗

奉差南還告祖文

茲者不肖孫寅奉

上命有事於果土因得旋返故里肅瞻寢廟不

勝水木之思與夫風木之感是用治明塗奉清

醑進之以將私志蓋不肖寅去離寢五年而

後歸歸而不成一表夫祖宗以培我父母以成

我豈直斯蕭蕭者至無所成籍以報靈貺於萬

一幽憂煩寃何能暫已惟明神其篤鑒之以其  
某祔食尚饗

焚黃告祖墓文代大兄作

前歲壬午之秋

今上以元嗣大慶加上 兩宮徽號爰及臣庶  
於是弟寅得贈其考妣與本生考妣如 詔旨  
械天曹所移牒踰年告之宗枋又踰年始獲以  
其使事之暇陳之墓道稱成禮焉嗚呼當

世廟朝有仕至方岳不得一馳典者吾弟入官

卷二十

五

未及三年遭值盛典即吾祖眎斯幾不謂榮乎  
顧膚尺寸以往疇非吾祖父之所督貽之既叨  
天幸祿及闔門即勝衣以往無不恬饘庖戶食  
舊以嬉又不但已而 龍章總至即在黃壚若  
照煜而起蘇之獨恨夫墓木可抱即宸也踰七  
望八之孫也猶歎歎而不能止所謂天壤可極  
憾不可云惟夫孔靈服茲寵榮使守官者蚤夜  
孜孜庶幾 國家常有狗馬報塞於千一實惟  
天朝所為休顯坻伏之至意子若孫敢不敬且

以某某祔食尚饗

謁白杜初祖祠告文

嗚呼寅之先世從茲地遷是時名字莫的里閭  
莫表僅僅在版指識一二嗟乎何微也既六傳  
而封都水兩府君佐吾祖建家維邑之東稱有  
蕃聚又六十餘年而寅始稍稍有聞嗟乎又何  
晚也寅茲奉

上命有事吳興因得乘歲月之暇詹遯祖始夫  
祖始貽厥在開右孫商率時在引繩即今食指

卷二十

六

不滿千廼以穀聞者恒懼寡以不穀聞者恒懼  
多其路何繇今無忝祖始乎寅輩所以日兢兢  
無敢寧於繹思也維天孔明維土孔龐維時孔  
令維拒孔馨陳矢不多維以告嗟尚饗

樊封安人先妣毛氏并告封水部府君可

泉先生文

維萬曆十五年歲次丁亥八月戊午朔越十八  
日乙亥不肖男寅謹以剛鬣柔毛之奠敢昭告  
于 勅贈承德郎工部都水清吏司主事先考



可泉十六府君 勅贈安人先妣毛氏福堅九  
孺人嗚呼我安人妣歿於嘉靖之癸亥歷今又  
二亥矣猶然暴蔑何木計太早而土計太踈寅  
之弛慢明若荒蕪何辭以解往者欲改其兆而  
別於祖念吾府君之遺不可風七八年來即置  
公家事而謀其私勢又不能令乾山既開諸辰  
來集謹以今月二十一日戊寅奉安人妣歸其  
窆敬合我府君嗚呼未室吾木猶吾妣也今果  
入玄壙杳杳彌遐矣惟我府君與吾妣之懿良  
即下土不閔能無動脉發綏胎萬年惟安人妣  
其未安斯焉尚饗

起祭閣藩疏辭蒙

旨加官仍准致仕告

祖文

嗚呼不肖孫寅以昨年四月蒙 恩起補閣省  
參知具疏乞休至十二月卽始具復再蒙 恩  
准陞太常寺少卿致仕凡此異數豈寡昧小臣  
所能徵致皆由我祖我諸耆積躬醇善以卓斯  
成顧上帝儼施頤云稱塞而不肖孫之所承將

殊瘼雖鮮斷根而終罕培蘖蚤志之所未竟豈  
獨上補 衮下蘇黔首抑或膠莞而私自恫也  
我思古人親在而勤負米親歿而傷列鼎檄初  
至則奉再則拒寅即叨萬鍾之入何及祖考庸  
知終老丘壑不即云孝乎泉壤幾許作家庭語  
淒其雨露悲不可禦悲不可禦黑髯將薌黍以當  
縮醕我哀無巨尚饗

七旬初度無為冢兒立嗣告廟文

不肖末孫寅稟承犁駁命與為仇退遁荒野亦  
越歲年忽不知已度七旬矣忖惟宦曆於朝家  
無尺寸之埤及其歸也又無以風其間井所謂  
大蹶厥生不孝哉之孫也獨念莊室短折止生  
試兒試兒又殤經脉之不延慈嘗安主是用卜  
茲吉良告於宗祊暨我伯考妣考妣謹以嫡長  
兄元三府君之孫鏘嗣續試兒庶靈承於永永  
嗟乎人莫不念老至於前撫業後恤緯無隕  
沃以靈厥根雖百年猶感愴至六斯極也則  
之萬涕淚倘可拭乎尚饗

遷葬十伯一房畢事告祖文

往者十伯一支元五元七元十四三位亡兄某氏某氏二亡嫂亡姪某亡姪婦某氏及某姪女共八樁俱攢於祖塋之左側亂厝無敘遠者至四十幾年矣貧不能舉魂無寧處非所以妥幽靈而慰祖禰之大誼也寅謹卜地於祖塋之東北訊曰於今年己亥嘉平月之甲申遷而殯之使各歸其域謹以告吾祖禰與我十伯此寅之夙志今始粗畢焉庶夙願既塞而遠廕得施豈其微也以其某祔食尚饗

東坡全集卷二十

九

說一首

改字僧果說

余初字君房以為房宿孔邇攝提格之辰蓋緣名生義已余閱歷載籍則冒此為字者何累累也邇其本名初不相蒙余始諱焉亟欲避之矣如漢宗伯鳳蕭蕭石顯賈捐之侯霸前始皇所使徐福求三神山不死藥者俱字君房廼宗伯附葬素仕莽為講學大夫石顯奸闇賈媚事顯

徐說詞自竄稅島寔蕃余固不甘與同字也羊

裘翁直戒侯司徒阿諛順旨要領絕豈嘗窺其微乎梁徐君房與尉瑾飲酒相譖唐李君房作白虎樽賦見玉海宋秘書丞于君房宰吾明之奉化撤石夫人廟為縣庠要之非雄豁者上海顧氏印藪有郝君房吾鄞范氏印譜有江君房又有郝博字君房蓋即印藪之郝歟長安有王君房賣丹與樊少翁及王孫大卿皆賣鼓致高贊戲笑曰君貧何不遂字之因遂業之何如余未答而書記以紫微供事張君房為請惡或者君公喉舌于雲筆札合而為一人乎則余又何敢與齊焉因遂改字曰僧果云

東坡全集卷二十

十

頌二首

改調山東乞休疏

陝西布政使司左叅政今改調山東左叅政臣余寅謹奏為疲憊不支懇恩休致事臣惟人臣之義務在審已處分所安力足鞠躬何辭勞瘁既其衰也惟遜為嘉臣由萬曆八年進士授

工部主事轉禮部員外郎郎中歷俸六年十月  
陞臣陝西按察司提學副使臣素性迂腐寡所  
揆量不顧廷羸幸致委頓臣出都門時鬚髮  
斑耳今盡白晝日校閱不足每繼以膏火今雙  
瞳盡枯衰至無淚坐久腸漣作楚不下不止忽  
或鼻衄與筆迸注卷帙為殷臣疲瘁至此是以  
三年之間無日不思引退乞骸兩院凡九昨年  
臘月過被恩私又叨陞陝西布政司左叅政  
臣不敢拜命遲之四十餘日然後受事豈虞  
勞瘁優異其牢若錮辱夫在事若轉石泥中祇  
見坎窞無有出時臣自揣已審過本年四月內  
聞報改臣山東左叅政臣喜躍不勝此蓋我  
皇上假臣良便而縱病夫以長往也夫痿者有  
時起盲者有時視臣甚病於西豈其一旦告瘳  
於山之東遂堪任使邪為此輒敢披竭衷悃陳  
瀆 闕廷伏望  
皇上閔其疾憊許以退閒放之歸田以保餘齒  
臣敢竊知止之明庶幾病骨獲正丘首寔惟弘

造曲與生成臣敢忘 明賜臣不勝恐慄祈懇  
謹差舍人某某齎本奏聞伏候  
勅旨  
萬曆十九年六月某日  
起叅閣藩辭免疏  
奏為病軀沉痾 新命難趨懇乞  
聖恩終憫衰殘以遂首丘事臣由萬曆八年進  
士歷官禮工二部郎曹叨陞陝西按察司副使  
就轉本省布政司左叅政萬曆十九年四月改  
調山東行至中牟疾憊不支具疏乞休覆奉  
欽依准令致仕忽於今年四月即報起臣福建  
布政司左叅政臣乍捧 綸音不勝感激竊伏  
自惟人臣之義盛強則勉効驅馳衰病則退休  
荒野律令如天無敢違越臣自歸田里經今五  
年形枯神竭視息空存槁敗之身莫必旦暮而  
欲受封疆之勞事効犬馬之末力無論勢必瘵  
曠顯罰在前而貪昧昭然私心何敢况臣年近  
懸車理宜息駕若復妄藉寵靈覲顏再出是仕

者不貴精強豪者不嫌朽蠹而躁競之心一旦復萌前日止足之義竟安在也伏望

皇上憐臣倦衰許容罷免庶令微志得以曲全而皇路不至終辱臣雖就盡猶多控日之餘榮臣即未瞑能無戴天之厚幸哉臣不勝懇切惶恐待命之至為此專差義男余某賁本奏聞伏候

勅旨

仙曆二十三年

二十一日



農夫人詩集卷之一

目錄

晁晁者芝有序

閣巍巍為程太學虞仲賦有序

浦三姑塔有序

送唐田井北上謁遜四首

壽大司馬張公東沙先生

魏茂權奉帝席上贈萬伯脩明府

贈呂心文

送戴仲德游秣陵得高字

別駕鄭龍岡先生過訪

周郡理國雍過訪

婺州吳少君來訪

小樓對雪全沈嘉則諸君限韻

何愁

杯酒

送節推陳及卿之廣州寄訊廣州太守周

源伯及秘書黎惟敬



黍谷行送葉鄭朗游燕都

送莊靜甫之秦謁幕府葉周兩公

送余節推之淮郡

全唐裕卿胡文甫登昆盧閣分得僧字

侯君一首呈丁右武巡海使者使君懷故

若饑逢人便問爰解踈節用志鄙宗

萬竹山房賦贈張方伯公纓泉先生

維揚別李道甫道甫嘗以抹魏侍御謫官

故末語及之

農丈人詩集 目錄卷一

山居二首

張司馬公招游茂嶼全其從孫石里少卿

明江太守賦二首

夏日歐楨伯李龍美沈叔成梅克生盛泰

甫梁持伯朱汝脩董體仁李汝藩邀索

景從馬用昭張元易及余集顯靈道院

分得清字是日龍美後至而汝藩之薦

資也頻遂及之後語詩凡二章

送潤州劉別駕入賀 萬壽二首

送沈肩吾太史應召日講二首

恭紀 聖駕大閱二十二韻

發嘉祥縣

夜行壽張道中有懷黃鄆城明府

靈鳴驥口遲王元美太僕不及聞已之任

燕都

送管世臣之任延平太守

姬仲安參軍來訪

贈陳定海明府

農丈人詩集 目錄卷一

郡公吳文仲以詩見贈賦會

沈文選徵甫俞考功章甫過訪翌日又辱

筵之賦謝

維揚黃定甫過訪與談曾司空舊事悵焉

有述

貳守李公惠贈俸資賦謝

老鮫

題畫

沈肩吾太史屠田叔比部餞別郊外二首

時余下第東歸

渡漳沱

過徐州諸山

絕句三首送徐參軍之陪京

送鄔仲聲三首渠家翁汝翼先生嘗許余

入道故首章寔追恨焉

張司馬公招游武陵庄四首

武陵再賡四首

題胡人射獵圖四首

農丈人詩集目錄卷一

題軒轅石

題便面

博平阻風二首

淮上阻風二首

農丈人詩集目錄卷之一



農丈人詩集卷之一

古鄆余



畢畢者芝

畢畢者芝為邵侍御也侍御廬母墓三

年有芝若干本產其墓所孝所召也遂

賦焉

畢畢者芝魁其以瑳魁其以瑳蒸也則郝君子

寔荷

畢畢者芝黜其以黃黜其以黃蒸也則云君子

農丈人詩集卷一

寔忘

天無宇宿母于野叶張乎貯矣其何許矣不肉

白骸肉爾膺膺后土后土

天無左叶宿母于莽張乎憊矣其何處矣不蘇

白骸蘇爾棚棚后土后土

畢畢者芝四章二章章五句二章章七

句

閣魏魏為程太學虞仲賦有序

虞仲好古圖書貯之一閣命曰芸閣為

之賦閣魏魏凡六解

閣魏魏埒無間廊億部尚古初一解閣魏魏白

魚伏從不勝所中酷二解閣魏魏郁盼起誰執

火侍君子三解閣魏魏討奇年驟三辰決若鯨

四解閣魏魏義之府翼吾神以開厚五解閣魏

魏干青雲介文昌謁至尊六解

浦三姑操有序

浦三姑者傳御史側室也事御史七十

日而御史謫戍海上從御史海上凡二

農丈人詩集

卷一

二

年而產而死御史哀之甚余為作浦三

姑操凡三章

浦三姑徐倚于壹者之姝無若於人殊矜乃顰

幌絜華衿來之魚魚顧見望舒

浦三姑委無渝皇天其劬敬恭昌瑜奉之乎多

茶君子以無瘡

浦三姑胡不如如敦禺去不湏史兒來不俱鳴

呼命之不圖疚我厥初

送屠田叔北上謁選四首

君行何劬勦我心何旁皇春強不解雪雷電難  
繁霜但知相聚樂豈知相別傷聚散亦有時不  
信待來茲一辭令人嘆再辭令人思青陽日以  
綠不共履歲鞋天路邀佳人光彩生驅馳不念  
居者苦肝腸日夜摧

其二

出門會有宜理途亦有紀大風凍不前旌旆何  
靡徙上堂辭白髮下堂辭內氏操襟撫其心揮  
淚向寒水將父如之何將毋誠足喜大志苟有  
申富貴非所齒丈夫事四方安得守窮來

農丈人詩集

卷一

三

其三

山海高以深培塿自卑小巖巖矜厚姿文章見  
標表仁者必有元中腴貌不槁如氣良自嘉吐  
氣亦自好篤古類必收得言忽如飽奉已食太  
清不愿同佻巧咄咄惜世上人立身胡草草何不  
師吾友百拜歸天造

其四

與君成久要形影相追隨行役胡為耳山川忽

問之君行勤北闕特達信所如皇天寶嘉類中  
優崇且舒小人寡宿植倉皇念疇昔微幸不可  
多造化來相厄何者再三憐衆人指為僻托生  
各有命千疑待一聖兩心豈不然青山以為正  
壽大司馬張公東沙先生

又祝尚書壽還過秘監湖雲霞高鴈鶩洲渚空  
菰蒲別業開詩社閒身伴酒徒黃金多舊賜嘉  
與老臣娛

魏茂權奉常席上贈萬伯脩明府

農丈人詩集卷一

四

海內稱兄弟如今若箇真總關春寂莫乍向酒  
樽盛世難論事窮途易覘人不須尋黍谷玉  
珥已成塵

贈呂心文 心文令泰興甫三月棄之歸

陶令曾迂閣君今與頡頏偶然看寶玦督爾謝  
銅章霄漢威儀大山林位置長當時嚴子原  
住樂兒鄉

送戴仲德游秣陵得世堂

煙雨積江臯江聲日夜勞老方開浩蕩客自美

游邀六代存黃鳥千山上白袍古人多寂莫轉  
使酒杯高

別駕鄭龍岡先生過訪

行部及芳菲來過白板扉花陰平絕壑雲片墮  
虛幃土脉風俱發山榭月共圍函前方丈地端  
拜賦緇衣

周郡理國雍過訪

丘園吾自老旌節爾何侵一看幽人意幾傷達  
者心青山償始顛空谷有知音怪道談鋒盛情

農丈人詩集卷一

五

真不避深

發州吳少君來訪

窮巷故無奇蕭齋雅自宜倉皇千里道忽漫十  
年思對面蒼山長論心白日遲形骸都忘却了  
不使人疑

小樓對雪全沈嘉則諸君限韻

對雪真無賴披襟故有期踈鐘清睥睨高燭敞  
茅茨除夕明朝是吾生世路危疏畦供小摘已  
得及春滋



何愁

吾亦難知我何愁可向人雲生秋黯黯雨入夜  
逡巡丘壑初占籍乾坤未了身頭顧看種種容  
易到今貧

杯酒

杯酒爾何知難論是布衣自經人面改便覺世  
情違涼月方窺戶淒風正切幃孤燈看仔細顧  
影不成依

送節推陳及卿之廣州寄訊廣州太守周

農丈人詩集卷一

六

源伯及秘書黎惟敬

陳君意度何宛練御史臺中日相見忽然遠作  
百粵行馬頭屑屑飛搏霰我聞百粵多毒淫黑  
礁叢箐天沉沉恨殺當時海珠寺乘陴不發何  
衿吟邇來弄兵少衰止噢咻瘡痍待君起母然  
縱口輕入人搖筆便闌生與死誰言六和空下  
來玉皇香案高崔嵬世人不解作真吏蒼鷹乳  
虎爭喧逐如今太守漢周舉萬里急君正延佇  
山剽野竊次第清尋常談笑佐樽俎大吏嶺上

梅未舒桄榔木葉逢人踈相思到處總如此并  
訊山中黎秘書

黍谷行送葉鄭朗游燕都

龍荒迤北號幽朔白檀一片如枯瀆此方錮在  
九地陰不省農間有種稂爽靈道者神霄人手  
握玄關轉亭毒撫拊嶰竹按宮徵窮崖倏忽成  
膏沃豈有天公假幻師遂令土母機揆速總知  
埃垤屬大鈞感栗陽和反乎復入均出度由空  
管至今滿耳呼鵲鵲君不見水諸火燧俱胎宿  
海知尾閭雲能族此理冥漠不必論臯州此日  
誰推轂君到燕山黍正熟不妨匙滑琉璃馥日  
向天街跨黃犢

送莊靜甫之秦謁幕府葉周兩公

秦中自古號神京花事繁時緩轡行磅礴不分  
天地大寐寐都共草萊平五銖豈必真媒世六  
博從來不買名正喜風流都護在畫應泚筆夜  
飛觥

送余節推之淮郡

農丈人詩集卷一

七

江南近事喜清夷正賴神明贊百司  
天地不遠  
頌洞日山川未展勞來時王孫舊業無空壘  
子雄心有大陂家是于公勤賽鼓至今伏臘報  
靈祠

全康裕卿胡文甫登昆盧閣分得僧字

竭來長嘯學孫登妙喜諸天冢上層萬里風雲  
歸浩蕩九關斥堠入憑陵高談直欲驚塵世餘  
瀝猶堪酌聖僧下界忽聞吹簫策紛紛翔思莽  
相仍

農丈人詩集卷一

使君一首呈丁右武巡海使者使君懷故

若饑逢人便問爰解踈節用志鄙悰

使君高誼總氤氲芳訊時時到海濱不狎人羣  
幽澗草無關天路大隄雲鑿坏遁去吾何敢抱  
石沉來舊有聞湯註龐公真偃蹇鹿門洞壑定  
誰分

萬竹山房賦贈張方伯公纓泉先生

青天捲盡綠雲踈宛在簷簷谷口居已分授閒  
意幾幾何妨混迹併為漁平生作事都無過

日論貧總不如縱使辟疆園家勝恐難高頌似  
君廬

維揚別李道甫道甫嘗以抹魏侍御謫官

故末語及之

方舟不判意何其百徧逡巡是酒卮秋老關河  
搖落候夜深天地混同時寸腸似海渾無量片  
語如山定不移往事偶然吹一呖無煩重理向  
來辭

山居二首

農丈人詩集卷一

盤桓從地拙偃息仰天慈竟歲輸田作常時計  
口炊事多今日便迹有衆人危不信玄同者沉  
思轉益疑

漫說總能殊聊從祇自須山中讀秋水象外得  
玄珠豪舉貧能甚雄心老欲無不甘偷歲月清  
晝自然徂

張司馬公招游茂嶼全其從孫石里少卿

明江太守賦二首

嵐氣宿江干經霜不作寒丹楓何造次早已共

聖祖解組諸君勇傳杯此地寬無嗟人世事  
道自艱難

大海浣青天高樓滿月懸有懷都浩蕩無語獨  
翻翻痛飲芙蓉下狂歌絡緯前濶寥吾自足焉  
敢受人憐

夏日歐楨伯李靜美沈叔成梅克生盛泰

甫梁持伯朱汝脩董體仁李汝藩邀袁

景從馬用昭張元易及余集顯靈道院

分得清字是日靜美後至而汝藩之薦

農夫人詩集卷一

十一

蒼老頽遂及之後語詩凡二章

天宇開濶霞霞宮切紫清就陰頻改席迫景疾  
飛航梅雨當歌斷蘭風逐嘯生鶴鵲緣底事儻  
遲老侯羸

勝賞亦公事沉酣是舊盟談鋒轉圓捷雲物與  
崢嶸官下多經束樽前暫廓清精糈紛進續真  
稱五侯鯖

送潤州劉別駕入賀 萬壽二首

夫之初郡倅丹陛默嵩呼咫尺金函在分明玉

藻俱山川皆下走風雨正前驅何幸鈞天上真  
逢泰昊殊

神霄何處可法從自周遭黃道諸辰伏青雲萬  
事勞棄乾流自古替亢勢原高知有南山曲明  
時不用操

送沈肩吾太史應召日講二首

雅志彌端亮敷辭盛慨慷言觀一尺詔真作萬

年觴 九廟威靈赫千官意氣長天家磐石似

莫不贊平章

農夫人詩集卷一

十一

稷下空雄辯鴻都亦瑣儒無為天法象有儼  
帝師模寧許夢龍讓還同周召趨成王英妙日  
駟駕聖之途

恭紀 聖駕大閱二十二韻

有大思隆烈無前廣上規廟謨文並武聖慮險  
為夷天地開中壘風雲護曲維布著春迪吉禡  
靈畫揚麾日動嚴達蚤天行夾轂遲如山華蓋  
靜非霧翠幢嶷礮電為游微鞭雷作大誰欣眾  
歸節制曠騎領威儀桂向龍棖遶蘭從虎落披

轉廟呈遠勢促鼓奮雄姿劍決聲俱沸戈旋氣  
不靡星辰知起伏江漢入推移矍力輕黃洞捐  
軀俯白義縱橫猶古法凌厲是今時小醜皆俘  
馘名王悉係累討將軍實盛示以國容奇舍羞  
元閑禮車攻載頌詩驅樓啖漢事角觝陋秦爲  
兩競權呼集殿隨荒令馳張皇纔一舉震疊已  
三垂玄武旗常直蚩尤蟲敢吹 帝真黃道主  
永荷綠圖熙

發嘉祥縣

農丈人詩集 卷一

十一

大湖無風照天靜黃屋赤谷高低隱嚴霜白盡  
陳死根石逼星寒沒孤影水伯無權不到村滌  
場塹戶嬉相存起餉客子夜未半相送狂霾又  
出門

夜行壽張道中有懷黃鄆城明府

灌莽蕭蕭風正疾夜半霜空擊沙礫寒光直妬  
天漢青舉足無憑兩相失馬驚轂泛星辰疲木  
乾草澁逋逃起涕淚將無岐路盡肝膽安有窮  
途爲世事蹢躅每如此孤燈獨坐吾知之忽思

昨日黃明府恨不留連更片時

靈鳴犢口遲王元美太僕不及聞已之任

燕都

黃柳花殘馬頰河春深其奈故人何空勞悵望  
青天外何地馮陵赤電多興到酒人應自暢豪  
知屠者競相過長安此日倍顏色未道風塵太  
劇譌

送管世臣之任延平太守

浦上沙黃氣色開諸谿安穩使君來府中自識

農丈人詩集 卷一

十一

神明守 陛下真憐跡弛才漲海煙雲都尉部  
蠻天風雨越王臺寧惟幾渡延津水莫歎雙龍  
去不回

姬仲安參軍來訪

參軍久已謝浮名特地相思爲入城窮巷不妨  
風雨積小山自許薜蘿清一披竹色青衿合雙  
照梅花白髮明信有當時初意在敢辭踪跡世  
人驚

贈陳定海明府

取憐茂宰大江隅真竝文身龍子居百里纖毫  
皆曠蕩幾年渴酒借躊躇田間不獸多馴雉谿  
上由來少黑魚處處野棠間白晝寒寥還著九  
農書

君公吳文仲以詩見贈賦會

曾將一疏叩重閣鯨海波濤靜不翻轉粟萬庾  
供歲計請錢十屋戢軍屯福堂閒弄天真大禮  
殿雍容日自尊慚愧白頭蒙異數高題篇什到  
衡門

農丈人詩集 卷一

十四

沈文選徵甫俞考功章甫過訪翌日又辱

筵之賦謝

六朝舊蹟入空陂王謝風流不可追世自尋常  
看鸞鷟誰曾明白效墳麓水歸海甸爭成險山  
到皇都總獻奇好事如君真不易南中今日  
有新詩

惟揚黃定甫過訪與談曾司空舊事悵焉

有述

凍雪連江過槿籬可堪相憶舊相知杯行花下

雙無恙淚灑燈前兩不欺片鍊自捫霜繡澁短  
裾誰拂雨紛披款冬滿樹看猶昨恨入先春未  
較遲

貳守李公惠贈俸資賦謝

杜門聊自慰支離萬里風塵正倦時赤仄乍來  
相問訊赫蹏端拜有威儀鯁生真玩人間世稚  
子初欣宇下欽海嶽高深空眼底即今標韻好  
憐誰

老鮫

農丈人詩集 卷一

十五

老鮫珠子舊魚腸誰道三年不發光莫把龍文

閒自照恐多靈氣駭天狼

題畫

獸屋千峰閉寥廓山風日夜吹空壑青青寒燒  
上枯槲不覺天沉松子落

沈肩吾太史屠田叔比部餞別郊外二首

時余下第東歸

蹇驢蹶躡出都門岐路相看酒一尊臨到分携  
渾不省狂癡濁霧一時昏

劇人家是艷陽天何地春光不可憐君自慨慷  
吾自醉惚無言語只揮鞭

渡滙沱

一片桑乾水氣昏白雲空磧大河吞馬頭帶得  
衝星劍夜夜回看古薊門

過徐州諸山

大火流時上帝畿歸來不信柳花飛青山處處  
都相識已是三回換客衣

絕句三首送徐參軍之陪京

農丈人詩集

卷一

十六

仙郎灑落早知名綵騎翩翩白下行想憶秦淮  
舊時路聽歌桃葉不勝情  
天家無事若安王不用張皇台虎符抱得奇門  
無用屢祇來談笑佐呼盧

脫巾往事忍重論金鑊鐸曾怙主恩試問鯨  
鯢江上舞可能半甲耀轅門

送鄔仲聲三首渠家翁汝翼先生嘗許余

入道故首章寔追恨焉

絳雪當年許共嘗相將携手白雲鄉如何獨

飛魚去不借玄明半七霜

爾家衣鉢在稱詩况值皇天酷烈時一讀悲

一慷慨夜闌風雨大江垂

長鏡携得傍誰居晝理絲桐夜讀書欲問生涯  
何處所閒雲滿地不堪鉤

張司馬公招游武陵庄四首

寒潭秋老淨江門天空千村與萬村無數汀花  
驕客子教人信步下高原

白衣如水水如霜薛荔看人意自長盡日欄干

農丈人詩集

卷一

十七

憑不足又隨脩竹過東牆

忘却山家日月遲都無猿鶴到猜疑等閒拾得

金光草不信春風老自知

空濛薄霧隱潺湲併入青楓作晚寒决决溪雲

水翻去碧沙明處海天寬

武陵載賡四首

烟莽離離葉不收山空石落大陂秋金天白盡

高雲過閒殺黃花澗底幽

地僻花深晝不開青鸞窟宅白雲隈主人更開

忘憂館夜夜稱觴百尺臺

高燭燒殘是幾更明河不斷大隄平天空傳得

滄浪曲不覺梧桐白露生

好從行樂賦晴暉杯酒何論是與非到處曲池

都蔓草野花不管白雲肥

題胡人射獵圖四首

綉編躡飛黃登弧百隊強猱猶多意氣跪獻左

賢王

風雨迅馮陵千群忽自崩從來誇鼓弩不用更

農丈人詩集卷一

調鷹

秋色滿胡天高空一箭懸將軍卧細柳慎莫近

南邊

殺氣昏於霧沙高雲不度赭盡白龍堆不識檣

槍妬

題軒轅石

英英白雲撫云是崑崙祖一謝洪濤乾巨靈不

敢俯

題便面

翠齒一片鴻濛似溢蘿不關人出戶

並

博平阻風二首

風伯太多情留人住博平客心如日月只向舳

艫生

占風何莽莽計日轉悠悠天意吾能信無勞助

石尤

淮上阻風二首

大編激風淮五月寒客情無住著折取棟

農丈人詩集卷一

花看

南帆已自偃北帆猶自驕一樣黃河尋常為

汝送

農丈人詩集卷之二

目錄

述懷二首

婁道人歌有跋

送倪博士謁選之京

自詫

醉

病中少司馬范公以詩見訊次韻奉答時

余栖卧霞爽閣中

農丈人詩集 目錄卷二

全大司馬張公游茂嶼作

王乳泉

江瑤柱

懷馮咸甫孝廉

携尊楊義問園亭酌程孟孺全嘉則諸君

賦

全蔣伯源鄔汝翼趙敬甫集陳從訓山亭

限韻

送尉弟窩

送周元孚戶部往權臨清

送盛泰甫上泰和山為母祈年無求嗣子

因過郢上壽封司馬曾翁

送蔡憲長入覲

張鴻臚孺宗恭奉南宮試錄馳上 孝陵

賦贈

贈楊少谷州守

沈嘉則邀賞王蘭同箕仲孺愿鴻羽諸君

分韻

農丈人詩集 目錄卷二

送郡博黃子升之官藩府

寄贈座師陸公子秋試南都

送沈嘉則應聘入楚二首

游茂嶼從大司馬張公二首

雨歸自茂嶼呈司馬公二首

舟行新安江上二首

入南都抵周吏部國雍官舍二首

秋日陪祀 長陵恭紀十二韻

陳使君別號筆山索余賦贈會有永昌新



命輒用志別

送赫侍御按陝右代作

亭其樓為吳虎臣賦

贈郡理葉公考宗

送俞琳司訓永寧因訊其從父九河丈

桂孝廉下第補官亳州學正

輓座師吳非庵先生

周吏部國雍席上逢吳孝甫俞公臨分得

寒字

曲晨丈人詩集目錄卷二

三

游大慈寺

史衛王丞相祠

送董宗望之官樵李四首

送同年吳興李元潤之任晉陵博士四章

末訊唐玄卿儀部

宿遷道中

下邳道中

前督府御史大夫孫公文融先生歸自遼

陽暫憩毗陵之蔣園時惟唐玄卿與相

勞苦頗慰平生因訊斯章無申契濶云

爾凡六首

古氏朝臨閣上瓶梅尚在口占一絕

送盛泰甫之上谷謁開府張公

馬上見西山作

嘲友人

雨中全司馬公游茂嶼四首

題芙蓉

代芙蓉答

別芙蓉

代芙蓉送別

頻夕

連吳

農丈人詩集卷之二

古鄆余寅僧果著

述懷二首

山谷多悲風志士慨以慷抗聲一何烈引睇一  
何長豈無并心人邈在古泉壤流風燦列星咫  
尺願同行朝暮傷腐草志志追景光景光不可  
追涕泗摧肝腸

其二

大運迭遷化乘時起良遇年光難久持朱明已

農丈人詩集卷之二

前逝磊瑩華胷子放情多廣慕燕好不及私咄  
惜青陽暮烈烈氣志矜上與北斗驚大海日夜  
深恒陰結長路行者各有營昧子守窮故尊酒  
良有孚湏臾可相論

婁道人歌 有跋

大海玄珠杳無跡汗漫徒勞笑黃馘羽衣飄撇  
紫柏宮五色肝腸澹空碧婁道人貌何澤迎風  
下拜微我言一字猶勝聞道百我豈能文章世  
自走尋尺倘緣借我苔華詞何憚持之謁姑射

乃知虛寂之行輝九區青鸞空洞雲相扶地為  
其籟天為倪世人不似心長枯吁嗟世人不似  
心長枯輦金積玉何為乎

婁道人苧蘿山下人也齋素有年無營  
而自給足屢索贈言茲復莖莖已泊然  
人也而猶忻忻此聲

送倪博士謁選之京

博士丰神何俊爽鶴立踈踈足忻賞齒髮無多  
恨有餘微官不足寄慨慷從容語及長安時諸

農丈人詩集卷之二

公倒屣驚猶遲伊優囀沓侏儒飽空勞面目相  
羈縻今年又走長安道淒風急雪何草草平生  
意頗儻有申猶賢屈首終枯槁我亦幾度謝都  
門白眼不識諸公尊古來放達嘗吏隱等閒欲  
共千年論白頭持此將安訊羞澁人前說雄奮  
豈有行止關斯人蒿萊久已甘吾分

自詫

自詫驕驕群驪黃不可分天飛者誰子蹠蹠入  
重雲首著能空飽長鳴向主君萬年銅式在終

使尚方聞

醉

萬事等優游長途可自由坐看天地老醉失古今愁世俗從他賤生平敢自謀年來深傍汝不道白人頭

病中少司馬范公以詩見訊次韻奉荅時

余栖卧屠田叔霞爽閣中

寂寞黃花徑羈棲白恰人力危思慰藉語至覺精神高閣巡簷數清池選石頻握蘭芬自喜劇

農丈人詩集

卷二

三

甚大湖濱

全大司馬張公游茂嶼作

野曠意冷然秋容澹可憐薄衣經窈窕高唱滿

婣娟峭壁成孤往閒雲想默玄山中誰祭酒推

服謝公賢

王乳泉

靈源通古竇玉乳盎春池釀地分天酒開雲漏

石胎尋常村豎汲珍重谷神知更覆松千尺朝

昏沆瀣滋

江瑤柱

海錯萬斯珍腴房別貯春嘉名真有屬他族遂無倫已謝泥塗晚猶憐物色新何時充鼎列一為尚方陳

懷馮咸甫孝廉

一切疎人事千回念友生黃河曾北注白日每西傾虎圈曠何甚龍門傲未平真傳渭水上魚腹字分明

携尊楊義問園亭酌程孟孺全嘉則諸君

農丈人詩集

卷二

四

賦

花氣滿庭虛風光面面舒可禁春到此不醉酒何如片石皚於雪新荷穉若魚憐君如永日步步與躊躇

全蔣伯源鄔汝翼趙敬甫集陳從訓山亭

限韻

白石語倉庫榴花一倍明主人豪自命客子病初輕酒態縱橫起詩懷佚蕩生步兵千古意遮莫使人驚

送尉弟審

鳬嶂總前驅君才豈後途帆追高嶽疾醉失大江孤暮雨三腰國秋風五父衢夢魂相憶處何地不踟躕

送周元孚戶部往權臨清

京師盡聞周戶部心事如眉歷可數一朝天子令權關據案低頭學坐賈周君顏面大不得天子胡不使我為巨率萬里橫戈誅錢勒坐使英雄氣銷蝕如今烽火盡皆熄戰士連年解犀

農丈人詩集

卷一

五

草安所置君勞歎息君不見漢武竭力事四夷司農飛輓風猶違腐儒大言黜桑孔廬山之壑誰支持國家威德古無上士馬安憑發靈爽莫卑權事耻不前小可官家贊銖兩我今拜恩稱維咎日肉半斤米八合何異肥人傳贊尻空戴冠纓入朱閣慣從象胥作僂僂朝犒諸夷暮諸虜方識朝廷重重譯南金吉貝疾如雨譬之鴟夷時有須我能斟酌君能沽稍佐諸君北蒲胡天子不講王會圖天子若講王會圖

偶然曠蕩推吾徒行矣周君莫太迂

送盛泰甫上泰和山為母祈年兼求嗣子

因過郢上壽封司馬曾翁

常年獻歲在家好今年獻歲辭家早新裁巧勝貼初黃上堂長跪辭阿媪泰上神靈祿命司送人兒子扶人老今年阿媪正八旬兒今便走襄陽道少婦來前更偷語早晚好作襁兒襦膝下如今少佐歡得來倉父真吾寶榔梅樹下憩稍時不妨再問蓬萊島漢陰老父壽且考是日羣

農丈人詩集

卷二

六

僊若鳬藻眾中誰獻金光草

送蔡憲長入覲

使者朝天領百司清霜為蓋電為旗青龍符上書官爵白虎樽前奏便宜日麗果愚端笏重風高挫桓禁鐘遲霽情歷歲珍玄默應為君侯下赤墀

張鴻臚孺宗恭奉南宮試錄馳上

孝陵賦贈

神霄使者勅書新白馬翩翩許問津六尚總

緣留柏寢萬靈長自護楓宸高天有截山為  
大地無邊海効珍鍾阜前頭端笏罷知君百遍  
恣逡巡

贈楊少谷川守

當時墨綬自倚那其奈蹢躅路若何負郭無田  
生戴笠傍湖有宅好張羅漢陰機事消都盡凜  
上高風較獨多平日不曾輕作贈為君端拜紫  
煙螺

沈嘉則邀賞玉蘭同箕仲孺愿鴻羽諸君

農丈人詩集卷二

分韻

素娥來下白雲鄉環佩環然洞房姑射神人  
水骨相羅浮僊子縞衣裳小垂皓腕驚迴雪淡  
拂鉛華妬薄霜家是飛觥無可那好誰消却轆  
轤腸

送郡博黃子什之官藩府

四明山色偶盤桓又駕餘艤下急灘老去肝腸  
滄海似窮來道路太行難金銀宮闕風能遠蛟  
蜃樓臺水自寬即此已堪充襟佩莫將壯志恨

微官

寄贈座師陸公子秋試南都

吾師姓字震吳中教子傳經有阿戎駸駸路長  
資首肯鳳凰天遠藉梧桐平敷桑翰看雲起大  
坐孤槎與漢通多少少年場裡事莫將容易驟  
花驄

送沈嘉則應聘入楚二首

楚望渺江潯江花爛熳侵用君無處所去住總  
難禁舊恨三湘滿新愁七澤深武昌魚可食不

農丈人詩集卷二

必賦哀吟

良史原擣杙名疆自鬻熊老纔充末役還與衆  
人同江漢資雄筆梗枿屬鉅工一時授簡者誰  
奏大王風

游茂嶼從大司馬張公二首

渺渺白雲封閒閒水石重秋花不作艷晚景若  
為容野曠無多樹天高幾處峰神僊初不異亦  
與世人逢

乞下足婆娑臨風倚素娥偶然豁雨歇自在野

雲多以酒當年歲將詩卷辟羅吾心塵網  
浪可如何

雨歸自茂嶼呈司馬公二首

月雨憐于邁從公又雨還萬山知汝健雙屐笑  
人閒窮海玄陰積空塘朔氣斑登樓高自遣猶  
得俯塵寰

老去主人強高懷殊未央放晴無不可冒雨亦  
何妨濁世頻掀袂浮生一舉觴安知天地外別  
有姓名香

農丈人詩集卷二

九

舟行新安江上二首

碧絕新安水粼粼石上行波光低月白沙氣接  
天青寒可凌書劍香誰聞杜蘅疎眉休更照長  
是太分明

望望白雲層天都此地經山川橫碧落舟楫上  
青冥翠重沙頭雨寒疎石上星神僊如遇環  
珮半空聽

入南都抵周吏部國雍官舍二首

暫憩與山公悠然生遠風殷心彌大海高論倚

長虹清漢呼燈早疎星把盞空芭蕉無限綠隨  
意上簾櫳

秋月一何明秋花分外清風塵餘拂拭意氣自  
縱橫別久語無次愁多夢不成小奚知款曲倍  
見主人情

秋日陪祀長陵恭紀十二韻

大事從權起雄圖直北開神堯原簡授玄武  
況趨陪獨問山河去親扶日月回異流皆將相  
假寐亦風雷絕漠勞三駕英聲驚九垓山高留

農丈人詩集卷二

十一

黯慘銘大與崔嵬國是仗元老戎機票上裁恢  
張新冀服眇小舊燕臺殷地歌磐石馮天遡草  
萊松楸紛兩立弓劍儼雲來太乙寒仍衛崑崙  
遠作隈俯躬空岫裡昏黑使人猜

陳使君別號筆山索余賦贈會有永昌新

命輒用志別

筆山之山不經見歸然高障無諸甸蒼麓蟠爲  
襟寶跗青纓綴作明珠鈿蘭氣周遭曉上馳霞  
光盤薄紛來絢初從甌粵占署曹復向牂牁走

乘傳太守既擅師扈才 天子又賜帝鴻研鑿  
書緬字何分明白纍烏鸞特懷變博南自古已  
來賓會者載筆麒麟殿

送赫侍御按陝右 代作

春風駘蕩桑乾綠使者征麾如電曠終南大斧  
迎嶙峋畫討奇衮夕誼俗百城大吏走流水九  
嶠五時色俱起執憲精剗鍊不如誰將闌出奸  
吾紀湛恩總許西人私東人不及霑毫釐東人  
蘇息使者慈往時帝力今時知何年北斗城中

農丈人詩集 卷二

十一

轡再賜吳閭萬室禧

亭亭樓為吳虎臣賦

高樓面面敞雲端萬里星辰走玉欄不盡大荒  
莽蕩合一憑遙夜沈沈寒飄風忽送清商遠明  
月時從白墮寬便欲乘空晞短髮青鸞猶恐隔  
塵看

贈郡理業公考家

幾年海國借神明遇事看君慷慨生天遣一星  
來執法日提三尺佐專城山川時節朝相屬風

雨尋常避不行治狀祇今誰第一吳公蚤已標  
西京

送俞琳司訓永寧因訊其從父九河丈

鼎都山水遠來歸中有真人坐翠微幾畹蘭葉  
為聖藥充庭女樂是名妃嶺雲片片知鄉曲海  
雨年年長歲微令叔于思無恙在因君持贈六  
銖衣

桂孝廉下第補官亳州學正

帝曾盟手將嘉辟君亦呈身上赤墀敢問燭龍  
農丈人詩集 卷二

十二

西北事誰分汗馬渥洼時蘼蕪正綠商家社雲  
雨猶青老氏祠莫向巨觥頻自詫好憑薄祿暫  
相羈

輓座師吳菲菴先生

一入樅陽路渺茫亂山高下恨何長自從墮地  
聞前輩此日臨風指寸腸古木年來春寂寂大  
江東去水湯湯三吳百粵揚旌地誰為先生紀  
太常

周吏部國雍席上逢吳孝甫俞公臨公得

寒字

黃花不妬故人歡杯酒分明對鷗冠十里長干  
秋月白五更清漏碧梧寒都將傲睨空前輩肯  
爲談諧避大官莫說蚺蛟磯下事恐驚滄海一  
時乾

游大慈寺

海嶠憑陵引大湖天龍盤礴護神都誰言覺路  
非塵劫何必高僧謝酒徒十里花香閒走馬千  
山鳥語醉呼盧年來身世真無著願乞齋前大

慧珠

農丈人詩集

卷二

十五

史衛王丞相祠

翠微十里錦屏新丹雘千年玉闕塵丞相祠堂  
春寂寂將軍甲冑石鱗鱗山風送雨走空壑海  
月隨潮渡古津獨有子規作人語不禁淒斷大  
湖濱

送董宗望之官攜李四首

宗望有官而無任祿亦不及故竊爲寄  
慨焉

量移總不出三吳蚤已無巢到采盧萬事看  
真一擲不須空着馬前壺

四座曾誇玉麈飛如今休自詫無衣何人飽吃  
長安米白日高槐陌上肥

烟雨樓前日欲遲曲隄無恙引葦蕪鳬鷺只管  
湖頭住白地香風暗地知

可那醪醕上渴烏春風無計倩人扶道傍榆莢  
如錢大不當壚頭一夜沽

送同年吳興李元潤之任晉陵博士四章

農丈人詩集

卷二

十四

末訊唐玄卿儀部

餘不溪原接太湖釣絲長拂老樗孤春風背地  
都相恨抱得殘經不出吳

亦是天家驀裏身太行無那久嶙峋文茵華轂  
三千隊跑踣如今若箇真

獨謠花下意何長君自殷勤顧瘦年滿眼看他  
車上儂春風正逐少年場

須臾流火又西躔每有秋風倍黯然爲訊唐睢  
雙鬢鬢莫教容易老江堧



宿遷道中

大霧如人醉不勝北來風  
候湯無憑沙頭老樹  
猶青在十月黃河不作冰

下邳道中

陡然沙磧向人驕  
故陰雲不肯消  
聞道南風能釀雪  
爾來昏霧已三朝

前替府御史大夫孫公文融先生歸自遼

陽暫憩毗陵之蔣園時惟唐玄卿與相

勞苦頗慰平生困訊斯章兼申契濶云

農丈人詩集卷二

十五

兩凡六首

得歸猶自恨蹉跎  
若箇花前扼腕多  
莫遣酒杯頻放却  
有人憔悴碧山阿

遼天力盡淚蘇蘇  
沙白霜黃草並枯  
此日樂浪如几席  
海波不動大旗孤

誓將萬死報皇天  
冀土微臣敢自全  
捧到

書函尺一蚤辭淚  
水暮辭燕

朝端大論幾時申  
鷗吟前頭不敢嗔  
聞却尚方

新馬劍小臣無語  
歌傷神

好指誰家笑作帝  
可堪白月下踈簾  
荷風宛轉歌喉細  
第一先拈昔昔鹽

江潭秋老自黃昏  
正是梧桐葉滿門  
學得跢跢消白晝  
可知今日是君恩

古氏朝臨閣上瓶  
梅尚在口占一絕

顧影離離月在床  
一枝猶帶臘前香  
我來憔悴風塵後  
頭白明燈對汝觴

送盛泰甫之上谷  
謁開府張公

六博何論不是才  
月高霜塞且啣杯  
紛紛列校

農丈人詩集卷二

十五

都長揖共說今朝  
劇孟來

馬上見西山作

風塵何地不蹢躅  
說着珂鞍意總闌  
家是胡床

偏解事扶人顏色  
上嶺岏

嘲友人

見說郎家主太麤  
竭來聲息大模糊  
春風倘爲憐玄髮  
贏得窓前喚老奴

雨中全司馬公游  
茂嶼四首

浩浩吞長谷盤盤下  
遠關白雲巢欲遍  
不辨是

前山

海色一千里霏霏只尺起山光不照天白盡空

江水

烟莽忽離離溪光蕩不持秋從何處到早已白

蘋知

一雨浹旬日憂來盈百室今年少舊醅莫打霜

前秋

題芙蓉

輕寒截曉殷長空麗秋碧一曲黃淡思彩雲忽

農丈人詩集

卷二

十七

狼籍

代芙蓉答

遠性托幽谷雲間夢不來郎如邀白月秋水是

良媒

別芙蓉

行行不得阻曳曳爛庭戶昨日恨清尊今日恨

柔艣

代芙蓉送別

暖席不長侶煩心忽盈渚今朝櫟上霜蕭疎得

幾許

嶺夕

嶺路入脩垌空濛下夕屏湖山分半壑竹樹翳  
疏櫺歌歇前村雨鍾催滿院星那堪喧萬籟不  
共使君聽

遵吳

我自遵吳去君胡問楚來黃河初擊楫白鴈且  
銜杯信步人人少攢眉事事哀不妨頻落魄日  
上鳳皇臺

農丈人詩集

卷二

十七

農丈人詩集卷之三

目錄

金陵篇送張孺愿秋試南都

贈別黃說仲

嚴先生釣臺

贈陳處士

訪馮子喬

送吳僧歸虎丘

賦得江上巘有贈

農丈人詩集 目錄卷之三

陳及卿邀集全蔣景雲魏茂權謝脩之劉

國徵顧叔時周明行臧晉叔分得高字

河決

送張大孺穀秋試燕都

阻於同友人野酌

賦得壺公山贈林生

送臨淮李侯留守舊京

飛雪洞歌為程無過太學賦

同康裕卿沈箕仲集王敬美儀部宅

九日沈徵甫周國雍二選部邀游清涼山

寺

送鄔章甫還京口時章甫尊人汝翼先生

奄然永棄故有夢我之句云

得唐玄卿書輒有私喟却寄

經秋

吳郡公文仲暨李別駕子行張司理元訂

携尊過小齋賦謝

送別沈箕仲二首

農丈人詩集 目錄卷之三

浦口別周國雍戶曹四首

少司馬范公邀游谿隱二首

發谿隱二首

吊朱邦憲三首

次韻答屠長卿進士都門贈別三首

侍司馬公發曉晦至茂嶼十六韻

送劉明府擢戶部主政北上時余下第東

歸

柱笏齋走筆為常山令唐長公賦

寄懷舊督府顧公

集揚叔向樗園 送史方伯入覲

李子行別駕見過與之小酌

蚤起全陳明府登候濤山

送楊義問之任汀州郡幕

別邦憲諸郎君 有序

送吳無競應試南都 時其尊公來守吾郡因致私云

督府葉公討平寧夏錄歌十章

皖城道中憶故令李子靜二首

農丈人詩集 目錄卷之三

淮上逢徐孝廉士彰口號二首

送傅思履歸廬陵四首 有序

題四時山水圖四首

雲間復雲間為陸都運題八命封冊 凡五章

盧思仁祠部言事受杖賦此訊之

賦谷馬裝生水部近體二章

奉詔供事諸陵道中即事

訪宛平令李嚴美

農丈人詩集目錄卷之三

農丈人詩集卷之三

古邨余寅僧果著

金陵篇送張孺愿秋試南都

淮甸靈儲彩岷江遠發祥周遭滄海國羅落古

今場古人豪貴風電掣今人咄咤陵谷別有鶴

東翻拓御基有龍西皖開宸闕白波盡鄰才武

魂黃塵都化英雄骨英雄才武俱山丘百年六

代傳風流楊花時節楊花怨桃葉渡頭桃葉謳

華軒闐咽乍吳苑疊鼓崩騰忽蔣州何人委巷

農丈人詩集 卷三

迷長樂何處澄湖訪莫愁莫愁湖水日悠悠王

孫公子相綢繆可惜靡蕪方萎夏可憐絡緯又

驚秋鳳凰臺上雲初起燕子磯前雨不收媽雲

膩雨狂相走長干無數蜀絲柳陳王慣鬪鷄潘

妃愛酤酒沈生子夜喉褚老琵琶手謝公整已

平杜姥宅誰守次寥世界安可知浩蕩人情何

不有司空婢子太較量司馬嗔恨摧肝腸快意

將軍野傷心丞相岡神彩今時歇威名昨日強

香臬臙脂井花繁宛轉廊只合金蓮步下吐只

壓梅額上粧朱雀橋邊朱雀航瓦棺寺裡瓦棺閣藉草輪心錦茵軟臨流沃髮金疊薄初聞名姓膽相傾忽憶升沉淚全落平生獨羨張平子羊神朗豁照秋水唐室明經漢孝廉天家準假收駉駉倚棹長謠引曼聲百尺牙檣片雲紫

贈別黃說仲

長安陌上人如殫不辨風霾日常紫男兒無賴七尺強白晝相看昏黑似天台黃君洵且美赤城霞氣差可假一經何足了吾生獨挈昂藏走

農丈人詩集

卷三

二

燕市騶衍不作劇辛死碣石空宮入流水孤塾經年沒野蒿絕大蟬魚尺有咫由來倒屣都漫語英雄欺人那有此丈夫何處不伸眉何必侯門躡珠履況君正是青年紀萬事俱從雙鬢起行矣黃君善自喜

嚴先生釣臺

天淨白雲飛秋高護釣磯溪光凌坦蕩海色控熹微草木仍消息龍蛇竟是非再三蹇短袂儻

詩似苔衣

贈陳慶士

古道已嶙峋鴻濛信有真固窮甘一世守拙讓千人有酒堪彝鼎無名自鳳麟因憐抱甕者終日漢江濱

訪馮子喬

委巷馮居士蓬蒿滿不除悠然辭世網無事足吾廬辛歲知何計衰年更著書醫王長妬汝不使杖頭舒

送吳僧歸虎丘

農丈人詩集

卷三

三

聖果何時得空闌此日歸王孫親乞食朝士與禪衣發願江雲滿冥心浦樹稀至今傳白虎應護舊松扉

賦得江上蠟有贈

家在長江上青山直到門柱天蒼玉立截海翠虬屯嘯壁驚風雨怪雲種止孫人寰都歷盡只有白衣尊

陳及卿邀集全將景雲魏茂權謝脁之劉國徵顧叔時周明行臧晉叔分得高字

旅思孤如海人情劇似毛暫從塵外賞敢問里  
中豪地合清樽大天歌白幘高當時騶行輩曾  
得比吾曹

河決

瀕洞嗟何極湯湯載孔途鯨鯢傷寄命狼狽念  
先圖上相收前箸司農請內帑玄衣吾欲訊玉  
筭有還無

送張大孺穀秋試燕都

有客勞人別無媒入帝鄉一經理大俠萬里負

農丈人詩集

卷三

五

空囊感驟生寒雨遲留竟夕陽前途饒氣色錦  
瑟已成行

阻於同友人野酌

一貫紫綈裘青天此共酬烟霞初幻夕楊柳漸  
歌秋岬幘臨流水酹顏對古丘前途君莫問飄  
泊任孤舟

賦得壺公山贈林生

一氣俯蒼茫崔嵬截大荒炎風吹不極雲路永  
相望姓字山能借琅玕草自長定知采藥者別

自有徜徉

送臨淮李侯留守舊京

高帝功臣沸如海二百年來幾家在君家不免  
亦中絕邇時僅綴通侯列通侯如君世誠少衆  
中獨數真駸駸猶恨邊塵靜不飛寶刀七尺無  
從揮獨與吾儕日伸紙瀋墨淋漓索知已繁星  
滿空眼不遂寒雲墮地魂欲醉忽然推擇寄干  
城千旌萬旌盡南轡南中近事那敢論依然纔  
虎紛雲屯都督府中放衙了安得盡日長閉門

農丈人詩集

卷三

五

閉門無不可惜與時相頗亦有磊砢徒往往輩  
么麼飛嶠橫為千里屏長江釀作萬年酒歲歲  
來稱聖人壽君不見東南半壁規君手圖書  
赫赫行北斗

飛雪洞歌為程無過太學賦

正月柳條赤二月柳苞拆三月柳絮飛湏臾亂  
如雪殷雲杲日何續紛綠雨蒼煙乍消歇空憐  
芳澤長自有寧信韶光不相守伯勞卷舌哀鴈  
鳴昨看如雪今如帚如雪猶且可如帚將奈何

暫時豪健誰京別滿目繁華誰家多一笑把君  
青玉學與君大醉柳樹下

同康裕卿沈箕仲集王敬美儀部宅

帝城花事自龍蔥杯酒天寒意較雄拓落總宜  
寬夜雨沉冥競得誤春風清時作客無長短失  
路逢人有異同京愛王郎高辨在譚天不數百  
家空

九日沈徵甫周國雍二選部邀游清涼山  
寺

農丈人詩集卷三

六

拍點禪關處處清偶因佳節作山行無端秋滿  
祇陀樹有漏人投舍衛城白草不知殘照合青  
天忽放大江平此中舊事君休問我輩今來是  
主盟

送鄔章甫還京口時章甫尊人汝翼先生

奄然永棄故有夢我之句云

小閣閒花坐寂寥故人相過轉蕭騷十千美酒  
君能醉三百枯基我自逃賦到夢我真是恨歌  
殘杖杜始為勞離愁鬱鬱成雲氣已共帆樯日

夜高

得唐玄卿書輒有私喟却寄

霜枝楚楚徹宵橫何處寒江送遠聲霄漢故人  
誰健在風塵道路頗難行內廷偵事頻傳殿屬  
國勞師別築城聞說北風何太勁此時蒼蘆葉不  
勝情

經秋

經秋木葉動羈思擾擾流光忽忽馳絕壁烟雲  
時變幻瀾天風雨乍紛披姓名到處渾無賴眉  
農丈人詩集卷三

七

曉逢人總不宜傾蓋如君還自詫好從何地覓  
心期

吳郡公文仲暨李別駕子行張司理元訂  
携尊過小齋賦謝

小山叢桂自相親何意朱轡問隱淪揮毫不知  
鸚鵡倦開絃寧惜鳳皇頰向來草澤人猶重近  
日巖廊事轉新漫說世情都忘却又將胃臆詫  
風塵

送別沈箕仲二首

憔悴沈生顏年年湖海間老空慚白日貧不知  
青山雲片高原濶嵐霏大澤斑傷心天地綠春  
到幾時閑

同病更同憐雙眸炯炯自懸論心驚歲月怨別指  
山川易醉微茫雨難知莽蕩天落花如會意故  
向酒杯前

浦口別周國雍戶曹四首

辛辛竟何情靡靡自不平亂山高執手孤樹遠  
吞聲精爽邀鴻鵠芳香托杜蘅那能輕此日不

農丈人詩集

卷三

八

與重吾生

老我看蓬矢慚人請帛繡黃河水雪盛白髮道  
途迂世事真磅礴風塵足嘯呼敢言三十載牧  
豕北山隅

有感千端集無申萬恨遲道高存尺蠖時至起  
死生靡歲月去何疾英雄遇或奇窮通休更問先  
達祇吾歎

大壑年年往蒼天日日高黃河清可頌白石爛  
曾操已任人情失無堪世事勞姓名猶有識情

媿未能逃

少司馬范公邀游谿隱二首

杳杳知何處飄飄不自持精神因地別耳目恨  
來遲莽蕩千峰出虛空萬象披晚來嵐氣合不  
辨有推移

虛宅儼仙真雲霞亦是塵山川勞起伏日月借  
嶙峋大海遙光起高空爽氣新薄寒猶戶牖清  
夢滿松筠

發谿隱二首

農丈人詩集

卷三

九

塊礬白雲懷無端送客回錦屏千疊疊氣色一  
時迴選石繁陰下飛觥積翠來去留吾自得何  
用鳥聲催

大麥看苗鷗清溪天上流鳴禽如感嘆古墓為  
遲留石罅沉雲響沙明宿霧收大湖曾接海今  
日半平曠

吊朱邦憲三首

宿昔神何壯泉臺路已微片言天地在萬事死  
生違放達憑誰健英雄過眼希吳淞何限水不



此淚全揮

那更馮陵甚都稱決驟殊有酬身可借無賴酒  
為徒人面勞相向高風莽自孤生芻蕘遠道慟  
絕此人無

登木幾人誦逍遙索爾何生平存海嶽意氣想  
烟蘿遺恨青天薄留芳白日多蚤看諸傳在不  
媿殉山阿

次韻答屠長卿進士都門贈別三首

落日催歸騎春風引別卮總多游子意聊與故

漁丈人詩集

卷三

十一

人私廣陌鵲鳩語長渠楊柳絲勞勞都在眼那  
復向君為

莫更悲前路何須怯後卮世情真汝艷天意或  
吾私遜世惟玄草驕人有素絲乾坤方浩蕩一  
任楚狂為

脉脉看長缺送送把濁卮誰言一日醉不是百  
年私珍重懷中字綢繆膝上絲傷心茲道絕乍  
可昔人為

侍司馬公癸曠晦至茂嶼十六韻

薄渚有餘清看人白鳥明遙分平野色乍入大  
江聲旋旋空濛失嶺嶺積翠生短檣當岼立老  
鶴逐陂行進艇枯河溢扶筇絕巖危懸驟別  
樹神漢墮前楹日月頻揮柳山川暫合并雙眸  
疑不極一嘯意難平壯志聽鵲鳩高懷訊杜蘅  
交情多險巇世事大縱橫珍重鱗魚膾尋常竹  
笋羹奕過天再旦睡到日西傾有地恣幽討無  
時解宿醒乾雲樛老石苦霧冪荒坪萬慮緣於  
俗千年好是名滄洲鷗鷺在敢悞舊時盟

農丈人詩集

卷三

十二

送劉明府擢戶部主政北上時余下第東歸

去年逢君帝京陌斗酒相勞頗不惡今年送  
君甬江北握手相看殊不悽丈夫意氣山可吞  
得意失音寧足論鷹揚虎視亦常耳終然俯首  
甘丘樊我今又謝長安道顛毛種種如衰草誰  
言國家真渴才如君遷轉曾不早君官東海  
今幾年京多悃悃蒼生憐由來不及巧宦徒空  
名長後他人先英雄豈必遽有聲因人稍得論

平生 朝廷所須直何等誰將一補涓埃明以  
此無論遇不遇人生况是草頭露君行勉旃奮  
烈光我且蓬蒿守窮故

柱笏齋走筆為常山令唐長公賦

天門一柱矗天起翠削芙蓉散晴綺海底瞳矐  
射欲青林端霏霏拂初紫主人睢盱若端委盡  
日垂簾讀秋水秋水清冷巖芳芷甘雨和風滿  
江溪單父之聲定何似旅穀野蠶紛奏喜峰文  
未動景未移倏忽遙光下天墮

農夫入詩集

卷三

十二

寄懷舊督府顧公益卿先生

唾壺缺盡不勝情花下憑誰狎巨觥笑指青天  
迴目睫醉眠白石數髭莖專場握槊驚猶鬼秘  
悶彈碁沸若兵聞說魯陽曾及景短戈空向膝  
前橫

集楊林向樗園

不施斧鑿自天成海闊風迴俯太清選石已曾  
無百品種花况又及千名遣將霜髻蹉跎日聊  
作雲壘爛熳情祇恐星槎凌漢去白鷗閒殺舊

時盟

送史方伯入覲

鳳城迢遞引征旄龕楮門前送海濤矯首山河  
文陛切俯躬天地句臚高外臺總識尚書履中  
使先傳岳牧袍定借山玄光九列空煩竹馬候  
江皋

李子行別駕見過與之小酌

淒其積雨閣茆堂誰劃江天萬竹光笑我世情  
直莽蕩多君心事不尋常軟卮吉綯遙相韻絃

農夫入詩集

卷三

十五

語幸夷宛自香寧取沼中青石髮英英幽意滿

芳塘

早起全陳明府登候濤山

天地平臨氣色開扶桑高捧大明迴龜鼉接舄  
無前後鵬鷖揚旌有去來極目不分千里外遐  
心都在百層臺朝朝夕沙常如此猶自令人漫  
是猜

送楊義問之任汀州郡幕

新羅直上卧龍墟斗絕曾聞嶺嶠殊嵐氣滿天

常晝合溪流到郡總南趨一行作吏蠻荒遠萬里携家赤日俱應有彩雲長五色憐君將母為君扶

別邦憲諸郎君有序

余哭邦憲海上留其地六日邦憲盛有俠名豪於酒德心期長往私悰不歡既行邦憲丈夫子九人送余江潯悼往勸來微旦不罷遂成茲賦哀滿于篇

宿草茫茫絮酒孤片帆渺渺夕陽徂寒潮有恨

農丈人詩集

卷三

十四

分前浦白日無情滿大湖哀至不妨頻痛哭醉來何地好狂呼總多繾綣須臾事目斷江天九丈夫

送吳無競應試南都時其尊公來守寧郡

因致祝私云

南國遙遙江路賒綵雲一縷碧天斜依期潮到青棠楫得意人乘白鼻駒結綺樓前歌正沸披香閣上鼓初過邦人無地酬明德蚤已文芒照海涯

督府葉公討平寧夏饒歌十章

何物鴟鵂畫作噪縱橫并入犬羊騷旄頭指虜妖氛淨萬落驩呼大轟高

朔漠如沉掣不開九重震怒赫於雷劃然萬甲增神彩一劍從空忽下來

真箇高牙紫電翻我公是日鑿凶門黑山陣陣風如掃知是昆吾驟虎賁

本是么麼不足烹釜中猶自假餘生諸君但駕衝車去不是當時統萬城

農丈人詩集

卷三

十五

山後林林窟犬戎諸凶駕馭虜呼風噀雲射死

山前路此是轅門第一功

丁廣當時便剿除石城滿四迄天誅腥臊不足

膏黃鉞九廟神靈旦夕須

大河濯濯走馮夷水底游魂水面追更是祝融

齊併力一時小醜盡俘累

檻囚日夜走風旛燕市西頭貫索尊痛殺關南

李節度剝尸萬段不償冤

孤障峻嶒生紫烟賀蘭山壁即燕然天聲已奪

檀表膽若箇西人筆似椽

虎符前日耀扶桑銅鼓風高龍鬼方再問焉支  
山下路策勲特地坐明堂

皖城道中憶故令李子靜二首

過盡青山粉堞明故人曾此牧山城至今父老  
猶含淚灑向東風寒雨生

客路羈人一倍卑山城二月不勝寒傷心最是  
平生語攬取年來白髮看

淮上逢徐孝廉士彰口號二首

農丈人詩集

卷三

十六

黃金不惜起高臺頭白徐生又北來懸着雙眸  
看海內只今誰是郭家才

攜手同君上大堤幾年前事不曾迷秋風默默  
且西去說着令人不願提

送傅思履歸廬陵四首

有序

思履來海上省其兄侍御公戍所已而  
歸省其家翁思履之來也嘗讀書候濤

山山又名鰲柱云

撼撼秋風木葉飛知君涕淚滿征衣扁舟又下

西陵去兄在江東弟獸歸

紫芝眉宇我曾逢魚服真看箇是龍記得山僧  
頻說向讀書嘗在候濤峰

幾登鰲柱俯江關黃鵠翩翩空大寰萬里不留  
雲一片送將雙目到三山

金鷄消息未曾真無計相便慰老親但得南山  
無恙在不妨白髮滿頭新

題四時山水圖四首

漠漠蒼光遲幽谷東風無限吹江渌滿天烟雨

農丈人詩集

卷三

十七

一竿深啼盡歲時鷓鴣綠

芳樹籠烟復籠霧綠陰不斷山如暮落花故拂  
倦游人拍點前村問來路

萬落蕭疎秋氣早片雲不到天如掃蒼崖直上

青冥深猷樹垂垂向人老

寒重梅花鬱亭毒風吹一夜湖山曲幽香何處  
寂偏多雪上今朝見人足

雲間復雲間為陸都運題八命封冊

凡五章

雲間復雲間金莖翠節鬱彼閭闔闔明堂開禮

閒閒格澤被組蓬蒿抱綸紵負錯彩寶若環

章雲間復雲間追庸邈賞宛彼咫尺顏清問下

佩珊珊龍翔碧牕永明朱殷錦紋孔出緯若斑

右二章君家老基在懷橘郁敷蔓穎夢何必鑒

在端門左泰壹大海繩繩逮其耳赫赫紃紃懿

厥始右三章君家舊德在斷葱蒼精晻藹天與

通倚蘭扶荔馮而登前氤後氤霽來色商爾千

天明若午右四章麴部麴部不軟醅飽卿飽卿

常苦饑泉府泉府臣敢緇下令如流水門杜謹

農丈人詩集卷三 十五

持之鞠躬屏息敢忘皇天私右五章

盧憲仁祠部言事受杖賦此訊之

大風揚沙天若赭萬人辟易散如瓦霹靂九關

驚忽下螻蟻之軀焉足假是時召客滿吾邸彈

缺吹竿差可喜四座聞之盡闐然商聲頓絕羽

聲死翠海搖搖誰轉驪狼籍君前一囊粟天地

倉皇不可分鉤陳此夕空踉蹌勞人草草驕人

吁蹴舅細事有嚴誅明朝意氣揚揚者騁唱如

雪過九衢

賦答馬聚生水部近體二章

美人何處理桐絲昨日初絨郭雪辭落落空江

星可數茫茫遙海月難期天家大事青萍老塵

世榮名白墮遲少府金錢都散盡諸君猶自然

支祈

黃鵠山長入夏陂嘗聞蒲汭發神奇滄光送劈

金鷄鵲虹采高憑玉鷄鵲風尚已多先輩事品

流應是後來師長安無那囂紛甚立馬看山得

幾時

農丈人詩集卷三 十九

奉詔供事諸陵道中即事

蒸蒸勞睿想鬱鬱啟嚴程雲接長河白風驅大

漠清周遭高作壘警衛盛陳兵可是費天路諸

臣容易行

訪克平令李韻美

好友遙能待故人閒可來訟廉亮寢息官路鶴

遲回高步天聲動英談夜色開品流誰得似北

海故雄哉

農丈人詩集卷之三

書記周禮寫

農丈人詩集卷之四

目錄

廣陵別陸無從諸友二首

送離丞屠田叔入閩時余補叅閩藩不能

拜 命漫爾及之

僧有號叅竹者索余賦之遂成長句

自昔二首示楊伯翼

古劍

司馬公錢別全諸君分韻得涯字

農丈人詩集 目錄卷四

閩門逢袁羽歸四明邀余叙別仍用涯字

無懷社中諸友

舟次睢寧因憶胡孝廉以是日北上

彭城道中即事

魯橋村

舟中元夕

渡淮

入雍奴寄沈肩吾太史

楊村曉發

燕邸

賦名大石尊送楊公亮叅議閩藩

且啜惠山泉水歌贈盛山人

張司馬公伐山望湖

雲間張虞侯過訪因贈并訊吳明甫戶曹

馮咸甫孝廉

贈屠緯真五旬生日

吳虎臣携尊褚園

贈戴德仲文學有序

農丈人詩集 目錄卷四

送默生

張司馬公壽日招游武

抵江乘

別國雍北上二首

芙蓉二首

初聞陝右之命偶占示田叔奉常二首

夏五訪文融即事二首

寓杞適徐令君譚梅禹金近以誦通二公

車志喜

送弟察東歸

應制題玄兔卷子十五韻

贈李慶士

百花亭長歌為華園

范鴻臚奉詔滇南賦贈二首

送楊叔向參政閩藩叔向舊參八閩今再

起仍駐節延建云凡二章

石東泉給諫上書受杖削籍歸時余適試

公車悵焉懷贈

農丈人詩集

目錄卷四

五

壽方母六旬母生辰益重陽前一日

游阿育王寺

阿育王寺舍利

寄贈中丞嵒峽張公巡撫宣鎮五首

偶題南陵縣齋五絕句

趙姬墓二首

送李廉甫節推鳳陽二首

送屠田叔薩丞還任閩中四首

送劉推府奔訃遼陽四首

贈葉參知入賀

贈潘殷甫文學

朱汝虞廷尉守官介潔奄然遐棄兩方伯

溧陽史公海陽范公閔其貧為置田四

十畝賦此奉頌高誼

彥遠弟卜遷新宅奉賀近體一章

為袁應祺進士題杏花卷子三首

農丈人詩集

目錄卷四

四

農丈人詩集目錄卷之四

書記同禮

農丈人詩集卷之四

古鄆余寅僧杲著

廣陵別陸無從諸友二首

伏火爍泰空狂波竟天外上顧寘舒爽下顧增  
煩慨撫茲疾疾嬰况乃滯全壻清風揚景芬何  
時發嘉賴縱橫起焜煌儻失平生喟良友不自  
意聊樂江之介薦賞各所陳一談迅百快擬議  
都有經無慙古人在

其二

農丈人詩集

卷四

我友殷以惜存情何鬱紆申章各不淺大旨紛  
來斟千里密同好意氣充長衢好鳥一失群旦  
暮相悲呼豐林亦云愜孤景寧默愉笑語豈不  
溫愛與知者俱兩心誠有達四體為之舒明晨  
懷苦辛不若立斯須

送醵丞屠田叔入閩時余補叅閩藩不能

拜 命漫爾及之

大江浩浩露華白大鵬呼風送潮發行雲欲歛  
忽瞻靄可柰樽前半輪月憐君對酒頗不弱時

佐談鋒宛乎霄一旦量移到海邊不肯低眉稱  
落魄五尺身才百尺強高標颯颯松風長雙眼  
不識公與侯長揖之外無他腸有賦不登七寶  
床有經不講百福殿歌曾塞鼻人不聞巾曾折  
角人不羨前代聖書今令甲當途往往遭馮伯  
空聞拂拭萬珠璣剖向君前似肝鬲咄咄相看  
白髮新英雄到此俱逡巡我今已謝無諸國暢  
亭勝事何嶙峋流螢點點綴君衣總為從前惜  
翠微芙蓉兩岫招搖去倘有羈魂後夜歸

農丈人詩集

卷四

僧有號叅竹者索余賦之遂成長句

吾聞浮筠之幹錯青紫砂磔齟雲沓空起檀欒  
切曼鍾磬鳴嬉游紛屬來僂趾何物必芻證淨  
域絕無緇絰應如是金光巨海若泰空豈必碑  
礪苑成壘我今試問蒼筤君日夕顧之抑何以  
已着放下梧桐花又忽拈花笑不止淨居天宮  
無上尊婆羅雙樹宛其死幾人夜臺白如晝幾  
人火宅涼如水蒼筤蒼筤胡為耳君今顧力竟  
誰似前身或是迦闍子大象當時曾負爾



自昔一首示楊伯翼

自昔豪男子能無恨索居風雲驕若此日月驕  
何如赤彈遮人少黃金結客踈百川不到海那  
待號歸墟

古劍

神物自乾坤無言意氣尊劃雲看決絕傍斗見  
飛翻土蝕花成恨龍憑水作魂誰能甘睚眦不  
向此中論

司馬公錢別全諸君分韻得涯字

農丈人詩集

卷四

三

拜手上公家前旌紛彩霞出中人出祖江上客  
乘槎古木封微霰寒雲涵淺沙大廷倘相借  
未敢恨天涯

閨門逢素羽歸四明邀余敘別仍用涯字

無懷社中諸友

相逢吳子國相別麗人家舊自憐鄉曲貧猶過  
狹邪高情緣箇重新句得誰誇明白知君去無  
言寄海涯

舟次睢寧因憶胡孝廉以是日北上

涼月有何意哀鴻只自繁微茫開巨浸踈豁見  
平原澤氣秋天杳雲陰夜壑屯坐來超忽甚正  
爾憶飛翾

彭城道中即事

土霧暄秋重嵐霏買夜層培塿高自劇激浦急  
相仍歌石勞甘嚙迴沙駭善朋戶炊何用好蓼  
實亦堪登

魯橋村

半景臨墟鴈雙榆關里門秋風吹巷陌落日散  
雞豚野外桑麻潤山中父老尊喧喧村釀集賽

農丈人詩集

卷四

四

鼓正黃昏

舟中元夕

何地綠烟開宜人好月來他鄉逢節序良夜惜  
徘徊老自扶雙鬢狂誰盡一杯羈心與華燭不  
任九枝催

渡淮

不忍淮揚水湯湯萬里隨侵尋成駭路湍瀨足  
空陂成鼓登陴急炊煙望屋遲玄圭并白馬歲

歲使人疑

入雍奴寄沈肩吾太史

記得長安淚雙垂大道邊肝腸盡一別淒斷已  
三年古堠懸秋月崇城倚暮天可憐敝裘馬又  
向薊門前

楊村曉發

涼月總踈踈催人上客車微茫窺道路嘈雜過  
村墟遙听分水壯空郊阻雪餘晚來看朔氣只  
讓與屠蘓

農丈人詩集

卷四

五

燕邸

一枝聊鷄息萬里謝鵬圖宛轉腸為結婆娑影  
自扶坐叅病羽客出控老髯奴盡日長松下輕  
塵覆綠蕪

賦得大石尊送楊公亮叅議閩藩

大石尊者越王宴集賓僚飲酒之尊也  
今在閩之九仙山上

大石尊何磊砢一片鴻濛缺色真縱橫歷錄蒼  
霞蟬舁唇哆口腹更饒越王曾向青天驕醉眼

模糊拍龜鼉豪心猛氣欺高颿即今漲海雄風  
死空留此物見奇詭無數山魑嘯草根蝦蟆躑  
躑據其耳時來更值新主人高懷頗足稱嶙峋  
放衙未了忽若恚滿前盡走觥錄事不顧玄灑  
液不顧英瓊漿但挾殷紅十八娘一顆一盡一  
百觴掀髯咄咄差相當人生適意即爽塏富貴  
在前烏能待無諸小子今安在今朝髮白昨朝  
鬢昨朝花發今朝墮阿誰束縛直甚窘獨醒之  
徒真可憫大石尊聊自哂

農丈人詩集

卷四

六

且啜惠山泉水歌贈盛山人

天晶晶日浩浩秋風廓落開長道與君攜手登  
惠山斟酌清冷解懊惱我既謝樊籠君亦甘潦  
倒舊事淒涼瞥如掃人生坎壈常是多功能何  
物開懷抱山中有鳥泥滑滑得過且過聲更好  
莫說眼前無至寶請君日日向泉邊一飲一掬  
堪共老君不見兩人頭上俱衰草

張司馬公伐山望湖

伐木千章望望通一凌坦蕩大湖東寧衣未使

蒼茫隅照面能令睥睨空勝事不妨頻作祖後  
生何處揖高風勞勞鞭石當年者歎息于今定  
不同

雲間張虞侯過訪因贈并訊吳明甫戶曹

馬咸甫孝廉

看君眉宇故軒軒不合長埋在澤樊雲際珮來  
光可掇林端嘯罷響猶奔風塵若箇心期在湖  
海如今面孔存柳上雙珠堪照乘空多聲價滿  
江門

農丈人詩集卷四

七

贈屠緯真五旬生日 緯真好道故有霞

宮之云

文昌星精煒何燭初祝鸕鷀五旬杓竹籜僊冠  
歲委迤玉鴻帝硯日旁礪脩脩獨鶴引吭長漠  
漠蒼松偃蓋廓早晚霞宮結藥珠莫漫空函贊  
聊略

吳虎臣携尊褚園

空將華髮逐他鄉更為名園坐晚涼獸石偏憐  
人睥睨高松寧解世蒼茫樓臺半入滄浪色鳥

嶼全飛杖杜香季重年來頻廢酒都無清興什  
倡狂 時虎臣有酒戒

贈戴德仲文學 有序

德仲尊人水部公與其兄三先生俱甲  
第通顯千古罕匹而水部公乃翁儒紳  
古德寔開毓諸彥德仲是年六旬輒脩  
陳之不及祝言於是俚拙遂覺彌多

盛事當時萃一門呂梁使者 勅書尊黃河此

日猶清在小戴于今有聖存翠栢枝頭聲自切

農丈人詩集卷四

八

紫荊花下語長溫祖翁故研真嘉璧傳到君前  
第幾孫

送黔生

大江黯黯意何長二十年來事渺茫世外定誰  
憐 旣辭風前猶自詫肝腸梅銷舊壘仍秋草黃  
尚荒廬幾夕陽今日新都誰競爽大郭靈氣倘  
迴翔

張司馬公壽日招游武陵

秋色晚逾開蒼茫靜綠苔言追靈壽杖不住叵

羅杯花為愚公發雲知聖女來座中誰家甚狂  
蕩不知裁

抵江乘

蕭瑟古江乘涼風日夜生荒池并斷龍謝野與  
檀城舊事海潮去新愁野燒明墓旁花爛熳正  
憶下忠貞

別國雍北上二首

此際復何語此中那不歡一朝逢我易千里別  
君難握手當江詩論心正歲寒無勞頓悵望前

農大人詩集卷四

九

路尚漫漫

熟計無通路深冬有問程與君愁到別空老作  
何名萬樹風吹盡千巘雪築成旁人笑顏駒又  
索劍門行

芙蓉二首

艷重寧為有閒來淡欲無水知雲不染秋忘月  
長孤已絕三千眾猶輕十五都溫柔鄉總好未  
敢命前驅

繁露下天孫娟娟靜可論香無饒玉珮光自輝

華軒薄粉寧須假驕朱未假尊關關聽執手為  
爾酌芳魂

初聞陝右之命偶占示田叔奉常二首

隱去我曾云今朝計不分一身羈似束兩地戰  
如焚飄忽風中土低回原上雲深衷良自苦灑  
泣鬼神聞

幾年京國事鬱碑在胷中祇為耽閒秩無由奮  
薄忠不緝從髭白長鳴任耳聾平生餘勇在一  
向故人雄

農大人詩集卷四

十

夏五訪文融即事二首

煩囂不到門閭寂似江村遲我乘潮至多君卓  
午論千秋存委巷萬事待臨軒叢竹知人語風  
來不覺翻

夙昔亦何哉懷人不可裁驚看梅子熟笑指棟  
花開世大終難寄天高斷可回山中有鷓鴣莫  
漫詫深杯

寓杞適徐令君譚梅禹金近以誦通上公

車志喜

梅生無恙在慰籍故難量冠與高雲切衣仍宛  
地長文昌司大命太乙借餘光喜劇熾廊上諸  
生姓字揚

送弟察東歸

客路逢吾在鄉心為汝繁百年雙淚盡萬里一  
身存自發耶塵世驅車復里門大江一以送飄  
泊不須論

應制題玄免卷子十五韻

帝座靈臺暇皇披異質明自天勞拂拭應月與  
農大人詩集卷四  
生出色正當宸極賜高屬上京圃知玄氣積澤  
想泐光生似矯纒旂繞猶馴黠輅迎堅縻留作  
關純漆點為晴在野原幽翔于達更穆情彤庭  
憐自好髣殿撫初呈葉密僊人杖花芬神女嬰  
且從窺燧影未能隨環形占律經千紀旋魁配  
五行睿情欣泰運秘錄啟王正長跼開瑤軸分  
題指玉衡 至尊無別囑篤眷在嘉貞敢問雄  
相祗寧論窟獨營

贈李處士

吾聞聖代置博史高標特行風州里後生不敢  
稱鴈行至今袒割勞天子此道如今棄若塵乞  
言之事誠嶙峋朝廷存開時時有何曾一及蒿  
萊人所以李君躋大畫曠然猷卧煙霞窟老眼  
摩娑九十年萬事如風吹一呖曾聞太守賓右  
筵又聞縣令徵詩篇縣令朱君我蒙厚恨不談  
君縣令前冀臚龐軫郡更瞻梁鴻何用離鄉土  
五色雲光高可藏相從東嶺賢人聚如君有道  
不為貧已聞縣令復君身尋常一毛亦帝力况  
農大人詩集卷四  
迺篤粘真粉繪若木之枝竟何處朝朝扶日升  
天路此事竟唐詎可論請看君家老椿樹  
百花潭長歌為華園  
涪洲島邊何清玄國周遭規作墅有美丰神  
東軒舉夢寐蓬壺游帝籙長代夫公渙零滑靈  
曲異穎紛如旅白纈紅程并黃拒一笑顧之真  
解語雨微風舞月延佇娉婷在幄貫在序柰可  
禁當數對汝摠付千巡呼昔醕佐以清揚歌激  
楚

范鴻臚奉詔滇南賦贈二首

天子垂衣總萬邦詔書十道擁飛幢  
憑日月迴蕃部獸護風雲過麗江  
地極祥柯千微合雪深瘴癘萬山降  
不須開府看英蕩使者占星已自雙

龍章遙下金函重虎旅傳呼玉節新  
絕域總驚天咫尺蠻方初識帝絲綸  
風旋萬落開秦路雷動千麾渡漢津  
今日皇圖真廣大無勞更祀碧鷄神

農丈人詩集卷四

十一

送楊叔向參政開藩叔向舊參八閩今再  
起仍駐節延建云凡二章

簷幃曾識荔枝丹舊使君仍戴法冠  
千社已成都嶮岷十年不改步邯鄲  
旌麾雲捲秋巖淨鏡吹風迴漲海寬  
此日將離無處覓贈君滿握翠琅玕

沉醉何妨發歎奇送君猶恨用君遲  
掀髯湖海多相詫屈指乾坤竟是誰  
小醜幾時伸廟略大盈無計慰宸私  
野人何與天家事臨到潮來不

可支

石東泉給諫上書受杖削籍歸時余適  
公車悵焉懷贈

萬死憐君灑淚看昨朝初挂惠文冠  
時平猶自危明主恩重何須食大官  
遠樹低空看馬去驚沙吹雨向人寒  
更煩相國能存問珍重孤臣好自寬

聞某相國贈銀醜二云可貯藥也給諫  
拒不受

農丈人詩集卷四

十四

壽方母六旬母生辰蓋重陽前一日

未瞻令母識郎君曾共天涯憶暮雲  
已分百年稱永畢宵令一子遂無間  
內家未樹棠萱佩南極先遺錦繡裙  
莫道向來華轂盡祖宗風度尚氤氳

許阿育王寺

登登覺路寶幢平有竹扶人自在行  
不盡秋風吹古瓦半空雲放太光明  
高峰爽氣孤亭得九月寒空萬里清  
天地幾人逃幻劫不妨今日地

輕

阿育王寺舍利

西來舍利有還無金碧莊嚴極海隅萬里從分  
初地果千人真說戒壇珠浮圖寂寂燈猶朗法  
衆紛紛鼓自趨靈雨乍收清梵徹香花吹落白  
毘毘

寄贈中丞峒峽張公巡撫宣鎮五首

虎符曾轄大江南練甲三千白晝酣天子一

朝思李牧十年龍劍再開函

農太人詩集

卷四

十五

九重北顧正如焚鎖鑰如今寄到君上谷年來

誰家烈飛將軍後寂無聞

張員行兵捷有神白龍堆上望胡塵諸營新結

長蛇陣來歲黃幡正在辰

自從飛燾捲天聲夜夜旌頭不敢明決却雙此

看獸石要將鯨觀與山平

長得天驕作外藩國門匍匐廟謨尊書生只合

銘功德不合私將塞事論

偶題南陵縣齋五絕句

春深那敢恨蹉跎花影悠悠滿綠莎散罷午衙

無一事自憐鵲鵲鳥聲多

青天無語理桐絲起視堂皇晝影遲彈到幽蘭

淒絕處雲中玄鶴舞差池

當時畚鍤總如雲今日農歌處處聞青弋江頭

人共說使君容易坐斜曛

疎簾寂寂舞檀欒笑指東風試簪冠今日不曾

輕縱筆酒杯應比舊時寬

尋常書幌不曾開只有黃鸝啄次猜認得花陰

農太人詩集

卷四

十六

過幾尺殷勤索報主人回

趙姬墓二首

竹樹蕭蕭暮雨哀青鸞去遠客重來秋風二騎

空回首稍掬清冷薦夜臺

空將芳意遺蹉跎地上相逢地下多青火至今

埋不盡一燈昏黑下藤蘿

送李廉甫節推鳳陽二首

海薄峰迴龍虎扶古塗山國是中都此間父老

今何似定憶高皇舊賜醕

都梁山上故宮非只有香風滿路輝此物至今  
堪作佩憑君采擷當靈飛

送屠田叔離丞還任閩中四首

花塢參差起棹謳蹉跎又上木蘭舟紅亭綠樹  
多情思鷓鴣春深怨未休

芳草萋萋滿道周王孫行處不曾愁七閩只較  
三千里縱是天涯未盡頭

不少知音傍綠尊海潮無恨出江門如今只作  
紅塵去白石幽蘭且莫論

農丈人詩集

卷四

十七

下捷何知歲月寬偶然出郭一盤桓酒杯影裡  
是何物不敢分明指簪冠

送劉推府奔計遼陽四首

素旄離迷下海門故衣何處好招魂楊花無那  
漫天起點着斑斑盡淚痕

一夜酸風渡若邪濕雲淒斷在天涯江壩多少  
倉皇淚灑遍山中躑躅花

雨中飛鷁已乘潮雨外芳蘭空自遙誰說石帆  
賜不得江天黯黯路蕭蕭

公道神羊到海隅傷心萬里失慈烏贈君七尺  
桃枝杖彊為蒼生善自扶

贈葉參知入賀

萬靈驥北首千騎擁南鑣嚴伏渾疑切華旂迥  
自遙憑空瞻太乙取次遡神霄莫漫驚雙闕常  
年學鳳朝

贈潘殷甫文學

林宗巾自墊彭澤履曾捫豈不青衿重由來白  
恰尊殘編離歲月古屋贊乾坤歷歷占星象憑

農丈人詩集

卷四

十八

誰聚德門

朱汝虞廷尉守官介潔奄然遐棄兩方伯

溧陽史公海陽范公閔其貧為置田四

十畝賦此奉頌高誼

灑泣寒空不盡哀幾人扶義到蒿萊高天不庇  
英雄老厚土空煩雨露培壻墓有靈懸劍在泉  
壤無語東蜀來津津俠烈都曾說容易聲光徧  
九垓

彥遠弟卜遷新宅奉賀近體一章



蘇余自昔尊吾祖句角如今頌爾孫直跨大江  
開閭閻遙從玄圃種蘭蓀穎川親署高陽里北  
海新題通德門金埒寶鏹俱長物抑之篇誦即  
崑侖

為袁應祺進士題杏花卷子三首

金鏹散作葩絃服照成赭擾擾陌上人誰非爛  
熳者

我謝長安風子醉長安日人生各有時何悟遂  
相失

農丈人詩集卷四

十九

聞說明光殿栽培得幾株榮名與嘉穎還共栢  
梁俱

農丈人詩集卷之四

書記

農丈人詩集卷之五

目錄

瑤池曲三章壽雲間陸大參母夫人

寄贈錢汝瞻侍御

集張司馬公山亭

送沈嘉則

汪惟一携尊落石

吳仲實邀同水竹塢

吳伯舉酌溪上

農丈人詩集目錄卷五

一

谿園同吳仲足賦

汪長文袁穉章集小樓分得雲字

過錫山悼友人陳貞父

餞別肩吾郊外不至詩以速之

集屠田叔霞爽閣餞肩吾

翁令公邀集陸園賦謝

張孺覺邀同陸啟原陪翁令公於蕭園園

即孺覺尊人司馬公所遺構孺覺加闢

焉余於司馬公稱門下士故多感舊之



傅御史行有序

維揚送彭郡博之官

贈開府中丞劉公

贈門人郝謙伯孝廉

陸啟原叅知邀集湖樓

贈江都陸無從

留別社中諸友得斜字二首

東歸舟中寄懷周國雍四首時國雍為南

戶曹

農丈人詩集

目錄卷五

三

同張司馬公游茂嶼四首

送吳山人游三衢二首

留別汪禹人三首

王仲律見過與之譚玄別而贈此三首

題逗雲湖

題緯蕭軒

游四明山二十四韻

瀛海曲七解有序

巡海使者范公即轉浙江右轄賦贈

贈隱君葛公旦

題醉茶軒

歙僧朝海過訪賦此為贈因寄溪南吳氏

諸故人共四首

農丈人詩集

目錄卷五

四

農丈人詩集卷之五

農丈人詩集卷之五

古鄆余寅僧果著

書影圖  
書影圖

瑶池曲三章壽雲間陸大參母夫人

瑶池安從默其若蒙望經天外宛彤自宮有姥  
都之宜聖容後天而老穆且雛

瑶池安底曾城周時沕滴爰起迎景及履有姥  
馮之委其似迴旋日月提萬喜

瑶池安育百球攸族天柱斯轟上帝曰篤有姥  
眷之見耆鳳章則義問騰九牧

農丈人詩集卷五

寄贈錢汝瞻侍御

昨日長安塵似土諸公頌洞如哮虎今日長安  
土似塵諸公滅沒成飛燐綺陌香街花幾度猶  
憶當時夢中路一朝顧盼生光輝使我聲名走  
如赴世路悠悠邨復知散盡波濤起烟霧猷有  
從前老布衣不忘摩娑古庭樹等閒萬事熬可  
論姓名何必盡麒麟君家業桂鬱森森我亦拂  
石栽脩筠  
流雲坐超忽將雲比髮髮更白  
如此頭顱欲待誰白楊夜夜號西陌荒垌木落

評猶煖富貴不來空恨晚脉脉銜杯學避人不  
問從他詭偃蹇

集張司馬公山亭

不分湖光駛紛從雨色來殷勤勞白恰次第俯  
青梅苔密親綦履花殷膩酒杯後生饒自喜歡  
伯莫須裁

送沈嘉則

別去窮分明令人不願醒碧梧天一半何限大  
湖青積水明殘日空堤散曙星倉庫端自好早

農丈人詩集卷五

晚傍誰聽

汪惟一携尊落石

懸水絕浮埃天青列障開暫相豪短髮應共倚  
深杯密雨常歸樹輕雲不破苔偶然成俯仰魚  
鳥莫須猜

吳仲實邀同水竹塢

牢落吾方甚沉冥爾更深人情看道路世事憶  
山林挂幘當清沚開尊對碧岑炎歊胡乃甚  
鮮拂衣心

吳伯舉酌溪上

宛宛坐沙塢長楊漫遠天歲人蘿薛裡餉客菱  
荷前風已辭關閣雲堪老倭伶歌成池水綠茲  
意若為傳

谿園同吳仲足賦

曠望一登樓長空莽不收日亭千竹午天暮萬  
松秋容與洲前意差池物外儔自堪藏赤日何  
用恨淹留

汪長文素稭章集小樓分得雲字

農丈人詩集卷五

卷五

三

有友坐宵分清言自不群天清放寥廓林白走  
氤氲興羅旋生雨情來直造雲南隣富絲竹歌  
吹正紛紛

過錫山悼友人陳貞父

逝矣陳貞父經今又幾霜暮潮隨地滿秋草徧  
天長有膽能剽決無髯自戟張應多靈氣在夜  
夜燭高岡

錢別肩吾郊外不至詩以速之

稍可須臾得終然佇望孤蒼茫如密雨靡落在

平蕪高鳥披空入浮雲絕上驅青桐當水滴意  
甚為誰都

集屠田叔霞爽閣餞肩吾

不謂王程促相將丙夜追華燈紛旂旄大自任  
支離綺閣明星衆高城朗月遲徑排嚴闥去不  
問主人辭

翁令公邀集陸園賦謝

睥睨前頭景物賒何須題鳳到他家園林韶媚  
知風信水石清芬借月華曉逐鳴騶喧燕雀春

農丈人詩集

卷五

四

隨飛旆轉桑麻使君盛德如玄酒且放漁陽別  
日槌

張孺覺邀同陸啟原陪翁令公於蕭園園

即孺覺尊人司馬公所遺構孺覺加關

焉余於司馬公稱門下士故多感舊之

語云

司馬丰標蓋代希辟彊園好重追思其臺此日  
明明在杖屨當年步步隨雲樹臨流相映帶星  
河微曙有低垂君侯雅自憐名德肯借高軒到

才湄

屠緯真邀翁令公集娑羅園緯真好道得

稱飛瓊

霞薨層疊自逶迤風尚出宮薨盡榜題問酒有名  
今下箸聽歌無恨古前溪一林好鳥啼芳樹五  
夜明星爛大堤曲幄貯將誰得似許飛瓊在萬  
花低

陸啓原邀陪翁令公於湖樓是日雨即事

不量晴雨便稱危此日湖樓別有姿雲勢轉看

農丈人詩集

卷五

五

成峯崔風紋不斷走連漪輞川庄上尋遺跡杜  
曲城南空古陂惟有祠前老蒼栢曾聽蕭鼓夜  
闌時

陸園奉邀翁令公同諸君即席賦

東皇淋氣傍湖來西府名花特地開萬姓喧闐  
齊出戶群公揖讓共登臺從今委巷生顏色自  
古高情屬草萊靈犀揣知人意思不將更點數  
相催

楊叔向邀陪翁令公於樗園分得濛字

使君盛有古人風不許騶徒近赭桐新綠滿山  
俱幕歷繁星在水盡空濛短簫不隔巖花外孤  
艇長迴澗竹中座上何人頻岍憤願將狂簡乞  
山公

張司馬席上留別二首

碧樹引湖濱離歌倚夕曛高天初放月客路獸  
塞雲草綠川原接梅黃節候分愁心芳杜盡不  
忍向君聞

花下暫留歡高堂寶瑟寒老嫗名姓賤貧識道

農丈人詩集

卷五

六

途難汗漫真吾事蹢躅且自安贈言勞大貝珍  
重醉中看

李賓甫招游蕭臯二首

隱隱迤芳洲鱗鱗宛綠疇雲來疑谷口雨絕渺  
江頭蘿薜情何限滄浪意可酬濁醪如紫萸莫  
不似鴉鳩  
霖霖午烟微流連夕照違偶然江水綠忽漫拂  
人衣是鳥邀歡盡何雲與倦非青棠一萬樹思  
殺老漁磯

送李道甫念靈山東

除目偶然聞量移又到君敢言誰不次竟失  
為群歷下來清濟封中起白雲三齊災沴日正  
想藉氣盪

裴太僕省親歸臨汀賦贈

暫輟垂黃寄遙將夢綠輝 帝憐雙白髮詔賜  
與斑衣春雨萌初茁霜潭鯉正肥六時調膳罷  
莫不憶 皇闈

汪長文治具湖堂對菊

康丈人詩集

卷五

七

逸興太湖飛蒼茫上白衣地將人共老霜與菊  
初肥遠韻通秋壑幽香散夕扉杯行天漢轉直  
犯啟明歸

全屠田叔李之文林道卿集楊叔向樗園

古樹叢侵閣明河高壓城白蘋洲共遠青雀舫  
初輕病覺酒無力愁知花有情流螢紛箇箇隨  
意拂雕楹

燕坐偶成寄文融

日日踈踈薄松雲冉冉低累巾還自岫把筆為

誰題廓落心仍壯蹉跎事不迷舜江才百里流  
恨水俱西

小憩天童禪院

長庚來寶地帝遣護禪闍象設虛無外玄通窈  
窕間白雲閒在堊明月靜於山老檜離奇甚應  
知說大還

越州推府陳思進按行明州海上諸邑歌

五章

龍節煌煌迴曉日珣旂獵獵捲秋風千林雜沓  
農丈人詩集 卷五

驅山鬼一水分張拜海童

騶徒動地侵晨發炬火燒雲竟夜闌負弩當先

趨縣令橫戈殿後擁材官

馮陵一檄山川動照耀雙旌草木光鳥道天低

過伍伯鯨波人立送餘艍

黑雕風急千山濶白鷗霜高萬落空精衛有靈

呼列缺支祁無計避豐隆

丹筆敢聞屠伯健赭衣偏得吉人哀吏民明白

隴胡去父老喧闐額手來

沈嘉則客海陵於高生之往也作絕句寄

馬凡五首

木脫霜高野成明天涯白日坐馮陵江南野鳥  
無情甚啼遍長河一夜水

塞鴈能輕海嶠低凍雲重疊不曾迷炎洲此去

三千里掠水東來隔在西

白髮氍毹映水遙一生長寄木蘭橈逢萊山下

深無極聞道年來只及腰

海陵原是舊揚州海水何曾向北流若說邦溝

農丈人詩集卷五

九

當日事幾人親見渡龍舟

後夜長虹下燭溪寒江不動萬峰齊楚天只在

繁星外一望因君一倍低

傳御史行有序

傳御史言事得罪詔杖謫戍定海徐給

事喬李兩御史俱以奔拯貶官三等徐

信州人與余厚善

傳御史疊綬都官正自此何獨東來汎江汜澤

國荒唐沍泰陰絕與周廬不相似山川呵護縱

有靈已走風塵四千里今人皆言御史好君為

御史官不保信州給事我友人急難疾於風雨

蚤喬君李君真丈夫憂來萬事青天孤乃知富

貴不足有昨日內召今泥塗禹臚之神黃帝子

掌我東海萬年紀歲歲馮夷供肅將玄幢出沒

彼濤駛蛟螭充巨割龜鼉當小鮮江豚紛百拜

竇窳贊大賢焦釜漏無極柱在鴻荒前綠字大

于斗高頌三山鐫驟爾聞此魂直灑君來對之

何不可爾時溟漲倍往日天吳橫決崩雷疾水

農丈人詩集卷五

十

府茫寒未易尋咫尺吁嗟風又失燭龍之事毋

爾為又況不在東南陲崑崙使者傳雙翼今年

未訊扶桑枝勸君且飲東海水勸君且食東海

禾朝廷恩數良已多放君白日來蹉跎

惟謗送彭郡博之官

平生拜謁都不有今日殷勤送彭叟茱萸灣上

水正紅相傳胙水棄隋宮隋家樓殿蠹雲起不

道當時飛藿似丈夫意氣論鼎鐘偶然量移何

當榮東京博士盡倚席錚錚誰者今時力臨岐

意不在酒豈是空然執君手

贈開府中丞劉公

扶桑迤外自風馳武庫勲名世所奇山海諸神  
來受記東南半壁坐分麾中黃樞靜前茅遠太  
白旗高午漏遲班劍隊中銳吹發萬人謠誦萬  
年私

贈門人郝謙伯孝廉

爾家閭閻家嶙峋寶樹蓁蓁復幾人直遡燕山  
為窟穴真從淮海浴騏驎舊時事往猶追賞前

農丈人詩集

卷五

十一

葦風高欲悵神閭闔正開賢者路飛騰何日渡  
天津

陸啟原叅知邀集湖樓

秘監祠前島嶼迴分將一曲抱層臺湖光百丈  
衝霞起樹色千重帶月來繁吹似聞鶯歷亂嚴  
觴不禁燕喧喧夜闌燈火紛如畫狼藉星光滿  
路隈

贈江都陸無從

竹西社裡老明經長關淮陽問字亭自信三年

道易嚼誰憐千日酒難醒梁鴻屋上雲光白鳬  
鳳庭前雨氣青絕喜大兒曾袒客蓬頭歷齒戶  
常扃

留別社中諸友得斜字二首

又作前征計重煩岐路嗟壯心猶自許快事莫  
須誇古薊高丘沒長河故道斜偶然多月色萬  
里正平沙

漸覺人群是寧知吾道賒閭閻無外戶天地有  
重華一日肝腸醉臨風鬢髮斜桑乾河水溢聞

農丈人詩集

卷五

十二

說萬夫嗟

東歸舟中寄懷周國雍四首時國雍為南

戶曹

人生何用遠客意自難平君久江南住吾空冀  
北行功名惟候鴈歲月又河樞好訊長淮水殷  
勤過石城  
夙昔未云已蹉跎良可哀書無論契濶夢有惜  
徘徊星掣高原過雲披巨瀆來此時江上樹歷  
歷為誰開



昨去莎鷄振今來靡草空行行芒碭野往往  
尤風貫酒當誰共耽詩祇自攻一年曾幾日強  
半在舟中

春風欺特甚長路浩何賒底是浮生嬾都無大  
夢誇東標霞氣赤西柄斗文斜何處存知己天  
涯有怨嗟

同張司馬公遊茂嶼四首

寥廓高秋淨公徊別墅遙山深長作霧海近不  
通潮歲月寧相假林泉且自驕何須招大隱混

農丈人詩集

卷五

十一

迹到漁樵

綠樹直矗青天何山不可憐濯纓秋雨後揮塵晚  
風前返照踈林薄飛流決石泉高樓仍四望處  
處接神僊

何用恣躋攀開門即大觀地盤滄海曲天遠大  
湖寬出日看初浴歸雲擁乍寒山中無俗想魂  
夢自便安

白日傳杯過青山入座看樹頭嵐氣重沙上雨  
聲乾勝事酬猿鶴幽期結蒹蘭因思巢許輩累

竟是何官

送吳山人游三衢二首

太末山前景物奇故人西去采江蘿城頭雲氣  
如鱗甲猶似當時姑蔑旗

無數峰巒凝紫烟無端總入客中憐忽然轉出  
江郎石片片飛來墮馬前

留別汪禹入三首

解后楊州是幾時即今相見又相離臨岐不醉  
殷勤酒空向天涯結後期

農丈人詩集

卷五

十四

故人何處訊離居不用題詩并寄書但得在家  
看白髮絕勝把手歎躊躇  
當杯不飲欲如何耐可青夫更著詞不是新安  
酒力薄年來較得醒偏多

王仲律見過與之譚玄別而贈此

短牆欲下與葵平粉籜朝踈露氣清霄半似聞  
鸞吹發女貞花底說長生

聞風使者尺書明小可賦輪萬里輕不是凡情  
消未盡何妨結伴市鄆行

曾共燕山吊慶卿偶來選石聽流鶯相看刺却  
頭顱在霜霰紛紛墮酒觥

題逗雲湖

底事平湖太劇青和風和雨屬沉冥輕鷗習習  
紛相逐不問人間有醉醒

題緯蕭軒

日月如山寐莫過有人別墅數蹉跎數將籬下  
閒花朵不似星星兩鬢多

游四明山二十四韻

農丈人詩集

卷五

十

澤國高寒氣秋旻廓落情山經標特勝仙籍侈  
多旌凌厲眇三島遵循隘九瀛剛風鼓蓬勃朗  
宿錯經營窈窕谿初發趨起嶺欲驚翠濤儲萬  
斛紫霧冪千楹瀑迅昨宵雨雲乾此日晴祥年  
愁蹴躡俊鶻快縱橫珞琖開屏勢琮琤引吹聲  
八紘真汗漫五岳浪鏗鉤自作檐簷去難論戴  
笠征葛洪原有約禽慶獨何名孤嘯神霄半雙  
眸大海平華禧通太乙梨杖倚長庚鳩鵲遙相  
呼鷗鷺午乍鳴青菁炊作餉白襪果為程喜劇

歎氣絕驕多袂袂輕紆行蛇出谷小坐雁分坪  
矮首徇靈塔綠袂聳化城芝童紛出睨毛女恍  
來迎許寂劍何往劉綱榭已傾荒荒都信足默  
默但野衡猶隘窻中在何時海外盟倖豐應只  
天薦我以雙瓊

瀛海曲

瀛海曲者古水調歌蓋舊譜也近多新  
詠任丘憲伯劉公古德醇嫓百福具臻  
既偕吾伯母氏稱大耋矣長公東朝

農丈人詩集

卷五

十

師友次公開府海上東人食其實不佞  
寅獲在世講之末謹援之以作頌焉夫  
風人意得即倚興為屬倚屬為賡何復  
津域之云凡七解

人世如流霜飛黃越其阻人世如流霜飛黃越  
其阻至人長嘯臨中區別有天地開鴻宇舉袂  
袖面旋蓬壺洲渚朝餌風雷暮餐雲子一鼓  
瓊華音瞬息已千紀歌以言志飛黃越其阻一  
解何時登閬風來自崑崙墟何時登閬風來自

崑崙墟霞舉從湯谷並轡以望舒睢盱一氣內  
婆娑此焉胥呼雙成命拂舞顧飛瓊使右剡屏  
嵯崕慮渾咆本初歌以言志來自崑崙墟三解  
皇天偶相付寄命勤斯人皇天偶相付寄命勤  
斯人乘塵此一方所至揚景芬榮光滿河洛五  
老稱主臣大信原不假鳳凰儀吾仁稚子何所  
徘徊彼陌上鷦鷯以言志寄命勤斯人三解矯  
矯人中龍濶視九州外矯矯人中龍濶視九州  
外人亦有言敢不自瑞駟馬高蓋使心不秦萬  
農丈人詩集卷五 十七

海盡安瀾功比銅柱尊嗟汝橫目民食此誰當  
恩歌以言志八年作我樊六解太行無終極逶  
迤如大年大行無終極逶迤如大年勝器保貞  
吉契合象帝先道要已銓總樞機通上玄光塵  
不可挹彷彿見華顛允哉百世師寥絕空雲烟  
歌以言志逶迤如大年七解

巡海使者范公即轉浙江右轄賦贈

開牙未久意何其龕緒門高日下遲

聖主不教更別鎮東人何用怨離思指麾已借

農丈人詩集卷五 十八

風雲力談笑聊分出納司怪道扶桑多氣色海

陬應見大儒為

贈隱君葛公旦

青桂如屏覆綠苔龍丘長住越山隈少微星自

天中見大隱風從海上迴珍重祇看樞具劍沉

冥長傍巨羅杯自憐此足無伸處誰為先生製

履來

題醉茶軒

何事堪排老崛強津津紫笋可禁當鳩坑欲報

雷時節贏得錙伶鍾裏腸

鼎鑪脉脉意何窮煬突摩娑問阿翁此際風前  
錢如意模糊不辨向誰雄

歛僧朝海過訪賦此為贈因寄溪南吳氏

諸故人共四首

白雲何事擁袈裟消息真傳一樹花聞說如來  
曾現相幡幢千隊向誰賒

四大門中證若何慈悲不惜向龜鼉慧光倘在  
滄波上著地拈香右膝多

農丈人詩集卷五

十九

春風無處問蹉跎千日相思一日多記得豐干

溪上水垂楊百尺不生波

故人都在碧雲端谿路迢迢一萬盤馮着君不

三昧力夜來飛夢不曾難

農丈人詩集卷之五

書記周禮

農丈人詩集卷之六

目錄

送吳叔嘉游天台二首

畫松歌壽南大司寇趙公

贈毛處士

積雪示田叔

題方山人寄寄齋

送同年顧叔時謫判桂陽二首

讀騷軒聞鴈二首時余將北上

農丈人詩集目錄卷六

將之秦與馮用韞太史言別

衛河龜坼艇不得進者五日有懷用韞

潞河却寄陸敬承馮用韞二太史二章

有序

登夜移巘同少司馬范公賦

送人之荆

將之廣陵與嘉則言別

送王司教之丹陽

陸園代述

游天童寺

瓊瓏巖

全張方伯助甫陳大參王叔萬駕部伯脩  
傅明府俊伯梅克生莫廷韓黃定甫孝  
廡朱汝脩太醫集盛泰甫宅分得文字  
送泰甫東歸凡三首時泰甫將母行故  
末章及之

輓大司馬東沙先生七首

藍田道中二首

商州道中二首

農丈人詩集 目錄卷六

鎮原道中

五月初三日本生考贈都水府君諱日悵

恒不能為懷時駐校慶陽

贈觀察原公脩兵昌平四首末訊同年董

雄可

關中送少參李君赴調粵藩四首往嘗與

君同官工部

東歸至睢時余已請告余友周啟明迂道

來晤因作長句為別

送定南章令

姜子幹見過與之小酌子幹灑水人客宿

錢唐與余睽隔已十幾年念往悼時得

復爾爾

子幹再過齋中

客有携尊過余山亭者再邀子幹過之

贈子幹

送子幹還錢唐無訊顧侍御青嶼先生

送汪伯玉少司馬北上六首

農丈人詩集 目錄卷六

次韻答包九丈病中見訊

贈唐仁卿客部得告還粵時余官膳曹

集楊叔向樗園

癡絕一首示文融

過洋河吊戚姬土人傳姬乳名洋洋

明皇由褒斜入蜀

白水江絕句四首江之北即蕭相國追淮

陰侯處

維揚送高孝廉子登歸四明三首

劉叅戎奉檄之錢唐但其尊人死事聞

故末章及之

京口曉發

入沔懷孔明先生

燕邸屠緯直同入覲諸君小集限韵

與周國雍言懷

鄭山人追談朔方幕府諸勝事因敘之

詠

花燭詩一律贈楊玄度年姪新婚

農丈人詩集目錄卷六

贈相者翁生二絕

一枝

聽歌

次韵戲答魏茂權奉常

棧道聞子規

讀書阿育王寺顧見玉几山

農丈人詩集目錄卷之六

書記周禮

農丈人詩集卷之六

古鄧余寅僧果著

送吳叔嘉游天台二首

大觀觀無始小觀觀樊樵濶達信所矜瞥然厲  
高揭舉足隘十洲俛仰成超忽登頓豈不疲要  
以渙神發至賞充冥靈無寧爽毛髮儻逢混沌  
子朝暮坐相索執跡絕世馳曠與寥廓別閉戶  
差可憇曲局空自元

其二

農丈人詩集目錄卷六

儒有握琅玕不給蚤暮餐儒有佩蕙蘭不抹衣  
裳單揜關誠踟躕出門又艱難富貴有寬律貧  
賤無怨端撫躬重獲落攝志存嶺岼含意皦白  
日敢兢他人歡命豈平世仇理或名山刊矯首  
一相送戒之慎汜瀾

畫松歌壽南大司寇趙公

往時畫松數巨然別生曠邈層嵯巔于雲矗日  
竄風烟仰看嚴重俯稜截如從太古相周旋後  
來墨本差堪假携將高頌尚書履尚書綱潔

如砥一時國是賴綱紀三千年前周家梓果然  
夢到丁固氏挂宮栢寢紛蒙社黑頭宰相伊誰  
獨公乎猶自滯南服大象逶迤肅陞盾元氣冲  
融彌海瀆臣髮未白心如木 高廟神靈如轉  
燭照臣不遺臣隱伏上枝虬龍下琥珀焉有大  
物不芬郁摩汝頂酌汝脂艾納香飄晝日遲好  
去長淮祝萬禧

贈毛處士

憶昔與君同研席當時曹耦稱無敵白駒倏忽

農丈人詩集卷六

二

走崦嵫不借扶搖送飛越獵獵雄心託鱗魚拂  
衣便解諸生籍人生適意竟何物安用銀章與  
金埒古來放達直等閒不與造化爭尋尺以此  
知君蕭灑徒扶杖行歌聊自嗤誰者雲蒸意氣  
豪又誰蓬累見突兀顏君大斗日斟酌秫田歲  
釀三千石

積雪示田叔

積雪閉重門孤燈對旅魂俗情卑獨行國事劇  
頃言夢逐青山遠愁從白髮繁小奴驚吟嘯

忽又成論

題方山人寄寄齋

冷風難便御神霧更誰乘生世真如寄何人肯  
似僧風塵雙脫屣天地一橫肱只有偏提在朝  
昏老自憑

送同年顧叔時謫判桂陽二首

累月霾如積連天慘不揚蓋臣初去國 明主  
正垂裳萬事都蒼莽千秋敢崛強祗應無一字  
默默渡清湘

農丈人詩集卷六

三

天意竟難窺公評屬阿誰總來溫室樹多是萬  
年枝大別倉皇見小孤寂莫隨寵靈那可藉萬  
一是馮夷

讀騷軒聞鴈二首時余將北上

白月下空庭蕭蕭旅鴈聲霜天高不極萬里正  
含情北上吾猶晚南來兩歇輕黃花并濁酒不  
覺壯心驚

何處得征鴻高齋坐晚風一聲江露白海樹不  
紅片石婆娑外孤雲睥睨中有懷都不隱憂

言文人同

將之秦與馮用韞太史言別

豈不願朝夕其如簡命新君才雄北土吾意急  
西人分外語言別就中意氣真高雲與杯酒前  
路見嶙峋

衛河龜坼艇不得進者五日有懷用韞

榜厄此河中無由縮地通相過曾輦下不遠只  
塙東憔悴看靡草蹉跎想候蛩驚心當此日君  
意倘相同

農丈人詩集

卷六

四

潞河却寄陸敬承馮用韞二太史二章有

序

余之秦中二太史出祖宣武門乃不言

別而言他大多惝臆劇甚往儕未及塗

言會有遠邁可謂或鼓或罷且置且歎

送客謂何曉人乃爾可忘此日輒寫斯

章

何事怨清尊驅車正國門機忘千日洋情至一

時煩白日行天速黃河徹地渾與君分袂意原

不在多言

颯颯故難禁風來拂斷鐔他人不與論前歲到  
如今誰遣填滄海終疑化鄧林酒杯都在手緣  
箇只襟吟

登夜移巘同少司馬范公賦

何物削初成崑崙一夜平大江扶日上萬里挾  
風輕下界波濤濶高天沆瀣清不妨幽籟發孤  
嘯使人驚

送人之荆

農丈人詩集

卷六

五

率爾成離別悠然下漢沔妬人天地小傍客水  
雲多山盡空艤峽江連大馬河在家何必好年  
髡揔蹉跎

將之廣陵與嘉則言別

楓落霜黃噪暮鴉扁舟江上使人嗟風塵何處  
能容我天地無情不問家古渡秋風聽玉樹荒  
臺落日訪瓊花那堪分手長洲苑目送征鴻天  
一涯

送王司教之丹陽



零雨如膏霖霖平句餘江上灑文旌誦通俸只  
仍三釜掌固官曾到九卿消夏灣前津柳動歲  
春塢裡野花明椒漿儻為延陵設慷慨應從蔓  
草生

陸園代述

彩騎翩翩陌上雄追思錦里舊時風蕭條歷世  
施行馬慚媿今朝學冥鴻蒼翠欲流山靄重溘  
泓不散渚烟空醉來徙倚看花發雲自芬敷水  
自融

農丈人詩集

卷六

七

游天童寺

石闕迢迢鎖天童日月雙迴大地空壁絕片雲  
藏古刹秋殘高葉下長風一時苦行頭陀去十  
里青山太白雄傳鉢到今如大夢莫須功德水  
來通

璽瓏巘巘在天童寺舊傳觀音現相嘗於

池水中見之

石氣蒼茫拂紫烟白衣高照是何年誰懸綺戶  
遙天外曾幻金身渌水前繞樹瞻依神八萬拈

花接引路三千爾時只作尋常看人鬼天龍盡  
惘然

全張方伯助甫陳大參王叔萬駕部伯脩  
傅明府俊伯梅克生莫廷韓黃定甫孝  
廉朱汝修太醫集盛泰甫宅分得文字  
送泰甫東歸凡三首時泰甫將母行故  
末章及之

惜別當春半催詩正夜分天邊一以送冠蓋盛  
為群投老思鄉縣携貧到海濱所憐業桂好不  
農丈人詩集

卷六

七

是為移文

品流還我輩突兀借人羣誰惜長安米言追壘  
上耘能歸良已得既隱不煩文安敢輕相約重  
來看五雲

有母時時老無兒歲歲聞向來都在念此去復  
何云山峯勾螺黛江恬細穀文為君頻慰藉一  
路指鄉雲

輓大司馬東沙先生七首

朔氣嗟何勁高雲慘不揚典刑真厚賴降剖大

非常地遂東南游未仍日夜蒼傷心看北斗一  
一為低昂

滄海洪濤絕空端紫雲起山川靈氣盡宇宙大  
名垂皇路勞長畫駟垣托獸麾晚來追睿聖不  
忘抑之詩

有警皇陞謚無年赤子康當時三蜀地真稱百  
夫防姓字間方著經綸老更長可憐千歲柏催  
賜作黃腸

世廟明如鏡中丞覆在盆六軍歸跋扈一疏雪  
農丈人詩集卷六

沉寃士少披肝地人多次骨論誰能甘斧鑕萬  
死立乾坤

茂齒熙明代初衣寂寞時永言垂白事不了殺  
青期素葉星河爛高標陸海馳名山多副草日

月為雙持

痛哭酬神理煩冤積素襟柏心雙白壁灑淚萬  
黃金暖律吹猶淺繁絃奏更深西州門下路不  
忍重相尋

燕喜長無恙龍光盛有儀雅懷深領袖高義急

茆茨暮雨歌山趾春風醉水湄哀哀鈴唱發僊  
入短長思

藍田道中二首

山似含顰水似嗟漢家纔過又唐家行人不解  
興亡事笑拍山桃又發花

縣家續食摠能頻十笏黃齏九節芹窺着隸人  
休竊笑前生原是竺蘭身

商州道中二首

右邊絕壁削嵯峨左側懸崖萬仞多展足苦無  
農丈人詩集卷六

寬地面剛留尺許放人過

馬煩車急又黃昏且趁山衙早閉門嶺腳擎柳  
人怯虎嶺頭抄案吏調猿

鎮原道中

雨如飛汗土如頤縱得炎風不受吹輿裡有人  
稱困頓不知輿外渴多時

五月初三日日本生考贈都水府君諱日悵

但不能為懷時駐校慶陽

年年角黍一傷悲若箇金籠前灑掃兒對着青天

渾不語五千里外血如絲

贈觀察原公備兵昌平四首

末訊同年董

名花無數倚前楹宛似當時怯舞情莫道故人輕遠別沉香亭上送君行

神京北去是昌平玄武旗高日夜明未到虜人先嚙指不須更問古長城

九陵霜露又臨期憶得當年層駕時從此勾陳常作衛松楸都是萬年枝

董生來去竟誰將今日相思不可量携得蓮花農丈人詩集卷六

峰上月知君滿路有輝光

關中送少參李君赴調輿藩四首往嘗與

君同官工部

景龍池上唱驪歌綠樹千章靜不波原是君家舊臺館傷心偏傍夕陽多

花夢樓荒礎尚存山嶙野燒蝕苔痕請君認作醒酒石聊為須臾駐短轅

玄武曾分幾日曹無多燕市揖鞭高三秦亦是優游地又領新符渡虎牢

莫道壘方舊不賓山猺水蜚總吾人騎羊仙子今寥落為遣華幡到海濱

東歸至睢時余已請告余友周啟明迂道來晤因作長句為別

周郎一見笑不下自多黑髮驕相詫亦有蒼髭曾錯陳午時起坐當時罷憶昔握別都門時我髮亦鬢如君緇驅逐風塵忽幾年繁霜不禁成素絲風塵垢人已如此安能更向風塵死所以陳情叩九閭黃衣聖人定吾是睢州城外誰

農丈人詩集卷六

十一

家園對此不醉誠煩冤昨日繁陰密如幕今朝墮葉凌秋原君不見此地從來多舊跡烏巢曲棘相隨籍更有帝丘名宦聞欲往尋之如鬼蹏豪華滅沒等烟雲況乃么麼徒紛紛前頭縱有景光在安能使我心如焚聞君為我轉匍匐迂途特走葵丘驛嗟嗟此意良可繹不自當年號莫逆何必臨風浮大白

送定南章令

廣漠風高倏何發層冰不避慙高揭只離長河

步大江迎來章貢時時雙君家閑閱盛如此到  
君又罷前人紫銅印鑄來才十秋萬人元吉卑  
新侯虔州今日稱樂土不用倉皇忌虎頭

姜子幹見過與之小酌子幹潑水人客寓  
錢唐與余睽隔已十幾年念往悼時漫  
復爾爾

已分蓬蒿謝此身豁然耳目為君新出門一步  
非吾事頌酒千年正此辰往往波間傳得信明  
明物外結為隣無端忽作淋漓態不覺驚人語

農丈人詩集

卷六

十一

又頻

子幹再過齋中

看君浩蕩在雙眉不展雙眉不是悲鼎內大丹  
猶恍忽手中如意且支離兵厨已自勞相乞鼓  
吏如何不可為君自醒醒吾自醉寒星幾點為  
誰施

客有携尊過余山亭者再邀子幹過之

相知何必恨淹留相守誰曾到白頭雨溢霜鍾  
不度雲沉風遠水空流雄心好向何人是生

訂堪於若處謀嵇阮不來君不遊蕭齋原自號  
忘憂

贈子幹

姜肱磊落自無求一片閒情付白鷗豈謂姓名  
猶足駭敢希顏色偶然優繹冠長戴蹉跎恨崩  
劍空携莽蕩愁眼底覓紛花外盡布衣原不藉

送子幹還錢唐無訊顧侍御青嶼先生

采采江花送夕曛停杯不語自氤氲身依黃葉

農丈人詩集

卷六

十一

潘蕭寺手拍寒潮憶細君高閣霜空孤鴈過大  
江秋色片帆分落英猶恐多狼籍顧野王前不  
敢聞

送汪伯玉少司馬北上六首

文武推昭憲華夷總令裁詔書清九域禮數絕  
三臺廟祔敦周曆天聲軼漢才大旗雙日月今  
古論崔嵬

宵旰勞天子君胡不鞠躬文章足用世柏顧  
便生風下檄蚩尤伏前茅太白雄折衝今日事

并得歎孤忠

名以栖遲老身從感稟輕星辰隨北走江海接  
天平次第看吾主從容咨爾卿壯心應不負  
况乃正論兵

虜障何曾息天兵自罷圍一時持廟論群口贊  
戎機月避高幢肅風旋練甲飛只今周召虎稽  
首暢皇威

久已推神駿應多格上台山河終借力兵甲始  
論才廟筭臣何有天聰帝自開履聲聽不盡

農太人詩集

卷六

十四

併入水蒼來

世道誰將力江河故不禁踈狂寧假舌醉劇更  
開襟財賦終輸鬼臣工盡鑄金漢庭無賈誼今  
日涕方深

次韻谷包九丈病中見訊

安敢稱高卧聊因憇小廬清風殊不意楚楚數  
行書谿雨從消息山雲自起居不勝歎流水門  
外短轅車

贈唐仁卿客部得告還粵時余官膳曹

已已慙閒局君應稱倦游非熊原偶值神爵肯  
輕留心遠思恬退名高敢浪憂正逢瓜蔓水好  
去放孤舟

集楊叔向樗園

何地足婆娑朱欄映碧波江聲通睥睨野色引  
坡陀風至便吹簾雲來襯踏莎啟明不解事兀  
自曉光多

癡絕一首示文融

霜影無端白烟業有意青湯將閒歲月強作老

農太人詩集

卷六

十五

娉婷苦縣人難遇雍門淚易零生來癡絕甚肯  
使一朝醒

過洋河吊戚姬王人傳姬乳名洋洋

洋河河畔吊洋洋山水無情總斷腸蝴蝶不知  
人世恨刺梅叢裡度餘香

明皇由褒斜入蜀

風雨無端送出畿校雲邱樹不勝疑銀鐙驛路  
鈴音動只有黃旗綽自知

白水江絕句四首

江之北即蕭相國追

懷谷中間下馬尋追亡一事在碑陰英雄已逐  
飛埃盡何事江流咽不禁

上帝茫茫后土長曾看白日指肝腸未央宮裡  
可憐事不願真王願假王

山河帶礪本非真絳灌如何不足倫眼底赤松  
明白在惜君不是箇中人

當時一飯亦曾論難道封齊不是恩代馬嘶風  
跑蹄甚可憐三族竟沉冤

維揚送高孝廉子登歸四明三首

農丈人詩集

卷六

十六

淮海茫茫日夜馳春潮如恨復如疑君今南去  
看明月得似長安並轡時

青雀雙雙指故鄉那知分手在維揚平生涕淚  
如珠玉今日江頭灑萬行

金峨山上足蹉跎絕壁千尋掛薜蘿一入沅寥  
風雨後滿天蒼翠為誰多

劉參戎奉檄之錢唐往其尊人死事閨中

故末章及之

西風獵獵捲旌旗左跨蒼虬右赤螭一片大江

秋色淨青天萬里默揚麾

海門日夜吼神龍頃刻山來雪似多列校如雲  
分隊出瑯戈鏃羽亂濤過

五雲山上好披襟手捋黃鬚撫劍鐔原是羽林  
孤豎子煌煌七尺主恩深

京口曉發

鐵甕憑為宅金焦控作關沙平黃葉下潮穩白  
鷗還星動千家市霜清兩岼山南朝曾駐蹕天  
仗雜花殷

農丈人詩集

卷六

十七

入沅懷孔明先生

赤坂竟何許黃屯業已空偶經江浩蕩因嘯古  
英雄鼓角陰岷動精靈野戍通平生一腔血灑  
盡永安宮

燕邸屠緯真同入覲諸君小集限韻

夙尚嬾猶耿中懷醉欲繁風塵看競爽北斗正  
孤翻解近同京華殷沅切帝垣夜分霜氣烈誰  
扶二毛尊

與周國雍言懷

不借詩為況其如計轉窮此中堪自遣何道別  
稱雄馬湊湊名起鴻毛往事空皇天殊未已不  
敢怨秋風

鄭山人追談朔方幕府諸勝事因敘之篇

詠

元戎號令肅於霜大纛高懸抱日黃曾借白衣  
銀海上能令開府意加長筌篚雨集周游館蹴  
踰風迴校獵場想憶諸酋膜拜虔萬山峯律路  
微茫

袁丈人詩集

卷六

十八

花燭詩一律贈楊玄度年姪新婚

玉螭宛轉抱春來寶帳瞳朧向晚開綠綺聲中  
雙燄發青蓮漏下幾枝催星低紺幘鮮雲度風  
拂瑤房滿月迴衿帶煌煌多氣色共誇僊子下  
蓬萊

贈相者翁生二絕

白頭已謝少年癡躍馬長安敢自期且放尊前  
雙慧眼殷勤好與醉紅兒

難說雄心已盡消一回聽罷一回驕如今若箇

乾坤手慷慨風前不可聊

一枝

一枝袅娜自春深曾向風前力不任怪殺朱絃  
更切甚隔花傳得白頭吟

農丈人詩集卷之七

目錄

太息行送姜泰符黃門北上謁補泰符嘗

以言事謫廣昌邊尉既服闋乃北

彩鳳謠壽錢太守母夫人時太守在南昌獄中

再壽錢太守母氏二首

輓少司馬屠公竹墟先生

贈中丞党公開府朔方

邠州大佛寺

農丈人詩集 目錄卷七

贛生司訓永寧

送張大孺穀謁選之京三首

同年臧晉升過訪賦贈三首後二首僕與

之有均嘵焉

贈前督府孫公文融二首

集楊叔向空水樓得風字

又得逢字同林道卿賦

訪纓泉先生萬竹山房不值二首

贈李貳守考績二首

全孺穀賓甫田叔訪嘉則賦此酬其韻

訪湯慈明有序

舊僚盧思仁祠部遣其子懋祥來訊思仁

以忠諫受杖為編氓十一年矣感而賦

此凡二章

贈楚苻者

尹少陵報使還楚

送屠驛丞入娶因訊其宗人緯真明府二

首

農丈人詩集 目錄卷七

送舊寮蕭文謫戍海上假歸四首

客中卧河四首

林道卿侍御建大椿堂奉其尊公因作歌

紀其事

題曹中丞二親封冊

禱雨有應贈令君

贈盛山人

送錢山人歸姑蘓

集張孺覺蕭園



送管孟肩應試南都

游雪竇二首 晚度徐鳧嶼

輓沈嘉則四首

疎林 初旭

贈陳清甫舊海寧令二首時余卧病丹徒

淮陽聞陳王叔太守治狀

秦生歲晏客越

汪生來訪

送嚴參軍之留都 葦泛十首

農丈人詩集 目錄卷七 三

輓座師余文敏公二首

屠田叔解官歸與之燕坐四首

得范介儒書却寄三首 介儒故嘗官陝臬時正謁補

終夜 由斜谷渡漆水

詠姪歸自燕賦訊時余方謀終計輒爾之

送大中丞開府劉公以外艱歸二首

錢唐顧叔源乞誌其尊人青嶼先生墓石

薄言餉之不御腥醴即事

農丈人詩集目錄卷之七

農丈人詩集卷之七

古鄆余寅僧果著

太息行送姜泰符黃門北上謁補泰符嘗

以言事謫廣昌邊尉既服闋乃北

太息復太息霜風疾如織急霰墮陰崖涕下不

可拭英雄流浪若飄梗神采不發空項領憂來

七箸忽欲墜且爾進前呼舴艋我自擲榆人

亦睚眦我何能剖向渠許大真礪砢往年曾問

昭餘祈可憐無水照鬚眉飛狐關外黃鼠肥朝

農丈人詩集 卷七 一

舖夕脯徒自嘻量移忽經具區澤皇天降割真

太迫草土微臣祗皮骨扶向人前欲誰藉長安

道上多倥忽不似當時行步工湛盧黯慘色屏

營 天子正坐蜚廉宮蜚廉可望不可即羈旅

傷心看列戟狂飈終歲沉薊丘易得蹉跎在京

陌丈夫如海任流漸安能窮守妻與兒雙眸浩

蕩有如此得意雲霄竟是誰

彩鳳謠壽錢太守母夫人 時太守在南昌獄中

燁燁彩凰足足應歸昌有頤嘉止難容發厚祥

一解 凰之多儀端且矩安所與伉伉赤羽鴉火  
之穴號胥宇 二解 頎彼諸雛長雛家都脩翮已  
就 帝命納諸笄上天聰明母是用愉 三解 無  
謂日遠照汝展轉無謂日近不勝中淺遂令海  
內莫不弔勉 四解 母及祿祿不訾母及齒 帝  
之遺欲報 帝植於何是力 五解 去天萬里望  
望目落去兒千里莫知髮白惟是長曆以徵凰  
德 六解

再壽錢太守母氏二首

農丈人詩集 卷七

望望南雲欸欸飛不知何處是親闈祇將一掬  
斑斕淚灑向遙空作舞衣

腸斷天南一髮微夢中歷歷醒來非 主恩只  
在圍牆裏猶許羈魂夜夜歸

輓少司馬屠公竹墟先生

魁岍千夫賞威稜百代瞻鄉閭頻頻朝署動  
稱舞晚節時時惜遺言字字嚴何人論恤典  
聖主坐飛廉

贈中丞党公開府

見說新開府勤勞十二年初來當劇郡今去鎮  
窮邊甘雨肥遺後威風貳負前歡呼看萬帳稽  
顙藉皇天

邳州大佛寺

大佛何年寺貞觀字儼然幻成八十尺住著一  
千年流水來聽偈青山學坐禪幾時稱老衲洗  
鉢梵王前

贛生司訓永寧

太常初籍奏都養舊知名章貢風能接岷峨雪  
正迎儒冠看鄭重禮席想平生倍得憐書帶空  
齋寂莫清

農丈人詩集 卷七

送張大孺穀謁選之京三首

行色滿斜陽憑憑陵意氣長寶刀頻拂拭躍馬自  
輝光月小桑乾白風高大漠黃他時肝膽在不  
必論旂常

碣石古宮深風塵不可任漸離故有筑郭隗已  
無金結客狂奴態拜官壯士心逢時聊自得預  
慰初襟

還為故人私殷勤重致辭青山都是恨白日終  
堪疑衰鬢憑誰托雄心祇自奇長安多淑氣黍  
谷倘重吹

同年臧晉叔過訪賦贈三首後二首僕與  
之有均嘏焉

芳泚漾漣漪疎林靜可披栖遲吾自許感際爾  
何奇野外猶封豕朝端正委蛇夜來看寶鏡繡  
溢已多時

薄宦何曾達窮愁不耐醒故應山落落下可竹

農丈人詩集

卷七

四

青青賈勇無前地為妍媿小星不知杯酒外何  
事好沉冥

侯館雕龍日天街立馬時浮雲一夢失瑤草寸  
心知急病吾何敢銷聲衆謂宜由來磅礴意蚤  
已誤前期

贈前督府孫公文融二首

黃鉞聲華蓋太蒙山玄玉珮未應聞名高北斗  
南箕上家在廉泉讓水間天意久懸惟赤舄  
帝心長慰是朱顏江雲寂寂江花滿忍使方書

手自刪

引領朝端若箇真可堪此日尚逡巡五千隊重  
調鷹手三十年來擊絮身玉筍雲封蒼峽暮劍  
墟花發古潭春大廷多少紛紛事北面諸公想  
後塵

集楊叔向空水樓得風字

太史為園自不同畫樓粉堞映青葱高憑寥廓  
誰相許小築培塿聊自雄陶館初分句曲日習  
池重見接離風何妨再鼓沙棠楫翠荇香蘋次  
第通

農丈人詩集

卷七

五

又得逢字同林道卿賦

星精秘閣中杖端吹火夜深紅為園已謝  
三家市治第曾無一畝宮初學丈人開竹逕更  
邀上客坐花叢招提不遠送清梵法曲中間鼓  
一逢

訪纓泉先生萬竹山房不值二首

徙倚可能停看花直到冥片雲空塢白斜日滿  
青野曠鷗鷺渚天間杜若汀名園處處好只

是不堪醒

清興渺難禁孤愁空復深春風不可信其奈故  
人心竹散青天色花繁白日陰江鷗紛烟烟沙  
上自相尋

贈李貳守考績二首

一考三年家長才百事宜已看民是子不用吏  
無師肺石都空設蒲鞭只暫施如何瀉滴地偏  
三鳳凰儀

自有過人度曾無混俗情此中多悵惴何事不

農丈人詩集

卷七

七

分明當路知應審臨軒問家清他時交戟裏端  
不負初盟

全孺穀賓甫田叔訪嘉則賦此酬其韻

數月不相見幾人曾蹴來前齋清病鶴石戶長  
踈槐君自頻欹枕吾方數舉杯大江如屋裏日  
領暮潮回

訪湯慈明

有序

慈明寓屠緯真園緯真號梵道人故稱  
達多而末復漫及蓋別有指云

見達多園清陰覆短藩颯然風自遠恍與舊  
曾溫小步逡巡舉踈襟次第論君看肝膽者可  
是負成言

舊僚盧思仁祠部遣其子懋祥來訊思仁

以忠諫受杖為編氓十一年矣感而賦

此凡二章

契濶想家尊何人古道存把書猶未竟和淚不  
堪論業桂高分蔭踈篁薄作樊酒杯聊傍汝取  
次海榴繁

農丈人詩集

卷七

七

業久山中卧名真海內傳吾儕三五輩當日髮  
層前力自隣精衛魂應托杜鵑太陽長在御何  
日照重淵

贈楚游者

曠絕曾靈光天才挾七襄少微多氣色昨夜動  
江湘賦就雲為夢歌成鳳是狂袖中雙白璧天  
地見行藏

送尹少陵報使還楚

漢上賢王節江東處士廬將辭日出處報命雪

消初梅老鶯聲滑桃夭鴈字踈春程日夜綠  
蕩莫躊躇

送屠驛丞入娶因訊其宗人緯真明府

桃花渡口舊名家榮戟曾聞海內誇只少西來  
尋娶女浦陽江上理星槎

未到東陽先入吳應過柳上聽提壺醉來莫不  
披肝曷何日扁舟問五湖

送舊寮蕭丈謫戍海上假歸四首

氣氤泰華長出雲不記雙旌若處分西下黃河

農丈人詩集卷七

還到海桃花江上又逢君

伊誰嘯海到三韓老鵲橫空萬里寒 聖主憐

君愁思濶屋樓明處許盤桓

鴨綠江頭事渺茫人人都說落機槍縱橫若箇  
操籌者容易開襟論樂浪

青虹入夜倚天狼何事帆前慘不揚後有亂凌  
前急雪憑君欲去拍何方

客中卧病四首

長夏那堪更抱病綠陰清晝欲如何江天看盡

無草小院無人獸放歌

溪水泠泠意自論遠山不盡倚黃昏青  
可憐月豈有人來傍綠尊

寥落高槐水石清踈風細雨病初輕遙天萬籟  
從空起并作溪聲與樹聲

無那清溪無那山晚風不動片鷗閒汶江日夜  
東流去愁殺輕雲未度關

林道卿侍御建大椿堂奉其尊公因作歌

紀其事

農丈人詩集卷七

九

城中旦日歌鍾起何處氤氳通德里榮光天半  
燭大河門前一曲清泚柱史貞良道轉肥歸  
來但舞褊褊衣絳趺朱萼詠不足猶啟華堂駐  
景暉聞說大椿旆無際萬六千年稱一歲亦知  
舊說頗荒唐孝子冲融眼如霽蟠桃斗大甚寸  
長何物堪充六膳腸豈若霽雲凌赤鳳蚤朝暮  
親依雕梁當時柱史曾陟岵西華峰頭我親睹  
鵜大如船不載人東望興嗟嗟繡斧此時甘露  
滿庭柯無數神魚沫若波主人栩栩日方午正

差優翁顏色配

題曹中丞二親封冊

采乾宛宛輸洵陟七度來趨通德里淪泗鬱作  
千年鍾騷裏雙飛渥洼水誰其穴者稱吉光龐  
耘異饁相扶將駘背鯢齒償不足五龍緯繡生  
文章一封白雲司再封爽鳩氏三者駢五騶四  
者都獨薦高閣瞳矐天地青玄堂突兀山川紫  
君不見玉田只產玉何似君家美權局天球貢  
作 皇家督又不見黍谷只生黍何似君家富  
才譖鬱鬱金必第資良矩如今六合正大同忠猷  
炳炳徹 上聰開牙况在燕齊東平陽之裔誰  
當雄嗚呼平陽之裔誰當雄

禱雨有應贈令君

皇天踈嘉化鑒假無留行厥爽疾威德迺際黔  
黎明何以蘇下土賴彼仁者升何以捷景響有  
赫玄龍蒸玄龍興漠止篤然應其靈澍雨滿人  
志使我什伯并維古請民命棄敝寶蒼生白日  
見至心踳躅以屏營上帝良斯閔俄頃收嘉聲

神此神哉澤特異誠可經

贈盛山人

峭志絕雲表畏及糾紛俱偶然涉入路踪跡  
自踈是以玩世子嗒然寡所圖偃仰如靜寐  
在心已枯古人不可作沉晦良足模千秋猶旦  
暮朝露不暫徐白日儻有托且以率吾耄

送錢山人歸姑蘓

芙蓉扶醉出郊墟翠露依依不滿溪明月倚簾  
浮大白好山當席對分題採香逕遠閒花落響

農丈人詩集卷七

十一

雁廊空野鳥啼聞說支硎山更好幾人曾向此  
中迷

集張孺覺蕭園

傍却高城引曲隄芙蓉洲上別開波游魚踴躍  
聽笳吹香草蒙茸襯履基芸閣幌疎風易合葯  
房袖軟月堪遲曲中忽憶黃籬綽宛箇涼州按  
箇詞

送管子肩應試南都

三陵奕奕舊都宮君去秋高意歆雄望草下

滄海北黃樞長真大江東神虬天矯真垂霧  
鷗憑陵欲借風玉燭殿頭麻拂子好煩携取  
宸衷

游雪竇二首

欲憑高秋問爽靈獸携芳杜到幽垌江光遠映  
千林白海氣高懸萬壑青臺沒空傳哮虎跡瀑  
飛不洗獐龍腥枯情已在塵寰外猶向諸僧較  
醉醒

黃鵠翩翩拂紫清若為仙路坐相盟潮聲東去

農丈人詩集卷七

有滄海霞采西來是赤城大路珠林光怪出前  
朝龍翰攫孖生白頭兀自憐殘漏無數寒星石  
上橫

晚度徐皂巘

徐皂巘畔夕陽遲瀑水淙淙總作奇倒景盡從  
千地起踈陰都向萬家披短筇到海秋蕭爽孤  
劍凌空夜陸離欲詰山靈緣箇雨忘年小友正  
論詩

輓沈嘉則四首

昨日歡猶面今朝痛可言聞君遂倉卒今我重  
煩寃星漢仍盤互河山空吐吞當時靈降意忽  
作百年論

東海驟雄風騷壇一世空紛呶真下俚賞識自  
高聰天昇靈蛇重人推繡虎工後生誰領袖淒  
惻意何窮

太息拍菰蘆風流意甚都江清分古栢天濶讓  
高梧道自龍蛇薄也應百六孤空留素業在日  
月為相扶

農丈人詩集卷七

雙目五侯輕雙旌七澤平手持錢如意心與白  
衣明樓外峰千仞門前水一泓低回明月榭灑  
淚此時情

踈林

高志托踈林誅菲歲月心未須丹嶂盡已是白  
雲深隱几罔戀動開尊象緯臨不携玄賞去何  
地慙吾襟

初旭

象樞空濛青天墮嶺中輕陰收絕壑初旭上

桐木榻便便習芒鞋兀兀通因思歸卜築寂  
雲愿長窮

贈陳清甫舊海寧令二首時余卧病丹徒

霜風淒不極大海正流澌以我病間日逢君痛  
定時石田誰借力丘壑已生姿好挹中泠水為  
歡供老慈

邂逅家分明令人感慨生長江一萬里風色幾  
時平錦瑟調何疾寶刀咽不鳴相看無可柰白  
日滿前楹

袁丈人詩集

卷七

十四

淮陽聞陳玉叔太守治狀

桐栢水何長勞勞下莽蒼靈論河伯悍祇益使  
君腸野曠鞦韆架天寒蹴踘場我來問螻蟻都  
說賴循良

秦生歲晏客越

偶來探禹穴未得返函關且醉吳姬酒休登秦  
望山江聲清客夢歲序改人顏歷歷南飛鴈知  
君不忍攀

汪生來訪

襍佩下珊珊殷沅感萬端不辭凌遠道何限倚  
脩翰意氣渾疑逼精光莽自寒連床三日雨天  
地黯相看

送嚴參軍之留都

龍虎都原麗貌貅府自雄僊郎趨白下才子出  
吳中鶴去收行伍魚來領折衝到家方獻歲先  
壽黑頭公

韋泛十首

英英清漢碧沙迴雲外青蓮一葉來借問揚旌  
者誰子千群鸞鷟兩邊開

袁丈人詩集

卷七

十五

錦紋如洗徹空明隨意流泉石上輕自啟疏櫺  
觀素月好於何處濯冠纓

曉色瞳矓夜色虛焚香高誦古人書赤文綠字  
無塵氣蒼靄飛來不上裾

泠泠鍾磬走斜暉高下宮商逐翠微白日文魚  
聽不盡綠雲裏倉雪一時飛

籊籊為笙簞為房盡是篴簞谷口皇青鳳乍來  
時一嘯何人天際詠滄浪



冷風渺渺御空波雲笈聯翩向大羅東盡黃山  
面白微問君能得幾回過

長是停撓繫水尋長年三老更知心紅塵不是  
沙頭伴只許高槐盡日陰

這還是處足為家榜裏看雲榜外賒識得南華  
經幾字不須蝴蝶夢中誇

綺疏闌檻絳紗帷雲白山青睡起遲趺坐蒲團  
吞玉液天鷄不敢報移時

焚焚錦石澗雲端萬里星辰促膝看拍點天垣  
農丈人詩集卷七 十六

占王氣不知夜色為誰寒

輓座師余文敏公二首

大江空濶雨霏霏四顧陰雲慘不飛宿草定誰

分涕淚空山何處叩音徽玉棺誤信天來召石

室真成地送歸恨不當時同大鳥垂頭十日對

靈衣公入室時余適寓京邸

景鍾未勒大名高宇宙長懸空斗杓百郡一時

同罷市九重三日不臨朝玉壺有約春風薄翠

言無情夜月遙太息殷勤老知己山川不語海

蕭蕭

屠田叔解官歸與之燕坐四首

忽忽不自得醒醒可奈何龍鷹歸巨澤雲自老  
空阿標韵千人少風塵一旦多相看素日在携  
手向烟蘿

木葉已前期秋高有所思大江開碧落何日渡  
淮離暫借天邊路還歸海上涯窮通偶然事不  
必到雙眉

夜靜不覺午山空無復喧月將窺峽口潮欲滿  
農丈人詩集卷七 十七

江門此日誰相念他時安敢論看君真浩蕩何  
處便無根

涼颼何太急皓魄且相親往往都忘世勞勞還

向人天家多濶略大事又逡巡昨夜軒轅角倉

皇氣未申

得范介儒書却寄三首介儒故嘗官陝臬

時正謁補

君滯京華久誰同杯酒深英雄多扼腕歎息少  
知音已謝烏鳥曲猶操燕燕吟漢宮秋易早無

郝又聞砧

孤鴈君曾托雙魚我自踈此時聞謁補何日目

新除世事一無恙人情百不舒狂靈驅九陌淚

落更蘇蘇

飛蓋廊坊外織題霸漣前細氲真只尺道路况

三千麟鳳無專技江河不借便螭頭賢者在氣

色一時妍

終夜

枯櫟皆儔侶危巒即誓盟長拚花下死暫向酒

農丈人詩集卷七

十八

中生蹢躅黃榆塞飛揚白豹城風塵淨如掃

夜寶刀鳴

由斜谷渡漆水

匹馬凌荒棧前驅報廢丘古亭歌塞口老樹禿

沙頭地絕戈鋌死天高旌旆愁古今同一恨淚

下不堪收

詠姪歸自燕賦訊時余方謀終計輒爾及

之

汝別十年久吾心萬里長非關空縉縉賸有別

同重劍向何人拭琴應此日張年來謀七尺涕

送大中丞開府劉公以外艱歸二首

關河黯慘復何論素旄離迷出海門漫理劍猶

懸下瀨蚩尤旗遂暗中原蒙衝列校無虛淚逢

旅諸生有特恩年齒初強髮未白何時重為贊

乳坤

海上勲名世所無蒼天莽莽不堪呼九年在事

神都竭十疏陳情目盡枯號令如天吳嶽寂謳

農丈人詩集卷七

十九

歌滿地漸江孤花門務面知多少願借豐碑頌

大衢

錢唐顧叔源乞誌其尊人青嶼先生墓石

薄言餉之不御腥醴即事

寒潮大上鴈初翔百折東來恨渺茫怪底蒿萊

匍匐在麻衣如雪滿如霜

寶瑟休翻蘇幕遮玉壺空自然流霞辛夷萬蕊

如乳未忍君前便放花

詩集卷之七

書記周禮寫

農丈人詩集卷之八

目錄

送祝曼期游天台

張元易光祿署中種竹甚茂黎惟敬秘書

題曰紫禁滄洲索余賦此

全朱汝脩屠田叔李汝藩集劉百世園得

名字二首

贈俞丈

喜雨三首奉次少司空陳公韻

農丈人詩集目錄卷八

輓太宰陳公心穀先生二首

陳黃門阻風揚子與坐夜分輒成短述

五月廿四日無可兒殤日也時舟行若耶

溪上風雨大作賦此志痛

題畫二首

送同年林彥實奉祀楚藩二首

贈吳山人

訪丘謙之客邸

長至集李甯甫山齋四首

偶覽華仲達詩詫錫之近者未或觀也賦

寄兩章

七旬初度八首 後初度八首

恭遇 萬壽誕辰舞蹈齋前敬述一首

送沈季立之燕京省其兄肩吾相公時正

枯旱故有無端之云至於末章則特憶

肩吾殆甚焉凡四首

過寶鷄懷故令陳貞父

送入陝者口號七首

農丈人詩集目錄卷八

周郎行贈周參軍

石德來有序

冬日全壆無從茅平仲陳從訓登北固山

時病初起

高丈子登過宿山齋賦贈

送同年姜仲文奉使秣陵便爾省覲

舒倩子開屢躋不售賦此為慰

送解訓導乞休歸黃巖

答沈生

過金山

張郡博歸海門

送鄧令朱君聞訃歸淮陽四首

王生

香霧一首寄長安諸貴游

美人曉粧

六月菊於杭之新城縣有之

靈巖寺

乍聞新方中丞党公之變至不忍言輒此

農丈人詩集目錄卷之八

代唁

邀華亭張虞侯集山齋分得高字

與虞侯劇談因成永慨再疊高字一首

曹重甫歸雲間三絕兼懷諸故人

同年馬新甫瞻禮洛迦大士還而劇譚往

遭不勝悽惋因賦三絕句為贈

小白嶺口占 太白嶺口占

有朝四絕

農丈人詩集目錄卷之八

農丈人詩集卷之八

古鄧余寅僧果著

送祝曼期游天台

兼雨驅江臯浮歌淨天域陽景徹郊墟萬里見  
爽日信美遠行邁涼颼澄厚裏况乃溯靈境高  
步僊者術遐想玄象生暫弭俗情失雲煙湯層  
霄傳彼雙飛翼鮮霞迸窈谷正與分星逼蹴躡  
駭石梁月之見希特青楓知迭代孤鴻哀劣則  
金光可延駐永謝年命畢

農丈人詩集卷之八

張元易光祿署中種竹甚茂黎惟敬秘書

題曰紫禁滄洲索余賦此

俗士翳垢紛達士睨寥汰神宰壹與馳兩情甚  
軒設所以歎世子觸土見迂拙申懷既磊砢在  
景亦踈徹赤霄衆雲侶紫籙盛風傑職思敢咎  
竊尚之以清越結鞅夫何殊撫途良已別彼營  
豈不適所貴氛歎絕

全朱汝脩屠田叔李汝潘集劉百世園得

名字二首

亦可當花候能甘謝酒名避人渾細事混俗有  
深情弱柳風侵急流鶯雲度輕世心原自泊蚤  
已及鷗盟

直毒緣何準狂霍積不平皇天高自便下土漫  
相驚執政方存貌言官亦避名吾儕何不可偷  
取叵羅傾

贈俞丈

不見俞跗久爾來年幾何朴應隨俗少拙自過  
人多野處神能王天游氣益和更餘玄鬢在不  
農丈人詩集卷八

用侯黃河

喜雨三首奉次少司空陳公韵

種種憑雲起霧霽決夜長喜多翻似失珍極健  
為漿天與田家樂神知社酒香野人曾不識墟  
落已餘梁

風謠吁寔甚露禱意何長當午收前黠明朝續  
後漿宮懸一倍響帝籍萬斯香惶恐還吾輩遠  
巡解握梁

祗是鴛鴦急都無蹄踈長江茅初選脊崑玉故

飛漿天酒偶然事皇醕乍爾香何如稱大有夾  
及萬人梁

輓太宰陳公心穀先生二首

海霧閭長蹊嚶鳴鳥共悽山公呼不起萬綠為  
誰齊嚴陞思聰履周盧想執珪萬年枝上月空  
照法宮低

誰號者崢嶸明公百代程官曾居太宰貧不離  
書生元氣黃河大芳名北斗橫太常論謚日  
九廟不勝情

農丈人詩集卷八

陳黃門阻風揚子與坐夜分輒成短述

大風挾江江水渾天吳不解黃門尊樓船辟易  
如孤豚須臾新月開黃昏舳艫我亦從東騫平  
沙宛宛波汙汙把手啞啞何其溫大言不讓鵬  
與鯤微言脉脉箴和墳道途奔迫多朱幡滿眼  
肉食誰報恩尊前柰可長江駛與君且酌清泠  
注他時倘憶揚之水記取天邊月如此

五月廿四日無可兒殤日也時舟行若耶

溪上風雨大作賦此志痛

去年五月廿四日霹靂崩奔掣孱骨今年五月  
廿四日風雨摧頽咽寒血孤蛩觸夜起紛紜亂  
災披濤走滅沒昏黑不分天地真倉皇難曉界  
神直充腸迫臆惘若任窈谷空江悄相答

題畫二首

青天萬里平如展一道飛流下絕巘白日行空  
古瓦遲松聲細入潺湲淺

白抹芙蓉幾萬尋美人何處想瑤琴空山霧雨  
如天大橫作硤中一片深

農丈人詩集

卷八

四

送同年林彥賓奉祀楚藩二首

雌雄不辨楚風寒大別無情日夜殘一旦軒懸  
都罷響親勞詔使捧夷盤

九疑面面想噴岼帝子如何久不還試向襄王  
臺上望暫應為雨到人間

贈吳山人

崛強吳孺子咄咄故相勞詩以能幽勝名惟不  
借高赤身無土著短髯有風搔湯沸懷中刺何  
門肯便操

訪丘謙之客邸

怪殺弦弓早生憎合劍遲艱難仍道路夙昔且  
鬚眉天地從吾大風塵任我私安能如絕物永  
與世人辭

長至集李賓甫山齋四首

嘉節一陽來吾徒笑口開逸情雲共上藻思雪  
初催梅甲津津重芸稊脉脉回杯行不可住風  
雨故應猜

已足蒿萊顏仍多鷗鷺群短籬分寂寞虛閭敞

農丈人詩集

卷八

五

氤氲石重寒猶翠林疎晚更芬總知三萬日只  
讀五千文

學字疏樸巧旋文麗石斑浮沉真物外磅礴自  
人間零露滋青桂停雲起白鵬羨君有遐思結

志在冢山

促席譚逾盛傳杯興轉豪紅梅含芳訊華燭為  
誰高契合成千古蹉跎感二毛出門看雪色的  
照青袍

偶覽華仲達詩詮錫之近者未或睹也賦

寄兩章

公道正摧殘，曾誰柱汎瀾。論才渾未盡，絕代一  
何難。宛見松姿勁，廉知石理完。孤雲真天矯，若  
箇傍飛翰。

余敢居前輩君，今蒙後生諸公紛鼎鼎，所在終  
鮮錚。海宇幅員小，英雄七箸輕。何人執牛耳，重  
見蒞齊盟。

七旬初度八首

解組歸來鬢已霜，山中豐草自斜陽。淺才未敢  
農丈人詩集卷八

占三鱸，薄命何由食萬羊。賈誼聲名終寂寞，劉  
琨事業竟荒唐。憑君莫說英雄事，說着英雄總  
斷腸。

斷腸

五柳何曾讓五侯，吾衰堪亦寄吾愁。芙蓉滿路  
青霞發，睥睨窺人白日幽。萬事總看杯在手，百  
年幾度月當樓。諸君那得無襟際，漫把詩筒當  
酒籌。

黑雲郎署不曾閒，敢問諸豪竊往還。偶過坊間  
聞北曲，嘗於馬上見西山。手携紫禁裁詩錦，日

涉黃亨虎豹關。製就賜衣頻出塞，小關氏在八  
開顏。

銅柱勲名竟若何，平泉景物亦消磨。極知他日  
親躋蟻，何必今朝盛綺羅。焦釜壑中回沫少，昆  
明池底劫灰多。殿前驚甚桓司馬，曾向枯楊歎  
逝波。

何處名疆非帝阨，當時置我極西頭。河湟古

戍三陸暮，汧隴新霜七月秋。馳道金椎看兩絕，

離宮珠箔想雲留。漢江長抱武侯墓，拜罷令人

農丈人詩集卷八

淚不收

寂寂寒灰故不然，星星宿火絕無端。齒牙未必  
真相借，髀肉何須苦自歎。鰥日行空都莽蕩，閒  
雲在水自汜瀾。故人真是天留住，不記田間舊  
竹冠。

愁來何事好開襟，微雨初收正薄陰。百道詔書

山海使，萬年天步野人心。黃河命脉安如昨，紫

塞風煙淨到今。太祝祠官俱望幸，幾時清運翠

華臨

世事何曾賴木強俗情端不羨踈狂從來一節  
堪天壤未必千秋在廟廊海谷投竿雲總綠江  
墟披襖雨初黃看來不是神僊相琥珀空勞發  
夜光

後初度入首

歲華一去不堪留倏忽杯前似電流漫說堅儒  
多大略空閒聖代有旁求校書已覺瞳神短結  
字何堪腕力柔回首可憐迂濶在滄溟猶遣似  
浮漚

農丈人詩集

卷八

八

嘯罷層雲自杳冥歌殘寒雨忽縱橫高天日月  
狂相得大海波濤恨未平灩澦堆邊魑魅過崑  
崙頂上鳳麟行門前雙鹿尋常在容易人間作  
石評

海濶蒼烟靜不飛秋高碧落澹無輝時將杖屨  
憐清止近與樓臺入翠微戴金已知今日是披  
裘敢說古人非牽牛河渚緣何事痛哭蒸嘗到  
寢闌

虛薄烟霞空得名軒峨嶽瀆誰主盟駢駢入駿

地走晃晃七曜高天行草竊山間偷獨舞  
叢野外群相鉤此中甌脫知誰識十二瑣樓俯  
秦清

新月何緣映碧渠蕭蕭短髮不勝簪行無特地  
相憐草池有終宵不瞑魚帝苑已非王導墅僧  
寮原是戴顓廬年來萬慮都消歇猶指蕪青笑  
自鉤

晨星落落勢何孤大海茫茫意自都共指素心  
期作伴獨看華髮笑為徒浮雲倏忽成蒼狗白

農丈人詩集

卷八

九

畫縱橫有短狐不信試看泚水上至今頸血尚  
模糊

秦穆開天祇吾祖何來西竺侵東土空螺吹海  
走張儀巨鐸驅山夢栩栩寶積藏中都探囊毗  
沙門上誰執斧火林自詫還白髮天竺亂  
如雨

白髮泚泚燦太阿馮唐老去欲如何天邊鳬鳴  
休相認世外蛇龍且自訛長恨韶光千枝少猶  
憐揮霍萬錢多為歡已是須臾事大不堪聽是



雞歌

恭遇

萬壽誕辰舞蹈齋前敬述一首時歲在壬寅

秋八月十七日

乍施冠服尚依然一疏歸來十二年開徑不離  
滄海上呼嵩還向翠微前閭闔愁大狂難禁溝  
壑恩深老未捐開戶私憐強飯在萸蒲花發自  
天邊

送沈季立之燕都省其兄肩吾相公時正

農丈人詩集

卷八

十一

枯旱故有無端之云至於末章則特憶

肩吾殆甚焉凡四首

秋光如拭漾晴漪西去頽霞滿棹隨倚遍帆檣  
無一事獨將孤影傍差池

大編無端掣海過君家自有好恩波榜人日唱

青蓮子邇盡黃河又潞河

野服由來謁至尊喜君今日覩天門一燈一

枕黃昏裏多少殷云涕淚言

落魄從前事已非孱然空自霸漁磯溫溫是

真兄弟今日令人憶奮飛

過寶鷄懷故令陳貞父

故人宦跡與山齊百丈神光下寶鷄眼底相看  
俱赤子傾頭一二為君低

送入陝者口號七首

潯雨蒸人鬱未舒客情無計覓蕭疎前村但得  
屠蕪在且聽涼蟬滿驛除  
溫湯特許玉環分浴罷香脂秘殿聞忽漫解衣  
聊一試石蓮花裏想氤氲

農丈人詩集

卷八

十一

綰鏡捫崖兩膊輕青柯迤上窠難行須臾玉女

來迎接笑殺韓家慟哭坪

懶看朝旭理鬚髯難說空齋不似僧家是禁當  
無可鄰邠州梨子冷如水

多半秦人不設帷總無蚊市聚成雷正堪偃仰

龍鬚席倘有雲軒傍月來

畫角樓頭向不吹自無魂夢到羈思齋前樹樹

啼文鳥莫認倉庚是子規

過盡秦雲更隴雲伊人何異遠從軍小奚調得

新鸚鵡曰念彌陀乞主君

周郎行贈周參軍

颶風吹海海水立狂濤漲天大鯨泣丈夫七尺  
徒爾為長劍如虹轉鳴喑前年靈夏不成行今  
日東封不掛名聞道湟中勦強虜虜首直與天  
山平身坐大府兒錦衣策勳封拜何崢嶸周郎  
愁絕面黃此常戴貂蟬照秋水英雄原寄草間  
生不然亦須草間死安能日逐么麼子擎拳曲  
跼屈雙耳周郎周郎空復奇虎頭都護正苦饑

農丈人詩集

卷八

十一

石德來有亭

石德者子姬楊義問氏家僮也癸酉冬

余有北上之役義問遣訊余虎林作石

德來以贈之

石德來坐為起手捧赫蹏書跪進相思語見汝

如見汝家翁目眇颯颯迴清風霜天截葉見  
嶽木落未落錢厓空別汝家翁今幾日歛時睹  
汝愁如失汝家翁我肺腑兩家肺腑汝能密  
古人結交重一言今人笑貌成煩冤萬事蹉跎  
白日老片心辜負青天存為汝臨曲水為汝登  
高臺征鴻過盡玄雲開頃令明月生徘徊清商  
灑灑高燭催古壇獸夜梅花猜君不見石德來  
冬日全陸無從茅平仲陳從訓登北固山  
時病初起

農丈人詩集

卷八

十一

南徐一以眺多病霍然輕山晚有餘映江流不  
盡聲故人俱落葉衰草與經行欲問前朝事梅  
花照眼明

高丈子登過宿山齋賦贈

余稠多意氣杯斚足淹留偶在千人聚慚無百  
尺樓頽香堪過齒荷淨欲迎眸莫恨挂冠早君  
今已白頭

送同年姜仲文奉使秣陵便爾省觀

無邾倚壁候嚶鳴黃栗鷗人從牛首遠春入馬

歸愁快事推年少雄心托薄游不妨英蕩節  
暫為老親留

舒倩子開屢蹟不售賦此為慰

君家如渥水長是產駒駉塵起千天震風高萬  
里孤飛廡館苗萃天祿閣模糊莫歎頭顱禿雄  
心在少須

送解訓導乞休歸黃巖

安敢輕微祿由來憶故山祇憑孤劍在仍抱舊  
珠還古道已生色何人解乞閒無言自棄李相

農丈人詩集

卷八

十四

送一開顏

答沈生

函詞者誰子駢此萬琳琅神駿憑空濶高鵬擊  
昊蒼何人雄橋李此日指扶桑吾敢操衡尺從  
君問頡頏

過金山

二十年前汗漫游曾登高閣俯中流青天無語  
月初出箕踞盤陀石上頭

張郡博歸海門

一路丹楓送出關白雲迢遞滿秋灣錢唐千里  
乘潮去看盡吳山看楚山

送鄧令朱君聞訃歸淮陽四首

黯黯江雲慘素波送君不忍向君歌山川處處  
無顏色此意偏於棹裏多

祖帳前頭重致辭江妃河伯定吾私殷勤好護  
神明宰慎莫驚濤近素帷

老肩聽來自不同依然陌上度春風東人涕淚  
知多少都在聲聲布穀中

農丈人詩集

卷八

十五

清溪誰醺使君衣盡說衡門事已非芳杜不留  
青鳥住自扶藜杖出柴扉

王生

有美風前白葛斜越州人住楚天涯驪歌忽傍  
豐干發片片溪雲似若耶

香霧一首寄長安諸貴游

香霧繞長安諸君日跨鞍已餐如意屑又餌大  
還丹滿路栽交讓盈庭種合歡蹉跎應不恨威  
鳳自雲端

美人曉粧

膏沐理初晨菱花不動塵漸看嬌欲滿稍拂淡  
為真綽約分珠綴輕纖鞞翠勻中庭盛歌舞若  
處着精神

六月荊於杭之新城縣有之

異甚從誰植稔然此日開離騷應咄咤爾雅更  
驚猜夏雨寧須厭春風可是媒願移霜下影還  
向亡寂寥杯

靈巖寺

農丈人詩集

卷八

十六

欲攬山中勝偏宜寺外看不分雲一片但有路  
千盤磴轉剏風急門臨巨壑寒葛洪丹井在茲  
事已漫漫

乍聞翔方中丞党公之變至不忍言輒此

代信

一旦聞邊遽千迴斷病魂失聲驚姓氏瞪目視  
乾坤爽豁風俱遠殷勤雨并繁不成論夙昔淚  
盡此煩冤

凶閔緣何甚端倪不可尋一家俱并命萬里正

傷心青海冤難洗洪河痛已沉誰曾全母氏  
極此時深

精悍風霜老權奇沙塞長不應忘肘足遂敢蹴  
堂堂鈴閣狂猱掣轅門鬼蜮翔陶家山海使倉  
卒在何方

非次嗟焚惑無端想恣睢英雄腸自潰社稷涕  
方滋尺寸俱天步纖毫總國疵披猖邾至此敢  
為故人私

邀華亭張虞侯集山齋分得高字

農丈人詩集

卷八

十七

雲間有嘉士倒屣失吾曹酒力鴟夷薄談鋒塵  
尾高池亭分竹色澗戶走松濤此夕看河漢明  
星望望勞

與虞侯談因成永嘸再疊高字一首

舉世自稱豪何人不讓高後來論尺幅強半沒  
蓬蒿若箇扶天蟄誰非食上毛倘緣青鬢在吾  
亦慶吾遭

曹重甫歸雲間三絕無懷諸故人

風微小海唱初遙零露滋滋釀作潮白盡大江

天浩浩不堪頽夢向人驕

縹緲何來刺眼青分明九點翠為屏疎雲忽忽濛濛度柰可離迷柰可醒

江雲藹藹水盈盈襟珮中間有底聲露浥芙蓉正堪把續紛宛弱家關情

同年馬新甫瞻禮洛迦大士還而劇譚往遭不勝悽惋因賦三絕句為贈

赤幢飛蓋正阿那青鬢如君柰若何昨日蓮花洋上望可曾折取向空波

農丈人詩集

卷八

十八

贏得田間雨一簑偶然擊榜下滄波臨流莫更燃犀照妬爾年來翹颯多

繁星總總為誰縣寂寞黃花劇可憐二十年来無限淚紛紛墮在酒杯前

小白嶺口占

谿路崩騰萬樹圍午煙明處度人微寒驢自覺秋風好引領山光遠近歸

太白嶺口占

人傳茲地是龍圖並海岡巒面面歸功德滿山

無字空多蒼莽白雲飛

有朝四絕

滿路楊花不自由如今春欲向遼州臨風細把柔枝看猶勝他時獨上樓

曾倩郎當醉後扶不禁皓腕大模糊當時賸有粗豪在欲得開顏一字無

何人不解贈紛紛只是伊家認得真不信看他回首處滿天風雨濕青蘋

眼底紅塵分外明蘼蕪日逐馬頭生亦知更有來時節揔不如教且莫行

農丈人詩集

卷八

十九

人詩集卷之八

書記周禮

農丈人文集二十卷詩集八卷

浙江巡撫  
採進本

明余寅撰寅有乙未私志已著錄朱彛尊靜志居  
詩話謂其自負古文然於作者尙遠其於詩自謂  
涉其藩未窺其奧亦自知之矣是集乃其歸田以  
後所輯考農丈人星見天官書又雲仙雜記載陶  
潛聽水稱吾師農丈人事寅之命名似取陶語也

楊道行集三十三卷(一)

〔明〕楊于庭撰

原北平圖書館藏明萬曆刻本

楊道行先生集序



賜祭米進士蕭浩道監察御史知金嶺縣事黃岡樊玉衡撰

蓋不佞玉衡往釋褐長安中則識令吏部鄒先生孚如已識其所為詩籍甚既十年用御史調量移茲土而因得以識楊職方道行先生道行故與孚如石交而又爭以詩狎主吳楚之盟當道行業成思一當于天下則使使千里而問序孚如乃孚如之所為揚扅至矣顧復以命不佞夫不佞楚鄙之人也推于一斑

無所于窺而于兩先生無能為役其何辭之與有雖然君家子雲有言視日月而知衆星之蔑也夫則衆星之為章于天也者則可謂衆星之得為日月也者則不可何者其小大之分固自有定也三百篇尚矣漢魏六朝唐以至今日操觚之士其人存而以數十百千命者代不乏也其詩存而以數十百千命者人不乏也然自曹劉潘陸陶謝李杜諸大家外牘而數之或不能

以臆對故衡之以五緯萬不得一矣衡之以二曜億不得一矣明興以文程士而文不必過宋不以詩程士而詩與唐人相雄長乃其所為二曜者北地信陽耳李迪伯溫稍稱啟明之光何李以還遠則吳縣亳州洛陽齊安近則瑯琊歷下武昌興化彬彬各炳于一緯而各成其一家蓋自是而三垣二十八舍不勝指矣今以道行自視與天下之所以視道行者其于此數先生



何如哉且也道行髻而能詩  
詩名脛四方且二十年而猶重  
重強仕有二耳司物柄者復暫  
縱之廣漠之野而使之極騁于  
風雅之途其于力將無所不至  
而于境將無所不詣異日名山  
揚道行集序

萬曆乙未嘉平月穀旦

楊道行集敘

皖城友弟吳嶽秀撰

此全椒楊道行之詩若文也  
友人鄒孚如業已為序以傳  
秀誼不在乎如後何得無言  
竊謂天無私授世乏無才常

揚道行集序

若有所靳而弗與者蓋造物  
微旨矣乃茲得吾友道行云  
始道行為童子時有神解下  
筆驚人長淮南址咸以為江  
夏黃童龍門子安復出既成  
進士隸事西曹蓋與不佞秀

洎魏懋權鄒孚如相朝夕已  
而先後識顧叔時劉國徵講  
業燕市驩若同生是時道行  
年最少跋扈飛揚銳不可當  
纒纒數千言一刻燭擊鉢可  
立就隱然有孫江東之號焉  
亡何分符濮上濮人士罔不  
龔黃我道行也者然凝香燕  
寢懷子建之雄才慕莊生之  
豪舉一往深情寄吊於句則  
詩與文日進乃道行復以治  
行異等晉職方大夫值朔方

叛起道行日佐大司馬借箸  
前籌倚辦石畫不數月而蕩  
平人人咸以為禁中頗牧也  
即羽檄交馳而意氣整暇口  
不絕於鞞鈐手不輟於篇翰  
則詩與文日大進願道行信  
心而行絕無妍媚態以此稱  
才亦以此賈謗則究甚哉歸  
來聊聊山中往往以憂時憫  
事之心戀國懷君之念發為  
詩歌無少幾微不平之感似  
又可以怨而不怨也者

畏路糜人文章憎命自古已  
然於道行乎何損獨念宇宙  
以來屈宋不為近體而李杜  
不為騷才有所獨詣耳道行  
詩盈盈成帙大備諸體而文  
筆尤奇直寫胸臆成一家言

楊道行集序

四

即不佞所聞也以較周秦二  
京六朝三代之業若胡寬營  
新豐未有不像肖者也且世  
之齟齬道行者不過謂其勞  
而不謙耳至語道行之才傑  
然名世亡論海內知己業有

同然試探之齟齬者之口而  
有不然者乎夫丈夫資適逢  
世奇勲駿烈書竹帛而著旂  
常士之實也鴻筆麗藻勒金  
石而傳天壤士之華也方今  
主上神聖疆圉多警行將起道

楊道行集序

五

行於行間道行之功且昭然  
如日月之大明於世道行年  
甫四十餘搢搢攻古文辭不  
休它日竹素之業不知何所  
底止猗與盛哉倘道行得所  
願為於一時而無當於不朽

盛事辟之石火電光倏閃倏  
滅已爾道行奚取焉顧不佞  
惓惓推轂道行而親暱之若  
兄弟者非徒以文章重道行  
蓋文一也或以為大業或以  
為小技彼誠各有所重耳道  
行幸自力脫謝朝華勤思太  
上完養其神明而堅忍其德  
性則升沉得失舉所已知者  
浮雲耳何與於我又極之無  
不可耐也而後稱完如以其  
文而已矣則安所擊楫嘆賞

於我道行也江址為  
聖祖龍興之地功業震世者不  
少而文章僅得宗薛二君子  
今併道行三矣不佞願與道  
行共勉之毋令海內人士謂  
我大江之址徒以文辭顯也

萬曆丁酉三月望日

楊道行集敘

九畹居士兄弟鄒觀光譔  
世之論者曰絳灌無文隨陸  
無武文章功業其不能無所  
用明甚而文士自矜重夫文  
章以為是不朽盛事籍令立

楊道行集

敘

一

功名致通顯不以彼易此矣  
茲二者之言皆過也英雄雋  
異之才立言言垂立功功就  
偏至而獨見其長有用有不  
用耳而文章之用虛其益緩  
功業之用實其益宏士而自

以其名立兩者均顯融矣為  
世道計則寧收士之用于功  
業而無寧使之以空言顯也  
余友楊道行氏少而好為詩  
賦古文詞已與余同舉進士  
時南樂魏懋權無錫顧叔時

楊道行集

敘

二

漳浦劉國徵懷寧吳幼鍾並  
以道義名節相砥礪用其餘  
力楊枿文詞之業而道行跋  
扈其間業日益進待次西曹  
久凡鬱悒悲歌嘻笑怒罵皆  
寄之乎吟咏世莫不知道行

氏雄于詩矣而道行殊不以其故厭薄吏事人亦不以道行為詩若文疑其不達于用也已守濮州治行殊絕吏部大計吏舉卓異二十餘人而道行裒然高第尋郎民部已調郎兵部扶服歸免喪郎職方君之郎職方也朔方事起叛夷殺都御史副使而嬰城以逆顏行赤白之囊重跡而押至

上西顧遣大臣經略遣御史視

師已赫然逮督臣及出尚方劔讐懾軍士皆下兵部行之而是時恬熙久所在無兵職方當推轂大將更置材官良家子徵調兵食糾紛旁午至不暇休沐且飯而給事中御史人人上書談邊事危言十竅言十九議論之難劑也甚于籌兵道行益侃侃自發舒無所休阿蓋道行既能以文章故而土苴功業又能以文章而用為功業庶幾兼

材矣而寧夏事定道行竟中  
忌者歸歸而乃大肆其力于  
詩賦古文辭夫道行之業其  
大者莫著于籌邊余取其所  
為詩若文而質之兵家言若  
有合也其跌宕橫厲激昂鼓

楊道行集 敘

五

壯若動于九天之上叱咤而  
廢千人其縱橫闔闢鉅燧不  
亂若不至學古兵法而旗鼓  
進退錙銖不爽其宏于庀材  
而廣于寓境體無所不構誤  
而藻無所不薈最若七萃六

部雲屯魚麗多多益善其隻  
事興端片詞寄緒往往能以  
咳吐譁浪而破千古之的若  
偏師一旅批亢擣虛卓有餘  
勁道行氏之言曰世能使我  
苦心嘔血之功垂成而弁髦

楊道行集 敘

六

之其更能以譎訛之口而奪  
吾千秋之業乎哉道行誠有  
以自信余無能難也設令道  
行不為夫已氏所齟齬當論  
功行賞增秩賜金幣如是止  
下所得孰與仲多顧道行以

此自雄然非縣官急才意矣  
道行既罷語及身之不用怡  
然愉暢寧有幾微牢慙之感  
至其談述邊略感事憂時思  
深而語壯一篇之中三致意  
焉道行之門人湯伯恩氏梓  
其所為詩若文以傳而道行  
意謂必不佞為之序不佞居  
恒謂道行飛揚卓犖有正平  
文舉風余不及君沉冥落埒  
與世寡諧君亦不能頰而就  
余然至其語于文章之際則

道行不以余為無似而使備  
確錯故序道行集不佞不得  
辭抑孫武子有言夫兵不過  
奇正而奇正之變不可勝窮  
也文章亦猶是矣道行春秋  
富無論他所著作未見其止  
上明聖一日拊髀思道行即君  
家子雲所謂戎馬之間軍旅  
之際飛書馳檄宣用枚臯者  
亦豈能終舍道行余更得受  
簡而序之  
萬曆乙未十月穀旦



楊道行集序

蓋余友鄒孚如亟為余言楊道  
行也道行少孚如三歲同舉進  
士以文章行誼相切磋甚驩有  
年所矣嘗出其守濮時所著示  
余余津津賞之天厨寸爇即九

楊道行集

序

鼎可知也又十年而余左遷部  
潁川過道行道行治具延款縱  
談及文事其指若曰人有心而  
形之於言言必文然後可傳遠  
故文論理必別是非論事必明  
得失一切可喜可哀可怒可愕

可懼情狀如在目前使人覽之

不覺失笑盱衡立髮舌吐齒齟

而涕歆下乃可耳當今之世宜

莫如弇州而弇州推尊歷下新

都不啻出口此弇州自為盛德

事非所以訓也夫兩公曾不若

楊道行集

序

二

屠長卿與吾孚如余亟服其持

論因語之曰雲間有馮元敏今

又有道行道行遜謝不敢當而

恨未識元敏別去二年道行門

人湯伯恩行其集于武林而介

孚如屬余序余以序屬潁故吏

致之又七年而道行門人潘士美來晉陽道行嘗為士美序其集因問道行狀知余前序未至會過夏鎮伯恩為水部郎假之作致書郵而繹前序大指以貽道行蓋其詩精采丰韻春容清逸出入唐中盛間而多獨詣之趣其文氣骨本龍門體裁出昌黎而廬陵眉山輻湊並進博而不溢深而不譎華而不浮奧而不晦操縱闡闢沛然不禦而繩尺森然無越軼至其為春秋質

疑直探聖心無論左丘公羊穀梁雖胡氏書世所奉為功令曾不拾其屑吻學與才識有大過人者宜其言自成一家也道行當官守法恥養交趨捷而又練習朝章國體郎職方時策九邊如指掌所用將領畫機宜東盪倭而西靖朔方使竟其業必且紀大常載盟府不然而令直石渠金馬喉舌天言潤色皇猷詎不爛焉一代良史而為讒口所尼淹抑不伸垂三十年惜哉夫

長卿乎如已矣獨道行元敏在  
而元敏拓落一官在嶺海萬里  
外其書行於世貴洛陽紙道行  
年未艾掃軌下帷專心輯志鼓  
吹六經揚扞千古與元敏方駕  
以此傳信垂世孰通孰塞孰促  
孰遠四明雲夢兩才鬼能無生  
妬耶

萬曆丁酉歲之長至日鄧中友  
弟李維楨本寧父譔

初冲所先生集序

蓋周自屈宋唐自李杜而下騷  
雅寥寥其絕響矣非無騷雅也  
夫人而能為騷雅也夫屈子以  
忠見放行吟澤畔噓塞精愷之  
氣一寓之騷如淒風驟雨迅雷  
掣電宛轉反覆悲不自勝唐人  
杜甫值世多難此離奔走而搨  
管不忘君國以故其詩味厚而  
氣雄使人讀之凜凜如見其人  
後之人往往櫛其句字與其聲  
調竄青媲白長韻而騷短韻而

雅故夫人而為騷雅而卒察察者所重不獨文矣滁陽冲所楊先生自甲南宮出守濞文章經術而無恙入佐大司馬西戡叛東持危竭忠畢慮犁孽一世而卒不免上官大夫之忌乃歸滁

楊道行集

序

二

以所未盡發之奇大肆其力於文章蓋以古人之人為古人之文不擬議而合無宮商而調即屈子讓騷壇而杜公避雅席矣今年秋先生適游虎林而集成東魯與錢塘湯令校付剞劂以

傳夫文因人重地因文重先生文固自奇然以先生人益重虎林多佳山水如三竺兩峯西湖南屏之屬收入先生篇什而益重東魯與湯令幸俱承乏虎林又俱先生門下士而先生集又適成於虎林因得與剞劂之役而掛名末簡則又以地重矣是役也有三重焉顧非先生人即騷雅非重矣

楊道行集

序

三

濟南門人季東魯撰

冲所楊先生集跋

曹子桓有言文章經國大業不朽盛事不佞嘗竊疑之曰立言不朽育史亦云至譚經國之業於文辭言何容易乃今讀吾師冲所先生文而信之矣先生少

楊道行集 跋

年以文雄海內甲南宮而稍稍試一割於濮業已剖經綸之芽蜚聲紫庭入佐大司馬尚書郎維時寧夏之役至抗王旅而海島獍夷竟屋名王之社先生佐大司馬帷幄馘叛將逐獍夷海

內外肅然洗甲兵而振威稜則

先生指授功居多經國大業業賭一班會中忌者歸益以其牢騷之意雄於文憑巖壑而嘯歌臨履樂而揮洒不啻盈篋矣今年適游西湖之上郡守季公及

楊道行集 跋

不佞見而竒之彙為集付之殺青以傳既竣事茲而莊誦無論忠君愛國之念往來楮墨間即讀其文辭魁梧磊落者足徵先生局慷慨激烈者足徵先生志湛泓淵渟者足徵先生藉煙波

浩渺者足徵先生致清貞毅直者足徵先生操經國大業居然如指諸掌乃今始信子桓之言不誣也先生旦莫大召將以曩所試之濮與未盡試於司馬與所論著者見之行事之實以撫方夏鞭笞四夷何有蓋見之行事而後知先生之業之大者是衆人之知先生也今日不佞從先生文謂子桓知言安知世人不從先生所建謂不佞知言哉敬次其語於末簡以竢

楚郢門人湯沐撰

楊道行集卷之一

目錄

賦

述歸賦

驅類賦

憶志賦

楊道行集卷之一

楊道行集卷之一

全椒楊子庭著

賦

述歸賦有敘

萬曆二十年余以職方郎病免而會友人鄭  
孚如亦以文選郎自免于家其明年余罷又  
明年而孚如寄余述歸詩余讀而悲之既和  
其詩復為賦寄孚如見同志馬賦曰

謫余生之好備兮獨斤斤而寡彼駭畏路之礙焉  
楊道行集卷之一

臆余步而狐疑東都盧之輕趙兮羗一畧而九達豈  
不孫彼蹕厲兮物有蠱而不移余幼好此嘉名兮命  
巾車而騁馳朝朝馳之九首兮夕格諸渠與三顧既  
鹽車之服驥兮又中道而繫諸靈龜告余以返御兮  
著又申之以歸歟念美人之子子兮中怒焉其如饑  
望澤雲之蒼蔚兮傷秋風之不時蘭欲縈而先刈兮  
蕭婀娜其多姿匪正威之促歸兮日冉冉其何能為  
悲故園之就荒兮涕盈盈而誰語昔宣尼之去陳兮  
抑斯人之無與莊舄仕而吟越兮鍾儀囚而操楚荀

覆盆之見照兮亦何必于懷土吁嗟默然俟河之清  
兮日月曷極棄彼碩果兮并潔莫食白日忽其將頽  
兮平原黯而無色念周周與蜚蜚兮猶比距而啣翼  
龍陽釣而泣下兮照明誓之或忒余亦知夫良辰之  
不再兮氣鬱陶而填臆纖趨曲趙兮余不忍改此式  
也旋辟中墨兮又衆吻之所賊也葦茅茨以歸來兮  
聊胼胝而食力夜橫參而不寐兮心煩寃以反側重  
曰管崩蔽帝並代殫兮歸來歸來聊相羊兮有美一  
人天一方兮豈無同仇誰與航兮

楊道修集

卷之一

二

驅熱賦 有敘

昔楊雄有逐貧賦韓愈有送窮文凡以宣鬱  
抒衷用附孔氏各言爾志之義淵明有言夫  
導達意氣其唯文乎余業以熱廢矣居間躊  
躇作驅熱賦比之二氏敢云肖哉

楊子既逐屏于田間衆猶嗥嗥聚聚成山哆彼文貝  
群飛刺天九關峨峨一斤不還好我者勸庶其復然  
然即溺之衆曰甚旃衆曰甚旃亦既詳只雕蟲厚詒  
借箸蒙耻市虎啗人蟻沙含矢厭譽所繇熱故之以

迺叩靈臺呼熱與語胡汝從余斤斤自喜進不程時  
退不量已不諧與人不洞事始自典方州汝則余過  
幸而無鄙汝食寢此錢穀甲兵余則尸之方枘圓鑿  
職汝之為人皆膈臆低眉解頤汝獨抗顏研研若蚩  
人皆嚙吮呿訾懷斯汝獨闊論眎人如遺人皆炙輶  
如珠在匣汝獨螳臂怒而當車怨汝之的禍則余罹  
懷璧其辜誰為我辭他人朝夕靈通與處曲鈞公侯  
從車上儔而汝誤我齟齬齟齬辱在泥塗借榻之父  
妻孥尤余咎實汝余靜汝想余動汝鼓豈無他人

楊道修集

卷之一

三

緊我是主借曰未知厥効可規汝其行矣則莫余侮  
熱曰唯唯為謝主人余亦何負汝亦何嗔汝卹汝官  
不卹汝身苟名之立黜也何羣不佞之先世有明憲  
昔佐王陵漢祖早識廷爭諸呂義形于色人臣之誼  
陵也伉直繼事長檣中流砥峙招之不來麾之不去  
布被丞相深文御史寒暑面折唯余先子親近突梯  
肉食者鄙雖復臚仕于夫所指謂子高明少而習焉  
嚙之臭味維子之荃東髮從子抑亦有年成子之名  
比于蒙賢衆能蟻子子諱無錫寧王而碎母瓦而金



丁嬌節可以長久誓投四裔與子相守不謂末路  
如敝帚利方為圓于余何有余去不復誰為子友  
繞指誘于塗澤而走顧指肝衛亦孔之醜懃詞既竟  
目張色厲人之無情請從此逝適彼首陽訪彼下惠  
佗係不顧壯夫所矚余乃避席自投于地庭實負子  
子則何罪古人服義過亦不貳請終事汝亦又何懃  
懃遂不去寧甘廢棄仲連有言貧賤肆志

懃志賦有敘

楊道行集

卷之一

四

詩有六義其一曰賦班楊張蔡之屬流傳可

睹已潘左顏謝代遞降而肯寢以微唐以後  
吾不欲觀之矣諒乎北地生有言唐無賦宋  
無詩豈所謂時代所壓自不能起耶抑力不  
至而強辭謂之無可也果比物醜類辯而有  
體則明之詩固已軼宋而上駸駸乎大曆開  
元矣豈其為賦必欲起兩漢諸學士于地下  
哉余才謝古人而獨于此道有蹶躅千里之  
想山居之暇作為懃志賦一篇以俟君子其  
肖不肖勿論也

何大塊之載形兮繁吹萬之不同茫塊其無垠兮  
譬落英之委風或杜蘅之迴飈兮入洞房與離宮或  
掘塚以揚塵兮令囁醋而惡中洵天地之為鍾兮卷  
糾纏其焉窮雖靈氛之等卜兮安吉凶之適從審余  
少好此嬌節兮踟沾沾而擇趾淬昆吾之陸離兮扈  
夜光與芳芷朝晞余髮于崑崙兮久濯足于弱水矢  
縻積其累跌兮曰獨胡繩其在此釋跡躋以委贄兮  
既連茹而拔茅際明兩之在御兮類二八之還姚女  
奉悅而事人兮持窈窕之令操鶴鳴陰而子和兮聲  
揚道行集

卷之一

五

聞天而自聳羽赤白其狎至兮信九折之所遭慕詩  
人之獨賢兮寧慘慘而劬勞煉五石以補天兮聚塵  
灰以止滔倘天河之可填兮亦何愛于一毛彼夸父  
之重繭兮逐三足鳥而不及庶幾告此羲和兮詔六  
龍而緩御咍隙駒之不留兮望崦嵫而遽入擲連城  
而弗眎兮珥硃硃而十襲刈九畹之種蘭兮何艾蕭  
之戢香傷騷襲之萃足兮眇九方而啜泣瘳天吳之  
九首兮更封狐之九尾疑玄蠡之若壺兮毋逐人而  
駢駢縛貳負于石室兮望燭龍而不理西施斥而務

面兮畫無鹽以為美効仙方便就餐兮蓋從余而饒  
指要天刑之安可解兮鯁既死而後已悲一國之三  
公兮余何為其在此既身世之兩棄兮從羅網之所  
居謂亢龍之有悔兮斯上九之自詒業桂枝之相纏  
兮利飛遜而端耆石碣碑以礪硯兮又連卷而差歷  
亮此中之避世兮胡王孫之不歸縵璫璣以為佩兮  
葦菱荷以為衣餐沆瀣以為糧兮挹三秀之在茲聊  
偃蹇以卒歲兮長顧領而不怡欲泐認以遇合兮非  
余心之所將續繁悅以冉十兮詎河清之可量遺冉

楊道行集

卷之一

本

冉而無成兮唯鼓鑿于大行漱吳醴與楚澠兮差鷄  
臠而鳧肪步于以上食兮杰夫君之不嘗河洶洶  
以澎湃兮惜欲濟而無梁鸛鳴而後時兮忽白露  
其為霜心悄悄以誰告兮悲泰山之為隍寧湮死而  
不顧兮吊靈均與務光賈忌鵬而偪側兮莊畏犧而  
適歲顧往者之不可追兮冀來者之可償唯天地之  
無常兮疇能測其倚伏吊騏兒之折解兮何塞叟之  
不福駘兀者而全年兮櫟不材而榮木豹養內而虎  
食兮殺脩禰而病入陰陽故而相譏兮豈余生之違

獨謂天高而蓋卑兮或丘陵之為谷城濮兆而勝郢  
兮菟耳連之轉轂莊多難而荆霸兮平宴游而晉賊  
既夏祀之配天兮胡厥考之黃熊嘆勳華之何繇兮  
跡二嗣之肖躬詎何循而壽考兮回何畢而短凶姬  
既佐之風雷兮何必賊之避東孔既昇之素王兮何  
畏匡而阨窮雖長而不及履兮即司命其矇矓或  
前眺而後咲兮或初昭而竟蹙或一轍之交馳兮以  
是始而亦以是終隸首之所不能紀兮余又安得而  
問之蒼穹昔龍令之墟亡兮何起死而伐位皮蜀鵠

楊道行集

卷之一

七

之啼血兮曾不知其望帝微漿流于夏庭兮棄亡姬  
于千歲夢勝天以號牛兮肇庚宗而家苑聚經宮而  
需疆兮迄叔姬之小祀福即伯之忽諸兮由麟難之  
金距寶之代而後昌熾而卜世昌庶姓而兩  
王兮中葉興而戰走弘一十而牧豕兮俄丞相而封  
侯駟廳眉而為郎兮嗟三世之不投青人奴而受笞  
兮貴震主而唯倖廣後臂而數奇兮對刀筆而自羞  
姜昌姬而鼓刀兮管霸桓而射鈞唯前途之不測兮  
亦安適其厥繇雖西隣之責言兮心無瑕其曷求抱

區區以自白兮猶踴躍而百憂贅鞭楚而裹皮兮信  
到頃而刺牙偃濟河而投璧兮介焚山而避蒐斯永  
相而五刑兮勃大尉而犴囚教佐羊而矢蔗兮子負  
薪而優詎條龕吳而相漢兮縱入口而自劉所貴至  
人之知命兮瘳死生而悠悠嘉王孫之羸形兮與羸  
傳之一丘嗤驪山之銅泉兮彼牧豎其何仇故數有  
所不可知兮言有所不必酬竈占火而妄辭兮僞斬  
玉而不與焚守心而宋殃兮景一言而遽徙曰六合  
之外不論兮余不知其所起彼牛哀虎而噬昆兮黎  
紅鬼而刺子穆天道其馬如兮唯人道之則邇攬余  
轡以騁馳兮顧無儔而長吁悲世俗之逼隘兮將弭  
節于八區召玄武使驟乘兮策勾陳使前驅吊厲帝  
于蒼梧兮胡二妃之不俱謂風伯為我驅煥兮覲摩  
收于金樞開軒轅之千歲兮聊盤盤以娛余觴王母  
于瑤池兮莞戴勝而見貽呼馮夷使擊鼓兮迎伊浦  
之宓妃覲罪罪于紫宮兮拱肅肅于太微命王良使  
掌駟兮問畢星之狩期誡貫索庶幾使刑錯兮胡翕  
舌而南箕織女告余以流涕兮謂靈匹之無時余亦

為之歛歛兮坐支機而歌詩歌曰睢鳩關關在彼中  
河有美一人忘我實多望而不見我勞如何菴余託  
于遠游兮挾明月以飛僊蒐招搖以如旆兮意倅倅  
而若憺呼巫陽以大招兮望故岑而返旆返故岑兮  
欽峯下必風兮白雲深稅余車兮駐余馬拄余笏兮  
抽余簪貶疇昔之淫放兮收無涯之迷心既栖志乎  
無為兮又游藝乎翰林羅百家以為園兮獵千秋以  
為禽感南榮之遺誠兮佩老氏之徽音爰朝乾以夕  
惕兮思負荷之不任昔庶女之告天兮召齊臺之震  
霆及賤臣之叩心兮屆六月之霜零廣射石而鏃沒  
兮基矯矢而猿驚非壹誠其局通兮矧耽精于道真  
嬰沒世而不朽兮唯先民之我師漱姬孔之餘潤兮  
何向邠之足追陋羸行于桑扈兮斥髡首于接輿步  
潦園之傲吏兮偕菜子之逸妻布被寧正之不足兮  
夫子康而自知苟圖書之娛老兮又烏知夫貴賤之  
所之系曰有鳥有鳥鸞鷟姿不逢羊角棲鷗卑隱蒿  
戢翼志轉大放情游意八極外天門蕩蕩不可上松  
子吾欺意惆悵幽討六籍樂有餘洒然忘筌在得魚

楊道行集卷之二

目錄

騷

九發

遠游

糾紛

誨尤

遁世

重謗

楊道行集 卷之二 目錄

懋放

惜時日

思美人

據壘

大卜

楊道行集卷之二

騷

九發

屈平放逐乃作離騷自是而能言憤世之士  
託馬謹做作者之意述九發

遠游

余幼狎此風濤兮衆擊予而遠游館青絲以為笮兮  
飾木蘭以為舟屈留莫與揭車兮俾明月與瓊玖朝

楊道行集

卷之二

一

涉三湘兮夕憇九數苟余行之不迷兮雖邈遯乎何  
有伊余遘此重靈兮羗又申之以烈風榜搖擺而不  
前兮艤擊汰而竟窮獐獮象之出沒兮天吳見而怵  
予畏馬街之當蹊兮駭荀荀而見逐兮曰余濟此西滙  
兮迄滔滔而何之佇九畹之滋蘭兮何於邑之太遽  
奄嚴霜之霏霏兮惜懷台其去女吾謂羲和兮望崦  
嵫而緩御羲和告余以不可留兮歲冉冉其誰與傷  
美人之遲暮兮中結軫而不語苟蕙質之必捐兮則  
何以異于衆華洵旖旎之不若兮長顧領亦何譚唯

靈脩之不登兮前橫慘而泥沙悼余生之不辰兮逢  
斯世之煩拏將卷羈腸臆以從俗兮余不忍改此度  
也寧胡繩纒纒以自穀兮夫唯靈脩之故也鴉鵲嘆  
夫芹藻兮鳳翩翩而不顧也俊不必顧兮善不必親  
姬公居東兮仲尼旅人邇前踵而皆然兮余佗傺奚  
獨嗔將塊然以娉節兮誓磴磴而終身

糾紛

羌何為兮糾紛吁嗟默默兮獨惟此氛羽書馳兮若  
雲天狼驕兮縱橫枉矢飛兮夜驚重鎧兮短兵聚介

楊道行集

卷之二

馳兮左輪朱殷皇天慰兮何時平何時平兮發不極  
有美人兮太息太息兮何為挽天河兮恨無力膏余  
車兮秣余馬願為國殤兮棄原楚棄原楚兮予同仇  
徽天幸兮與神為謀殪旄頭兮歸休歸休兮大酺獨  
泣兮向隅時不可兮再得極勞心兮踟躕

誨尤

余何為兮磴磴寒余賦兮獨行際陽氣兮彙征篇樞  
機兮秉成既累黍兮量盈觴余步兮不寧木可樛兮  
米可糗孤一意兮寧知繇衆咍余兮何不為繞指柔

余怵怵兮唯余趾之所投羗蘭櫂以汎汎兮或中流  
而牽之犬狺狺以迎吠兮鼃淫哇而匝池廣張天門  
兮余將八翼而上之畏九關之戕戕兮闢馨馨而九  
首余使巫陽占之兮曰達失援而何有爰憤憤而內  
咎兮宜不諧于衆口衆口兮焉窮援啾啾兮嘯風山  
之上兮慘慘思夫君兮心忡忡

遁世

時不可兮夷猶羌何為兮淹留綠杜蘅兮為屋又芳  
荃兮為舟望江皋兮夕歸若有人兮瞻之魚有鬣兮

楊道行集

卷之二

獸有機豈不與君有成言兮不可為渠既申申而置  
予兮叔又中道而問之羌不可以戶說兮心佗傺其  
誰理曰余樹此嘉橘兮踰江為枳罔之亡故兮脩姱  
自喜既不周于今之人兮惡居于此及年華之未晏  
兮鞅迤邐而庶止亂曰有羗觸藩進退谷兮伯樂已  
歿驥瑟縮兮歸來歸來鳥擇木兮石瀨淺淺娛心目  
兮

重謗

世路兮嶮巇獨何辜兮丁此時怯虛弦兮膏鷲難混

跡兮不夷既杳兮中路又含沙兮歎之吁嗟傷乎  
嗟傷兮南箕嗟兮撼余羗紉蘭以纒荃兮曰蕤  
施而御之媚蛾眉之窈窕兮嫫母謠詠而去之吁嗟  
傷乎謂參殺入兮謂由盜冠謂妬好脩兮謂夷貪婪  
謂程為厲兮舍此琅玕芳澤雜糅兮莫知其端亂曰  
鸛鵲先鳴丹雘殘兮虎豹先徂天門寒兮燭龍不來  
靈森漫兮泥汚后土何時乾兮

愍放

瞰之照兮離離又重雲兮蔽之陰曠曠兮不開雷填  
易道行集

卷之三

甲

填兮怒余昔侍君兮盛興遊龍旂兮兩螭君佩余兮  
玉魚又申之兮明月珠玕夜君兮白頭長歡樂兮不  
憂君棄余兮若遺置廢難兮道周老將至兮色衰恩  
有時兮畢休紛總總兮九州幾何為兮獨愁去故都  
兮一方放江南兮水滌喜窺人兮魑魅狎朝夕兮鳬  
鷗蹇芙蓉兮江畔將以遺兮所思望靈脩兮九重  
有心兮不知又悞瑟兮吹竽聲中節兮觀者忘歸  
不聞兮此悲鬱嗟峨兮間之固吾命兮奈何孰  
兮可為

惜時日

天墜大兮胡不容日月照兮不知此恫烏西馳兮不  
再中往者不可追兮悲余窮悲余窮兮長太息斷兩  
足兮王為石割比干兮七竅裹鵠夷兮潮汐牛與驥  
兮一阜鳳在茲兮鷄食從彭咸之所居兮奈不忍  
此極也羗倚柱而嘯歌兮又耿耿此漆室也老冉冉  
以將至兮歲云徂而不反登終南以長眺兮望京國  
而日遠見韓衆以長揖兮問靈脩庶乎一顧衆告余  
以不可幾兮尸服艾而夸毗寧吸沆瀣以長生兮何  
易道行集

卷之三

乙

必懷此故宇余謝衆而雨泣兮蒙自甘乎食苦衆食  
苦兮不言非懷夫君兮依依願一見兮牽衣恨無羽  
翼兮奮飛

思美人

夫何天之降割兮亂不夷既放逐兮猶此悲憂猓猓  
兮內紅愁鯨鯢兮不支苦介冑兮蟻虱勞轉輸兮漏  
卮腥洪流以中汎兮遂其所以之所之或告余以柁折  
兮湍礧礧而殆余兮不為我謂榜人兮呼長年三老  
而操之曩朝歌之鼓刀兮文後車而載之暨檻車之

賤俘兮桓北面而拜之洵王伯之巍巍兮何外侮之  
能為羗蕭艾之薦且兮刈芳菲而無色陟太行之巔  
芳兮驚跼跼而跛躄豈無王良與造父兮求執鞭而  
不得雜莧藿于殿蒸兮束蒿矢而射革志欲憾而不  
憚兮思脩程之巨測亂曰鼃鼃游兮鳳不食國空洞  
兮患徽纆山有木兮鳥有翼思美人兮無終極

憶壘

哀斯人兮不淑爭談談兮嗟嗟朝曾史兮夕昭腹便  
便兮炎轡聞不聞兮鷄鷄紛何貼兮鷄鷄薦冠屨兮

楊道行集

卷之十

七

共約絲茅絲兮一束頽拾塵兮冒疑尹撥蜂兮被逐  
悲申徒兮自沉泣東門兮扶目歌綿上兮立枯封介  
山兮不獲思古人兮有之羗何為兮獨哭既不才兮  
合休何巫咸兮可卜溜淺淺兮石瀨松陰陰兮茅屋  
攜壺漿兮獨酌挾琴書兮一簾家尸鄉兮祝鷄飲上  
流兮牽犢年滔滔兮不待絃苦急兮柱促獨攬進兮  
強顏望天畔兮躑躅兮曰戶不可說誰為壘兮泰山  
為隍心懔懔兮有一人歸無從兮何以攬志紉美  
蓉兮

大卜

屈平既放三年不得復見顏色憔悴形容枯槁楚王  
聞而憐之使上官大夫問之以兮曰寡人不佞不能  
獨任社稷之事將虛執珪以待子以子之憚直矯名  
教而無上是用迷遺寡人願砥行抑志以聽令尹司  
馬非子而誰子其圖之屈平蒼感不知所對使靈氛  
卜之以尊曰孰吉孰凶余安所從氛釋卜而對曰夫  
地傾東南天缺西北造物有所不通聖哲有所不及  
故魚脰不可續鶴頸不可截飛者不可使角走者不

楊道行集

卷之十

七

可使翼君能塗澤而前自旂旋乎持方枘入圓鑿無  
悅鬱乎刈菑莠與揭車纒蕭艾乎能脂韋以絮楹干  
富貴乎將攬金不見市人乎雖鞭之費不及馬腹能  
違天乎語有之君行令臣行意意有所必之廷尊不  
能與知其事屈平乃肅使者稽首而謝曰臣唯不能  
以身之察察而受俗之汶汶以有今日也使臣改心  
以事君而君又安用臣且臣已矣唯君王幸加餐遂  
沉江而死

楊道行集卷之三

目錄

樂府

善哉行二首

獨漉篇

秋胡行五首

公無渡河

門有車馬客行

燕歌行

悲歌

山人勸酒

雙燕離

猛虎行

東飛伯勞歌

結襪子

楊道行集卷之三目錄

丹霞蔽日

鳴鴈行

白紵歌

樂府二首

四時子夜歌四首

龍蛇歌

倚柱操

越人歌

黃鵠歌

蘇子歌

濮上歌

平寧夏鏡歌八首

太師嘆三首

黃淡思歌二首

楊道行集卷之三

樂府

善哉行二首

全椒楊子庭著

百年一身逝日苦多乾喉焦唇我勞如何解仙人王  
喬授我七藥挈游蓬萊吹笙騎鶴解我謝仙人不願  
瀛島但願為樂可以忘老解猛虎啗人不避賢豪一  
閻三公心焉切切解何以解憂惟有飲酒金玉滿堂  
莫之能守解瞻彼北邱藹何崇崇莊周何人逍遙我

楊道行集卷之三

師六

二

堯舜無為天下晏如秦皇任智衡石程書解務光潔  
身九州一毛而世營營競于錐刀解九載無成蘇乃  
就殛我儕小人朝不謀夕解檻車之囚為諸侯帥鮑  
叔一言釋而用之解夫差強霸以有謀主及任宰嚭  
身為囚虜解伯陽猶龍其道和光江海納污為百谷

王六

獨漉篇



獨漉獨漉組鯢渴湫組鯢猶可長鯨殺我我謂長鯨  
勿倚風濤濤落失勢螻蟻嘈嘈豈豈雙鴈以藻河畔  
誰為彎弓今子孤散汎彼栢舟亦泛其流瞻彼中衢  
茫茫者猶我欲刈猶畛畦間之羞澁不試鉞刀何為

秋胡行五首

履滿持危安知稅駕期履滿持危安知稅駕期日中  
則月月盈則虧功成不退暴尸鴟夷東門牽犬喟嘆  
何為歌以言之安知稅駕期

二

楊道行集

卷之三

二

白頭如新何如知我心白頭如新何如知我心如彼  
涉水誰知淺深子期已死悠悠知音延陵皮相披裘  
拾金歌以言之何如知我心

三

末世論交市道何其多末世論交市道何其多陽為  
然諾陰尋干戈勢在附隨勢去張羅煥燄羊腸洶洶  
風波歌以言之市道何其多

四

茫茫九州願得凌雲翔茫茫九州願得凌雲翔仙人

衆授我藥方瓊瑤為珮沆瀣為漿鍊形易色后彫  
三光歌以言之願得凌雲翔

五

采采榮木韶華能幾時采采榮木韶華能幾時四十  
無聞終焉可知靜言孔念中心悵而飲醇食肉樂天  
奚疑歌以言之韶華能幾時

公無渡河

公欲渡河止公勿渡天吳出沒河伯震怒長鯨磨牙  
罔象當路殺人如麻胷骨不顧公不我信忠言何為  
楊道行集 卷之三 王

被髮亂流公竟渡之中流不救悔其可追空侯一曲  
千古所悲

門有車馬客行

門有車馬客盡是珠履人四座曳華轂夾道馳朱輪  
長跪問名姓知為同鄉親與子別已久相思難具陳  
我為浮名牽忽忽二十春紅顏豈如昨素髮歸來新  
訪舊半鬼錄涕下還沾巾存者日以老沒者長蒿塵  
日月尚代謝何得百歲身棄婦復安在雍門空悲辛  
大運既如此俛仰從高曼

燕歌行

秋日淒淒百卉腓  
嚴霜淅淅沾人衣  
朔鴈南下巢鷺  
稀愛而不見心依依  
思君鬱陶不可揮  
寸心雖在紅顏非  
歲暮云暮君不歸  
魚有比目鳥雙飛  
妾獨何辜守孤幃  
皎皎明月侵庭闈  
秦箏趙瑟停齊徽  
寒蟬唧唧鳴絲機  
牽牛織女遙相睇  
引領淚下霑雙扉

悲歌

富貴不如適意他鄉不如蚤歸馬嘶不行鳥悲不飛  
欲駕車無輓欲渡舟無楫有情不可道有淚空在睫  
楊道行集 卷之三 四

山人勸酒

漠漠高山暎暎紫芝與其富貴而畏人孰若貧賤長  
逶迤避秦不出事漢何為劉季嬖為逃而去之國本  
數抵意存戚姬大臣強諫一木不支乃公一言定不  
踰時翩翩湖海婦織安施偉哉四山人相勸一杯酒  
漢家社稷功豈在蕭曹後功成歟歸山縹緲復何有  
斯人不可見清風滿人口

雙鶴歌

雙鶴雙飛金屋誰不羨可憐尼迦迦工堂公

子時相見黃口小兒不解事持竿採果外墮地吳宮  
火焚巢亦空憔悴為雌思故雄故雄難再得春至只  
孤栖豈無玉樹堂前侶忍復雙雙對啄泥

臨虎行

孝不入勝母里廉不飲食泉流食泉非今名勝母道  
所尤沮如不可居志士多苦節焉知沼沚毛不為王  
公並機李自成踐營營何所求

東飛伯勞歌

東飛伯勞西飛燕黃姑一歲纔相見誰家少婦  
楊道行集 卷之三 五

眉含怨不語停針時停針更停機楚舞一曲  
如雨少婦客顏花不如年年織錦寄君事  
相思老願作陽臺雲亦好

結襪子

少年結客平陵東手提匕首如旋風一言便許嚴仲  
子為君屠腸都市中

丹霞蔽日

丹霞蔽日白虹亘山種蘭九畹化為草菅坑塹木末  
鴻波雲間日不再中彫此朱顏古來有之我何煩寬

鳴鴈行

八月朔風吹鴈來，啣蘆夜度陰山雪。裹瘡有翅飛不高，失侶孤號眼流血。何來弦發虛相驚，撥刺墜地毛翻輕。小兒畜鴈若野鷺，幸免玉饌須臾生傷心。阻絕隨陽伴，矯足猶然時一鳴。

白紵歌

吳娃二八羅縠輕，皓齒玉指調秦箏。七盤一曲四座驚，垂手頓足如有情。左按右拍旋風生，纖塵不動含態清。可憐一顧傾人城，盛年不再西日傾。常恐零落場道行，集卷之三

悲秋英及今蹋歌莫停聲

樂府二首

西域椎髻多願與漢家和，公主自作黃鵠歌。張騫鑿空將柰何

二

酣戰日至暮，殺傷不知數。單于自乘六羸去，輕騎欲追雪迷路

四時子夜歌四首

春風太輕薄，春日亦容冶。歡看出岫雲，誰是無心者

二

儂家並頭蓮，更摘雙蓮子。低聲向蓮拜，與歡願如此

三

桂花秋來香，桂子月中落。但願歡百年，不願窮靈藥

四

雨雪積如山，日出忽不見。歡心不自持，勿謂儂心變

龍蛇歌有序

龍蛇歌者，介子推作也。晉文公賞從行人不及子推，子推作此歌，遂隱于綿上以死也。余獨以為子推誠無求，則是歌可無作，豈其志未廣耶？已讀左氏則子推實無是，歌史記所考據或出于好事者之口，然皆未可知矣。

牛有阜，兮鷄有埒。一蛇無穴兮龍莫之知，嗟苦先生兮獨罹此悲。身將隱兮馬用文之

倚柱操有序

倚柱操者，為魯漆室女作也。漆室女倚柱悲吟，或問之曰：欲嫁乎？女曰：吾憂國無人心悲而嘯，豈為室家哉？遂自經而死。余哀其意，為

之援琴而託其聲焉

山則有榛兮隰則有葭國無人兮亦孔之嗟心之嗟兮誰曰余未有室家

越人歌

木蘭為櫂兮桂樹為舟今夕何夕兮得與王子同游  
寒柱若兮河渚欲維舟兮時不我與臨中流兮悲歌  
君不知兮可奈何

黃鵠歌

悲夫黃鵠之翔躍兮雲間翱翔一朝失雄兮三年感  
傷宛頸獨宿兮不與衆鳥匹雙思故偶兮此異兮泣  
下數行嗚呼哀哉兮糾纏孔多喪此伉儷兮誰為綱  
羅命之不造兮寃如之何誓將終焉兮嗟淠清波

鉢子歌

鉢子決兮流湯湯愁吾人兮獨罹此殃刑白馬兮沉  
玉鐙從官勞兮薪不給薪不給兮將奈何捷淇竹兮  
得洪河為我謂河伯兮就驅東塞宜防兮復禹蹟

濮上歌

吳趨隔江句齊謳阻山阿四座且莫喧聽我濮上歌

濮上自有始請從帝丘起帝丘何鬼鬼聲跡顯項氏  
欽明放勳烈陵墓歷千祀三舍楚師燔一匡郵會美  
桓文兩劍薊經略咸自此晚衛卜遷吉崇墉積百雉  
延陵為歌風其國多君子越茲彌朱代賢哲難勝紀  
達哉漆園吏把竿釣清沚亦有持匕首任俠寧論死  
汲公震漢廷挺挺光青史思王八斗才曾此剖玉璽  
我登昆吾臺長嘯何能已

平寧夏鏡歌八首

邕熙

邕以熙 皇明昌 十一帝御八荒貢鐵勒臣氏  
寔寐誅魍魎歲歲降胡如犬羊吏不戒禍乃萌咄咄  
賊反天常煩有使窺朔方 皇出師威肅將軍彭彭  
施央央

扼靈州

靈之城賊睨之 皇謂要害趣扼之趣扼之介士馳  
扼賊之吭扼其頤吭可扼頤可批旋頭可掃趣殲之  
我 皇有勝算談笑制四夷

葉竿

守臣嬰城遏寇賊有弁望風輒奔北 皇怒趣遣綬  
騎亟募竿以徇衆戮力電掃霆擊震八極噍尔釜魚  
假餘息

### 賜劍

王師征迄三時賊勾連紛以滋吏失御威乃隳陴西  
顧 皇曰咨維尚方劍陸離詔大帥趣賜之劍之頑  
迅霆馳佈匈奴蟄月支劍之至爭死綬不用命孥戮  
之劍之動神物悲水斷蛟陸剽狼劍之歸平賊期御  
明堂坐受之

### 灌寧城

### 灌寧城

決黃河河水轟灌寧城與城平 皇勅文告猶緩兵  
萬人為魚軫 皇情軫 皇情萬堞傾雖有鐵騎不  
得橫行雖有金縢盟無所成賊徒蹂躪中夜驚兵革  
不煩內變生赫赫 皇略垂駁名

### 賀蘭山

賀蘭山山以北旃毳充斥胡赴賊為我謂胡漢過不  
先旃毳信充斥安能渡此黃河邊黃河洶洶茄吹烏  
鳥一軍細柳一軍飛狐左殫休屠右殫骨都賀蘭山

拾遺鏃飲胡之血嚼胡肉賊知無救但慟哭

### 朔方平

么麼小醜亂朔方四鎮精卒爰啟行 皇曰緩攻念  
殺傷區區螳臂胡為張迅掃摻摻及天狼照耀八極  
日月光

### 大資

受脤出歌凱歸告成功坐垂衣維我 皇念子遺獨  
何辜丁亂離詔司農趣資之 皇之資出內帑及瘡  
痍生以養 皇之資蠲歲租復勿事仍大酬 皇之  
勳

### 大資

### 大資

### 大資

資詔書下厥脅從金鷄赦 皇之資使者來犒三軍  
懽如雷懽如雷感以涕願我 皇帝壽萬歲

### 太師嘆二首

直拾時事而託之手田畯紅女之響此亦洗  
兵馬留花門之遺而樂府之變也存之

何當快樂無憂丞相特進太師負宸以朝諸侯解父  
死不顧私親 皇帝眷書王臣燕見禮如家人解驟  
貴黃口小兒四方賂遺不訾木難珊瑚火齊解諫者  
梓掠桁楊斷養跋扈侯王法令東濕探湯解太師壽

命不延特賜繒絮金錢更為象家祁連解五縣官亟用  
要人數言吾家將軍上書告密紛紛解六君恩逝水  
不還縱騎使者出關籍沒金寶如山解七琅璫對簿可  
憐大者自殺呼天小者鬼薪二年解八為德不及沒身  
向來刻數不仁天道好還勿嗔解九

二

悶如龍哮如虎夥沉沉太師府太師晨入朝犬者三  
孤九卿次且白事偃以僂小者省臺噤不語太師玩  
之如掌股解一九邊大使仰我鼻息如臂使指解二不

楊道行集

卷之三

十三

勒遣有天幸單于請朝明年永偃兵單僭耳以南陰  
山以止亡不頌天子神靈太師功德解二太師請急  
皇帝不許朕亦有父奄棄萬國朕避何所惟太師亦  
自謂漢相尊坐蓋侯西向父不得子小人不信子則  
擊戮汝解三朝賜太師夕讎太師有妄男子上書執而  
笞之以禦魑魅投四夷太師稽首言臣冀土幾息  
帝曰俞詔有司世世胙于太師解四太師幸臣馮子都  
睥睨公侯如罵奴身毒之寶波斯胡犀毗解五嵌着明月  
珠黃金如山誰敢沽象床八角垂流蘇駝背熊膺分

御厨蜀錦胸背盤天吳太師堂堂府中趨解五萬里不  
復春縣官解六怒與詔削爾籍籍爾子孫一錢不得着  
其身吁嘻乎願攝爾魂訴至尊臣亡狀負陛下  
盈廷亡譁大阿獨持敝帷敝蓋臣自知於戲政柄旁  
落時陛下幸念故太師解六

黃淡思歌二首

二

淚作縷縷垂腸作車輪轉寄郎錦襦襠相思不相見  
歸歸黃淡思思郎無已時郎向代州去馬頭絡青絲

楊道行集

卷之三

十三

楊道行集卷之四

目錄

四言古詩

皇之武

揚之水

榜人

自勅詩八首

楊道行集

卷之四目錄

楊道行集卷之四

四言古詩

全椒楊子庭著

皇之武

皇之武頌 皇武也 皇帝二十年時賊以

寧夏反 詔遣尚書魏學曾等討平之于是

復其民一年吏民誑誤者赦不問臣于庭時

為職方郎中爰拜手稽首作頌云

龍旂陽陽鉦鼓鏘鏘 皇赫斯怒征彼朔方朔方既

平四方載寧不貳不疑

天子之明

勞勞饑氓 帝曰餉之森森脅從 帝曰放之浩浩

皇仁四方象之

廼郊廼廟廼賜大酺廼霽干戈廼鳩其逋赫赫

皇靈覃及蠻貊 天子萬壽莫不重譯

皇之武三章二章章八句一章章六句

揚之水

懷鄒子也

揚之水石泚泚兮或樹之橘今為枳兮

夢澤之陂可以釣魚夢澤之麓可以卜築

有苑者且芸其落矣彼其之子嘯其作矣嘯其作矣  
從子于秣矣

揚之水三章二章章四句一章章六句

榜人

諷也

汎彼中流風則颺矣念彼榜人舟搖搖矣

汎彼中流不知所屆豈無榜人如彼邁邁

山有木工則度之小人有嘵嘵君子莫之周公吐哺

勸進行集卷之四

天下若之

榜人三章二章章四句一章章六句

自効詩八首

昔韋玄成作自効詩張華作勵志詩陶潛作

榮木詩皆以創往圖終用據所志余讀而疑

之爰做四言亦得八首詩之工拙姑亡論云

戎揚自漢七葉珥貂光光海寧爰止于譙如木斯蔓

如泉斯澆里有祭酒視民不怵

二

海寧四世施于西疇世有明德維乃之休我祖洵沐

于何不週還金折券千夫所謳

三

於赫西疇天作之配並此鹿車贈之雜佩爰誕先公

厥流熾熾施于小子其德靡晦

四

嗟余寡陋胚胎前光遂登仕版齒于鵷行天子庸

我被之龍章是曰餘慶小子無良

五

勸進行集卷之四

維余小子不度而佻嘖嘖煩言維我之招帝猶三

宥云何不饒璽削章服編于葛藟

六

赫赫朝籍自我黜之明明廟祭自我辱之口為禁聞

舌為發機我則不戒悔其能追

七

鵷雛遠害不羞卑棲靈亂雖難不耻污泥一龍一蛇

道故不迷沒齒何學丈人灌畦

八



初不慮生禍亦易至惟口興戎惟傲叢刺先民有言  
夙興夜寐借曰未知亦既顛隤

楊道行集

卷之四

萬曆八年述

物道行集卷之五

目錄

五言古詩

擬古四首

咏史二首

感述四首

渡江

用韋蘇州全椒山中道士韻贈吳山人湘

寄東泉石先生家居二首

夜發二首

高年會詩和李伯承

楊道行集

卷之五目錄

十八盤

青龍渡

題椿景水懷卷

贈李和元主事餉邊便道省覲二首

張家灣

花石船

晚雨

早發雨甚

天津

望海

夜發東郡

惠州同知嚴君曉濱繪其大父方伯石巖尊

甫次峰并曉濱各為圖一卷索余詩

眺于秋岑孤雲澹然感而有賦

田父招飲因贈之二首

小園雜咏七首 悼亡三首

五君詩五首

懷鄒季如願叔時葉洽卿孟叔龍四吏部

過彭城弔百明

愁霖

獨坐詩陶詩

六子詩

寫懷

雨晴松下哦詩率爾成句

楊道齊集 卷之五目錄

二

癸巳除夕二首

祭金山絕頂

夏日暮倦骨二首 遊南山四首

納涼二首

飲王園贈欽之二首

述歸

數詩

五平五又連二首

初秋遊小園得拾字

園居雜詩五首

出郭

抵龍會寺

望龍會山絕頂以風甚不得登悵然而返

丘壑

宿龍會莊懷賈戶部魯 歲會于此

觀朱村壩望獨山憇小莊別業

林卧

怨詩

病後對兩女

詠史二首

毘陵道中言懷

汎舟遊惠山

全張從心遊陽山憇大石

哭門人張三極進士五首

越游雜詩七首

富陽縣時鄉人季尹招余

登月輪山六和塔望浙江潮

楊道齊集 卷之五目錄

三

定山

東樊使君

自昔

九哀詩九首

春晴

春日懷故人

咏懷四首

古意

樊使君生日贈二首

故山

懷皖城吳幼鎮葉洽卿

早長集選句東樊使君

述史

久陰晴偶爾見月

悼賈主事嚴

偶述

滁陽道中俛仰今古述忘六百五十字

將謁尚書褚公道中自述

偶書四首

盱眙道中偶成

為和州郭使君壽其父母使君時以三年最

錫封

郭使君招讌城東樓

寄孚如四首

宣城梅禹金

野燒謠

行集

卷之五

楊道行集卷之五

全椒楊子庭著

五言古詩

擬古四首

團圓天上月逾望還復虧與君非一身安得無乖離  
乖離妾不恨但恨繁華時盛年不自結色衰空爾為  
妾有大秦珠是君手自貽君有錦香囊是妾手中絲  
囊今仍在否手澤君應知珠在妾懷袖三年常相隨  
君心如覆水妾意如連枝棄捐為誰嘆悲哉團扇姬

楊道行集

卷之五

二

嶧陽何陰陰下有桐樹林不知何年種傲此霜雪深  
我願斷此桐被為七絃琴一彈求凰操再彈獨鶴吟  
秋風洒然至為我清塵心子期骨已朽惜哉無知音  
古調多不愛泣下還沾襟

三

種菊東籬下嚴霜彫我姿鸚鵡亦何來嗷嗷秋風時  
佳人渺何許歲晏誰與期白日欲西匿浮雲還間之  
豈無好鳥鳴良辰傷別離自非王子喬計數能不辭

思不相見何用長相思

四

昔有龍陽君容華始桃李靡憂君王日晏同卧起  
君恩有時歇美人難多既得後魚美前魚將奈何  
天風念君寒日時念君饑寄語後來人努力扶持時  
朝為並蒂花暮作兩根草榮枯應自知沉憂使人老

咏史二首

李廣竟不候數奇人共知惜哉漢將將欲衷良足嗤  
方其失意時夜行灞陵路醉尉翻口罵識將軍故

楊道行集

卷之五

上

一朝再領郡死灰還復然殺尉以泄忿功名徒速遭  
所以古達人曠然一榮辱役夫夢為君衆除理亦足  
一貴復一賤勢極應必反惜哉李將軍君何見之晚

二

桓桓趙營平老大尚矍鑠奉詔征先零立節難遙度  
比馳至金城圖上平羌略首請屯河東廷議相錯愕  
璽書數詰問何時能破羌將軍不為動披歷陳未央  
方其倡義時歟歟十八九功成衆帖然麟閣名不朽  
漢軍自神武獨馭真英雄任人遂勿疑千載欽高風

感述四首

李斯起徒步客將入咸陽開口取卿相畫策擒六王  
銷兵鑄金人發卒營阿房斥地及河南匈奴走且殫  
詩書燼為灰法令如沸湯古法黜不用郡縣諸侯彊  
秦德既無前佐命誰與方功成身不退盛滿翻自殃  
朱殺會赤族黃犬徒嘆傷智能并六合身死一小瑯  
何如解印綬種瓜青門傍邵平亦何人千載名猶芳

二

沛公一亭長將將真英雄丞相薦亡命築壇拜元戎

楊道行集

卷之五

王

陳平疎逃人萬金恣不問左右或說平至尊轉親近  
雍齒最有卻剖符先數公千古弟四人無寸功  
度與霄壤寬明與日月並煌煌漢家業千古誰與競  
宋祖惜使相局量固云卑也齊魯衣賞重瞳空爾為  
俯仰興亡間永為末世規

三

亭亭山上松搖搖遭秋風以彼千尺高不如藏蓬蒿  
許由豈益冠衆口空嗷嗷達人邈四海芥蒂非英豪  
聚者雖自譽視之若鴻毛毀者雖自毀不足駭纖毫

四

卡氏抱壁泣楚王翻見嘆不辭則足苦泣此希世珍  
及其剖得王連城羅千春秦主設九債四座皆逡巡  
遇合自有時白頭尚如新韞櫝豈不貴何必悲沉淪  
葵猶衛其足惜哉殘爾身

渡江

誰從天地初劃出一匹練氣吞吳楚漫濤吼鬼神見  
瞑帆搖鴻濛曉嶼帶慈精香將尋真源岷峨隔春甸

用韋絳州全椒山中道士韻贈吳山人湘

楊道行集

卷五

悠然見南山瞻此山下客煙蘿牽荷衣清風響泉石  
有時忽長嘯山開白雲夕童子出門去皆頭破苔跡

寄東泉石先生家居二首

青青水中蘋為魚山下正秋陰摧其華來者擲不理  
陽煦回春滋清芬自沼汜上可奉宗廟下可羞君子  
皇達會清靜周道去荆杞請公謝貢公彈冠以為始

二

男兒志四海氣與霄漢薄群公况推轂公胡守藜藿  
寓縣亦一作故匡扶世安託項閔於越草驕如花門掠

健兒要金鷄中丞指然諾又聞荊州成羈縻等胡貉

臨淮自觀望列校寢不恪感此發中熱對酒不能嚼

明公大阿鐸出匣會錯愕無令漢將歎獨勒麒麟閣

特越有兵變又  
則陳有煩言

夜發二首

山行夜不歇三更吐山月漂雲傍馬啼零露滴人骨  
何當潑刺鳴溪頭一鷗沒

二

涼月隱深蘿寒雲上高樹遙遙逐燈火人烟春杳處

楊道行集

卷五

五

促縮空山行嘯鴻自東去

高年會詩和李伯承

高年不易得後會安可知古人重讌樂非直流連為  
明公謝朱紱獨對東籬姿開筵召耆老歲晚聊燕私  
上坐既黃耆其餘亦龐眉或來情車至或曳鳩杖隨  
相揖為扶侍歷階尤逶迤頽然就賓主不復煩苛儀  
老翁會手顚呼兒持其船健者尚大嚼一一勝蒲脆  
三行起相壽但願百歲期自少同里閑耆老難別離  
兒孫各以大菑畲餘所資不悲牙齒衰難得全盛時

詔竟各嘆息深杯安足辭酩酊映白髮悵悵忘所之  
持以風末俗雅道良在茲

### 十八盤

入晉山萬重入秦道尤惡一夫信當關萬夫果前却  
肩輿轉層嶮卓蓋凌飛閣嵌空日月度曠莽雲霧落  
下恐厚地裂上恐高天薄憶昔混沌初曾煩五丁鑿  
至今封疆吏盡守各巖嶠人和整乃固德薄力仍削  
茲險倘可恃晉秦霸如昨

### 青龍渡

楊道行集

卷之五

太

山行十八盤更傍青龍渡臨河仍祭告恐觸河伯怒  
蒿師既理楫修達延川路方言兩岍別作客無鄉故  
雲迷晉陽山霧失秦中樹星星百餘家云是沿河戍  
飽經荒歲後存者少完袴吾生幸紱素豈為儒冠誤  
行役偶然至暢然付真數

### 題椿景永懷卷

母家世清芬吾舅更闊步神龍自汗血逐雷誰能駐  
初精左氏傳更擅長楊賦萬夫為辟易掉臂寧一顧  
縣官既續食上策南宮屢雄文何必多徃徃交繁露

一念河北選吏勤乳哺夫子試為今漳千慰來暮  
未位次公入已報王喬仆傷哉兩麒麟泣血風前墓  
大兄苦拮据亢宗見王樹小兒心孔開讀書振逸路  
獨此風木恨耿耿向天顧余慙相室人幸得託肺腑  
祿養不逮母終身有餘慕感此渭陽情悵悵不成句  
贈李和元主事餉邊便道省覲二首  
蓋替恨已晚  
送李和元主事餉邊便道省覲二首  
送云出餉邊手結使臣節朝廷念介冑擣予歲不  
絕往宣國恩重務使萬夫悅白檀何迢迢峨嶂更峨  
嶸我車既以脂我馬亦撒烈長揖從此去離愁難具  
說贈子澤中蘭幽心倘渾結

### 二

男兒重行過意氣何昂藏况乃便有觀潮颶娼北堂  
白髮捧金卮鮪泡鳴珠璫長跪上萬壽諸孫羅成行  
維時太夫人執手選傍徨無以老婦念努力事君  
王靡鹽殊未効三復皇華章

### 張家灣

驅車出都門理棹即前路相距亦咫尺舟楫紛鱗布

打鼓長年發款乃榜人顧買空競錐刀朝餐亦馳驚  
作備日中市禍始僞冠誤安得三皇初陶陶若嬰孺  
曰余苦糾繆行役無朝暮未迴九折馭漫保中派瓠  
不辭風波惡所幸吾仍故風帆駛如箭逆浪行復駐  
遲疾難預知感茲暢吾遇

花石船

權歌發中派龍船見克斥或云貢龍水或云採花石  
其船皆黃檣動則十數隻來如颶風發帆檣盡辟易  
海內近多故至尋不安席雖下蠲賑詔不減織造  
楊道行集 卷之五  
額內官為督催此輩毒如蠶毒宮初興工花石相枕  
藉陸輓水亦運前後更絡繹一絲萬家血一石萬夫  
賂有司忽茂鼎德意竟闕隔誰當一披瀝為訴溝中  
瘠

晚雨

鵝鶩各云歇我行無停橈漂雲帶暝色細雨隨迴颺  
漁人既歸藏舟子時招要陰陰幕外岫泫泫常間條  
汨汨聽高溜津津知暮潮餓鶩宿深渚獨鶴鳴高嶠  
篙滑力轉乏舟重程彌遙陰晴尚難料何事爭喧囂

早發兩甚

鱗鱗雲不開獵獵風仍颺舟人權歌發晨雨尤奔盪  
天地混不分決濟彌一望轉覺氣象豁對此心神放  
蒿師蓑笠亂牽挽各殊狀迴灣棹柁過懸崖捫蘿傍  
荒荒樹隱見析析沙崩漲寬灘賈客艤小舫漁人唱  
吾生愧若曹風浪任所向微官何足言並悟吾身妄

天津

宵行發揚村朝望天津天風靜不揚中流穩如劃  
舟人乞火至熾忻知無停時重霧猶霏霽  
楊道行集 卷之五  
空蒙見日出氣射天地白雨餘遠岫靜四顧如列戟  
霽心投行雲恬背送霞餘諸黃金交雅卜青山宅  
鄭邴亦何人清風自人書

望海

給衣怯清晨旁午徒延眺海潮夜來濶百里見奔峭  
澎湃如轟雷激激如飛嶠空青倒天光亘白浮日曜  
雖嘗按圖經未盡所歷妙安得遂秉桴中流坐長嘯  
胃與溟渤寬萬物含虛照此意任公知悠悠一竿釣  
夜發東郡

薄牘煩填委期會紛鞅掌未稅朝發駕又戒宵征兩  
忽忽欲鳴鶴晨光已決決迴颺暫窮天此際愁獨往  
飽諳有增嘆能損無伎倆滯雲寒不歸涼月為誰悅  
鳬翔交設問株掛樛枝上浮生慕若曹物役愧吾黨  
淮南叢桂樹秋至勞夢想倘目庶覲恍惚心如賞  
願為邵曼容反服尋韓袂

惠州同知嚴君曉真繪其大父方伯石巖草甫

次峰并曉真各為圖一卷索余詩

巨靈擘崑崙孤巖石簇簇雲會為霖方岳畫膏沐

楊道行集 卷之五

十

群山如兒孫仰止巖巖石巖

二

已瞻丈人峰復此峰嶺大松峰亦如拭掩映前山翠

下窺溪澗寬流光五天地次峰

三

北溟何空濛曉氣日白中有吞舟鯨早潮聲如戰  
為鵬不受戈恬臂送冥關晚溪

眺于秋岑孤雲澹然感而有賦

出門見秋山孤雲亦顯頽睠此為霖姿漠漠不濡地

出岫既無心歸洒澹然至一聚復一散大塊竟何意  
余亦青雲人中道忽捐棄錄金罪自知賜玦恩猶漬  
平生丘壑願不謂一朝遂遙聞西山瀑令我喜不寐  
尚及筋力健步歷歷空翠會心峰頭月娟娟誰媚  
青山亦吾道行止談何易讀易識損益向子有深思  
田父招飲因贈之二首

昨日不稱意今日還尊壘隣翁勸我飲舉網携魚翅  
呼僮膾為羹一酌仍新醅雖無東鄰菊懷抱亦已開  
更話一年事動動安在哉老農習田苦語竟翻悲哀

楊道行集 卷之五

十一

秋成秫杭熟日夕牛羊來既完公家賦亦無私嫌猜  
只此亦自勞莫教流光催月出遠壑靜青天無塵埃  
對子不能去一杯復一杯誓將去城市長嘯南山隈

二

有澗南山下秋來猶潏潏我註二三里只在流水間  
城市既以遠田父常往還問我來幾時犢車爭為攀  
小釀幸纔熟對酌還閒閒傷此萬木秋蕭蕭難為顏  
我心亦無着澹然如秋山酌子木瓢飲慰子毛髮斑  
陶然醉歸去無事門常關



小園雜咏七首

余屏居久矣秋日對酒做于陶令賦此

少小無宦情朝替偶然及梳簪歸歟雅興初服習  
南山八九峰幽事動可挹戲魚行帶翻駟鶴松下立  
月出隨我前露華俯欲拾回思風波初如去維與繁  
秋禽暝投林飛螢捲簾入群動各有託人事何太懸  
靜琴時一張方書向來輯展帙落葉深散步苔印澁  
無營心自寬知足意亦戢長嘆勞勞人何為枯魚泣

二

楊道行集

卷之五

十二

常笑老年人多坐少行立何知四十齡此態亦已集  
白日不再展相煎何太急古人惜寸陰念之轉於邑  
時艱吾不任深泉短綆汲揣分自合休纖越豈曾習  
盈盈澤中蘭清芬良可挹我有美荷衣秋來時自葺  
頗似大瘦生飯顆日戴笠

三

四十未聞道一官何足言及此謝軒冕聊復辭嘉賓  
我園四五畝搖落如荒村種萱秋已死種竹苦不繁  
條然十數竿亦足消鬱煩清晨披衣出徙倚還負暄

有時好鳥來林間對我啼為爾一命酒菜甲為盤殮  
悠然見青山吾道亦已尊倘忘名山遊何必畢嫁婚  
誓將從此隱莫向兒曹論

四

昔時有高人九十尚帶索一生竟枯槁身後空霍霍  
所以陶徵君對菊時一酌豈其翹藥愛而意在寥廓  
紅顏半為翁流光胡大虐舜跖俱塵灰千載又焉託  
黃花為我開秋月亦不惡科頭更箕踞興與高雲礫  
請看北印人何知麒麟閣

楊道行集

卷之五

十三

五

偶然花下坐有客叩我門呼僮問為誰野老携一罇  
慙慙前致辭感子懷顧歎念子遭斥逐無乃猶煥然  
人生快心足豈必簪纓道風濤闊無際四神能幾存  
有酒若不飲空負朝朝歡余亦不遠復深謝父老言  
人生寄一世何異蠅蠅有會須飲斗酒長醉卧竹根  
明月為誰好猶自橫前村

六

古道久淪沒義皇安在哉彌縫有魯叟皇皇為誰來

何知詩與書一朝付秦灰大聖不自料况我猶驚駭  
種豆南山下秋風忽來摧若待稱心日愁顏何時開  
野蔬足小摘秫熟餘新醅道書一展讀坐久時登臺  
漉然有餘况不知玉山頽寄言斧斤者吾甘為不材

七

憶昔榮華時鞅掌頻忘餐今為田舍翁蘇食心獨安  
汲水或跣足抱甕時不冠豈不疲四肢而無異患干  
出門見畦稻歲事殊可觀田父向我語且復憂秋乾  
我田幸蚤熟倉庾聊自歡孤雲澹然來倚杖還一看

楊道行集

卷之五

七

須更有寒色我適衣裳單逡巡自歸去一酌天地寬  
但願長如此貧賤何足嘆

悼亡三首

結髮事夫子恩愛良不訾與君敬如賓為君案齊眉  
不辭寒薄命白首常不離何期中道乖重泉與子辭  
妾有嫁時衣留與所生兒妾有篋中鏡拂拭君莫悲  
知君夢交處是妾魂來時竟來會有時同此渺難期  
如彼雙栖禽落羽還差差如彼比目魚中流各所之  
嬌兒解啼我摩汝知是誰語後米人努力蘇然匹

君心倘不改百歲長相思

二

秋風何蕭蕭吹我衾與席之子去何之重壤永為陌  
祭筵檢故物一一在手澤霞帔不復御簪珥有餘跡  
平生弄機絲遺挂尚在壁昔為女丈夫鹽米無不惜  
今來委塵沙豐肌盡長柳昔事偕老人華茵獨專夕  
今與魑魅隣荒郊為爾宅呼子子不醒瘞子子長畢  
安得大還丹把子如宿昔鍾情自我輩莊年寧忍擊  
長嘆不成章日月却太迫

楊道行集

卷之五

七

三

髻亂字為嬌及笄遂結悅艱難十餘年紡紉無虛歲  
鷄鳴時勉旃君子慎所詣貴既被翟褱儉亦謝甘毳  
大布不曳地素紉常在髻左右執戟人克家富心計  
煥休亦自寬親戚及枝蒂小星雖不蕃內助良不細  
一朝別我去能禁安仁涕百年已強半壺政誰與媿  
天末孤鴻啼雲際獨鶴唳明月為誰來恍如把子決  
人生會如寄子無恨長逝生雖不同衾死當共納窆

五君詩有序

往乎如在告懋權贈之詩云閒居懷舊侶為賦五君詩亡何乎如詩成而余以四方將未之報也十餘年來而懋權國徵卒乎如幼鍾各病免余及叔時前後得譴去甲午秋偶檢舊篋傷離悵亡聊賦五章詒之同好云爾

魏懋權允中

魏生有古風標高鑒亦洞襟音卑益走愛國及樣棟婉孌忘彌工骯髒辭託諷斯人已論定聽笛能無慟

顧叔時憲成

楊道行集

卷之五

十

顧君運斤人意匠謝輪斷銛鋒初發劍沉光每藏璞藻鏡及群派抗華矯以時填海苦不就為漁意仍邈

劉國徵庭蘭

國徵起清澤廣獵文章苑巴人豈足陳古調詎云晚藻與華星偕意與商彝遠惜哉秋風萎種蘭空九畹

吳幼鍾嶽秀

給諫如玉姿采采群芳漱摘詞何必多鏗然有金奏憂時識既殊結友誼亦厚翩翩慕鴻冥一疏遽拂袖

鄒孚如觀光

鄒生洵楚材矯矯世無匹構思及溟滓煒節冒群嫉啟事名猶傳拂衣計未失所期在千秋幽此五色筆

懷鄒孚如顧叔時葉治卿孟叔龍四吏部

蘭生九畹間其葉何離離愛此王者香異彼蕭艾姿惜哉颺風至將隨秋草萎鄒子千里足羊腸當告誰顧生萬夫特批鱗還自悲皖城荆門鏖夷門嶧陽枝錄金豈不畏移山豈不愚我欲勿相思無那竟夢時我欲長相思路遠莫致之念君過于渴思君劇于饑何當為浮雲隨風東西馳

楊道行集

卷之五

十

過彭城弔項羽

藏季駭鹿走楚人競龍戰彭城執牛耳強霸割富縣戲下奮威怒鴻門豈驪讎赤帝黜巴蜀共主殞江甸叱咤轟如雷重瞳攝如電東藏及鷄犬西龍無組練睢水為不流侯王盡北面太公伏高趙劉氏纔若綫蠶毒小可忽虎視人命賤長圍一夜合坐聽楚歌變刎頭付他人愛姬血交戰駿騎嘶故驢歌梁想遺轉相膺泣亞父掩面羞相見伯圖既灰燼炎業亦改時莽池蔓秋草故屋巢春燕興亡不可問黃河為悲咽

愁霖

種菊我離東菊生何離離以彼歲寒標遭此秋颼吹  
一雨初如膏再雨漸離披淫霖動浹旬芳鞋無復姿  
汨汨曉夜溜淫淫霏霏畫絲輪蹄潭道周桂玉號茅茨  
煩惱康樂唱昏墊黃門詩迂哉廣川子閉陰良足嗤  
獨坐讀陶詩

結廬城市間而得蕪丘壑空庭闌無人山定對漠漠  
窓畔羅絲蛛塔前馴啄雀把帙讀數過細心古人作  
坐久呼南隣過我時一語既請麋鹿群何知麒麟閣  
楊道行集

卷之五

六

宦游亦以疲習靜聊自樂行動各有依吾生豈無託  
六子詩

六子者皆天下知名士也余以不類得辱深  
交濶焉一方矧為異物感愴存歿爰賦是詩  
周尚寶私橋

削籍差穩眠一官尚奔竄十年三罪謫于世亦太玩  
別離又二年鬢髮能不換夫子信楚材平生任排難  
語及君臣際忠憤為扼腕落筆如涌泉群書盡淹貫  
譚兵及陰符大叫報推業雖為永王客不與祿山亂

夜郎為誰流凝碧腸自斷海濱折腰吏空山錦繡段  
題題喜窺人起居慎昏旦時賊反尚寶以前  
行遠萬字生賦

朱光祿維京

光祿公卿子少年自翫辭結交知名士盡是太父行  
談詩及諸體睥睨無哲匠興豪或袒跣使酒氣孤颺  
已忤江陵公一踣轉清元頃陪雕鵠署白雪蘭亭唱  
感時數慟哭封事叩閭上苦為前星諍幸得金鷄放  
千秋亦自寬吾道猶未喪酒肆何處眠百錢時挂杖  
何當五湖遊共爾着白舫光祿以請明立  
謫戍幸得附

楊道行集

卷之五

七

魏吏部允中

魏子河朔彥兄弟相師友何物大任山連枝並瓊玖  
諸生蚤知名文章滿人口驚驚不受羈麒麟落天走  
蘭臺既挺然銓部誰與偶藻思含雲流珊瑚不離手  
肯使千秋業遂巡別人後此詩見范伊人骨已朽  
檢故見贈詩遺芒尚星斗此詩見范伊人骨已朽  
鄒文選觀光

鄒生起雲夢高視九州東古人不可見非君誰識此  
末世操大音纖文陋雕綺默坐得空觀冥心詣玄理

白雪難為和直絃亦自矢三銓道乃見百折心如砥  
多材無一憐懷璧難藏大咲出都門拂水詎能止  
翟公既罷官賓客知餘幾唯有故人心可以照秋水

趙考功南星

考功余所昧神交亦已久每從雲夢遊談子不離口  
作文窺先秦識字析蚪蚪高調操孤桐平生一匕首  
頃領考功役幽冰十八九澡雪及區區棄官如敝帚  
鮑叔知管仲羊舌值祁叟此意已千秋今人可得有  
警將與夫子千日中山酒莫問玄都桃但栽先生柳

楊道行集

卷之五

七

五湖一杯寬扁舟落吾手

考功以力救不  
使筆點為民

劉進士庭蘭

進士吾益友長寐何時旦拭淚讀遺文長空鴈行斷  
斯人可重得提筆緒先亂憶昔待韶初與子弄柔翰  
青天落毫端白雪上几案朱絃有餘音清廟徒三嘆  
自往蘇門嘯空悲廣陵散撫孤至今負交誼白石爛  
何以慰君人有子盡能幹長吉不復年終童只弱冠  
從古有遺憤非君獨悽惋

駕懷

丘壑饒幽姿茅簷坐來獨白雲何依依就我簷際宿  
會心豈在多條然幾竿竹看山嵐滿衣盥水月在杓  
廿年苦沈迷一夕不遠復日月拚如流世情任傾覆  
已從旅湘釣耻向成都卜阮生非達人何事窮途哭

雨晴松下哦詩率成句

冬曠雨來佳既雨晴亦佳倚曝初旭而無人事礙  
須臾好鳥來問關何多此物雖油然煩聒亦爾輩  
兩松如人長歲餘自遠游把酒哦其間客至不曾廢  
余方有公事謂客子好此意人若知亦應覺形穢

楊道行集

卷之五

七

癸巳除夕二首

于世度無用守此衡門居歲華不我與為樂當何如  
平生好老子耻讀陰符書盛年豈足惜大夢同遽遽  
如彼無心雲宛宛還自舒屠蘇一杯酒氣味殊不疎  
無愁白髮劇但畏清尊虛往歲業已盡來歲猶有餘  
豁然悟大化勿復悲來際

二

一年只一日一日纔湏臾一日復一年一年流水徂  
晒彼賢愚人紛紛各所圖及其一夕盡孔跖知有無

一官豈待免棄者何其愚  
君休問明日但問黃公壚

登金山絕頂

朝過瓜州城  
修達金山寺  
誰從元氣初  
擁出蒼龍巖  
又誰倩五丁  
巨石壁空翠  
東去鞭羲和  
浮來日如暉  
西顧峨山高  
奔濤太湑澌  
寶刹見旃檀  
世尊亦鮮次  
淨理了可悟  
證入第一義  
曰余苦迷津  
陟茲正澗視  
回思艱危時  
痛定還下淚  
斥鴳自有分  
決飛捨至地  
羣飲江河間  
量亦隨所至  
豁然曠士懷  
身世復何覩

楊道行集

卷之五

五

夏日暮偕魯二金七游南山四首

南山遲群游  
西日展紆步  
湛湛畦間苗  
阡阡雲外樹  
夕嵐迥易陰  
野溪濶難渡  
藉草坐至昏  
半規月初露

二

月出露半規  
游人尚攀陟  
明霞延夕光  
長薄帶暝色  
鈎衣石層稜  
捫蘿路轉又  
三復南榮戒  
擾擾亦何極

三

擾擾屏俗營  
恣游愜心賞  
尋蹊萬樹外  
捫崖千仞上  
亂畦歸饌筐  
澄潭散漁網  
尚所欣自適  
悔昔沾塵鞅

四

塵鞅稅已久  
歸屐詎云傳  
陟茲峻嶺高  
萬家俯如棋  
夕炊市烟昏  
晚晴遠山見  
美人天一方  
脉脉淚如霏

納涼二首

徙倚長松間  
冷冷愜心賞  
逗風響平章  
蔽日陰百丈  
岬嶺鳥啄木  
埽逕蛛抽網  
何必柴桑人  
獨游羲皇上

二

長夏日無營  
胡床蹲松下  
風濤為誰來  
一席陰堪借  
世情如落英  
清境猶猶嘆  
燕客來不出  
迎煩遭里井

楊道行集

卷之五

五

飲王園贈欽之二首

平生寡所營  
弄此絃上奏  
知音復何人  
與予中邂逅  
一彈三太息  
再彈淚沾袖  
念心何必多  
脉脉慰良覯

二

曩昔欽伊人  
名園喜停蓋  
情真百杯寬  
意懽千秋會  
林中出遠岫  
庭際聽陰籟  
自非子桑戶  
孰為遊方外

述歸

我明十一帝  
金甌無鐫缺  
崇極圯固然  
地大會牙孽  
皇帝二十載  
四方正机  
艱臣時典  
樞堯陳力  
謝前哲

誰寢淮南謀，壓望既劣，誰策卑，開亂，辨治計仍拙。  
徽偷初發，難朔方，日流血，承平不知兵，拒守無寸鐵。  
拒拒前將軍，孤城獨抗節，其餘盡陰附，十堡九賊穴。  
格關壯士，耗轉餉，物力竭，攻圍迄三時，軍中食麴屑。  
守臣任道臨，王子被縲，九塞為震驚，群胡轉勾結。  
胡來風雨駛，胡去草木鬪，賀蘭駐旛，帳鐵騎益撒烈。  
敗書繼踵至，至尊慘不悅，大官膳減半，內殿樂亦輟。  
輟臨軒召二相，御札丁寧說，主辱臣合死，悶憤煎內熱。  
雖無千里足，跛驚自蹴躡，尚書促膝議，日夜揚道行集。  
卷之五  
五

修就滅天下，賜大酬，庶采欣在列，禍緣大吏逮，禍始小臣舌。  
三人市成虎，亡鉄意，隣竊一跡，乞骸骨，衆吻竟汚，蟻其堅不磨，豈其白不涅，憶昨讀詔書，聖主一見決。  
君恩自隆厚，非臣獨賜，玦銜上海可填，精衛骨亦折，平生獨往，願衝衝不知，跌榮華，倘來物達觀亦已，茂吾道未墜地，寧辭在涸轍，哲將卧烟霞，永與世情絕。

數詩

一室只環堵，左右陳圖書，二仲時過從，我友良不疎。

三逕日以荒，不樂當何如，四座盡書畫，踞清風，吹襟裾。  
五禽懶不戲，興至聊復舒，六籍澹心性，豁然游古初。  
七日豹隱霧，愧我猶塊居，八斗謝無才，混跡樵與漁。  
九垓不足慕，大夢終遽遽，十午悔奔走，長此畦間鋤。

五平五又體二首

秋蟬無停聲，白露忽已滴，枯荷粘池塘，敗蔓挂屋壁。  
流光誰揮戈，暇日但運甕，魚魚思伊人，泣下夜半笛。

二

秋來無佳吟，兀坐氣亦爽，村村聞蛩鳴，夜夜促婦紡。

場禾肥鷄豚野旭曬罟網何如風濤人一葉駭五兩

初秋遊小園得拾字

澹然無一營涼至便衣袷抱甕薄藥苗搗篲摘菜甲  
漸與官長踈轉于漁樵狎向來差強飯不用殮王法

園居雜詩五首

廿年逐塵鞅倦游歸散廬素心既云諧樂此衡門居  
蔣竹近成林鑿池復種魚草堂八九間面山俯清渠  
雖無平泉勝懷抱亦已舒昔時候玉宅金為牛羊墟  
世事豈足料糊口寧顧餘田也在陋巷賢哉長晏如

嘉道行集

卷之五

五

二

少小四方游不知路嶮巖今來習事多轉悔馳驅時  
三毛已星星不樂當何須好鳥鳴我園榆柳陰喬枝  
課僮種畦韭經旬令露滋隣家餽生鱗喚婦解自炊  
弱女嬉我前亦足媚盤脔但飲勿復道倘來非所知

三

處世忌太自至人只自放如何教噉子甲乙無一當  
三王弄子戈二帝但揖讓古來大聖人是非竟誰伏  
阮公一百錢得酒便酣暢何必北窓卧自是羲皇上

翫然見天真始覺勞勞妄達哉楊王孫千載只贏柴

四

勲華但恭已無為化自成秦法如牛毛最下與之爭  
許由洗其耳黃屋澹無情而世競錐刀破甌猶失穀  
古今不相及何啻蓬與楹魯國有孔叟魔表毀其名  
孟軻遇臧倉吾道尼不行譬之江與河一勺寧重輕  
鳳食玉山禾詎為腐鼠驚

五

彭澤羞折腰歸來一何早平生嗜醇酎家貧跡如掃

嘉道行集

卷之五

五

晚得王江州白衣候之道須更監與來對酒便傾倒  
時時分俸錢但付酒家保脫足貴人前頽然見懷抱  
伊人不可作高誼薄宰臬祇今厚祿人誰為念枯槁  
出郭

秋聲萬壑滿秋色重巒接稻晚猶青苞楓晴欲紅葉  
草際田父鋤溪邊行人涉一壺聊自攜看山步芳隰  
抵龍會庄宿

監輿朝出門暮就山庄宿秋雲澹孤峯落日圓平陸  
西成問田丁觀穫從僮僕促織臨壁間苦瓜蔓茅屋



漁父磯頭歸村兒牛背牧歌乾歲不登寡婦但巷哭  
望龍會山絕頂以風甚不得登懷然而返

曩步龍會顛平生壯觀最茲來鬱重游惜與飄風會  
先登桐蘿遊半空濤霧霧人行將雲間鳥度白日外  
嶽巖不容憶慨然此停柿不信行路難歎此初心銳  
兀然賦新詩秋穀自天籟

丘壑

世既斥不用軒然身亦輕及茲丘壑間襟裾有餘清  
青山擁我前萬籟笙竽般掀髯岍其冠田父杯共傾

勸道行集

卷之五

主人

問我何處歸何為自課耕深感父老言區區量已盈  
所幸文網寬得為聖人氓一杯差強意慰此慙慙情  
大斗白日去海月時旋生無令稱達者千載只步兵  
宿龍會莊懷賈戶部曾瞻客歲會于此

平生寡所諧一諾交遂定相見復何時相思壑已曠  
遠寺聞鐘鐘烟蘿滿秋暝何當共蕭然松風竹清聽  
觀朱村壩望獨山憇小莊別業

朝見獨山雲暮見獨山屋獨山圍我前墀九礙平陸  
秋訖催嚴急車水無停軸尋源跡深壑堪薄地泉華

茲潤詎九里急流見泗水草色蔓古溝嵐光上喬木  
縱觀既以罷農事如存目歸從二三僮解帶自就宿  
忘機到魚鳥問歲及稚牧山月解窺人冷然傍修竹

林卧

偶與林壑諧悠然卧田舍散髮時不冠道書閒一把  
濯足石瀨遠披襟松風下詩就渾漫題杯乾聊復馮  
霸霸南山雲是余知心者

怨詩

絕塞泣琵琶深閨悲團扇自吟塘上行遂失長門宴  
勸道行集

卷之五

主人

寵極偏色稀愛移始身賤靡蕪雖可採葑菲詎堪戀  
水至妾不去當熊君所見妾親心自知妾心貌豈變  
不忍見蕭攏猶巢舊時燕

病後對兩女

忠氣纏我身呻吟疾其首所生兩嬌女念汝不離口  
大女撫我床為我獻欬又汝甫八九歲得見于歸否  
小女初解咲泣下摩以手幾年共帶愁思汝何不有  
自喪結髮配今已五年後其帶愁思猶前否羈殊不偶  
應下何必男慰我窮獨史所嗟賦命阨弱質如蒲柳

常恐背汝去溝壑填枯朽藥物幸無恙骨肉欣相守  
痛定轉流涕傷心對杯酒

詠史二首

韓信昔未遇釣魚淮水裏屈體惡少年壯心誰與理  
感此一飯恩日肝欲死千項策不用埋沒干將美  
投漢幾當刑亡歸不為耻晚遇蕭鄼侯一言薦天子  
登壇呵辟譚對壘盡披靡佐漢為元勳絳灌寧得比  
雖然功名忤亦足留青史草澤豈無人惜哉無知已

二

楊道行集

卷之五

三十一

季布昔事項數窘龍顏人桀犬自吠竟何知天授真  
楚驪既云亡漢法將及身不辭伏礎苦意亦有所珍  
摧剛更為柔兒鉗寧足嗔君恩起亡命一諾名益振  
死有輕鴻毛所期盡麒麟忍辱豈不貴照耀猶千春  
毘陵道中言懷

石火無留燭道風瞥然消獨有區區名壯夫患不劬  
朱紱豈不榮千秋詎能要微躬等蟬翼蚤歲升清朝  
緬此郵上理惡彼桐鄉謠多艱濫竽樞震撼在一朝  
一意急公家寧頭詳情點缺積百累為漁恩云饒

蕩滌山水間飛蓬隨風飄名山蠟謝屐五湖催范槎  
一酌不領餘臨風還集吳飲兩岍聞亦足慰煩焦  
良友各一方折簡不可招相思在澤蘭相贈空山椒  
捐益夙已悟寵辱心自超修名倘可立何必七葉貂

汎舟遊惠山

杪秋氣猶和啼鳥林未改雨岍東孤舟解纜及明發  
荻浦互因依嶂巒更律率周覽意不倦况乃對清樾  
臨流既厲急登山亦凌突風靜波文平雲來遠岫沒  
漱泉別味甘捫石駭嵯岈松聲聽風黃塔影標山月

楊道行集

卷之五

三十一

野服有荷美貴客無版謁忘機襟自寬湛慮物可忽  
倘潛招隱踪庶免直木伐

全張從心遊陽山憇大石

幽尋有餘清茲遊及親串樹色遠喜微山光近凌亂  
活活谷中瀑津津畦間漚漚漱溢先登芊眠供清玩  
誰呼五丁臂勝歸白石惘惘微詎能驅焦煮力未辦  
既小媧氏煉亦狹支機幻岐嶺作羊化巖巖駭驚斷  
松巖樹杪綠山依澗頭喚平生喜登覽徒倚忘日晏  
暮此青山廬趾彼白水宜物情夙已諳前路誰得算

所念文字要類王不再旦與君劇為惟無肩二毛嘆

哭門人張三極進士五首

我友張三極居然見國器為駒已汗血千里倏而至  
衆中得彭宣涌泉有餘思大廷對萬言屹屹廊廟志  
一命未及沾已矣平生事眷言懷若人痛迸懸河淚

二

懸河淚不收念此同心友青容無髮髯翰墨猶在手  
悵恍如或存獨濟亦已久天地何不仁萬物為芻狗  
平生惟斯人敏思殊不偶薰情冀生余亦重回首

楊道行集

卷之五

李

三

回首重踟躕一別如顏光奈何戡予者客死天一方  
白楊何蕭蕭秋風悲北印昔為梁棟材今為丘隴藏  
自顧非金石咄嗟令心傷何必兒女仁斷絕我中腸

四

斷腸復何為感此雍門哀職賴待來旦子去何時來  
海底出明珠大國多良材本圖藉光華忽已埋蒿萊  
賦詩欲言懷此懷鬱不崩命也可奈何辟穀吾猶在

五  
無

吾猜辟殺人忽忽即長夜傷心倚門淚依然白雲下

千秋奉贖繁閑寂逢萬舍汝少不復年吾病日摧謝  
何人更問奇寂寞千里駕神奇化臭腐今古幾悲咤

越游雜詩七首

天行莫如龍駭此蟄蟻時地行莫如馬嘶縻安可知  
宿鳥畏彈射三匝無栖枝流言聖不免矧我顛蒙姿  
逝水一何駛移山一何愚韓灰不復然翟門署亦悲  
富貴他人合貧賤親戚離咄彼書空人泣下良可嗤

二

楊道行集

卷之五

李

種蘭九畹間蘭生何歲疑其陽冰旭照其陰含露滋  
紉此大國香百卉難為妾惜哉歲云暮倏見商飈吹  
淩雲無液露凝霜有嚴威不如艾與蕭旖旎猶後衰  
校質豈卒變過時寧就萎芳馨亮不泯無庸歲寒悲

三

大火流西維寒飈扇平陸繁雲不成霖叢竹森如束  
蜻蛚吟空壁蜘蛛網茅屋良人別三年歲暮守窮獨  
琴瑟不復御音容猶在目但聞滿堂笑不聞向隅哭  
紅顏有時衰芳莖豈重復感彼繁雲會沉憂亂心曲

四

步標名山遊悠然有佳趣佳趣非一端愜茲賞心屢  
翫慈雲外山羊眠渡頭樹竹徑既紆盤風帆亦參互  
逝波去不息遊子時相顧懸彼九折車空此五石瓠  
康樂屐已穿張融舸猶住鴻鴈爾冥冥戈人何所慕

五

禹稷濟天下巢許山林棲子用各有當性中任天倪  
曰余兩無據因以蕭蕭舸既愧漆園吏亦慙萊子妻  
老耽丘壑閒山靈更招攜日歸羊規留蜂出重霞低

楊道行集

卷之五

十四

汨汨夕流急嗷嗷汀鴻啼稅駕從所欲終焉撥丹英

六

爰居饗鐘鼓垂翅益悲沐猴周公衣毀裂固其宜  
曰余夙微纒躑躅心不爽及茲返初服為愜丘壑期  
此鄉非吾土信美隨所之峯色似太白湖光如溪陂  
水可澹吾志山可擬吾基羨爾吳市卒姓名無人知

七

漢濱有遊女灼灼春花姿佩此明月珠曳裾何陸離  
交甫邂逅遭婉婉還見貽豈不貴所珍偕老以為

如何谷風咏對菲葉若道相如向臨邛白頭愛已移  
君無竟此曲此曲令心悲

富陽縣時卿人

朝行富春山夕及富春山以東長江源樹露高霞薄  
涵溶駭奔潮捫躋阻層嶂亮與靜者便為諧遠遊諾  
主人為粉榆賤子愛在蓬心既無營嚴栖果終託  
百里望嚴灘千載有龍蛟江天共澄鮮吾意亦漠漠

登月輪山六和塔望浙江潮

東髮好奇遊及茲展延眺複嶺行遙遙洵潮苦奔噴

楊道行集

卷之五

十五

塔高天倒雷江遠日斜照軟又搖迅帆微茫點嶺嶠  
波間鷗群翻林杪猿互嘯既東達人心因觀造物妙  
銀山幻可駭淨土業自咲何當從任公冥冥一竿釣

定山

及晨遊定山定山深雲飛深雲有時歇遊子猶未歸  
沿江驚逝濤越嶺迷歷扉天水共漾碧山木相因依  
狗祿叢已謬嬌名今亦非五岳夙所諾盧敖忻不違  
潛身在丘壑龍蛟或庶幾

東坡使君

粒食逢休明衣冠會驪慶四十齡仍三眼見累朝盛  
致身廁英賢引領瞻明聖雖乏經世畧區區抱忠敬  
逐日力空勞志未竟拾塵顏可誣盜冠許猶病  
于道未為乖與物無心競鴟夷亦何人前事後來鏡  
一辭解羈勒三絨避坑穽林深恬鳥心水濶悅魚性  
高榆匝清陰遠壑匹練淨畦間覘泉脉雨後問農正  
百帙時復抽孤觴聊自命山光藉草坐玉塵作談柄  
靡靡春苗齊稍稍風竹勁何來濠梁招更和蘭亭詠  
空洞無俗情洵沫有仁政捫躬慙揚橋得士辱宓令  
楊道行集 卷之五 七

自昔

留君玉山頽對君玉山映佗時如分攜無忘谷口鄭  
自昔通金閨出入承明陞法從陪衣冠周衛森戟榮  
緋賜尚方羅綠泛大官醴叛夷逸顏行西顧 君王  
涕仔肩非異人休戚均一體紆籌寧嘔血茶苦甘如  
芥已訖窶窶誅再親周官禮投閒分固然把釣深淵  
底耻泣龍陽魚不索長文米差非沉湘平底幾汎湖  
蟲橘枳到淮分鸛鵒不踰濟曰余慙不移忿世顏如  
泚法今東濕新刀筆深文詆所惡生疣瘡所好如兄

第跡異然明言名豈山公故以茲蓋俗氛古道猶根  
抵梅福薄為尉李布空留邸無言嵇生狂頭面積不  
洗

九哀詩

九人者余並有國士之感故哀之焉

南京戶部侍郎皖城盛公

伊人有古貌矯矯思澄清糾彈峻風猷歷蜚鴻聲

童子器王聚 知然明挂劍定何處心許空平生

公藏余于童子時

楊道行集 卷之五 七

南京太常寺卿蘇城周公

太常梗楠材用世肅擁腫掄文水鏡照行跡山岳聳

三嶺章頌齊集木忽以拱負土慙侯邑酒泣楊雄冢

公以壯壯說陸氏族卒

督學御史新水李公

新水世稱雋本自荊州錫割禁動迎刃觸物原虛舟

命迂宦未達鑒精粹無留何期凌霜翰隕落同蒿丘

周李俱以督學藏余

禮部尚書會稽羅公

崇伯天下士德貌溫如玉廷對揚先登詞林厥駭騰  
面天力空諍貝錦步亦賜歸舟遽道斃悠悠一何酷  
公余座師以下  
合乞身去道卒

刑部主事餘于舒公

比部綽清標衆中見玉樹獻獄寧辜友守官託寒素  
摧彼百尺條傷此薤上露平生撫孤恨猶慙脫羶  
公分捷得余卒  
情于纔二歲

宮詹贈尚書謚文恪錫山周公

宮詹人倫秀惕惕名與檢理照有獨鏡諧世無卑貶  
楊道行集  
卷之五  
三八

龍性何能馴蠅矢豈遽點大拜鬱時望千秋想琬琰  
公余舍  
試座師

督撫山東都御史雲間陸公

陸氏豪雲間公吏球琳質脩詞葩春華履介鬱秋實  
觀風岱嶽動休休吳淞逸應動進賢意不啻加諸膝  
大理寺右寺丞新安黃公

寺丞脩然姿本自餐霞侶揮霍會雲颺端勁重鼎呂  
持斧既鸚鵡擊列棘亦鴻舉若人緇衣意寥寥向誰語  
陸黃二公  
俱爲余

太子少保兵部尚書曲周王公

少保不可作邊人日輦鼓從容調材官談笑麾赤羽  
籌邊軀可捐接士哺寧吐不經天步艱何知良工苦  
余以屬吏  
公知余

春晴

春晴日遲遲柔華風習習睽茲芳洲杜緩步行復立  
地幽花落深日夕鳥飛急高臺望已騁庭草香可襲  
閒居無一營吟快時復輯鶯聲杖藜過山光捲簾入  
出岫雲欲窮歸舟聚相及言課東作人于彼原與隰  
楊道行集  
卷之五  
三八

篝燈聽夜紡清園復朝汲門無車馬喧遲有求羊集  
皎皎空谷駒馬供就維繫

春日懷故人

春色不可極春心澹容與啼鳥呼其朋余亦慕儔侶  
咫尺春光間佳人邈何許窻際浮白雲爲君一延佇  
落羽各江湖悲歌更激楚種蘭惜當門當門非種所  
咏懷四首

錦美不可恰稻美不可齋以茲能不能一一呈天倪  
余本木強人于世羞突梯強顏學統指九折終顛擗

鍾鼓箠樂鸚車馬能載馳自歸南山南春風時杖藜  
逃名更逃禪皈依證菩提豁然見心性意將忘筌蹄  
貪夫與烈士紛闢季邱鷄

二

太虛本一氣吹萬何不同君子為棲鶴小人為以蠹  
其大力撼山其細猶鴻濛得時盡賢豪失意皆愚蒙  
譬之三春英風飄隨西東蘇秦一何卑掉舌六國雄  
孟軻何堂堂滅倉尚不容飛將竟不候人奴為三公  
天運既如此勿復悲途窮

楊道行集

卷之五

四

三

燭龍從東來條就扶桑浴六合夜不照陰山鬼踴躍  
安得鞭羲和揚光以常燭永消陰沴氣一快川原曠  
鄧林亦何人奪父競疾足力誠有不及區區意亦篤  
從來女媧石不救共工觸但願天無缺補天非所欲

四

人生願為材犧尊木之災木災尚猶可斧斤牛羊來  
南方有文鳥其羽為禍胎寧為曳尾龜文犧安在哉  
二桃殺三士千古有餘哀魏魏望南山陰陰雲不開

中翼忽忽多摧頽我願從之游路遠重徘徊  
徘徊輒中熱井此不然灰

古意

行行陌上塵悠悠思遠人遠人不可見緘書託鴻鴈  
鴻鴈寒不飛思君空搗衣搗衣日已晚為君加餐飯  
樊使君生日贈二首

鳳凰何翩翩栖此松棘樹翹翹豫章材而無斑他顧  
夫子洵歷塊鹽車踟躕步三年淹牛刀豈為時名誤  
曰余疵病入于世冒嫉惡感君國士知悲君來何暮

楊道行集

卷之五

四十一

來暮不足悲國士亦不數君雖六月息會有風雲具  
今辰更何辰歲月忽以度勸各強飯相期在末路  
末路彌歲寒寧改平生素引領前致辭唯以哲人故

二

白日一何駛紅顏今亦非感君懸弧辰壯心益翻飛  
昔陪承明廡簪筆多光輝飄風逐萍轉時哉使我違  
所幸天一方同聲相依依蛩蛩與周周亦足療渴饑  
飲子一尊酒為子操金徽金徽不可竟一曲沾人衣  
印額君抱投沙悲自古有乖忤無恨知

故山

余昔玷朝簪朝簪自跋跡茲歸卧故山故山空四壁  
賦此蓬蒿真愧彼羊角翻既乏崇臺幹亦匪珍裘腋  
時來偶際會材蹟非艱厄翟公見貴賤向子悟損益  
年往使我嘆痛定轉情惕故吾幸仍完鷄肋何足惜  
為園闢三徑苔深少人跡魚鳥馴相得求羊權莫逆  
角折林宗巾齒去靈運屐風流不足慕登覽有所遣  
名理便了悟一膜非所隔富貴而驕人鄙哉頗割席

懷皖城吳幼鍾葉治卿

楊道行集

卷之五

四

少年游京師京師盡時髦握手銅龍門贈我金錯刀  
文采春葩敷交誼秋雲高離別在頃刻逝水何滔滔  
親知半為鬼而已解天殁自餘同胞人落落如鴻毛  
驚濤失萍梗垂老無綈袍啟事吏部僞擢管黃門豪  
宦拙道乃直志賁時不遭惜哉兩干將空此鷗鷺膏  
神龍在泥淖威鳳栖蓬蒿迢迢長風沙雖廣不容舳  
相思不相見為汝還悲咷世既忘獨醒胡不餽其糟  
所願各黃髮無為常牢騷

早甚集選句柬樊使君

國還故里壁立何寥廓寢瘵謝人徒憂在填溝壑  
夫子茂遠猷鎮俗在簡約武城播絃歌季布重然諾  
雖好相如達又哂子雲閣高閣常晝掩徒倚拾蕙若  
贈詩見存慰若蒙西山藥物情棄疵賤淪蹟困微弱  
非君美無度為恩誰能博飛蓋相追隨合坐同所樂  
見眷良不翅谷風誚輕薄已觀朱明移還望青山郭  
炎天方埃鬱農夫安所獲欲因雲雨會女蘿亦有託

述史

楊道行集

卷之五

四

孔明渡瀘水充國屯湟中山苞翕畫守川流奔疾攻  
戰守有長筭羈勒寧虞戎從來盡麟閣不數隻敬功  
腥風海氛白陰雨鬼火紅不聞貢楮矢猶復錫彤弓  
誰踵白登秘自鑿博望空戈矛耻無衣杆袖悲大東  
長蛇食已荐鼯鼠技亦窮辛有嘆伊川師曠歌南風  
辛爾暫不競忘余安所終犒秦豈弦高藩魏非段公  
詎云百六厄無乃榛崩凶臨海此耿耿憂天彌忡忡

久陰煩憺偶爾見月

陰雲翳經旬局促神不爽誰將摩尼珠劃出青天上  
一膜刮金篦光明始呈朗須臾積陰消瞥見天地廣



曩余苦朋從懂懂覺來往動爭百世名于道猶技癯  
烈士與貪夫高下均惚恍自參如如禪更斷非非想  
從來索玄珠得之自象罔豁然去浮雲心地無扎坎

悼賈主事巖

高明數多奇異代吾猶慟矧余粉榆人磊磊更殊衆  
兩上 皇帝書隱憂及棟棟新詩有古色一發輒奇  
中木難多晶光天馬不受控若人可數得遺此雞群  
鳳傷哉遽賦鵬視天何夢夢吾鄉固多雋大觀復誰  
洞著書余萬言微爾人覆甕自茲蔣生逕不復求羊  
楊道行集 卷之五 聖主

仲空餘老賔客慘慘白冠送

偶述

耕者恒望雨行者恒望霽雨霽天何心而願各踈盤  
去帆駛以風來帆逗而滯天吳于江湖疇能兩相濟  
繁花與果實多少間一歲田實莫相軋世無兩大勢  
勢鷹化為鳩鷹至不自衛不見杜鵑禽昔時為望帝  
人失亦人得楚弓何芥蒂

滁陽道中倪仰今古述志六百五十字

天地豈不仁秋風條而至種蘭豈不芳悲此當門植

精衛填大海蚍蜉撼厚地領下櫻其珠偶 龍騰  
痛定轉思痛淚盡血更漬我本楚狂人俚俚不習事  
既迷曳尾龜又匪驤首驥驥飲但滿腹雞緣已畢技  
通籍自韶年分符忝專沲頗納拔薤諷庶道維鷄刺  
政成迴 皇賜重書勞微勩召列交戟下入直青紱  
被奉諱星南奔塗柏枯下淚已乖捧檄願更淪就墓  
誓王子仍馬曹中散故傲吏拜命及樞筦守官 龜  
試叛夷訐朔方半里達烽燧雲中調材官遠左 擬  
精別校頗觀望太帥亦驚悸臣也憤所切言言 裂  
楊道行集 卷之五 聖主

昔雖慚留侯著舞奏朱穆記傷手代匠斲腐心營興  
議寧夷逐日杖軍張當車臂臂進那得干麋至據其  
異艱難安足辭臣死且不避釜魚尚通誅 天威走  
縱騎迅雷不掩耳論救即造次猛虎憑其喝入門各  
自媚曾參坐殺人將以禦魑魅臣時乞青山 帝曰  
俞爾意平地猶江湖摧殘到荷芡信信子椒諧申申  
女須詈心驚虎尾凶足蹈羊腸躓盡堪伏自甘歸田  
偶然遂宦匪潛岳拙世竟君平棄愚公未全愚智囊  
豈誠強強仕仕已休食貧貧不忤南山八九椽隱者

乘相逕窺間白雲窺戶外流水漸而無車馬來苔蘚  
居然積絕意三禾夢娛精五禽戲小邨更入山苦為  
家口累以茲席為門繚以薜與荔雖然四壁立差有  
千秋志此身如蠹魚好蝕神仙字擁書得萬卷肯以  
南面易上邇自軒羲盡虛不琢質殷周及兩漢文質  
大都備丘明盲老公而饒賈胡肆餘馥巧後人沾沾  
有精思相如竊婦兒還亦等閑寺何物兩么麼耽耽  
各虎視詩則三百還漢魏得上駟近體大層下無足  
齊大哉杜陵差可兒萬夫避一隊縱橫二千年吾道

楊東坡集

卷之五

四

日中賁其人骨已朽聆音想遺吹我明代不乏若箇  
登壇帥吾知既無涯吾業庶幾肆所得仲孰多殉名  
與殉利常恐志不就蒲柳全顛顛少年喜窺人千秋  
易軒輊從來名山藏亦自箇中箇死者如復生生者  
或不愧勿以雕虫笑奪我葛藟嗜

將謁尚書褚公道中自述

猶在天地間自與造物弄世諦未忘情浮生老相送  
和鞭日車駛忽不可輕往因懷被出嗣為含沙中  
子風波淨思之轉心痛習運士行甕不辭漢陰甕

幸全不才年敢覲明堂貢夫子誼則厚謬許大厦棟  
雖壤性故龍已衰德猶鳳感茲國士遇慰我途窮慟  
言赴尚書期脂車早鐘動雞聲星欲疎人跡霜尚重  
相就不辭遠相知豈庸衆每擬酬德賦庶幾得賢頌  
如蒙幽岩吹鉛刀一割用此意亦茫然吾何說吾夢  
偶書四首

二

陶潛志用世惜哉非其時微窺骭髀氣得之荆軻詩  
英雄在草澤無謂丘壑安

楊東坡集

卷之五

四

越石無所成負此堂堂貌安知相元子沾沾喜相肖  
成敗而觀人鮮不掩口笑

三

在人欲報我在我欲罵人鼓降竟不受所以勸事君  
惜哉不義侯無乃區區仁

四

大魚啗小魚小魚啗蝦蛆大小遊魚肉區區安取餘  
使君聽我諷請置任棠孟

肝胎道中偶成

南方有文鳥其名爲鷦鷯揚此五色輝百鳥相瞻  
自非玉山禾不足療爾然物性詎可測一朝爲鷦鷯  
聲既不復祥鳥亦不復隨椅枳與鼠駕變化誠有之  
惜哉王者瑞剔落成異姿所以謂佳人盛年當自持  
執德倘不固白首難爲期

爲和州郭使君壽其父母使君贈以三年最錫  
封

變星化爲人婉婉仍夫婦誕即麒麟兒墮地千里走  
帝念二千石一麾乃出守歷陽十萬戶領守不離口

楊道行集

卷五

四八

課最 帝曰俞樾爾及父母煌煌五花誥父子前拜  
平峨眉何峨峨三秀孕來久采以介翁姬千年對危  
酒郡邸戲斑斕卷忘亡不有白頭並丁寧勉旃 主  
恩厚我聞重嘉嘆此事良不朽君家郭細侯名出漢  
廷右以今方使君榮親有此否

郭使君招燕城東樓

使君敬愛客置酒城東隅而我忝華譙日夕猶歡娛  
樓前列歌舞樓下吹笙竽肯酒倒金壺嘉穀辦中厨  
促膝更續繼臨池觀捕魚落砧爲烹鮮畏此青尊虛

自碩丘壑姿飲啄不願餘見眷良不翅太烹何動渠  
願我賢使君部內沾吹响頌德介天祐詩人歌樂春  
寄乎如四首

幽崖被陽和嘉枿猶彫落漂雲翳不流川原曠以酒  
離哉孤駕奮匹儔又焉託矯翼欲從之恨此道踳蹙  
懷中大秦珠爲君已心諾

二

心諾滋益悲行踳蹙于棘颺風摧高林白日忽云匿  
木石啣海濱精衛豈不力情知曷所裨意亦無終極

楊道行集

卷五

四九

悠悠竟無成歸來長嘆息

三

嘆息亦何爲同胞與我連結交豈不多念此知音稀  
喁于各先後如彼連理枝中道不克偕古懽焉可追  
願爲晨風翼爲子凌風飛

四

飛飛阻疆域戢翼猶不安豺狼滿衢路山鬼屠人肝  
豈無艾與蕭所願在種蘭種蘭惜當門刈者忍見殘  
勗哉大國香相約各歲寒

宣城梅禹金

石火頽以滅而世爭慕羶所以賢達人不受勢利牽  
文章亦何物頓操千秋權此道浸以微日月還中天  
宛陵名家兒志與秋雲騫博士棄不治古人精與研  
遂今作者流乃出韋布間顧我仕壑姿纓簪謝扳纒  
以茲訂神交微尚冀一宣報贈及瓊瑤永愜平生緣  
不朽何獨難肩者力自綿豫章洵良材自致工儻前  
時哉不我與與子非少年大業倘不遂空此華髮顛  
豈必比隣居然後穠驪然意氣苟克諧千里常周旋  
君登謝朓樓俛仰欽昔賢牛耳問誰執代興君勉旃

野燒謠

燒火燒野田野鴨飛上天野田略燒盡安得仍穩眠  
穩眠莫傍山傍山斲及泉穩眠莫傍江傍江橫樵錢  
江山有時涸鷄犬仍騷然所以吳市卒見幾豈不賢  
蔚羅復何施真鴻自雲烟

楊道行集卷之六

目錄

七言歌行

丙子九日陪鄉闈歸懷張燭却寄

天目山人歌

白下愁病擬杜七歌

贈浙董氏

大閱行

送章元禮令蒲圻歌

雨中戲東陳年兄榛

楊道行集

卷之六

入觀道中聞馮璫喜賦

苦旱嘆三首

莎鷄行二首

病馬行

相思引念宗漢

與余宗漢醉歌

壽伴松道人

水雲亭一字起十字止示內弟

欵乃歌

贈李華夫

越謠

楚歌

魏懋權使秦使道省觀

贈穆公子光胤奉呈尊公敬甫

歲晏行寄吳幼鍾 老嫗嘆

臨濮行借李伯承約會穆敬甫

短歌行二首

白雲臺歌送鄭思成轉餉雲中省親尊甫大

司馬制府 石州行

長江歌送杜惟公督垣給事并訊吳幼鍾

戲書易司壁上二首時同舍生鄭思成代余

雲夢歌壽孚如母 惡少行

唧唧行

楊道行集 卷之六

范原易使君招飲明遠樓歌

右丞宋公公子化卿遇我豫章見惠長句內

述其與亡友魏懋權善并及鄒顧諸子余

為戲歌

華山歌送李少參之任關中

廣陵黃子之松江教授

吳尹歸豫章歌 鄒孚如謝病歸雲夢

史將軍搗倭平壤歌

兩鮑小影歌 西墅觀打魚歌

後打魚歌

無號山人山水圖歌

聽胡泮彈琴歌

月下聽簫

過吳茂才留飲放歌二首

題吳翁畫竹

題王穀祥選郎大夫忠孝圖是學憲江貞伯

家物

為李仲白壽其封翁暨張孺人七十

留犢圖寄贈樊使君歌

七夕歌

送金九貢鄉試

楊道行集 卷之六

檢得余曩時理林醉歸圖被余少俊今過

老醜慨而作歌

題畫為戚四壽其母舅松麓翁

颶風行

估客歌

相公謠二首

楊道行集卷之六

全椒楊于庭著

七言歌行

丙子九日陪鄉闈歸懷張燾却寄

九月九日秋氣多沽酒自酌還自歌一歌一顧雙龍  
劍幾時會爾風雷見荆山之璞胡為泥中驢服鹽車  
時時嘶風周鼎幹棄康瓠何功好竿而瑟鼓者空工  
今朝復何朝城中兒女群登高五陵俠兒騎肥馬莫  
囊菊酒何為者丈夫失意下京華即有好菊應自花  
楊道行集 卷之六

天目山人歌

六合之內巖塵不足居我欲御風而行憑太虛誰將  
彈丸碍明月天目之山渺吳越洞天奇峯三十六三  
十四峯為天目兩山合脊日月低絕壁巉巖鬼神哭  
上有凌撐之古木峯律似與空霄爭下有千年之雪  
橫其陰六月颯颯高寒生雲飛不到巔脚底空雷聲  
瀑布半落天齊傾堂堂孤巒蹲其尊南屏玉岑羅兒

孫天台屬蕩歷將碎大海長江勢半吞乃有僊人氣  
絕倒山中時時拾瑤草四顧八荒如無人意氣獨與  
山靈好有時閒騎白鹿群千壑萬壑飛蒼雲有時長  
謁紫陽君手持一綉七星文有時山頭吹玉笙翔鸞  
舞鶴來繽紛吁嗟乎天目山人乃如此而我胡為在  
泥滓安得廬教杖拄到雪溪水為君禮却一片石五  
嶽之游從此始

白下愁病擬杜七歌

有客有客道行氏三年彈鋏長千里囊空有文不值  
錢饑寒併日愁欲死鴛鴦各所之而我窮厄胡  
在此嗚呼一歌兮歌始聞山猿為我啼寒雲

二

我父我父四十九虬髯老叟窮耽酒養兒只待摩青  
雲十年塌翅空饑走老烏哺雛雛反哺人間祿養余  
何有嗚呼二歌兮歌二奏寒蟄何事啼清晝

三

兒之生兮母勞苦兒之壯兮母黃土短衫短衫毋手  
裁使我檢笥淚如雨母今三畝已不聞况復我生竟

寒窶嗚呼三歌兮歌三尋天風颯颯吹樹林

四

有弟有弟氣絕倒生胡頭角亡胡早空餘文藻在人  
間白骨傷心不自保汝兄灑血向荒山寒食千秋誰  
為掃嗚呼四歌兮歌四閱脊令哀鳴翼欲折

五

有姊有姊字阿一夜臺一去竟蕭瑟翠鈿塵埋寶鏡  
妝孤鼠啾唧鬼闥室招魂骨肉全歸此地下相隨免  
相失嗚呼五歌兮歌淒淒杜鵑為我三更啼

楊道行集

卷之六

三

六

所思所思山之陽欲往從之道路長饒蛇磨牙虎豹  
踞龍劔羞澁無晶光天門盈盈隔一水安得渡我河  
之梁嗚呼六歌兮歌未歇白日浮雲坐超忽

七

人生用之為虎不用鼠此道今人向誰語展展展劔  
翻自憐半生落莫吾與汝相逢故舊話懷抱長江不  
盡窮愁緒嗚呼七歌兮歌曲終仰天長嘆天懔懔

贈浙董氏

少年紛紛上麟閣之子胡為飽蒸藿驚問來五色

羽芙蓉匣得千金鈔憶昨扁舟浙之滸便涉江淮走

京洛騎驢狂歌燕市間擊筑拊缶白日落鸚鵡賦就

誰顧巧鸞輶典盡轉揮霍興豪郭筒醉猶酌眼空接

雞懶不著相逢贈我金光草怪爾神色亦不惡萬里

何如司馬遊三都却訝左生作丈夫休誇好身手亦

大轆轤古來有意氣骹骹知者稀我歌送君君不朽

大閱行

九年三月上巳旬 皇帝閱武鹵簿新雨師風伯清

楊道行集

卷之六

四

蹕辰後者玄武前鈞陳旗幟雜遝照暮春晃如長虹

耀白日簇如文綺排金鱗問誰新與否指矢繁弱決

拾勻問誰劔與甲東朝之鎧昆吾珎就中控輦小黃

門徐行潤步不動塵指揮組練逞一決千隊萬隊何

駉駉 至尊赫鈴總攝身緒袍大如神人三公入

座扈從臣蟠蟒仰紫金麒麟中軍前後領抹巾提金

撾鼓爭紛紛觀者如山色迢迢魚尾鵠鵠陣法真漢

家天子威絕倫三軍虎嘯換綬綬投石超距各有神

單于憤莫入塞頭索却汝頭何足嗔

送章元禮令蒲圻歌

君不見去年騎驢披褐湖州生又不見今年高升太  
蘇蒲圻尹君侯起家一布衣縱壑之魚脊之隼滁州  
少年不曉事雅好湖州清廟器雄心欲射金僕姑俠  
氣常摩鐵如意一朝迢迢楚江舵十欲分手九顧我  
之子之才人則稀廊廟江湖無不可蒲圻一城如斗  
大伐鼓朝來上堂坐須知父老頂香迎須知小兒拜  
道左生乎生乎可道今吾非故吾人生得意誰則無  
古之循吏真丈夫區區榮貴非吾徒

楊道行集

卷之六

五

雨中戲東陳年兄棹

今日何日急雨瀟長安城中泥沒馬床頭有劍甕有  
酒思韋先生何為者憶昨出飲黃昏歸昏昏猶嫌明  
月微那知今夜雨如注天翻地又勢洶怒我時驚悸  
攪我寢風聲雨聲但支枕布衾蒲席冷似鐵壁蛩啾  
唧燈火滅屋破雨漏處處濕使我披衣坐還立須臾  
風吼雨益亟僕子睡著喚不得天明簷前溜猶滴窺  
底無烟向隣覓十家九家閉門卧何況陳生轉寒寂  
陳生陳生有酒胡不飲有劍胡不舞胡不對酒醉

自撾鼓世事倘來那可觀君不見昨日天晴今日雨

入覲道中聞馮瑞喜賦

日落驅車抵城卧城中客子拍手賀趣僮問客何所  
云皇路清夷喜無那昨者有詔驅逐閣閣也之黨膽  
為破我時就枕還復驚大笑披衣跣足坐從容與客  
敘其事切切不知夜分過元年以来客所知雖令此  
閱勢力大商鞅原以景監進不成更作楚龍佐三窟  
徒知根蒂牢九原寧煩發誰炙手可熱悶灼熏六  
合之內掌握分縉紳自以爲同父所養皆得稱將軍

楊道行集

卷之六

六

珊瑚如意碎作新麒麟金厨紛如雲可嘆宦家煮羊  
忍中夜可嘆連累主與賓下刑餘之輩不足誅信  
信吹和何為者當年自許安如山誰道冰山不可攀  
金吾反接連入獄常侍心派趣出關更聞遣校精關  
有騰燃邵塢為誰中黨與雖然赦不治洶洶未寬言  
官口早知世事有翻覆悔向閨門作鷹狗大明中天  
霧閣霽爾曹胡為憂慮計野城下吏舞且歌 皇帝  
陛下萬萬歲

苦旱嘆三首



四月不雨旱大甚天地無乃為枯乾祝融騎龍渴欲  
死口吻恠底滴難青黃不接稿我麥鬻見恰得錢  
十百羅殺無絲更鬻身不然忍作溝中瘠

二

城南十家九離散昨歲水淹今歲旱百畝不當一畝  
入樹皮滓盡人烟斷開侯肖像神靈多打鼓楊梅雲  
且歌兩師不來風伯怒將軍將軍其奈何神靈迎關

三

蟻蟻亂飛寧可教田父荷鋤待天雨去冬積雪苦不  
盡道行集卷之六  
大蝦子無乃進出土皇李雨晴那可常汝蝦不得誇  
身強有時津對海澹滿化作魚蝦肥稻梁

步難行有數

余夜寢有物行蹣間疑其為蝎撫而斃之已  
燭之則一莎鷄也余心懊焉感憤時事作二  
首

江南不識蝎見者為害何當蹣蹣上有物行盤踞  
我情誠不穩撲之為馬使快意幸不驚呼僅持燭看  
吞云一莎鷄使我自嘆蹣蹣及無罪哀哉行路難

吁嗟乎桑樹剥皮柳代枯將軍上首級焉知漢與胡  
一夫獨作難何必誅百夫莎雞莎鷄憐汝一孺息感  
汝淚沾臆黃雲漫漫關塞黑多少亡魂招不得

二

曾參不殺人阿母投杼走何況我中夜知汝蝎與否  
公無渡河公渡河渡河安得無風波莎雞不合不自  
避代蝎亡軀汝謂何吁嗟乎莎鷄白龍魚服豫且執  
之鳳棲于樹群雞所欺瓜田納履君子不為被何人  
斯智不如葵吁嗟乎莎雞

楊道行集

卷之六

病馬行

長安道上虺隤馬主人棄擲幽巖下癯骨掀蹄若堵  
牆哀聲歎血常啞啞落莫誰為一秣芻踉蹌半是群  
鞭打我行見此倍默然傷心舊識騰驤者當年珍重  
渥洼駒覆以羅帕鋪氍毹食粟曾比八百石乘軒况  
視中大夫驕嘶不受黃金勒飽飼常啣白玉酥昨聞  
騎出盧龍塞千人萬人誰不愛肉駉碾礪隅目懸竹  
批峻耳多光采雄姿漫倚足追風相失空嗟一塞翁  
過都祇謂同生死伏檻何知誓始終天寒遠放冰霜

哀靈毛彫落渾泥滓小兒持舂舂相欺烏鳥啄瘡傷  
不起紫焰方瞳泣已枯不知伯樂向誰是敢把霜蹄  
怨大行但乞主公故惟死可憐此馬玄且黃織途之  
智空自傷嗚呼得不悲思田子方嗚呼得不悲思田  
子方

相思引念宗漢

朝發兮山阿夕宿兮江滸畫冷冷兮烈風夜絲絲兮  
霏雨雲有幾兮月有潭思佳人兮江南江上兮蛟龍  
山中兮豺虎武夷兮春山幽蘭兮芳渚歸來兮結廬

楊道行集

卷之六

七

猿鶴兮延佇君不可以久遊兮心煩冤其誰語

與余宗漢醉歌

東方月高大如掌秋空倒掛松蘿上問余何事夜衝  
杯故人對此神飛爽更把當年力士鎗舒州杓在同  
歡賞白憤倒着天為低青山對躡雲忽朗世事悠悠  
難具陳十年回首空塵鞅下走今為野上侯明公醫  
作全樹長駿骨難忘伯樂知龍文誤被張華獎拂衣  
鼓柁世誰憐聽鳥看山君獨往野客空傳白雪歌已  
入邪識高山響走也高陽舊酒徒逢君意氣偏個儻

一擲千金是丈夫不遭三黜非吾黨脫君帽向君呼  
為君醉典貂襜褕眼前對酒不快意身後浮名知有  
無君不見齊桓薨去陳思死一匡八斗今已矣釣臺  
臺畔月如水酒酣莊生呼不起萬事傷心類如此如  
何不飲空復爾

壽伴松道人存叙

道人八十矣與余善余外舅為余言道人彭

道人弟子而其母王百有二歲余醉大咤率

爾得詩

楊道行集

卷之六

十

伴松道人生絕奇彭毅弟子王母兒手持傳人九節  
杖化為二龍光陸離指如麻姑自紀背眉長一尺仍  
白鬚補嚴蕊珠叩玉齒夜騎黃鶴摩天起道人不知  
年幾何猶憶堯時數甲子我來夜夜望長庚豈有至  
人瓊黃精關尹莫放青牛去為余強著道德經

水雲亭一字起十字止示內弟

嗟陳生飲君酒為君吟流水東注白日西沉人生駛  
于前勞勞傷我心何不脫衣脫帽何不搥鼓搥金有  
酒如泥肉如坭與子一酌還一斟南山峨峨兮雲陰

陰鳴鶴鳴鶴兮喧茂林不成對此兀兀空自老君不見莊生釣臺只青草

款乃歌

豈無桂棹蘭橈兮款乃恨無長年三老兮款乃早起打頭壯風大兮款乃艤船不行寧奈我兮款乃不成令我隨風倒柁兮款乃

贈李華夫

李華夫驥之子鳳之雛生來墮地毛骨殊君家李耳親抱送世上兒子空區區十三登折向人揖鸚鵡賦

楊道行集

卷之六

十一

就鬼神泣昨聞負笈遊長安太學賢關鼓篋入黃金  
臺下髦如雲避爾頭角疑不群口誦韓子進學解手  
摹三石鼓文天官尚書丈人行怪爾神色獨倜儻  
問勞知是名家孫其來為喜今無恙國子祭酒諸生  
師青青子衿問詩少年神韻誰不愛呼為小友麒麟  
兒昔在嘉靖間詞臣誰第一爾祖尚爾爾爾猶簪如  
標筆一代文章見老成三朝物色竟蕭瑟休嘆白雪  
滿頭顙羨爾青雲好毛質青雲白雪意何如道士青  
蓮有舊廬家鷄兒輩休輕厭好向齋頭讀父書

越謠

君乘車我戴笠路上逢君向君泣與君為盟血未乾  
忍將對面不相揖君不見解縣為贖越石父此意悠  
悠今下古

楚歌

若為楚人聽我楚歌故人不信天乎奈何君不見夥  
顧沈沈客殺我何得周公下白屋

魏懋權使秦便道省親

京華之交誰秀發吾黨魏二最風骨舊物明珠君自

楊道行集

卷之六

十一

知錫來天馬光超越憶昔同聲得五君魏劉鄒顧各  
能文邀余大嚼胡姬肆濡筆淋漓白練裙可惜流光  
駛于箭鄒劉兩生忽不見虎頭近復挂歸帆東去伯  
勞西去燕曰余偃蹇鄆城侯回首底事空悠悠金甌  
君咽醒時渴白日余啣醉後秋君昨夜直青綾被跌  
坐常麾玉如意頃捧天書馳入闕青牛紫氣占關吏  
二華群真齊候門洗頭玉女來捧盆已叩金箱探奇  
字還從白帝尋真源白帝靈丹攜滿袖歸來曉上雙  
親壽過里花然菜子水題橋春映相如綬倚與奇游

哉魏二使我不語心怛怛我將為君婦却郵臺之片  
石與君並坐濮上之烟汀恍若話莊叟惠子二人之  
平生不成咫尺竟脉脉惱殺風流二月花

贈穆公子光胤奉呈尊公敬甫

尊公已過黃初作公子青年轉揮霍丹山產來五色  
毛大冶躍出千金鐔書法為換山陰鶯仙姿獨颺青  
田鶴落紙鍾繇見後身題詩李賀猶前却跌宕翻愁  
白日低飛騰却笑青雲薄張旭草字醉濡頭馬融讀  
書暑赤脚天馬行空豈可羈神龍出海不受縛擲地

楊道行集

卷之六

十一

能為金石聲逢人但覺珠璣落吾道憑君幟共麾不  
才愧我鞭先著遮莫陽春和客稀休教明月投人錯  
老我長酣鸚鵡杯勸君早上麒麟閣莫將野鷺厭家  
鷄吏部文章自不惡

公子工楷草  
書又善詩

歲晏行寄吳幼鍾

清晨梳頭見白髮歲晏傷心空咄咄昨夜上官果傳  
來倉皇著鞢脚不機男兒頭項倔強久恭講局隘余  
何有此邦之人苦死猶不然徑上青山走可憐具即  
好心事昨日書來見君意平生咳嗽不向人有

覓吾曹醉既不顧萬戶侯又何心萬間厦斥鷃鵬  
各自知世人誰是大觀者床頭寶刀三尺強光怪不  
可更禁當明年倘遂延津會箕踞胡床索酒嘗

老姬嘆時有疑騎逮曹州知州

城頭畢逋啼老烏城下緹騎馳急符為逮屠伯與乳  
虎十家九家胡驚呼可憐城南姬一男官掠死府帖  
昨夜下即訊男妻子老姬絕無孫忍與官對理吏持  
老姬急鳴咽迸如水請從吏丐命死者長已矣況乃  
司隸來慄急如流矢所恐仍桁楊何心戀桑梓雖聞

楊道行集

卷之六

十四

官坐誅敢向人悲喜嗚呼老姬爾無恐且避宮中  
聖人為爾曹既然 聖人為爾曹何不慎選庶吏千  
百蘇民膏

臨濮行借李伯承約會穆敬甫

舊年臨濮會太守獨往嘶青驄今年臨濮會故人對  
酌桃花紅桃花紅亦不惡集頭雜踏又如昨行者擔  
簦居者張傘千金一裝萬金一索大俠躍馬揮鞭霍  
霍胡僧入市其語大嚼嗚呼臨濮之遊壯觀莫與伍  
況乃甕頭酒如人李伯承魏人穆敬甫與余並

何何何何西日沉沉夜忽午余醒把杯為君壽君醉  
脫帽對誰舞自從天地開此地凡幾幾世上英雄不  
得為眼前兒女空多態所幸千秋萬歲名風流只得  
吾而忘却憶思君未時時只今既晤轉心悲今年今  
日追隨地明日遊人知是誰功名富貴豈終極歟  
江湖亦帝力丈人灌園何所求令我拂衣去亦得人  
生快意能幾時且把清尊照顏色

短歌行二首

江南花開感造次此地纔見辛夷花人生遷客自物  
理即老執執休悲嗟惟來來頭作龍吼劇劇幾幾來不  
離手為報張華莫浪情此物亦未干牛斗

二

四年不代期及瓜簿書期會紛如麻府帖昨來急于  
火有吏捉人俾向我低頭屈膝乞人憐斷送狂生休  
問天不如種林南山北為帽青鞋歸亦得

白登堂歌送鄭思成轉餉雲中省觀尊甫大司

馬制府

君不見白登臺白登黃雲臺并句注跡猶存

上子霸王今何在 大明天子自神武司馬雲中聞  
制府左賢繁組單于朝今之鄭公古吉甫公子為郎  
年少年虬髯白面氣翩翩頃聞有詔出餉邊大農使  
者內府錢爾時陛辭未央殿續紳觀者誰不羨五月  
南風捲客旌行人笑指榴花片丈夫萬里是奇游况  
乃戲綵百不憂一片白雲望何處鷄鳴問寢來并州  
尚書軍中搥大鼓即君持節犒羅虎捷視少校額抹  
巾都護將軍前眉鬚翁也高標如神冰蟬水玉帶報  
主身即也踞上萬壽酒宛知膝下符麟驥驄騰  
醉越舞紅燭綺筵夜未半葉河大青燭花開雜  
胡背面語但知天可汗遣天使不信即是令公子令  
公威靈有如此吐蕃回紇何為爾嗚呼鄭郎意氣蒼  
是父是子天下無我歌白登臺送君白登途令我推  
心勃勃馳飛狐腰間寶刀四五動直欲與君南滅越  
北擒胡不成白雲空頭顧老散高陽一酒徒

石州行

山西郡縣一百二十城九城遺草荒汾州以西更蕭  
瑟云是當年胡破傷駐車石州城為問石州事父老

為言淚尚揮播紳罷聽心猶悸憶昔承平久疆圉忽  
不虞虜騎猶偽捷賄入已通誅坐令此虜日猖獗公  
然入寇仍長驅殺掠肯嵐及汾晉無一格關能指鉅  
哀哉石州三萬戶被屠如獵兔與狐髀體如山手不  
顫血流成河洗刀箭人烟斷絕高島稀樹林安得巢  
春燕頃來生息猶未蘇往往鬼哭天陰見傷心鬼哭  
天陰見冤氣射天白如練可憐爾曹生不辰不逢頗  
牧當一面只今天子壯服胡魏絳和我是廟謨淮  
南腐儒錯料事跳梁跋扈無時無嗚呼守臣計莫疎  
機道衍集 卷之六 十七

君不見石州往歲為人屠

長江歌送杜惟公留垣給事并訊吳幼鍾

石頭城頭石龍從長江浩浩洶呼風孤光凌競白日  
不林陵一片青濛濛中有神鯨勢吞吐衆魚辟易不  
敢伍有時鼓浪高泊天撼山拔地為雲雨羨爾黃門  
給事中飛騰豈不與之同近來陪京更華倨往往拔  
擢皆名公當陽成侯好孫子拾遺之家杜陵里頃欄  
夕即挂帆去江上緋袍映江水蒯緱鉞不可當  
物以類聚豺狼藏批鱗犯顏祗細事要以精意乎君上

送君南行飲君酒到日江頭折楊柳却憶吳生一生  
無因君為訊平安否

戲書易司壁上二首時同舍生鄭思成代余

榴花四月紅堪把古癖松聲向人灑度支郎官來何  
遲十欲出門九借馬却笑才名老鄭虔十年同病若  
為憐不妨痛賞新豐酒分得君家月俸錢

二

君不見磊落楊大夫又不見風流鄭公子兩生腐儒  
不曉事何為日索長安米度支分司勢如山牙書送

機道衍集

卷之六

十七

日摧朱顏莫怪此中逐朝市大隱往往藏其間

雲夢歌壽乎如母

雲夢穴雙鳳凰鳳兮失其鳳有雛摩窺蒼歸竹實  
餒其母百鳥拱集如稱觴此事傳奇自七澤長卿已  
往誰鋪張鄉生太廟瑚與建瓴功玄屬寧足方不違  
將母疏以請 帝曰俞哉歸故鄉人生得意幾不有  
此兒媿快不可當珠冠老人賻高坐膝下起舞尚書  
即手捧巨羅罍進酒願母萬壽長樂康老人白髮赭  
映肉可憐滿闌如羲皇南極一星照南國北闕五花

榮壯堂生雖有如此見者豈不與鳳爭輝光

### 惡少行

北濱有鱗尚魚服渾渾不救鰥鰥辱蓬蒿饑鵠啄腐  
鼠仰視却嚇冲天鵠揚雄讀書不解嘲阮籍窮途但  
長哭九折羊腸世路間人情大半如虺蜥我有三尺  
不值錢題題笑鋒頭禿黃口小兒亦橫行鼓刀惡  
少睥其目列國何曾館七牢王人不得食半菽孔丘  
腐儒合絕糧何用留賓學鄭莊馬牛任人呼亦得丈  
夫豈遂見曹忙

楊道行集

卷之六

十九

### 唧唧行

唧唧復唧唧艤舟灘南望灘北可憐打頭風十日不  
得一日力長年三老難道拙挨舵開頭非不識天吳  
出沒河伯噴噴行路難行滿如棘來風鼓柁者誰子欺  
我逆浪無飛翼揚帆掠我纜仍逼使我臨流坐太息  
不爭我遲汝曹疾如此風波佳亦得須臾風恬淨遠  
天潏潏白魚跳傍船指點舟人放舟去痛飲一石昏  
昏眠

### 范原易使君招飲明遠樓歌

范使君真丈夫郡齊鎮日一事無豫章城頭吹烏烏  
須臾湧出萬里之蟾蜍使君與客醉醒明遠樓上  
花飈輪明遠樓下群吏趨蕩胃決背豪氣麓南交楚  
澤東凌吳座上對把青珊瑚酒酣耳熱為君呼為君  
呼舊酒徒椎碎匡廬吸彭湖

### 歌

右丞宋公公子化卿遇我豫章見惠長句內述  
其與亡友魏越權晉井及鄒顧諸子余為戲

楊道行集

卷之六

二十

世事不平那有此顧生蕭官魏生先落魄吾曹大可  
憐差喜今交宋公子公子美辭才且雄白眼睨視秋  
天空已聞絕驚陳左使更願一識楊郎中郎中淩落  
三十四學不成名但識字頭項空餘男子身鬚眉不  
中時人意以茲鼓柁章江游但逢公子頻點頭龜端  
白雪亦自快世上浮雲何所求豫章之城大如斗紫  
微樓頭日西走與君對壘各千秋肯使英雄落人手  
難道此物便摧挫君不見君家右丞官仍大

### 華山歌送李少參之任關中

太華峰頭雲片濶太華峯下石亂落玉井一夜蓮花

開洗頭至女安在哉昨聞詔出薇花使百二秦州保  
障兼行部咫尺蓮花峰看君尊高亦如此古來功名  
誰不見二伯分陝今猶羨若今行省關之西成就豈  
不與之齊男兒有身足彈壓何用函谷封光泥雲漫  
漫兮函谷關與君別兮何時驛馬上市秋風葉滿路歸  
葉空留送行處

廣陵黃子之松江教授

暑雲如蒸白洋烈疾風柳花樹枝折拍馬不計難  
潮江頭為酌黃君別黃君為買酒沽十歌拍手九

楊道行集

卷之六

三

願我自言薄祿十餘年江上江南半公麼可憐一官  
冷無力何用姓名入共識近來貴文賤于土五經博  
得首宿食幾年講席衰江邊臘和諸生月俸錢今年  
調官差稱意依然坐客寒無禮寒無禮復何養人生  
富貴草頭露況今博士拜公卿先生彈冠帶云暮華  
亭鶴廣樓蕭蕭盈一水雙喜棧到日倘食鱸魚鱸因  
君為寄秋江潮

吳尹歸豫章歌

火雲炙人雷震瓦送君鼓柁襄江下借問何事抱謗

歸曾參豈是殺人者憶昨歲祿得明府十家九家歌  
且舞僱租無吏村打門抱甕有人野安堵只今瘡痍  
重濡沫賑饑千人萬人活以旁他邑未有此就食幸  
緩須更克恨殺蛾眉工妬人暗投明月翻生瞋上書  
已坐明珠詆叩關誰將意改陳君不見擬蜂拾塵古  
來有不獨君侯挂人口人生富貴豈終極東門黃犬  
空嘆息不獨掉臂去亦得君今歸種豫章田彭蠡湖  
外花如烟胡不痛飲一石花前眠萬事悠悠休問天  
鄉手如謝病歸雲夢

楊道行集

卷之六

三

豈其食魚河之魚富貴于我如糲糠掉臂不顧者誰  
子前有賀監今鄒郎鄒郎今三十幾乃使才名日  
千里何妨公處空夢問蘇高靈怪能如此自言不願  
萬戶侯但願一言垂千秋中原代興自我輩大業豈  
肯卑卑休偃父厭文如故帝餒鵲腐鼠余何有我有  
青山七澤遠挂冠徑出都門走帝曰鄒郎俞爾歸  
弋人何慕摩天飛浮名嚼蠟應無味急湍回舟世亦  
稀古人今人豈相遠依然一曲鑑湖泛若較名山  
數多賀監賀監如生何



史將軍搗倭平壤歌將軍名儒

史將軍雄且英遼東小兒知姓名昨聞倭搗平壤城  
將軍耳熟風火生自將一隊五千兵銜枚搗穴倭大  
驚左砍右刈聲殺人如草不留行寒瘡斷頭衆  
爭死倭奴指將軍洞胸中鉛子大呼萬人  
盡披靡手執敵首匹馬飛歸營卸甲血如水將軍氣  
絕身不仆生靈英英如對壘可惜功名志不伸丈夫  
賭命揮千春諸公持論拘成敗未必將軍讓古人

兩鮑小影歌

楊道行集

卷之六

七

誰將墨濡一幅紙貌得新安兩鮑子長公正襟若玉  
出次公耦坐如連理裁并深衣宛相向不知身在圖  
畫裏薄俗乖離不足言雁行散失荆花死君家友于  
更周至兄酬弟勸無渣滓情真好手畫不得提提左  
辟徒形似安得天下棠棣畫似君可封比屋從茲始

西墅觀打魚歌

朱村古壩深無底千魚萬魚响沫水巨口不讓淞江  
鱸暴鯢寧數龍門鯉誰者張網為網魚我有二頃田  
傍此前又後苦索魚急驚鱗駛吻皆濺濺小魚筵筵

低其頭大魚崛強作人立殺人磨刀白霍霍細剝鱗  
切空紛泣但勸腹腴為爽口割箸砍鮓何嗟及嗚呼  
此水只一杯年年打魚真可哀即今漏網不足幸  
客朝朝還再來何如北溟之鯢九萬里力排地軸  
為開秦皇網射不得况爾漁人何慕哉乃知勺水  
不足道掉臂且使遊蓬萊

後打魚歌

往年打魚魚蠅集今年打魚百不十罟客生憎機械

深群魚應訴河伯泣我有圩塘十畝寬挺又更叱田

楊道行集

卷之六

七

丁入轉思去年學種魚魚花纖纖只如粒分明愛護  
禁勿取翻手求魚何太急魴鯉鰱鱖際會厄洞冒貴  
煩殊不惜入罟撥網羊批扶創踉蹌血交射臨俎  
張鬣如乞憐奏刀導竅已就磔蹙蹙似聞長平坑累  
蒙何翅昆陽馘金盤猶嫌王勣逢雪花尚恨銀絲齋  
嗚呼食無魚且莫欺文得盡縱天下涸鱗江海波揚  
箸掉尾中流過魚乎魚乎竭澤而漁奈爾何向來罟  
網何其多

無號山人山水圖歌

君不見鹿皮翁又不見河上公羞向市見道名字至  
公者欽高風延陵丈人骨亦傲生平逃名更無號  
五月拔裘還負新世人但道吳山人山人手持畫一  
經山即真山水真水山如商山翁採芝水如潁水洗  
翁耳有洞恰似桃花源誰人有力移置此翁時展玩  
東颺颺不知身在圖畫頭馬牛從人喚亦得富貴于  
我何所求吳山人雙王壺我飲翁酒翁懽呼紛紛有  
名只如此何似當年名也無

### 聽胡洋彈琴歌

勸道行集

卷之六

五

胡洋別我只數日為我火火人彈琴一彈倚蘭有古  
色再彈松風冷冷深其曲鳥為低頭悲  
且吟而我亦是憔悴者因之聽琴淚盈把有如山泉  
濺濺溜石間又如孤鶴啼啼松松下欲盡不盡忍反  
分山月欲裂吹山雲知君更有求凰操此曲今人那  
得聞

### 月下聽蕭

美人吹蕭月明暮欲斷不斷聲如訴若使姮娥解助  
心亦應泣對婆娑樹楊柳欲折不應手舞蛟幽壑知

何有鳳兮鳳兮何時相見空回首

### 過豆茂才留飲放歌二首

去年缺掌戎馬中東籌日本西籌我今年布衣無一  
事日高求方但鼯睡世人笑我休官早我道微官休  
亦好世人笑我野衣貧我道已愧懸魚人君不見吳  
郎四十尚潦倒青袍奔走形容老又不見職方在事  
日席常時危自分塗肝腦只今天幸亦已多今我不  
樂崇老何

二

勸道行集

卷之六

五

君不見韓安國死灰不然只蹉跎又不見楊子庭失  
勢落落如飄萍王貢不作管鮑先近來交情薄如水  
蕭朱不終世所嗤田實相札君莫悲以茲有錢但沽  
酒澆君磊塊休開口富貴浮雲我何有日月東西跳  
九走請看北印長逝人曾從食客三千否

### 題吳翁畫竹

丈人手持一幅竹墨素淋漓筆花秃蕭颯如聞風雨  
來琅玕似付驚風宿此翁清節亦不群直如此竹高  
出雲歲寒兩室但儘卧何可一日無此君

題王穀祥選郎大夫忠孝圖是學憲江貞伯家

物

誰將名圖花移置君家壁何物淋漓逼化工入門不信丹青跡勾吳畫者誰擅場縉紳之間文與王王為選部穀祥氏往往筆力多晶光即論此幅亦流宕淡濃遠近神皆王貌得蒼松秦大夫颺颺已似聞堂上更有忘憂之萱向日葵含訝石竇開相向悄然坐我花石間使我披觀色惆悵惆悵一為萱早肯慈母恩春暉寸草報不得對此絹素重消魂惆悵一為葵萬里隔吾門雖然衛足差亡恙安得區區向至尊嗟乎選郎意仍美薰訓人間臣與子不比黃筌與郭熙但畫凡禽及山水吾鄉才子名江海購畫寧論買山錢平生一腔許忠孝到眼展玩心油然守官但有葵忱在將母只願萱花妍此畫合落此人手此人此畫兩不朽寄與君家好護持選郎已為傳神久

為李仲白壽其封翁暨張孺人七十

君不見苦縣李耳之孫多禁方配以天上狐星原姓張怪底七十嬰兒貌並是飲得沆瀣之王漿翁嫗兩

兒氣絕倒大兒簪笄西巡早一疏非關不戀君繡衣更着斑斕好小兒理郡亦不群宦遊泣望親舍雲文武自當東西吏謳歌何減大小君以茲翁嫗但攜手白髮紅袍對杯酒膝下兒孫盡石麟眼前世事如芻狗仲子函致祝釐箋一函一拜還泫然南極願並北極耀法星常傍雙星懸野人龍門阻眉宇歌得新詩當鶴舞莫笑楊雄識字多為翁更續神仙譜

留犢圖寄贈樊使君歌

誰將一幅絹親得留犢圖清風宛然見顏面使我感嘆薰頑夫嗚呼古人今已矣使君今人古人比張奐何知馬如羊龐參自解孟中水以茲行李仍蕭然攀轅父老遮不前山陰一錢只暫受廣州片香寧棄捐寄君留犢圖贈君留犢句犢亦不須留留此甘棠樹甘棠樹裏水流此中相思還悠悠不信賣劍盡買犢都是使君遺澤留

七夕歌

朝望天河夕望天河有美一方傷如之何雖然一年只一度握手頃更未云暮何似覆水不再收君恩一

旦如朝露妾身株守妾心孤織盡機絲淚盡枯縱教  
河鼓長相棄肯學嫦娥忍去夫

送金九貢鄉試

東南竹箭何足齒揚州之金貢 天子已知風翮起  
三秋還見霜蹄致千里勸君莫學漢相如只為區區  
駟馬車男兒得志尋常事蚤向麒麟閣上書

檢筭得余曩時瓊林醉歸圖彼余少俊今遽老  
醜慨而作歌

少年一擲如飛電絹素依然少年面白馬雕鞍穩稱

楊道行集

卷之六

壬九

身耽顏初罷瓊林宴當時自許良不輕肯使書生負  
太平致君竟舜真吾事不數尋常公與卿二十年來  
事偏側軼軻壯士無顏色廷尉門前署不辭將軍道  
上呵亦得一時年少莫相嗔亦是當年年少人男兒  
况是身猶在縱對青山也不貧

題畫為戚四壽其母舅松麓翁

畫師畫松得松骨虬蟠似是千年的人畫松間  
游對之如聞鳴呦呦渭陽賢甥手此幅稱勝遙在松  
之麓他時跨鹿從赤松無言此幅非真容

颶風行

天風颶海湧潮征人暗啼痕未消前年父死胡去年  
兄死遼今年勾軍及阿弟年未十六克戎驍老姬送  
兒哭哭聲干雲霄一家骨肉已畧盡忍見弓刀仍在  
腰漢家天子事征討轉輸四出民脂槁酒酤權盡第  
舟車个个傷心不自保驃騎將軍但蹴踘不聞苦甘  
全士卒生莫生男男作丁作丁半是遼城骨

估客歌

大艚舸峨頭夜到揚州泊借問艚上郎休歌估客樂

楊道行集

卷之六

壬九

估客江湖殮且眠男兒性命勞可憐昨日石尤風灘  
頭心鬱煎父客狀產半牙籌無子錢今朝長年喜動  
色五兩輕帆挂亦得偵者為言未可行前有江洋掠  
人賊江洋賊猶可中官權殺我卜船九船盡括掠群  
僮逼急如星火君不見此曹克襄願未畢公家十三  
汝十七忍見群黎慟哭時轉思列聖艱難日萬一山  
東下詔書荒山泣血空愁疾

相公謠二首

往余餉榆塞聞塞上人之枉曾制府銑也而

悲之已讀實錄知分宜以銑事并中貴溪殺  
之于市衆庶不載竟被惡言嗚呼哀哉禍所  
從來矣

李相公復維州牛相公棄維州可憐睚眦故枉殺悉  
恒謀悉恒謀猶可淪沒維州痛殺我嗚呼奇章惡不  
滅不及分宜殺同列君不見河套一處不復收土人  
猶唱白浮鳩

二

魏其武安兩怙勢武安貴在日月際以此陷殺魏其

楊道行集

卷之六

十一

侯滿堂賓客皆垂涕古來相軋類如此嚴相蜚語夏  
相死漢宮蛾眉迎魚肉何如梅福在吳市君不見西  
市舊鬼椰榆新鬼哭夏氏昭雪嚴氏族

乾兒謠

有序

余從樞紳後則聞所云乾兒于分宜江陵者  
蓋司空某婦入省分宜姬至袒裼蔽自上食  
已裹金豆散諸僮亡不噴噴司空婦笑姬觀  
道虎林制使太保某跪餐衰昇入哭而江陵  
方炙手可熱也按楚御史某語二司老父頤

書至有竊哂者噫吁至是哉乾兒謠志

貧家親兒婦啜語豪家乾兒奉滌滌螟蛉憐果羸勝  
似鳥生八九子乾兒司空婦孝姑廁踰親浣行親扶  
行親扶金滿袖諸僮人逐金豆乾兒太保哭阿娘跣  
而昇堂中堂中央苦塊處有淚懸河復東注乾  
兒御史持大斧持赫號喚阿父阿父存御史尊阿  
父歿御史逐嗚呼乾兒父子何太親掉臂仍是行路  
人

楊道行集

卷之六

十一

勸道行集卷之七

目錄

七言歌行

平露武行

十四夜小酌對月歌

十五夜起然堂對月

十六夜

十七夜

甲午元日試筆二首

浣花莊醉後放歌

春野耕烟畫歌

新篁行

樊明府打魚歌

勸道行集

卷之七目錄

十一

醉歌行答樊欽之

陪樊明府飲王園醉歌

戲贈欽之

七夕行

乞巧行

還山吟

田家酌酒飲漫狀

不過詠

征婦詞

五哀詩五首

秋雨嘆三首

乞鹿行

秋興四首

驚蟄日大風雪東望明府

樊欽之食朱櫻而甘見示長句輒和一首

樊使君誕日戲歌 再答欽之生日歌

姚生為我寫浣花莊圖贈歌

老樹為風雷所壞歌

是日風雷并拔縣前烏桕樹樊侯風嘶烏聒

為之豁然作歌余和之并為烏解嘲也

此物行 病後見白髮自戲

南兵行 苗兵行

十三日夕無月柬樊使君約以中秋久過我

人日樊明府招飲

勸道行集

卷之七目錄

二

元夕樊使君過飲放歌

丙申初度追念平生心焉如割作五歌

謝樊使君惠鹿

樊使君初度

岱石三章章五句哭賈魯瞻憫其抗疏得罪

早夭亡子死之日貧幾不能殮云

吳幼鍾兩都疏草

贈瞿睿夫

為睿夫贈其門人張復

為金八題曹瞞觀曹娥碑圖

為吳人題月明千里故入來圖

擬文臺為蔣侍御歌

贈陽別駕攝除篆得代還廬州并呈李司理

為汪三題號國夫人上馬圖

淮陰侯廟歌

泗州生祠祠直指蔣公也公驅二瀆順軌其

有功子 祖陵及民生甚鉅泗人所為祠

也得二首

孚如即家改南部歌以唁之

楊道行集

卷之七目錄

三

和州郭使君招飲城東樓放歌

楊道行集卷之七

全椒楊子庭著

七言歌行

平靈武行

黑雲如蓋賀蘭高萬馬嘈嘈擁賊壕已喜犬羊皆敗

去即晉螻蟻又安逃郅支傳首知今日郿塢然臍大

爾曹可念滿城遭毒螫也教全陝困腥臊諸君自盡

麒麟閣白骨誰憐鬼夜號魏公沉幾古來少葉公挺

挺英雄表中丞躍馬欲吞胡御史氣與秋鴻渺地

楊道行集

卷之七

一

如傾公等扶生憎平世功名小龍虎風雲各有時一

朝弘濟艱難了首稟樞謨用水攻大遵 廟筆今

擾假息初游釜底魚乞降更醢籠中鳥受俘 帝

明光宮 天顏有喜春雲曉組練三千白日低河山

百二朱旆繞掃却攙槍若建瓴漢家高廟有神靈只

緣郊鄴還過上未必燕然可勒銘蕭郎年少功仍冠

李帥家聲百戰經當日若無趣疾下也如元國周

零虎頭自合封侯相天幸何嘗敗衛青從此河清

亦宴飛鵝改音獸羊面複閣依然威鳳翔三山無

神驚冀 聖人宮中奏雲門天下嘻嘻盡清燕箇箇  
征人着錦衣家家沽酒賣釵釧萬方快觀鶴禁開  
九廟親勞 至尊薦安得放馬華山陽使我歸耕亦  
不賤

十四夜小酌對月歌

他人愛月月圓時余意愛月十三四遮莫清光漸就  
圓生憎圓夜虧將至缺欠人眼裏從來廢滿非  
佳事我今有酒胡不飲今夕何夕如月何如不見陶  
令歸來貧不喧漉酒便脫頭上巾若須富貴後愉快  
揚道行集 卷之七 三

世上應無稱意人

十五夜然堂對月

一月月一圓一年十二見圓月陰雲強半妬清光幾  
得澄然出叢樾今夜之月胡為來皎如金鏡掛在萬  
里之瑤臺萬籟為我寂浮雲為我開人生萬事賭一  
醉江水不妨為酸醅君不見靈兔夜夜空搗藥只在  
月中亦不樂

十六夜

昨夜望不愜今夜還待茲須更出摩尼味秋小詩

頂焚琉璃既有八萬二千戶何得一夜還復虧君不  
見阮公杖頭掛百錢家無擔石猶晏然又不見吾家  
子雲只識字閉閣餓死誰為憐何如跌宕畢吏部左  
手持蟹浮酒船萬事置之休問天

十七夜

今夜復待月月來何太遲一夜不見月減半阿誰斫  
殘挂樹枝桂樹殘猶可姮娥半藏愁向我竊來靈藥  
復何在剗削不救明珠顆對此萬斛添我愁安得置  
我廣寒清虛之現樓富貴浮雲何爾求富貴浮雲何  
揚道行集 卷之七 三

所求

甲午元月試筆二首

道人行年四十一飲酒彈琴願差畢自嗤孔戢箕去  
二誰信穩康不堪七却憶兒時喜說春一回歲事一  
回新不知年大嗔何事每過佳辰淚濕巾

二

陶家五男尚唧唧生憎不好然與筆我今抱女亦已  
寬歲首啼命索東來元元詩囊又一年酒脯祭汝不  
勝憐阿妻大笑渾無賴耐可東家充酒錢



浣花莊醉後放歌

前年干戈愁欲死去年謗書挂人齒五斗猶妨漉酒  
生三江已屬扁舟子從他開口取卿相卿相畏人氣  
亦喪從他平津賓客多江都老死如命何平生顧我  
為人淺削去微官眉始展世態都從酒底忘窮愁盡  
付詩篇遣昨日囊頭無一錢妻嘲女啼殊不憐丈夫  
七尺渾無賴眷屬搏沙亦偶然

春野耕烟畫歌

筆花貌得春畦好烟雨冥冥暗層島樹底微茫見茅  
勸道行集 卷之七

屋隔村野人自驅犢遠勢更着扁舟人疑是桃源人  
避秦我亦春烟閒津吏不知身在圖畫否

新篁行

平生性癖只種竹百竿檀欒傍茅屋琅玕灑灑高雲  
涼寧對此君不食肉幾日為愛新篁添流鶯一聲時  
捲簾大者亭亭高出簷小者迸地頭尖尖清風爾來  
碍白日此間掀髯更抱膝為問當年六逸人着得楊  
生逸為七自今老却犬馬齒呼僮斬竹頻杖此若過  
為岐莫攜從只恐化作真蛟龍

樊明府打魚歌

樊侯打魚襄江岸魚駭跳波若驚龍須臾網得雙錦  
鱗為我生致長尺半一魚撥刺不受刀一魚徒徒紅  
尾勞落碇割鱗雪花碎佐酒放筋金盤高感侯餉我  
情不淺顧我食魚意猶緬失意波濤亦可憐託身溪  
瀨寧能免魚乎魚乎勿謂鯨鯢洶洶漏網多不是吞  
舟能奈何

醉歌行答樊欽之

只逐時人游不向時人唾衆中見樊侯町畦始一破  
勸道行集 卷之七  
樊侯壁壘不受浮明珠珊瑚出海底白眼何曾輸與  
人肝腸只箇巢巢子巢子巢巢生江州刺史勞干  
旌欣然藍輿便對酌西日已匿尊還傾君不見禰衡  
狂生衆所怒少府傾蓋遂如故又不見中郎平生少  
許可倒屣王粲為虛左古人愛才若拱璧今人妬才  
優下石樊侯樊侯尚不免至如庭也何足惜憐君同  
病飲君酒濯濯新詩不離口何物能分造化權千秋  
自落吾儕手却笑區區七尺身浮名身後定誰真眼  
前一杯不快意江東步兵應笑人

陪樊明府飲王園醉歌

城西人家有好竹使君徑自入休沐嘯咏不問主人  
誰寧知王湛果癡叔自侯之來吏事稀素琴一張書  
一麈人言葉縣淹飛鳧我道渤海得買犢太守雖然  
水一孟步兵但醉酒百斛墻頭濁醪差可添金底鮮  
鱠亦云熟與君轟飲了不妨吾輩宜望容容福勢利  
熏心轅下駒功名翻手蕉中鹿途窮男兒亦偶然何  
事阮公便慟哭

戲贈欽之

楊道行集

卷之七

六

誰將酒星下青天倏忽雙隕襄江邊一為解易觸邪  
不得售一為鷄舌含香長棄捐棄捐差穩眠一官尚  
不還掀髯對爾各大笑笑爾文章不值錢以茲酌酒  
莫辭遽但得一醉破千慮朝見無心岫出雲不知暮  
歸竟何處有酒便漉頭上巾無絃一琴足箕踞舉手  
為謝王江州我醉欲眠卿可去

七夕行

句日夫不歸少婦淚如霰柰何天上匹一歲纔一見  
一使黃姑解動心亦應此夕增悲戀為問寒衣郎有

無七葉未就妾心孤君平錯認支機石是妾停梭坐  
望夫

乞巧行

雙星熒熒夜未午穿針女兒祀河鼓但信天孫巧自  
多不知此夕淚如雨富家乞巧柰巧何拙刺雖拙純  
較多貧家乞巧只是巧織錦與人不飽人人道巧  
終有餘我道拙還寧不如君不見織女七襄為巧誤  
河漢年年只一渡何如偕老不下堂拙婦不解縫衣  
裳

楊道行集

卷之七

七

還山吟

還山吟泉淙淙兮雲陰陰松子滿地烟蘿深世人笑  
我不善官山中野人知我心知我心攜我手左持蟹  
螯右持酒其踞調笑無不有囊底有錢將與人眼前  
世態慵開口行年四十老將至鷄肋牽人一官累及  
至無官轉懊愁笑君錯誤一生事

田家酌酒飲漫歌

步芳牒兮田間日沉沉兮忽晚從田父兮揖余邀歸  
果芳黍飯問群龍兮滿朝君何為兮偃蹇謝父老兮

不才為僊飛芳夕返夕返芳山阿縱巨魚兮眺波撫  
桓笛兮三弄學任釣兮一葉既讓佩兮蕙蘭又製衣  
芳菱荷朝看雲兮翠嶽夕竹月兮烟蘿林既熟兮醪  
酒為君得芳酒羅美人兮天畔時不可兮奈何

不遇詩

去年一官被嫌去年種田仍不收賓客滿門去畧  
盡家徒四壁空極小故浪不解事到今贈燈還

百憂青門瓜地將軍誰夜遊西奔白日

東流水世上榮枯亦如此已拚種種何能滿安用沾

楊道行集

卷之七

八

沾差自苦心事知誰可共論山中落葉空滿耳

征婦詞

匈奴八月南牧馬征人戰死邊城下閨中少婦猶愁

思寄衣尚恐宜不宜怪鴉噪惱妾意十夢九惡緣

何事街頭走卜歸知已今白骨飛

五五生也五生賢而早天

南魏允中

雲冥冥兮雨紛紛悲河海歸何之海水可填山可

發龍安君更嬌嬌工聲詩贈言在詩猶

陸離風雪只恐神物窺夢中彷彿魂來時游魂何處  
浮雲馳吁嗟魏生能不悲

向客陳標

江有芷兮沉有蘭悲白下兮夜漫漫握君絳桐為君

彈君更起舞陵七盤一曲未竟淚沈瀾別時記君勸

加餐琴瑟雖無心肝衰哉孤雛空樂樂死淚在睫

何能乾吁嗟魏生使我嘆

丹陽張肇

秋風厲兮江上吹悲毘陵兮晤無期與君追隨兩闌

楊道行集

卷之七

九

時念君溫溫琳球姿君家壁立諸生知曉釋屣屣

檄馳骨立家難旋亦萎蘭摧玉折行道悲男號女啼

長苦饑吁嗟張生猶茅茨

徐州張鶴鳴

有鶴有鶴喚空羣悲徐州兮隨逝濤與君呼盧賈濁

醒我歌君和聲嘈嘈涕淚洶洶秋天高君巡鬼方無

乃勞萬里歸櫬係夜號和淚掛飢腸如刀不謂垂老

失綈袍吁嗟張生埋蓬蒿

漳浦劉廷蘭

秋雨嘆三首

楊道行集

三

甲午九月

心亦應泣訴天公苦鷹啄泥中野  
淨深蛙鳴竊下秋  
黃腐却憶年年落帽時只今兀坐  
不勝悲噉將土木  
空微念刺得鬚眉已厚惡狙喜狙  
嗔誰得料狐埋狐  
捐復何辭還持一掬千行淚濡筆  
佳辰自咏詩

乞鹿行有序

楊遠行集

知我笑

中林姓姓應星斗誰氏失之挺而走迹人為我生致  
來吻吻堂下如求友王喬未許參駕翔陶淡自得塵  
山偶何必縱令觸匈奴只今濯濯亦不醜嗚呼雞猶  
憚為犧此鹿殼腴臨匕首就縛翻憐不擇音落碁竟  
死饕人手樊侯顧我莫嘆息奮須澤中致其牡誰為  
角之誰犄之使我拄杖踟躕久具園原圃那可尋夢  
中尚為蕉隍守道士玄都鳴也無明皇銅牌今在否

月憶珊瑚拂檻游毛憐班白六世別何當一棗致我  
前大叫磊塊澆之酒嗟呼人生失鹿何不有君但會  
意勿開口

秋興四首

大麥初佈小麥青秋秔刈盡鉦欲停閉門釀熟不願  
醒何能坐學老博士兀兀自草太玄經

二

朝三狙怒暮三喜怒多溢惡喜溢美世態悠悠君勿  
理謝客常關白板扉負暄自徙烏皮几

楊道行集

卷之七

十三

三

秋菰米熟魚滿陂大婦紡布小婦炊村中社酒曳杖  
遲無言鷓鴣長與鳬短賦命已定悲何為

四

鴈門太守二千石驪嶺不如一縫掖浮雲富貴只一  
擲雖然趙壹解疾邪何如向平善讀易

驚蟄日大風雪東樊明府

正月已破二月至朔風吹凍雪滿地東郭先生曳履  
穿洛陽處士閉門睡黃金寧為壯士顏白眼不中時

人音賈酒苦乏杖底錢投人漫感懷  
不再還交態浮雲合相棄虞氏窮愁只著青楊雄寂  
寞空識字君不見雪中街蘆鴈濕翅虛玆撥刺驚還  
淚

樊欽之食朱櫻而甘見示長句輒和一首

侍從曾經食大官寢園分得赤瑛盤而今玉筋無消  
息歲歲嘗新淚沾臆黃州逐客全椒長三年夢斷金  
莖掌何物朱櫻訝許圓筠籠頓覺開唇爽新詩形似  
宛崖蜜使我津津口涎出翻恨神農尚不知鋪張應

楊道行集

卷之七

十三

屬君侯筆櫻乎櫻乎爾自紅怪爾貴賤託種胡不同  
貴者擎出明光宮千顆萬顆珊瑚叢賤者委頓隨狂  
風鳥殘半落泥沙中人生際會何不有與君磊塊但  
澆酒君不見書生長揖丞相怒何須更伐櫻桃樹

樊使君誕日戲歌

少年輕薄那勝數君侯謫官不言苦諸人鼎食不識  
字君侯百家腹作筭君侯筆花飛夜號君侯氣節秋  
雲高何來天門忽折翼成就未可觀吾曹我過四十  
君更進相看白絲欲生鬢少日曾探羊祐鑲壯年羞

說蘇秦印今辰何辰進君酒為君祝釐不容口願剪  
長江作壽醕不知柳已俄生肘君不見一日上樹能  
百迴健如黃犢安在哉與君羣飲各百歲亦是生前  
有限林如何兀兀空浮埃

再答欽之生日歌

樊侯山甫之子孫補衮家聲今尚存生時墮地况昂  
宿手扶雲漢捫天門十年勇繡花驄馬封事事傳昆  
與賈剡有批鱗日月高那堪塌翅風塵下批鱗塌翅  
竟何人金粟如來是後身已悟六塵渾是幻即遭三

劫道行集

卷之七

南

顯不須嗔何物小兒楊德祖與君忘形到作汝失勢  
猶蟠袖裏龍託身應嘆倉間鼠今年懸弧四十七唯  
我知君世無匹既不願碌碌躍馬食肉蔡澤年又何  
必遂初賦就與公筆佗日休題道士桃只今且種湖  
明林

姚生為我寫浣花莊圖贈歌

浣花莊頭竹萬箇雲樹冥冥日西過誰人移置楮素  
間蘆江姚生筆力大畫得危亭怪石懸中間何人更  
趺坐似是貌我苦吟時從旁但少羊何和姚生點綴

殊可喜近濃遠淡皆山水意正無疑縮地方不然南  
山襄江胡在此郭熙山章偃樹畫師好手不可遇而  
今錯比輞川圖知君亦得滄洲趣滄洲野人跡如掃  
三年但夢青山好請君放筆着我二室三花間卜廬  
五嶽吾將老

老樹為風雷雨所壞歌

浣花莊頭有古樹亭亭排空神物護樹下婆娑時一  
哦冷然天籟笙竽度一朝霹靂風雷來拔屋偃樹使  
我怖力撼蟠根地軸翻勢傾直幹天公怒百年儲尔  
劫道行集 卷之七 十五

是日風雷并拔縣前烏栖樹樊侯風街烏聒為  
之豁然作歌余和之并為烏解嘲也

縣前老樹經霜久群鳥噪集如求友樊侯頗嘆此物  
聒時時過之疾其首雷師風伯何處來疾吹迅掣如  
拉朽我聞樊侯翻爽然抵掌示我詩一篇此烏雖然

穢難惱人意。優東毀。豈能不憐為侯。勅為尔胡。搜此  
小吏道旁肉。神明使君欲驅逐。烏若訴我曾。是御史  
臺中。栢上啼。而今不得一枝棲。飄風驟雨。何太急。處  
處啼烏。墜葉泣。

此物行

樊侯喜吟。已胡創而欲止。吟余所為。作此行

也

此物落落如晨星。此君沾沾吟不停。有眼肯為時人  
青。誰其和汝。揚于庭。此中小兒拍手笑。笑汝一官尚

勸道行集

卷之七

十六

不調薄俗于今已。諱詩苦吟何必如。年必此君聞之  
為色阻。以手指躬重責汝。汝已虛弦。撥刺驚柰何。提  
筆仍軒舉。更語揚止亦勿吟。金人三緘無一語。楊生  
前致辭。君言胡自精。放逐別有譽。豈必詩為災。我聞  
此物亦不惡。三光為銷草木。蹤過眼何知九列躋。稱  
心寧許千秋託。君不見星或好風。或好雨。人生飲啄  
隨所取。又不見北邙山頭墳。突兀不應只埋詩人骨。  
病後見白髮自戲。

勸君勿停手中卮。勸君勿悲頭上絲。頭上絲汝何為

我今對鏡一問之。何不綠鬢如少時。濯濯自喜鏡春  
姿。汝胡大不仁。星星蚤見欺。二毛滿令亦已遽。數莖  
杜甫誰能辭。誓將遂鑄汝。勿復機我儀。強顏學年少  
無為。時人嗤白髮。愁然若有訴。笑我達識胡不早。黃  
河東流日西落。丈夫豈得常美好。泉甘况先竭。木直  
况先伐。吾衰孔不免。歲月去飄忽。我聞古之人。當當  
詢黃髮。喜汝漸老成。慚汝自咄咄。咨爾白髮洵如爾  
言。亦不醜。爾自星星我飲酒。萬事置之勿開口。

南兵行

勸道行集

卷之七

十七

海風吹腥日。來大剝膚震。恐高麗破北。兵瑟縮募南。  
兵南兵。犒飽北兵餓。此曹先年曾破倭。藤牌篋笮倭  
刀挫。至今惡。必竄虛名大言。掉臂仍殘唾。去年薊州  
脫巾呼。跳梁跋扈誰能那。今年健兒蔽江下。沿途不  
翅豺狼過。白奪釵釧。換酒沽市頭。亂攪船頭。居民  
驚聞。叭喇唬。十箇市店。開九箇。用兵豈問南與北。萬  
人如虎。驅亦得。君不見望海。渴頭。磨戰。戰長鯨。昔人  
亦是遼東兵。

苗兵行

貴州苗兵號健卒捷如飛猱更奔突高山峯等慎行入陣紛紛擊如鶻此苗生長不識胡用之擊胡仍氣麗朔方昨年苦胡禍制府急調馳銅符銅符赴難八千里稚牛醺酒群苗喜不知胡如風雨來鐵騎衝堅盡披靡百戰寧辭為國殤千人可惜同日死亦有龔遊擊夙稱義烏豪與苗抵賊胡為苗膏斧刀天陰見燐火鬼哭遶雲高古來對壘不量力多殺士卒亦不克遊擊遊擊亡鬼勿嘆息生不封侯死廟食

十三日夕無月東樊使君約以中秋夕過我

楊道行集

卷之七

十九

月輪初安乍明威望而不見空騷屑縱使浮雲翳太清劃然天地終澄潔孔丘猶為盜跖笑人生何得無點缺饑為腐鼠嚇鴝雛世事悠悠忍嗔說近來貧賤轉畏人滿眼干戈淚流血只有樊侯解知我使我感激肝肺熱逐臭憐君嗜好殊慕羶媿我逢迎拙恨殺杯乳動逾旬故人况逼中秋節與君相期三五夕為君把酒呼明月月乎月乎六合之內飛揚跋扈兩酒徒此夕清光那可無

八日樊明府招飲

今日人日雪潭馬樊侯招客行杯半縱使梅花恨未開亦應金縷懽堪把憶昨雪片大于鷺一夜雲開月華露過眼陰晴總不知到頭得喪何須妬樊侯昔曾手捫天余亦玉皇香案前天門閤者怒何事澤國波臣窮可憐窮可憐勿嘆息行路難行遊如棘汝既不能決西江之水而活我我亦不能送汝九萬里而鼓翼匣間兩龍缺無力真宰茫茫訴不得祇應痛飲人日酒明日浮沉我何有春去春來爾奈何向來變態何其多

楊道行集

卷之七

十九

元夕樊使君過飲放歌

誰將青天攤出萬里之蟾蜍照我堂上成火珠又誰網得葉令之雙鳬炯然清水置在迎風之玉壺今夕何夕興莫孤為君美酒十千酌主人門前柳五株樹下繫着花驄駒行酒便是平頭奴與君浮白仍呼盧君道手談不曾輸可憐赭面撫赤鬚明燈對映紅氍毹君莫戀當年金吾弛夜之懽呼我亦莫道今日碧山長嘯不負吾自從干旄在沒都此意于今知有無

丙申初度追念平生心焉如割作五歌



我生之辰歲甲寅我父少孤仍子身是時得我父色  
咲灼臍覓艾呼四隣我今十年父不見歲歲懸孤淚  
如霞向日如知風木悲何心追逐金閨彥

二

我生之辰毋劬勞三年癢痛還仰搔我纔髻毋母邊  
背白日不照蒼天高男兒有親九原隔生不承懽真  
何益篋底猶留舊澤衣剪縫是母手中跡

三

踰冠承恩事 明主玉擇晝接夔龍武張臂當車祗  
楊道行集 卷之七

二

自憐搗心如蠶誰云苦我今江湖亦虛度有身豈為  
儒冠誤每念 君恩淚萬行常恐墮落先朝露

四

所思所思糟糠婦生全甲寅月差後倘讀挑燈至夜  
分家徒四壁親壺曰我今七年不見汝今辰何辰泣  
寫侶莫咤曾參更娶妻也應張禹猶憐女妻所生一

五

少時有兒不解愛到今無後摧肝肺每憶平生泣墮  
珠天之生我辰安在我今四十齡又三檢方類問婦

宜男高榆百尺我手植樹猶如此人何堪

謝樊使君惠鹿

山中之人何所求濯濯但共麋鹿游自從樊侯用釋  
黃使我堂下無呦呦何來獲鹿更餉我蕪之新詩爛  
然墮既願我眼見此鹿變白又變玄又願我孳息若  
此長綿綿感侯為我意仍美不獨虞人得麋喜別人  
餉鹿只是鹿筆端豈得仍如此我聞王子喬駕此遊  
蓬萊火棗靈芝如可乞為君一日騎復來

樊使君初度

楊道行集

卷之七

主

初度復初度過此流光屢一官仍一官留滯在江干  
江干留滯未云老今辰何辰及傾倒白眼看君調笑  
多青山嘆我形容稿畏途失足更誰憐舊事傷心不  
自保猶喜江湖傍客星共將詩酒寬愁抱天生我曹  
必有用安得兀兀心如擣縱使功名阮盡麟亦應筆  
陣千人掃只恐千秋萬歲名一生費爾窮幽討抗疏  
猶餘相典驄駐顏漫說安期棗何必前身是昴星不  
妨到眼皆蓬島為君問巫咸為君叩蒼昊剪取長江  
釀作醅一年一度醍醐好

岱石三章章五句哭賈魯贈憫其抗疏得罪

天亡子死之日貧幾不能殮云

岱山之石干虹霓上有文鳳常孤栖山崩鳳死猩猩啼素車已少張邵友布被只有黔婁妻

二

我友我友崑山玉生何卓犖亡何速傷哉殪露年命促河若終清爾不問天如可籲人湏贖

三

我所悲兮洛陽才絳灌已妬天仍猜鵬鳥入舍胡為

楊道行集

卷之七

二十一

災賜環賜珪為誰恨良弓良冶令人哀

吳幼鍾兩都疏草

事君而犯先勿欺幼鍾給諫今有之叫閭兩垣動謬謬琅玕滿腹披始知君侯草疏莫削葉晁賈流傳應更好要使人知不諱朝君王自拜昌言早與君十年別不見見君封事淚知霰白簡爭懸日月光青山豈合烟霞名高去國近紛紛泣伏青蒲久不聞罪戾戀闕空於邑安得人臣盡似君

贈瞿唐夫

風吹少微忽墮地瞿剛先生夜來至太史蕪傳父子名微苦自號山川氣莫道青山傲此身頌鱣無數及門人盡公苦箇箇驚座郭泰何人不折巾我亦把竿襄江下走若習氣渾濁酒敢學延陵問拾金丈人自是披裘者

為瞿夫贈其門人張復

自交黃州瞿唐夫雲雷亂走蛟龍呼偶然班荆得國士况乃良友多門徒負笈班荆各傾倒遙知書帶山中草若諸門人到後堂徽州張復樞衣早張復著述

楊道行集

卷之七

二十一

蕪殷詩一趨一步皆阿師阿師自分蔡邕老書籍吾家盡與之小嬰阿甲絕英邁曾吞雲夢不帶芥得君對壘氣彌雄鬼物撒揆天公怪老瞿落落小瞿死赤壁倒枯一江水九辯誰招屈大夫諸生更避張公子張公子瞿先生大兒江漢之北辰小兒墮地原麒麟東家之丘爾北面自吾有回門人親我聞先生自此升蕪微弟子為朝臣不是腐儒叔孫氏汝曹勿復稱聖人

為金八題曹瞿觀曹娥碑圖

曹娥碑傍記八字觀者如山不解意行三十里乃得之瞞與脩也智孰知此事悠悠千百年至今猶作畫圖傳分明絹素見顏色使我瞻對英雄前一人為瞞沉思苦欲解不解神憮憮一人昂頭已了然問是吾家阿德祖畫師為誰少竊識摠之淋漓好筆力一夜風雷撼去飛何來便為金季得金季金季真雋哉眼中對爾猶塵埃會須寶此飛揚磊落之奇才嗚呼此幅一玩一嘆息君不見楊脩之死為雞肋

為吳人題月明千里故人來圖

楊道行集

卷之七

十四

君家之堂見青嶂茅屋深林宛相向明月翻懸素練間故人更在丹青上畫師竊識模糊久吳下流傳滿人口愛爾淋漓形似工分明罄折天涯友恰如私呂相思命駕時又如張范千里雞黍期兩人握手月明下乍悲乍喜無人知嗚呼此畫意尚古今人悠悠賤如土余亦曾經貴賤身朝見為雲暮為雨安得畫師好手一揮一幅千幅多代我署門為我歌門前咫尺明月故人故人將奈何

擬文臺為蔣侍御歌

古來宦遊亦無數至今只傳潞公臺乃知男兒在不朽富貴于我何有哉北海蔣公近崛起築臺歸然更相擬未必今人讓古人須令柱史光前史既不學蔡臺之果釣臺釣又不學吹臺歌吹嘯臺嘯只有高山仰止心清風百世還同調自公之巡潞泗邊赤心白簡披青天要使村犬不吠夜要使部吏無索錢鐵冠繡袿氣凜凜潞公風采猶依然臺之高以美山西山東兩並峙千秋潞公滿人耳看君流傳亦如此勿向君王早乞身四朝將相從此始

楊道行集

卷之七

十五

贈陽別駕攝滁篆得代還廬州并呈李司理自攝滁州符只飲滁州水滁水比使君使君清見底廬人謂滁人盡歸我郡倅滁人謂廬人盡留我境內使君何知廬與滁到處春雨隨君車道州陽城碣道愛君豈苗裔人不如已題別駕與豫章滿人耳更佩別駕刀三公自此始不道吾言信有徵請君為問龍門李

為汪三題號國夫人上馬圖

君不見號國夫人承主恩平明上馬入宮門椒房薰

灼雖已矣圖畫流傳今尚有君家壁間生氣通千載  
蛾眉見顏色彷彿鳴騶勢欲來婀娜宛若嬌無力頭  
上分明翟羽冠褙衣腰褙照金鞍乍無乍有麗人態  
阿堵偏宜細素看後擁黃門及宮女夾道松陰覆羅  
紵此舞蒼頭持大蓋顧後似是椰榆語即論此馬亦  
有仲方瞳潤步如向人好手不知元與宋妙在寫生  
還逼真馬嵬吞釵美人死夫人喉頭血戈紫畫師荷  
用仍畫此何如畫作脫簪圖草茅持之獻 天子鳴  
呼若使此事在目前寧使此畫不直錢

楊道行集

卷之十

三

淮陰侯廟歌

蹄涔之水化為龍淮陰餓隸齊王封白龍為魚困蟻  
蟻將軍受給兒女子嗚呼登壇片語何其雄掃除諸  
侯如發蒙多算竟勿重腫者寡恩不知隆準公淮陰  
祠中狐鼠走莫侯一杯汝何有跋扈能分楚漢權排  
徊竟俛英雄肯不信將軍負至尊向來一飯尚啻恩  
謀臣只解游雲夢百口誰為明覆盆覆盆不燭走狗  
死未央殿前血流紫當時不合悔蒯通應悔何如從  
赤松嗚呼伍胥能為錢塘怒淮水為侯亦奔注謂侯

恨兮勿千古漢業亦是一坯土

泗州生祠祠直指蔣公也公驅二瀆順軌其有

功于 祖陵及民生甚鉅泗人所為祠也得

二首

天吳為災于二瀆泗州半是逃亡屋玉匣珠襦巨浸  
間 君王素服三日哭直指使者天上来皇華駟馳  
問 萬葉牙冠繡斧叱河伯千里歸壑如轟雷竭來玄  
圭報 天子 寢園亡恙 龍顏喜五花恩誥進符  
卿 九廟神靈得御史御史符卿畏簡書愧老夾道  
楊道行集

卷之七

三

三

爭攀車不知俎豆竟何意微爾萬戶其為魚新祠業  
業傍泗水公歸 朝廷像留此還如秋相祠魏州不  
數庚桑在畏壘我聞行臺旌滿枝土人剪伐還勿為  
請看泗水湯湯去恰是思公無畫時

二

淄青使星福星至乘轎為治河與泗赤手能擎四極  
鰲崑崙九折馴人意不獨居民盡安堵 山陵王氣  
松杉古此日依然萬壽杯何人敢問一坯土公是王  
皇香案吏偶然衽席 帝鄉地便戴神羊上九關

公劔舄綠何事疇食汝食居汝居道是繡衣行部餘  
議存石室餘三策功在金隄有特書飲水思源樹思  
本留公不留意彌懇征南將軍空沉碑居東相公戀  
衣衾祠乎祠乎佇爾思帝命真宰代饗之他時便作  
峴山石開府羊公應自知

孚如即家改南部歌以唁之

有腰不用仍懸魚有手不草封禪書我家有畦只五  
畝春來種瓜還自鋤十年世事如蓬轉鄰郎歸田尚  
不免知君自是我輩人削盡微官眉始展楚人多怨  
楊道行集

卷十七

主人

自天性靈均沉湘未知命既以獨醒天地間區區人  
醉何須病么麼雲夢大如斗君氣吞之常八九勸君  
且吟招隱詩勸君且醉高陽酒高陽豪飲捲白波食  
單更進鮮鰈鱸日云暮矣奈樂何君為楚舞仍楚歌  
君不見大兒孔文舉小兒楊德祖便合東南畫五湖  
眼中之人吾與汝

和州郭使君招飲城東樓放歌

坎其擊鼓城東隅君子有酒歌吳趨吳趨楚舞懽未  
畢欲醉不醉沉西日主人為誰郭細侯前驅五馬五

驛驛招我層樓摘星斗一片江山落吾手為君吸取  
長江杯底乾為君椎碎江南江北山巒屹歷陽小兒  
拍手咲咲我狂客還脫冠乃知好我意莫逆太守賢  
哉二千石下榻何人我自慚置孟此意君應繹置孟  
下榻事悠悠栗里籃輿亦可留我醉門生便舁去何  
須更別王江州

楊道行集卷之八

目錄

五言律詩

登第

早入左掖

皇帝親率羣后藉于千畝之甸禮也臣于庭

作詩

大閱

鳳陽謁

皇陵

扈

駕天壽山祀諸陵

西署二首

送美神文之留都便道省親

公署水雲亭

邵齋三首

陳臺

汲長孺墓

對月懷余宗漢二首

齋居

邀李符卿陳憲使夜酌

春日懷吳初鍾鄒子如二舍人二首

水雲亭即事

走馬

邵齋三首

懷國徵

懷宗漢

哭國徵二首

寄子如

行役

哭舉主健所先生三首

弔王尹

春興四首

入覲次河間二首

吳城驛即虜殘處

南昌九日二首

春日陪諸公遊杜園三首

同朱可大胡允書申敬中遊張園得風字潭

字千字章字清字

雨後無號山人六十三翁枉酌翁是日誕辰

早渡楊子江二首

金先生輓詩

殷無美調南北部四首

周元孚謫海南尉三首

鄒子如謝病歸雲夢二首

初得告舟中雜詩五首

官軍收寧夏志喜三首

邵伯湖

哀朝鮮四首

罷官後懷子如

遊斗山

斗山寺

卧龍寺

龍會山絕頂空上人定處

醉吳翁墓

中秋逢月

寄李和元學憲家居自奉塞上書不得其近

耗

閨中秋對月

秋五首

丁酉元日

得幼鍾書并寄魏二集傷愁權國徵早折未

見其止作詩四首寄幼鍾時以都給事中

自免末為勸駕

春雪

初度

寺

如方山

楊道行集

卷之八目錄

三

雨中如方山眺望

香泉

送樊使君治河

汪二園賞牡丹有詩二首末追悼其大兄

贈王司訓

陳行父儒士善書工詩畫夏日飲小園投壺

偶賦

送魯甥國俊鄉試

乾王一鳴二首

天長道中

贈門人彭昌鼎秀才二首末用來韻

懷崑山訓晉先生為妹丈晉二父

官軍大破倭于釜山志喜四首

楊道行集

卷之八目錄

四

楊道行集卷之八

全椒楊于庭著

五言律詩

登第

天樂 龍樓奏春雲 鳳詔開 君王榮賜第 社稷喜掄材 白玉初登陛 黃金早築臺 會須陪稷契 不擬得鄒枚

早入左掖

象魏開 天仗鈞陳儼 禁廡戴星三殿上 捧日五

楊道行集

卷之八

雲初曉 箭催金鑰晨鐘候 玉除 君王如止輦 願進

治安書

皇帝親率群后 藉于千畝之甸 禮也 臣于庭作

詩

翠幕圍青瑤 朱紘映綠川 閭闔 天表見道路 雨師

先百辟 歌多黍三推 藉大田不涓 潘岳賦盛典 萬斯

年

大閱

玉燭今無戰 金輿早勒兵 雲中瞻黼黻 天上轉旄

旌為鶴千夫陣 熊羆萬里城 單于休近塞 會見請長

鳳陽謁 皇陵

禹蹟塗山會 周基豐水都 帝圖千祀遠 王氣百靈 扶沮豆瞻原 廟衣冠泣 禹湖艱難 湯沐邑鐵馬汗 曾

扈駕 天壽山祀諸陵

御道 金輿遠玄宮 玉几尊百靈 趨 法駕一氣享

文孫鳳吹喧 初下烏號儼 若存五雲松栢路 長此戴

楊道行集

卷之八

乾坤

西署二首

詞賦陪時彥 衣冠對省僚 揮毫金虎署 端笏紫宸朝 款段歸何晚 沉吟思轉遙 詞盟有兄弟 休沐許同招

二

詔對公車後 分曹得爽鳩 大官供月米 同舍與春筍 笥篋書頻把 交游刺懶投 白雲深處好 不惜此淹留

送姜仲文之留都便道省親

薊門春色好 之子是離程 問寢丹陽道 催租白下城



柳條堪自把驚語若為情粉暑歸應早 君王憶長卿

公署水雲亭

雨淨花間磴泉飛樹底橋小僮穿水竹公署有漁樵  
卧病懸官長耽吟託 聖朝春晴偶行郡兼得采民  
謠

郡齋三首

偶然無吏事治郡已如家秋熟秋收稅琴清午放衙  
兒童嬉俎豆父老課桑麻卧閣從吾好清尊未許賒

二

勸進新集

卷之八

濮州不百里亦是古諸侯列郡慙高第三年領上游  
頗於鄉土習只為吏民留公暇開門早攤書月滿樓

三

幾時不出郭出郭麥如雲立馬逢田父從人問使君  
凉颼落葉下朝旭遠山分十月新醅熟酣歌處處聞

陳臺

我聞曹子建曹此野城侯八斗空雄藻千年只廢丘  
巖花還自發山月為誰秋把袂陳臺下何人似應劉  
汲長孺墓

九原何可作瞻拜一沾襟不薄二千石其如狗馬心  
斷碑蒼蘚色荒塚綠蘿陰安得斯人在山蹲虎豹深

對月懷余宗漢二首

愁結亂如絲思君對月時自知無住著不復怨睽離  
魄落仍呼酒神來但賦詩八壺山色好頭白是歸期

二

雲歸巖際宿遊子獨何之可惜團圓夜翻為飄泊時  
生涯一劍在客思二毛知竟夢應迷路鴻飛却寄誰

齋居

勸進新集

卷之八

齋居無一事日日弄清微坐對寒雲起行看夕鳥歸  
香篆畦韭細解膾沼鱗肥莫道沙鷗妬吾生已息機

邀李符卿陳憲使夜酌

中微東曉使 先朝尚璽郎相攀明月夜一醉菊花  
觴送酒挹金樂題詩噀玉香重來倘乘興倒屣又何  
妨

春日懷吳幼蓮邵亭如二舍人

離情不可道况復柳絲青念爾雙龍舫猶然一歲星  
論交從結機作客任飄萍候市如沽酒無為學獨醒

二

尺素年年隔思君天門雙玉樹濮水一塗鱗  
系自延陵後談疑碣石人此生免相失握手敢辭頻

水雲亭即事

二月無端至花飛有底忙詩情吾自遣吏事爾何妨  
龜伏窺音礎鶯啼過草堂鳴琴渾是暇只此傲羲皇

走馬

騎馬出門去膏騰春事忙沙後驚鷗白林轉失鶯黃  
攬轡心徒壯垂鞭興自狂從來駒過隙對此惜年光

楊道齋集

卷之八

七

郡齋三首

輕雷過檻西郡閣挂晴電捫腹青草滿撫鬚白憤低  
魚兒穿石竇魔子踏花蹊故舊無書問從教醉懶題

一一

抱朴存吾道和光混此身且淹顛項國為學漆園人  
白日愁難假青雲懶是真習池山簡在猶自出風塵

三

吏牘差能了吾生此福緣胡床擊瑟坐竹簟撥書眠  
僮僕收詩快親知乞俸錢開門聊習靜不問野狐禪

懷國徵

交遊誰不是若個是知音以我故人淚寄君俠士吟  
眼穿江月迴心折海雲深何日一杯酒陶然披兩襟

懷宗漢

花事忙如此離情黯黯分誰憐爾處士爾似鮑參軍  
對月饒吟思看雲破晚醺空懷一七首何處贈夫君

哭國徵二首

不見劉郎父淒涼只夜臺人猶憎薄命天豈妬高才  
兒女生前恨琴書死後哀傷心士淚楚紫為誰裁

楊道齋集

卷之八

七

二

天地無情甚斯人已蓋棺祇餘真氣在猶作歲星看  
世路黃泉隔交情白日寒平生山水調凄切向誰彈

寄孚如

懶吟從客歲力疾為春宵飛動神彌王沉冥氣不驕  
自憐甘澤正相贈託山椒清燕饒佳句吾曹荷聖朝

朝

行役

融雪經行滑浮烟入望濃萬家青靄合孤嶼白雲封

迢迢沙邊棹微茫野外鐘一官拋未得自笑抗塵容

哭舉主健所先生三首

逝水隨歸櫓浮雲黯別旌百年拚一哭四海失平生  
按部叨深契當朝仰大名無由對驄馬佇立不勝情

二

死生寧獨免其奈失知音情極無雙淚誼深有寸心  
神羊猶共識化鶴已難尋欲擬招魂夢淒風起暮林

三

酹酒嗟何及呼天慟若何悲風橫大陸生氣儼黃河  
九列新恩重三廵抗疏多庭前森玉樹差慰淚滂沱

弔王尹有序

王尹余舊屬吏以繁調余業以遠到望君矣  
會計至余驚怛不能已因念君曩為余言母  
年八十以不得沾一命為恨今君母無恙而  
君亡矣悲夫

雨晝霏霏夫君旅櫓歸交情今日盡世路故人稀

紫縣鳬猶在丁令鶴已飛返冀應及早堂上淚沾衣

志興四首

春欲破把酒不勝憐巢鵲初爭乳雀燕平怯眠  
遠天浮積氣長島帶輕烟何物關飛動塵襟倍爽然

二

無那花爭劇昏昏惱殺人酒酣三婦艷詩報萬家春  
掬水閒穿屐看雲晚岼巾荊州醉山簡吾亦嗜吾真

三

春事經年換鄉書鎮日稀幾回青柳暗何處白雲飛

勸遊行集 卷之八

買箔防蠶浴封泥遲燕歸緋桃余手植料得已成團

四

青春無遠近望入畫圖多雲淨昆吾野天清銀子河  
枯梨攢蟻穴荒樹倒蜂窠何似紅顏日佳人細馬駝

入觀次河間二首

微官鷄肋係長路馬蹄穿天關幽燕外雲迷海岱邊  
戍樓烏啄雪汀渚鴈浮烟暝色投何處塞雁意惘然

二

道路誰能料風塵祇自憐已瞻瀛海月猶望薊門天

旅區抽詩快探囊得酒錢更聞橫吹笛歸鴈白雲邊

吳城驛即虞殘處

故學兵戈後遺氓喪亂中山河仍晉域關關已秦風  
羞女能彈瑟村兒學挽弓長安應尺只歸採蓮重  
瞳

南昌九日二首

九日章江客應憐未授衣黃花迎節綻白鴈背人飛  
旅思書盈帙愁心帶減圍吾廬若箇畔猶想奉重懷

二

不飲

江州酒

其如九日何

狂從鳥帽落醉忘白水過

野色千家小秋稼萬木多滕王高閣上四首一長歌

春日陪諸公遊杜園三首

春色灑千酒能無爛漫遊禁花聊復駐啼鳥若為留  
雲裡千行樹溪邊一葉舟醉餘飛動意白眼對吳鉤

二

白鳥窺詩向青山傲酒徒微名何足道吾醉亦忘吾

三

休沐從同舍移樽傍小亭主恩原浩蕩春色故慙

停雲掩千家白山圍萬樹青醉醒都不記天外一鴻

真

同朱可大胡允雷申敬中遊張園得風字渾字

千字章字清字

野境喧囂隔滄洲咫尺通馬嘶深竹外人醉落花中  
捲漫斜梢月披襟晚趁風相看飛動意莫放酒杯空

二

夏木綠毵毵尋游此駐驂長川浮夕靄平野入晴嵐

白亭兒能唱

青山客任酣

從來休沐地只在百花潭

三

為賞新豐酒何妨倒十千宦情渾欲澹俠骨若為憐

看竹偏宜客烹葵不用錢清曹饒樂事莫遣世人傳

四

鷄肋從吾拙鶯聲對爾忙祇因揮玉塵豈合綰金章

鱸得河魚美羹分野菜香醉眠君且去携酒莫相忘

五

葉底飛鴈過花間把袂行聽詩泉石淨醒酒芙蓉荷

潑潑知魚樂，嚶嚶見鳥情。夜闌餘片月，歸路馬蹄聲。

雨後無號山人六十三翁柱酌翁是日誕辰

為說懸弧日，翁今六十三。貧無干樹橘，與在百花潭。

萬憤風前倒，荷筒雨後酣。世交知不厭，偏共阿戎談。

早渡楊子江二首

篙滑露泥泥，舟人及曙鷄。曉霞催日早，秋水泊天低。

岬闊三山樹，潮迷六代堤。嚴城猶未啟，何處聽烏啼。

二

早起涉風波，長江奈爾何。鏡中孤艇入，天上一帆過。

勸道行集

卷之八

七

月色侵晨小，潮痕隔夜多。壯夫無限意，擊楫為狂歌。

金先生轅詩

先生先大夫梁帥也。治詩先大夫從受詩。

竹行官，仍冷明。經數轉窮家，入遷萬石第。子受毛公。

舊物青氍毹，在生涯素縷。空門牆無限，意寂寥九原中。

殷無美調南比部四首

詞苑登壇久，樞垣借箸初。斯人終不免，吾道竟何如。

家近移栽橘，官閒問煮魚。主恩猶浩蕩，未比放三。

間

二

世事了可見，送君翔重嘆。名猶聞塞上，官已逐江干。

白雪愁中得，青山醉裏看。吾謀應不用，憂國淚曾乾。

三

天府仍無錫，秋官自羽儀。祗緣休沐賜，不為謗書移。

月落時，日春深去國時。功高君莫恨，明主故應知。

知

四

豈不虞羅網，其如百鍊剛。孤踪翻逐客，遺略已擒王。

勸道行集

卷之八

七

汝慙接閑易，余驟代新妨。長江看箇畔，未合老馮唐。

時有西捷

周元字謫海南尉三首

時倖賊作亂

十年三被謫，此際更還荒。多難才翻棄，工文官合妨。

島夷驚客喜，山鳥噪行忙。猶自通朝籍，君恩海似長。

長

二

鮫人海上泣，此地幾經過。試問南遷客，君今淚更多。

投荒應不恨，憂國更如何。落日啼鶯裡，詩成弔汨羅。

三

謀臣愚谷譴逆鎮罪猶通丞相初憂蔡君王已謝吳  
凌風秋草勁向日晚雲孤莫訝遭三黜猶有是故吾

鄒孚如謝病歸雲夢二首

知爾身將隱為余強著書名妨維合避道在未應疎  
秋月偏移棹春雲好荷鋤五湖如可乞吾亦愛吾廬

二

為厭承明暑歸來水竹居幾人華轡送園童復誰如  
且叶開闢句休函咄咄書相思雲夢歸佇立渺愁予

楊道行集

卷之八

十一

初得告舟中雜詩五首

吾廬三徑菊別後竟何如白酒難償汝青山好送予  
門無中散駕家有鄭侯書看閒歸來事奇方得種魚

二

問我勞何事東夷正馳驅人皆嘆欲殺吾輩厭為郎  
病馬誰相惜迴車自不妨驢夫如可乞尚食倘先嘗

三

不習羊腸路于今識畏途揮金吾不顧懷璧爾何憂  
白日蛟龍蟄青天鵝鷺呼名山如可託萬一著潛夫

四

身將從此隱安用復文之雖作扁舟去能忘倚柱悲  
地維何日定天表幾人知西北重回首泫然賦五  
噫

五

牢落應吾道纖趨豈丈夫生憎長孺慙不合賈生迂  
憂國愁偏劇辭榮病欲蘇壯心猶未已擊楫為吞胡

官軍收寧夏志喜三首

不謂公麼賊遊竟只至今成功皆帝力悔禍果天

楊道行集

卷之八

十四

心萬歲歡呼重三章喜氣深白頭諸父老嗚咽倍沾  
襟

二

逐北摧胡壘征西剽賊壕埽氛遄月淨蹀血隴雲高  
元帥歸黃鉞將軍解白袍獻俘無飲至萬一聖躬  
勞

三

自倚三苗險誰當六月師倒戈方命日鸞鼓中興時  
入落堪垂泣平淮好系詩至尊如罪已萬一起瘡

疾

邵伯湖

邵伯今何在經過只此湖雲光行水鏡月色坐水壺  
村樹時疎密漁燈下有無流亡應滿眼內食愧吾徒

哀朝鮮四首

冠帶十年日派離直至茲君臣盤樂日杜鰲覆亡時  
竟作包胥哭初聞下賴師天朝殷鑒在憫問夜何其

二

易道行集

卷之八

十一

近日關存未杳然海上音背城應一戰盡棄金沉  
多難翻思古倫安遂至今旄丘君莫賦天使日相尋

三

播越祈求急哀言禮數饒奉藩原內地興廢自天  
朝使者初征粵將軍已度遼如聞猶一棧或可守宗

四

八道皆淪沒群臣畧散亡王孫悲寶缺宮女泣紅粧  
逐聞諸侯貢應停萬歲觴從來存屏敵不獨為夷方

國王出奔宮人  
子孫多亡失

罷官後懷子如

仕宦不得志秋風傷我心天涯有兄弟日暮空悲吟  
重以才名誤垂之窮病侵何時一攜手寫此瑤華音

遊斗山

茲山真斗絕今日始攀躋不到孤峯上何知萬木低  
雲邊飛瀑布樹杪落虹霓攜醞情無極悠然聽鳥啼

斗山寺

已解黃金印皈依此化城長空搖草色清梵響松聲  
香乞青旅飯解分綠芋羹自能忘世諦不必問浮名

卧龍寺

何年龍卧此今日卧龍名不見潛鱗處空聞清磬聲  
人疑天竺國山似梵王城自悟無生諦冷然世外情

龍會山絕頂空上人定處

絕巘捫蘿度飛泉傍嶺過人行紅樹杪僧定白雲阿  
悲鷄參禪早清鐘入梵多巉巖巖下石無那點頭何

醉吳翁墓有序

吳翁與余善翁存日卜宅地南山之陽距余

浣花莊不數武時怨余曰棟死後公時時視  
棟墓令無牛羊介介足矣余愴其意酌而哭  
之

延陵吳季子瞻對只孤墳宿草猶春雨歸鶯自咽雲  
水聲如咽客陰嶺恍陪君欲問山陽笛寥寥總不聞

中秋退月

無那中秋月浮雲妬我看清光知不沒應自滿長安  
免惹何人到蟾宮此夜寒向隅如一照雙淚幾曾乾

寄李和元學憲家居自奉塞上書不得其近耗

楊東行集

七

遂有懸車日猶憐縮帶初山中千里夢塞上十年書  
宦愁慵應拙交情賤合疎江流原尺只能寄一雙魚

閨中秋對月

閨月更得月中秋仍此秋雲開翻海出天濶帶星流  
今古懸孤照江湖迥獨愁何須學靈兔搗藥不曾休

秋五首

萬戶砧鳴日千林葉落初貧餘三逕菊愁對一床書  
病肺朝慵起科頭午不梳偶然鴻鴈少莫怪故人疎

二

何物秋嚴早能令逐客哀雨中黃葉下江上白雲來  
畏事因多難全生賴不才家人釀新秫更泛菊花杯

三

放逐身猶在幽棲願豈違入秋饒強飯垂老愜初衣  
倚檻看魚躍停杯數鴈飛自甘東郭履寧厭北山薇

四

臺啟延秋色窓虛逗日光人曾勾漏令地即浣花莊  
小逕滋苔綠卑枝綴橘黃布衣歸亦好不羨會稽章

五

楊東行集

六

穡事秋仍歉朋簪老更疎翻愁終歲計敢擬絕交書  
醖熟從隣更租逋避里胥逃名吾豈敢意只狎江漁

丁酉元日

日月光華旦江湖放逐身洪鈞無棄物幽谷有陽春  
謝客非關賤多書不當貧尋常對椒酒莫問頌花人

得幼鍾書并寄魏二集傷愁權國徵早折未見

其止作詩四首寄幼鍾時以都給事中自免

末為勸駕

近得吳郎訊兼傳魏仲詩高明人不及成就爾應知



並締金蘭契長埋玉樹姿巨源孤可託地下莫深悲

二

魏子沉冥思劉郎磊落身兩生如不死千古豈無人  
宿草清漳暮寒花大任春祗餘漁父在君倘念垂綸

三

生死飄萍日淒然憶盍簪人間書不見地下恨空深  
以我憐才意知君全此心皖山閉門處惆悵白頭吟

四

季重吾良友于今契濶深停杯天柱夕伏枕海門陰

楊道行集

卷之八

七

替紱真何物江湖只此心 君王虛席待休戀白雲

岑

春雪

春風一夜雪忽忽變庭柯着似交情薄零如世態多  
及門無客屐泊岸有漁蓑邀莫梅花妬衝寒奈爾何

初度

嘆息吾初度徘徊此暮春都將愁伴日轉覺老隨人  
自攸劬勞淚誰憐放逐身移尊仰漁父小酌為情真

幸

汲泉逾靜鐘鳴寺更幽山將春色至吾與野人遊  
遠岫孤雲在疎林片月留因之悟禪理不復綰窮愁

如方山

絕頂開闢若龍興磴道高野人躡石竹山鳥啄櫻桃  
偏側驚心怯艱危着足平微茫見江表百里一秋毫

雨中如方山眺望

嵐重偏多雨山高迥易風浮光天地外元氣古今中  
身世勞形役江湖病歆翁鯨鯢猶駭浪臨眺意忡忡

香泉

楊道行集

卷之八

二十

停車依鷺渚解帶浴蘭湯但使無留垢何知不是香  
氣疑蒸黍谷源或近扶桑安得為霖雨氤氲被八荒

送樊使君治河

遂有天涯別其如縷繆何黃河新保障襄水舊恩波  
相望空雲樹誰當對薜蘿 君王歌瓠子汝早策勲

多

汪二園賞牡丹有妓二首末追悼其大兄

亭有沉香勝佳人世更稀不須相妬豔只合與忘機  
送酒留花塢徵歌散竹扉夜闌猶片月遮莫醉言歸

二

此夕花前酌風流種種稀天香爭豔異國色共芳菲  
初月低歌扇行雲濕舞衣鵲原情自苦樂極淚還揮

贈王司訓

江左多名彦儒林汝更賢講堂魚自至書帶草應偏  
小架題詩帙諸生乞俸錢君家饒舊物不必嘆無種  
陳行父儒士善書工詩畫夏日飲小園投壺

綰帶交何晚開尊醉莫辭右軍書後扇摩詰畫中詩  
竹色投壺夕松陰嘒露時興來頻駐馬愁說子雲奇

楊道行集

卷之八

主

偶賦

震撼風波後淒涼世事中多談仍築舍勝算只和戎  
江海餘吟父乾坤一寓公處將顏遠句泣下更書空

送魯甥國俊鄉試

後進成吾老多才見汝憐珠應胎夜月鶚欲上秋天  
得意書頻寄相思夢每牽無言只似舅須及棄繻年

乾王一鳴二首

余不識一鳴及瞿甲而知其皆楚之良云甲  
父九思與余善余讀一鳴所為哭甲詩而悲

之方因九思以介于一鳴而一鳴已作古人  
矣詩以乾之不必其夙交也

不識荊州面猶傳賈傳才佳人難再得異代有餘哀  
白骨埋秋草黃泉問初灰隴頭華表在空想鶴歸來

二

爾昔悲稽阮傷心問酒壚故人重不起死友更誰須  
白雪篇篇在青山事事孤無言非綰帶肝膽自吾徒

天長道中

杪秋尚行役萬木寒蒼蒼白水含雲影青天點鴈行

楊道行集

卷之八

主

壯心看劍短旅况引盃長明日揚州道吹簫意渺茫

贈門人彭百昌秀才二首末用來韻

汝雋吾真畏吾業汝自知喜存中散後慚是鄭玄師  
磊落乾坤大栖遲日月私無令千載下猶恨不同時

二

涉世心彌澹哦詩趣更幽汝游能五岳吾志在千秋  
此物堪相託何官不可休東陵瓜自好莫問大刀頭

懷崑山訓晉先生為妹夫晉二父

為問年來况何如別袂初摠衣無使事強飯有家書

首宿心彌泊燕寧誼不踈講堂多喜氣弟子頌嘶魚

官軍大破倭于釜山志喜四首

盡銳攻堅壁長驅入不毛洗兵山雨淨結陣海雲高  
將校馳飛檄君王解御袍便拋書萬卷只擬貰香醪

二

不謂倭真破分明帝力饒至尊猶外懼諸將莫  
功驕只合驅封豕何須戀珥貂越裳應貢蚤誅叛自  
天朝

楊道行集

卷之八

十一

三

露布摧枯易游魂定有無分憂真閭帥送喜到田夫  
截海為京觀彌天賜大酺如聞草封禪亦解學嵩呼

四

存食真何事天誅豈竟留君王原止殺禽獸合窮  
鬼獲已齊熊耳功應屬虎頭盈盈江鴨綠歸及釀春  
菊

楊道行集卷之九

目錄

五言律詩

秋興十首

汪四留飲全其兄彈琴并談余詩子應日余  
壻侍

寂寞

為吳太學壽其伯父隱君六十

吳行人巨之問封晉藩歸吳中過訪

楊道行集

卷之九目錄

十一

移汪三石山

汪吳二文學枉顧

晚過汪二看菊席間有妓并歌兒二首

癸巳九月 奉太宜人小庄觀穫

九日後一日二首 偶成

始霜

朝霜

哭先人墓三首

金七惠檜

聞笛二首

冬至二首

閏十一月

王尹歸田

外父吳翁謂社友九老已亡其八蓋慨然悲

馬余詩廣之得歸字

哭張汝誠御史三首時按貴州

寄史際明部諫

寄門人宜興李尹 寄武進桑尹

贈門人太和孫尹

癸巳除夕二首

甲午元日與外父吳翁及汪壻欽

穀日

春日雪過西五舅烏衣

楊道行集

卷之九目錄

二

吉祥寺

汭澗過陳志玄張以誠

飲志玄成趣園猶憶廿年前飲此二首

大覺寺

京口贈王仁卿太守

舟中偶述

毘陵劉靜岩招飲劉為門人元之父

張巡廟

贈申敬中

甲午初度寓杭州

贈恢上人

遊南屏山

京師有傳余瘋疾者作詩自廣

谷亭如二首 晨眺

暑日欽之枉顧二首

偶感

懷顧叔時

寂寂

肩郭

長日

天籟

外父吳翁六十有七初度二首

送方秀才應試 如方山

寶林寺

香泉

懷闕俊夫比部時謫居

楊道行集

卷之九目錄

三

門人李來命削籍 谷欽之侍御見懷

贈欽之

福山寺

重遊卧龍寺

霽三首六月七日

中秋前一日攜尊訪羅庵天寺中連旬陰雨

是夕霽

中秋對月二首

遊興四首

過滁州悼亡友賈戶部王御史二首

再憶賈子

春興四首

新詩

三聖寺遇雨

兩陳文學送余至褒山寺飲陳與其主

楊道行集卷之九

全椒楊子庭著

五言律詩

秋興十首

野壑消消淨山城莽莽陰  
急湍歸棹晚落葉閉門深  
澤畔騷人淚周南太史心  
不堪凭檻處淒切暮聞砧

二

秋色驚霜葉愁顏對晚花  
幾人看拭淚何處聽吹笳  
賓欲投簷瀨虛疑汎漢槎  
一畝天畔鴈若箇自京華

楊道行集

卷之九

三

細雨暑猶濕孤雲寒自飛  
狂同幙被出咲作挂冠歸  
花下烏皮几山中白板扉  
海鷗閑不去與爾共忘機

四

近得滄洲趣投簪已恨遲  
幽棲黃菊處野眺白雲時  
名姓嫌人識悲歌祇自知  
便携妻子去長與鹿門期

五

嘆息馮唐老曾隨供奉班  
幾從瞻玉几誰為問刀鐐  
秋水無天淨寒花帶雨斑  
全生纔自晒材與不材間

六

憶昔塵冠于戈苦不休人猶爭借箸吾豈為封侯  
歲月雙年黃江湖一釣舟寄言矰繳者鴻鵠渺難求

七

陶令歸來日蕭然漉酒中羊腸渾世態麟閣豈吾身  
且拉田夫飲何妨醉尉嗔漢儲猶未定羽翼更誰人

八

客思逢搖落秋天正沈沈霜清吳嶠月雪噴浙江潮  
浪跡隨漁父為堪託 聖朝謫僊終嗜酒誰與換金

通志行集

卷之九

七

九

九

白水淨如拭毋楓濃欲重高秋一以眺平野若為容  
自咤維摩病誰憐叔夜慵有田差負郭端擬學明農

十

不分秋無賴荒荒遠空亂雲孤嶼外小艇夕陽中  
葛憤驚山鳥荷衣押野翁草玄心獨苦進莫嘆楊雄

汪四留飲全其兄彈棊并談余詩子應日余聲

侍

哀哀

得罪緣多口全生荷 至尊已無千里念猶戀敝帷  
恩書上悲梁獄羅張咲翟門敢云玄尚白寂寞任乾  
坤

為吳大學壽其伯父隱君六十

為問延陵子春秋六十過鴻冥人不識龜息法如何  
白日扶筇醉青山扣角歌竹林從小阮應得咲顏多

通志行集

卷之九

七

吳行人巨之開封晉藩歸吳中過訪

桐葉遙封晉鱸魚更入吳問程尋野逕訪舊及田夫  
使節鄉人美交情我輩孤星輶知不遠早已傍江湖

移汪三石山

君家醒酒石曾墮自何星余亦移山者非閑為獨醒  
對來虛室白乞得野峯青二華如堪壁吾將倩五丁

汪吳二文學枉顧

賓客今皆去頗驚二妙來貧交知不厭愁抱喜為開  
涼月窺詩帙寒雲落酒杯野蔬如可摘重肯叩莓苔

晚過汪二看菊席間有妓并歌兒二首

晚過東籬菊何知紅粉迎花如先有約月亦太多情  
翠黛凝山遠新歌入幙輕風流今夕酒應為莫愁傾

二

秋月涼于水今宵奈樂何狂驚神女夢醉擁少兒歌  
挿菊朱顏並拈杯玉指多佳人難再得吾意欲婆娑

癸巳九日

九日山中好替夫也自潛不須風落帽直為酒掀髯  
短菊低低嗅深杯細細添醉來無一事跌坐讀楞嚴

楊道行集

卷之九

四

奉太宜人小庄觀穫

觀穫乘西墅明農奉北堂野蔬堪入饌村醪可稱觴  
菜綵秋畦外酒與晚稻旁又酒榜祿養只此意何長

九日後一日二首

昨游懽未愜今日興偏豪吾意欲遠眺不知何處高  
看花重款款酹月太切切恍記東籬句前身姓是陶

二

登高吾漫興不必問重陽已認鄉為醉何妨客是狂  
野航新得兩山柿蚤經霜渾得銀絲鱸鮮羹也自香

偶成

萬事不自料一生空逝波懶從書札少病詔藥方多  
鼓瑟魚爭沫拈杯鳥解歌案頭時拂拭無那白雲何

始霜

重陽初對菊明日已驚霜殺菰荒白枯桑淅淅黃  
老逢人轉畏愁與醉猶妨無那兼葭夕相思水一方

朝霜

青女何方至能令木葉稀雖因寒夜隕終為曉陽暉  
凝露秋枝重浸生霜霰暉派臣燕微淚五月為誰飛

楊道行集

卷之九

五

哭先人墓三首

展拜孤墳下難禁淚兩番酒漿無復御言笑竟何之  
埋骨悲今日承顏恨往時哀哀天罔極長廢蓼莪詩

二

無復趨庭日空來酒墓時相從唯母氏不瞑為孫枝

陰賴如瞻對秋風若嘯悲兒官今已罷莫遣九原知

先人以前行  
地孫為恨

三

慟欲捐糜久生存為一孟衰門諸弟少凶問二親俱

忍對梧槽飲悲從宰木呼夢魂還聚首驚喜只須臾

金七惠檜

為愛君家檜亭亭一院陰偶分秋色至得共歲寒深  
對此哦佳句因之清俗心有時風瑟瑟知爾作龍吟

聞笛二首

今夕誰家笛高樓正倚欄斷腸寧忍聽對月不能看  
烏鵲猶三匝鷓鴣敢自安清虛天上闕無那夜深寒

二

桓伊一曲笛坐客盡歡歡若道逐臣淚今宵更濕衣

梅道衍集

卷之九

七

梅花吹欲落楊柳折應稀不是南樓興關心破鏡飛

冬至二首

水泉初脉脉刻漏尚沉沉不悟盈虛理何知天地心  
浮雲高枕過白日閉關深猶喜回陽氣從教戲五禽

二

至日初扶病經旬未放杯愁添宮線縷心死管葭灰  
生事青山在年華白髮催看青無一字虛說子雲才

閏十一月

歲閏寒仍急陽回晷漸長檢書開草閣聽笛倚胡床

門有陶潛運囊無陸賈裝不才吾合厄未必似黃楊

王尹歸田

道拙余甘黜時艱汝亦歸不緣經畏路何得遂初衣  
只說君恩重休云世事非古來豪傑士多少在漁磯

外八吳翁謂社友九老已亡其八蓋愀然悲焉

余詩廣之得歸字

九老餘黃髮三朝一布衣江湖吾道在几杖故人稀  
雪裏先生履山中處士扉非熊如入夢倘載後車歸

梅道衍集

卷之九

七

哭張汝誠御史三首時按貴州

憶對公車日情親獨見君鬼方初按節地下已修文  
化鶴悲何及鳴驄邈不聞空餘挂劍意若箇是孤墳

二

死事羅施國封章柱史名青雲歸旆色黔月乾歌數  
不復驚人疏空餘戀主情張良曾辟穀猶自咬長生

三

百年簪盍友萬里視歸身握手如昨日知心無此人  
氣應衝瘴厲精已化生辰只有生前恨澄清志未伸



寄史際明都諫

諫議當朝偶譏然已倦游世方嚴黨禁君豈為官留  
封事無餘藁歸人有汎舟 主恩原不薄旦夕起滄  
洲

寄門人宜興李尹

茂宰門牆彥名區擁傳過美才吾不及初政爾如何  
民力催科急官常撫字多荆溪溪水清為使君歌  
寄武進桑尹

民力東南竭毘陵近若何也知循吏少應藉故人多

楊道行集

卷之九

八

卧閣刑常措鳴琴政已和公餘無一事倘肯念漁叢

贈門人太和孫尹

汝宰長淮北瘡痍近更多苦心循吏見賢績古人過

白首寬相憶蒼生想太和吾將從洗耳為問潁川波

太和潁川  
屬邑

祭已除夕二首

促膝餘殘夜驚心又一年貪嗔春事至老畏歲華遷  
有志空寥廓無才合棄捐祭詩憐賈島吾意亦茫然

二

大逢除夕驛館感歲華祗拚酣栢酒不擬頌椒花

往事將軍樹卑棲處士家明朝瞻北極迢遞五雲賒

甲午元日與外父吳翁及汪壻飲

屠蘇今日酒骨肉此同斟老少年俱進悲懽感並深  
展筵甥舅禮問寢歲時心令節吾拚醉何妨夕漏沉

穀日

八葉真初換千條柳欲蘇生涯逢穀日春事問農夫  
散帙傭還展香醪醉更沽家人三十口能得有年無

春日雪過田五舅烏衣

楊道行集

卷之九

九

不識烏衣巷今過舅氏家野蔬消雪夜春墅問梅花  
相宅慚何有傾尊興未賒渭陽岐路意惆悵各天涯

吉祥寺

駐馬雙林入蕭然一院陰慧雲金刹曉花雨石床深  
問樹知僧臘然燈見佛心五陰空未得白社漫招尋

汧澗過陳志玄張以誠

作賦憐平子論交得孟公雪舟今夕至春酒故人同  
衰健形容裏悲懽涕泗中夜關猶握手關緒只匆匆

飲志玄成趣園猶憶廿年前飲此二首

園憶重遊處人憐再晤時  
飛花春送酒燒燭夜催時  
竹月留深塢山雲印小池  
移家許相就只此鹿門期

二

自是求羊仲清尊始一開  
山疑鞭石至水似汎槎來  
禮法容吾放韶光為客催  
多情鶯曉曉不及故人杯

大覺寺

大覺誰能覺迷津祇自哀  
人因問偈至堂為說經開  
醉許攀雙樹空聞渡一杯  
牟尼如可借長照不然灰

京口贈王仁卿太守

楊道行集

卷之九

十

列郡稱高第明公似古人  
謳歌常道路鞭朴總陽春  
達官心彌抑貧交誼轉親  
天涯喜披豁把酒莫辭頻

舟中偶述

不作鴟夷去何人長五湖  
狂呼吳市卒醉踞酒家胡  
雙劍供行李片帆入畫圖  
風波君莫問舟楫任長途

毘陵劉靜巖招飲劉為門人元之父

維舟聊此駐投轄竟何如  
我已慙師席兒應讀父書  
一尊饒野款蕪味得河魚  
莫訝高門意知君為駟車

張巡廟

封疆拚一死千載憶斯人  
只為君恩重寧知廟貌新  
孤城無鼠雀過客有繁囂  
猶自餘生氣稜稜泣鬼神

贈申敬中

藉甚佳公子貧交重友生  
春辭晉頌棹詩法爾長城  
花情開草意驚啼解纜情  
章東來相印何日付玄成

甲午初度寓杭州

髫歲歡初度而今淚雨傾  
無聞傷事大罔極痛生成  
弓綢何年束帛此日情  
况吾已定不必問君平

贈恢上人

楊道行集

卷之九

十一

偶來雙樹駐問偈白雲深  
不共三生舊夢心  
清眸花半落默坐月初沉  
為爾盡情忘世情

遊南屏山

自歐南屏勝何妨冒雨凭  
湖迷三竺寺山住六朝僧  
精舍開新綠懸崖覆古藤  
臨事如可摩養慧白雲層

京師有傳余瘋疾者作詩自廣

已側當時目君愚乞此身  
偷生吾亦足不死爾何  
真賴直知今日艱難憶古  
人樹門棲息處幾對月華

新

答孚如二首

一宮寧待免蚤已合連遠拙豈為名誤狂應與醉緣  
行藏都莞爾恩怨亦茫然獨酌新篁下清風若箇邊

二

近得郎中信遙憐出處同甄材君不免定難我何功  
末路甘彈欽雄心失挂弓江湖吾道在天際一真鴻  
晨眺

小閣延晨眺山山檻外迷嵐重崖欲斷露密葉猶低  
高柳清陰匝疎笛秀色齊草堂書一束支枕即懷西

暢適行集

卷之九

七

暑日欽之枉顧二首

長夏交將絕逢君數舉杯偶脩逃暑會已似御風來  
湖海誰同病乾坤爾愛才披襟對知己寧問夕陽催

二

自下高人榻清尊始一開雲從林杪出月向沼邊來  
爽氣陰叢木玄言淨盪埃平生傾側意遮莫夜深迴

偶感

世路吾真畏風波日又多花開初並蒂葉落已連柯  
何限湘潭泣能無漆室歌君恩深養士忍令逐漁

集

懷顧叔時

後作名高去其如世事何芬菲寧可數搖落不堪多  
道在應三黜憂來但九歌惠山山下屋頭白好嗟跼

寂寂

寂寂饒相咲悠悠思若何家人烟口在國事拊膺多  
異敬謀翻拙街亭誤更過洗兵空此念無力挽天河

負郭

負郭開三逕臨溪具一樽雨來朝氣爽日落晚烟昏

暢適行集

卷之九

七

梅尉歸吳市龐公隱鹿門高蹤如可託只此避塵喧

長日

長日真無事幽人水竹居呼僮刈畦黍留客剪園蔬  
禮法慵應廢詩情老不如偶然觀物化敢擬絕交書

天籟

萬形俱有適吾亦率吾真寂寂聞天籟惺惺養谷神  
禪心了無住龍性獨難馴欲問維摩偈何當淨六塵

外父吳翁六十有七初度二首

六十又踰七頽然避世翁邦人初几杖父執自兒童

經授諸儒業詩觀列國風相看熟玉潤把酒意無窮

二

歲歲綢繆日翁今此日過問年同輩盡記事累朝多  
世上義皇卧山中綺結歌丈人峯好在長此對婆娑

送方秀才應試

自許連城價人稱大國香掄才誰入彀作賦爾登堂  
九萬還鵬擊三千敢鴈行會須為世用莫作禰生狂

如方山

聞說方山勝茲山恐不如江分吳楚外剎自宋梁餘

佛道行集

卷之九

十四

淨業身何有浮生計已疎東南民力竭登眺一躊躇

寶林寺

憶昔招提境童年此數過今來香積飯日暮欲如何  
佛力三車在禪心雙樹多自知無住着不擬問維摩

香泉

香泉吾不到駐馬欲如何只此薰然浴誰云五蘊多  
水疑神女至山似燭龍過寒士應無數安能魯太公

懷閭俊夫比部時謫居

似汝猶然謫何官不可休厚誣公論在薄譴主恩

優書帙兒能檢琴尊客漫留蓬蒿吾分老倘肯問扁舟

門人李東命前籍

汝翹如吾翹吾歸咤汝歸主恩原不淺臣罪敢云

非汴水魚應美滁山蔞漸肥閨門還席藁一舞

天威

荅欽之侍御見懷

卑棲聊此足敢謂碩人邁世已輕吟帙吾甘看動義

禪冠青眼在按劍白頭多莊惠濠梁意悠悠奈爾何

佛道行集

卷之九

十五

贈欽之

午衙無吏事步屨訪衡茅吾道猶同病斯人已絕交

狂從千日飲貧有一枝巢世態潭如水何心賦解嘲

福山寺

駐馬尋蘭若鳴鐘出上方禪房雙樹迫佛界一溪香

白社招何晚青山卧不忘迷津如可渡吾欲借慈航

重遊卧龍寺

雙林曾一至隔歲始重過寺古傳龍卧經殘剩馬駝

山門塵跡少塔樹梵音多香積悠然罷歸途滿薜蘿

雲三首六月七日

澍畦流駛晴霓望濃日昏猶帶雨雲亂不成峯  
晒濕移衣桁乘涼倚杖筇漁舸趁陂水長汎月溶溶

二

驟雨河魚落新晴燕飛天空將日至風急送雲歸  
展筇書初曝開窻塵乍揮林間鶯閃閃知是晒毛衣

三

新漲看鳬浴初晴喜鵲鳴山從膏沐罷日抱錦紋生  
果熟梢枝重帆乾帶舫輕還持烏皮几為問耦而耕

楊道行集

卷之九

七

中秋前一日攜尊訪瞿庵天寺中連旬陰雨是

夕霽

不謂姮娥約居然掃暮雲金鏡萬里在水鏡一秋分  
淨土非人境玄言迥世氣論交僑與札脉脉對夫君

中秋對月二首

今夜江湖月分明與布衣雲空心不翳天濶與全飛  
絕似觀濤至還疑汎渚歸胡床仍從倚遮莫逗清暉

二

免搗幾時歇蛾奔何處來昔人曾問月吾意亦悠哉

雲漢光孤照山河影倒開忍虧明日夜刻漏莫教催

遣興四首

出世却避世逃名翻近名古今懸大業天地逗浮生  
尉自呵飛將尉曾乞步兵千秋豪宕意莫遣野鷗驚

二

神物居然在人情了不驚漢濱今老父天竺古先生  
世已憎多取吾尤畏得名南山讀書處斜日掩柴荆

三

鑿折非吾事豈欲立世情自知寬覆載誰復礙生成

楊道行集

卷之九

七

草色增詩麗山光逼酒清未填溝壑日衣褐也身輕

四

自悟名皆幻支離笑此身雲如有意流水不開情  
天地身猶在江湖夢亦空雨多勝樂日日聽啼鶯

過滁州悼亡友賈子王衛史二首

已惜王賈雋尤情賈誼才山川應短氣天地不勝哀  
公論猶鄉土相逢已夜臺那忍過杖溪門徘徊

二

是條中秀何期地下郎人猶疑早達吾欲問高蒼

鳳蕭尚書署聽鳴御史章平生聽笛恨不

再悼賈子

里井依然在伊人不可追季方差有弟伯也無兒  
若箇藏舟堅誰為掛劍枝傷心孝標論地下是交期

春興四首

日月頻如夢江湖多故鄉低首無事業違會即英雄  
賜谷應偏燠春風也自公蓬蒿吾斥鷃避世合墻東

二

耐可春將劇因之興亦濃稻梁裁取足筆札雅能供

楊道行集

卷之九

七

有道拋朱紱無營貯素封相如能作賦何用藉臨邛

三

自識巖居趣何妨倒接離洪鈞皆物與法象亦吾私

世外餘三迳山中有四時顏然別隣叟明月滿前陂

四

未必真今是何須悔昨非狂寧將世忤賞莫與心違

水到瀦成沼枝卑偃作扉晴軒放馴鶴日夕亦知歸

新興寺

牢落何年寺猶餘梵唄聲碑從青藜沒塔與白雲平

野蘇呼僧具村醪對客傾本來空四大何用逐浮名

三聖寺遇雨

偶來三聖寺得近四禪床法雨沾深樹慈雲覆短牆  
藏標天地大劫閱古今忙只有牟尼在皈依意不忘

兩陳文學送余至褒山寺飲陳與其主僧善

褒山山下寺宛似剡溪陰偶以求羊侶蕪之支許心  
四隣青嶂合雙樹白雲深日午聞清梵迦陵若个音

楊道行集

卷之九

七

楊道行集卷之十

目錄

五言律詩

夏日山居十二首

謝欽之明府為余題浣花草堂二首

山行

廢寺

田家

秋

飲田家

偶感

中秋無月二首

楊道行集

卷之十目錄

十

須臾月出與外父具翁登臺四眺箕踞呼酒

酬欽之中秋見懷有咫尺千里之感明日為

萬壽辰云

得字如書二首

懷趙夢白二首

秋日書懷二首

愁霖二首是為重陽前一日

秋抄五首

過南山詩此詩為重陽

魯瞻留飲并道顧叔時史際明章元禮見問

贈魯瞻

遊荊山即卞和獻玉處

渡淮

信楊行可職方宅憂二首

晨行鳳陽道中

過關山

滁州

懷樊欽之

雪中全金五金七過感三夜飲戚為都諫孫

二月大雪

喜魯甥國俊入學

病起

黑石乳

楊道行集

卷之十目錄

二

別業

晚

焦山寺故址

佛子嶺相傳為焦氏結

塞處

重過卧龍寺

寺

秋興十二首

贈富陽許秀才讀書淨慈寺

江上晚泊

渡江過金山抵京口

歸舟湖上東望

寄許少叅常以治河議忤權貴

贈歐上人

哭袁文毅

郭穆敬甫考功 乙未除日二首

丙申二日全弟陞陪外舅吳翁飲

重謁戚都諫祠全樊使君作

春興六首 賦得

暑月十二首次子如永芳亭韻

楊道行集 卷之十目錄

三

楊道行集卷之十

全椒楊子庭著

五言律詩

夏日山居十二首

何官猶待免是物合抽簪酌酒對山色讀書隨樹陰  
人家萬井遠漁艇一溪深近得長生術花前戲五禽

二

自識名皆幻何妨懶是真青山客一老白雪有斯人  
流水浮沉跡飄萍龍奪身機心渾欲盡馴得野鷗親

楊道行集

卷之十

三

壁立歸來日差餘負郭田一年催力穡百口託皇天  
藥畧生忘裏詩筒小閣邊攤書吾欲睡何事亂鳴蟬

四

不謂臨淵淺其如綆汲深人言無白玉交態少黃金  
暑過千峯色涼生萬竹陰自諧丘壑趣吾道合浮沉

五

農耒村村急漁舸所 輕弱滿編戶長老作 聖人  
風風氣侵衣荷松入座清醉眠方竹簟遮莫破愁



城

六

仲蔚蓬蒿宅何人結駟來  
瘦軀堪傍竹愁鬢且斟杯  
雨罷千巖出雷盤萬壑迴  
不辭車馬至只恐破莓苔

七

積毀曾消骨歸休已乞骸  
閑窓蟬嘒嘒集木鳥喈喈  
憤日嘶猿閑溪雲擁斷崖  
從來河朔飲磊落自吾情

八

何物能消暑昏昏對濁醪  
藕花秋帽夕薜荔開門高

楊道行集

卷之十

二

藉草鋪茶局開林舉桔槔  
松風時隱几五月有秋濤

九

自愛吾廬好檀藥竹幾竿  
全生因舊病得暇為無管  
避世常高枕達人不着冠  
晚來松頂月颯颯與誰看

十

渚洲不可望極目露華滋  
魚似濠梁處人疑谷口時  
荷筒香送酒蕉葉淨題詩  
五月披裘者延陵恐未知

十一

故舊寒溫絕兒童項頸成人猶  
嗔僂寒吾亦廢將迎

去國悲王粲憂時泣賈生  
自知無比數不敢問方旌

十二

正因懷被出醉即束薪歌禮法  
吾何有風流世孰多  
蒲團山鳥狎葛嶺野人過  
種樹南山下誰為郭橐駝

謝欽之明府為余題浣花草堂二首

問我諫茅處蕭然一畝官  
偶緣勾漏令錯比浣花翁  
月俸頻呼蠟國蘇肯駐聽  
故人情不淺日日有時同

二

自有求羊仲何妨八九椽  
還聞驕鶴處人在浣花邊

楊道行集

卷之十

三

醉竟題詩快食分佐酒錢代典  
吾豈敢長此奉周旋

山行

問我今何處羣峯萬重開  
林唯見寺隔水不聞鐘  
葉落山厨憂寒流野碓春  
投簪猶恨晚及此抗塵容

養寺

散帙臨池地暖心閒上乘苔  
深微有逕門掩更無僧  
敗屣粘枯絮頻煩履古藤  
何方飛錫至禮越爾中興

田家

偶然逃世網猶及侶農夫  
看層移山確持鋤問水途

佔魚鮮自躍園中綴還扶近識陶潛趣清尊可但如

秋

無言農事晚已是 主恩私衣授蒲荒候尊開秋熟  
時兩期從叟卜米價問僮知飽食彫胡飯掀髯自賦  
詩

飲田家

世事了不問出門隨所之偶從隣叟飲遂賦田家詩  
山色有佳處雲光無盡時兀然一壺酒扶醉歸茅茨

偶感

秋風何太急搖落使人驚隱已慙顏闕狂應厭禰衡  
浮雲空幻態流水澹無情自分投竿處江鷗伴此生

中秋無月二首

是夜江潭客空勞擁鼻吟幾時窗未照無力挽重陰  
風雨緣何事關山只此心還持一盃酒淒切更聞砧

二

為遶松間月重陰更惘然豈無他夕霽能得幾回圓  
免藥憐長搗娥憶獨眠覆盆亮自語灑淚向秋天  
須臾月出與外父具翁登臺四眺其踞呼酒

是夕頻呼酒須臾已放晴偶然雲自散無恙月還明  
顯晦應吾道升沉總世情晶晶侵牖入轉覺映水清  
酬欽之中秋見懷有咫尺千里之感明日為

萬壽辰云

盈觴今夕酒默默為誰傾可惜團圓夜都深故逐情  
人憎雲翳在吾愛月華清金鏡何時獻丹心耿獨明  
得孚如書二首

世態成吾拙窮愁奈爾何轉憐同病在猶畏取名多  
雲樹供詩案江湖着釣蓑子旌君莫問只有紫芝歌

二

念爾愁仍劇經年信始傳才堪時輩忌病有故人憐  
夢澤浮雲闊襄江片月懸東南吾輩在若箇斷龍泉  
懷趙夢白二首

聞汝歸田况門深仲蔚蒿名猶傳水鏡世孰解綈袍  
伏枕風霜苦啣杯日月高從來搔叔夜不擬問山濤

二

秋月照沙渚思君讌爵陶種園饒雨露隱几息風濤  
身世三花樹江湖一葉舸可憐畢吏部今日早持螯

秋日書懷二首

秋霖舒晨眺涼颼爽夕眠人悲搖落候吾愛沈寥天  
有覺翻如夢無管已似禪微君唯種菊此意向誰傳

二

寒雨晝絲絲阡眠野望時態隨秋水澹意與暮雲遲  
玩世仍呼酒防人已諱詩山中讀書處寂寞夜猿知

愁霖二首是為重陽前一日

不作愁霖唱其如苦雨何貧嗔寒驟至老厭節頻過  
桂玉憐環堵輪蹄病一蓑茱萸明日酒涕淚為誰多

楊道衍集

卷之十

七

二

亦是皇天澤淫霖已後時開門秋雨嘆傍砌草蟲知  
卧病仍防潦為農尺舌談登高吾懶道不敢問佳期

秋杪五首

秋杪凝霜後寒深挾纈物窮愁詩合苦貧賤客應疎  
兩地開疏圃晴軒檢書檣頭吾尺醉一月不曾梳

二

麟閣身曾許羊腸願已違  
曉雲無氣色秋日少光輝  
喚婦看橙熟逢人問解  
把酒從田父飲曳杖醉言歸

三

霜重秋沙白風飄晚葉黃乍晴開鹿柵早凍閉蜂房  
鼠穴薰仍懶牛衣卧不妨山妻羞解事為我戒垂堂

四

璫項嗔吾短低眉與世擠酒從桃葉勸詩為菊花題  
枯蔓初除架寒蔬更滿畦家人齋不苦不比太常妻

五

樽櫟真無用鷓鴣只自棲  
酖顏巡竿急曝背角巾低  
世已甘芻狗吾寧似木鷄  
悲秋猶不達白日合沉西

楊道衍集

卷之十

七

過關山時北訪賈魯瞻

路昔曾乘傳人今已倦游偶緣千里約還為片雲留  
風氣天苞會河山地肺浮當關無謂險龍戰自吾州

魯瞻留飲并道顧叔時史際明章元禮見問

為問南還客千峯與萬峯  
憤車吾自至鷄黍爾能供  
門敢狂題鳳廬應隱卧龍  
中原兄弟在——想高蹤

贈魯瞻

已咤他鄉謫猶依故里居  
為親寧捧檄得罪尚垂魚  
世味窮彌澹交情賤不疎  
知君無習氣羞問計然書

遊荊山即卞和獻玉處

不見荊山玉猶傳卞氏名何心悲再刖無計斷連城  
峽東長淮怒雲埋古戍平有懷那得獻把酒一含情

渡淮

古戍千峯合長淮一葦過源從桐柏冢匯入大江波  
北去鸛應少南來橘漸多客心對源水浩浩奈愁何  
喧揚行可職方宅憂二首

淮上停驂日山中枕塊初人非徐穉吊墓有康衢  
同署名猶忝通家詎不踈勸君須強飯使者問相如  
楊道行集卷之十

二

長淮不容舫此渡欲何之賓客知觀禮門人想廢詩  
雲深和氏洞木落禹王祠忍對巢烏泣傷心反哺時  
晨行鳳陽道中

冬初復行役匹馬更凄然遠岸霜如月寒汀水共天  
論從身後定神已醉中全自咲隨陽鴈孤飛若箇邊

過關山

不陟關山上何知行路難楚雲天外盡吳岫霧中看  
事業灰心老人情覆手寒疾邪君莫賦吾道合漁竿

滁州

百雉名邦舊三年逐客過帝鄉濠泗近王氣古今  
多麟閣心猶赤鷗群賢欲瞻鵬泉行樂處遙聽濯纓  
歌

懷樊欽之

世態吾真拙交情爾更長榻留徐孺子屢倒蔡中郎  
風采臺端柏謳歌部內棠轉愁微重至誰復問漁航

雪中同金五金七過成三夜飲成爲都諫孫

偶訪山陰道蕭然北郭生酒催春思早詩逼雪光清  
楊道行集卷之十

入座琳琅色傳家寒謬殷與君還卜夜忍爲獨醒名

二月大雪

二月寒仍劇經旬凍更深祗應憂歲事不敢問天心  
雪妬花含萼風摧樹出林廣川雖紀異無力閉諸陰

喜魯甥國俊入學

吾甥猶總角蚤已偶諸儒夢鳳肩曾集爲駒汗欲越  
庭堦多秀色霄漢有雄圖宅相終須汝無徒似老夫

病起

死只蚍蜉細生真狗馬憐扶筇疑隔世窺鏡荷慈天

色變仍談病鬼招始記年自今丘壑日飲咏亦怡然

黑石乳

晨行黑石乳暮到龍會山馬駭防崖万人喧匪水潺  
乳雲千樹外落日萬峯間村吏携瓶至城中得酒還

別業

別業青山外秋深匪樹陰牛車田父駕鷄黍野人心  
埽壁除枯蔓開軒出遠林自歸塵外趣寧問屬書沉  
晚

傍晚行初憇悲秋意轉增山猶時落日寺已閉歸僧  
楊道衍集 卷之十

鳥噪千巖樹漁然隔岸燈人生非大樂詎見駐顏曾  
焦山寺故址

招提無故址松梵若為音寂寂飛花雨荒荒布地金  
雲開天欲圻嶼東日如沉蓮社吾將老悠然浩劫心

佛子嶺相傳為焦氏結寨處

寂寞何年寨秋深駐馬情亂亡傷往事戰伐愧平生  
佛子雲中嶺空王樹外城逃禪吾已晚不敢更論兵

重過卧龍寺

刹古游何屢僧貧意轉優漸看塔樹長頻為野猿留

日抱千峯迫雲生萬木稠不須談浩劫吾意亦悲秋

寺

紺殿層層迥青山面面陰周顒精佛詣康樂恒幽尋  
流水無生諦浮雲不住心牟尼如在眼片月掛雙林

秋興十二首

白鳥依寒渚蒼鷹搏遠空頗諳消息理不擬哭途窮

二

白鳥依寒渚蒼鷹搏遠空頗諳消息理不擬哭途窮

楊道衍集 卷之十

霜露沾 明君 漸微老 晨端居 吟望 崇禎事 吳縣

蚤

三

為華山水勝巨浸亦吾邦羅逕烟中屋魚貫樹底腰  
柿垂猶箇箇屬去恰雙雙倘訪鹿門隱無言子姓龐

四

秋水陂初漲伊人係我思農芳零落候孤舟獨妍時  
兔狡猶三窟鵝栖只一枝楊雄富綸閣白首許誰知

五

尺為馳驅倦 君恩放布衣岫雲秋澹澹汀月晚依  
依酒趁漁船至禽稍獵騎歸夢蟲吾白比習苦不言  
非

六

社日陳平肉秋風張翰魚古人今不見吾道竟何如  
綠竹堪藏塢青山可著書翟公門合閉莫怪客來疎

七

沉沉菰蒲裏悠然屬與鳬野心吾忘我秋色汝為徒  
菊已殘三逕帆曾挂五湖臨岐重回首何用泣楊朱

楊道行集

卷之十

十一

八

村居常簡由秋至獨棲寒羊舌賢無子雖摩病有妻  
浮雲燕樹迥落日楚山低官跡君休問于今醉懶題

九

搖落逢秋至飛揚與世爭東方無一飽蘇晉有長齋  
江漢饒鴻鴈乾坤對虎豺滄洲情不淺吾白乞吾骸

十

似鴈慚能語為鴈言不才滿生真拙宦陶令合歸來  
世已江鷗伴人猶市虎猜愁心與秋色颼颼為誰哀

十一

春明曾自媚秋至不須嗔可惜淒涼日猶餘磊落身  
苦心爭日月無力浣風塵只有嚴陵瀨重來理釣綸

十二

彼美何鄉是空餘九畹薰川長迷漢女天濶望湘君  
往事青綾被新詩白練裙晚來秋色好一酌對斜曛

贈富陽許秀才讀書淨慈寺

為憶招提客潛心爾自知茶燈分佛供蔬飯與僧炊  
風翻鵬猶息霜蹄駿欲馳吾豈敢寂寞倘相思

楊道行集

卷之十

十二

江上晚泊

風有乘桴興因 鼓枻臨乾坤吾野泊今古此江流  
落葉吟秋岸殘燈照晚舟風波君莫問身世一浮鷗

渡江過金山抵京口

汨汨無時歇行人與逝波江山千古在我輩一帆過  
樹影中流渺潮聲傍寺多扁舟更東下日日聽吳歌

歸自湖上東樊使君

湖上張融舸山中審戚歌宵應丘壑滿眼已古今  
念汝鳴琴暇何時載酒過吾廬殘菊在倘肯

寄常少恭常曾以治河議忤權貴

白夢蕉惶鹿長楚學士魚高名懸岳伯謙論著河渠  
白社盈觴酒青山滿架書鄭公鄉不遠不比子雲居  
贈微上人

萬里聞杆渡林見錫飛人疑曾面壁法護舊傳衣  
水月無生滅風旛有是非西來般若意常對一燈輝  
哭表文

居京任時興化表文毅為莫逆余歸田五年

問為問疑其忘我也頃自其鄉來者則文

楊道行集

卷之十

十四

毅之升父矣墓有宿草矣嗚呼漬絮無從執

紼而死者而有知文毅其以我為非人哉

一官猶在忽忽於真已卜青鳥地誰為白馬人

祝樵餘故署化鶴定何辰欲擗延陵劍傷心宿草春

輓穆敬用考功

醴設人何在逍遙只故廬晚尤悲識鵬魚已惜焚魚

世有潛夫論家無封禪書山陽聽笛夜為雨一欵欵

乙未除日二首

忽忽年華改偏驚放逐人酒辭今夕臘詩促隔宵春

剝復陰陽紀浮沉寵辱身驅雛仍土俗吾亦率吾真

二

今夕屠蘇酒家人為頌椒盤居仍一歲粒食已三朝  
送臘辭何述迎年喜欲招鵲栖吾自足不擬問扶搖

丙申二日全弟陞陪外舅吳翁飲

二葉貧聞且吾家薦五辛尊仍元日酒座是隔年人  
冰玉名猶吞池塘思轉新昨聞餘興在攜及醉初春

重謁咸都諫祠全樊使君作

別業衣冠處重來相見時野花開後覺山鳥喚良知

楊道行集

卷之十

十五

刺史襄陽里鄉人量相稱高風徒可仰寂寞九原思  
都諫諱良知之學

春興六首

偶曳尋山杖因之挂百錢多愁春似夢長醉日如年  
柳綠堤堪染櫻紅樹欲然生生唯造物不敢問高天

二

步屨江皋暖扶藜野望遙雨間唯我放萬象與春饒  
竹迸穿山還泉分溜石橋無言謝朱紱終荷聖明朝

三

自諸丘壑趣日日步春郊密樹吟風葉初篁滴露梢  
數飛鳥引子頻語燕尋巢對此陶然醉詩書喜欲拋

四

禊事猶三月春游又一年對酣寧問客治具不論錢  
霧重翻如水山遙倒似天昔人曾頌酒吾意亦頌然

五

負郭餘田在登山幾錢穿酸棗金欲盡謝監句猶傳  
花落醒春酌鶯啼攪畫眠橫眉曾入杜寧問遠公禪

六

楊道行集

卷之十

七

春風何大劇習習滿林皋宇宙唯吾輩驚花對爾曹  
詩應丘壑助名豈野人高不問玄都觀劉郎去後桃

賦得

近得三韓信倭奴未止戈腥風吹浪遠陰雨見燐多  
龍鱗寧能戰圖麟豈為和平生天下志願聽出車歌

暑日十二首次半如采芳亭韻

宇宙何多態瀟瀟一芥葉水流經壑住月出傍林迴  
埽閣延青嶂開門破碧苔無能河朔飲敢覆掌中杯

二

長夏交游絕青山只放歌名從高伏枕夢敢到鳴珂  
耕鑿身差健生成世太和無將楊子宅錯比考槃阿

三

一壑應吾道千秋豈世情宅邊流水住窓外白雲行  
野老猶爭席江鷗已結盟莊生曾說劍無用學荆卿

四

蚤年辭粉署暇日即滄洲案有孤琴在田餘十斛收  
螢初飛暑夜蟬已度清秋不盡伊人念長江浩浩流

五

楊道行集

卷之十

七

蠻觸紛紛問何能息萬緣穽坑無仕版陶冶有詩篇  
牢落乾坤大支離雨露偏晚涼松上月吾意亦澹然

六

襍穢經旬甚攤書滿案頭晚峯涼過雨森木颯先秋  
世已圖南遠吾寧知北游他時封禪草不用茂陵求

七

工部曾佳句乾坤一草亭牖間皆置筆座右已為銘  
吾道從舒卷斯人任醉醒自知無用用時繹衛生經

八



國事安危在交情貴賤經自甘投楚澤誰為哭秦  
歲月淹時兩江湖傍客星無聞空老大塊愧吾形

九

為哂蓬蒿舍曾無好事過不須悲宦拙敢謂惠才多  
食自炊蔬米衣纔葺菱荷詩題臨海嶠共和得羊何

十

返服村村遠歸田事事幽松風渾忘暑山月恰如秋  
樹石分三島疏池匝一丘慙無謝朓句杜君清芳洲

十一

楊道行集

卷之十一

十一

為問醒狂者何如盍次公放情山水外寄與古今中  
宿鳥歸相及浮雲去欲窮淮南招隱處桂樹君為叢

十二

鯨鯢猶駭浪若箇是長城社稷關成敗 君王倚重  
輕吹笳邊月動擊楫海雲生拊髀思麟閣寥寥一代

楊道行集卷之十一

目錄

七言律詩

泗州詞 祖陵

鳳陽

容至

遣興

長陵

秦陵

萬曆八年九月三日陵祀臣于庭以刑部雲

南司進士祀 昭陵得二首

寄東泉石先生家居

楊道行集

卷之十一

十一

寄穆敬甫考功

李民部謫推東昌

李推官建亭祠部

魏懋忠御史謫官

拱辰先生授官敬甫悵然難為別賦此二首

李伯承及 部會于郵遲余不赴以詩見

朝依韻

樂燕堂同工部水鏡別李祠部觀射

余宗漢今日下之頌全椒尹二首

中秋夜酌酒飲宗漢四雷符杯字二首

行郡偶成

雨中宗漢過飲

秋暮同宗漢明府伯承少卿約敬甫考功舍

境上

陳憲副宅同李伯承賞菊

宗漢夜集送之入京

龍君意同汪伯玉遊黃山詩却寄

臨澧春日擬晤穆敬甫二首

春裡想中尚吏部見懷魏舊御史

所思

寒食途中作

周元子詩

釣臺

楊道行集

卷之十一目錄

二

送幼鍾舍人之南給諫使道迎養二首

光祿樓

奉直指檄監射山東

入朝過白溝

寄穆敬甫

萬山中是為綏德界

王憲副招飲紅石峽群胡呼塞下攜以酒肉

贈梅中丞

送張郎中督儲榆中

南昌九日二首

答右伯宋桐岡送別并似令子化卿

酬宋方伯

懷忠祠謁孫許二先生二首

別無號山人余將入都

同朱可大雪夜集張戶曹

贈荅劉戶曹并悼令弟國徵亡友二首

送朱可大上陵

春日遊碧園和申敬中韻

陪朱可大胡允喬申敬中三駕部鄭思成民

部陸伯生山人遊常園四首

送梁武庫典試貴州二首

楊道行集

卷之十一目錄

三

送朱可大偕陸給諫典試粵東二首

集張氏何亭過兩次申敬中鄭思成韻

集張園折荷酒戲荅陸伯生

送朱吏部典試閩中

鄒平如謝病歸夢二首

初得告舟中雜詩五首

官軍收寧夏志喜 先大夫忌日二首

憶昔

羅官二首

贈賈管瞻民部

愁霖二首

送瞿魯夫訪王子聲臨漳令

秋夜小園口號 丙申九月二首

贈樊翁二首翁為博士五子兩為令吾令

長居迎在邸

按臺蔣公以河功晉尚寶卿二首

門人徐比部恤刑江北過訪二首

丁酉元日

豫章仕父王孫名父之子少而能詩訪余山

楊道行集 卷之十一目錄

四

中賦贈

任父王孫同江大飲小園

再贈任父

春日全汪氏兄弟學行飲

是日更與汪氏兄弟飲魯六新贅婦所亦在

郊外嘯而得詩

丁酉寒食

全汪氏兄弟謁尊甫別駕公基公強記為里

祭酒余童子時辱國士之知

汪四莊觀插秧

外父無號山人七十

雨晴

李仲白飲小園惠佳句奉和四首

仲白書中更得黃漢州見惠之什賦答四首

寄豐城李明皋憲副

輓楚人王一鳴余于王無生平之素面稔其

高才早天悲之

偶成

病

楊道行集 卷之十一目錄

五

送郡幕從守入覲

寄蘇子長右史渠以詩索序于余

陳志玄游越粵歸而示我雁宕圖賦贈

壽少保尚書楮公四首

過來安贈冷尹

春日浣花莊課門人偶述

贈李旭山中丞忤旨致仕中丞以舊寮時

存問余

楊道行集卷之十一

全椒楊子庭著

七言律詩

泗州謁祖陵

泗州亦是粉榆地為望 山陵更鬱然猶記禹湖龍  
去日不聞華表鶴歸年珠襦玉匣千秋閉翠蓋金支  
五夜懸欲問祠官開國事松杉風雨浹寥天

鳳陽

爰從元季無 高廟天地何由耳廓清自昔塗山傳

楊道行集

卷之十一

禹會至今豐邑重周京版繪盡屬公侯草射帛先收

子弟兵王跡肇基湯沐邑偶來瞻眺不勝情

客至

走馬看花花可憐况逢佳客興翩然狎人乳燕低低  
逐傍柳嬌鶯故故穿潦倒烟雲憑酒筆崢嶸天地有  
詩篇莫嫌暝色催歸騎爛醉從教月下眠

遣興

鷓鴣鷓鴣與伯勞無端的的媚林臯崢嶸春色須吾  
輩浪藉風光奈爾曹濁酒丁寧酬酢柳新詩斟酌將

江桃步兵尚為途窮泣騎馬山公與更豪

長陵

成祖神功彌宇宙 長陵佳氣鬱松楸幕南地絕三  
千里薊北天開百二州八駿漫憐周馥遠六龍空鎖  
漢宮幽孤臣悵望愁無極日暝青山翠欲流

泰陵

泰陵深閟白雲隈悵望龍髯安在哉尚憶 至尊臨  
便殿幾回元老召平臺空山路黑鬼神入虛閣日黃  
風雨來更有文華遺訓在小臣揚厲愧非才

楊道行集

卷之十一

二

萬曆八年九月三日陵祀臣于庭以刑部雲南

司進士祀 昭陵得二首

六年垂拱稷氣消穆穆 先皇玉燭調一自鼎湖雙  
馭遠獨留陵塚百靈朝松杉御氣通飄渺殿閣悲風  
鎖寂寥供祀小臣虔對越依稀龍袞聽蕭韶

二

昭陵松柏鬱相望祇祀追陪劔珮行遙捧寶甕天址  
樞虛瞻玉几殿中央精靈象衛千秋冷蕭飈龍旂萬  
壽藏愴念懸知今 上切寢園霜露沾裳

李東泉石先生家居

江湖海渺愁余投効歸來學釣魚綠野堂中人未  
生天下意何如曳尾北闕餘封事挂笏南山有  
著書衣鉢少年今領郡我回瞻望獨踟躕

寄梅敬甫考功

中原把臂氣誰雄之子洋洋大國風天上舊陪鷄舌  
吏山中今作鹿皮翁逢人莫倚千金鉞知已何妨一  
曲桐咫尺幾時攀玉樹江湖翹首望冥鴻

李民部謫推東昌

楊道行集 卷之十一

法星一夕照東方爭識批鱗舊省郎但使江湖容傲  
吏不妨海岱是他鄉愁看飢飢寒生色醉挹蘭蓀唾  
有香知爾才名誰得似也應人道謫儂狂

李推官轉南祠部

見說 君王已賜環金陵亦在五雲間兩都爭識神  
僊吏三禮重叨法從班伏枕鄉心懸碣石挂帆秋色  
照鍾山謝公墩上重回首六代風流尚可攀

魏懋忠御史謫官

去曾簪獬豸冠風塵回首別長安量移自識蒙恩

重行罪誰憐行路難園事遂入休問訊天涯到處好  
加餐君家兄弟詩清發郡閣還同謝眺看

拱辰先生被謫收書懷然難為別賦此二首

才名曾說兩琅玕一任攜情羽翰萬里風雷孤佩  
劍百年天地一彈冠人解鞍子乘鴻渺家住黎陽在  
馬看廊廟江湖俱不淺臨岐珍重各加餐

二

德星昨聚濁河邊去住休嘆兩露偏白日有時終  
落靑山無恙且龍眠論交却憶班荆夕戀主難忘設

楊道行集 卷之十一

醴平君賦河東應自好吹噓曾到漢皇前

李伯承及李祠部會于鄆遲余不赴以詩寄

依韻奉荅鄆有齊桓會諸侯臺

使旌搖曳鄆臺前掃石開尊八月天北海詞人非異  
姓中原霸業已千年憑陵夜色仍呼酒珍重山靈有  
贈篇更欲登龍登未得風塵回首一凄然

樂燕堂同李伯承餞別李祠部觀射

千旌蔽隊出郊坰樂燕堂高俯翠屏掃榻秋吟迴白  
雲遙山色照青萍貪看射鵰渾忘醉愁說離鴻不

恐醒江國逢人如舊酒也應回首長亭

余宗漢自白下枉顧余故全椒尹二首

風塵搖落鬢如絲邂逅何當慰所思  
遂有晴雲寒對酒不妨秋月夜題時  
黃金散盡人誰問綠綺操來爾自知  
相見更憐渾夢寐振衣猶憶十年時

二

拂衣歸去意如何彭澤風流不啻過  
自笑寒翁曾失馬誰教道士為龍鵝  
莊生臺畔秋吟早謝傳教前夜色多  
南北浮萍拼一醉世情回首付漁歌

勸進行集

卷之十一

五

中秋夜酌酒飲宗漢聞雷得杯字二首

脾晚風高落木催官齋今日對  
對杯聽雷恐喚雙龍去待月愁看一鴈來  
客子凭欄秋自老誰家吹笛夜堪哀  
酒酣往事君休問莊叟臺前已綠苔

二

妬殺清光黯不夾水雲亭畔忽聞雷  
陰晴過眼猶難料醒醉隨人莫浪猜  
飣氣巧當公署合酒星恰照客筵開  
習池自笑風流更岸幘何知倒百杯

行郡偶成

深行郡歷荆扉郭外催租吏到稀  
林熱隔牆携酒至蒲荒深澗打魚歸  
背人野雉驚還歇擁樹山雲點不飛  
田父也知留阜蓋向余跪指蕨初肥

雨中宗漢過飲

相逢何必問沉冥且自酣歌水畔亭  
暝氣帶雲浮座白嵐光拖雨失山青  
江湖忽動雙龍劍天地常懸一酒星  
世路悠悠君不見也須同醉不須醒

秋暮同宗漢明府伯承少卿約敬甫考功會境

上

勸進行集

卷之十一

六

病肺高齋吏事慵偶從黃鶴問僊蹤  
白衣已自邀陶令皂蓋何妨駐李邕  
月出萬家開夜色雲來千樹澹秋容  
相逢不淺凌染興一榻清尊到曙鍾

陳憲副宅同李伯承賞菊

若為秋色到簾蕪花下何妨白玉壺  
嫋娜故簪羣客嗅紛披恰喚小僮扶  
杯邊鴈影還離合竹裏雲光乍有無  
不淺孟公投轄意醉來其踞笑狂夫

宗漢夜集送之入京

明到天涯少故人傳觴燒燭莫辭頻  
轉憐對菊三更

夜無那飄浮萬里身白雲時名翻自妬黃金交態有  
誰真蕭蕭易水經過地為弔荆高一慄神

龍君善寄同汪伯玉遊黃山詩却寄

千峽縹緲帶新都知爾尋樵興不孤帝遣浮丘迎客  
未天留麟石化龍無班荆並占青蓮宇珥節頻行白  
玉壺况復同遊漢司馬投來珍重夜明珠

臨濮春日擬晤張敬甫二首

詞賦中原早結盟重來人跡雙旌千年競賽知誰  
勝一代登壇真爾爾不妨喧樞馬移尊速擬趨

書道行集

卷之十一

七

林黨詩成白眼相看醉絕似江東老步兵

二

願識荆州意不忘鼓旗何得一相當剪蕪并枉來  
使折簡無陪尚重節地治遊餘賽事漢京賓從有  
雄章吾曹離合知非易太史應占聚宿光時李靜軒同

答魏懋忠南吏部見懷魏御史

魏氏明珠天下聞解嘲猶自憶楊雲二年共說青綾  
被千里詩投白練裙已向山公占故事還從一燕燕

何當並爾連枝樹走馬長干日未曛

所思

郡齋昨夜梅花發忽憶長安舊酒徒幾欲折梅傷阻  
絕誰將呼酒破羈孤風雷終擬歸神物天地何曾記  
腐儒念爾離飛魚同真自然姑射隔蓬壺

寒食途中作

寒食年年旅思深今年寒食倍潸然誰家蹴踘虛相  
憶何處鞦韆不可憐馬上雲山揮淚立客中風雨抱  
愁眠倚門白髮情偏切芳草王孫若箇邊

書道行集

卷之十一

八

周元孚再謫

天涯纔喜賜環初又逐浮萍問謫居結俠休填遷客  
戶避人莫道絕交書凌風勁草娟娟秀向日孤雲宛  
宛舒今上憐才恩浩蕩肯將湘畔棄三閤

釣臺

讀罷南華意渺茫釣臺臺下即滄浪春來浦淑依然  
在人去漁磯半已荒潑潑不知魚自樂蓬蓬真與蝶  
相忘前身亦是逍遙吏曳尾何時謝楚王

送幼鍾舍人之南給諫便道迎養二首

綠髮黃門擁珮刀。片帆山色照緋袍。官稱諫議仍鷄舌。客有文章自鳳毛。到日筵開南極曉。幾時書上北宸高。六朝勝蹟題應遍。莫惜陽春為我操。

二

夕郎擁傳出明光。畫省風流總擅場。南國自高天子氣。西垣仍帶侍臣香。山川醞藉供吟草。日月崢嶸識諫章。見說江魚堪入饌。綠衣應在燕磯傍。

光祿樓

高閣凌空望渺然。登臨人在蔚藍天。窓中倒挂三光

楊道行集

卷之十一

九

出檻外平分五嶽懸。闌闌萬家連魏博。舳艫千里接幽燕。觀風倘駐輶軒使。行袖東方亦可憐。

奉直指檄監射山東

郊垌嚴隊節旄來。竹箭星飛亦壯哉。檄捧三齊持斧使。網羅六郡請纓才。控弦忽迸山光動。破的遙分雪色開。絳越支胡今正急。黃金蚤已置燕臺。

入覲過白溝

緩帶輕裘踏雪深。白溝堤外肅森森。醴金且共村酤醉。覓句聊為野眺吟。割據漫談千古事。朝宗懸切萬

方心。悲歌擊筑人何在。易水蕭蕭直到今。

寄穆敬甫

不見絨書慰所思。揭來誰與賦新詩。山中已著潛夫論。天下猶傳幼婦辭。漫憶德星占此地。却憐神劒會何時。千年河朔風流處。念爾尊前倒接巵。

萬山中是為綏德界

王程殘暑入并州。西出延川颯晚秋。傍晚聽啼經嶺怯。早嵐爲隨及關愁。索駝大漠傳軍餉。鸚鵡深山喚客游。窮北淮南情不極。臨岐回首各悠悠。

楊道行集

卷之十一

十

王憲副招飲紅石峽群胡叩塞下搞以酒肉

硤石嶢岬雉堞雄。招邀出郭對乘驄。花門盡款金湯外。紫塞全歸鎖鑰中。鵝鷄陣寒沙磧日。龍蛇旌動朔方風。佩刀開府君家事。莫讓燕然第一功。

贈梅中丞

推轂由來鎖北門。朔方萬騎電雲屯。籌邊天子河山重。開府中丞節鉞尊。客館過從爭覩面。穹廡聞望已消魂。折衝樽俎尋常事。爲報生降吐谷渾。

送張郎中督儲榆中



綠簪僊郎領度支榆中飛輓路遲遲馬頭匝匝巡邊  
日駝背罷能轉餉時紅硃坐管胡幕酪黃河行拍漢  
關旗知君不比張騫使西域葡萄莫浪疑

南昌九日二首別宋時舍四弟貼危

齋頭獨對他鄉菊江上初逢九日杯忽憶平安心便  
折反愁消息恨難裁鵲鴿天暮歸何處鴻鴈秋深香  
不來幾欲登高還復罷閉門搔首重徘徊

二

去年九日客并州九日今年江上游到處青山澤是

揚道行集

卷之十一

十一

夢何人白髮不堪愁况憐樓夢應無那欲遠更根且  
復休腸斷眼穿家萬里好將雙淚寄中流

答右伯宋桐岡送別并似令子化卿

山簡主人偏好客盧湛故吏辱投詩東方傾蓋恍昨  
日南浦把杯能幾時贈我不殊錦繡段有即况乃瓊  
瑤枝臨歧相勸但強飯為謝義之并獻之

酬宋方伯

詞客風流故不群世家誰得似夫君侍臣舊和三陽  
賦弟子新傳九辨文下榻夜懸行省月銜杯秋割大

江雲自無奇字堪相問鄭重何來白練裙

懷忠祠謁孫許二先生二首

姐豆千秋此一堂還如巡遠在睢陽君恩獨抱丘  
山重臣節雙懸日月光死後勤王功總在生前殺賊  
恨尤長遊人不淺經過意欲叩丹心祇辦香

二

義旅西江事已沉兩公祠廟柏森森雙扶社稷千行  
淚對照乾坤一寸心傍砌晚葵猶日色昔人獨為自  
秋吟可憐曲突當年疏不悟君王恨至今

揚道行集

卷之十一

十二

別無號山人余將入都

春暮新裁白紵輕星軺今向帝畿行傍人驚語迎征  
騎夾路桃花映遠旌拙宦自應濬執戟逃名誰得似  
君平相思倘對齋頭月為酌清光見我情

同朱可大雪夜集張戶曹

漢廷朱邑舊循良折簡招携過辟疆雪色夜迷沙苑  
馬月華春汎薊門鴈醉來玉樹寒相映挹得幽蘭香  
亦香握手更憐佳會少也知不是草玄忙

贈答劉戶曹并悼令弟國徵亡友二首

三月新晴錦繡文夫君握手慰離群操觚已自推公幹執戟何來問子雲碣石題詩春欲暮新豐買酒日初曛池塘夢斷腸仍斷橫吹山陽不忍聞

二

鄴下風流此一時君家兄弟盡能詩逢余忽贈金光草對爾如披玉樹枝交態死生應自見匠心天地許誰知劉郎未被才名誤道士栽桃莫浪疑

送朱可大上陵

疲園春闕五雲高帝遣祠官出禁曹端笏恍疑丹

楊道行集卷之十一

十一

繡近遺弓空望翠華勞西山蒼黃留金盃東序龍飛有赤刀愴念累朝深養士松楸風雨一揮毫

春日遊暨園和申敬中韻

招攜出郭典春衣鎮日開尊坐翠微選勝鳥啼花外塢參禪僧卧竹間扉觴流湖月纖纖動馬踏山雲片片飛樂事自饒吾輩在阿誰渾忘醉扶歸

陪朱可大胡允岳申敬中三駕部鄭思成民部

陸伯生山人遊韋園四首

何來步履傍林泉况乃招攜鄴下臺薄俸儘拚花底

盡微名偏向酒中逃吟風蕉葉醒黃鳥喧日蜂房醒碧桃春色不知吾欲醉城隅猶擁月華高

二

偶從休沐一停驂望裏青山似鏡中不是王恩饒小吏何緣春色屬諸公醉餘暝踏燕山月談劇雄生碣石風便作吾廬應好在只教人喚浣花翁

三

遲日聯鑣出鳳城春深韋曲此班荆儘容野鳥頻窺客莫遣山翁解識名村樹晴分青嶂迥水畦遙帶白雲平傍人錯認金門隱自是前身澆酒生

楊道行集卷之十一

十四

四

潺潺溪水碧于苔為濯塵纓拍馬來津口跳魚衝岸沒梁間驚燕護兒迴喜聽鶯語頻移席貪數花鬢不記杯借問昭王臺下月古人能似此徘徊

送梁武庫典試貴州二首

使者蘭臺下鬼方如雲經術擁門牆文章夜起將荆色彩筆秋懸合浦光入殺儘伴三輔士驅車先擊百蠻王寄聲續食諸年少聖主恩深慎莫忘

二

儒臣封命別鵷行為校章縫到夜即爾自韞奇稱武庫人從乘傳望文昌盤江秋水看鱗躍酉穴卿雲起鳳翔門下美材應不少好收梁棟貢明堂

送朱可大偕陸給諫典試粵東二首

朝捧天書出未央擁經誰不羨仙郎漢儒舊避朱雲席粵使新偕陸賈裝方物交州收翠羽文章南海借珠光臨岐為酌榴花別明到羅浮寄八行

二

楊道行集

卷之十一

十五

幾年抽筆侍金華帝遣掄材海上行水鑑遠分雙鳳闕文星偏映五羊城兩曹握草稱高第百粵談經起大名恠底如雲門下士曲江風度自諸生

集張氏荷亭遇雨次申敬中鄭思成韻

陰陰嵐氣乍沾衣選勝微歌逗晚暉深坐不知啼鳥換急觴猶傍落花飛色含翠捧迎風淨香入紅蕖過雨微何事沼開魚撥刺陶然對爾一忘機

集張園折荷葉送酒戲荅陸伯生

名園長日遲幽期携醞何妨倒接離石磴雨餘深坐

處薛蘿風淨納涼時狂從酒伴斟荷葉醉倚歌兒愛藕絲山簡阿誰扶上馬故人應許葛疆知

送朱吏部典試關中

水鏡曾從故事聞使星昨夜向秦分攬奇舊入西京校藝先懸吏部文顧盼驕驍收逐電吹噓鵬鶚看雲扶風才子推班掾桃李門牆總屬君

鄒孚如謝病歸雲夢二首

謝病翹然下帝閭何如梅福隱吳門攜來白雪饒生計已得青山亦主恩故事名懸水鏡重著書人財

楊道行集

卷之十一

十六

薛蘿算子虛雲夢休揚厲七澤如君氣幾吞

二

詞客鄒陽故不群別離今日賦停雲神僊玉樹應誰並學士銀魚早自焚耽隱久枿東郭履迹名羞待比山丈謝公雅負蒼生望未許林臯已屬君

初得告舟中雜詩五首

何緣多難賦初水嘆息籌邊事已非赤羽未紆明主願青山先賜小臣歸也知梧葉逢秋盡自是殘心向日稀但使普天無戰聞不妨江上老漁磯

二

秋楓夾路氣蕭森遊子于今返故岑一箇謗書臣罪重幾年休沐主恩深肝腸不盡書遺血骸骨猶餘去國心自嘆相如消渴病金盞天上望沉沉

三

捷書初下赫連城更遣樓船海上營血詎能稱定難乞骸端不為榮名故山鵠底應無恙新月舟邊恰有情若道論功遺介子一蛇猶自愧平生

四

楊道行集卷之十一  
辛苦中原兩出師扁舟何事學鴟夷可憐溫詔重留日正是流言三至時汀鴈唼蘆寒自語夢蟲避苦誰知江湖總主情無極夢依依親玉墀

五

鄒郎當日惜分攜余亦歸來學灌畦宇宙儘容吾道在行感何訝兩生齊千秋大業秋中得百紙新詩醉後題念爾同聲應不淺楚雲江樹各凄凄乎如亦以人言謝病去

官軍收復志喜

露布初聞破羯胡倒戈更報塞麻誅官家自此應加飯天下于今好賜酺便作買舟歸亦得不妨扶杖病全蘇鯨鯢尚復生心否梟獍能逃醢肉無

先大夫忌日二首

一從家難棄諸孤幾欲捐糜強杖扶書籍僅存寧忍讀容顏空憶不堪圖博思當日先嘗否却恨于今反哺無落木蕭蕭風正惡杜鵑何事更悲呼

二

楊道行集卷之十一  
傷心猶記兩髦初泣血翻驚四載餘本謂一盃嘗酒墓何知五斗又徵書松楸况復經年隔樵牧還應北舊蹊蹤廢藁我情自苦可能膝下學牽裾

憶昔

憶昔行間對羽書而今江上狎樵漁敢云掉臂功成後實是驚心痛定餘變態未論曾失馬畏途只合登迴車鑑湖倘得君王賜到處青山好結廬

罷官二首

豈是匡時與願違無才只合罷官歸鷗盟負汝今應逐鷄肋牽人昨已非決策舊慚驚鶴陣倦游新換羝

荷衣摧蘭蕙尋常事敢向幽巖怨晚暉

二

信是人間行路難也知高卧息風湍漫圖書閣先投  
閣差喜彈冠已掛冠東去江湖無樂土北來天地有  
狂瀾聞鷄錯認趨朝夜猶自憂時淚不乾

贈賈督瞻民部

余既廢屏居田間民部枉顧小墅惠佳詩  
率爾奉荅

山中自作烟霞侶天下誰為金石交知爾批鱗驚海  
嶽道行集卷之十一

內為余飛旆駐林坳延津忽躍龍雙鋸秋棘何來鳳  
九苞賈誼有才猶未達楊雄已老又烏嘲

愁霖二首

愁霖兀兀滯江城秋思蕭蕭聽鴈聲乍晒竹枝扶復  
墜又陰苔蘚踏還生只憂負郭防農穫轉怯衝泥潭  
馬行旱潦自應消息理向來恒雨不須驚

二

深秋黍稷垂垂實積雨川原莽莽陰不分義和翻失  
馭生憎風伯苦為霖盤渦浴鷺畦間見潢潦鳴蛙窟

底尋自是燮調公輔在野人空切補天心

送瞿處夫訪王子聲臨漳令

秋風蕭蕭吹樹枝欲別不別猶一危無那言咲只此  
夕縱然夢魂能幾時江湖交游我自見宇宙事業君  
應知明到鄴下得王粲怨勤寄緘公讌詩

秋夜小園口號

城南吾廬浣花莊苔蘚滿逕書滿床戶外小溪夜活  
活山中古木寒蒼蒼帝優野人放林莽天與秋月  
供壺觴把酒欲飲一相問幾人此夕歌滄浪

楊道行集卷之十一

辛

丙申九日二首

九日霜楓葉欲丹黃花聊為故園歡登爭高慶吾應  
避樓有早枝意亦寬萬里愁人看鴈陣一年秋事在  
漁竿白衣寂寞江州酒泥罷茱萸獨倚闌

二

采采東籬菊滿枝柴桑又是濁醪時雕虫漫憶滕王  
序戲馬猶傳孔令詩縱使杯乾還復瀉偶然帽落不  
須吹遙知此日茱萸賜歲歲江湖有所思

贈樊翁二首翁舊為博士五子兩為令吾令長

君迎在郊

老來三逕漫優游，繞膝兒孫百不憂。  
傳士于今稱祭酒，封君自昔比諸侯。  
二難更御陳公至，十日寧為陸賈留。  
見說黃州江咫尺，壽醅常釀水悠悠。

二

美人問寢在江城，秋日琴堂戲綵輕。  
政似馮君雙擅譽，兒如逸少五知名。  
已傳東海儒林傳，轉見南陵孝子情。  
種漆不妨丘壑老，只今補袞紹家聲。

按臺蔣公以河功晉尚寶卿二首

楊道行集

卷之十一

主

神羊淮海見威稜，帝寵膚功九列升。  
精格百靈盤地軸，力驅二瀆避山陵。  
符卿秩秩諸侯瑞，柱史人如六月冰。  
白馬不須沉瓠子，分明名世翊中興。

二

昨日玄圭錫未央，繡衣封事勒旂常。  
風裁舊避乘驄使，恩命新頒尚重郎。  
功在寢陵優禮數，志傳溝洫習朝章。  
河流萬襪渾無恙，湯沐重瞻節鉞光。

門人徐比部恤刑江北過訪二首

帝里爰書簡命催，停驂猶對故人杯。  
不緣銜詔金雞

至何得當筵玉樹開，但使陽春回黍谷。  
只教秋月照葵苔，泣車自體君王意。  
莫問高門駟馬來。

二

法星昨照覆盆多，更枉干旄問薛羅。  
湯網已聞三面解，翟門猶喜一人過。  
出藍羨汝青尤勝，尚白慚吾玄奈何。  
自是歸朝饒雨露，九衢驥裏看鳴珂。

丁酉元日

今年行年四十四，無那白髮星星悲。  
君恩親恩各浩蕩，酒態恣恣淋漓下晴更。  
開群咲久凍瞥見。

楊道行集

卷之十一

主

梅一枝紅翠涼，倒自吾分謳歌忻忻全盛時。

豫章任父王孫名父之子，少而能詩，訪余山中。

賦贈

千里何來訪華門，風流今代得王孫。  
苑無鴻寶堪相秘，匣有龍泉已自尊。  
樂善不須宗正法，通親終荷聖朝恩。  
亦知投簡非吾事，詩律全君細討論。

任父王孫全江大飲小園

德星昨傍浣花莊，駐馬嘶杯興轉長。  
二仲政云從蔣詡，八公應得待淮王。  
山光帶月娟娟淨，草色含風冉冉

再香自是滄洲生事在莫將吾道問行藏

再贈任父

豫章才子故翩翩握手江城意渺然俠氣儘教吾輩  
在詩名不受世人憐自慚作賦楊雄老誰似傳經劉  
向賢恰是淮南招隱地王孫芳草若為緣

春日全汪氏兄弟郊行飲

春郊春日綰春愁吟折桃花當酒籌謝氏弟兄皆雋  
秀陶家丘壑自優游狂拚市遠千山暝晚怯衣車二  
月秋但使江湖常不負與君俱作醉鄉侯

楊道行集

卷之十

三十一

是日更與汪氏兄弟飲魯六新贅婦所亦在郊

外噉而得詩

步屨尋春載酒遊野蔬還為野人留喜看牛女期何  
早夢入池塘句已酬選勝祗應頻駐馬忘機端擬不  
驚鷗接羅倒着渾忘却月色歸程意轉悠

丁酉寒食

一百五日花如烟四十四春春可憐莫嘆龍蛇自不  
偶即呼牛馬吾油然青山不妨了詩案白雪耐可充  
詞賦

全汪氏兄弟謁導甫別駕公墓公強記為里際

酒余童子時辱國士之知

平刺風流衆不如墓多宿草為知邇一垓轉恨長埋  
後三篋難忘強記餘獨行臺故餘碑傳以年親受墓  
豈書亦知堂構諸君在自是西州慟飲紆

汪四莊觀柳秧

柳陰深處即柴荆有客招攜緩轡行看竹馬嘶穿野  
色挿秧人語雜溪聲敢將種豆南山諒只為開尊止  
海情濁酒增頭眩送否與君懷抱真醉傾

楊道行集

卷之十一

三十二

外父無號山人七十

山人避世仍塲東七十矯矯異秋鴻耕鑿宛在房天  
氏姓名但喚商山翁眼前冰玉自不及膝下芝蘭誰  
能同笑指醅醕江江水一年一度酩酊紅

雨晴

輕雷送雨過山城小閣疎簾展快清心與兩間都洗  
蕩眼千古獨分明不知何物含香吏恍記前身漉  
酒生月色飽看吾欲睡隔溪猶聽采菱聲

李仲白飲小園惠佳句奉和四首

落星昨傍野人居已分蓬蒿逕懶除人誼江湖應更  
少主恩紅壑不曾踈酒酣齒齒香堪把詩就芭蕉  
淨可書相憶行藏莫相問花間流水自成渠

二

何來剥啄問荆扉江上鷗群已息機穩步未論今却  
是掉頭真覺昨還非解嘲喋喋吾猶拙得御沾沾爾  
自稀莫怪剪蔬頻送酒也應丘壑假霜威

三

浣花溪上草堂深有客翩翩問盡簪壘石敢云司馬

楊道衍集

卷之十一

十五

法疏泉聊作卧龍吟竹因徑入成佳事鳥為頻來弄  
好音此別與君須努力江湖廊廟又何心

四

幾年魚鳥自沉冥何物柴門傍德星我已避人頭業  
白君胡知已眼還青才名落落仍貧病世事悠悠有  
誰他日定饒鍾鼎業可憐回首草玄亭

仲白書中更得黃漢州見惠之什賦答四首

小乘秋來事事幽新詩天畔若為投已從北海陪詞  
客更向東陵識故侯和璧隋珠應自美水鳥山鹿復

何求勝游亦有浮槎興倘許平泉十日留

二

與君江上各烟蘿孰與君詩粲粲多百里河山雙傲  
骨千秋天地一悲歌故人不放狂題鳳道士應知欲  
換鷺况是龍門尤尺咫向來僑札近如何

三

連枝標格向來聞况復風流挺不羣知爾山中饒小  
草令人地下憶脩文氣蒸肥水看雲起星到廬江入  
斗分莫問五湖誰更長正洋千頃自夫君

君弟黃二  
余亡友

楊道衍集

卷之十一

十五

四

五柳先生漉酒巾偶然江上問垂綸攜來白雪千秋  
在唾去黃金四壁貧野態渾從鷗鳥狎交情偏向布  
衣真開函更擅銀鈞美愧殺當年問字人

寄豐城李明舉憲副

幾年長嘯各江烟知爾冥鴻更渺然襄水漁竿應自  
老豐城龍劍為誰懸提戈東海鯨鯢裏採礦中原對  
虎遊時事不妨安石卧相思無那夢魂牽

乾楚人王一鳴余于王無生平之素而稔其高



才早天悲之

萍踪訊問生前隔萬里哀辭死後其每為憐才追異  
代忍從當世失詞人才高沈謝休前輩命薄盧王更  
後身官日若求封禪草漢廷詞賦許誰倫

偶成

幾年芳草閉門深展帙聊為擁鼻吟愧我傳成元凱  
癖從人書喚孝標淫交經三黜應多慙事到千秋合  
苦心莫笑楊雄空寂寞感時還有百官箴

病

楊道行集

卷之十一

二十七

睡起踉蹌強杖扶浣花荒途嘆僅鋤三年善病如時  
宦萬斛多愁似賈胡已嘆青雲無羽翰轉憐白雲在  
頭顱姓名自是鷓鴣子只合扁舟汎五湖

送郡幕後守入覲

坐嘯功曹口是碑喜從方岳覲丹墀專城玉帛來三  
殿入幕冰壺映一時天到荊門春色早澤留滌水福  
星垂此中太守原高第分得黃金爾自知

寄蘇子長右史渠以詩索序于余

一別風塵兩鬢知開緘翻似夢中時慚非玄晏先生

似得青蓮居士詩  
意家聲仍曳履不妨官况只  
新丘梁園校簡多清暇可念江頭有釣絲

陳志玄游越學歸而示我雁宕園賦贈

見說翩翩賦遠游歸來應擁敝貂裘有無鴈宕如圖  
畫曾否羅浮得唱酬  
中伏不妨仍五岳揮毫只合占  
千秋他時倘蠟登山屐畏爾題詩在上頭

壽少保尚書褚公四首時予告

閒氣曾聞獄降初即看鍾鼎更誰如功垂社稷多封  
事論在河渠有特書苦逸不妨仍聽履草堂亡恙合

楊道行集

卷之十一

二十八

懸車朕肱自是君王託分得蒿呼萬歲餘

二

已從恩詔乞青山春日春尊好駐顏朱紱會須拋  
物外赤松原只在人間  
三朝竹帛題名重千里蒲  
輪擁傳還老去非熊如卜獵釣竿涂水未應閑

三

蕭相原來鼎伯精轉輪功已冠朝廷暫歸草木猶  
威望優詔江湖尚寵靈自昔人間香鳳翥于今天上  
哀鴻冥荀家况是高陽里濟美何妨占一經公八子

四

誕日溫綸許息肩行藏真荷 主恩偏須知遺愛如  
羊祜即是長生有倖倖若箇能辭丞相貴何人不嘆  
大夫賢 至尊祝噎尋常事可但凌烟畫獨傳

過來安贈冷尹

幾從入境聽絃歌下榻猶慚孺子過縱是一城如斗  
大也應萬口似碑多情深為我頻投轄宦達知君欲  
夢禾粟里自饒三逕在干旌只恐傲漁蓑

春日浣花莊課門人偶述

集

卷之十一

春日鶯啼小閣幽問奇遠似友聲求艸因講學多書  
帶石為談經亦點頭弟子文章誰五色野人丘壑自  
千秋只今豈有三台象領得嘶魚愧爾儔

贈李旭山中丞忤 旨致仕中丞以舊寮時存

問余

批鱗又見重臣歸忍為東山遂拂衣猶冀 君王停  
權使不妨公輩在漁磯交經時艱情已劇弟到安危  
諒亦稀遙憶括蒼龍卧處

楊道行集卷之十二

目錄

七言律詩

壬辰南宮余以職方郎部爭如以文選郎各  
分校鄂校禮余校詩

諸將三首

癸巳九日二首

西墅

浣花莊

田家看竹留飲夜歸

隣翁送酒

送彭應壽守南康

楊道行集卷之十一目錄

懷朱可大二首可大以忤 旨謫戍諸公申

救得為民

答天長黎尹見懷 懷嚴應文

酬門人張季芳舉人

賦得順義王扯力克得樵字二首

門人楊曲沃以書見慰答之

癸巳至日二首

遣興

日暮

冬夜偶聞

贈外父無號翁

甲午元旦二首

人日效唐人應制體

風雪

述懷限韻

欣州阻雨

京口舟中

金山寺二首

過丹陽懷姜仲文大叅前督學時宅憂

申敬中邀同吳葉二都諫遊虎丘

再贈敬中武庫

岳王祠

遊西湖

謁于少保墓

答字如

楊道行集

卷之十二目錄

二

樊明府欽之前御史枉顧并惠修書贊賦謝

二首

和樊明府夏五喜雨燕為學宮多稔之兆二

首

寄賈魯瞻

暑中欽之見訪二首

草堂

滄洲

飲田家

甲午九日

乍晴

欽之弟玉衡鄉薦二首

訪賈魯瞻

懷遠信楊行可臧方宅憂

自遣

雪中欽之見訪

乙未元日

有客

謁南玄戚先生祠同樊便君作

愁

留欽之

乙未初度酬樊欽之二首

寄賈魯瞻

端午前一日欽之招飲

贈滁州羅君

飯商山有先大夫題

楊道行集

卷之十二目錄

三

過許氏

朱村壩別業

望獨山

朱村壩觀秋水

朱村古壩秋濤洶如是為吾莊一巨浸得侈

為詩

錫山訪顧叔時季信兄弟二首

京口道中懷樊明府

漫述

寄南少司馬許敬菴先生二首

贈陳以成督學

乙未長至

懷吳幼鍾

丙申元日

人日樊欽之招飲 穀日立春

五日獨酌率爾扣體時乎久燥

大行 仁聖皇太后輓詩四首

初秋

別張翁之決旬而計至哭之

已亥元日二首

寄梅尚金文學往歲得詩刻并書

懷吳幼鍾以河南參政自免二首

楊道行集

卷之十二 月節

四

楊道行集卷之十二

全椒楊子連著

七言律詩

壬辰南宮余以職方郎鄒孚如以文選郎各分

校鄒校禮余校詩

共爾掄文翰墨場黜浮亦似宋歐陽已知水鑑歸銓  
吏絕勝包茅責職方綵筆萬人千氣象青萍百萍見  
精光諸儒詩禮家無數若個先升白玉堂

諸將三首

楊道行集

卷之十二

一

近聞海上尚揚波使者樓船未返戈我已迂狂今及  
此國方紛擾竟如何亂來思古才應少賤後論交態  
轉多投老可能瞻日表洗兵誰為挽天河

二

反書憶昔日交馳 天子臨軒怒赫斯武帝自誅荀  
彘使令公實敗相州師何知覆兩轡成謗却悔移山  
已是愚安得普天皆息戰老農常醉太平時

三

方歲歲患天驕十月胡兒擁射鵬關墮豈無秦斥

將軍不是漢嫖姚徵兵雲谷終非計轉餉東南半  
已凋寄語河湟諸長吏流亡誰達 聖明朝

癸巳九月二首

去年九月波濤哀今年九月歸莓苔有田多收歲十  
斛無病強醉時百杯冠服已敗牧豎狎姓名何用漁  
翁猜幾拚登高懶復登

二

驚心今日是九日四首  
急黃花紫萸並節為憐太清溝壑已厚幸即辱泥塗應

楊道行集

卷之十二

二

暢然便與南隣田父飲醉歸明月橫前川

西墅

看山小築城西墅但見秋雲片片來漸喜交游無一  
字不妨愁病只深杯盤渴浴鷺鷥人去小閣寒花向  
客開補衾盡麟時輩在行藏吾已卧莓苔

浣花莊

近關吾莊一畝宮浣花亦在小溪東釣名敢學中  
相避世聊從河上公病後濁醪堪自遣興來新句為  
誰工黑頭返服真非易大可嫣然傲菊叢

田家看竹留飲夜歸

侯舍有竹高出雲對之陶然忘夕曛已將百杯謝塵  
事何可一日無此君月出當筵更皎皎夜歸拄杖還  
醺醺若逢醉尉呵亦得莫道余是故將軍

隣翁送酒

山中病肺惟高枕日日柴門午不開偶喜鄰翁携酒  
至何期野艇得魚迴割鮮率爾無蕪味取醉陶然只  
數杯黃獨紫芝應自暮菰清角為誰哀

送彭應書守南康

楊道行集

卷之十二

三

春滿匡廬月滿湖風流能使君無綰符况得兼丘  
壑卧閣真成一畫圖何物雙龍占氣色有時五老對  
招呼洞中白鹿如相見道我行吟只據梧

懷朱可大二首可大以忤 旨謫戍諸公申救  
得為民

近聞嚴譴放江干想見憂時淚未乾我已不才其棄  
置君今何事更艱難莫矜抗疏名猶重得齒齊民澤  
已寬能一此生相晤否相思誰為問平安

二

憶昔周旋供奉年，隣居嘗贈野人篇。畏途自是同心契，失路誰為見面緣。別後論詩仍健否，向來對酒只凄然。好將一掬思君淚，寄到長江若箇邊。

答天長黎尹見懷

仙令琴堂秋水清，投來瑤草露華明。青山玩世余三黜，白雪驚人爾一鳴。賸有時名憎計拙，渾無官態覺身輕。工文自是妨簪組，莫學當年太瘦生。

懷嚴應文

與君同是倦遊人，恨不如君早乞身。蜀市何妨開卦

揚道行集

卷之十二

五

卜桐江無恙着絲綸，歲華閱盡秋將晚。交態諳深老更親，他日五湖能見訪。鷗夷莫問姓名真。

酬門人張季彥舉人

拙宦何能吐一奇，投閒丘壑雅相宜。秋來秋扇應捐汝，老去蛾眉可怨誰。屋裏青山堪隱几，籬邊黃菊好啣卮。門人只有侯芭在，為念楊雄寂寞時。

賦得順義王拙力克得樵字二首

貢市羈縻自聖朝，敎功歲歲國恩饒。金縢未入諸蕃馬，文武先簪八座貂。四海軍儲應半竭，九邊戎籍

豈全駁。追斬樞筦真無補，只合歸休伴野樵。

二

半傾中國飼天驕，一入臨洮草木焦。經畧豈須煩制使，神靈只是仗先朝。白登實就陳平計，西域虛從博望招。九塞幾人談俎豆，五湖何處問漁樵。

門人楊曲沃以書見慰答之

高弟緘書問寂寥，驚魂今日黯然消。仲舒已為春秋誤，宋玉何須楚些招。豈有雄名堪睥睨，不妨清興足逍遙。許身稷契諸君在，奚必巢由可事堯。

揚道行集

卷之十二

五

癸巳至日二首

至日陽回黍谷知，天寒風急鴈飛遲。梅花欲向先春綻，段管應從子夜吹。多病支離唯檢藥，無官樽散只啣卮。宮中一線添何似，滿眼氤氳有所思。

二

經旬藥裹病初蘇，長至梳頭強杖扶。恰喜一陽回宇宙，不妨雙髻對江湖。望中雲物依然否，夢裡天顏似舊無。此日閉關聊靜攝，應門童子莫驚呼。

遣興

醉踞青山也自豪狂歌白雪為誰高已裁彭澤先生  
柳不問玄都道士桃萬籟依然仍世態千秋無恙自  
吾曹少微莫更下星象滿地江湖日日濤

日暮

休嘆搖落髮如絲一紙曾驅百萬師罷去圖書無舊  
業老來耕鑿有明時雪晴排闥千山出日暮歸林獨  
鳥遲九寒莫嫌名姓在扁舟吾已喚鷗夷

冬夜偶聞

匝樹歸鴉晚不飛上林寧復問芳菲已知碩果存無  
楊道衍集 卷之十二 木

幾可耐東風落更稀日至尚驚春寂寂夜深空見月  
微微傳經抗疏心俱折不是翫然好拂衣

贈外父無號翁 有片

翁與先大夫九人為詩社今其八人者亡矣  
翁近詩一章慘不可讀蓋一以傷故舊之凋  
喪而一以懼壽命之不長云余為詩廣之無  
用為祝然嗒于夢我不知其淚之淫淫下  
也

悲涼扈返於真一老歸然酒漉巾憶昔盍簪無舊

社至今挂劍獨斯人遠生已憶蕉中夢玩世何緇陌  
上塵每念香山如父在大椿常對歲華新

甲午元旦二首

二十二年頌正朔青陽左个坐垂衣身當盛世老將  
至眼見故人今亦稀丰凍柳梅含城城乍晴橫潦美  
暉暉客來但酌屠蘇酒莫傷五蘆望少微

二

百年此日煎何急元日今年感倍多鍾鼎于人既無  
分江湖從此莫虛過且來月令拚游賞忍對春風不

楊道衍集 卷之十二 七

醉歌若道駐顏須大藥陳駒安得魯陽戈

人日效唐人應制體

人日鶯啼淑景催金屏寶帳勝初裁凍含宮柳千條  
暗暖入堦棠七葉開御氣青陽瞻左个卿雲黃道接  
中台江湖廊廟皆恩澤輕說當年侍從才

風雪

經旬病肺朝慵起愁見春來日日陰亂落雪花寒大  
剽怯開梅並凍難尋轉嘆生活無長計祇覺蹉跎負  
此心徑卧閉門吾亦得陌頭車馬淨泥深

述懷限韻

一箇雲霄隔萬重，難馴敢謂性為龍。  
明農雅習占晴雨，養士深恩荷祖宗。  
對酒漫邀千樹月，哦詩只倚兩株松。  
白頭黃犢差仍健，不厭漁夫數過從。

瓜州阻雨

舟江上路迢迢，行李猶餘故黑貂。  
雨氣北迷瓜步樹，水聲東控海門潮。  
半生雞肋悲前事，千古龍吟憶往朝。  
日暮臨流情不極，胡床箕踞聽吹簫。

京口舟中

揚道行集

卷之十二

已向君王乞此身，扁舟閒岸白綸巾。  
春來浦溆迷吳樹，老去荷衣似楚臣。  
京口鍾聲雲外寺，廣陵帆影霧中人。  
酒酣拄杖磯頭立，一曲漁歌月色新。

金山寺二首

石鏡遙峙大江東，襟帶三吳百二峰。  
浮玉山疑龍伯國，布金人在梵王宮。  
上方鐘磬明霞外，下界帆檣夕照中。  
自是凭欄多感慨，鯨鯢駭浪正匆匆。

二

受從宇宙此山浮，屹立東南擁上游。  
地戴巨鼇還萬

仞天開靈鷲，自千秋潮聲灑灑翻。  
龍窟日氣扶桑射，蜃樓登覽渾如綴嶺鶴。  
不知何物勝滄洲。

過丹陽懷姜仲文大參前督學時宅憂

少年通籍共君恩，三十超遷岳伯尊。  
行省金湯兼列郡，諸生桃李在公門。  
雲霄自識交游少，丘壑誰憐故舊存。  
縱使衰我詩總廢，也應離恨為消魂。

申敬中繼同吳葉二都諫遊虎丘

五嶽盧敖興不疎，崑崙拄杖意何如。  
點頭石自談經後，濯足池從鑄劍餘。  
風俗吳歆傳往曲，山川越絕憶

揚道行集

卷之十二

九

遺書諸公出處關天下，汀瀉江鷗獨媿予。

再贈敬中武庫

一從嵩嶽降生申，公子翩翩玉作人。  
武庫爾應稱博雅，文昌誰不想經綸。  
賞心花石春懷暮，把臂漁樵晚更親。  
此別與君須努力，山林鐘鼎各天真。

岳王祠

王業神州已陸沉，將軍祠墓肅陰陰。  
和戎社稷渾無策，報主乾坤只此心。  
原草尚含南向恨，寒鴻空斷北來音。  
尤憐十二金牌詔，父老攀留淚滿襟。



遊西湖

已得身閒傍此湖湖間春色屬漁夫  
蹕衣峰舊從飛墮放舸人今在畫圖  
太守有堤仍宿草將軍餘墓只寒蕪  
繁華流水君休訝且向花前倒玉壺

詞于少保墓

少保祠堂俎豆新當年定難憶斯人  
叩關書獄書猶在象冢祁連詔未碑  
飛去五龍扶日月轉回八駿翔乾坤  
忠魂岳墓常隣近千古傷心在殺臣

答學如

楊道行集

卷之十二

十一

籌邊無計髮空斑九折寧辭晚  
還臣罪有難寬白簡主恩猶自乞青山  
盧敖柱杖身差健范蠡扁舟夢亦閒  
七澤可能容釣餌與君投老白雲間

樊明府欽之前御史杜顧并惠修書賁賦謝二

首

歸來垂釣自嵐端小隊何勞禮數寬  
百里乍看鳬是為萬人曾避步為冠  
文翁化俗心猶在賈誼憂時淚未乾  
不是霜威容傲骨野蔬安得整交歡

老去東門學種瓜貴然驄馬意偏賒  
草堂貲已遺工部粟里錢應付酒家  
自識榮名如嚼蠟何妨畏路有含沙  
與君只合尊前醉肯向春明問歲華

和樊明府夏五喜雨兼為學宮多捷之兆二首

得歸茅屋學明農猶喜商霖暝後逢  
雨為隨車千畝潤雲凝停蓋萬山重  
一犁此日占豐歲十斛何人不素封  
知爾龍門波浩蕩也應江鯉願為龍

二

使君甘澍若為期田父扶犁慰所思  
觸石豈緣離畢夜翻盆偏趁出雲時  
須臾造化吾何有咫尺精誠衆不知  
二頃自拚枝老處頽然野眺一題詩

楊道行集

卷之十二

十一

寄賈魯瞻

同病誰憐久索居美人高枕獨躊躇  
風流舊識含香吏日月猶懸痛哭書  
薛荔山中堪自把刀鐮天上定何如  
行藏各有君恩在莫向滄洲學釣魚

暑中欽之見訪二首

慵病柴門午不開傳呼刺使君來魚  
窺繡旁翻青荷病柴門午不開傳呼  
刺使君來魚窺繡旁翻青荷病柴門午  
不開傳呼刺使君來魚窺繡旁翻青荷

行迴踏花驄破碧苔傍檻篁陰從岩  
幘當筵山色對

河杯風流河朔吾曹事遮莫頻頻書渴催

二

一築溪西一草堂千旋搖曳問滄浪松篁對酒含風  
淨荷菱留人帶雨香駐馬不妨馴鶴逕聽鶯只在浣  
花莊炎天恹底渾無暑自是行臺六月霜

草堂

清簾疎簾掩稿梧草堂深處一潛夫花間流水非人  
境樹杪行雲入畫圖得句敢爭詩社長有錢只付酒  
家豪壯心習氣都灰盡慙說當年擊唾壺

楊道行集

卷之十二

十二

滄洲

丐得君恩歸敝廬天涯生事問樵漁已知竟是遽  
遯黃猶喜曾無咄咄書癖性不妨詩律細率真應與  
世人踈滄洲吾道依然在莫惟淵明手自鋤

飲田家

獨坐箕踞懶着冠田翁過從時一歡鮮鱗落砧白潑  
簇香摘滿籬紅團圓旋檢曆日看節序促裝綿衣防  
驟寒甕頭醲秫恰已熟痛飲無問秋來乾

甲午九日

九日衣單未授綿家人生計更茫然陶公自愛籬邊  
菊阮氏猶餘杖底錢但使江湖供野釀不妨風雨妬  
秋天登高欲望長安道無那迢迢隔暮烟

乍晴

杖藜徐步蔚藍天瞥見農人佈麥田久雨苔痕生几  
下乍晴竹色到簷前山園柿熟攀猶脆秋水魚肥割  
尚鮮禹稷總輸巢許趣一竿江月一犁烟

欽之弟玉衡鄉薦二首

續食賢書貢帝京季方難弟蚤知名為鵬自擊三千

楊道行集

卷之十二

十三

里抱壁先償十五城楚國有材饒大廈謝庭無樹不  
芳莖萬言廷對須攄畫臺上黃金已築成

二

曾從鴈序識雄文瞥見飛騰五色雲解額褒然三楚  
士美名何減大馮君江流畫起蛟龍窟夢澤秋盤鵬  
鶚群他日匡時昆季在棣華荆樹向來聞

訪賈魯瞻

天上曾陪供奉班生涯握手問青山長楊我自非文  
似宣室君應有召還話舊心傾千里外憂時淚墮一

杯間慙動為勸寬相憶斷行參好駐顏

懷遠言楊行可職方宅憂

言君讀禮在蓬蒿余亦行吟泣楚騷唱和墳荒非異姓  
後先樞筦更同曹心如淮水悲常咽韞有荆山價  
自高莫以夢我灰仕進故人翹首望綈袍

自遣

栗里先生低角巾家無擔石不辭貧出門野服羣兒  
笑入寺山僧老衲親身外苦吟猶物役眼前長醉獨  
天真晴簷曝背捫衣虱自信羲皇以上人

楊道行集

卷之十二

十四

雪中飲之見訪

翻經初對十牛車小隊傳呼掃雪花敢謂衝寒留上  
客偶然乘興到貧家日暉曲檻融融薄風急回簷故  
故斜但使洛陽占歲稔開門僵卧不須嗟

乙未元旦

元日三年隔紫宸天顏應共萬方春遙知早夜握水  
處正是嚴城待漏人棠棣定開明聖世椒花偏媚太  
平身願隨陽氣噓枯木腸斷寒雲淚滿巾

有客

春盤春日酌屠蘇有客高陽舊酒徒入座敢辭鸛鶴  
舞傾尊寧問鸛鶴沽已從狂態忘交態轉覺窮途勝  
畏途不信德星今夜聚也應江上一潛夫

謁南玄戚先生祠同樊使君作

給諫祠堂古木蒼森森正氣護宮牆遺書一代南山  
重封事三朝北斗光使者蚤求徐穉墓門人猶記  
鄭公鄉君王佇有中牢祀為採先臣諫獵章

愁

三年伏枕尺書空江上猶餘一畝宮心似孤葵還向  
日身如飄絮不勝風是非自合隨淮橘得失何須問  
楚弓共說解憂唯有酒酒酣愁緒只匆匆

楊道行集

卷之十二

十五

留飲之

德星昨夕傍吾廬門外驚停長者車小隊自諧三逕  
菊貧家相對一床書江湖牢落憐同病日月崢嶸愧  
不如恰有百錢堪買酒與君垂老莫情疎

乙未初度酬樊欽之二首

曾將名姓挂朝簪老去江湖混跡深負米摠成遊子  
恨懸孤空抱壯夫心寧知得罪非懷璧猶喜論交有

斷金四十二年吾底事與君聊誦白頭吟

二

一自鴟夷改姓名幾從雞肋愧吾生馳驅兩署無經  
濟養育三朝有聖明自信東方非太歲誰云李白  
是長庚故人莫問刀頭約到處滄浪可濯纓

寄賈魯瞻

九關一闔各風烟夢裏刀鏢亦渺然鐵羽儘從三逕  
在批鱗不必萬人傳交經貧賤應相棄事到艱危且  
自全提筆寄君腸欲斷江湖攜手定何年

楊道行集

卷之十二

十六

端午前一日欽之招飲

令節明朝與莫孤蒲尊今夕亦招呼嗚水故事猶存  
否親渡驛人更有無政暇只修逃暑會時清寧問辟  
兵符不緣伏櫪思千里肯信狂夫筆端壺

贈滁州羅使君

露冕行春近若何使君為政有謳歌携來南海明珠  
遠潤到環滁時雨多自信鞭蒲綠訟簡共稱賈劍得  
民和陶潛可是江州客栗里能忘載酒過余屏居里  
使君時蒙

通

飯南龍寺壁間有先大夫題

龍山山下有招提一笑逢僧似虎溪經繹法華塵乍  
沈飯留香積日初低座中樹色開名勝壁上苔文蝕  
舊題手澤依然吾忍讀斷崖秋色若為淒

過許山莊

有田是喜雖城市歲歲秋成此駐驂宦態掉頭渾似  
夢世情經眼不須誇蓮花白酒初招社柵葉蒼山已  
結庵莫道野人生計拙向來農圃得深諳

朱村埧別業

楊道行集

卷之十二

十七

朱村埧邊茅簷低有客駐馬纔日西夕晴稍田見龜  
坼向溪漁子還雖栖秋色冉冉自落葉山光晶晶誰  
杖藜一杯藉草更趺坐醉眼明月橫前溪

望獨山

歧余望之岩巖巖欲往恰值秋風顛不是峰巒無拱  
向低綠培塿見巍然鴻穿落日冥冥去岫度歸雲片  
片懸登眺不勝今古慨欄衡賈誼為誰憐

朱村埧觀秋水

緩朽已樂果居子欲飲還從河上公秋水蕪葭攢蒼

雲晴天鷗鷺逐高風沿溪浣布此村女小艇綴層何  
處翁相望伊人不相見向來萍梗各西東

朱村古堤秋濤洶如是為吾庄一巨浸得侈為  
詩

灌河河水正淋漓縱目臨觀及此時不信解珠逢漢  
女也疑擊鼓有馮夷魚龍日抱洶洶窟黍稷秋深漢  
莽陂便合移家狎漁父鹿門嚴瀨是吾期

錫山訪顧叔時季信兄弟二首

一蹴翩然下帝京相攜江上狎鷗盟陸家宅向東西

楊道行集

卷之十二

六

任何氏山餘大小名已自迴車忘宦態還從按劍識  
交情秋風我亦思鱸膾遮莫人呼老步兵

二

歸來生事只滄洲知爾風流似虎頭春草幾回康樂  
夢故人初訪剡溪舟璫璫封把依然在鴻鵠雙翔不  
可求為問惠山山水下水也應流得醉鄉侯

京口道中懷樊明府

逐客萍踪江上舟相思浩浩對江流知君定有鳴琴  
興念我能忘鼓枻遊縱泛清尊能卜夜即看黃菊亦

悲秋歸時倘話西湖勝一酌還消萬古愁

漫述

廿年踪跡漫朝參狂態其如七不堪心似子牟依魏  
闕身如太史在周南言尋白杜頻移棹為愛青山小  
築庵莫怪尚平游五嶽向來益損易中諳

寄南少司馬許敬菴先生二首

安石東山海內知雄飛尤喜際昌時兩都八座星辰  
近一歲三遷日月私地厭黃金仍王氣風馳白羽自  
樞司夔龍事業須公等江上何妨老釣絲

楊道行集

卷之十三

七

二

斗氣朝來滿石城四夷司馬舊知名天留豐邑歸南  
國帝為鍾山借夏卿曳履日高玄武仗筦樞霜肅  
羽林兵璽書召對須臾事莫道滄浪有濯纓

贈陳以成督學

通籍全君入建章秋天鵬鷺孤翔西臺夜起冰霜  
色南國晴懸水鏡光簪笏萬人聞道路斷魚諸士頌  
門牆公餘定攬三吳勝惠我能分大國香

乙未長至

至日鳴珂集鳳樓三年回首夢悠悠  
葭灰未送幽篴暖宮綵先添  
逐客愁佳節頻過傷老大清時無恙樂  
優游閑閑只向齋頭卧肯為飛鴻放遠眸

懷吳幼鍾

不見皖城吳給事索居肝膽向誰投  
可憐賓客去畧盡欲問寒溫還復休  
天柱閣頭定一嘯長風沙邊能幾遊  
江湖落羽各揮淚腸斷故人俱白頭

丙申元日

五夜椒盤催曙景萬家蟻炬闌元辰  
江湖更布三陽楊道衍集

卷之十三

三

氣畎畝猶餘四海身有意名山終是癖  
無情流水不須嗔東風應解江干凍為  
傍漁航理釣綸

入日樊欽之招飲

繡衣攜醞及佳辰折簡招邀意轉親  
雙鬢江湖星是客一尊天地日為人  
座中雪色仍拖臘笛裏梅花欲放春  
應制定知頌綵勝也應簪筆屬詞臣

穀日立春

東郊穀日喚春歸坐對晴雲靄靄飛  
三殿特恩唐綵衣百官遺事漢青衣  
堦奠八葉迎風動官柳千條弄

雪暉獻歲只祈終歲稔為民寧忘小民依

五日獨酌率爾拙體時乎久燥

五月五日亦不惡荷花榴花紛披開臂綵  
五色爾何音角黍千人可哀襍穢轉愁  
東帝至臨降但想翻盆未無心百草間  
年少兀坐酤酌舊蒲杯

人行 仁聖皇太后輓詩四首

大孝徽稱萬壽春彌留猶念 嗣皇頻  
尊從嬀汭嬪虞日慈比奎山誕故人  
毋訓定存再百代天顏何似慰群臣  
亦知陟降神如在無那音容泣此辰

楊道衍集

卷之十三

三

二

地軸俄摧厥歲華萬方奔走覲休遊  
思齊自合昌姬祚明德何須數漢家  
帝為梧棲悲視膳人傳雲柳慘吹笳  
女中自昔歌堯舜 徽謚稱天未是誇

三

君王龍袞作班衣萬國懷心養更稀  
詎意雲軒還寢寢頓令 天表失瞻依  
人間律翟春難駐地下金鳬夜不飛  
先帝玄宮原咫尺九疑無恨未同歸

四

天漸深憑玉几時諄諄願命小臣知  
嬬皇五色空遺事  
文母千秋有夢思  
翟畫卷衣天不弔  
鷄鳴問寢帝無私  
江湖亦是鵝行舊  
灑泣高旻自詠詩

初秋

焚香開卷坐來幽  
瞥見梧桐一葉秋  
殘暑畏人頻閉閣  
晚涼呼月獨登樓  
蜂依房窠啾啾動  
龜貼池荷款款浮  
刈稻搗衣生事在  
隔年豐歉不須憂

別張翁之決旬而計至哭之

一閱重泉不復春  
旬來握手夢中身  
百年尚記交驩

楊道衍集

卷之十二

主

處旬日翻為死  
別人只有榮名高  
月旦也應神物離  
風塵他時慟哭西  
州路可但山陽淚  
濕巾

已亥元日二首

椒花頌罷酒盈觴  
老向江湖憶廟廊  
獻歲青陽居左个  
迎春蒼玉出東方  
閑門自愧貧仍病  
混俗人嗔醒亦狂  
昨夜捷書傳海晏  
年年含哺荷君王

二

一自歸來長五湖  
幾從元日對屠蘇  
須知歲序成驪  
燕即是君恩賜大  
酺  
拖凍短簷梅乍吐  
怯寒叢樹

鳥相呼春光耐可欺  
星鬢難道今吾非  
故吾

寄梅禹金文學往歲得詩刻并書

風流江左向來聞  
枉得翩翩白練裙  
耽句也嘲窮博士  
畏人莫道故將軍  
但教自起千秋色  
不必相期十日醺  
遙憶敬亭山下月  
清光何處對夫君

懷吳幼鍾以河南叅政自免二首

薇花行省正雄飛  
念爾翩翩遽拂衣  
四岳若猶裨衮黼  
兩河何必減漁磯  
可憐朝野憂方大  
只恐山林興亦稀  
相憶加飡須努力  
天涯涕淚不堪揮

楊道衍集

卷之十三

主

二

六百何如免曼容  
分藩歸去匣芙蓉  
也知入洛官仍達  
無那游梁興已慵  
戶外煙霞應傲客  
人間風浪不關儂  
曉城名勝堪招隱  
卜得青山第幾峯

楊道行集卷之十三

目錄

五言排律

贈顧道行二十二韻

荅鄒孚如二十韻

夏日同李和元莊中益避暑水月寺

壽無號山人 贈陳玉叔

鄒孚如謝病歸雲夢

白溝

東昌賦得鐵布政鉉遺事

荅孚如二十四韻

暑日陪樊明府飲王禮部兄園觀打魚河上

金八讀書軒十二韻

龍山寺 行經 皇陵

愁 為園

寄贈樊玄之進士

贈和州曾使君三十韻

奉寄少保楊公四十二韻公時以書并紈扇

文繼酒等存問余

奉贈督撫尚書褚公二十韻公以詩集託余

刪

悼汪大 偶述

贈于元敬罔丞



楊道行集卷之十三

全椒楊子庭著

五言排律

贈顧道行二十二韻

昭代重熙運明公挺作家山東逢李白江左見張華  
氣爽琴書淨春饒翰墨葩吳門鍾奧窟空澤起僊查  
經術傳於越謳聲滿若耶虎頭家益振鵬翮路非賒  
白下篇篇麗黃初字字嘉吟壇都辟易騷客漫紛拏  
畢卓豪何忝山濤跡未退居閑稀啟事長醉是生涯

楊道行集

卷之十三

南暑青綾被東方白鼻驕鵬鵠群自別豸觸衆無譁  
晴旭拾詩吟寒霜拂劍花幹時千里駕羅士八紘置  
顧我叨分虎為文辭書就微名緣忝竊清閑已交加  
官屬優孫楚生平荷叔牙飛揚關夜月溟滓落秋霞  
經愧桓譚好書容蔡氏誇名山爭碑元大國豈淫哇  
乍許覽山豹猶憐生井蛙相看如玉樹萬一倚蒹葭  
答鄒平如二十韻

天地扶吾道山川毓此人產來雲夢澤現得宰官身  
醞藉包河嶽沉冥詣鬼神鳳毛誰得似龍性自難馴

一入金門裏時披玉筍新西垣依日月東壁切星辰  
芝草焚頌色微花署底春鵠行唐閣老鷄舌漢宮臣  
已自推時序何曾問要津至尊方額俊小宰必殊  
倫特簡登韓愈名流識呂溱玉人神獨與金鏡鑒無  
隣群吏歸陶治三銓領緒紳朝端增喜氣天下望清  
塵叔夜狂獼獍山濤意蚤親魂來翻覬豁書到轉醲  
辛白雪為名誤青雲見爾真酒錢何處乞詩債幾人  
嗔道在從醒醉神全有屈伸何時對飛動猶未老麒麟

楊道行集

卷之十三

夏日同李和元莊中益避暑水月寺

樗散逃囂境皈依即上方林蒸炎氣迴潭沁野雲涼  
並憇青蓮晚生憎白日忙四禪緣不偶二妙意何長  
址海忻陪李南華久悟莊途猶纏世諦神已到空王  
自哂魔軍苦誰標佛印光三車須共載雙樹得同行  
妙理容精詰機心忽澹忘枯松閒錫杖深竹隱繩床  
白氎巾還著青絲履不妨座中皆管鮑方外有支湯  
聰法龍依鉢參禪鵠繞廊渾無煩執熱祇覺淨生香  
汲水蓮花潤鳴鐘栢葉芳官情拚黯淡詩思接蒼茫

日暝悠然罷清時頌太康

壽無號山人

不用知名氏江湖一散人閒吟青玉案醉岸白綸巾  
甲子重週日乾坤獨樂身澹心鷗自狎清思鶴相馴  
谷以一愚得林從七逸隣紫芝山下曲白石洞中春  
釣月還堪老鋤雲不當貧願公千百歲飛入武陵津

贈陳玉叔

是物關真氣何人得妙詮偶逢陳伯玉已失李青蓮  
璞以荆山韞歌從郢客傳揮毫麗春草振翮橫秋天

楊道行集

卷之十三

三

虎節臨淮日懿叢校蜀年九丘都默記三篋獨精研  
愛客多酒債購書空俸錢文工仍顯達行獨轉騰騫  
行省平章貴諸侯岳伯尊武夷春拍拍滕閣月娟娟  
地坼吳江闊巖排楚樹圓憑陵餘物色陶冶一詩篇  
白鳥窺簾坐青山對閣眠王人微自哂客子倦誰憐  
識面薇花裏傾心竹葉前閑門余寂寂驕座爾便便  
牛耳推先執龍門忝鳳緣片言傾海嶽高義薄雲烟  
下榻迎徐穉降階揖仲宣狂容誇僕被貧喜剝偷檀  
不朽須公等千秋幸勉旃

鄒子如謝病歸雲夢

雲歸巖際宿君亦卧雲岑試問果由耳何如綺皓心  
世人從嘆涕吾道豈浮沉習靜養三秀全生戲五禽  
青絳堪自把黃鳥若為青普浴荆山葛秋吟楚戶砧  
恩波休沐重日月著書深倦子住姑射丈人居漢陰  
飢芒朝射斗杯灑夜橫參草知誰拾桃源許獨尋  
山中窺隱霧天下望為霖公以愚名谷賢應竹是林  
欲歸歸使得鷄肋愧朝簪

白滿

楊道行集

卷之十三

四

虎關山東日龍飛薊北秋三千驅戰士八百會諸侯  
藩邸開黃屋王師下白溝丈人詢後載長子借前籌  
京觀鯨鯢泣軍聲草木愁吠堯原為主事項豈全仇  
世祖雖興漢頑民不事周人烟稀赤縣殺氣亘神州  
累葉拘秦帥紛紛繫楚囚梯航通上國筐篚貢窮陬  
百戰金符定三山玉笥收代王天所授少帝爾何尤  
荒草猶山堞饑鳥自戍樓天陰春寂寂夜月鬼啾啾  
古鐵行人得遺弓敗卒留風雲應不數魚水若為校  
列將河山在元臣劔履優難歸大度宇宙仰洪猷

創業從茲始胎禍與僞經過重懷古瞻望淚橫流

東昌賦得鐵布政鐵道事

已是封疆吏臨危敢愛身自甘為野犬不肯作先人  
吞炭思仇趙投鉛想打秦故猶寬季布死忍後張巡  
德澤 高皇厚肝腸願筆真斷頭爭杜稷赤族為君  
臣狙擊心猶壯從亡事竟淪見機難不卑校節果無  
隣生氣歸天地陰風泣鬼神 累朝公論定往蹟斷  
編新化血空丹草殘骸自白頻從來拚為死寧為盡  
麒麟

楊道府集 卷之十三

答李如二十四韻

不謂分攜後風滿遂若惡流言君不免失路我何悲  
憶在狼驕日憂深奈突時妖氣經公極殺氣滿三岳  
士女搔頭泣 君下州解思論才軍費勇當局敢辭  
危盤櫛勞真廢千戈古自支驅心舒膚念張臂破群  
疑計國猶拚死無家豈顧私旋頭驚雨落難尾弄雲  
披大資江天開孤踪草木遺為魚仍苟活日月已含  
慈吏議饒輕典 皇恩救朽安白吐容負未綠竹許  
銜危別汝彌年歲銷魂各路岐我時重握時昨夕獨

支願楚澤荒荒大滁雲宛宛連雨生堪涕淚吾道果  
瘵瘵已咤黃金盡寧辭白玉淄文園終抱病方朔早  
啼餓種德思無量全生護不貲石欄盤薛荔荷葉隱  
鷓鴣中散元乾酒宣城解賦詩平分五湖長遮莫市  
兒嗤

暑日陪樊明府飲王禮部兄園觀打魚河上

長日無塵鞅名園隔翠微偶因看竹至旋作打魚歸  
初月搖歌扇行雲曳舞衣聽駢嘶草運鳥為敬巖  
快意金卮倒清言玉塵揮驚蟬鳴後歇聞雀墜還飛

楊道府集 卷之十三

本

搖落身何有浮沉事已非敢云同飲醴德興對香醪  
展眺舒晴色乘涼逗夕暉秋風差不遠江上聞鷺鷥

金八讀書軒十二韻

一室鏡如斗蕭然遠市喧篝燈虛夜榻種竹敞晴軒  
白雪雙簪筆青山獨掩門鶴猶馴菊選人已任桃源  
花綻窺簾影苔深帶履痕興常忘盥櫛貧可辦盤飧  
對此開飛動因之愜討論文章開奧突兄弟潤璵璠  
詩法達人問交情為我敢雄心消日月生事任乾坤  
不涉琴書趣何知丘壑尊勿言身未達會見北溟鯨

龍山寺

佳勝尋康樂名流得遠公  
偶棲驚嶺下一咲虎溪東  
神物扶琳宇人天出紺宮  
法光標塔日梵放響松風  
累劫恒河大真如寶筏  
雄鳥啼紅樹外僧定白雲中  
抖擻情無極皈依意不窮  
垢除終是垢空病不離空  
欲問無生偈何當為發蒙

行經 皇陵

華渚天潢遠春陵帝里殊  
誕驚先繞電居訝蚤成都  
日晦身重浴天傾手自扶  
熊羆投後載孤鼠倒前徒

勸進符集

卷之十三

百戰開黃屋千秋沐赤符  
恨深天下養孝儼膝前趨  
號誼乾坤大慈嘗宇宙俱  
寢園虛王几封樹閑珠襦  
兆已三靈卜山仍萬歲呼  
鳥湖龍去邈華表鶴歸孤  
爪隄根常蔓粉榆澤更敷  
文孫宗器在長此念雄圖

愁

伏枕忽忽勝愁來如亂絲  
哭深燕獄日此重楚湘時  
對酒翻成嘔吟詩祇益悲  
雲疑噓憶氣花覺攪離思  
不淺王門成何如執扇姬  
捧心慙感盛打胆恨遲遲

魑魅嗔誰語形神悴自支  
豈緣原憲病實有杞人愚

社稷虞多難 君王問有司  
紆籌心血盡獨苦鬢毛

知封事焚膏草軍書忍淚披干旄  
橫九塞烽火暗三

陲元帥持堅壁群公責死綏秦德  
殷也敗晉討邲之

師遂下王恢吏還徵李廣辭天戈  
收玉筍 皇詔出

丹墀芻狗何曾棄金鷄已厚慈  
迅霆 王一起湛露

爾多姿不謂中孚卦猶然貝錦  
詩蛾吹沙點染鷹擊

羽淋瀝虎市三人信羊裘五月  
疑校長燦鶴頸誨妬

惜蛾眉吠影寧辭犬刺腸敢避  
龜驅牛農力健捫虱

勸進符集

卷之十三

主恩私傲作投簪去狂常荷鍾  
隨衆猶嗔在世吾豈

欲居夷飛語防身拙艱途置足  
危人間生是罪牖下

死為期寧惜鯁組涸那堪燕雀  
欺馬曹憐識路鷄已

憚為犧觸網鱗真脫窺籠翅祇  
垂晉靡知命賤編戶

覺身卑跡似隨陽鴈心如衛足  
葵野羨親老衲草服

笑羣兒此日忘遺履他生戀敝  
帷禍機真虎尾淨几

只烏皮杜口言朝緩灰心出茵  
芝巫咸不可問兀兀

欲何之

為園

一盤吾真得何須勝舉無引泉經實淡樹石點峯尖  
魚沫閒彈瑟鶯啼半拂簾註書門寂寂開闢草纖纖  
遠浦閒漁幾前村見酒帘乍晴雲似綉傍晚月如鑲  
習事常捫舌忘機自挽髻醫因多病識歲向老農占  
名姓從人狎文章與世嫌山中工部鏡架上郭侯籤  
編栢難初滿為池水旋添江山分不惜風月取猶廉  
苦有先生履屨曾刺史權自能諸損益誰復問寒炎  
身世飄浮在功名落絮沾心灰張程網色變說羅鉗  
湘畔風霜苦屬南日月淹長途窮阮藉高枕卧陶潛

楊道行集

卷之十三

九

作吏甘成拙歸田幸解嚴箇中真味在渾對水精鹽

寄贈樊玄之進士

歷塊真無駭連枝並楚材諸生榮賜對三殿喜榆才  
俊又衣冠會 君王色咲開共傳收稷契不比得鄒  
枚幹國為梁棟驚人自草萊名初聞小陸望已冠諸  
裴遂正醇儒席連登上將臺天高搏鳳翼海闊鼓鯨  
腮斗氣輝南極奎文映上台 御題天外信春草夢  
中裁惜芳閑宴宴泥金進壽杯里門今萬石庭樹舊  
三槐愧我煙窮病難兄屏掩推三都曾認欽二妙獲

追陪劔別雙龍去書看一鴈來故人甘水竹 聖代  
有鹽梅日月吾衰矣風雷尔快哉好圖麟閣上長慰  
不然灰

贈和州曾使君三十韻

羊續慈魚日劉昆渡虎時我求循吏匹君實古人師  
滇嶽曾三讞江城繼一麾蒼深張藉宅江逸項王祠  
童子初騎竹家人已拔葵為鞭蒲足使開關鶴相隨  
率屬甄三異宜民頌兩岐行何慚屋漏清每畏人知  
彈力蘇凋瘵焦心急撫綏禮賢徐穉榻問俗賈琮帷

楊道行集

卷之十三

十

節比梁山峻恩同涕井滋三年心若水萬戶日為碑  
更有神明畏民寧父母欺薦章騰白簡發璽下丹墀  
帝錫雙函誥人傳五絢詩飲羊今日化留犢倘未思  
朱邑名堪並文翁俗類移棠陰羊氏峴花覆習家池  
顧我湘潭泣無媒賈傅悲謳歌同父老洵沫及鯨鯨  
千木廬曾式江州餉屢貽隣封看集鳳內召信占龜  
勝事吾忻睹芳蹤尔獨追 御屏三輔最 天語九  
重私共快微黃會誰淹借寇期虎符高第選麟閣大  
名岳藉采噓枯朽分華出蘭芝雲泥吾道別膠漆世

人疑橫海知鯨勁摩天咲鷄單他時如召對無忘議  
曹辭

奉寄少保楊公四十二韻公時以書并紈扇文

縑酒竿存問余

間氣生名世中興有哲人三朝看黼黻萬象待陶甄  
宇宙為霖日乾坤降嶽身清時儀鳳鳥奕世畫麒麟  
王樹公卿胄金甌社稷臣黃衣家慶遠紫誥主恩  
頻蚤奪詞林錦初垂禮部紳遶鵷依日月鵷鷺出風  
塵品藻高河秀澄清海岱春雉歸相馬墨吏避埋  
楊道行集卷之十三

輪樞筦彈冠入河漕捧節巡公家方風夜君子以經  
綸轉餉資肅相艱難借寇恂賜袍沾雨露曳履上星  
辰主計心常苦分猷意獨真每蒙錢穀問輒以旱荒  
陳裕國籌時詘憂民諍歲縉至尊親借箸百辟想  
持鈞攜袖天香滿開函御墨新尚書喉舌近少保  
股肱親絕席青宮峻連城紫禁珍共傳推汲黯不比  
得陳遵管樂寧方軌夔龍若比隣勲名膺帝佐出處  
頌天民願我如枯卉于公即大椿宮牆慚國士水鏡  
冠人倫行部曾分虎歸田已逆鱗私心虛負笈往事

實沾巾丞相黃扉貴諸生白屋貧蜚聲應有語蜷屈  
向誰伸墮履仍求舊然灰欲拯也感深情惻惻書到  
語諄諄紈扇投三徑仁風動八垠一縑裁稱體雙竿  
酌沾膚畎畝猶衣被江湖更飲醇狂從呵醉尉怨敢  
學靈均谷口能忘漢桃源豈避秦飯依金粟佛瞻仰  
玉墀賓願保喬松壽長居要路津虎頭猶矍矍麟趾  
益振振王氏刀仍在韋家印未磷平生酬德意涕淚  
望高旻

奉贈督撫尚書褚公二十韻公以詩集託余刪

楊道行集

卷之十三

八

今日朝廷上公為第一人從來根本地特簡股肱  
臣精格河渠梗仁覃郡國春荊州歌叔子洛邑命君  
陳一代興王運三朝報主身飛鳧遺愛在簪笏觸邪  
頻封事擢山嶽掄材泣鬼神兩河初授鉞八座蚤垂  
紳掌憲風霆肅司空雨露新鵬猶六月息蠖已一朝  
伸當宁厘求駿羣公讓盡麟治戎燕治水憂國更憂  
民辛苦乘機日艱難借箸辰居岐培鞏固分陝藉經  
綸寶鏹尋常賜溫綸咫尺親笥餘瑤草帙座滿玉  
堂賓折節公卿貴樞衣弟子貧經容郭象註論許燕

邈環不朽名燕立相知意獨真恩波江海闊萬一潤  
登麟

悼汪大有序

午日汪二觴余其兄尚彈茶噓驪吟也俄以  
頭瘍遂成今古傷乎傷乎余惋愴得詩示其  
三弟六兒比于長歌之哀過慟哭已

午日猶聯詩經句邊計悲那知生死別恰是吟言時  
消息天門問世更疑人間無覺夢地下有交期

欲挂徐君劍魚腹謝傳茶三珠饒阿弟六駁屬佳兒  
楊道有集 卷之十三

避世頻扇戶逢人解詩金蘭叨末契玉樹得相隨  
使嚼辭非任不若如行長窻窻不復把容儀

白馬人來少鳥北卜遲猶方公論在離索市兒  
張老存家事山濤居舊知鵠原啼未了烏哺恨何追

助石他時表班荆此日思棟華重對酒為爾淚先垂  
偶述

事葛湯仁大綏苗舜治芬 君王弘遠畧羈約駭群  
寧諸君厚應懲不戢焚包涵天浩蕩  
不數和戎策何如諭蜀文 皇威原震

紛紛可惜移淮橘都非運郢斤白登胡實護南越使  
虛動萬里鯨鯢浪千艘虎豹群辰韓纏殺氣落添暗  
妖氛榮貴多名彥艱難獨 聖君涕流傷賈誼廷對  
失劉賁封豕膚將剥牂羊首更藉蘇卿羞握節博望  
敢論勲世已薰膏惜誰能玉石分有懷燕將箭無那  
野人芹夢斷青綾被書題白練裙時危悲宇宙志屈  
偃風雲軒鶴曾朝龍山慶得野欣夜行多醉尉莫說  
李將軍

贈于元敬同丞

楊道有集 卷之十三


有美于公裔從來駟馬門連枝皆玉樹奕葉有蘭蓀  
風翮摩空上霜蹄逐電奔千人驚筆陣萬壑倒詞源  
對策毛為鳳趨朝羽逆鷄衆爭貽縞紵余亦奉囊韃  
錢穀 君王問河山徽伯尊豸初明綵繡鹿已夾朱  
轡節制番磐石巡行照覆盆秋霜三輔肅春旭百城  
溫直道時須忌移官世共寬自應叢蟻射誰復礙鵬  
鸞同寺班仍峻滁陽勝尚存瑯琊斜抱郭庶子曲紫  
村不薄園人秩終沾 聖主恩兵戎需駿足郡邑借  
輜軒會見登台鉉寧須叩 帝閭神僊原不數湖海

向誰論願我貧彌穢交君誼更敦青山蹲日月白雲  
傲乾坤傾蓋陪時彥降階為一言相思空咫尺吾意  
欲飛翻莫以含香署忘茲離垢園念深杯自把情至  
筆重援何日全言咲前身是弟昆襄江寂寞處詩賦  
與招魂

楊道行集

卷之十三

十一



楊道行集卷之十四

目錄

七言排律

寄全椒山中道士吳湘

懷趙蘆白

冬日浣花莊撥悶

春日懋欽之侍御招同彭應壽太守寶林寺

飲

東瞿瞿夫時寓古剎在橋西水漲不可渡

楊道行集

卷之十四目錄

一

贈水保尚書清公



楊道行集卷之十四

七言排律

全椒楊子庭著

寄全椒山中道士吳湘

山人能詩今老矣喪妻貧甚幾不能炊每餓輒旬日余詩悲之

幾椽茅屋對山靈老況淒涼不可聽家難斷腸雙拭淚世情經眼一浮萍蓬蒿有鴈寒相伴門戶無人夜不扃囊罄何從拚酩酊詩成誰為惜娉婷舊精鏡下楊道行集卷之十四

和雲凍白石鑄中帶雪暝在日黔婆原寂冥清時暮

卷合沉冥可憐日月埋龍劍也向江湖作酒墨其味

老儒饑欲死隣兒乞取讀書螢

懷趙夢白

天寒啞雀噪如絲古木蒼巖有所思家在恒山瞻氣象人從天部識威儀為誰落落甘龍卧愧我迢迢肩虎皮縱使神交終是夢也知痛定不勝悲匹夫懷璧吾應罪半臂當車雨太愚潦倒豈堪當鮑子音徽實恐誤鍾期余如叔向拘囚日君似虞卿棄印時一驪

敢從名士籍九閭誰訴黨人碑批鱗忍顧雷霆碎塌趙何妨燕雀欺憶昨艱危真不測只今樽散復何羈莫云削籍非恩澤但得含飴亦厚私鄙邑晴雲堪對酒瑯琊秋月好題詩逢人世事休開口到處天涯只解願賜玦賜環應共得呼牛呼馬更誰辭中泠得瑟差無恙九折回車也自知為語山濤須強飯閉門吾辦解嘲詞

冬日浣花莊撥悶

一辭薊北歸江址幾向淮南望斗南殿陛無書陳九

楊道行集卷之十四

二

九蓬蒿有徑聞三三盎中擔石從他盡莫裏醍醐也自酣跌坐野雲生遠壑閒吟秋月出寒潭長貧歌就馮驩飲隱恨書空殷浩函學語轉憐吾抱女檢方頻問婦宜男罪知孤子三為大狂覺爬搔七不堪世事達觀生亦幻君恩辜負死應慚草玄遮莫嘲楊子守黑何如學李聃豈有大行淹駮駢實無嘉樹似梗楠陽回準擬新添線時去誰悲舊墮簪道士桃從朝露種先生柳帶晚烟含飽讀交態頭頻點識盡人情口不談我自安排容足處不妨一畝結茅庵

春日樊欽之侍御招同彭應壽太守寶林寺飲

為惜春歸強伴春招攜春醞對吾真茁芽銀杏濃干  
酒學轉黃鸝巧似人已借祇園開勝集還思寶筏問  
迷津與君一酌頻前席若箇三生是後身自晒庾門  
渾欲老誰云龍性未全馴客從分虎占循吏人自鳴  
騶識諫臣獨愧草玄空寂寂也陪浮白醉送送諸公  
豈是池中物而我曾非席上珍出處慙憐吾道在醉  
醒寧問世人嗔敢緣綠綵筆爭詩長猶喜青山傲酒民  
老去積新嗟汲黯晚來投轄為陳遵煩知襍穢揮團

楊道行集

卷之十四

三

扇狂欲爬搔岍角巾下筋不須談蜀蜀為羹何必減  
吳尊千年河朔豪仍劇十日平原跡未陳行酒儘教  
邀塔月徵歌會見拂梁塵花明隔岍紅初染草映雙  
林綠未勻但共松間看翡翠從他閣上盡麒麟主人  
更欲脩春楔休沐君其問水濱寄語春光謝知已莫  
嫌滄海一窮鱗

東瞿瞿夫時寓古刹在橋西水漲不可渡

翻盆一夕漲山溪憶在禪林隔水西知汝窮途應慟  
哭何人好事更招攜有無佛供燈前火曾否僧分酒

後菴縱使懷人須下榻也應騎馬畏衝泥陸雲定有  
愁霖賦張協能無苦雨題勿謂太行非闊步果然威  
鳳不卑栖世寧我棄如芻狗君自神全似木雞不審  
慈航何處是皈依吾欲證菩提

贈少保尚書褚公子告歸里七十句

人間雞肋日相牽進退于今孰兩全賴有達觀高宇  
宙脩然長嘯入雲烟出因國餉勤元老歸為鄉閭表  
大賢爰立豈須仍作相此行何必減登仙卷舒似鳳  
終栖谷潛見猶龍或在淵白簡曩隨丞相後丹心嘗

楊道行集

卷之十四

四

剖聖人前謹如班伯昌言日名似匡衡抗疏年填  
撫春雲沾洛樹品評秋月照吳天人言芻蕘司尤重  
帝念粉榆簡獨先已進入關蕭相秩還薰分陝召公  
權精馴河濱秋亡恙力護山陵歲晏然浪偃鯨鯢  
休營柝陣閑魚鳥罷鳴弦翩翩玉帛千艘至屹屹金  
湯百雉連閉閣不煩城旦今乘橈寧費水衡錢朱旗  
曉映山光靜畫戟晴分海色妍自是至尊褒異等  
蕪之群后讓超遷股肱少保官階峻指臂諸侯節制  
專事業蚤從簪笏卜姓名真向畫麟傳國餘黃髮分

宵肝家在青山好畫眠乞請總綠臣力竭慰留終荷  
 主恩偏非關好棄真卿印只合求歸范蠡船客捧壽  
 卮珠作履函開恩誥錦為箋飛魚舊賜宮袍在馳  
 騎新題御墨鮮綠野堂中人未老蒼生天下望猶懸  
 匹來文鳥雙雙健胎得明珠顆顆圓從此鴻冥吾海  
 嶽任他蝸閣各文鉅驚啼別墅花如繡燕語當筵酒  
 似泉疏傳攜金堪贈族香山批綬合參禪共傳辟穀  
 良辭漢不比憂邊教去燕一代榮名唐社稷三朝  
 間氣晉山川扼水嗟吹忻先及入暮窮愁甚盡獨無  
 楊道衍集 卷之十四 五

那掃門心憶憶也應應履夢惓惓贈行祗愧王維句  
 酬德深懷謝脁篇前席有時徵賈誼後堂何日進彭  
 宣大椿未是莊生幻為祝秋更八千

楊道衍集卷之十五

目錄

五言絕句

四時古意四首

蓮池二首

明妃怨

水雲亭三絕句

長門怨

漂母祠

泊舟

送孚如歸雲夢

題烟波釣叟圖

絡緯吟二首

齋日飲酒戲贈內

楊道衍集

卷之十五

明妃曲二首

即事二首

外父吳翁盆梅佳歲爛熳今歲止一枝余戲

為絕句

余既戲題吳翁梅一枝翁誇謂余此梅一枝

結子為余予獨之應余復戲為詩

偶詠

雨後十首

小園雜咏十三首

明月

冬晴

偶成

秋興十首

為吳養之悼亡二絕

九日後一日與客登小園石山二首

卞和洞二首

古意

估客樂

春燕

清明

有自楚至贈我山鷄者賦二絕

遲客

梧桐

泊舟

橘

黃楊

萱草

楊道行集

卷之十五目錄

二

冬青

胡汪二置妾

塞上曲六首

楊道行集卷之十五

全椒楊子庭著

五言絕句

四時古意四首

日暮花如霞遊人各憶家桃源知不再悔却看桃花

二

共道蓮花好花開似錦時蓮心應自苦霜後摘方知

三

菊花誰不愛霜至已摧殘寄語東籬主何如護歲寒

楊道行集

卷之十五

一

四

日短雲猶凍山深路轉斜春風何日到不敢問梅花

蓮池二首

花開習家池香風正吹浪盈盈千歲龜飛卧荷葉上

二

池子疊荷密盈盈一池碧時衣芰荷衣脫巾坐危石

明妃怨

何事長安月相隨出漢關從來妾命薄不敢怨紅顏

水雲亭三絕句

花逕縈流水松屏偃洩雲水雲相不厭春色與平分

二

楞嚴初讀罷坐對落花深止水無機事閒雲澹此心

三

空亭蘿薜深小逕莓苔互溪外郭熙山雲遙韋偃樹

長門怨

自倚如花貌君王早見憐如何宮掖外別有一韓嫣

漂母祠

且釣長淮下王孫豈竟窮婦人還具眼不是目重瞳

柳道衍集

卷之十五

二

泊舟

纔見天氣清須臾雲墨色風濤太不平小舫艤亦得

送孚如歸雲夢

我有木蘭花移置幽簷下非不愛日曝為怕狂風打

題烟波釣叟圖

如此風波惡磯頭且釣綸莫逢渭川獵忙殺白頭人

絡緯吟二首

但聞絡緯吟不見絡緯時春蠶無一語誰不愛蠶絲

二

寄君絡緯吟思君絡緯時妾心如絡緯撥刺不成絲

齋日飲酒戲贈內

今日齋居日何妨醉似泥使君自有婦不是太常妻

明妃曲二首

馬上八千里琵琶十二時官家長好在妾命只如絲

二

無復歸廷日吞聲上馬時春風如念妾死願發南枝

即事二首

聞道朝來雨林花落更多東風如有意恣此上林何

柳道衍集

卷之十五

三

二

百卉今皆歇亭亭只菊花天寒蜂不採一半委泥沙

外父吳翁盆梅往歲爛熳今歲止一枝余戲為

絕句

為怪羅浮使何緣得一枝不須開爛熳只此報君知

余既戲題吳翁梅一枝翁謫謂余此梅一枝結

子為余子嗣之應余復戲為詩

為喜今春信盆梅已著花一枝如結子亦足殿年華

偶詠

暑至典寒衣陶陶只謀醉何如金滿囊夜揶不得睡

雨後十首

溪雲千頃白院竹一叢青是物關何事令人眼獨醒

二

昨夕山銜月今朝雨漲溪不齊元物理何用添園齊

三

一夜山水渾柳陰放舟處莫問訪何人興盡自歸去

四

水闊魚跳浪天空鳥噪風亂雲千樹外斜日萬山中

楊道衍集

卷之十五

四

五

此景欣自多從前悔猶誤我輩方外人誰為子桑戶

六

客從前村來還向前村去只見溪上烟不見人歸處

七

連日不出門日高尚酣卧不是怕客來恐教莓苔破

八

亦是山中人不識山中路昨夜柴門歸認知前村樹

九

十

芒鞋山水間醉人擠亦得差喜賤姓名漸不為人識

苦無擁鼻吟只是閉關坐丘壑吾亦休富貴但一唾

小園雜咏十三首

魚池

素鱗躍清波泳池媚芳酌莊生自非魚何以知魚樂

石假山

拳石累為山數峰屹亦好幽人時一游錯認蓬萊島

面山亭

楊道衍集

卷之十五

五

飛甍面南山展曉帶長薄不見山下人但見雲漠漠

白雲洞

朝見洞出雲夕見雲歸洞洞雲亦無心天光自飛動

飛泉

石竇一泉飛濺此林下捧不足驪龍珠何緣半空落

栢屏

屈曲為屏障青青栢條維饒歲寒色終是恨凌霄

竹塢

小塢竹萬箇幽人脫巾坐有時南薰來便對此君卧

松風

千尺高浙浙風陰冷主人身是鶴松下婆娑影

焦雨

何物芭蕉雨偏驚夢寐時怪來金石響昨夕手題詩

兩塔檜

偶栽兩株檜恰似浮屠塔我亦有髮僧塔下着敝衲

二萼梅

一株含兩萼紅白參差開酌酒明月下疑從羅浮來

雙鶴

楊道行集

卷之十五

六

昂霄各有志飲啄為誰馴不是乘軒者雞群爾莫嗔

麋鹿

濯濯知誰侶呦呦見汝心見人休駭走與汝共山林

問月

悔竊當年藥孤眠只自知何如學牛女猶有渡河時

冬曙

殘月出不高疎星半空沒低頭印履痕知是霜如月

偶成

悔却從前事如今始覺非不知人世裏何物勝漁磯

秋興十首

雨霽疎林瘴逢人曳杖將新筇今正熟君解過儂否

二

霜橘連枝晚河魚躍紫鮮山中無俗侶日暮枕書眠

三

栗里初栽菊東陵已種瓜白雲知不厭相就野人家

四

二麥晴初佈秋稼雨漸肥山妻薰鼠穴稚子卧牛衣

五

楊道行集

卷之十五

七

往事將軍樹卑棲處士家山茶新吐萼知是隔年花

六

秋卉驚霜重芳蕤不復安無嗟搖落候已過艷陽時

七

鰕鮒啗沮洳酒就肆中居自不橫江海無言海大魚

八

誰家打鼓急問是一村儺且喜差無病秋成飽飯多

九

酒債從來負人情懶不題五更猶睡美翻恨曙鷄啼

十

家在白雲中欲留白雲住白雲不可留蒼蒼起烟霧

為吳養之悼亡二絕

遺挂依然在傷心不忍看症在雖可擊無邪割情難

二

惟裏姍姍步猶憐態未真非緣竊藥去本是月中人

九日後一日與客登小園石山二首

夙有登高興何妨醉一觴風流吾輩在日日有重陽

二

楊道衍集

卷之十五

八

小山僅培塿亦自暢心神君莫尋高處先登別有人

卞和洞二首

匹夫懷璧罪則足爾何辭嗚咽長淮水猶疑昔日悲

二

無言須待價智已不如葵可惜男兒淚翻為不遇悲

古意

偶從長安來更上長安路長安不可上一一却步

估客樂

江南估客樂歌舞到昏鐘何物琵琶者猶能說武

宗

春燕

儘教賓客去不學程公頃只有梁間燕猶依舊主人

清明

是日無風雨桃花處處飛遊人與啼鳥俱是踏青歸

有自楚至贈我山鷄者賦二絕

可惜文章質窺籠阻奮飛他時臨淥水莫更照毛衣

二

楚客山鷄貴樊籠也自環雖然鐘鼓饗不及野鷄馴

楊道衍集

卷之十五

九

遲客

山中無一客掃榻遲夫君只恐多騶從門前礙白雲

梧桐

爾自龍門質新栽葉尚低題詩吾亦得不擬剪成圭

泊舟

莫以來帆駛灘頭恨不同此舟昨過發渠是石尤風

橘

霜重實黃隕春深葉蔥蒨爾生未踰淮無謂質遽變

黃楊



爾自簷前植青青不改柯人言終厄閨吾愛歲寒多

萱草

汝是宜男種宜男為汝羞亦知兒女草不解杞人憂

冬青

小園無別植只此女貞樹貞女豈易心壯士節如故

嘲汪二置妾

故是如花者慙勤媚早春無將今日寵錯比息夫人

塞上曲六首

男兒辭故鄉便着鐵襖襠上陣如鷄子紛紛多殺傷

楊道行集

卷之十五

十一

二

結束出門去馬驕嘶北風不塞沙磧裏不信可憐虫

三

牧馬大澤中馬飽壯士瘦不辭髀肉消但願騰驤聞

四

邊城吹觱篥一夜雪霏霏逐北陰山下軍中立號歸

五

單騎偶圍困四面驚胡塵奪取胡兒馬彎弓射殺人

六

日暮沙塵黃胡騎滿山谷偏裨自解鞍將軍猶踟躕

楊道行集

卷之十五

十一

楊道行集卷之十六

目錄

七言絕句

觀燈詞集陳憲副宅三首

題無號山人梅花

夢幻鍾

偶成

贈王醫二首

井陘道中吊韓信二首

督郵解中偶成二首

楊道行集

卷之十六目錄

一

春日

口號

有刺二首

題畫

過漢五絕句

平寧夏凱歌十二首

征倭遼東歌八首

秋日浣花莊十二首

偶成六首

初被重劾惶恐已得解為民贈內二首

代內答贈二首

月下聽笛

題吳前峰畫四首

清明前一日遊惠山六首

項羽祠

亞父冢

漂母祠

淮陰侯

感述四首

七夕風

雨漲

釣臺

讀書臺

宮怨二首

嘲吳宋聘秀才秀才嗜酒貧甚頃為樊使君

抄書餽之米二首

感述十首

還山六首

鳳陽歌六首

楊道行集

卷之十六目錄

二

懷鄭思成四首時以言調南部

輓陳伯符四首其姊節雋才天而無子情

見乎詞

樊欽之示我胡笳十八拍圖戲贈

贈滁州羅使君六首

嘲燕

存歿口號二首

贈曹生

為人題畫壽母

杜甫遊春圖

題夏冬畫二絕

戲題

楊道行集卷之十六

全椒楊子庭著

七言絕句

觀燈詞集陳憲副宅三首

元宵燈火簇如花留醉君家白鼻驕  
酒後橫鞭明月夜却疑身上斗牛槎

二

陳遵賓客五陵豪玳瑁筵開海月高  
星毬夜照珊瑚玦火樹光搖獅牙袍

楊道行集

卷之十六

一

三

月明如畫酒如酥簫鼓頻行白玉壺  
但使主人能醉客不須馳夜問金吾

題無號山人梅花

屈軼疎根偃鐵拳可憐窓下一枝妍  
妖桃艷李應無數春信憑君又一年

夢幼鍾

一別都門幾度春思君無那夢君頻  
乳鷺二月嬌如許不及多情吳舍人

偶成

號足科頭倒接羅草堂深處坐題詩  
不知秀句關何事能使青山也倍奇

贈王醫二首有序

乙酉歲八月家君病亟群醫莫知所為  
餌新安人王君藥即瘳其奇中如此余守濮上歸  
自棘閭得報廢寢食已無恙喜甚具知其為

王君力也寄二絕句

杏子成林橘子香肘間應有越人方  
長安不用呼名

楊道行集

卷之十六

二

字但道醫王恰姓王

二

刺史山頭望白雲問安何日浣中裙  
緘書為謝青囊客壽得吾家萬石君

井陘道中吊韓信二絕

陳餘蹉跌血膏戈韓信飛揚戰伐多  
成敗古今不見至今惟有石嵯峨

二

將軍為漢封張耳計斬陳餘泚水濱  
刎頸交情君自

見不知劉季負心人

督郵解中偶成二首

官舍遙臨睥睨深，公餘松下足閒吟。也知委吏君恩重，莫羨金門好陸沉。

二

日執牙籌也自寬，解嘲何事學悲歡。我來聊玩人間世，若說投簪未是難。

春日

澄雲倒照一江練，旭日平鋪萬岫青。已許鶯花撰新

楊道行集

卷之十六

三

句只須打點慰丁寧

口號

已向君王乞五湖，杖頭買山無笑將紗帽。渾輪去剩有鬚眉是丈夫。

有刺二首

飄風狂雨霎時多，眼底平陽奈爾何。不見江間無數燕，短簷低棟各成窠。

二

下石休乘落井時，盈虧消息爾應知。濯畦自是忘機

隻為報沙鷗莫浪疑

題畫

何人貌得終南老，箕踞彈琴白日寒。自是紛紛千古事，山中閒作一枰看。

過濮五絕句有序

余去郡越七年所矣，自惟往者亡一善狀謝過諸父老。辛卯初夏，余以鄙人過濮，濮縉紳諸生暨耆老子弟泣留余至，擁車不得去。余何脩而得此哉，重為愴然賦絕句五首。

楊道行集

卷之十六

四

老幼傳呼出擁途，使君猶似舊容無。丈夫自信鬚眉在，難道今吾非故吾。

二

供帳扶筇擁錦鞵，留衰白意堪憐。亦知不是會稽守，留酌村醪當一錢。

三

領郡無能祇自知，去思何用樹豐碑。會臺臺下峴峴石，記取他年墮淚時。

四

疎乘傳不勝情驕見兒童竹馬迎為訝爾曹真浪  
許水清不似使君清

五

驪駒愁聽又離歌野藪相留寸晷多為謝慙慙諸父  
老使君無那簡書何

平寧夏凱歌十二首

討逆兼聞殺犬戎驚還帝在大明宮勞臣未敘尚  
書魏敗將先象將熊部斬熊國臣于市

二

楊道行集卷之十六

五

大明十葉中興日諸將長驅破逆時莫恠居民盡安  
堵從來時雨是王師

三

呼家自倚如元昊縱有諸公韓范問自是聖朝非  
宋比三軍直擣賀蘭山

四

呼帝劉王計亦牢國秦家夏為誰豪陷留血賤黃河  
遠梟首旗懸太白高

五

元戰應知抵上軍漢家飛將淨逆氛一時文武皆貂  
珥今日誰為第一勲

十二

呼賊勾連倚吉囊賊平近亦敗名王還須奪取陰山  
北河套從來是朔方

征倭遼東歌八首

下瀨戈船出帝京君王授鉞為專征會須截海  
妖氛淨人在蓬萊頂上行

二

楊道行集卷之十六

七

天驕已遁陰山北日本還窺遼海東玉燭金甌長好  
在青袍白馬為誰雄

三

八州都督有陶公不數龍驤戰艦雄初將海島標銅  
柱更取扶桑試掛弓

四

義烏健步舊知名檄得將軍子弟兵紙甲藤牌刀雪  
白殺倭如草不留行

五

唐帝當年空度遼秦皇鞭石不成橋我 皇一舉

六

為駕長虹跨海濱將軍鵲印白如銀歸來準擬彤弓  
既盡得麒麟第一人

七

雲旗獵獵鼓嘈嘈殺氣轅門海月高不數越棠陳枯  
矢會看椎擊萬機刀

八

楊道行集

卷之十六

八

遼陽草木亦王師掃盡公磨一島夷邪摩試作磨刀  
石落潏潏為飲馬池 邪摩德園山

秋日浣花莊十二首

秋來三逕菊花殘雲自歸栖鳥自還莫遣客星干物  
色羊裘原只在人間

二

貧居無厭帝為門有酒頻斟老瓦盆若問小庄何處  
是白雲秋水浣花村

三

洞裏明霞竹裏泉村酤常挂杖頭錢早知世事渾蕉  
蔗悔却迷迷二十年

四

柴門停午不曾開剥啄何人載酒來知是江州王刺  
史不妨留醉菊花杯

五

溪水茫茫泊白雲無端秋色與平分閉門無那窓前  
月夜夜窺人只此君

六

楊道行集

卷之十六

九

不是巢田不事荒淮南賢為小山招 君恩大有江  
湖在月下何人看洞簫

七

畜得金鱗錦不如小亭危坐為觀魚逢人若問歸田  
事一榻清香一束書

八

無言四壁尚蕭然一畝山庄亦俸錢耐可乘槎問明  
月為誰虧蔽不長圓

九

寒月無花菊始花清尊知爾殿年華寄聲風雨休相妬只在東籬處士家

十

荷衣新着伴漁竿識盡人間行路難怪底女牛秋一渡從來天上亦風湍

十一

累石為山更屹然奇峯猶自插青天巖巖頭角真憎汝箕踞盤旋亦可憐

十二

楊道行集

卷之十六

十

自是男兒七尺身羞將傲骨混風塵五湖大可容吾釣未許青山屬別人

偶成六首

國朝文士爭模擬未必丰神似古人生割頗稱汪伯玉介痕終駭李于鱗

二

韓蘇亦是宗秦漢割破藩籬是大家何事小兒爭學語生憎剪綵不成花

三

近得句吳王長公晚年變化足稱雄須知茅掾才雖弱的的論文是古風

茅鹿門坤論文得古人旨

四

一代詩名自有真李雄何潤並嶙峋莫將後輩輕前輩未必前人讓後人

五

于鱗精整真無匹元美沉深亦自雄可惜兩公工巧極到頭不及李空同

六

楊道行集

卷之十六

十一

吾鄉亦是興王地前後論詩只數公俊聲頗歸宗學掾清醇終讓薛郎中

薛郎中臣薛應

初被重劾惶恐已得解為民贈內二首

鹿車共挽不解貧猶喜江湖乞此身若是董郎真不免文姬流涕請何人

二

憶昨妻孥帶藥時只今痛定不勝悲不知京兆為民後能似當再畫眉

代內答贈二首

勸君對客休箕踞更莫踈狂只率真今日彈章應不  
謬為誰眼底却無人

二

一從削籍賦歸來裙布荆釵抱亦開莫更向妻誇舌  
在誤君原是古為災

月下聽笛

月白霜清一鴈過笛聲無那斷腸何秋來楊柳應無  
幾可忍今宵折更多

題吳前峰畫四首

楊道衍集

卷之十六

十一

春野耕烟

寫得春烟帶遠霏耦耕田父亦忘機  
穠嫩沮溺猶多事却與遊人論是非

夏林牧笛

騎牛曾憩深林下短笛橫吹午夢殘  
自是山中渾太古不知更作畫圖看

秋水漁航

橫妝淡抹秋山翠歷歷漁航似可呼  
要識金川無限趣不須重問有魚無

冬山樵雪

貌得千山雪裡妝路傍樵叟半踈  
踈勸君且學素貞卧何必深山試虎狼

清明前一日遊惠山六首

芳牋尋春趁晚晴莫教風雨妬清明  
不知若箇溪頭女閒唱吳趨緩步行

二

惠山山上塔重重歷盡名巖第一峯  
欲望吳松何處是居人指點白雲封

楊道衍集

卷之十六

十三

三

為賞新醪典黑貂山頭凭檻聽吹簫  
水痕惟底高三尺知是閭江半夜潮

四

春日春將盡小航滄浪處處浣花莊  
多情二月嬌無數不是啼鶯是女郎

五

石穴曾聞第二泉山僧煮茗亦冷然  
自從陸羽標評後多少豪家載水船



六

惠山山寺鬱蒼蒼歷歷峰頭翠欲招借問山靈那得  
住移家常傍太湖潮

項羽祠

漢家宮闕草離離河上猶存項羽祠一自彭城歸亞  
父君王從死只虞姬

亞父冢

骸骨荒山鎖寂寥鴻門遺恨未全消亦知天授龍顏  
主桀犬何知不吠堯

楊道行集

卷之十六

十四

漂母祠

英雄埋骨已沉沉漂母猶餘祠至今良弓走狗恩何  
薄不及當年一飯深

淮陰侯

壇上初懸大將旗中原從此定雄雌當年胯下身如  
死人傑君王那得知

感述四首

使者樓船出海東一封書疏欲和戎須知裏歌非良  
人信義本無常

二

平壤先登逐北時小夷遙拜漢旌旗若非計中鯨鯢  
伏定是堂堂節制師

三

君王西顧授瑯戈無那諸公指顧多若待盈庭無一  
語匈奴早已踰朝那

四

劉秩何當曳洛河陳濟無那喪師何須知兵事難遙  
度只有營平計畫多

楊道行集

卷之十六

十五

七夕風

今夕何夕風波惡縱有舟楫愁未安為問女牛宵渡  
否也應天上亦風湍

雨漲

一夜水添二三尺草痕半沒舟綸磯鷓鴣鷓鴣為誰  
喜撲水掠魚來去飛

釣臺

濮水荒臺此釣魚把竿人去復何如既知竟是蓮蓬  
夢何用南華有著書

讀書臺

八斗才名半草萊君王曾此讀書臺  
臺邊只有潺潺水猶似當初煮豆灰

宮怨二首

猶憶承恩二八時漢宮無那妬蛾眉  
官家昨夜羊車過羞學他人插竹枝

二

爐香風送曉傳呼忙整雲鬟洗玉壺  
蠟炬漸微聲漸遠妾身空在妾心孤

楊道行集

卷之十六

十六

嘲吳來聘秀才秀才嗜酒貪甚頃為樊使君抄  
書餽之米二首

問君何事哭窮途三篋亡書強記無  
見說使君供月米可能仍付酒家胡

二

購汝遺書付汝編醉時渾忘枕書眠劉伶平日無文  
字只有流傳頌酒篇

感述十首

石亨一敗事堪悲父老猶傳破虜時  
不信頑膚終几

几飛揚跋扈竟何為

二

時土降胡蔡古深阻兵終是虎狼心  
徒我江皖當年論不悟君王恨至今

三

還賊群首歃血盟胡兒牧馬赫連城  
熊羆只怕前將巾幗休題畫總兵

四

析骸易子抗胡塵屹屹將軍百戰身  
莫道割符君不

楊道行集

卷之十六

十六

及口碑蚤已畫麒麟

五

少年挺挺真無匹晚節薰心自不嗔  
假使當年身便死寧碑大傳諫何人

六

滿傳雲中古戍稀羽書烽火捷如飛  
不須更斬樓蘭首已自軍中立號歸

七

金帛和戎自兩朝邊臣都補侍中貂  
莫言異教非

良策豆海長鯨不可招

八

截海何能淨海氛海邊蛟蛤亂紛紛陳平自秘閼氏  
計司馬空傳謝蜀文

九

萬里征宛入塞時將軍露布事堪疑亦知善馬寧餘  
幾自是君王寵貳師

十

特進堂堂帝者師白頭憐壻更憐兒一從床下言災

楊道衍集

卷之十六

七

異竊國君王那得知

還山六首

歸來長嘯水雲間雲自依依水自閑他日襄陽問耆  
舊無言余在鹿門山

二

近構節簷八九椽杖頭差辦買山錢小溪秋水添三  
尺錯認漁船作酒船

三

大婦鳴砧中婦機尤憐小婦搗衣水乃公調笑唯呼

酒更問鱸魚幾日肥

四

野田如雉計茫然隣舍何來乞酒錢莫道野人生事  
少白雲秋水一詩篇

五

一瓢自挂風前樹雙屐頻看兩後山說與羣豪都不  
識從來大藥在人間

六

石火驚飛瞥道驄功名翻手壯心消青髮果父君休

楊道衍集

卷之十六

七

傲得卧箕山已獲免

鳳陽歌六首

濠上提戈掃數雄皇陵佳氣鬱葱葱紫龍附鳳知  
無數輸却粉檣第一功

二

玄宮紺殿鬱岩堯玉匣珠襦恨未消術士青鳥休浪  
語分明天與百靈朝

三

自從神禹會塗山山似眠弓水似環不信蓬萊終海

上須知華渚在人間

四

漢築新豐奉上皇周尊木主號文王我明萬葉  
皇陵祀山作珍羞海作觴

五

行盡中都翠萬重形容指點白雲封直將海水為襟  
帶更認崑崙是祖龍

六

秩秩祠官肅祿將更聞中使道相望昨朝為薦鮓魚

楊道行集

卷之十六

二十

至知是文孫未敢嘗

懷鄭思成四首時以言調南部

余歸江址問磯絲君謫江南使我悲世路悠悠君自  
見江流不盡是相思

二

一八山中訪薛蘿鄭虔消息近如何知君自有千秋  
在不用名燕抗疏多

三

莫嫌頭白尚為郎何似孤臣泣楚湘將帥有誰言魏

尚君王曾否名馮唐

四

不見高人鄭子真十年踪跡混風塵莫言同舍楊雄  
老猶是當年問字人

乎詞

輓陳伯符四首憫其婚節雋才天而無子情見  
悲君身竄問刀環何事浮雲去不還莫更脩文陰鬼  
妬也應地下亦人間

二

楊道行集

卷之十六

二十一

長沙謫去事堪悲宣室無聞召對時何似浮名天亦  
妬九泉無路問交期

三

一謫身如水上漚芳蘭無那颯先秋夜臺亦有沉湘  
鬼莫更冤魂泣不休

四

計音一夕哲人萎更問箕裘使我悲他日哭君原上  
草不知挂劍定何枝

樊欽之示我胡笳十八拍圖戲贈

馬上胡笳淚濕衣畫師猶得貌依稀人間何限文姬  
恨不得千金再換歸

贈滁州羅使君六首

見說朝天五馬還風流為郡渺難攀  
峴峴一片瑯琊石記取他年作峴山

二

龍飛皇祖自吾州阜蓋朱幡亦壯游  
天子為憐湯沐邑使君應拜富民侯

三

湯沐邑使君應拜富民侯  
爾自仙人騎五羊領郡亦傍山水鄉  
兒童拍手山公醉為問何人是葛疆

四

懸魚曾憶古人名君更蕭然篋笥輕  
莫道醴泉清見底也知不似使君清

五

醉翁亭子醉歐翁翁去風流已屬公  
昨日扶歸太守醉烏啼人散夕陽中

六

三年虎竹領專城漢更何如渤海名  
他日至尊召問可曾門下有王生

嘲燕

茅簷如故又銜泥不復門前馬亂嘶  
巢燕若知賓客去也應別向玉堂栖

存歿口號二首有序

廷尉陳王叔考功穆敬甫水曹歐楨伯學憲  
顧道行皆能詩與余善陳穆物故歐顧久睽  
不得其近耗

湯道行集卷之十六

汚陽已訃陳廷尉大廈猶傳歐大夫  
挂劔不知何處是折梅能寄一枝無

二

顧愷風流老畫師穆生醴酒恨當時  
山中有壑堪濡筆地下何人與賦詩  
顧道行能畫

贈曹生

少年書記擁吳鉤知爾封侯筆漫投  
我亦平生重然諾游揚應是藉曹丘

為人題畫壽母

誰人肖得麻姑貌又似當年萼綠華莫向人間誇此  
鹿北堂春草即仙家

杜甫遊春圖

杜甫騎驢京華春誰將毫素託丰神吾莊亦是浣花  
者畫裏翻疑作後身

題夏冬畫二絕

綠陰深處放舟時茅屋依稀對酒卮只有羲皇高卧  
意畫師猶恐未能知

二

楊道行集

卷之十六

十四

畫裡人家雪掩扉筆端騷屑見霏霏江湖亦有漁蓑  
者莫認山陰訪戴歸

戲題

敗柳殘桃似妾身狹邪門巷貯青春莫嫌老大無顏  
色亦是當年殊絕人

楊道行集卷之十七

目錄

六言

赤壁圖

歸田樂六首

暑中撥悶四首

明妃詞

偶成四首

楊道行集

卷之十七目錄

一

楊道行集卷之十七

全椒楊子庭著

六言

赤壁圖

血戰已拚杯酒勝遊况只丹青明月洞簫寂寂白雲孤鶴冥冥

歸田樂六首

自是世人欲殺未應吾道全非山中猿鶴相待江上鷺尊獨歸

楊道行集

卷之十七

二

不嘆塞翁失馬已拚學士焚魚數椽臥坐閉戶一榻清香讀書

三

幾家白林酒熟十月黃梁蟹肥為喜青山強飯更憐黑髮初衣

四

南陌鳴珂有底東山拄笏何人安知輞川別業不是話後身

五

一貴一賤交態自醜自醉世情開卦蜀中夫子閉門彭澤先生

六

已自終朝三褫知誰一歲九遷詎勝青山獨眺何如白日猶眠

暑中檢閱四首

何物一官待罷誤人鷄肋浮名借問八埒學士誰如五柳先生

楊道行集

卷之十七

二

坦腹閉門只睡科頭對客不梳窓下幾竿松竹榻前一篋圖書

三

已自五湖一艇知誰二室三花鷄犬數聲門巷烟蘿幾處人家

四

從汝囊中是智乃公谷口名愚喚妾烹魚酌酒逢人索紙題詩

明妃詞

生作閼氏不惡死留青塚猶芳臭恨妬人延壽丹青未悞王嬌

偶成四首

柳下自甘三黜梁鴻但賦五噫習事祇因識字畏人不敢題詩

二

落落詞人陽九紛紛世事朝三已忝知名洛下不如招隱淮南

楊道行集

卷之十七

三

混俗偶從漁艇誤身多為儒冠滿壺濁酒只醉一字陰符不看

四

病有傷春過眼貧無振夜驚心自是鳬脰鶴頸不須鵠浴烏黔

楊道行集卷之十八

目錄

奏疏

初任題參府僉等官張澡等疏

條陳時政疏

本部覆賈御史寧夏疏

乞休疏

被劾自辯疏

楊道行集

卷之十八

一



楊道行集卷之十八

奏疏

金椒楊于庭著

初任題衆府僉等官張藻等疏

照得 國家所以進退文武者吏兵二部而已而兵部事體與吏部異何者地方之參查在撫按求多于士人而各弁則畧矣齊梓之考語在道府獨詳于合屬而部司則無矣秩滿之考覈在官紳竝聽于考功而武職則缺矣法網疎闊無復可以品隔瑜瑕者而楊道行集卷之十八

知人之術始窺至于士人望劣吏部酌處則有王官與各項劣轉者而調用不與焉獨兵部除革任及降調外不得已而以京營遷之處置之法益困矣然京營之設本以訓練軍士而後用之京師腹心也門方手官視各邊鎮九重之一身足也根本重地宜嚴訓練之所而可用以爲用哉自以武備而各官皆然生其不肖之京營云云根本重地一有警則又何以待之等以爲自今以後凡在外將領有聲望驍勇俸

章者本部的有所聞即便參處不必量陞京營其京營各官務慎選驍雄敢戰足智知兵者以充之邊腹有缺本部酌量入地所宜從公推用內外均轉各盡所長決不敢以 輩穀爲關葺聚藪而令壯士灰心不樂就也如此則京營有干城之需而 京師番萬年之固矣顧臣所謂聲望驍勇俸免彈章者則又訪得數人爲原任廣西總兵今陞南京右府僉書署都督僉事張藻初帥貴陽已覲庸鄙繼移西粵益乏猷爲臣等煩聞青州苗兵殺一千戶而匿不以聞則安楊道行集卷之十八

在其爲大帥也貴州清浪參將朱鶴齡術工鑽刺而錯注絕無一長計善彌縫而心術備諸百械乃其處容山一事即按臨其土者亦言黔中老稚恨之刺骨矣山東領班都司僉書王鎮廉隅不檢檢壬異常先該廢棄已又僥倖起用近訪公論諠稱匪人若復容令領班將來壞事匪細直隸中平鎮把總許師古祇以黃緣竝無世職始冒遼東之功而桂籍雲得爲鎮撫繼憚浯嶼之遠而調官南直益近鄉閭歷任五年竝無一薦而猶恬然無恙此其故莫可究詰矣以

上四臣均屬不職所當亟為罷斥以警官邪者也伏乞勅下將張深朱鶴齡王鎮許師古一體革任員缺另行推補若此者臣等非苛求于諸臣也以爲既明知其不肖而又無復可以劣處者與其長惡容奸以貽地方之害孰若汰厲剔蠹以清武弁之途此臣等所爲不避嫌怨而自効于陛下之職分也抑臣等猶有說焉將領之不肖臣等既不時參奏矣其各官在邊腹者往往爲文墨吏所推辱甚至參遊副將官不爲卑而各上司間有祇憑卑官下察容訪以故楊衍道集卷之十八

通判經歷等官得以倒持其柄稍拂其意更議隨之僂力行間未得以勤事受賞而先以巧誣坐黜干城安得不解體而喪氣哉仍乞天語丁寧各總督撫按官共念南北多虞將領爲急務各推置腹心優崇體貌使謀勇得以展布而文法不至掣肘其卑官下察有敢枉公誣詆者并劾治之本部與該科的有所聞亦即據實伸雪而抵誣者以法使不肖者既無所容而賢者亦獲自見未必非砥礪將材之一術也統

乞聖明裁定臣等遵奉施行

條陳時政疏

臣以書生不閑軍旅竊不自意濫竽職方須該虜賊勾連倭奴入犯臣之堂官蒿目腐心蓋業已稟朝議從事犁犁井井矣唯是疆場之事臣得與聞其可條列以陳于堂官而具疏以請者臣努力焉可也堂官之所不得爲而臣司屬之所不得條列者若不微威靈于皇上事蔑以濟矣用是不避黜陟陳一得臣聞國家之用人與士人之自待異何者循矩而趨擇名而蹈此硜硜曲士之諒非國家之利也觀無知所謂尾生孝已之行而無益于成敗之數者也而况托之乎尾生孝已者哉迺今士大夫一疏建言負為奇節一事釣說目為端人崇獎厚貌之夫盛誦深文之吏比及當事恒懷周章枹鼓未聞心顛泣下國家何從而得此一臂力也先朝網羅甚寬先正氣魄甚大而令縉紳率寒儉枯澁如山人簞子衆又以為此天下第一流非是不與豈盛世氣象耶臣以為酌名實議一夫寸有所短尺有所長殷浩清修一籌莫展汾陽奢靡身係安危此師馬師蟻聖哲不廢使

古者有名言而今平居則洗心索瘼吹毛求類  
一有警而后思及鄴洛起及袁弘德劉葵則壯士  
已為天心用才同于上狗矣孰若先事惜材勿以二  
邪棄一青指乎臣以為惜人材議二 祖宗設官六  
曹臺省原無軒輊其用人亦不論資格不知資格起  
自何年然嘉靖間胡宗憲王忬以御史陞巡撫再轉  
總督魏學曾以戶部郎中陞光祿寺少卿未幾即擢  
巡撫乃今邊陲殊懸資階各別清世已泥矧今何時  
夫邊方腹裏勞佚苦樂易知也京堂資俸例當開府  
楊道集 卷之十八 五

者處以邊方則必有缺然以為不如腹裏者矣部屬  
七年以上陞副使六年以上陞參議當其資俸已及  
翹足待陞則孰有不樂于腹裏樂于邊方者耶邊方  
多故州縣有司以歲貢雜流居之則不堪然以處甲  
科及舉人之雋者而及之 轉行取論俸與腹裏同  
則人何苦居勞不居佚也 謂科道部屬才可巡撫  
者即擢巡撫至巡撫而又任為部屬四年五年以上  
十可兩司者即擢參議副使至參議副使而又任為  
邊方州縣盡以選進士及舉人之雋者至其行取陞

轉則較內地早且優焉庶乎人雖厭邊方之苦而未  
始不甘心于超遷之快此之謂破資格議三臣從草  
土來甫逾三歲而操江都御史五易人矣鳳陽巡撫  
三易人矣 陛下以為操江及鳳陽巡撫責任重耶  
不重耶索之何江防根本之重而今之以官為郵也  
夫此二官者皆戶之梓里監臨官臣所知也而其非  
臣梓里監臨官如保定調應天江西調保定至今銷  
者未脫口也 國制六部尚書為重任果能其官  
即先朝年富以戶部劉大夏以兵部皆為名臣不必  
楊道集 卷之十八 六

調冢宰御史大夫也而若之何其數數易巡撫也臣  
以為慎陞調議四近見大臣廷推經年不赴司道被  
命中途乞休人皆歎佚誰為勞者人皆歎近誰為遠  
者哀而不憐亦何與戰墨吏失刑誰肯為廉 肅皇  
帝朝蓋天下多故矣然而竟以教寧者 肅皇帝有  
不測之賞以鼓舞于先而又有不測之威以震疊于  
後故人心雖畏懼而功用成也臣以為嚴賞罰議  
五此五議者卑卑無奇也然而臣之愚衷以為天下  
大計當不出此而其事非臣堂官所得為以故懇懇

焉一陳之也伏望 皇上斷自 聖衷勅下該部不以臣言為迂而議行之臣愚幸甚天下幸甚

本部覆賈御史寧夏疏

為照寧夏亂卒罪在必討先該臣等題議渠魁務殲脅從罔治一切責成魏學曾已奉旨遵行訖乃御史賈希夷等又引正德嘉靖間故事款更遣重臣以往御史為 國深憂不為無見然臣等備員本兵責任尤重當日惟心豈其念不及此直以邊卒干紀首惡應自有數而城中 宗室生靈及 國家安危干係

楊道行集

卷之十八

七

甚重處置得宜即單騎入城片言可定處置不得宜雖調兵增餉殺數萬人無益也查得正德及嘉靖初年宣大原無總督故大同兵變勢不得不遣重臣以往然其事之失則深有可鑒者試一言之而可以知今日處置之策矣嘉靖二年大同軍亂殺巡撫張文錦于是遣侍郎李昆宣勅赦賞是實叛也主事汪秦爭之曰 上幸待賊以不死然賊負必死之罪安知其不疑我計誘之哉藉令悔禍聽撫將并首惡置不耶則何以善其後已而叛卒果洶洶圍進士李枝

楊道行集

卷之十八

本

有巡撫蔡天祐而復遣侍郎胡瓚往討幸而完事此初變之失策也嘉靖十二年大同軍再亂殺總兵李璡有巡撫潘倣請赦于是總督劉源清帥師討之而源清及總兵邵永貪功嗜殺以致叛卒訛言洗城轉相煽惑勾虜入犯指代王府以酬虜所殺掠不可勝計始罷二臣遣侍郎張瓚往累年而後定此再變之失策也迺今寧卒猖狂正與往事相似臣等前疏以為渠魁務殲正以鑒李昆曲赦之失以正紀綱遂有從罔治正以破劉源清洗城之謬以安反側也而又請 旨責成魏學曾者學曾素有威望曉暢機宜且身為督臣四鎮皆得節制果親詣地方大書榜諭責令將領司道擒獻首惡之人餘悉不問則傳檄可定軍騎可降如其抗拒不得已而用兵則以總督而調四鎮之兵指日可集臣等所謂聽學曾便宜行事者此也今御史欲別遣重臣臣等切詳總督尚書其權已不為不重若更別遣則將置學曾於何地且恐時日稽遲事情反覆患益不可測矣嘉靖間劉源清攻城不下疏請添總制禦虜 世宗降御札有曰源清

既能了事如何又添兵豈非官多事擾乎大哉王  
言真可為萬世法蓋別遣則不惟魏學曾制肘不便  
行事且使寧夏亂兵轉相恐嚇而復有洗城之說如  
鼎靖聞矣直等以為今日之計無出于責成魏學曾  
者合候 命下本部馬上差人咨行魏學曾多方宣  
諭 朝廷恩威分別有罪無罪首惡務正刑章脅從  
悉從赦免如果抗拒 明旨仍行鹵掠及不肯擒獻  
首惡則調延綏甘肅勁兵各萬餘及固原與寧夏之  
卒以抵城下彼時將不分首從悉行蕩勦其承委文  
楊道行集 卷之十八 九

武不用命者悉以軍法從事先將親詣地方日期作  
速具奏魏學曾受茲重委須悉心籌畫務濟時艱其  
或處置乖方苟且了事憲典具存臣等定行參究仍  
望 皇上特賜 宸斷令臣等遵奉施行

乞休疏

臣年三十九歲由萬曆八年進士歷任至郎中去年  
十一月內臣以武選改職方今年二月忽有寧夏之  
變至四月又忽有倭陷朝鮮之變臣拮据在事食不  
下咽寢不安枕蒲柳之資困憊已極而時方多難不

敢告勞半月前咯血二口臣猶急自掩覆不欲令家  
人見之昨二十四日出署回寓猶能與客對語比及  
就寢心神忽亂氣促頭痛須臾不省人事口噤眼直  
手足屢冷家人慌忙用筋撬開牙關灌以姜湯始覺  
甦醒急呼醫人王永慶診脉謂病勢沉重非旬月所  
能痊可次早本部主事劉黃棠袁黃直入卧內視臣  
三臣皆知醫切脉大駭謂臣氣鬱上焦結而為痰又  
心血耗盡以致心腎不交委係危症見今雖已甦醒  
而頭目暈疼心高滿脹臍腹酸痛不能屈伸床褥呻  
楊道行集 卷之十八 十

吟奄奄待斃具呈奏病重宜以時艱不肯具題止令  
調理伏思臣身為職事重務繁重該司印務頃刻不  
可缺人而臣似此病勢何何時樞筦艱難豈臣棲  
息養病之地若以時艱不聽臣去則臣人微力薄譬  
之滄海一鱗長天隻雁有臣不足多無臣不足少非  
若堂官大臣一人之身關 國輕重也若謂臣事涉  
避難託疾非真則請令醫人即臣卧所診視果氣逆  
上焦心高脹滿否果頭眩眼花腰眼作痛否又况虜  
患未寧寧城可圖倘西師有奏凱之音則臣愚有息

肩之日倭雖虎視尚隔外藩果經畧既以得人疆場  
似可無事何難之避而欲乞休夫佐堂官以調度兵  
事黜陟將官臣之分也西勦賊東捍倭國既榮懷  
臣亦有樹臣之心也力杜倖門反為怨府多方隄備  
衆謂張皇病莫痛於傷心憂莫深於刺骨例得養病  
而遽求休致年未四十而思欲掛冠臣之所不得已  
也伏望皇上憐臣病苦察臣懇誠容臣以今官休  
致倘未即填滿整固當擊壤懽歌如或遂正肯立亦  
必結草為報臣無任激切待命之至

楊道行集

卷之十八

士

被劾自辯

臣頃以患病乞休杜門候 旨忽接邸報吏科右給  
事中喬胤劾臣謂臣致昌平總兵內轉張邦奇關  
登瀛為受選將重賄賂學曾崛強不肯行賄嗾堂  
官請 旨逮之又稱臣曩日條陳數事侵吏部職掌  
堂官以心腹託臣不意為臣所賣臣遭此重劾分當  
席藁顧事關名節不得不瀝血一辨倘臣沉寃得白  
死所甘心臣自去年十一月調職方到任之日適推  
昌平總兵王保臣未任事也今年七月內山西總兵

缺石尚書以河曲一帶密邇孤山非得驍勇如王保  
者不可乃會推王保調山西未幾薊鎮總兵缺石尚  
書又議調王保臣謂一月兩調恐為未妥石尚書曰  
薊鎮 陵京重地比山西更為喫緊再調何害今石  
尚書是在可問也果臣自為主張手張邦奇內轉府  
僉事係武選與臣職方何干聞登瀛以天津遊擊轉  
京營此石尚書語臣謂其在工部時登瀛每遇歲節  
輒齎酒米螃蟹送至邸彼時拒而不受心薄其人而  
撫按又無論刺之者以故不得已而內遷然非美轉

楊道行集

卷之十八

士

也搢紳以內遷為榮將領以內遷為歎今科臣謂臣  
受賄遷登瀛于內則登瀛豈樂于內遷者耶嗾賊通  
誅本兵之臣與督臣均有疆場之責皇上英斷詔  
逮督臣石尚書及臣相顧失色臣旋為石尚書草疏  
申救學曾此 皇上所親覽也石尚書何嘗請 皇  
上逮學曾臣亦何嘗嗾石尚書請逮 君父在上而  
以此寃臣則無一不可寃者矣學曾精忠大節臣所  
欽仰彼以七十老人拮据兵革每一警恐烟火不通  
而臣猶責望其不肯行賄臣即有冒無心必不忍為

也又况學曾與臣頗而相信昨貽臣書曰公謂僕苦心至此于張魏公僕何能當然謂議論紛紛為僕扼腕見公之愛僕過深耳蓋臣竊謂學曾可比張浚學曾未為不知臣若謂臣斷學曾而陰構之恐學曾不能不為臣稱枉也臣竊者謬以剪髮條列數事未敢自謂必行督撫司道雖吏部職掌而實與本兵相干假令有党眷石繼芳之培剋釀亂至于今未彌將吏部任之乎亦臣本兵任之乎又况國方多難諸人皆得建言而何獨苛責臣也臣自到任十月于茲一

為二百餘年所未有之變而欲以調度責臣豈惟臣之為分有所不能即雄俊如科臣而設以身處臣之地恐亦有未易辦者顧臣年三十九矣砥礪已半生于茲矣以矜名好修之夫而一旦被茲墨名為世大詆臣所不甘伏望皇上先將臣罷斥仍令九卿科道拘集張邦奇閻繼瀛與臣對質果有分毫賄臣即戮臣以為貪婪者之戒臣既恨魏學曾不行賄而請肯逮之則自學曾而外必皆賄臣者仍行各巡按御史備查督撫蕭大亨郝杰等及各鎮總兵曾與臣通賄否本臣題覆具在兵科皇上試一檢問且并度之聖心尚書石星果曾請逮學曾否如石尚書曾請逮學曾臣即坐索賄欺堂官之罪以死亦所不恨大率權之所在怨必歸之怨之所叢毀必及之科臣與臣無嫌而怨臣者毀臣以誤科臣則臣愚懇所自招而亦逆知其必有今日也臣病懣餘生涯首以待斧鉞伏惟皇上裁察

楊道行集卷之十九

目錄

序上

李伯承集序

顧道行集序

豫章三記序

明雋序

送張冠縣行取序

送左轄楊公擢大中丞河南開府序

楊道行集

卷之十九目錄

贈山東巡撫大中丞陸公 特恩予告序

東郡蕭守給由序

夏郡丞六年考滿序

吳節婦樹坊序

送趙郎中守貴陽序

贈閩郎中守黎平序

彭海漁詩序

贈孫豐縣序

代山東武舉鄉試錄序

明職序

公餘漫興序

西垣疏草序

芸窓紀愚序

郭和州堂獎序

馬尉治河祭薦序

樊使君治河序

北窓逸史序

送李仲白之南地官郎序

楊道行集

卷之十九目錄

送郡守王公入覲序二首

送廬州守范公入覲序

贈葉倅攝椒更攝郡事序

奉送太子少保戶部尚書褚公 特恩予告

叙

和州倅姚君臺獎序

送姚君擢永城令序

司訓王君屢獎序

送郡守王公擢南司空郎序



全椒楊子庭著

敘上

李伯承序

明興 敬皇帝朝作者稱李何扶草莽倡之始越

世廟而學士蓋熙明其業則句吳歷下兩君子竝執

牛耳盟中原而濮上李伯承先生者或推之或挽之

即二氏亦教先生以所不能而不得為重重辟易云

而兩君子之徒不能淡惟其師所繇于是先生以前

楊道行集 卷之十九

薪薄為嚙矢而獨尸祝句吳歷下以耳食而已矣藉

令李杜不死而厭天下學士心何得藉右丞嘉州而

批挨之耶周道如砥直如矢君子舉廢之而小人視

為何門戶之與有何彈射之為也且也百夫以執角

而一二君子為雄或嚴隊伍而勝或不擊刁斗令士

自便而勝倘所謂存乎其人者非耶先生文不概見

其詩章章諸刻中余不戶說顧先生所為起徒步而

自致于開元黃初之間度有所見其長非苟為而已

夫其大或干言小或片言此物醜類靡所不極論衡

通發淺而彌深濯如夫容簇如文綺疇能訖先生而

上者哉而馬太史氏皇甫司勳氏率謂先生之才之

抱而陸沉不遭未駕而稅為恨之所謂屑夫朝菌而

輕夫永永也者先生雖歸于下寮乎奪天地奇麗之

數而肆力乎不朽之途上銷三光而下鑠草木其弘

多矣濮郡守楊子觀事之暇則就先生出所臚篋梓

焉而先生謂楊子而後我楊子曰夫濮上蓋有莊周

焉數數百年而有鄧城侯子建氏又數百年而有李

少卿伯承氏之三人者或土著或流寓于千禩鼎立

楊道行集 卷之十九

焉而論人猶然嘒嘒伯承也者斯其為伯承也矣

觀道行集序

今天下北休而融學士居間則往往嫻古文詞云而

晉曹屬稱簡尤各以其業見然而罕相下也乃于庭

自為諸生涉江遊而句吳顧道行已郎南司勳氏則

學士業辟席公矣公雖十年不調乎秣陵佳山水供

清發而會司封李于田比部方子及虞部歐楨伯各

先後至公造語與合遂相與切劘千古之事之曹雙

一廡馬歸而下捷手一帙矣公之言曰使我恭韓

卿臆而力田必于逢年則當對公車時何必乞博士  
官已內徵又何請陪京自媿快余所為要在捐志成  
一家言耳且也古文詞直剽其文也與哉無之而為  
古也者乃能無之而不為古也者以故公所為詩備  
雅騷漢魏六朝及唐諸家體而神解所至要之創獲  
其精如獅乳之散酪云蓋人久自失也亡何公由司  
勳郎擢副山以東觀察使使吏事劇然公守文法亡  
害而其業益藉甚羣公間不佞于庭守鄆上緣是屬  
事公公間寄所刻清音閣集謂于庭而敘我于庭曰  
楊道行集 卷之十九 三

### 豫章三記序

豫章行省故有紫薇樓云樓以西距章江門不一里  
許為滕王閣又自章江門折而北為夕佳樓皆諸大  
夫數所觴客處也歲久寢圯而會沔陽陳五嶽以左  
伯來廼偕右使宋公觀察戴公丁公省方四眺于是

檄所司修之而壁而丹而陳公各為記備矣已曩為  
一帙付之梓而會楊子以使事抵豫章屬為序楊子  
曰余讀三記則未嘗不喟然長嘆焉蓋有古今之慨  
云夫豫章者非太祖所與偽漢百戰處耶彼其龍  
闢于鄱陽間角力校智危而後定已駐蹕茲城故牛  
歸馬庭嘗按其山川升高以吊欲求諸虎臣血戰之  
所而父老皆無在者蓋二百年于茲矣承平至 毅  
皇帝朝而豫章又一亂當是時諸大夫起瘡痍披荆  
棘以剗平此土也而尚有餘力弄文墨耶六十七年  
楊道行集 卷之十九 四

政化休明至今 上益滋濊決寓內以故一時學士  
得以從容俎豆醞藉文藻而訖知 上之所亟濡沐  
息若是厚也夫登高作賦古稱大夫緩帶輕裘身係  
社稷陳公蔚以國器遭際縣官思若雲流才如飈動  
而其言言經濟具在三記中則又非直沾沾風騷自  
命者即異日者出則仗鉞入則持衡黼黻皇猷珪璋  
大雅三記其前茅乎哉然一時全陳公游者自右使  
宋公而下俱鏗鏗操大國音石畫稱是易曰同聲相  
應同氣相求則又脉脉應陳公矣

明雋序

明雋何濮上伯承李先生所為輯明江以北人詩也斷自皇明何前代之詩籍具在故不述述我明所錄獨缺前代者如此江以北何孔子刪詩錄邯鄲衛鄭齊唐曹魯之屬太氏江以北又明興學士詩雖舊獨北地起而麾之已而信陽和之又數十年而歷下張之夫其麾之和之張之者則江以北人也江南故無詩乎有而什三而江以北什七又伯承者江以北人也江以北人而獨輯江以北人詩乎楊道行集卷之十九

五

送張冠縣行取序

縣九苞並嘉隆以來則新蔡中丞內鄉學士雋也輯河洛集維明湯沐邑是為淮南其于詩若汪丞相則雖馬橫梁者邪儲侍郎薛郎中則緩帶輕裘者邪嗟宗生吾見其進未見其止斯淮揚集明藩封江以北若棋布屬蔡隆食租縣官委蛇與學士競績藻周魯諸宗其最著者邪輯蒲獻集總之為集有七為卷有八為詩言千首往世廟間蓋有七子云然率孫李少卿少卿者江以北也不佞為濮郡則伯承已七十餘顏未嘗一語為入下已倒篋出是集焉為序余諾之亡何余入為司農郎改駕部伯承復以書請余竊謂是集之編伯承已老不足槩伯承然伯承老而猶編詩如此則豈不足畏哉

楊道行集卷之十九

六

按故事宜以璽書續食至臣等敢昧死請制曰可  
于是張公自冠戒行李且壯上而東郡諸大夫長吏  
追而送公郡城門願情案也濮守楊子執醕而告曰  
公今行謂天子天子有詔問尹治冠氏何狀能  
使戶口倍民興于禮讓盜賊衰止也公以何對在王  
尹曰公質人也豈嫌伐一時事以欺明主哉上問  
公公必以意對曰臣亡佗能然不敢不為陛下煥  
休冠氏氓氓樂業故戶口倍陛下命臣等有司毋  
忘朕教化至意臣幸奉勿失百姓亦習臣重犯法故  
楊道行集 卷之十九 七  
興于禮讓絕鼓起臣幸購得其豪主名令捕黨自贖  
故盜賊衰止度為對如是張公曰否否脫如大夫言  
而上問不佞不佞新何功之與有何炫霍之為也  
則對曰臣為不稱任使賴陛下神靈保全楊子愕  
然曰大哉言乎斯所以為張公者哉天下善吏急也  
詔書比下吏閣不用用應勸學為名高也則安得  
長者之言而稱之而公獨悛悛有讓如是是不為諫  
官焚疏草者耶是不為三公九卿謀猶入告出而順  
之曰維我后之德者耶傳言精衛填海女媧補天夫

海非可填天非缺也喻拚志搏心以報人主也故人  
臣所可畢効之君者亡限第不欲嘵嘵自鳴焉可也  
張公曰唯唯在王尹曰唯唯而楊子乃為之執筆次  
第其說

送左轄楊公擢大中丞河南開府序

上益明習吏事存選二千石以上御史中丞褚公自  
兩河入贊臺事難代者制詔山東左布政使楊公  
以右副都御史往蓋特簡也先時楊公司東藩滿四  
歲不調縉紳訝之已方寓諸開府缺九卿疏公名請  
楊道行集 卷之十九 八  
上不與縉紳訝益甚逮公得中州既命下不佞諭于  
衆曰余于楊公見聖天子善使才云夫天下有歷  
試而愈淬者其器真也有需久而後授者其肩重也  
故明主之任大臣也才不諳不使地不鉅不使舜試  
多艱諳乎才者也與分全陝鉅乎地者也楊公起行  
人為給諫敬歷臬使左右轄久不調上非以湛盧  
眎公故磨厲之邪往公參楚藩楚貴人負勢而媒致  
公公不動貴人故心望而諸驩公者風公驩貴人公  
謝不可公以是司藩東土默默四歲無一理公者而

公曾無幾微見顏色蓋公所為澄之罔清清之罔濁  
皆是類也天下之勢先中次外先本根次支輔今邊  
鎮雖時時虞絳越而支胡微朝廷威靈第一象胥道  
之足矣上以為不足煩公故不與夫兩河非天地  
之中而傳所稱河南南陽不可問者耶扼畿輔襟吳  
越足左投左重右投右重而日者歲比不登有司舉  
職亡狀百姓嗷嗷困矣褚公者公同年進者也其填  
撫要在精覈吏治問民所疾苦業章章有緒會內召  
去上左右時檢九卿曩時疏及御屏所書備吏主  
楊道行集卷之十九

贈山東巡撫大中丞陸公特恩字告序

既春違文武大吏已山東開府缺詔御史中丞  
陸公往公既視事不一年言中丞公者平者博者  
有風陵者屹屹嶽立者踞踞而糾察者民哺餼吏幅  
式不問婢媼以自藏者日嘖嘖達殿陛前上甚植  
之度且父召公公曾以病請上若曰其往自扶掖  
無辭而公疏益力重違公意予公告蓋特恩云始  
公疏且上撫屬諸藩臬暨郡邑吏各錯愕對囁嚅不  
休或曰按玉于石既得之忍擲之耶以山東之襟河  
洛扼畿輔投足左右為天下輕重上矚矚眈眈廷臣  
楊道行集卷之十九

念保釐微公不可以故節鉞授公業望公以且與故  
事若之何其聽公乞身也公疏上必不允或曰大  
臣之義一辭而退公之節之望之挺自其家世兄弟  
之間上將藉公以風示天下使愧夫夜靜猶行而  
為抱關吏所察者公疏上必允不佞某為之諗于  
眾曰之兩言者可謂知公不可謂知朝廷待公之  
心者昔者召公請問周公不可故人臣有勞于君君  
則休之已休復起之已起而勞又復休之大鵬之飛  
息以六月俄翩翩扶搖矣何者不休不起也公之撫

山以東也問民所疾苦即戚戚在肩曉問盡所為燠  
休而洵沫之其佗辨材飭園墾獵至未墮悉殫心力  
厥神瘳矣勞而休為此于鵬息不亦翹乎既息而復  
蒼生喁喁于時守臣上疏言強食亡恙狀上即家  
以玄纁璽書徵公則召公雖欲不為周公強起何可  
得也于是諸君子咸以不佞為有味哉其言之者各  
唯唯而退會予告命既下遂以屬不佞某綜其語為  
異日者一左券云

東郡蕭守給由序

楊道行集

卷之十九

土

金

琴川蕭公守東郡滿三年例當以績上于是山東撫  
按臣言陛下幸愛養元元詔臣等督二千石以下  
如法臣謹按東郡衛民瘼甚自守之郡郡則大嘖嘖  
守守內行修緣經術飭吏治其刑平反其哺民蘇其  
幅吏斤斤三尺無私嗔好見長短守治行最臣等疏  
以聞制下吏部吏部臣言臣等廉得守所為治東郡  
狀如撫按臣言宜令守以中憲大夫居郡下墾書褒  
勞制曰可乃部內知州九經知縣元吉而下咸函  
采經質而屬知州于庭前致詞馬于庭曰夫公所為

楊道行集

卷之十九

土

金

治東郡狀業章章具兩臺及部疏余何言抑公守郡  
三年久宜成而譽有維矣人情譽有耀則驕宦成則  
怠久不調則缺缺沮乃公有是邪不佞往給事與鳩  
氏而公為郎也諸貴人方怙勢郎或不安其局曳踵  
貴人門公詳不省守與鳩五年無理公已貴人敗波  
亦不及也東郡于齊魯為孔道區又腴太守日僕僕  
挾刺候郵使者會公至有有力之客公攝後者裁取  
足而已客不嫌志于公而不佞庭亦時時風公驩客  
公曰余行一意能吸營慄斯乎夫士言守吏言才相  
言量挈守較才世豈乏良二千石以若寵辱不驚招  
不來麾不去相提而論資育不如矣漢制推轂郡守  
高第入為三公九卿今上言言官言中飭郡國刺  
吏如澤故事而公業已上績大廷墾書焜燿即黃金  
駟馬徵去為今豈以公固且暮遇之也而不佞庭又  
從里人數數言公自為童子時沈鷺有大畧盜劫尊  
甫公公手脩後數賊脫尊甫公賊手名聞吳中而不  
內吏又時時望公叱咤廣顧山立如神人不動斯固  
將相器哉斯固將相器哉不佞庭所為次第其事皆

如其治行則兩臺及部疏備矣

夏郡丞六年考滿序

驥有駒齒者介睨騰躍而踰隘左右也伯樂曰是不千里銜蹶矣行如罷進如疑容與千里而赤汗微流于月題而伯樂有不物色之者邪故發憤其所為遠詣才安在其遲則拙也憐然自釋褐從外吏吏辦有幹能勝其職而給快焉者幾何人矣而其趣指一不當結吏議以惠文冠治之者又幾何人矣而其獲登三年之考徵天子寵靈又幾何人矣茲非不干

楊道行集

卷之十九

七

里而銜蹶者耶乃夏公紀單尹歷刺曹高唐州晉貳交東郡所至輒石畫地方要害縷縷中肯竊東交人心印公稱召父云其惠如此不德炫再典大州屢眎府篆行李無長物對苞苴若推而之湯火其介如此不守炫有越人而切輕齎之值以去者司漕諸大吏業皇恐而誰何盜矣公獨待其王名倖以報天子為是勞公其幹有力如此不才炫猶于手功而不居已奏最有一誥贈公父如公官不色喜又三歲再當以績上如故事後生蠅進先公而公默默

又不調亦不色愠時時為子庭曰余拋余簪耳何恤海余官乎公大較如是是所謂行如罷進如疑者則公也矣夫士患中不璞奇璞不患不剖漢吏月計不足月計有餘故居官長子孫已底績則徵為公卿去今天下奚異也上既復子明辟寓內政觀數召天官氏疏謂任久有績者而不佞庭初擁傳視漢事公業已三年于茲矣今且積案清考而公尚未擢去非上將不次庸公故遲之哉清源守惟純莊尹國稱謂不佞辱知于公誼不得以不文為解故不佞庭既為之次第其事而又執醕而告曰鉛刀一割湛盧百刺何者久而別也行乎黃金駟馬至矣不佞見公之遇伯樂矣

吳節婦樹坊序

上既造繡衣使者行部部內孝子順孫節烈婦例得疏以聞御史姚公奉命按江北檄郡邑舉應疏者于是全椒令鄧君暨學官博士弟子言太學生吳正蒙母楊當與其君子茂才皆也太學生甫乳楊歲年誦殉茂才不得既又念亡如太學生何乃毀容茹荼

奉簡華舅氏太學生解諸生語則又時時為太學生  
泣曰而竊而業令老婦安藉手報而父地下乎按楊  
氏歸茂才婉婉故共即舉案不過也失茂才謀珣之  
即斷髮不過也不膏不沐振太學生以報亡者即斷  
機盡我不過也節婦宜有旌如 制御史曰往以幣  
禮節婦樹之坊仍俟 疏名請濮郡守邑人楊于庭  
之使自里至為言御史所為鄭重節婦如此也楊于  
庭曰余蓋有友兩吳生云其一即太學生其一茂才  
士勳節婦女兄子余以是習節婦余既成進士為粉  
楊道行集 卷之十九 五  
榆前驅其于邑之節烈者孝者順者法得肱篋備太  
史氏而今習節婦誼至高不獲一物色于富軸者則  
余之罪也夫則余之罪也夫夫風之入人最捷也故  
或樹之或揚之不樹何風不揚何激有如節婦之誼  
之高而鄧令君上其事于御史御史姚公又展采節  
婦若是而人不靡然風者邪姚公今報 命見 天  
子 天子詔問御史按江止何狀公必稽首而對曰  
臣于全樹得一節婦某某者蓋不浹旬而墮書表閭  
可知也余于是知鄧君與姚公為能相與以節婦風

天下云既使使持是賀太學生且語茂才大吳生倘  
有當乎余言否

送趙郎中守貴陽序

貴陽故漢番長官司云其人椎髻雜佻佬諸種號難  
治明興二百餘年漸夷以華易陋而采貢又置守更  
今郡名然以其距京師絕遠其時時澆邪如故 上  
即位之十五年益明習吏事乃詔有司春選諸遠方  
郡國刺史用錯事勤民宣暢德意無閑沮于是吏部  
臣言貴陽守缺臣等以為莫宜戶部趙郎中經惟上  
楊道行集 卷之十九 六  
幸許 制曰可余時忝大司農屬習趙君趙君且行  
余難之曰夫程番于古為西南夷其俗不可以中國  
之治治今 天子以君往將勝之邪抑安之邪君遂  
巡對曰某不佞誠不稱任使然所為選用有司固將  
安之也余莞然曰唯余固願君之安之也且君亦知  
夫養狙者乎朝四芋暮三芋則狙喜何者君其欲也  
一夫而驅千羊麾而往麾而來無不如意者順羊所  
之也夫治夷俗者則亦養狙牧羊之類矣脫也切切  
焉望之以其所不能而強之以其所甚不樂縛束商



梓胡之而被難下而瓦卦者有不缺缺而去之者邪  
太史公曰善者因之其次利導之其次教誨之其次  
整齊之其次者與之爭夫縛束梓胡而與之爭以傷  
夷人之心以虧為政者之體以隔閼朝廷所以懷柔  
勞來之意則刺史何賴焉君行矣入其境而樂  
者徭者流官有土著諸官長者旬迎刺史刺史為  
具言今 天子神聖威武寬仁早朝晏罷競競業業  
惟恐六合之內天地之中一物不獲其所其聰明見  
萬里外雖在荒島遐陬察其常體念如在輦轂  
楊道行集 卷之十九 七  
之下畿甸之間有真必聞有惡必見故遣刺史以二  
千石出行縣問民所疾苦有不便告刺史刺史得以  
上聞便宜從事凡刺史所以未為百姓百姓毋重  
畏刺史而苛文也程番人雖夷人乎君誠披裼見肝  
布威德如是諸吏民且大喜舉手加額頌 明天子  
萬壽與天無極又頌刺史賢願福壽多子孫綿久也  
則豈不休哉古者贈人以言故余所以為趙君者如  
此然趙君為郡深沈寬簡治部事井井辦則其於  
余何有余又何言

贈閬中守黎平序  
上既逮治二千石以下不法吏已數數詔有司推擇  
可者于是三輔諸內地率廉廉淳厥官愆不戒而卒  
卒挂吏議去濁漢南粵西牂牁諸郡越在萬里外其  
人夷俾不馴率 天子以為是不足煩三尺網亦少  
闕焉所張官流者土著者半其郡刺史大氏多遷人  
及任子計以為無復之者諸酋既睨之曰是易與而  
刺史亦心曉以為 天子寔擯我于是輕自愛而重  
秦人越人其民而若之何令荒服不隔閼王化若天  
楊道行集 卷之十九 七  
上也今年春黎平守缺 上曰選近宵朕赤子其選  
守視內地守稱朕意乃主爵氏則以戶部郎中閭君  
請詔俞之而黎平始比于三輔矣閭君自咸  
進士為邑今六年入比部又六七年稱兩河恤獄使  
者度不次擢去乃坐爰書不中呈左官吾曹又四五  
年蓋剔歷二十有三年而重重博一序又黎平也者  
君得無快哉哉然余聞之事不避難險遠以之者王  
臣之誼也順俗而治與民便宜者太守之體也存  
循良宜惕德意者明天子之仁也細捐大廉卿以

酌者柔遠人者之則也若以其林箐崦岼劍峯指擗  
則王尊不合叱九折之馭狄相胡爲重羊腸之輶以  
其左僚右徭夜郎鬼國則中牟之信胡雉亦馴潮州  
之誠胡鯁亦去故就戀而撇烈非致遠之才也一飽  
一石長嘶穩蹄歷塊過都汴赤月題斯良之矣彼其  
少年沾沾虛憍恃氣用以綏柔推結之人政寬刺豎  
故廷臣以爲莫宜君誠藉君卧而治非直竇急爲名  
高也語有之族庖日更刀割不則月更刀割孰與閭  
君踐更二十三年所奏刀素然示乃新發于劍者哉

楊道行集

卷之十九

九

上業已三輔視黎平用年勞進士持虎竹往而故事  
遷人任子及計無復之者格不與度諸酋必相顧嚙  
指以爲刺史天子所特簡如雷震鬼神非直竇公  
麼易與也則相率頂香羅拜刺史馬首而刺史又寬  
一切文法問民所疾苦時時爲言天子加惠元元  
所爲遣二千石米勞來德甚厚諸酋盡驩扶老挈幼  
以爲不圖二百餘年見天日有賢刺史也則徵入爲  
公卿直且暮遇之矣閭君勗之哉毋卑卑寡監而令  
口吻牂牁滇粵郡刺史與遷人任子及計無復之者

同類而共嘆之也

彭海漁詩序

里人詩往往稱彭山人云山人詩時楊子猶見也楊  
子長而詩而古文則山人者死矣而山人之子光祖  
顧又與楊子好且好楊子文若詩也而楊子以是得  
讀山人詩則未嘗不哦爲賞爲惜然思焉已又潛潛  
然酸鼻流涕也吁嗟嗟傷乎傷乎以山人之才之詩  
令人讀之者罔不哦也賞也惜然思也假使山人得  
一第登一尊官結社爲學士大夫遊即學士

楊道行集

卷之十九

九

大夫安知其不壯而山人詩而山人之詩之名又安  
知其不雄長文苑飛被四裔也乃山人竟伏厄低垂  
落莫巖穴中以死迄今無知山人又無知山人詩此  
董子所以有不遇之賦而史遷所以起附驥之思也  
吁嗟嗟傷乎傷乎故余讀山人詩則未嘗不酸鼻流  
涕云而又况山人死纔四十四歲以山人之詩之才  
而天猶忌之而何疑于勃也賀也天幸也杜也之不  
得其年如是則余安得不思又安得不酸鼻流涕雖  
然詩顧合不合果合即不傳終傳也而山人有詩而

山人之子又傳山人詩而楊子又為山人之子敘山人詩如是則余所以為山人酸鼻流涕者夫亦可以止也矣山人名璚號海漁故詩稱漁憲吟草

贈孫豐縣序

門人孫子為太和令得民和已徙于豐聞政楊子曰夫易羊而牧者無二策也易琴而鼓者無二音也故慈母不別乳而厚慈不擇民而治夫難劑者民也難平者政也故劑民曰恕平政曰公公與恕于令豐乎何有孫尹曰延不敏取不圖所以煥休豐邑祇以楊道衍集 卷之十九 主一

稱朝廷惠養元元至意以不忝于先生言已而豐之祇頌令監大夫為之交薦于朝滿三歲 天子以為勸錫勅命楊子曰夫士起家繩樞專城綰綬微惠天子被之璽書璫璫琬琰榮及父母其遇不為不厚動民錯事盡所便宜不下堂皇周浹窮鄙祇載其德式歌且舞其澤不為不流脫也宜成而有一懈心與夫被寵而有一侈心則無乃幾前美而弁髦之而未豫之謂何孫尹曰延不敢不始終一心以對焉天子之不顯休命以不忝于先生言楊子曰若是則

子之治幾于道矣吾無以益子矣莊周有言有機事者必有機心家一機心即其始勵而精神勤而洵沫而其中不無近名則其後必且摧沮而不繼余所謂懈心之與侈心是矣夫民吾將劑之也譬之味懼弗和也政吾將平之也譬之水懼弗止也且若亦知夫海上之夫人乎日與鷗群相馴也一旦而有機心鷗即為之不下矣夫輟事之害也終始之究也亡論今即異日者子入而為臺為省為卿相所以一意公家者斯豐縣奚異耶子勉矣吾無以益子矣

楊道衍集

卷之十九

主一

山東武舉鄉試錄序

乙酉歲十月山以東大比六部材官良家子如制柱史韓公賓綱紀之而不佞某與高目為維時多士業已超超鸞大中空李公申東爭距躍曲踊而屆期則柱史又譏關內外無裏言已得雋并剗剗其先資之言而屬不佞敘諸首不佞守右轄典在清戎得從諸大夫談邊事竊以為 國朝將臣氣習大畧三變云洪宣間蓋天下初定也武臣宿將聚 二祖遺烈倅賢王誠貴人其氣英英勃勃如猛虎鸞鵠所當者破

所擊者碎斯亦一時矣成弘間化休而融武大吏率  
家與尚廉壯謹尺幅與匈奴戰半勇怯第不失為鎬  
而已當是之時局體一變正靖而後債帥以詞中朝  
為精神以苞苴為要害當敵壘輒前却顧時時糜大  
司農不貲茲其品貶成弘又別矣風會然邪抑士在  
所樹邪今上觀於景朝將帥之畧深惟其故遠左  
効首虜多輒剖竹世世勿絕而頃疆場吏不戒上功  
狀履相蒙也用言官言詔對簿云繇斯以譚上兩  
為風厲能罷不二心之臣意甚盛也爾多士躡簪而  
楊道行集 卷之十九 重  
乘夫亦聞縉紳先生所稱說李通侯及切責制府者  
乎而多士生齊魯間固志不種蘭達而足智矜功者  
也得無有過太公尚父之故墟而慷慨駢辭者乎又  
得無有訪射書之遺帙會鄧之隙問曹大夫所為劫  
和公之里而思歆為之執紼者乎七論諸章章者田  
單攻狄魯仲連以為必不克則言昨而諸而巡城齊  
師敗風沙衛殿殖綽郭景曰耻也爾將軍大夫其  
服義有氣類如是而爾多士既蹶張附注而緩頰黃  
石玄女之譚則安得謂古今人不相及也者而卑卑

之也異日者占籍行間當一隊輒桓桓赴赴以勤縣  
官以稱所謂洋洋大風者以不辱爾羔鴈維爾能我  
受其無咎不則溫利生孽批事厄言輕杆厲罔恣睢  
辟倪薪積何為其以中雋也無寧謂子嚙璞而謂我  
賈朴乎夫華門閭賈之人績食上司馬一中格即起  
家不次至遇也文網在朝清議在野舉事一不當吏  
奉三尺隨之至嚴也俗矜重多失節喜攻刺上世用  
之主五侯九伯而中世亦以禦戎崔鞭每諸侯至著  
也如是而不感慨于干城而俾柱史公有不得真士  
而效之之懼非夫也魏子謂賈辛曰以汝有力于王  
室是以舉汝行乎敬之哉不佞以是券多士矣  
明職序  
明職何寧陵呂公所為撫山以西訓約也不佞庭不  
獲侍公聲咳猶記典樞時與公書往來睹所擘畫諸  
封事則固心知公天下端人矣比和州守郭君自京  
師來手公是帙付之梓而謂庭宜有序庭受而讀之  
而喜可知也曰其文質于多方之誥而其意匪于百  
之成其憂深其慮遠其有先民之思乎昔在先王

之世化行俗美上自王公下及士庶亡不知職分之  
所當盡而各僥焉以圖之故其詩曰無已太康職思  
其居謂不敢以滔淫廢職業也世而衰也而上下習  
為窳則有務其所不必務而職始曠矣故其詩曰婦  
無公事休其蚕織謂職之不修而侵人之職也然而  
賢人君子憮然而嗟而猶以先王之道相戒勵故其  
詩曰凡百君子各敬爾身胡不相畏謂無或瘵者官  
也 明興而 高皇帝蓋三令五申之矣官有 誥  
士有 碑民有 諭亡之而非日星也而熙恬至于  
楊道行集 卷之十九 二十五  
今始有不若于訓者非必即滔淫之謂曠即越俎而  
治出位而言泄泄于職之中而跡馳于職之外則胡  
不舉職事明之也夫職者值也身所值者是也君子  
素其位而行說者曰素見在也故夫目之視耳之聽  
手之持足之行不相代也鷄之司晨犬之司夜牛之  
耕馬之乘不相通也禹之水稷之穡夔之樂皋陶之  
刑不相攝也是職之說也乃呂公典銓則銓移潘梟  
則潘梟進開府則又開府方其在內弗知其外也及  
其在外弗知其內也今為以司寇為 天子明刑時

始叔三尺率屬諸所訓約匪徒言之 允蹈之矣郭  
君乃能推公之意而廣其傳其趣良可尚哉藉令刻  
行而世有味乎公之說達官卑流儒衿武弁雖其職  
各人人殊而要使天下無不脩職之人則天下安得  
不治而又何今人之不如古庭不佞往官于朝蓋嘗  
奮然欲以職自見而今已矣顧惟力田以供公家之  
賦而于世無所求或作為聲詩以歌咏太平之盛是  
亦在壑者之職而公帙中之所未載者請因郭君而  
質之公以為何如也

楊道行集

卷之十九

二十六

公餘漫興序

蓋不佞庭竊觀于天地自然之音而知詩之義大也  
今夫天地之氣之至而風琴瑟然而雷填填然而鳥  
及蟲嚶嚶唧唧然其于人也卒然而興率然而吟而  
詩從出焉故不啻商而調不繪組而合而學士不信  
而必競奇于句字之間于是乎本真斷而詩之義微  
矣故北地氏謂文人學士工之詞者多而出之情者  
寡蓋以此乃晉陽褚先生之言曰吾何以詩為哉自  
吾之卒然而興率然而吟也不知其宮商之調也然

亡弗謂也不知其繪組之合也然而亡弗合也  
瞻雲而思吾親則祝望闕而思吾君則又礼不知其  
祝之當于許也吾省方而觀民吾戚焉吾感事而有  
古今之慨吾據焉不知其戚與據之當于詩也故自  
吾之為令為御史為撫為督亡之而弗興也則亡之  
而弗吟也是公餘漫興之快也門人楊于庭受而讀  
之已嘆之曰大哉言乎夫天下未有弗興而詩者也  
然而三百篇之有善不善何也則其為興同而所以  
為興弗同也故孔子之論詩也曰思無邪謂即其弗  
楊道行集 卷之十九 二十七  
同者而引之于正也今夫卒然而興率然而吟人與  
褚先生一也而褚先生獨于瞻雲為孝于戀闕為忠  
于憂民為仁于感事為直夫世非無雲之可瞻闕之  
可戀民與事之可憂可感也而觸之罕有如先生之  
應者先生無邪而衆人之思或邪也故夫叩之而響  
者鐘也叩之而弗響即響而未必鏗以鉤者土缶也  
書曰詩言志歌永言此之謂也春秋卿大夫之賦詩  
也而觀者以是覘其政卜其人之興衰先生為天  
子大臣而其所為觀風于四方又如誦其詩知其

人洋洋乎變龍且夷之業庸可量乎詩曰維其有章  
矣是以有慶矣言君子蔚有文章則其福慶亦自饒  
裕是余所為卜褚先生者也

### 兩垣疏草叙

是為吳給諫疏草是為吳給諫疏草序序曰吳給諫  
者皖城人吳幼鍾也初幼鍾為給事中吏科南京以  
憂免已除吏科歷左右給事中進都給事中禮科不  
拜以病免故今疏草稱兩垣一曰兩都云蓋幼鍾在  
兩垣而兩垣至今無不口吳給諫疏者子光楚所  
楊道行集 卷之十九 二十八  
為梓以傳而幼鍾不嫌也曰是不能焚則已矣而若  
之何竊竊焉標之我其杓之人耶夫免我唯兒子光  
楚恩益不敢出而會友人楊子使使來幼鍾曰其為  
我問道行必有說也楊子聞其言而異之且告之曰  
幼鍾信以為入則告其君出則不使人知者為諫官  
耶抑亦為大臣宰相耶夫大臣之體尊尊則偏故溫  
室不對以遠嫌也即果還而不言不任德也乃諫官  
則何偏之與有受若直力若事諤諤焉塞譽焉漆器  
心爭城狐必墮使天下曉然知朝廷有牽裾折檻之

而國家有止輦轉圜之美不亦難耶則何必削草者之是而流傳者之非而幼鍾又何念之深也天下之事患在人不肯言與不能言不肯言者持祿保位之徒其于幼鍾不足道不能言者自許慷慨為名高姑取一二事塞責而不顧國家大體有不售輒悻悻而去之蓋近事可睹矣而獨幼鍾溫乎其氣訥乎其不能言其于疏必沐浴而後上故其始為南垣余贈之詩曰批鱗犯顏祗細事要以誠意孚 君王而頤又贈幼鍾曰事君而犯先勿欺幼鍾給諫今有之區

楊道行集 卷之十九 二十九

區之愚所與幼鍾期望如此方今 國本未建 聖志未勤群臣未和與夫東倭北虜之倭未盡脩舉天下事所可言者何限 主上脫一日而召幼鍾幼鍾于諸垣最先進習事最深列在交戟下最久凡此所未言者余猶望幼鍾披瀝肝膽而言之而忍令其已言者又削之耶夫削不削不足輕重幼鍾而使諫官相習削草不令人知則其究必至于洪忍不肯言而後已幼鍾其謂之何于是幼鍾語其子曰道行知我矣

芸窓紀愚序

芸窓紀愚者我晉陽褚公愛所先生所為文也其曰芸窓紀愚何先生自述也先是先生以詩二帙寄示庭則既不揣而校正之矣已復出其所為叙記誌銘墓表及祭文之屬凡若干篇而命于庭以校且曰吾子其序我于庭于先生無能為役而自惟事先生且三十餘年知先生者莫余若詎安敢以不文辭蓋嘗論文竊有感于古今之大較云 國朝二百餘年詩人往往逼古而獨其文體不逮古人亡論兩漢即如

楊道行集 卷之十九 三十

韓昌黎歐陽永叔蘇氏及曾王諸人其文根柢六經抒所心得不求工句字而其神與色自躍然而見于前以彼其才力雖有大小淺深而均之各得其至近世能言之士不務本之六經而第一切釘鉅左國遷固之似濫觴至今彼其談并韓蘇而訕之以為不足為而不知其氣斷而不屬其意闕而不昌其神色又索然而不具譬之割百家之肆之錦以為衣固不如布帛之完好也區區之見獨好王文成公之文以為汪洋縱橫深得古人文章之旨然而未嘗敢以告人



云乃茲讀先生文則見其抒自性靈犁然成一家語其句字不斤斤摘舉如今人而其氣昌其體厚如風行水上行乎其所得不行而止乎其所得不止蓋至是而窺先生之一斑矣先生自為縣令歷御史卿貳至尚書填撫我邦其品行則人人能言之不具論直以先生之文春容爾雅而其不詭于古法又如此此所謂仁義之人其言藹如而竊以為王文成公之文不過是也古人每以文章卜人事業庭嘗慨走今之文以為枯澁如簞子而譎奇如鬼域不可識其

楊道行集

卷之十九

三

注措必不光明瑰璋而竊為世道人心憂思欲庶幾乎古之文而讀之而不可得以及今觀于先生之文而因以窺先生之業之所至固宜乎其忠實任事簡在帝心而褒然于諸名卿中若是偉也嘗怪夫南畿文靡則用先生校南畿中土氓饑則用先生撫中土急兵則使治兵急漕則使治漕以為國家之倚重先生不啻如王文成而今益信夫先生他日當必有勅旂常而垂鼎彝以與古大臣相為燦燿者非臆說也庭于先生之文卜之也詩曰維其有之是以似之此之

謂也全椒樊尹雅以庭言為不阿則相與請而壽諸梓而庭為叙其所誦法于先生者如此云

郭和州臺奠序

今親民而難亡如守若令矣而州之守尤難以彼其上之不得彈壓如大府而下之需次為省臺不如令則上下交狎視之云獨吾滁及和自以其政倨令上而不虞邇者之習于吏也始廩廩隣大府如其屬而隣大府各以其權教滁和滁和業救過不暇而其究反不若隸府者之得以洵沫于其府也不難之難乎

楊道行集

卷之十九

三

難之難而獨迎乃有餘地自非偉才定力不能而今觀華郭公是矣公為和甫數月而氓之黠而喜訟胥之舞文者亡不懾也竟而覆盆顛連而亡告者亡不理也城隍樓堞以及先聖之宮學官之舍郵使之館亡不新也平而徃省而析楊爬搔而窳窳亡不井井就中東也其白事于監大夫及直指使者赫蹏奏記亡不洒洒易觀也百里之境以及下邑山川草木螟動之屬亡不油油待膏沐也有事于四方則隣壤之峻禔帶之紳亡不詣廬請也居亡何而按臺將公之



革命也檄而旌曰是治行異等者選之且露章若  
和之氓曰薦而需期法乎士曰然氓曰法為中人議  
若之何其絕異等也士曰若亦聞食蔗者之漸入佳  
境乎此語雖謔可以喻大也則相與謀于其博士曰  
盍文諸博士以請于譙楊子楊子曰夫而曹豈以一  
御史旌書為侯重而侯亦豈其以一御史旌書重顧  
一被旌而和之氓若士驩然而奔走歌舞于其途則  
政可想已 主上瑩精太平亟詔主爵氏及撫按臣  
核外吏吏甫泣而業已能其官則有旌旌之久而其  
楊道行集 卷之十九 三十  
能益驗則有薦薦而滿一考則有匭書褒褒而政成  
則有超遷去矣斯固令甲哉易之言漸也上九鴻漸  
于陸其羽可用為儀吉而公其時矣繇旌而荐荐而  
匭書褒褒而超遷以去其于承蜩猶掇之也郭公勉  
之哉猶記余守濮既被旌書則長老亟詔余以為次  
發于錮矣一乃心永乃譽毋或隳乃功余謝不忘伏  
在田間而郭公時時過存我嘉與氓若士共奔走歌  
舞于公之檄之旌則所為公告者亦不能舍守濮曉  
長老所告我也

馬尉治河榮薦叙

尉故卑而吾邑小亡丞簿其事則尉攝焉秩卑故易  
生其不肖之心事攝故難稱又其邑在淮泗之間輜  
車沓至河渠為梗于是有不時之檄檄則虞譙呵即  
亡譙呵謗謗汶汶罕有能獲上而為之薦之朝者乃  
馬君之為吾尉也稟成令君惕惕三尺夜檄盡詰盜  
聞氓乎亡何會泗上有治河之役尚書楊公楮公廉  
尉能趣以往尉書則徒步督畚鍤夜則席地而寢夏  
曝酷日中喘汗交急然不得浣睡苦蚊蝎冬寒瘰  
楊道行集 卷之十九 三十  
冰雪皮皴死如者幾一歲其役夫斃以十四而尉  
亦鰥而癯顯額至不可識然未嘗敢自以為勞也卒  
有病者親為洵沐且諭之曰吾曹以王事拮据于此  
分也幸努力竣事無佗言至所得月給市酒肉勞諸  
役夫盡感泣愿効力以故其竣工首諸邑所繇得汴  
臺薦剡皆美辭云邑紳暨博士弟子員為尉喜圖所  
以展采賀尉而徵言于余余嘗以為天下所以不治  
其獎在士大夫身家之念重而任事之實心少蓋子  
與氏之言曰有官守者盡其職有言責者盡其忠

當官而行見謂無奇而必彈射為名高越俎而不得謂任輒不自意往覲樞政一意奉公雖以懲斥心不忤悔及歸山中有過余者大則封疆之吏下逮卑官未嘗不以是規之然而其人亦罕矣乃今馬君以一尉部數百人匍匐河上衣被而燠休之其人戴之如父母而歸之如流水濱死而亡貳工完獨先將以謂實心任事者非耶搢紳之言曰吾不難任事患夫苦心力而人莫予知也然而馬尉一尉其績不過一畚鍤之為勞而督撫大臣已有知其賢而亟薦之者吾儕僭圭纆組而為天子股肱耳目百執事倘一意佐縣官之急而不卹其私而廟堂有不深知之者耶又況人臣之義急在靖其難人莫已知貶黜流放而吾心可以不愧即使馬尉不薦而吾終不敢謂尉治河亡功也洪武間馮堅以典史擢僉都御史此天遣事不可據余守漢距今不十餘年則有若趙蛟楊果皆起家振吏為縣令果費縣教民桑麻歲出官錢休戚民休戚其且不責息蛟大都倣此此兩人余所親見夫非馬君而山東人至今頌之不離口則

楊道行集

卷之十九

三十五

安可謂實心任事而世竟亡知也以馬尉之賢業已受知當道而邑令樊公又為之左推之右掖之即亡論堅其千果蛟直掇之耳是在勗之哉是在勗之哉

送樊使君治河序

今天下東苦倭虜而中原則苦河自河興虜興倭並發難而天下始脊脊需才矣河起崑崙入中國其在西北非不歲歲有衝衝虞但祛之使不為害而已獨徐邳呂梁之間其澎湃如萬馬之走諸坂而其乍淤而涸若挽舟而上之山然于漕糧為孔道于是

楊道行集

卷之十九

三十五

既防其害而又藉其利而利常不勝其害則治之尤難夫其難也故總之以河漕兩重臣部之以司空屬及各道而巡之以臺使者然其職兼而不專其責或分諉于下而獨其治河之郡同知則官有專秩而責毋他諉而其眎兩重臣及諸使者尤難之難矣夫其難之難也故詔聽兩重臣自辟舉不中制而兩重臣督于江以杜郡邑中思一當其選者已乃得樊公云先是公為御史有風裁左官非其罪既移全椒且三年政通民和前後疏荐以十數

乃環即少保楊公褚公所謂河漕兩重臣者亦心  
以公之資之望不當復以外吏濶公而獨計河漕艱  
人心惴惴非臣才有威望不可不得已而藉公亦  
人所稱從九卿復出以憂國可也 命既下兩公亟  
趣公而公亦趣僕曰方事之殷身已縣官有矣寧復  
勞佚計哉乃撤士若賦相與遮留公不可得則既尸  
而祝之社而饗之而語具余碑中矣博士蔡君魏君  
王君及諸生某某復揖于庭授之簡曰古贈行必以  
言矧微子言而于公歟則幾有當也吾子其圖之

楊道行集

卷之十九

七

唯公亦過從庭諮所以治河者乃庭則惡能言顧古  
今治河莫如禹而其知禹宜莫如孟軻氏軻之言曰  
禹之行水也行其所無事也夫以彼其足跡寧遍于  
九州而不敢以坐畫其久寧十有三載乃义而不敢  
以苟且目前之功父殛而無愠四岳咸舉而無喜啟  
辛壬癸甲而無纖髮內顧之私此大聖人之所以詒  
鴻世之功而與天地並也其為公告亦如是而已矣  
然竊觀公為御史其所論著確確天下之公泄普撤  
之三年一切便宜民而不沾沾達道以干譽以此推

之而其治河必不用私智以與河爭利亡疑也庭嘗  
以為天下不患之才患所以用其才者之未善此亡  
異故病在私心擾之耳今中原急河則用公治河安  
知倭不窺我而虜帖然不動脫方字有急則何知不  
用公而公安得遽以其身為河役即河漕兩重臣亦  
安得遽私公乎願行所無事則請公終身以之勿謂  
止以之治徐邳呂梁之河已也

北憲逸史序

楊道行集

卷之十九

七

此余外舅吳山人所輯北憲逸史也蓋山人始為諸  
生輒棄去而時時購古書然貧甚則少從其伯父職  
方公所稍得之而又與先奉直二三人為社友每藏  
書則為山人倒屣篋而山人亦喜佔僊學諸生第讀  
之而有會乎心則記即記而亡非古之人嘉言懿行  
可備省覽者越四五十一年則事日以校而案頭日以  
成帙而山人亦七十老矣會其女夫于庭廢于家而  
其好古文辭甚則山人手足帙讀曰昔左太冲之賦  
三都也門庭藩溷皆置筆紙構思十餘年而后成乃  
亡夫則無能為矣願其始而購既而讀既而據拾又

既而書之赫蹏雖其嚙不足以當禁鬱而其苦心力  
至于四五十年之久或者藉吾子而不朽乎不佞庶  
謝不敏則又問曰公之帙其類書也與山人曰余何  
知彙子則何以彙余第序其所為區區如此也于  
庭曰往劉孝標韓類苑歐陽率更輯藝文類聚其于  
徵事亦云勤矣然孝標書淫雖官位不至而其交多  
王公貴人其于購書多而取材易而率更則又人主  
令為之石室金匱之藏亡所不抽覽尤易之易矣獨  
余外舅吳山人起自蓬華老猶布衣而能考異于藝  
爾之邑據往于一畝之宮比物醜類靡所不極切而  
不浮辯而有體是孝標率更之所尤難而山人易之  
而其功百相倍也集凡十二卷曰忠節曰孝行曰友  
悌曰廉守曰貞婦曰孝女曰隱逸曰獨行曰詩話曰  
古蹟曰仙釋曰叢談皆山人所自校定云山人以獨  
行而兼儒林業已具無號山人傳中不具論而讀其  
書知其人即里嚴事山人以為祭酒有以也

送李仲白之南地官郎序

事有不可致詰者則仲白李君之轉留曹郎哉君經

楊道行集

卷之十九

三十

嘗且六七年其治行于江以北為第一即監大夫諸  
臺使者亦亡不以第一治行疏君也大都言君提三  
尺則梗陽人亡所溷爰書而其燭覆盆而額肺石即  
有所榜楊與有所論為鬼薪城旦者而要之乎鏡之  
空而水之止矣藉令擢君為銓郎登明選公不入山  
公啟乎為省為臺不令豺狼避道路乎而不謂有中  
君者道重得一地官郎又南曹以去此所跡不厭尸  
而祝之之心而為君爭脫也雖然使仲白而庸衆  
人也則可使仲白而高明特達人也則豈其有執微  
不平見顏色者而曰是區區者而不畀余蓋高皇  
帝設六曹郎以贊其長而其勢與省臺兩相持又兩  
相重也自有口吻者能以其口吻為忤焉而重而有  
爪距者又能以其爪距為忤焉而重而群兒始自相  
貴詡詡矣抑鴟之腐鼠不足以嚇鵩雛而矧豪傑士  
堂堂陸陸彼誠有所托于三不朽之林則三光且為  
我銷山川草木且為我鑠而豈其以區區軒輊為庭  
為郎蓋嘗倣霍南海遺議疏言于朝而憾者以為  
侵官至必甘心焉而後罷聞嘗與仲白咨咨言之仲

楊道行集

卷之十九

四

白為余歔髯拍席嘆竟酒廼今仲白亦以骭髀為  
此官也留都極其地不為不重飛輓之艘不于址  
則于南而郎時時識其奇贏出入之數其責不為不  
重 國家熙洽留曹尤委蛇長江可為醪醑鍾山可  
為吟案郎從容了公事積資出為郡太守倨百城上  
其體貌不為不重仲白高才幸以其間益明習 國  
家故事而用其緒于古文辭機其含沙者幸不勝其  
扼腕者則仲白之移秩清要且暮遇之而脫也次第  
及于二千石及大寮奚不可也和氏之璧其事重至

楊道行集

卷之十九

四十一

于設九賓償十五城而方其世無知之不免于三刑  
其足夫今之拔自沉淪論定而至大吏者其初非抱  
玉而見則者耶咄咄仲白自願璧完則何十五城之  
有然余觀仲白其于勢利若浼而唯好善唯恐不及  
即以此之踈賤而獨傾倒于余繇此以談即使仲白  
一日而為公卿惡足重仲白仲白所自為重固在彼  
不在此滁州守王君和州守郭君暨其屬攝全椒事  
俸業君來安令冷君舍山令李君余謂君行宜有贈  
而又稔不佞庭以筆札辱知于君故相與徵余言

同為叙其大凡如此

送郡守王公入覲序二首

滁守王公入覲其僚葉君以贈言請于部人  
楊子庭故序為郎職方司與公同庚辰榜而進者于  
庭編觀郎重所儒說及所尸祝故太守不言言宋歐  
陽公也公與公同隸龍圖直學士謫知滁遭時休明郡  
闕無事日與公相率山水間以自娛今所派傳醉  
翁詩樂二記可想已然崔太史銑猶誦其放達有晉  
人風以為宋之君臣習為偷安而何恠乎其國之不

楊道行集

卷之十九

四十二

競雖未可以是訾歐陽公而亦不敢謂崔太史之言  
為非是也漢吏種田蒔蔬效功阡陌日不暇給率以  
為常以故耳目不習于廢而吏治蒸蒸近古則豈其  
濶畧文罔而弛置自便如宋時乃今王公繇天官郎  
等而環滁之山水入我 明二百許年其所飭治樹  
蔭亭榭佳木之勝又大倍于宋足以抒遷人牢騷悵  
邑之感而大業其壺觴嘯歌之興又能長詞客睽目  
岸幘之傲而易生其屑越民事之心唯王公獨回否

若夫官猶郵也吾可以成心腎郵乎既在官而  
微不平見顏色而獨揖意治郡事如其家養起坐  
上處分縷縷至丙夜廢眠食每行部見耕餉輒停車  
問氓所疾苦訟于庭量扑其負者而散遣之其稅訟  
財取足而已既亡羨金而又罕析楊榜掠之獄庶乎  
如此又其人故長者抑抑小心每郵客至逐之郊俗  
牢禮焉而別以彼雖謫居而其風夜在公祇服尺幅  
有不敢以惱心愉志于佳山水者其脉醉翁何如也  
又醉翁記記賓客第言其從游山飲酒深聞其加禮

楊道行集

卷之十九

四

干境內之賢者如漢吏所述堂舍蓋公榻延徐稚事  
豈無其人歟抑有之而不見禮歟庶最不才于世亡  
所比數而公時時枉車騎而過庭頃又禮而致之于  
郡問所不便于民者凡此皆滁人所不得有于歐陽  
公者而公有之又其察其屬亡不象公指者即葉君  
亦以遷入倅郡而攝吾椒一稟成于公而邑大治歐  
陽公曾有是乎母言古今人不相及論定而後安知  
郡乘所稱說及尸祝不于歐陽公而于公繼令公與  
歐陽公並祀賢宗當必有棟治體而左相矣

公如崔太史者主上瑩精太平思用舊德而公以  
良二千石入見褒然異等于漢制當錫黃金駟馬不  
則賜環如歐陽公故事行乎快之哉雖然以庭之伏  
在田間鑿坯立稿而賴公以披豁其岑寂而記存其  
饑寒一旦為有力人奪之去此其于情為何如也夫  
情所不能別此在部氓且不能亡言而况與公全年  
進者也

又

自縣侯置守而三年一計吏所繇來哉明興而宇

楊道行集

卷之十九

四

以內其為省者十三省為司者二每入計其長各帥  
其列郡太守以後而殿最其屬以聽于冢宰獨兩畿  
輔其郡不隸省而得自白事如藩臬至所稱吾州又  
不隸郡而得自白事如大府守滁者為湖州王公云  
先是以邑令高第入為南天官郎中而會有所忤于  
當事者竟用遷人例出知滁其明年郡國當上計而  
滁體貌雖稍稍脉藩臬大府顧其于公之望之資之  
階亦甚絀矣上方采廷議詔眷甄守令旌其尤而  
脫主爵氏言滁州守于治行為天下第一則公且入

為九卿列在交戟下而滁詎得久留公耶全椒滁屬而令樊君檄治河于徐惟倅葉君攝令事公且行出祖于是樊君亦以役竣返與葉君各餞公而教諭蔡子訓導魏子王子亦戀戀板公轅不能別唯部埃楊子執爵而進曰諸君送公志戀也請皆賦以當驪駒庭亦以觀諸君子之志令樊君賦采菽楊子曰吾哉入覲于王公簡古也公而匪紆福將焉往攝令事葉君賦黍苗楊子曰參佐之待命于太守也閔閔焉如百穀之仰膏雨焉若淵終其闕而教督其所不及以楊道行集

卷之九

四

惠泰省定沾沾被一郡皆惟葉君賴之公曰不佞在此敢傳部以內無膏子葉君拜樊君及三學官皆拜蔡諭賦六月公曰吾不堪也楊子曰文武為憲公其有焉覲竟而安知不遂庸公于樞筦帷幄之間以襄東征而佐天子而其屬楚拭目望之魏訓賦其棠曰公而歸朝二三子之願也母亦唯是遺愛在郡而敢忘公楊子曰吾王訓賦桑扈楊子曰語有之不忘恭敬民之主也福不于匪敖又奚遠矣唯楊子既觀下諸君已乃賦九罭曰自公之來而我人始獲瞻

公矣若一旦而朝廷以公歸如諸君子指則滁何賴焉且也逐人怙公如嬰歲而豈其遽令之離析悲也公曰毋庸夫不佞方以歲事覲于京師而述其職其有顯陟我弗敢知其庸以為譴我亦弗敢知唯是皇上威靈與執政大臣之明在亦唯是徵福乞靈于諸君子為之賦殷武之三章而別而楊子為之次第其語云

送廬州守范公入覲叙

歲戊戌之正月朔天子居青陽之左个受萬方朝楊道行集

卷之九

四

于是藩臬郡邑之長各輯瑞至如故事而廬州太守豫章范公自郡往其察司理李君新入為南民部郎而故嘗與全椒人楊子庭善伯定則使使請曰督不佞辱以職事從郡公而公幸嘉與其愚而教督其所不及公今行宜有言贈贈言其如子唯子寔重圖之庭故徵之廬之人之口則公于今治行為第一即徵李君命豈其當吾世而亟失公蓋嘗竊觀郡太守職在備德意惠養元元而其要不過乎聲吏漢二千石勤相民至瑣瑣令口種榆百本種五十本葱一畦而



人主亦聽守自除置其屬如所記換頰陽粟兩令及  
鎬高陵慄陽亡治狀者吏治所繇蒸蒸盛豈虛也哉  
明興而郡太守權輕于漢然使各屬操登其諸屬吏  
而諸屬吏亦各象太守指則政平訟理而民安得有  
愁嘆聲余以故咨咨庶幾乎古之良吏者思欲為之  
執鞭而不得乃廬介江淮間號為僻腴而其民歲若  
稷流殍相屬吏實緣為奸不可禁止自范公來為之  
櫛比而爬搔之而禱者雖梗者釐矣為之恭亭其疑  
而散遣其闕而肺石者額析楊者省矣為之課其子

楊道行集

卷之十九

四七

弟而加禮其鄉大夫而衿謳于蠻紳誼千里矣余不  
悉公之政之詳而知其為廩廩德讓君子也亦不悉  
公之所以率諸屬吏而知諸屬吏之斤斤稟成于公  
也今其以方岳入覲而一時諸二千石有能先公者  
耶 上既俞言官言亟徵高等郡守入為九卿業已  
前茅于茲而行于公媿之矣脫也以廬父兄子弟不  
釋之故而令公仍以中二千石歸廬計必錫公黃金  
璽書問何以治章章如是公故長者必亡所陳說  
而一切歸寵業于 朝廷則又安所藉區區一議曹

教我也抑余猶有言公職登更而吏治必始于容澤  
制郡守得自辟舉乃李君之多所平反其所受成象  
指于公為最而其有造于江以北人非淺鮮乃重垂  
博一留曹郎以去此真公之所亟欲潔白而吹嘘之  
者而况遵會上計當事者亟問公乎昔朱邑繇北海  
守入為大司農則張敞勸其貢荐賢士大夫多得其  
助而歐陽公為南京守亟稱其推官蘇頌于朝頌率  
為名臣不負歐所賞庭雖無能為敞役而于公不敢  
不盡區區之愚乃李君則何慚頌而公業賞鑒如歐

楊道行集

卷之十九

四八

陽公矣其無令朱邑獨獲荐士之譽而庭與敞亦與  
有聲施乎哉

贈葉倅攝椒更攝部事序

長沙葉君之倅吾滁也而前已攝令事于吾椒則又  
辦于是椒之人洵沫君忘乎其為攝也而日夜引領  
而望曰庶幾其真我令乎會滁太守稱計吏而其篆  
于故事必以畀之旁大府之貳之良滁之人則又日  
夜引領而望曰我倅在庶幾其攝我守乎監大夫用  
是徵君亦其稔器君之故滁人以君譚而歸全椒人



爭之境而不得已于滁或問楊子倅與長不同乎曰  
不同倅分而長核倅者受成長者自為政者也然則  
長椒之與長滁同乎曰滁禁倅我我帥以聰雖猶之  
乎攝厥施廣矣集君辦倅又辦攝長者何也楊子曰  
倅長者寓也簡禁者投也隨寓而辦迎禁而刺者具  
也夫天下有必才者也才小則局大亦局捕戎之不  
可以為梁局于小也故黃次公為三公功名損于治  
郡函牛之鼎之不可以烹鷄局于大也故龐士元非  
百里才惟夫委蛇其道一龍一蛇大之則幹旋乾坤

楊道行集

卷之十九

四九

而小之亦試之卑官小吏而輒効斯至人之通才而  
幹濟之偉具已乃今觀于集君望之溫溫如處子而  
肇肇恢恢動見迎刃投之倅則倅投之令則令已又  
投之守則攝守藉令錄攝得真海至大吏其局寧可  
量耶或曰隳君嘗令而歟美至是而輒肇肇恢恢者  
何也楊子曰此君之所錄以肇肇恢恢也夫刀不百  
淬不銛士不百折不見鍛而史史而諸斯驥驥所以  
汗血于羊腸之坂而卒以千里稱哉陵陽之璞剖而  
為璧人主為之齋見而償十五城而其始不免于則

是樂君泣王矣今遇之矣而肇肇而恢恢茲固其  
十五城時矣然則其使攝者何也楊子曰攝者涉也涉  
水知水涉吏知吏涉者所歸需于真之途也漢制守  
郡守或京兆尹滿歲為真而我明亦爾署郎中員  
外郎試御史君所稱攝則何詎不以真界之乎古之  
既者必有所先攝十二牛先以乘韋賜吳夢壽之鼎  
先以乘馬加倅國家有遂庸君為真今真太守則  
攝固君之責也我留君于椒及滁毋為  
別力人奪之去也椒學博魏君王君厚君誼至厚  
而念君將舍椒而滁于是以諸生仁有嶧乞余言而  
余為言如此

楊道行集

卷之十九

五

奉送 太子少保戶部尚書褚公 特恩予告

叙

以今觀于褚公進退與 天子所以待褚公不猶然  
古之道哉古王者之于大臣也稔其賢則任之任之  
而以私請則慰留之慰留之而不得則異其禮而遣  
之而古大臣之方肩事也如家督之視其家也  
功成名立而不居也如行千里者之也于負也

臣之軌也粵稽方策亡逾伊周周公成臣義不得哉  
乃伊尹既以其身幹旋天下之難而寧冒天下不韙  
之名已遂告老而退若脫屣故其書曰臣罔以寵利  
居成功嗚呼三代以還而其脫然于寵利之途者亦  
罕矣獨漢常賢以丞相致仕人主為之錫黃金安車  
駟馬以歸修為盛事而唐綠野之裴香山之白嘗時  
猶以未盡其用為恨而余竊服其止足之為高也乃  
今數百年後重見吾師褚公云始褚公以少司空  
得請家居且十年天下望公如威鳳恨不一日而翔

楊道行集

卷之七

五

翩儀諸廷也已即家思公貳計部督京度亡何而漕  
臣缺上念淮泗湯沐鄉而歲飛輓四百萬石跡淮  
走京師為咽吭最鉅而募徵任事不二心之臣不足  
填撫而公所繇不得辭于拜命矣公至其疆一意以  
急公家而甦元元之困所拮据壁畫井井斬斬蓋不  
下堂皇而其精神即兩畿諸行省外亡所不注者不  
煩教令而其惻怛即文武部吏及部氓艘卒之心亡  
所不通者不事榮儀而其誠懇即部內之名山大川  
河伯天吳之屬亡所不冥格而象指者用是奏膚功

而進青宮少保矣而公之心猶且歆然若虛退然不  
居乞骸之章亡歲茂有天子既重違廷臣及百姓  
之意而以東南之半壁授公又重違公意而疏十餘  
上而後允至于御史之代為請與公之舉巖穴以自  
代而益知公之苦心至于詔俞暫攝勅所司起居  
以聞而益知上之不得已于聽公有如失左右手  
也全椒令樊子以語楊子曰夫公六十五而強飯又  
八子而才也衡以是知公之于造化也其取之也若  
出稊粟于太倉母或謂其受之也若濶百川于東

楊道行集

卷之七

五

海若母或滿也勞而予之告休而以玄纁駟馬徵此  
人臣之異數而造物者之所獨不靳于公也公行矣  
安石起于東山涑水召自洛下公且暮過之矣楊子  
曰否否子謂朝廷必召用公為異數而公亦必分  
猷錯事之為報君乎夫國有勞臣里有祭酒而節  
其力于風波震撼之中使之為鴻之冥為鵬之息此  
數之尤異而不必其以官為家者也且也得請而歸  
僮以耒婢以臼陶陶乎樂也對酒而歌比于擊壤之  
老亦所以答竟也質行而人胥化之子弟不敢以譏

見于家賈不敢以謫見于市士不敢以謫見于庠鄉  
大夫不敢以謫見于里為彥方為仲弓不必其卿與  
相也而况乎天下躁于進而公務以退風之天下競  
于取而公務以舍澹之天下捷于健而公務以倦休  
之則于世道何所不裨乎人心何所不正而願彼之  
艷而此之咨耶于是樊令楊子相與讚歎不置而楊  
子為之次第其語

和州倅姚君臺獎叙

始和守郭大夫之被堂獎也余以言賀且譖之曰境

楊道行集

卷之十九

臺

如食蔗薦漸之矣亡何果薦而其察姚君亦以倅郡  
之未替而獎獎君者即薦郭大夫之褚公所稱江以  
北大填撫者也公察吏最精覈獎姚君不即薦亦其  
不得已于君之俸之淺而姑待之云郭大夫顧余余  
起前賀大夫謝曰不佞不意儼然登薦書也唯是姚  
君以進士為商丘令治行冠兩河云而會有所忤  
而倅吾和亦云絀矣則豈其以一臺獎重而不佞亦  
豈其以一臺獎為君重抑猶憶吾子之譖食蔗也繇  
獎而薦而遷其于君直掇之哉以不佞代置郡長

觀君之治之有譽于上而割之以為華唯吾子

言是藉楊子曰余于姚君而知直道之猶在人心  
也何者始君之令而驟也世惡有一意佐元元之急  
如酌丘而不免于彼婦之口庶吏安可為也則有腐  
心扼腕而謂蒼蒼不足據者矣乃其倅和州仍親民  
也倅眎令非秩峻而易以獲上也其奉職循理而洵  
沫煥休其民猶商丘也聽于守非若令之自為政也  
泣不數匝月非浹于三四年之久也其恭謹膺臚而  
事貴人非阿于為令之日也然而和之氓曰賢并與  
楊道行集 卷之十九 臺  
紳曰賢其實大夫又曰賢以至于御史大夫之填撫  
我者亦又下檄展采而勞君曰賢則信乎直道之猶  
在人心而姚君之天至是而始定矣余嘗以為郡邑  
之吏唯兩臺能以其舉賢剝不肖之權達之天子  
而唯民能以其公是公非之口聞之兩臺然而有司  
能直道以干監司之譽而不能徹匹夫匹婦之心于  
是兩臺之權不能不為蚩蚩之氓絀蓋商丘之蹶也  
所不得者權有力而所得者氓也此十一之數也未  
定之天也徐而試之和之郡之倅以徵其頌聲于民

而民載其德式歌且舞倅之監司所稱權有力如大  
填撫者至昆首而登于蚩蚩之氓而不能不下檄展  
采而勞是不稱公心乎而美之厄君于商丘者能竟  
抑之乎古之豪傑之士往往如于將莫邪然愈淬則  
愈銛愈摧挫則愈振姚君之迎刃而解也余非于其  
倅和知之也自其令而蹶卜之也何也淬而更也來  
安之長缺兩臺檄君君才恢恢于臺爾乎何有然  
要在與民便益不欲為東濕氓所繇謳歌君蓋庶幾  
哉廩廩德讓君子矣鵬之大息以六月搏以羊角而  
楊道行集 卷之十九 五

後直上九萬里茲善喻哉令而蹶息矣倅而獎監大  
夫為之羊角風矣繇獎而薦而超遷洵九萬里矣如  
余曩食蔗之譖矣

送姚君擢永城令序

既以罪謫已而召復其官曰賜環環者還也一斥而  
不復曰賜玦玦者絕也兩者均之乎君恩而賜環幸  
矣迺其繇亦有二焉其一無罪而挂忌者之口而久  
之而公論定則還其一雖不能無罪而創懲深而德  
益進則還乃今姚君之擢永城令也是賜之環而召

復其官也豈余所謂久之而公論定者歟夫姚君者  
于將莫邪余知其品之必程于用也其釋褐為商丘  
令而一意涖洙其民河以南蔑不知君之為循吏也  
其不能俯仰事貴人而貴人必甘心焉而後快余知  
其無罪而謫官也然而君之既謫也恒引以為己罪  
而其倅于和也所即而稟之長也故其言曰孔之言  
涉世也危行言孫而余并其言而危之若之何其不  
動以跌也又曰孔子之侃侃下大夫而閭閻上大夫  
也以貴貴也而貴人之甘心余也宜其及也繇斯以  
楊道行集 卷之十九 五

觀君之所付于謫者固深矣天下非亡材之患而善  
用其材之為難而古之豪傑之士往往始乎困衡卒  
乎練豫章梗楠天下知其美也然而沒于泥沙剥于  
霜雪者且數百千襍而後爾于天下曰美材故姚君  
之始而謫也所以玉成君而淬礪其質也而今之召  
復其官也稔君之質之淬而遂大授之也何以明其  
然也夫永城之距商丘尺咫也其士習民風猶是也  
質于其土而復授之非漫試之也以為其砥而嘗也  
大君之才亡弗銛也其守亡弗潔也以其銛與潔之

或不免于主校則從而懲之而其德進矣  
斥其主校而夷之矣則其銛與潔洵足以為世用  
夫于是乎一朝而昇之東城之符猶舊物也其境猶  
舊游也昔以之阻滯而今以之迎刃則動心忍性之  
効而明天子之德使人也又何以明其然也方百  
司之有職變也上未嘗不知之已知之未嘗不  
創之也然而上固無樂乎其賜珎也自非大不肖  
如庭者未嘗不量移之而獨甫菴而還其舊則姚君  
之懲創深而上之知姚君亦深也夫永城于漢為

楊道行集

卷之十九

五十一

大丘而其長至今猶陳寔彼豈有異政亦直以簡靜  
與民相安耳君下車幸為我訪父老寔之蹟今猶有  
存焉者乎古與今雖不相及然其民固直道而行之  
民也脫簡靜如寔果其民亦宜之否然凡此皆君所  
自進于謫之后而亦明主所以賜環君者余姑以  
塞和州郭使君之請如此云

司訓王君屢獎序

秣陵王君與其寮泗州魏君貢全年選全庫而其泣  
椒又全日王君開爽魏君醇實而鄉大夫楊子游

兩君開兩君各自得也蓋王君之司訓不三年而其  
被獎千監大夫者屢至是益之以撫臺褚公按臺周  
公之檄之獎而加重焉則魏君全有之二三子全函  
采賀之而不佞亦全一言張之夫庭嘗以為全宮色  
妬全賈金妬全官名妬世而偷也亡論達官顯途操  
戈相軋即廣文冷局師儒清流外習纖趨中藏城府  
或工媚要地則賁友以市其謙或沒費諸生則背交  
以私其入譬之兩鴟為攫一腐鼠遂相嚇也以今觀  
王君有是耶君為文選公孫文選公當武廟時伏

楊道行集

卷之十九

五十二

闕諫南巡杖死其後則方岳公蔚蔚有聲于君為世  
父而君胚胎前光燭張後烈又其生為豐鎬舊區彼  
都人士自為兒時固已盡交大父行天下知名長者  
乃其訓吾椒也規方為通劇異為一與人交率夷夷  
于于洞中無畦町而尤與魏君興趣而全權殊襟而  
並豁事相質痛相憐飲食相洵沫余嘗從兩君魏君  
不好弁又不喜酒兀坐悒悒竟君席罷而君談天炙  
輒浮白大噱然未嘗敢于魏君出一先後也至所為  
董正諸生應承長吏一稟成魏君曰魏君長者亡裏

繇斯以觀君之心行白日皎皎夫夫亡脛而走者  
名也不羶而附者行也紳衿之交頌監司之貪旌天  
下未有無因而至前者也一人譽之一人旁而嘆之  
者內不足也十人之長不足以厭九人之心而欲交  
吻而嚙此必不得之數也孔子之言曰獲乎上有道  
不信于友不獲乎上矣嗚呼惟魏君信君唯君信魏  
君而後監大夫信君及魏君此亦足驗其信友獲上  
之券而藉令君不值魏君而第值夫魑魅狐蜮之徒  
如余前所指者君雖賢安知其不從中妬之而竟撓  
楊道行集 卷之九 壬九

送郡守王公擢南司空郎序

有所抑而不得其平則木踰時而白然未有章章如  
王公者也公令臨川用高第召為駕部郎已長司勳  
氏皆陪京而軋公者旋據考功令以彼其剽劇邑恢  
恢若月發于鉤則豈其不給于才與力也者而蟻射  
為也逮守滁眎臨川劇而郡人尤旁乎稍稍不自得  
輒心望去或蜚語而旁四大郡屬眎滁滁亡所不嚴

事部大猶作長短紙頑徒聞留中訟藉互號  
不可禁止其類如是公故長者耻為秋荼東濕傳名  
高而所履歷井其禮士則議曹王生未嘗不敬  
受也行部而主界以來不為忤也其字氓氓  
弗率寧末之弊而猶烏可也賦于氓裁取足陽道  
州之拙僅利也其所以使陽人亡敢以賄進其馭  
胥則帖帖受是責所上下手也其提躬則不持一  
物自天性出而置其味于置孟也者蓋至于唉不  
至嘻怒不至罵大者各斷小者縷分公之才之力  
楊道行集 卷之九 壬九

淘工于承蜩一更子打鼎去監大夫之薦婁上也主  
爵氏之跡多也 上舍公南營繕郎也縣匹夫  
匹婦之誣歌而子公所之亡所不譽而肝  
心腹之披瀝而子公所之亡所不譽而肝  
公者之亟推戴公者之亟推戴公者之亟推戴  
忤舌于論定之後而不勝其與悔茲非因謂不行  
其平而不踰時而白者耶或曰留曹稀簡不足當  
在下之三以公之才之力之恢恢也業知之仍聞  
之何一楊子曰不然夫王事靡盬以之者人

之誼也出投之難入慰之暇者體君臣之道也公典  
州紹興州而滁勞矣以二十年替履之遺僕僕從簿  
書踞起北山不獨稱賢乎汲長孺不以積新慰人生  
乎乃公獨頽乎其順而曾無幾微侘傺之感此在古  
人猶難之而其于縣官恤臣之私慶矣上念豐鎬  
舊區諸曹郎優體貌而昇公佳山水間上之以其暇  
日討論朝章講求諸大政而下之亦有所眺而休  
焉以供其浮白大噓之興而以發其鬱然弔古之思  
其為我問父老昔所稱聞鷄走馬探丸貼壁之跡今  
猶有存者歟營繕即典經營造作之事以贊司空  
上方新兩宮採木川貴諸燔節不獨行在所留郎不  
為無事且也恤其勞則暫息之已息復勞之急河則  
河急虜則虜急中原則又昇公中原梗楠豫章與夫  
追風逐電之足工倕伯樂有不顧而他者耶獨吾滁  
失公與夫丘壑之人亡所徵式虛授餐之誼以自老  
故雖愉快于公之為天下用而不能不恨恨于吾私  
也公屬吏全椒尹丘君來安尹曾君暨二邑博士為  
祖道餞而授簡于不佞庭庭為序

楊道行集

卷之十九

全



ZW 21181888575177